

11

8

BIBLIOTECA NAZIONALE

XXV*

A

53

NAPOLI

Per la biblioteca di Napoli - 1874





IO. GEORGI WALCHII


P. P. O.

PARERGA

ACADEMICA

EX


HISTORIARVM ATQVE
ANTIQVITATVM MONIMENTIS
COLLECTA.



L I P S I A E

SVMTV IO. FRIEDER. GLEDITSCHII
B. FILII

M D C C X X I



PERILLVSTRI ATQVE
EXCELLENTISSIMO DOMINO,

DOMINO

FRIDERICO
GOTTHILF
MARSCHALL

DICTO GREIFF,

EX

EQVITIBVS FRANCONIAE,
QVI PROXIME IMPERIO ROMANO
GERMANICO SVBIECTI SVNT,
DOMINO IN EINOED, ERLEBACH,
ET OSSMANSTADIO,

A CONSILIIS SANCTIORIBVS
SERENISSIMORVM DVCVM SAXO-
VINARIENSIVM, ET SVPREMO AVLAE
MARESCHALLO,

NEC NON

CVRIAE PROVINCIALIS IENENSIS
ASSESSORI, AC PRAEFFECTVRARVM ROSLENSIS
ET GEBSTADIENSIS DIRECTORI
GRAVISSIMO,

DOMINO SVO GRATIOSISSIMO

S. P. D.

IO. GEORGIVS WALCHIVS.

PERILLVSTRIS ATQVE
EXCELLENTISSIME
VIR,



*P*us hoc musarum mearum, quibus colendis tradendisque consecraui animum, non potui non TIBI sacrare, hacque deuota inscriptione meæ in TE obseruantie ac singularis pietatis statuere monumentum. ea enim sunt TVA in publicam, ea in litterariam rem merita, ut, quamuis ceteros in tanto fastigio, quo IPSE es, constitutos negotiorum publicorum copia & magnitudo alienos efficiat ab humanioribus musis; TV non solum ad Principum res explicandas valeas; sed litteras quoque mira felicitate earumque auctoritatem tuearis, TVoque præsidio spem cætus eruditi semper conserues. qua publica prædicatione nullam adulationis notam metuo. satis me ab hac suspitione absoluunt tot præstantissima
incre-

incredibilis TVI adfectus erga musas earum-
que cultores argumenta, quum in tanta cura
ac sollicitudine, qua dies noctesque a salutis
publicæ custodia oculos haud deflectis, doctrinæ
liberalioris studiis semper pectus TVVM deuo-
ueas, ac summa TVA auctoritate eorum pre-
tia defendas, omnesque, qui ex litteris utilita-
tem ac suauitatis fructum colligere instituunt,
pro celsa animi virtute, pro constantia singulari
suscipias libenter, susceptos foueas, & , dato
ornandi loco, ornes cumulate. sic multi intel-
ligunt & ultro fatentur, se TVIS vinci benefi-
ciis, quorum quum memores sint musæ, id TI-
BI omnino præstabunt, ut gloria TVA vires ab
æuo, atque incrementum ab annis capiat. in
quorum numero & ego sum, meque magnam
fortunarum mearum partem Tibi debere, pie
agnosco, ac merita TVA in me, ac musarum
mearum felicitatem, quæ maxima & plane
singularia sunt, deuote semper veneror, suspi-
cione ingrati hominis me liberaturus. recorda-
tio temporis illius, quo Lipsiæ primus aditus ad
TE mihi patebat, quo suaue & humanitatis ple-
nissimum alloquium TVVM, sermoque omni
doctrina refertus deducebat me in admiratio-
nem pietatemque, delectationem habet haud
mediocrem, atque animum meum ad cultum

grate ac pie memoriæ incitat. nam quum paullo post supremus mundi arbiter atque imperator me ex Lipsia exire & ab musis loci illius iucundissimis discessionem facere iuberet, ac miranda sua prouidentia curaret, ut serenissimi Principes ac Domini academici huius conservatores me ad munus litteras humaniores profitendi publice euocarent; hac in causa fortunarum mearum TE benignissimum expertus sum patronum. ex quo diuinam vocem secutus, res meas meaue studia in hanc urbem transtuli, ut ad clementissimam Principum meorum voluntatem totum me fingerem atque accommodarem, tanta TVORVM in me beneficiorum facta est accessio, ut non possim non pie agnoscere, TE ad salutem meam tuendam, augendam, amplificandamque summa eaque benignissima contulisse studia. quapropter animus meus ad grate memoriæ ac pietatis significandæ cultum procliuus, in id curas & cogitationes semper direxit, quomodo publice declararem, quantum TIBI debeam, ac beneuolentiæ TVAE, qua me ornasti, luculentissima documenta predicarem, etiam præsidio TVO fortunas meas sartas & testas seruandas iterum commendarem. soluo igitur, quod debeo; neque vero, dum soluo, TIBI met debere

debere desino. accipies hoc opusculum, quod,
ut vides, auspicio illustris nominis TVI emitto,
ea, qua solitus es, beneuolentia, & agnosces,
spero, magis pium rectumque animum, quam
doni modum & pretium. quamuis enim TE
esse principem virorum egregiorum, qui hæc
politiora studia atque elegantiorum doctrinam
ex æquo & vero æstiment, letari possim; fa-
teor tamen, ipsum munus hoc, quod musæ meæ
TIBI offerre sustinuerunt, esse tenue atque exi-
le. id tantum velim, TIBI sit persuasissimum,
nullam curam mihi esse antiquiorem, quam ut
perpetua observantia ac pietate, quam diu fue-
ro superstes, animum submissi erga TE cultus
plenissimum significem. deum veneror, ut
TV diutissime viuas, valeas, ac litterarum
incrementis felicissime, ut facis, prospicias.

Ienæ d. i. aug. anno reparata salutis

MDCCXXI.

BENEVOLO LECTORI

S.

Vides hic parerga academica, de quibus pauca monebo, quamuis de argumentis, quæ illis explicantur, adhuc disputandi materia non deesset, si & temporis & aliarum occupationum ferret ratio. animum quippe induxi, parergis hisce varia momenta elegantioris doctrinæ ac philosophiæ, quæ & vtilitate & suauitate illustriora sunt, diligentius explanare, ac illorum studiis, quorum animi harum pulcerrimarum rerum pascuntur, consulere. primo loco deprehendis dissertationem *de fabulosa historia Semiramidis*, qua præcipue disputauì aduersus CTESIAM CNIDIVM, qui captus bello, quod Cyrus minor cum fratre Artaxerxe gessit, & in Persidem delatus ibi per XVII annos exercuit medicinam. ex ipsius monimentis præter pauca fragmenta & excerpta, quæ HENRICVS STEPHANVS, ANDREAS SCHOTTVS, GOTHOFREDVS IVNGERMANNVS collegerunt, nihil ad nos peruenit, quamuis luculenta lubricæ ac malæ fidei documenta dederit, id quod non solum antiqui, ARISTOTELES, STRABO, PLVTARCHVS; sed ex recentioribus quoque IOSEPHVS SCALIGER, HERMANNVS

CON-

P R A E F A T I O.

CONRINGIVS, BERNH. de MONTFAVCON, CHRISTOPHORVS CELLARIVS aliiq̃ue obseruarunt. cuiusmodi errores & fabulas tradidit quoque in historia Semiramidis, quippe quam primum ea, qua decet, fide ex vetustis monumentis commemoravi, ac deinde regulas probabilitatis historicae secutus exposui, quod illius sit pretium, quamue mereatur auctoritatem. equidem dissertatio hæc iam anno M D C C X I I I. Lipsiæ prodiit; heic autem istam emendatam & accessionibus non leuioris momenti auctam deprehendes, cuius rei ea tantum documento sunt, quæ de ipso CTESIA CNIDIO, de matre Semiramidis, quam fabulosa prodidit ætas, item de *Ἐργιστοπόποις*, de origine Babylonis, de Belis disputavi copiose.

Dissertationem hanc excipit *diatribe de variis modis litteras colendi apud veteres romanos*, quæ quum non mediocris antiquitatum rei litterariæ sit dignitas, cultoribus atque alumnis illarum fructum quemdam, spero, adferet, vt adeo operam meam in hoc non male collocasse videar. nam quamuis fuerint, qui ingenia sua in hoc litterarum genere exercuerunt diligenter, atque in his rerum antiquarum studiis magna elaborarunt cura, quorum noticiam præcipue IO. ALBERTO FABRICIO & IACOBO FRIDERICO REIMMANNO debemus;

mus; nemo tamen argumentum hoc a me expositum, iusto ordine, & ea, qua decet industria, est persecutus. veteres romani nominis sui magnitudinem implerunt non solum armorum peritia, sed litterarum quoque studiis, quibus a prima ætate animum tradiderunt, ex quorum discendi modo, nec non educationis atque institutionis ratione, & iucunda & vtilia exempla capere nostramque doctrinæ culturam ad ista fingere possumus.

Tertio loco videbis dissertationem *de præmiis veterum sophistarum, rhetorum & oratorum*, quod argumentum, quum LVDOVICVS CRESOLLIVS, cui debemus *theatrum rhetorum, oratorum & sophistarum*, leuiore attigisset industria, vberius ex antiquæ ætatis monimentis illustrandum eligi, & ad id præcipue studium meum contuli, vt varia præmiorum genera, quibus veteres sophistæ adfecti sunt atque ornati, distincte exponerem, cuiusmodi sunt salaria, tituli honoris, adclamationes, coronæ, statuæ, legationes, magistratus, victus publicus. nec non varias adieci observationes ex elegantiori disciplina, quæ loca obscuriora scriptorum diuinorum illustrent, multisque demonstraui exemplis, litteras humaniores, præcipue studia antiquitatum veterum gentium interpreti oraculorum sacrorum operam præstare vtilem,

P R A E F A T I O.

utilem, siue res ipsas, siue dicendi genera ac formulas respiciamus. extiterunt viri grauiissimi, qui in eo collocarunt studia sua, vt doctrinam græcæ litteraturæ, quam ex lectione scriptorum profanorum hauerant, ad codicem noui fœderis enarrandum illustrandumque adferrent, quam gloriam propriam sibi fecere ætate paulo superiore STEPHANVS, BEZA, CASAVBONVS, HEINSIVS, PRICAËVS, GROTIVS, ERASMVVS SCHMIDIVS, STOLBERGIVS, & nostra memoria HENRICVS HAMMONDVVS, IO. CLERICVS, LAMBERTVS BOS, GOTTFRIED OLEARIVS alii-que. nec ipsis horum studiorum felix defuit euentus, quum non solum multarum vocum ac formularum, quas scriptores fœderis posterioris vsurparunt, auctoritas firma; sed & vis significandi ex profanis græciæ libris vindicari atque ostendi, adeoque suspicio loquendi generis barbari remoueri ac via ad rectam sententiam parari possint, si modo tale studium cum cautione quadam instituatur.

Sequitur diatribe de *amœnitatibus historicis ex Ciceronis peregrinatione collectis*, qua verba CICERONIS, quibus ipse iter suum litterarium commemorat, illustraui, multaque collegi de Athenis, scholis Atheniensibus litterariis, præceptoribus Ciceronis, de Asia, eiusdemque litterarum

rum domiciliis atque eloquentia Asiaticorum oratorum, deque re litteraria Rhodiorum, quæ cultoribus antiquitatum grata fore, confido. hæc dissertatio quidem anno M D C C X V Lipsiæ prodiit; aliam autem iam faciem præ se fert, quum & multæ factæ sint accessiones, eaque, quæ breuiter erant dicta, copiosius tradita, & varia momenta meliori studio emendata fuerint. habes deinde exercitationem historico-philosophicam de *atheismo Aristotelis*. primum generatim disputaui de varia existimationis Aristotelis fortuna, quæ omnino fuit dubia; quum alii doctrinas illius cum scripturis sacris voluerint conciliare; alii vero ipsum in atheorum ordinem adscripserint. quibus expositis ad opus atque argumentum dissertationi huic propositum sum aggressus, atque obseruauit, quod partim doctrina philosophiæ Aristotelis, siue ad speculationem, siue ad mores humanos spectet, ad atheismum viam possit munire; partim ipse philosophus sua mente nullum de deo ac diuino cultu sensum & studium habuerit, id quod posterius probabili ratione adfirmaui. atqui hoc discrimen inter atheismum doctrinæ & ipsius auctoris, quod satis est apertum ac firmum, diligenter ante oculos proposui, quum hoc neglecto, non possint non ea, quæ distincte tractanda

da

da sunt, perturbari, ac sæpe sine caussis philosophi adcusentur atheismi, a quo animus cuiusdam interdum alienus est, quamvis ipsius doctrina ac præcepta ad istum quemdam perducere queant. quid præstiterim, quisque ad æquitatis rationem iudicet, nullo prauorum affectuum studio captus, qui rationi inimici mentis oculos aciemque perstringunt atque impediunt, quo minus quid in quaque re verum ac falsum sit positum, videamus. in eam sententiam, quod Aristoteles male senserit de deo rebusque diuinis, iam alii quidem sunt ingressi, quorum in ipsa dissertatione a me facta est mentio; nemo tamen argumentum hoc ea ratione atque industria, qua id copiose persecutus sum, exposuit atque accurate principia, quibus Aristotelis doctrina & rerum naturalium & moralium nititur, examinauit. ex quibus omnibus non obscure colligi potest, quam misera philosophiæ fuerit conditio superiori ætate, quum & in scholis christianis Aristotelem vnice sequerentur, ipsum pie colerent veluti oraculum philosophicum, effata eius sancte ac religiose haberent, de quo acerbissimo seruitutis iugo diuino numine repulso, nobis gratulamur merito.

His accedit diatriba *de entusiasmo veterum sophistarum & oratorum*, de qua scribenda

P R A E F A T I O.

benda cogitandi materiam mihi dedit PHILOSTRATVS, cuius opus memoriis veterum sophistarum celebrandis consecratum, quum studiose perlegerem, obseruauit oratorum exempla, qui diuino afflatu se incitari crediderunt. quam in causam partim CRESOLLII *theatrum rhetorum*, partim scriptores de enthusiasmo, MERICVM CASAUBONVM, HENRICVM MORVM, HENNINGIVM, IO. GERDESIVM & alios adii, vt quid lucis ex illis peti possit, viderem, qui quum multa momenta industriæ meæ relictæ esse deprehenderem, mentem meam eiusque consilium confirmarunt. quapropter hac dissertatione id egi, vt varia enthusiasmi huius genera ex antiquis monumentis distincte exponerem, etiam in causas illius curatius inquirerem, id quod copiam mihi fecit, veterum doctrinam de dæmonibus atque hominum cum illis congressu tradendi, etiam historiam sophistarum illustrandi, in qua quamuis CRESOLLIVS insignem posuerit laborem, multa tamen, quæ diligentius ac maiori cura exponenda sunt, reliquit, vt dissertatio, quam meditor ac paro *de inuitatione oratoria veterum sophistarum* testari debet. subiicitur huic *historia logicæ*, de qua bene meriti sunt PETRVS RAMVS, BARTHOLOMAEVS KECKERMANN, GERH. IO. VOSSIUS, PETRVS GASSENDVS, IACOBVS

COBVS FRIDERICVS REIMMANNVS & alii, quos copiose prolegomena historiæ huius recensent. quorum studia quum animo meo cogitarem, fateor me facile a proposito de historia logicæ scribenda fuisse abductum, ne post clarissimorum virorum labores Iliadem post Homerum in lucem producerem. contra quum animo pensitarem, aliorum historias neque ad nostram vsque ætatem esse perductas, neque fata ipsarum doctrinarum attigisse, neque ad id perfectionis fastigium peruenisse, vt nullæ accessiones fieri possent; non frustra operam consumpturus videbar, si historiam logicæ hac forma rationeque adornarem, vt & notitiam scriptorum logicæ, qui hanc disciplinam commentationibus suis ætate & antiqua & media & recentiori illustrarunt; & fata ipsarum doctrinarum traderet. quibus de causis tres libros constitui, quorum primus *de origine artis logicæ*; secundus *de progressu ac fati logicæ*, tertius *de varia estimationis logicæ fortuna* disserit, ex quibus secundus recenset varios logicarum scriptores, atque exponit originem, progressum & fata doctrinarum logicæ, nec non varios modos istam tradendi. atqui hac ratione, si deus velit, historiam aliarum doctrinarum philosophiæ *metaphysicæ, physicæ, ethicæ, iurisprudentiæ ac theologiæ naturalis*

naturalis & politicæ adornare animum induxi, atque efficere, ut parerga nostra academica cultoribus philosophiæ & historiarum vtilitatem quamdam adferant. illi enim, qui adhuc sibi persuaferunt, historiam litterariam absolui sola scriptorum & librorum notitia, a vera illius indole cognoscenda discesserunt, quum fata & scriptorum & librorum & doctrinarum explananda sint, quod postremum momentum a multis, qui huic historiarum generi operam dederunt, aut plane prætermisum, aut leuiore industria fuit expositum. tandem videbis hic diatriben de *orationibus panegyricis veterum* cum græcorum, tum romanorum, qua diuersas harum orationum species recensui, ac veram illarum originem demonstraui, principes oratores, quibus sermones panegyricos debemus, commemorans.

Hæc igitur sunt momenta, quæ hæc parerga academica complectuntur, ex historiarum atque antiquitatum litteris collecta. cuiusmodi studia qui haud abiiciunt, illis operam non plane inutilem aut ingratam me præstitisse, confido, in eo posthac elaboraturus, si aliarum occupationum ratio sic ferat, ut opus hoc feliciori continuatum euentu in lucem prodeat publicam. Ienæ d. 1 aug. anno reparatæ salutis M D C C X X I.

EXERCITATIO
HISTORICA
DE
FABVLOSA
HISTORIA
SEMIRAMIDIS
ADVERSVS
CTESIAM CNIDIVM.

Σ Τ Ν Ο Ψ Ι Σ.

Quam incerta omnia sint in historia de rebus Assyriorum, demonstratur §. I. de genere Semiramidis §. II. de ipsius educatione, maturiore ætate ac matrimonio §. III. quo modo Semiramidis ad regiam dignitatem pervenerit §. IIII. de operibus Semiramidis §. V. VI. de ipsius expeditionibus §. VII. indole corporis atque animi §. VIII. de extremis fatis §. VIII. sepulcræ monumento §. X. de fide historica generatim disputatur §. XI. num fuerit Semiramidis? §. XII. contra auctoritatem Ctesie Cnidii copiose differitur §. XIII--XXI. pluribus ostenditur, quam fabulosa sit Semiramidis origo §. XXII--XXVI. & educatio §. XXVII--XXVIII. num Semiramidis Babylonem condiderit aut ornaverit? §. XXX--XXXIII. historia de Semiramidis expeditione Indica reiicitur §. XXXIII. num fortitudinis laudem mercatæ Semiramidis? §. XXXV.

Qui historię monumenta vel leuiore industria perlustravit, quibus ea, quæ in Assyriorum imperio industria sunt, vel breui summa, vel iusto elaboratoque opere traduntur, is facile historicorum modo negligentiam, modo prauitatem ingenii ac animi poterit adculare. siue enim ad regni illius primordia; siue ad ipsius amplitudinem & diurnitatem; siue ad regum administrationem; siue denique ad finem eius atque interitum aduertamus animum, ubique quod dubium est, inuenimus. ita quæ tradita sunt de initiis regni Assyriorum, auctorum sententiis discrepant maxime. namque sunt, qui *Ninum* regni illius auctorem produnt, uti non solum *IUSTINVS*,¹ qui sub Antonino Pio *TROGV* in

¹ lib. I. c. 1.

sum-

summam contraxit; sed & DIODORVS SICVLVS, ¹ quum ait: πρῶτος δὲ τῶν εἰς ἰσορίαν καὶ μνήμην παραδεδομένων, Νῖνος ὁ βασιλεὺς τῶν Ἀσσυρίων μεγάλας πράξεις ἐπετελέσατο, *primus inter eos, quorum historiae memoriam propagarunt, Ninus Assyriorum rex res magnas per-*
egit; & OROSIVS ² testatur, omnes historia-
 rum veterum auctores incipere a Nino. alii,
 ex quorum numero GEORGIVS SYNCEL-
 LVS est, qui IVLII AFRICANI EVSEBII-
 que chronographorum fragmenta seruauit,
³ *Belum* primum Assyriorum regem ponunt,
 a qua sententia alii discedunt, quum plura
 Babylone, quam in Assyriis vestigia Beli, reli-
 gio, templum, monumentum fuerint, nec ipse,
 neque successores vtrumque coniunxerint
 regnum. dantur quoque, qui *Nimrodum* id
 condidisse adfirmant, quæ opinio multorum
 seculorum consensionem habet: quo nomi-
 ne vt fidem hanc dissimilem conciliarent, ope-
 ra adlaborarunt non vulgari grauisimi ahi-
 storiarum litteris clarissimi, qua de re consulas
 PETRVM IOSEPHVM CANTELIVM ⁴
 C. S. SCHVRZFLEISCHIVM ⁵ VLRICVM
 HVBERV. ⁶ nec imperii Assyriorum diu-
 rnitatem genuina & indubitata fide litte-
 ris consignatam tenemus, quum alii annorum
 numerum nimis amplificant; alii corruptum
 illum tradunt. regnum illud ultra annos
 cIo cccc stetisse ex CTESIA CNIDIO
 commemorat DIODORVS SICVLVS, ⁷
 quamuis paullo ante in ea fuerit sententia,
 quod regnum hoc ad Sardanapali ætatem flo-

¹ lib. II sub init. ² lib. II, cap. 2. ³ p. 96. 206. edit. Pa-
 ris. ⁴ obseru. in Iustinum. ⁵ oper. hist. polit. p. 5. ⁶ ci-
 vil. hist. lib. I. Sect. 2. cap. 2. p. 11. ⁷ lib. II. c. 21.

fuerit per annos πλείων τῶν χιλίων καὶ τριακο-
 σίων ἔτιδ' ἐξήκοντα, *plus quam 1360* qua CTE-
 SIAE auctoritate permoti multi pro huius-
 modi antiquitate Assyriorum regni propu-
 gnarunt, prout illud durasse per annos
 cło CCC TROGVS apud IUSTINVM ¹ scri-
 bit. AVGVSTINVS vero ² habet annos
 cło CCCV. VELLEIVS PATERCVLVVS ³
 cło LXX. EVSEBIVS ⁴ cło CCXL. SYNCEL-
 LVVS cło CCCCLX. verum HERODOTVS ⁵
 ardentioribus regnum hoc terminis includit
 & annos DXX. ponit: Ἀσσυρίων ἀρχόντων τῆς
 αἰῶνος Ἀσίης ἐπ' ἑτέα ἑικοσι καὶ πεντακοσία, πρώτοις
 αἰπ' αὐτῶν Μηδοὶ ἡρξάντο ἀπέξασθαι, *quum Assy-
 rii superiori Asia imperassent annis DXX.*
Medi priini ab ipsis deficere caeperunt; quem
 numerum multi recentioris ævi CONRIN-
 GIVS ⁶ CELLARIVS ⁷ GRAEVIUS ⁸ MARS-
 HAMVS ⁹ BVDDEVS ¹⁰ alique maioris ef-
 fe fidei adfirmarunt. de ipsis regibus eorum-
 que ordine ac numero nihil habemus certi,
 nisi quæ oraculis diuinis legimus inserta, sed
 quum ista tantum regum nomina declarant, pa-
 rum ad adcuratiorem pertinent notitiam. mis-
 sis iam ceteris, quæ sunt malæ fidei, unam *Se-
 miramidem* ex aliis, cuius opera stupenda fa-
 ne multi vetustioris ætatis prædicant, in præ-
 sentia examinabimus, quod curatius nobis
 peregrisse videbimur, si feminæ huius virilis
 animi, vt traditur, originem, res gestas, præ-
 clara alia facinora & fata demum extrema per-

¹ lib. I. cap. 2. § 13. ² de C. D. lib. XVIII. c. 21. ³ lib.
 I. c. 6 §. 1. ⁴ chronic. n. 1137. ⁵ lib. I. c. 95. ⁶ ad-
 uers. chronolog. de Asia & Aegyptior. antiqu. dynast. ⁷ dissert.
 acad. p. 61 ⁸ ad Iustm. lib. I cap. 2. p. 9. ⁹ canon chronol.
 p. 521. ¹⁰ hist. eccl. V. T. t. 1. p. 229. 467. 970.

spicue ad contemplanda prius proposuerimus.

§. II. Genus Semiramidis reginæ Assyriorum non generosum antea, ut in aliis gentibus non paucis extitisse, postea vero ad summam nobilitatem regiumque fastigium peruenisse, aiunt. nata dicitur a Dea Syria, quæ *Derceto* ac *Derce* adpellatur, prout *Diodorus Siculus* ¹ qui Semiramidis momenta verbosius persecutus est, de patria ipsius atque origine, ita disputat: κατὰ τὴν Συρίαν τοίνυν ἐστὶ πόλις Ἀσκάλων, καὶ ταύτης ἐκ ἀποθεν λίμνη μεγάλη καὶ βαθύεια πλήρης ἰχθύων. παρὰ δὲ ταύτην ὑπάρχει τέμενος θεᾶς ἐπιφανῆς. ἦν ὀνομάζεσθαι οἱ Σύροι Δερκετῶν. αὕτη δὲ τὸ μὲν πρόσωπον ἔχει γυναικὸς. τὸ δὲ ἄλλο σῶμα πᾶν ἰχθύος, διὰ τινος τοιαύτας αἰτίας, μυθολογῶσιν οἱ λογιώτατοι τῶν ἑγχωρίων, τὴν Ἀφροδίτην προσκόψαι τῇ προειρημένῃ θεᾷ δεινὸν ἔμβαλεῖν ἔρωτα νεανίσκῳ τινὸς τῶν θυόντων ἐκ αἰδῆς. τὴν δὲ Δερκετῶν μετῆσαν τῷ σύρῳ, γεννήσαι μὲν θυγατέρα, καταχυνθεῖσαν δὲ ἐπὶ τοῖς ἡμαρτημένοις, τὸν μὲν νεανίσκον ἀφανίσαι, τὸ δὲ παιδίον εἰς τινὰς ἐρήμους καὶ πετρώδεις τόπους ἐκθεῖναι, est in Syria urbs Ascalon, a qua non procul ingens & profundus lacus, piscium copia abundans & in vicinia illustris deæ templum, quæ Derceto Syris vocatur; facie mulierem & toto alio corpore piscem referens; idque has ob causas. accolarum hic disertissimi fabulantur, Venerem ab illa offensam, aerem iuuenis in sacrificantium turba non inelegantis amorem deæ iniecisse: susceptaque ex complexu Syri filia, quum facinoris eam puderet, iuuenem necasse puellulamque in petricosum

quemdam locum ac desertum exposuisse. LVCIANVS ¹ vero ait: αἱλοὶ δὲ Σεμίραμιν τὴν Βαβυλωνίην, τῆς δὴ πολλὰ ἔργα ἐν τῇ Ἀσίῃ ἐστὶ, ταύτην καὶ τὸδε τὸ ἔδος εἰσαοῦσαι νομίζουσι. ἢ καὶ ἤρῃ δὲ εἰσαοῦσαι, αἱλὰ μὲν τῇ ἑαυτῆς. τῆς Δερκετῶ ὄνομα. Δερκετῆς δὲ εἶδος ἐν Φοινίκῃ ἐθνησάμην, θῆμα ξένον. ἱμισίη μὲν γυνή. τὸ δὲ ὁκόσον ἐκ μηρῶν ἰς ἀκρὰς πόδας, ἰχθύος ἔρη ἀποτείνεσθαι, alii autem Babyloniam illam Semiramidem, cuius multa per Asiam extant opera, hoc templum consecrassse putant, non Iunoni, sed matri suæ, cui Derceto fuit nomen. Dercetus autem imaginem in Phœnicia vidi, spectaculum insolitum. erat dimidia parte mulier: & quantum a femoribus ad pedes imos protenditur, in piscis caudam desinebat: & HYGIVS ² dicit: murus in Babylonia, quem fecit Semiramis Dercetis filia; item ³ Semiramis Dercetis filia Babylonem (condidit.) quæ Semiramidis mater Derceto dicta, Atargatis quoque fuit adpellata, quamvis ipsum nomen scribatur varie, Atergatis quippe, Adergatis, Adargatis, Atargata, Adargadis. quæ omnia vocabula corrupta esse ab Adirdaga ebraice אֲדִירְדָּגָא id est piscis potens, SELDENVS ⁴ pronunciat. namque uti ex superioribus cum DIODORI SICVLII, tum LVCIANI verbis adparet, Derceto facie speciem mulieris, reliquis vero corporis partibus piscis figuram præ se habere fingitur, quamobrem a PLINIO ⁵ prodigiosa Atargatis adpellatur. quumque Derceto huic Syri diuinum cultum retulisse dicantur, teste STRABONE ⁶ ὑπέρχεσθαι δὲ ποταμῷ χοίνοισ

¹ de Syria dea p. 662. tom. II. opp. ² fab. CCXXIII ³ fab. CCLXXV. ⁴ Synt. II. de diis Syr. cap. 3. ⁵ hb. V. c. 23. H. N. ⁶ lib. XVI. p. 748.

πέπλησται διέχουσα ἡ βαμβύκη. ἦν καὶ Ἐδεσσαν καὶ
 ἱερὰν πόλιν καλεῖσιν, ἐν ἣ τιμῶσι τὴν Συρίαν θεὸν τὴν
 Ἀταργάτιν, *quatuor schanorum spatium trans flu-*
men est Bambyca, quam Edessam & Hierapolim
quoque, id est sacram urbem vocant. in ea Atar-
gati Syriam Deam colunt; factum est, ut pi-
scibus abstinerint, quæ res est plurimum ex
antiqua ætate testimoniis confirmata. LV-
 CIANVS. ¹ ἰχθύας χρῆμα ἰρὸν νομίζουσι καὶ ἄπο-
 τε ἰχθύων ψάουσι, *pisces sacros putant, nec pi-*
sces attingunt unquam; & paucis interiectis:
ὅτι Δερκετὼ μορφὴν ἰχθύος ἔχει, quia Derceto pi-
scis formam habet: XENOPHON ² μετὰ δὲ
 ταῦτα κύρος ἐξελαύνει. σαθμὸς τέσσαρας παρα-
 σάγγας ἔκκοσιν, ἐπὶ τὸν χάλον ποταμὸν ὄντα τὸ
 κύρος πλεῖον, πλήρη δὲ ἰχθύων μεγάλων καὶ πρᾶξιων,
 ὥς οἱ Σύροι θεὸς ἐνόμιζον, καὶ ἀδικεῖν ἔκ εἶων, ἔδδ
 τὰς περιστεράς, *postea Cyrus castris quartis pa-*
rasangas XX ad Chalum fluuium progreditur,
cuius latitudo erat unius plethri: erat is refertus
piscibus magnis & mansuetis, quos Syri præ diis
habent, uti & columbas nec ledi patiuntur.
 CLEMENS ALEXANDRINVS. ³ τῶν τὴν Φοι-
 νίκην Σύρων κατοικούντων, ὧν οἱ μὲν τὰς περιστεράς,
 οἱ δὲ τὰς ἰχθύας ἔτιω σέβουσι περιττῶς ὡς Ἡλεῖοι τὸν
 Δία, *Syrorum Phænicen incolentium, quorum*
alii quidem columbas, alii pisces tam impense
colunt quam Elei Iovem: confer. MACRO-
 BIVM ⁴ RHODIGINVM ⁵ VOSSIVM ⁶
 RELANDVM ⁷, ab hac sententia, quod Semi-
 ramis nacta fuerit matrem Derceto, discedunt
 alii, qui istam ex Nino genitam esse adfirmant,

¹ c. l. ² ἰων. κύρος lib. I. p. 256. ³ admon. ad gentes p. 19.
⁴ Saturn. lib. I. c. 23. ⁵ lection. antiqu. lib. XVIII. c. 34 p. 1028.
⁶ de orig. & prog. idolol. lib. I. c. 18. p. 175. ⁷ Palaest. lib. III.
 p. 591.

adeoque matrimonii cum illa societatem ipsi abiudicant. etenim CONON ¹ tradit, Σεμί-
ραμιν ἔχῃ γυναῖκα κατὰ τὴς ἄλλης φησὶ Νίνυ γε-
νέσθαι, ἀλλὰ θυγατέρα, Semiramidem non uxore-
rem, ut alii prodiderunt, sed filiam fuisse Nini;
& MACROBIUS ² Nam supra Ninum, a quo
Semiramis secundum quosdam creditur pro-
creata, nihil præclarum in libros relatum est.

§. III. Ex quo in vitam hanc ingressa est Se-
miramis, corpus ipsius per columbas conserua-
tum, ad robur maius atque incrementum per-
uenisse, dicit DIODORVS ³ περὶ τὸν τόπον, ὅπου
τὸ βρέφος ἐξετίθη, πλῆθος περιεργῶν ἐννοσσεύοντος,
παραδόξως καὶ δαιμονίως ὑπὸ τέτων τὸ παιδίον
διαλέφεσθαι, quum vero ad expositæ infantis lo-
cum magna columbarum vis nidularetur, miro
quodam fato & nutritio & salus ei contigit:
quo fato partim Semiramidis nomen illi indi-
tum, partim diuinæ venerationis columba-
rum, quas Syri colebant, morem ortum fuisse,
auctores scriptum reliquerunt, prout TIBVL-
LVS ⁴ dicit:

*Quid referam, ut volitet crebras intacta per
urbes*

Alba Palæstino sancta columba Syro?

quod momentum & testimonia illa, quæ paul-
lo ante collegimus, corroborant satis. * Ve-
rum quum Semiramis ad eam ætatis partem
peruenerit, quæ ad labores & officia aliis præ-
standa satis matura, necessitati temporis sese
accommodans, seruitutem perpessa fuit, nec
libertatis fructus potuit percipere, quapropter
PLVTARCHVS ⁵ dicit: ἡ δὲ Σύρα Σεμίραμις

¹ apud Photium narr. IX. p. 427. ² in semn. Scipion. lib. II.
cap. 20. ³ lib. II. ⁴ lib. I. §log. 8. ⁵ amater. sem. II.
opp. p. 753.

ἡκοτρίβη μὲν ἦν βασιλικὴ θερᾶπινα παλλακευομένη, *Semiramis Syra ancilla fuit famuli regii regisque pellex; & PLINIVS* ¹ *Ecbionis sunt nobiles pictura. Liber pater, item tragædia & comædia. Semiramis ex ancilla adipiscens regnum anus lampadas præferens. matrimo-*
nii foedus cum Menone iniit, de quo DIODORVS SICVLVS ² *refert, quod fuerit πρῶτος τῶν ἐκ τῆ βασιλικῆ συνεδρίῃ καὶ τῆς Συρίας ἀπά-*
της ἀποδεδειγμένος ἱπαρχος senatus regii prin-
ceps & Syriæ totius administrator: qui quum
expeditionem aduersus Bactra cum Nino sus-
cepisset, Semiramidem militiæ illius comi-
tem secum habuit. at Ninus expertus ipsius
ingenii singulares dotes mirificasque animi
virtutes, nec tardius elegantissima faciei for-
ma captus, amore in illam accensus est, quo
nomine insidiatus est arti, qua Semiramidem
illam sibi posset adiungere, & quamuis Me-
non Nini voluntatis esset aduersarius, vi ta-
men acerbiorē ipsum adduxit, ut vxorem per-
ditæ eius libidini traderet, quæ omnia sæpe-
numero dicto loco persequitur DIODORVS
ac plurium quidem, qui DIODORVM ducem
sunt secuti, sententia est, Semiramidem Nini
fuisse vxorem; dantur tamen, qui id nega-
tum iuerunt, prout supra iam obseruauimus.
via igitur hac ratione ad regium fastigium Se-
miramidi munita est.

- * Tanta enim superstitio per paganos fusa erat, oppresseratque illorum animos, ut & animantia, quæ rationis usu destituta sunt, cultu diuino ac religioso prosequerentur, prout coruum, miluum, vulturem, bouem, bufones, canem, caprum, feles, serpentem, vaccas,

¹ H. N. lib. XXXV. cap. 10. ² lib. II.

AEgyptii; accipitrem Tentyritæ, ciconias & mustelam Thebani; picum Latini; vespertilionem Mexicani; capram Mendesium; ouem Saitæ, ut de aliis taceamus, in deorum receperunt numerum, vide ALBERTI disput. histor. de cultu idololatric. bestiarum Lips. 1669. & IO. SCHMIDII diss. histor. mor. de honore brutis non competente Lips. 1686.

§. III. Quo modo & iure Semiramis Assyriorum regnum ceperit tenueritque, in quo nulla nisi virilis sexus ratio gentilisque & successio hereditaria observata est? hoc inter auctores fuit controuersum. sunt, qui callido sane fraudisque pleno consilio Semiramidem regem Ninum interficiendum curasse, adeoque obtruncato Nino viam sibi ad maiestatem regiam parasse, tradunt, cuius rei testes habemus DIONEM apud AELIANVM¹ & PLUTARCHVM², verum siue Nipus fato naturali, siue violento fuerit defunctus, princeps quæstionis momentum in eo positum est, quò iure Semiramis ad regium fastigium Assyriorum peruenierit? quoniam constat, quod nationes hæ imperia feminarum non ferant, ac ipsarum infirmitatem, ingeniique rudiolem indolem maiestati aduersam esse, obstinate sibi persuadeant. quapropter CEPHALIO apud SYNCELLVM³ commemorat, quod Assyriorum reges prioribus ita successerint, ut *παῖς παρὰ πατρός ἐκδεχόμενος τὴν ἀρχὴν καὶ ἔχων ἤτλαν ἰδεῖς αὐτῶν ἐτελεύτησεν*, *filius a patre excipiens regnum, & nemo illorum cladempasus fuerit mortuus: imo VELLEIVS PA-*

¹ lib. VII. cap. I. V. H. ² amator. tom. II. opp. p. 753.
³ p. 167.

TERCVLVVS ¹ clarissime dicit: *in sequenti tempore, imperium Asiaticum ab Assyriis, qui id obtinuerant annis MLXX. translatum est ad Medos, abhinc annos ferme DCC LXX. quippe Sardanapalum eorum regem, mollitiis fluentem & nimium felicem malo suo, tertia & tricesimo loco ab Nino & Semiramide, qui Babylonem condiderant, natum; ita vt semper iucceffor regni paterni foret filius. Pharnaces Medus imperio vitæque priuauit.* quibus de causis vero simile esse putamus, quod Semiramis regni tantum administrationem filio ad regnandum immaturo præripuerit, ac pro illorum temporum ratione sibi vindicauerit, quod non obscure ex hisce IUSTINI ² verbis colligi potest: *hæc (vidua Semiramis) nec immaturo (filio Ninyæ) ausa tradere imperium (id est, administrationem, quam velut tutelæ nomine susceperat Semiramis: quoniam ius imperandi iam penes Ninyam erat) nec ipsa palam tractare, tot ac tantis gentibus vix patienter uni viro, nedum femine parituris, simulat se pro uxore Nini filium, pro femina puerum; & DIODORVS SICVLVS ³ adfirmat, quod Ninus γενήσας ἐκ Σεμιράμιδος υἱὸν Νινύαν ἐτελεύτησε, τὴν γυναῖκα ἀπολιπὼν βασιλίσσαν, quæ posteriora verba notant, quod Semiramidi non successionem, sed eam duntaxat reginam reliquerit, confer C. S. SCHVRFLEISCHIVM. ⁴ quo igitur fundamento HVGGO GROTIVS ⁵ & MARSHAMVS ⁶ ad exemplum Semiramidis prouocent, quum de*

¹ lib. I. cap. 6. n. 1. 2. ² lib. I. cap. 2. n. 1. ³ lib. II. cap. 7. ⁴ operib. historic. polit. p. 17. ⁵ de I. B. & P. lib. II. c. 7. §. 12. ⁶ canon. chronie. sec. IV. p. 69.

iure mulierum differunt, exinde facile iudicari potest.

§. V. Magna sunt merita atque opera, quæ Semiramis præstitisse, adeoque fama nominis sui terrarum orbem impleuisse dicitur, quippe quæ nacta sunt multorum seculorum memoriam & in quotidiano hominum sermone & ore fuerunt, prout IULIANVS, ¹ de Semiramide pronunciat, quod ὑπὲρ ταύτης πολὺς μὲν λόγος, ὡς ἐναυμάχει ναυσὺ τρισχιλίας καὶ περὶ παρὰ τὸ πλεον, μυριάδας ὀπλιτῶν τριακοσίας ἀγασσά, τότε ἐν Βαβυλῶνι τείχος ὑποδόμῃ πεντακοσίων σταδίων μικρὸν ἀποδείον, καὶ τὰ περὶ τὴν πόλιν ὀρύγματα, καὶ ἅλλα πολυτελῆ καὶ δαπανηρὰ καλὰ σκευάσματα ἐκείνης ἔργα γενέσθαι λέγουσι. *de ea frequens extet apud scriptores mentio, quod classem ter mille numero navium instrueret; peditum vero tricies centena millia in aciem educeret: tum quod Babylone murum excitavit quingentorum fere stadiorum & quæ circa hanc urbem fossiones aut cetera id genus magnificæ ac sumtuosæ structuræ sunt, ob ea omnia perfectæ dicuntur.* sed distinctius accuratiusque opera ipsa recensere, operæ pretium est. Semiramidem Babylonem, urbem illam maximam & Chaldaicarum gentium lumen condidisse, tradunt CTESIUS, DIODORVS, HERODOTVS, STRABO, MELA, IUSTINVS, VELLEIVS PATERCVLVVS alique. quam plurimi, quæ vrbs quum magnitudinis, splendoris, miræ structuræ aliorumque ornamentorum laude ab antiquis historiarum auctoribus prædicatur, ea omnia quoque Semiramidi vindicarunt. inter alia enim laudantur *muri*

¹ orat. III. in laudem imperatric. Eusebia p. 127.

Babylonici, de quibus, quod ad ipsorum altitudinem imprimis adinet, variae & inter se discrepantes sententiae extant. PHILOBYZANTIVS ¹ ita dicit: τὸ μὲν ὕψος ἐστὶ τῆ τέχης πλέον ἢ πενήκοντα πήχεων· τὰ δὲ πλάτη τῶν παραδρομίδων ἄρματα τέτρωρα τέσσαρα καὶ τὸν αὐτὸν καιρὸν δακνέει, *muri altitudo quinquaginta cubitorum mensuram excedit: at deambulationum altitudines quadrigas quatuor eodem tempore in equestre certamen admittunt; quem cubitorum numerum præter CTESIAM apud DIODORVM STRABO ² quoque posuit, nec non CVRTIVS, ³ si quorundam scripturae habeamus fidem, qui legunt: altitudo muri quinquaginta cubitorum eminet spatium, quamvis alii pro quinquaginta scribant centum. at vero HERODOTVS ⁴ muris hisce altitudinem CC. cubitorum regionum adtribuit, quem quidem regium cubitum fuisse tribus digitis vulgari cubito ampliorem, confirmat: quotue cubitos ponit HERODOTVS, tot pedibus altitudinem horum murorum definiunt PLINIVS ⁵ ac SOLINVS: ⁶ quorum ille dicit: *Babylon Chaldaicarum gentium caput diu summam claritatem obtinuit in toto orbe, propter quam reliqua pars Mesopotamiae Assyriaeque Babylonia adpellata est, sexaginta millia passuum ampla, muris ducenos pedes altis, quinquagenos latis, in singulos pedes ternis digitis mensura ampliore, quam nostra, interfluo Euphrate, mirabili opere utroque; hic vero Babylonia urbs**

¹ de septem orbis mirac. t. VIII. p. 2674. thesaur. antiquitat. graecar. GRONOVII. ² lib. XVI. ³ lib. V. cap. I. ⁴ l. 178. ⁵ lib. VI. cap. 26. H. N. ⁶ cap. 65.

est sexaginta millia passuum circuitu patens, muris circumdata, quorum altitudo ducentos pedes detinet, latitudo quinquaginta in singulos pedes ternis digitis ultra quam mensura nostra est altioribus; qui pedum numerus ex HYGINI ¹ *sententia adhuc minor fuit, quoniam murum Semiramidis altum pedes LX. fuisse dicit, in quo auctorum discrepantia certi quid definire, omnino est difficile, confer* BRISSONIVM ² *FREINSHEMIVM* ³ *KIRCHERVM.* ⁴ *nec minus scriptorum sententiæ sunt diuersæ, quod ad ipsius vrbis ambitum adinet, quem CTESIAS stadia CCCLX. CLITARCHVS CCCLXV. vterque apud DIODORVM; HYGINVS CCC. STRABO CCCLXXXV. DIO CASSIVS CCCC. HERODOTVS CCCCLXXX. scribunt, item si respiciamus materiam, ex qua muri hi fuerunt constructi, quamvis plures tradant, illos laterculo coctili & bitumine fuisse structos, vti HERODOTVS, DIODORVS, CVRTIVS, IVSTINVS, PLINIVS, IVVENALIS, MARTIALIS, PROPERTIVS, AMMIANVS MARCELLINVS; sed HYGINVS dicto loco scribit, fuisse latere cocto & sulphure, ferro vinctos, ea fortasse causa, quod teste PLINIO ⁵ sulphuris & bituminis vicina est natura, vti FREINSHEMIVS ⁶ & MVNCKERVS ⁷ obseruant.*

§. VI. Vt silentio dimittamus pontem Babylonium, cuius primordia Semiramidis opera & studio vindicantur, & de quo DIODO-

¹ fab. CCXXIII. ² de regio Persar. principat. lib. 1. §. 31. p. 117. ³ ad Curtium lib. V. cap. 1. n. 26. ⁴ turr. Babel. lib. II. cap. 4. p. 53. ⁵ lib. XXXV. cap. 15. ⁶ dicto loco. ⁷ ad Hygin. p. 290.

RVS ¹ pluribus differit, cuiusue figuram exhibet KIRCHERVS, ² cogitationes nostras conuertimus ad hortos pensiles, qui inter septem mundi miracula narrantur, auctore LACTANTI-
TIO, ³ multarum arborum umbra & proceritate amœni, quorum ornatum & splendorem commemorant STRABO ⁴ CVRTIVS ⁵ PHILOBYZANTIVS ⁶ & quamvis CVRTIVS dicat, hortos hosce esse miraculum vulgatum græcorum fabulis. at vero quum illi horti pensiles a tot scriptoribus sint laudati, non plane in censu fabularum haberi possunt, licet poetæ, ut id, quod per se magnum est, veluti incredibile & humanis viribus maius prædicare solent, multa addiderint ficta. in primis vero de eo inter scriptores disputatur, quis hoc hortorum opus fuerit molitus? EVSTATHIUS ⁷ istos acceptos fert Semiramidi, quum de ista dicit: ἐκτίσε δὲ καὶ δεξαμένην μεγάλην ἢ κήπον ἐπήγειρε θάυμασόν, ἐπιλεγόμενον κρεμαστόν, ὃς τετραπλευρὸς μὲν ἦν, ἐκάστην δὲ πλευρὰν ἔχε τετραπλευθρον, extruxitque ingentem cisternam, in qua hortum stupendum erexit, qui pensilis vocabatur, & quatuor habebat latera, quorum unum quodque quatuor plethronum erat, cui opinioni adductus quoque est KIRCHERUS. ⁸ sed discedit ab ista DIO-
DORVS ⁹ qui dicit: ὑπῆρχε δὲ καὶ ὁ κρεμαστός καλούμενος κήπος παρὰ τὴν ἀκρόπολιν, ἢ Σεмираμίδος, ἀλλὰ τίνος ὕψερων Σύρις βασιλέως κατασκευάσαντος, erat etiam pensilis, ut vocatur, hortus iuxta arcem, non a Semiramide, sed Syræ

¹ II. 8. ² turr. Babel. lib. II. cap. 3. p. 36. ³ lib. III. cap. 24. insit. diuinar. ⁴ lib. XVI. p. 738. ⁵ lib. V. cap. I. n. 31. seqq. ⁶ apud Gronov. dīlto loco p. 2650. ⁷ ad Dioscorum de sit. Orb. v. 1010. ⁸ turr. Babel. II. 6. 2. ⁹ II. 10.

quodam rege posteris temporibus edificatus, quem sequitur CVRTIVS ¹ Syria regem Babylone regnantem hoc opus esse molitum, memoria proditum est, amore coniugis victum, quæ desiderio nemorum silvarumque in campestribus locis, virum compulit amœnitatem naturæ genere huius operis imitari; in qua sententiarum diuersitate PLINIVS ² nullam ex illis suam sibi fecit, ipsamque rem veluti dubiam reliquit in medio, quando scribit: itemque pensiles (hortos) siue illos Semiramidis, siue Assyriæ rex Cyrus fecit, de quorum opere alio volumine dicemus. sola sane auctoritas EVSTATII, qui hortos hosce vindicat Semiramidis, non firma est, cui opus hoc omnino denegari potest, præcipue quum DIODORVS, & qui istum sequitur CVRTIVS, scriptores in rebus Semiramidis commemorandis diligentes accopiosi, huic opinioni refragentur. equidem vterque regem quemdam Syriae commemorat, veluti auctorem operis huius admiratione digni; sed nomen ipsius prætermittit silentio, quæ in re ex IOSEPHO ³ petere possumus lucem. namque ex BERO SO, antiquissimo rerum Chaldaicarum scriptore in Nebuchodonosori, Assyriæ regis, quidquid magnifice de conditore mœnium hortorumque Babylonis prædicatur, operibus numerat; & quamvis DIODORVS AC CVRTIVS mentionem faciant regis cuiusdam Syriae, voluerunt tamen dicere Assyriæ, quas gentes sæpe confundunt veteres nouique scriptores, confer BRISSENIUM ⁴ FREINS-

¹ cit. loc. ² histor. nat. lib. XVIII. cap. 4. ³ antiq. Indicar. X, II. & contra Apion, lib. 1. ⁴ de regie Persarum princip. lib. 1. §. 30.

HEMIVM¹ PITISCVM² CELLARIVM.³ **

* Hortus hic græce dicitur κήπος κρεμαστός, DIO-
DOR. II, 10. κρεμαστός παρὰ δένδρους, IOSEPH.
contra Apion. lib. I. p. 1045. latine *penfiliis*. *pen-*
file autem significat, quod suspensum est & in
aëre pendet.

** Imago hujus modi hortorum extat in KIR-
CHERI turr. Babel. p. 58. & CVRTIO edito
cura PITISCI p. 273. de mole illa lapidea,
quam adpellant *obeliscum* & Semiramidi ad-
tribuunt, differit quoque DIO DORVS. hic
quoque legi potest SERVILIUS de mirandis
antiquorum operibus lib. I. cap. 47. 51. 52.
tom. I. thesauri antiqui roman. SALLENGRE.

§. VII. De expeditionibus, quas Semira-
mis contra hostes suscepisse traditur, nunc dis-
quirendum est. dux ex illis illustres celebran-
tur, quarum altera *Aethiopica*; altera vero *In-*
dica adpellatur. de priorē testatur DIO DO-
RVS, quod Libyam magna ex parte redege-
rit in ditionem, & hisce peractis plurima Aethi-
opiæ loca subegerit, cuius rei testis quoque est
PLVTARCHVS, 4 quando scribit: τῆς αὐτῆς
δυνάμεως ὑποκειμένης καὶ ἡγεμονίας, Σεμίραμις
μὲν Ἰσθαγυνή, Σόλως ἐπλήξεν, καὶ Φάλαγγας ὠπλίζε,
καὶ Βαρυλαῖνας ἐκτιζε, καὶ περιέπλει τὴν Εὐφράτιν
θάλασσαν, Αἰθίοπας καὶ ἀσβεφομένη καὶ Ἀραβας,
eadem potentia, eodem regno proposito, Semi-
ramis quum esset mulier, classes instruebat, le-
giones armabat, Babylonas condebat, rubrum
mare circumuecta Aethiopes & Arabes subige-
bat; item IVSTINVS, 5 quod mulier hæc
non contenta acquisitos viro regni terminos

1 observ. ad Curtium c. I. 2 ad Curtium p. 274. 275. 3 *hister.*
antiqu. p. 7. & ad Curtium p. 205. 4 p. 336. tom. 2. opp.
5 lib. I. cap. 2. n. 8.

tueri, Aethiopiam quoque imperio adiecerit, sic rebus ex sententia D I O D O R I Aethiopiae atque Aegypti compositis, bellum Indiae intulit, qua tempestate *Stabrobates* regnum administrabat, militum atque elephantorum, quorum India ferax est, copia maxime abundans. quapropter Semiramidis immensam magnitudinem copiarum conscripsit, provinciis suis trecenta boum millia imperauit; & quamuis legati ad ipsam missi, istam crudelitatis adcusarent, quod nulla causa commota bello Indiam premere sibi sumeret; regio tamen spiritu litteras illas contemnebat, nec a crudeli consilio, quod animo conceperat, ad humanitatem mentis poterat reuocari, adeo ut vtrunque pugnatum sit crudeli Marte & victoria demum licet cruenta Semiramidem secuta gloriosissime. ita enim scribit D I O D O R Y S :
ἐπὶ πολλὴν δὲ χρόνον ἴδ' κινδύνῳ παρατείνοντος καὶ προθύμως ἐκατέρωθεν ἀγωνισαμένων, τὸ ἑλευσιῶν ἡ Σεμίραμις ἐνίκησε, καὶ διέφθερε τῶν πλοίων περὶ χίλια. συνέλαβε δ' αἰχμαλώτους ἕκ' ὀλίγους, postquam certamine ad longum tempus extracto acriter pugnatum esset vtrunque, victoria tandem penes Semiramidem stetit, quae ad cisnaves submersit, nec exiguo captiuorum numero potita fuit.

§. VIII. Et tantum de operibus, quae narrantur, Semiramidis. nunc ad indolem corporis pariter ac animi adgrediamur. corporis ac faciei ipsius elegantiam pulcritudinemque vehementer praedicant scriptores, adeo ut auctore AELIANO ¹ fuerit *ωραιότατη γυναικῶν speciosissima inter omnes feminas*, qui vero ad-

¹ lib. VII. cap. I. var. hist.

dit: *εἰ καὶ ἀφελέστερον ἔχρητο τῷ καίῳ, tametsi remissius & negligentius formam curabat.* etenim libidinis mollitie plane fuisse corruptam, multi auctores confirmant, & ipse DIODORVS testatur, quod rex Indorum Semiramidis perditas Veneris voluptates litteris perstrinxerit acriter, quippe quæ adeo libidini indulserit, vt milites, qui speciosa forma fuerint, ad scorta sibi ipsi inferenda impulerit: quin immo tradit PLINIVS ¹ Iubam esse auctorem, equum adamatum a Semiramide vsque coitum, per huiusmodi fane dedecus, quod nulla virtutis species, nulla imperii magnitudo, nulla bellorum felicitas redimere potest. sic & refert AMMIANVS, ² quod Semiramis omnium prima teneros mares castrauerit, ita vt inde mos hic ad Persarum gentem sit translatus. ³ in tanta vi libidinis nihilominus Semiramis singulari animi fortitudine prædita celebratur, quamobrem IVSTINVS ⁴ dicit: *nec hoc illi dignitatem regni ademit, sed admirationem auxit, quod mulier non feminas modo virtute, sed & viros anteiret;* & apud AELIANVM ⁵ legimus, quod memoriæ sit proditum, Semiramidem cepisse, etiam interfecisse leonem, pardalim, leonam & alias huiusmodi feras; & iræ, cuius adfectui animus ipsius succubuerit, argumentum exhibet VALERIVS MAXIMVS, ⁶ quando dicit: *in puerili pectore non tantum vis odii potuit, sed in muliebri quoque æque multum valuit. namque Semiramis Assyriorum regina, quum ei circa cultum capitis sui occupata nunciatum esset,*

¹ *hyst. nat. lib. VIII. cap. 42.* ² *lib. XIII. cap. 17.*

³ *lib. I. cap. 2. §. 6.* ⁴ *lib. XII. cap. 39. var. hyst.* ⁵ *lib. IX. cap. 3.*

*Babylonem defecisse; altera parte crinium ad-
huc soluta protinus ad eam expugnandam cu-
currit; nec prius decorem capillorum in ordi-
nem, quam tantam urbem in potestatem suam
redegit.*

* Quod Persæ pueris testiculos amputauerint, ac forma præstantissimos quoque mares castrauerint, testatur HERODOTVS & DIO CHRYSOSTOMVS orat. XXI. quæ de pulcritudine inscribitur, Persas pulcritudinis fuisse studiosos hoc probat argumento, quod pulcros facerent eunuchos. STEPHANVS de urbibus existimat, morem castrationis cœpisse *Spadæ*, quæ vrbs est Persidis, vnde & nomen *Spadonis* sit deductum, quamuis alij obseruent, vocem hanc a verbo græco *σπάδα* esse deriuandam. BRISSONIVS de regio Persarum principatu lib. II. §. 164. monet, ab Assyriis & Medis luxum hunc manasse, & Babyloniorum regem Nebuchodonosorum ex Iudaica iuuentute quosdam nec non ex aliis gentibus bello captos ipso ætatis flore castrandos curasse. adde DEMPSTERVM ad Claudianum p. 376. 377. cum notis varior.

§. VIII. Tandem ad extrema Semiramidis fata perueniamus. IVSTINVS¹ tradit, quod quum concubitum filii petiisset, ab eodem fuerit interfecta, XLII. annos post Ninum regno potita, in quibus annis IVSTINVS, aut potius TROGVS ab aliis discedit, qui Semiramidem imperium per XXXII. annos tenuisse adfirmant, quæ discrepantiâ nulla admiratione digna est, quum quidquid de Nino & Semiramide traditur, incertum est & dubiæ fidei. quod autem incestum fecerit cum filio,

¹ lib. I. cap. 2. n. 10.

idem testatum facit CONON ¹ ὡς ἡ Σεμίρα-
 μίς αὐτῇ τῷ υἱῷ λάθρα καὶ ἀγνοῦσα, μετῴσα, εἰτα
 γνῶσα, ἄνδρα ἐν τῷ Φανερώ ἔχε. καὶ ἐξ ἐκείνου, πρέ-
 τερὸν βδελυκτὸν ὄν, Μηδοῖς καὶ Πέρσαις καλὸν καὶ
 νόμιμον ἔδοξε μητράσι μίγνυσθαι. *Semiramidem
 clam primum & ignaram cum filio suo concu-
 buisse, sed deinde cognita re, viri etiam loco
 publice habuisse. ex eo itaque tempore quod
 prius execrandum habebatur, Medis ac Persis
 jus fasque visum, matribus commisceri. non
 ignotum enim est, Persarum gentem fuisse li-
 bidinosissimam, & si non in tota, tamen in par-
 te barbariore nefanda illa consuetudo inua-
 luisse videbatur. hinc MINVCIVS FELIX ²
 ius est apud Persas misceri cum matribus; &
 HIERONYMVS ³ Persæ, Medi, Indi & Aethio-
 pes cum matribus & aviis, cum filiabus & ne-
 ptibus copulantur. Verum enim vero DIO-
 DORVS refert, quod Semiramis, minus ab in-
 fidiis filii tuta, regnum ipsi tradiderit, quoue
 facto confestim ex hominum conspectu, ad
 Deos migratura sese subduxerit, prout fabu-
 losis poetarum carminibus in columbam
 transmutata traditur: * hinc NASO ⁴ de Se-
 miramidis, quæ credita est, matre disserit &
 addit:*

*an magis ut sumtis illius filia pennis
 extremos albis in turribus egerit annos.*

* GEORGIUS SABINVS interpret. fabular.

Ovidii p. 60. dicit: *Semiraniis Assyriorum re-
 gina fertur nutrita a columbis, unde & Syriaca
 lingua nomen Semiramidis hoc est columbæ ei in-
 ditum fuit. nam quum esset a matre exposita in
 loco deserto, columbæ infantem alis consoue-*

¹ Narrat. IX. apud Photium biblioth. p. 427. ² Orlau. cap. 31. § 2.

³ lib. II. adu. Iosianum cap. 6. ⁴ metam. lib. IIII. v. 47.

runt: & coagulato lacte ex pastorum mapaliis surrepto, nutriuērunt: in cuius rei memoriam Babylonii columba, ut romani aquila, vsi sunt. hac igitur occasione conficta est fabula de Semiramidis transformatione in columbam.

§. X. De sepulcri monumento, quod ipsa Semiramis sibi condidisse dicitur, ita disserit PLVTARCHVS ¹ Σεμίραμις δὲ ἐαυτῇ κατασκευάσασα λαβὼν, ἐπέγραψεν, ὅτις ἂν χρημάτων δευθῇ βασιλεὺς, διελόντα τὸ μνημεῖον, ὅσα βέλτεται λαβεῖν. Δαρεῖος ἂν διελὼν, χρήματα μὲν εἶχε εὖσε, γράμμασι δὲ ἑτέροις ἐνέτυχε. ταῦτε φράζουσιν· εἰ μὴ κακὸς ἦδ' ἀνὴρ καὶ χρημάτων ἄπλητος, εἴτε ἂν νεκρῶν θήκας ἐκείνεις, Semiramis quum ipsa sepulcrum condidisset, inscripsit hæc: si quis rex pecunia indiguerit is recluso hoc monumento, sumat quantum volet. Darius aperto eo, nullam inuenit pecuniam, sed in aliam incidit inscriptionem, cuius hic erat sensus: nisi malus fuisses homo & pecunie insatiabilis, nunquam sane loculos mortuorum inuasisses. sic & POLYAENVS ² statuat, in memoriam Semiramidis positæ mentionem facit, cui hæc fuerint inscripta: me natura quidem mulierem finxit: at ego rebus gestis nullo fortissimorum virorum inferior extiti. ego Nini regnum tenui, ad orientem terminans fluuium Hinamamem: ad meridiem eam terram, quæ thure ac myrrha abundat: ab hyeme Saccas & Sogdas. mare antea nemo Assyriorum vidit: ego vero quatuor, quibus propter longinquitatem appropinquare nemo potest. quis enim ea impetu continet? fluuios coëgi fluere, quocunque vellem. volui autem, quo conduceret. terram sterilem factam

¹ apophth. tom. 2. opp. p. 173. ² lib. VIII. stratagem. cap. 26. p. 761.

reddidi. fluuiis enim meis eam temperaui. munitiones inuictas constitui. inuias petras ferro domui. vias meis pecuniis strauī, quas ne feræ quidem prius ambulauerant & a rebus gerendis satis mihi superfuit temporis, quod mihi & amicis impertiui. sufficiat, hæc de Semiramide eiusdemque præclaris operibus nos collegisse, quæ a nobis nunc adcuratius sunt examinanda, vt adpareat, quæ eorum sit veritas.

§. XI. Inquiramus igitur in veritatem dignitatemque historiarum, quas de Semiramide iam protulimus, quod vt feliciori fiat successu, non ab re esse ducimus, quædam de historica fide eiusdemque fundamento præfari. duo quippe sunt momenta, quibus rerum gestarum, quæ a scriptoribus humanis commemorantur, nititur veritas, quibusue adduci possumus, vt illis nostram adhibeamus fidem: alterum est testimonium, alterum vero ipsius facti, quod describit historia, conditio. quod ad testimonium pertinet, illius varia sunt genera, siquidem modo ab illis, qui interfuerunt & præsentibus id, quod accidit, viderunt, modo vero ab illis, qui per alios ad cognitionem huius vel illius facti peruenerunt, exhibetur: quale posterius testimonium iterum duplicis est generis, quoniam primum alii historiarum auctorum iisdem temporibus floruerunt; alii vero ab illis abfuerunt, quibus res, quas narrant, euenerunt; deinde ipsum testimonium modo litteris est consignatum, modo vero fama traditum. quod si autem ope testimoniorum veritatem historiarum diiudicare adeoque vera a falsis distinguere sustineamus, necesse est, non solum ad ipsorum copiam multitudinem-

que, sed & dignitatem animaduvertere animum, quippe quam dignitatem ipsius scriptoris auctoritas intuitu cum ingenii, tum animi, num & possit & velit vera dicere, efficit. etenim prima est historiæ lex, ne quid falsi dicere audeat, ne quid vere non audeat, ne qua suspicio gratiæ sit in scribendo, neque simultatis, vt CICERO ¹ dicit. neque minus in hac veritate cognoscenda intueamur adcurate omnia momenta facti ipsius, quod commemorant, num quædam sint, quæ speciem præ se habeant miraculi, aut saltem adpareant mirabilia; numue omnia inter se ita cohæreant, vt alterum alteri respondeat, de quo argumento pluribus differunt RECHENBERGIVS ² EISENHART ³ PERIZONIVS ⁴ IANVS ⁵ & alii. quibus positis, non est difficile historiam Semiramidis plane suspectam reddere, quoniam non solum consignata est litteris ab eiusmodi scriptore, cuius auctoritas nullius est momenti, sed & tales descriptiones complectitur, quæ omnem fidem humanam excedunt, sibi ipsis sunt contrariæ & aperte produnt fabulas.

§. XII. Num Semiramis vnquam fuerit? de eo dubitat VOSSIVS, ⁶ & CASPAR ABELVS ⁷ summa ope nititur demonstrare, quod femina hæc rex ille fuerit, qui oraculis diuinis modo *Salmanasar*, modo *Sennacherim* vocetur, quæ nomina essent vnius personæ. vtque opinionem, in quam ingressus est, stabiliat ac confirmet, primum ad ipsorum nomi-

¹ de orat. lib. I l. c. 15.

² disput. historic. politic. part. 2. n. 23.

³ comment. de fide historica.

⁴ orat. de fide historica.

⁵ de veritate historie. apud histor. ara christian.

⁶ de idololatr.

lib. I. cap. 33.

⁷ histor. monarch. orb. antiqu. lib. I. cap. 7. p. 376. sqq.

num similitudinem prouocat, quum regem illum, qui hebraico codice adpellatur *Sancherib*, græci *Sennacherimem* vocent; ex *Sennacherim* vero addita feminea flexione *is* sublataque adspiratione & *n* in *m* mutato facile potuerit fieri *Semarimis* & tandem *i* quoque & *a* transpositis *Semiramis*. deinde sententiæ huic robur quoque adferat temporis ratio, quoniam HERODOTVS testetur, Semiramidem vix quinque generationes ante Nitoerin chaldæorum reginam floruisse, quum generatio apud græcos teste DIODORO & STRABONE triginta tantum annos complectatur, adeoque Semiramis ex HERODOTI opinione Nitocrin cL. annis ætate superauerit, id sane cum Senacherimis æuo non male cohæreat, quem tot circiter annos regina hac Nabonidi vltimi chaldæorum regis matre vetustiore fuisse, ex chronologia sit manifestum. ad hæc ABELVS comparat facta Semiramidis cum factis Senacherimis, quibus inter ipsos magna sit similitudo, quæue Senacherimi non conuenire videantur, ea quoque intuitu Semiramidis falsa & commentitia esse, obseruat. nolimus in præsens in opinionem hanc inquirere, quin etiam opinamur, coniecturam hanc præ se habere multum ingenii, præsertim quum nobis tantum sit in animo, Semiramidis historiam fabulosam esse quam maxime probare.

§. XIII. Primum dispiciamus de auctoritate ac testimoniis, quibus historia hæc nititur; deinde speciatim omnia momenta, quæ de Semiramide produnt scriptores, paullo adcuratius sub censuram reuocemus. quod ad te-

stimonia pertinet, plures quidem sunt auctores, apud quos de femina hac multa legimus relata, HERODOTVS, DIODORVS, PLVTARCHVS, TROGVS AC IVSTINVS, AELIANVS, CVRTIVS, POLYAEVS, HYGIVS aliique; sed vt illis iustum statuamus pretium, obseruandum esse existimamus, quod partim scriptores hi non solum descriptionibus suis, sed & ætate, qua floruerunt, discrepent; partim princeps rei huius momentum ad fidem atque auctoritatem CTESIAE CNIDII redeat, quem DIODORVS & hunc alii sunt secuti, adeo vt integra fere Semiramidis historia vnius CTESIAE testimonio nitatur, cuius fides si fuerit labefactata, ista dignitatem suam, qua verior historia digna est, minus poterit sustinere. CTESIAS autem ille fuit *Ctesiochē* filius, patria Cnido Cariæ vrbe, & captus bello, quod Cyrus minor cum fratre Artaxerxe gessit, & in Persidem delatus medicinam ibi per XVII. annos exercuit. hic inter alia, vt apud PHOTIVM ¹ est, viginti tres libros de rebus Persicis scripsit, in quorum sex prioribus τὰ τε Ἀσσύρια διαλαμβάνει, *res Assyriorum pertrahauit*; a septimo autem libro ad postremum vsque historiam Persicam a Cyro & Cambyse regibus ad annum tertium Olympiad. XCIII. siue annum Artaxerxis Mnemonis octauum persecutus est, quos posteriores libros patriarcha PHOTIVS excerpsit satis verbose, priores vero de Assyriorum rebus non attigit, quorum tamen summam DIODORVS & EVSEBIVS non plane nos sinunt ignorare, vt de aliis operibus, quæ reliquerat CTESIAS, ta-

¹ codic. LXXII.

ceamus, de quibus MEVRSIVS ¹ & FABRICIVS ² legi possunt.

§. XIII. Quod CTESIAS hic nulla fuerit fide dignus, iam varii ex antiqua ætate prodiderunt. Scripsit auctor hic librum quemdam de *rebus Indicis*, quibus allegatis ARISTOTELI ³ visus est indignus, cui crederetur, ὥς φησι Κτησίας ἐκ ὧν ἀξιοπίστος, & ANTI-
GONVS Carystius ⁴ negat se ex CTESIA quidquam prolaturum, διὰ τὸ πολλὰ ψεύδεσθαι αὐ-
τὸν & PLVTARCHO ⁵ πρὸς τὸ μυθῶδες καὶ δρα-
ματικὸν ἐπιτροπόμενος τῆς ἀληθείας, a veritate
ad fabulas conversus dicitur, cui etiam ibi-
dem ⁶ λαμπρὸν ψεῦσμα manifestum menda-
cium imputavit. e recentioribus idem in eo
vitium notarunt IOSEPHVS SCALIGER ⁷
HERMANNVS CONRINGIVS, ⁸ qui in Per-
sici quoque parum fidei eum mereri disputat,
quod & faciunt DOUNAEVS ⁹ & MONT-
FALCON; ¹⁰ inter paucos tamen auctorita-
tem ipsius tueri adnissus est VLRICVS HVBE-
RVS. ¹¹ qui igitur in aliis fuit sublestæ fidei, il-
lum certe in antiquissimis momentis tuto se-
qui non possumus, præsertim quum in illis re-
bus, quas vidit, & quibus interfuit, antiquis
scriptoribus fidem atque auctoritatem suam
neutiquam potuerit probare. quod vt eo cla-
rius adpareat, notamus in ipso animum affe-
ctibus ac in primis invidiæ deditum, cuius mo-

¹ Cypri. II. c. 29. ² biblioth. græc. lib. II. cap. 25. §. 16.

³ lib. II. X. hist. anim. cap. 28. ⁴ in historiis admirand.

⁵ vit. Artaxerxis p. 1014. ⁶ p. 1017. ⁷ p. 39. notar. in

fragm. subit. operi de emendat. tempor. ⁸ aduers. chronol. de

Asia & Egypt. antiqu. dynast. ⁹ not. ad Demosthenem p. 171.

¹⁰ de veritate histor. Iudith. p. 120. ¹¹ dissertatio. de temporib.

ante Cyrum apud hist. eius civil.

tu atque impulsu non potuit non de veritatis via deflectere.

§. XIX. Namque primum, quod invidia flagraret aduersus HERODOTVM *Halicarnassensem*, historiam scripsit in plerisque illi, quam HERODOTVS ediderat, contrariam, de quo PHOTIVS¹ testatur: *σχεδὸν ἐν ᾧ πᾶσιν ἀντικείμενα Ἡροδοτῷ ἰσορῶν. ἀλλὰ καὶ ψεύσῃν αὐτὸν ἀποκαλῶν ἐν πολλαῖς*, narrat *fere in omnibus repugnantia Herodoto, imo illum in multis mendacem adpellat.* equidem me non fugit, quod fuerint quoque utriusque ætatis, STRABO, DIODORVS, GELLIVS, PLVTARCHVS, AELIVS HARPOCRATION LVD. VIVES, IO. BODINVS & alii, qui de HERODOTI fabulis disputarunt, vt videre possumus apud FABRICIVM.² verum vt taceamus de eo, quod HERODOTVS antiquior fuerit CTESIA, quia SALMASIO³ perperam traditur æqualis HERODOTI, quum iuniorem fuisse, clarissimis constat argumentis; longissime sane abest a fingendi studio, & ipse ingenue profiteretur, se quædam, quæ fabulosa ætas protulit, notare; minus vero asserere, verbi gratia, quum de monstris Lybiæ dixisset, ⁴ *ταῦτα εἰ μὲν ἐστὶ ἀληθές, ἐκ οἶδα, τὰ δὲ λέγεται, γράφω.* indoles vero animi CTESIAE plane alia fuit, qui quum famæ nominis amplissimæ sibi conficiendæ non mediocrem daret operam, reliquorum scriptorum gloriam & merita fugillare & penitus infringere, sibi sumsit. id quod etiam ex eo adparet, quod & XENOPHONTI, qui Cyro minori militauit, contradixerit,

¹ cit. loc. ² bibl. grac. lib. II. cap. 20. §. 3. ³ ad Solin. p. 871. ⁴ lib. IV.

ἢ ἡ Ἡερόδοτος δὲ μόνῳ τῶν ἀντιῶ ἰσορεῖ ἀλλὰ καὶ πρὸς ξενοφῶντα τὸν Γρύλλῃ ἐπ' ἐνίων διαφωνεῖ, non Herodoto soli contradicit, verum etiam in aliquibus a Xenophonte discordat, quem vero ut peritissimum rerum Persicarum omnes semper laudauerunt.

§. XX. Ut quædam breuiter attingamus, quæ contra fidem & probabilitatem in rebus Assyriorum scripsit, primum est, ditioni Nini tam vastum imperium subiectum fuisse, ut fines ipsius ab Indo ad Hellespontum & a Nilo ad flumen Tanaim prolati fuerint: deinde suspectæ quoque fidei est diuturnitas imperii Assyriorum, quod ultra c10 cccc annos stetit Diodorus ex Ctesia tradit, qua in re alii potius cum HERODOTO & APPIANO Alexandrino faciunt, quorum ille ¹ scribit Assyrios regnasse vsque ad Medorum defectionem per annos quingentos & viginti; hic vero ² ait, Assyriorum & Medorum & Persarum tria maxima imperia nondum tempus d c c c c annorum compleuisse, quæ sententia, quod nihil habeat sacris scripturis repugnans, omnino præferenda est Ctesianæ & vulgari. nec maior illius fides est in locorum descriptione. Ninum, urbem omnium quondam circuitu amplissimam, ciuium numero maximam, quamue PLINIVS ³ & HERODOTVS ⁴ Tigri impositam fuisse tradunt, CTESIAS, qui tot annos in Persia versatus est, Euphrati adpositam fuisse dixit, auctore DIODORO, ⁵ ut alia silentio dimittamus, quæ CELLARIUS ⁶ docte & solide examinavit, quamue sint erroneæ, demonstrauit.

¹ lib. I. cap. 95.

² præf. oper.

³ lib. VI. cap. 13.

⁴ lib. 1. c. 193.

⁵ lib. II, cap. 3.

⁶ dissert. newad p. 54 sqq.

§. XXI. At magnam CTESIAE auctoritatem apud græcos fuisse, multi obiiciunt, id quod minime negamus, causam, cur historia ipsius eo cupidius a pluribus fuerit recepta, facile cognoscentes, quod ipse, testē DIODORO, dixit, se ἐκ τῶν βασιλικῶν διφθερῶν, *ex regis membranis* sua omnia edidisse, confer vossivm.¹ quamvis & experientia doceat, quod etiam errores & fabulæ suos inueniant patronos, quæ sæpius adprehendantur tenacius, quam ipsa simplex veritas. sicque adparet, lubricam esse fidem, quam præ se habet CTESIAS, quumque id, quod in DIODORO TROGOQUE extat, ex ipsius riuulis sit deriuatum, facile ex inde colligere possumus, quam dignitatem illorum narrationibus habere debeamus. accedit, quod CTESIAE ingenium Semiramidis ætate minus inluxerit, vnde probabilitas historica alias vim quandam accipere potuisset; & quamvis DIODORVS prodat, quod libris annalibus iisque arcanis fuerit vsus; nemo tamen a se poterit impetrare, vt persuadeat sibi, veteres tantos errores & fabulas annalibus conseruasse, quorum curæ viri cordatiores præerant. multo minus causam deprehendimus, cur Nini, inprimis Semiramidis merita litteris tueri iisque sæculorum laudes comparare voluerint: quoniam in ceteris regibus res non tam expedita est, quam in Semiramide, & constat, quam difficile sit eorum ætates atque opera dilucide exponere, & quantum auctores in descriptionibus suis inter se discrepent, ex superioribus prolatis quisque colligere potest; attamen vis probabilita-

¹ de historic. græc. lib. I. cap. 5.

tis historicæ in testimoniis probis eorumque coniunctione posita est.

§. XXII. Verum ut censura nostra plane æqua & iusta adpareat, non ab re erit, si & ipsa historiæ huius momenta singillatim ac diligenter examinare instituamus. ea, quæ ex DIO-
DORO ac LUCIANO de origine ipsius, quod nata sit ex Derceto commemorauimus, indubitatam præ se habent fabulam, quam autem adeo turbatim litteris traditam apud veteres auctoresprehendimus, ut ad verio-rem ipsius sententiam peruenire sit difficile. sunt multi in ea opinione, quod hæc Ascalonitarum Dea sit illa, quæ in sacris litteris adpellatur *Dagon*, apud SAMVELEM יקחו פלשתים את ארון האלהים ויבאו אותו בית דגון *ubi sumserunt Philistæi arcam Dei, & deduxerunt eam* (in) *ad eam Dagonis*, quam sententiam variis argumentis confirmare adnituntur. etenim primum prouocant ad similitudinem, quæ sit inter utriusque nomina, quoniam adpellatio *Dagon* deducenda sit a דג *piscis*, * quod *Dagon* fuerit Deus maris, ut apud latinos Neptunus, cui respondeat vox *Atergatis*, quam corruptam esse ab *Adirdaga*, ebraice אדיר דג id est *piscis potens* ex sententia SELDENI, iam superioribus obseruauimus. deinde sententiæ huius auctores id quoque obseruant, quod *Dagon* eadem ratione, ac *Derceto*, *Atergatis*, repræsentetur ab antiquis scriptoribus, quippe qui superiori parte speciem hominis, inferiori autem piscis præ se habuerit, prout *Triton*, Deus marinus, Neptuni & Salaciæ filius ab au-

* 11. Sam. V, v. 2. seqq. conf. Iud. XVI. v. 23. I. Maccab. X, 83. 84.

ſtoribus carminum fabularumque fingitur;
quando VIRGILIUS¹ dicit:

*hunc vehit immanis Triton & cærulea concha
exterrens freta: cui laterum tenuis hispidananti.*

*frons hominum præfert, in præstim definit
alvus:*

item Nereides, maris nymphæ. quapropter putant nonnulli, ARIAS quippe, TREMELLIVS, per Dagonem significari *Tritonem*; alii vero quum Triton minoris fuerit gloriæ, in eam ingreſſi ſunt ſententiam, quod commentitiuſ & fictuſ Deuſ Dagon idem ſit, ac *Neptunus*, præſeſ ille maris, cui ſententiæ ſeſe addixerunt STVCKIVS² & KIPPINGIVS.³

* PHILO *Bibliuſ* apud EVSEBIVM lib. I. præp. euang. cap. 7. GYRALDVſ hiſtor. deor. ſyn- tagm. II. p. 109. DRVſIVſ quæſt. Ebr. lib. I. quæſt. 82. DICKINſON delph. Phœn. cap. 7. deriuant nomen *Dagoniſ* ab Ebræorum voce 𐤃𐤁𐤍 *frumentum* quali fuerit præſeſ, Deuſ frumenti, vt apud latinuſ *Saturnuſ*, quem fabuloſa ætaſ creditit, præſidere agriculturæ, hortis. ſed PFEIFFERVſ dub. vexat. cent. II. loc. 67. p. 363. nominis *Dagon* originem a voce 𐤃𐤁𐤍 *piſciſ* verioreſ eſſe putat, quoniam conſtet, quod Philiftæi fuerint maris accolæ, piſcariuſ, adeoque numinum maris cultoreſ, etiam antiquiſſimi ſcriptoreſ teſtentur, Syrophœnicæ & Philiftinoſ piſcibuſ præſtitiffe cultum. at vero IO. HEINRICVſ REITZIVſ not. ad GOODWIN. Moſ. & Aaron. lib. IV. cap. 4. p. 376. exiſtimat, quod Phœnicuſ in vno idolo Deum ſuum & maris & terræ venerati ſint, quoniam ex vtraque parte ipſiſ

¹ *Æn. X. v. 209.* ² *de ſacriſ & ſacrific. gentil. pag. 25.*

³ *antiquit. rom. lib. I. cap. 6.*

fuerint

fuerint diuitiæ, prout maiores nostri *Crodum* suum Deum coluerint: qua coniectura vox *Dagon* respiciat cum terram ac frumenta, tum mare ac pisces, & significet *Saturnum* & *Venerem*, quæ ex mari nata sit, aut *Opem*, quæ multos Deos maris genuerit marito Saturno.

§. XXIII. Plurimum est opinio, quod Derceto siue Adergatis Venus sit Syrorum, quippe quæ apud fabularum auctores in piscem mutata fingitur, quamuis ipsa fabula miris modis turbata ad nos peruenerit. etenim MANILIVS ¹ dicit, immersam fuisse lacui Babylo-nico:

*scilicet in piscem sese Cytherea nauavit
quum Babyloniacas submersa profugit in
vndas*

*anguipedem alatis humeris Typhona feren-
tem*

inseruitque suos squammosis piscibus ignes.

OVIDIVS ² tradit, Venerem insiluisse in Euphratem & aquam illam, in quam insiluerit, Palæstinam vocat, vt adeo non sit dubium, lacum Palæstinum aut Palæstinæ proximum cum Euphrate aut aquis Babylonicis confusum esse. quæ Venus quum quoque intelligenda sit per Dagonem, quæ sententia est SCALIGERI ³ SERARII ⁴ SANCTII ⁵ SELDENI ⁶ quæstio oritur: quo pacto Dagon & Venus intuitu generis possint conciliari, quum ille Deus virilis, hæc vero dea femineæ generis fuerit? ea de causâ momentum illud ex antiquitatum historiis attingunt, quod veteres deos αἰρενοθήεις, mares simul feminasque,

¹ lib. IV. astron. ² fastor. lib. II. v. 460. ³ ad Varren. p. 25. ⁴ comm. ad Iud. 16. qu. 23. ⁵ ad Samuel. I. cap. 5. ⁶ de diis Syr. Synz. II. c. 3.

hoc est, qui soli ad rerum generationem conferrent hoc, quod in hominibus & ceteris animantibus mas & femina, coluerint, adeo vt hac opinione Venus sit Deus & dea. sic enim *Saturno* respondeant *Rhea*, mater Deum, *Idæa* mater, *Latia*: *Ioui* *Iuno*, *Diana* *Pallas*, *Αθήνη* siue *Minerua*: *Vulcano* *Maia* & *Proserpina*: *Marti* *Venus*, *Mola* & *Nerie*; etiam in nummis non modo *Liber* *Bacchus* sit, sed & *Libera*, nec modo *Venus* *Dea*, sed *Deus* quoque *Venusque* mascula: sicque sit *Luna* *dea* & *Deus* *Lunus*, de quo argumento plures auctores collegit *FABRICIVS* ¹. alii autem contendunt, quod *Derceto* plane diuersa sit a *Dagone* & ex simili vtriusque figura potius adpareat, huiusmodi idolorum species, quæ partim hominem, partim piscem referrent, apud *Phœnices* non fuisse inusitatas. sunt quoque, qui adfirmant, quod *Derceto* sit *Iuno*, qua de re adhuc conferri possunt *DIETRICVS* ² *LEVSENIUS* ³ *BAYERVS* ⁴.

§. XXIII. Quamuis sit difficile, hanc fabulosam controuersiam componere, nec instituti nostri ratio permittat, de ista copiose differere; paucis tamen dicamus, quid ea de re venerit in mentem nostram. constat quippe, quod deorum dearumque nomina ab antiquis scriptoribus sæpe confundantur ac perturbentur, adeo vt sicut *Iupiter*, *Saturnus*, *Titan* sit vnusidemque deus & significet solem; ita quoque *Venus*, *Iuno*, *Dagon*, *Isis*, *Lucina*, *Diana*, *Derceto*, *Atergatis* communis sit *Venus* seu *dea*, notetque *lunam*. namque *Derceto*

¹ bibliograph. antiqu. c. VIII. §. 7.

² antiquit. V. T. p. 343.

³ philol. Hebr. mixt. dissert. 45. p. 315.

⁴ obseru. ad Selden.

p. 285.

dicitur

dicatur quoque *Astarte*, qua voce profani auctores vtuntur, nec dubium est, quin *Astarte* eadem sit ac *Astaroth* seu *Astoreth*, cuius mentio fit in sacris scripturis, ¹ verum plerique eruditorum in eo conueniunt, *Astarten* seu *Astaroth* esse lunam, cuius rei præter alios testis est *LVCIANVS* ² ἐνὶ δὲ καὶ ἄλλο ἱερὸν ἐν Φοινίκη μέγα, τὸ Σιδωνίοι ἔχουσι. ὥς μὲν αὐτοὶ λέγουσιν, Ἀσάρτης ἐστὶ. Ἀσάρτην δ' ἐγὼ δοκέω Σεληναίην ἔμμεναι, est & aliud templum in Phœnicia, quod Sidonii tenent, *Astarte* vt ipsi quidem dicunt: *Astarten* autem Lunam esse puto. idem confirmat *HERODIANVS* ³ λίθους μὲν ἔν αὐτὴν Οὐρανίαν καλεῖσι, Φοίνικες δὲ Ἀστροάρχην ὀνομαΐζουσι, σέληνην εἶναι θύλοντες, hanc *Afri Vraniam* vocant, *Phœnices Astroarchen*, lunam esse affirmantes; sed tamen in eo auctor hic a veritate discedit, quod apud Afros lunam adpellatam fuisse *Vraniam* existimet, quum isti nomen quoque *Astarte* vsurpauerint, si *AVGVSTINI* ⁴ auctoritas mereatur fidem; prout & perperam dicit pro *Astarte* Ἀστροάρχην, nomen Phœnicium mutans in græcum. de cultu autem, quo etiam orientis gentes profecutæ sunt lunam, testatur *HERODOTVS* ⁵.

* de origine vocis *Astaroth* diuersæ sunt auctorum sententiæ, quas collegit *BVDÆVS* histor. eccles. V. T. tom. I. p. 952. qui & de ipsa re differit solide: confer *Vossium* de idololatr. gent. lib. I. cap. 21. *SALMASIUM* ad Solin. p. 574. *REINESIUM* de deo Endouellico p. 15. *PFEIFFERUM* dub. vexat. cent. II. loc. 55. p. 339. extat quoque *AVGVSTINI*

¹ Iud. II, 13. X, 6. 1. Sam. VII, 3. 4. XII. v. 10. XXXI, v. 10.

² de Syria dea t. II. opp. p. 657. ³ hist. lib. V. cap. 6. ⁴ lib.

I, quæst. in libr. Iud. 6. 16. ⁵ lib. I. cap. 130.

* CALMET dissert. de Philistinis eorumque diis Dagone, Beelsebub, Astaroth, Marna & Baal Berith, inserta commentario ipsius ad libros regum Paris 1711. 4.

§. XXV. Sic Derceto, quæ mater fingitur Semiramidis, Venus fuit, sub cuius specie coluerunt lunam, quapropter etiam dicta est *Astarte*, quippe quæ fabulosam ipsius originem satis superque significant. nec est, quod rei huius nos subeat admiratio. etenim, ut originis crederetur summa antiquitas nobilitasque, veteres, inprimis poetæ pro fingendi libidine genus familiarum interdum a diis aut heroibus, ac præcipue a Venere deduxerunt, cuius rei exemplum est Aeneas, qui traditur Veneris & Anchisæ filius, hinc & de Cæsare dicit VELLEIVS ¹ *Cæsar nobilissima Iuliorum genitus familia & quod inter omnes antiquissimos constabat, ab Anchise & Venere deducens genus.* sic Alexander magnus sibi videbatur obscurus, nisi abdicato mortali patre Philippo Amyntæ filio, ab Ione genitus crederetur, addita insolentiæ fabula, draconem * in cubuli matris visum, quem Iupiter induerit, uti PLUTARCHVS ² IVSTINVS ³ alique referunt. idem de P. Scipionis quoque matre memoriæ traditum est, auctore A. GELLIO ⁴ & de Atia, Augusti matre apud SVETONIVM ⁵ hæc legimus: *in Asclepiadis Mendetis Θεολογισμένων libri lego, Atiam quum ad solenne Apollinis sacrum media nocte venisset, posita in templo lectica, dum ceteræ matronæ dormirent, obdormisse; Draconem repente irrepsisse ad eam, paulloque post egressum: illamque expergefa-*

¹ lib. II. cap. 41. ² vita Alexand. pr. ³ lib. XI. cap. II. §. 3.
⁴ lib. VII. cap. I. N. A. ⁵ vit. Aug. cap. 94.

Etiam, quasi a concubitu mariti, purificasse se, & statim in corpore eius existisse maculam, velut depicti draconis: nec potuisse unquam eximi: adeo, ut max publicis balneis perpetuo abstinauerit: Augustum natum mense decimo & ob hoc Apollinis filium existimatum. tanta fuit fingendi licentia, tanta ambitio mortales ad diuinitatis studium duxit & tam creduli homines esse coeperunt, ut huiusmodi commentitiis rebus fidem suam adiunxerint.

* Serpens enim plurimum deorum signum erat propter animalis huius felicitatem, vigilantiam, salutem, potentiam, singulari autem & proprio modo Aesculapii, Apollinis filii. crediderunt quidam, quod ab æneo serpente, salutis causa in solitudine erecto, manauerit ad gentes, unde serpentem Aesculapio suo adfingerent, vide H V E T I V M demonstrat. euangel. prop. IV. cap. 8. C E L L A R I V M antiqu. med. cap. 2. §. 6. 7.

§. XXVI. Equidem sententiæ huic, quod Derceto sit Venus, quæve significet lunam, varia obiici possunt. namque primum D I O D O R V S deam, quæ Derceto vocata est, plane distinguat a Venere, cuius motu quippe ac impulsu dea hæc amore erga iuuenem quemdam fuerit accensa; de inde autem ipsa forma, quæ deæ huic affingatur, cum luna nequaquam conueniat, quin etiam, quum superiori parte præ se tulerit figuram hominis, inferiori piscis, respiciat mare deumque quemdam marinum. at vero si hæc penitus inspiciamus, leuiora sane sunt, quam ut nos de iam proposita sententia dimoueant. ita est, quod D I O D O R V S deam Syriam aut ex nostra sententia Venerem a Venere distinguat, nec sine grauiori

caussa pro gentilium religione, quoniam plures erant Veneres, de quibus CICERO¹ loquitur: *Venus prima cælo & die nata: cuius Elido delubrum videmus: altera spuma procreata; ex qua & Mercurio Cupidinem secundum natum accepimus: tertia Ioue nata & Diana, quæ nupsit Vulcano; sed ex ea, & Marte natus Anteros dicitur: quarta Syria Tyroque concepta, quæ Astarte vocatur, quam Adonidæ nupsisse proditum est.* quod autem Veneri duplicem formam commentitiam adiunxerint, partim piscis, partim hominis, quæ nihilominus denotet lunam, huius rei occasio fuit fabula illa, quod Venus mutata sit in piscem, cuiusmodi fabulas veteres inter se confuderunt perturbaruntque, ita ut altera nata sit ex altera.

§. XXVII. Sed satis diximus de fabulosa Semiramidis origine. nec maior fides erit in educatione ipsius, quod a columbis prima acceperit nutrimenta. produnt cum sacræ tum profanæ litteræ exempla eorum, qui ab animalibus, quæ intelligendi vi carent, nutriti & ab interitu per providam ipsorum curam sint conseruati. namque ex oraculis diuinis² cognoscimus, quod singulari summi numinis providentia corui. * in extrema annonæ caritate prophetæ Eliæ carnem panemque adtulerint ipsumque adeo ad torrentem *Critib* aluerint benigne. inprimis autem plurima exempla de *Ἐπιτροφέῳ* apud paganos scriptores reperimus. sic apud IUSTINVM³ legimus, Cyrum a cane, Habidem a cerua, Hieronem

¹ de N. D. lib. III. cap. 23. ² 1 Reg. XVII. v. 1. seq. ³ lib. I. cap. 4. lib. XLIII. cap. 4. lib. XXIII. c. 4.

ab apibus; apud AELIANVM ¹ Telephum Agaues & Herculis filium a cerua, Peliam Neptuni & Tyrus filiam ab equa, Alopes Priami-que filium ab vrsa, & Aegisthum Thyestæ & Pelopiæ filium a capra; apud DIONYSIVM ² FLORVM ³ IVSTINVM ⁴ Romulum & Remum a lupa educatos fuisse atque enutritos, vt de aliis taceamus exemplis.

* dicuntur עֲרָבִים quæ vox his punctis voca-

libus munita semper significat *cornos* Gen. VIII. v. 7. Leu. XI. v. 15. Deut. XIII. v. 14. Psal. CXLVII. v. 9. Prou. XXX. v. 17. Cantic. V. v. 11. Es. XXXIII. v. 11. Iob. XXXVIII. v. 41. hinc & LXX interpr. habent *κόρακες* eandem-que interpretationem adprobant R. DAVID KIMCHI, R. LEVI ben GERSOM, R. ABARBANEL quæ & cum integra oratione contexta, miraculique excellentia maxime conuenit. sunt qui per עֲרָבִים intelligunt *mercatores*; item incolas a loco vel petra עֲרֵב *Oreb Orebin* seu *Orefim* adpellatos, prout HERM. van der HARDT de *cornis Eliæ* existimat, incolas huius vrbis aluisse Eliam; sed nunquam vrbis *Oreb* aut in *Oreb* sitæ, verum rupis, cui nomen fuit *Oreb*, mentio fit. & si fuissent homines, qui cibum præbuerunt Eliæ, cur iidem non & potum suppeditarunt? nec intelligi possunt *Arabes*, qui ab hebræis dicuntur עֲרָבִים *Arfim* 2. Chron. XXI. v. 16.

non עֲרָבִים *Orefim*. CLERICVS in h. l. procliuior est in eam sententiam, qua coruos fuisse negatur, quapropter BOCHARTI argumenta tom. II. lib. II. cap. 13. hieroz. quibus

¹ lib. XII. cap. 42. var. histor. ² antiq. roman. lib. I. ³ lib. I. cap. 1. ⁴ lib. XLIII. cap. 4.

interpretatio de coruis munitur destruere,
ope adnuitur.

§. XXVIII. De auctoritate horum exemplorum disputatur in vtramque partem & quidem quod ad illa attinet, quæ a scriptoribus paganis sunt tradita, quoniam historiæ de Elia quisque fidem habet, qui partim diuinam excellentiam atque auctoritatem sacri codicis tuetur, partim veram ac genuinam interpretandi rationem sequitur. sunt itaque, qui durius esse censent, omnia huiusmodi exempla reddere suspecta, aut ad nugas referre fabularum, ita vt qui huius sit opinionis, maximam vim dignitati ac fidei historicæ inferat, præsertim quum & recentioris æui auctores prodant testimonia, quod a feris homines sint nutriti. summi enim numinis prouidentia sit maxime larga, & prout totum hoc, quod videmus & quidquid non videmus effecerit, ita rector quoque sit & custos huius uniuersi omniaque sustineat vi sua, speciatim autem per incredibilem benignitatem consulat rebus humanis, hancque prouidentiam per miracula confirmet nec solum inter illos, qui voluntati ipsius morem gerunt, sed & inter nationes a veris sacris maxime alienas, confer FLEETWOOD¹ in cuius curæ diuinæ erga gentes, eiusque per miracula manifestæ ac testatæ factæ documenta adseruntur præter exempla de *Θησιονόφοις*, mutatio illa, quæ in filio Cræsi subito accidit apud A. GELLIVM² VALE-
RIVM MAXIMVM³ SOLINVM⁴ prodigium illud, quod Xerxi inter cœnam euenerit, quum consilium Lacedæmonios bello op-

¹ de miraculis dial. II. p. 230. sqq.

² lib. V. cap. 9. N. A.

³ lib. V. cap. 4.

⁴ cap. 7.

primendi

primendi animo concepisset, auctore VALE-
RIO MAXIMO; ¹ item quod caput arserit
Servio Tullio dormienti multorum in conspe-
ctu, hæcque flamma visu euentuque mirabi-
lis futuram regiæ maiestatis dignitatem, ad
quam Servius Tullius posthoc peruenit, præ-
dixerit, cuius historiæ testes habemus LI-
VIVM ² FLORVM ³ VALER. MAXIMVM ⁴
& CICERO ⁵ dicit: *caput arsisse Servio Tullio
dormienti, quæ historia non prodidit?* necnon
somnia, quibus summum tenentibus impe-
rium fata futura prædicta sint, cuiusmodi plu-
ra VALERIUS, CICERO alique commemo-
rant. at vero alii nec auctoritatem nec fidem
exemplis ac paganorum testimoniis de *ἑρμιο-
τρόφους* adiungunt, eaque, digna esse pronun-
tiant, quæ pari censu cum commentitiis rebus
habeantur.

§. XXVIII. Neutiquam negamus, quod
Deus quoque per indulgentiam suam & pro-
videntiam rebus paganorum consuluerit, sed
num exempla ista de *ἑρμιοτρόφους* veritate hi-
storica ita sint munita, ut vi sua hancce rem
corroborare ac confirmare possint, id adhuc
dubium nobis videtur. etenim observamus
exempla, quæ aperte sapiunt fabulas, quando
Iouem & Aesculapium per capram educatos
fuisse legimus; & quamuis alia quandam ve-
ritatis speciem præ se ferant, facile tamen, si
omnia perspiciamus penitus, veriora depre-
hendere possumus, quæ pro perdita fingendi
licentia mutata fuerunt in commentitia. sic
Cyrus per canem nutritus ac seruatus dicitur,
cuius fabulæ autem ea fuit occasio, quod vxor

¹ lib. I. cap. 6. ² lib. I. cap. 39. ³ lib. I. cap. 6. ⁴ lib. I.
cap. 6. ⁵ lib. I. de diuin.

Mithridatis, quæ Cyro præbuit alimenta, nomen habuerit *Spaco*, quo Medi vocarunt canem, hinc & HERODOTVS ¹ τὴν γὰρ κύνα καλεῖσαι Σπάκα Μῆδοι, IUSTINVS ² autem: *nutrici Spaco postea nomen fuit, quia canem Persæ sic vocant*, vid. GVIL. BVRTONVM ³ Romuli nutrix traditur lupa, quæ fuit Faustuli vxor propter vulgati corporis vilitatem *lupa* ⁴ inter pastores, id est meretrix nuncupata, vti præter alios obseruat LACTANTIVS; ⁵ nec ab re esse videtur, si adfirmemus, quod doctes corporis æque ac animi fictionibus locum dederint sæpe, quo factum est, vt poetæ virum eloquentem ab apibus, celerem ab equa, crudelem a tigride nutritum esse, fictis fabulis memoriæ prodiderint. qua ratione facile intelligi possunt versus VIRGILII ⁶ de Metabo, Priuernatium tyranno, Camillæ patre:

*hic natam in dumis interque horrentiæ
lustra,*

armentalis equæ mammis & lacte ferino

nutribat, teneris immulgens ubera labris:

quod si ita est, sicuti est, satis subinde adparet, quid de educatione Semiramidis eiusque nutricibus columbis sentire debeamus. VOS-
SIVS ⁷ quippe existimat, quod fabula hæc ex voce *Semiramidis*, quæ Syrorum lingua significet columbam, ortum suum traxerit, quamuis alii nomen hoc ipsi adtributum fuisse propter educationem ope columbarum adfirmant. sic quoque PIERIVS ⁸ putat, quod columbæ, quarum indoles ad libidinem maxime sit procliuus, propter hanc Veneris voluptatem, cui

¹ lib. I. cap. 110. ² lib. I. cap. 4. ³ λούαν, veter. lingu. Persice p. 85. ⁴ lib. I. cap. 20. institut. diuinæ. ⁵ Aen. lib. XI. v. 570. ⁶ de idololat. lib. I. cap. 23. ⁷ hierogl. lib. XXII. cap. 8.

Semiramis quoque indulserit æstuante animi ardore, occasionem fabulæ huius proferendæ dederint, quæ utraque sententia multum præ se habet probabilitatis, vt in cuiusque positum sit arbitrio, quam ex illis, veluti probatam atque expeditam sibi eligat.

* meretrices *lupæ* dicebantur, ob rapacitatem
 PLAVTVS Epidic. act. 3. scen. 3. v. 22. *diuertunt mores virgini longe ac lupæ.* CATVLLVS carm. 97. *tanquam comminctæ spurca salua lupæ.* vnde *lupanar* & *lupanarium*, id est domus inhonesta, vbi impune permittebatur libido. Faustuli autem vxor dicitur *Laurentia* & *Larentia*, quam MACROBIVS saturn. lib. I. cap. 10. vocat *Aciam Larentiam*.

§. XXX. Quum iam perspiciamus modum, quo Semiramis peruenerit ad regiam maiestatem tenueritque Assyriorum imperium, in mentem nostram veniunt ea, quæ ABELVS & hac de re monet. scilicet obseruat, quod omnia, quæ de momento hoc a scriptoribus literis sint consignata, Semiramidem maritum Ninum interficiendum curasse, seque pro vxore Nini filium, pro femina puerum simulasse, fidei historicæ atque omni rationi repugnent, nec facile quis sibi persuadeat, quod vxor hæc Assyriis, qui omnia tam perspecta tamque cognita habuerint, fraudem hanc facere potuerit. sed tamen sunt quædam, quæ auctores veteres a suspitione fabularum liberare, ipsorumque fidem tueri possint, si dicamus, quod Semiramis regni tantum administrationem filio præripuerit, adeoque veluti sub persona filii tenuerit imperium, vt superioribus a nobis est obseruatum. de cetero grauiora adhuc re-

x *hystor. monarchiar. orbis antiqui lib. I. cap. 7. p. 388.*

stant,

stant, quæ merentur censuram. etenim quæ de *Babylone* traduntur, partim MOSES¹ partim BEROVS apud IOSEPHVM² feliciter confutant. namque ille de Nimrodo per anticipationem dicit: *והי רשעית מטלכו בבל* hic vero μέμψεται ἱσθρικοῖς συγγραφεῦσι reprehendit *græcos historicos*, qui credidissent perperam & *Babylonem* & eius ornamenta a *Semiramide* *Assyriorum* regina oriri. imo nonnulli ex ipsis græcis originem vrbis huius retulerunt ad *Belum*, vt testantur excerpta EVSEBII³ ex variis autoribus de *Babylone* a gigantibus & *Belo* condita; hinc & CVRTIVS⁴ *Semiramis* eam condidit, vel vt plerique credidere, *Belus*, cuius regia ostenditur, & PHILOBYBLIUS apud STEPHANVM⁵ tradidit, esse hanc urbem opus *Babylonis*, viri sapientis, qui filius fuerit sapientissimi *Medi* (pro quo alii legendum esse *Beli* exultimant, non vero, sicut *Herodotus*, a *Semiramide* conditam; ea enim antiquiorem esse urbem *Babylon*, duobus annorum millibus; * quod etiam refert EVSTATHIUS⁶ nisi quod urbem *Semiramide* antiquiorem dicat mille & octingentis annis.

* PERIZONIVS orig. *Babylonic* cap. 7. p. 90. cum VOSSIO de idololatr. lib. 1. cap. 24. coniecturæ fauet, quod *Belus* potius nominauerit filium sibi natum ab vrbe, quæ *Babel* vel græca pronuntiatione *Babylon* dicebatur, prout *Ninus*, aut saltem *Ninyas* nomen suum accepisse videatur ab vrbe *Nino* vel *Niniue*, quæ dudum ab *Assure* fuisset iam condita.

§. XXXI. At vero plures in veterum mo-

¹ Gen. X. v. 10. ² lib. 1. contr. Apion. p. 1045. ³ præpar. euangel. lib. IX. cap. 14. 15. 17. 18. 41. ⁴ lib. V. cap. 1. ⁵ voc. Babul. ⁶ ad Dionysii perieg. v. 1005.

nimentis

nimentis commemorantur *Beli, Tyrius* quippe & Phœnicus, de quo VIRGILIUS ¹

*hic regina grauem gemmis auroque poposcit
impleuitque mero pateram, quam Belus &
omnes*

a Belo soliti

item *Aegyptius*, Neptuni & Libyes filius *Affyrus*, qui pater fuisse Nini dicitur, & *Babylonius*, quippe qui Babylonem condidit, & prioribus multo antiquior, quapropter AELIANUS ² dicit istum Ἰὸν βῆλον Ἰὸν ἀρχαῖον, *Belum illum antiquum*. nec difficilis est cognitio causæ, cur tot reperiamus Belos in historiis diuersarum gentium. etenim quæque natio in oriente suum progenitorem in deorum numerum retulit, ipsumque diuinis adfecit honoribus; *Beli* autem vox significat *deum* seu *dominum*. chaldæis quippe ܒܠ est *dominus*, item *præses*, quæ vox hebræorum nomen ܒܠ & significatione & origene præ se habet, quod græci ad chaldæorum pronuntiationem paullo propius accedentes, scripserunt βῆλ vel βῆλος; sic & *Baal* est vocabulum Punicum, dominum vel dominantem significans, vnde etiam duces ipsorum id cognomen loco sibi assumserunt, vt *Hanni-bal, Hasdru-bal*, confer SELDENVM ³ THOMAM REINESIVM ⁴.

§. XXXII. Nimrod igitur, quem tradunt sacræ litteræ, idem est ac Belus, quem profani commemorant auctores. quod haud obscure confirmant ea, quæ legimus apud EVSEBIUM, ⁵ vbi Belus dicitur πρόγονος Nebucad-

¹ *Aen.* I. v. 732. ² *lib.* XIII. cap. 3. ³ *de diu. Syriæ Synt.* II cap. 1. ⁴ *de lingu. Punic.* cap. 6. §. 4. ⁵ *Præpar. euangel.* lib. IX. c. 41.

nezaris:

nezaris: & ALEXANDER *polybistor*. apud eundem EVSEBIUM ¹ de Belo hoc eadem magna ex parte narrat, quæ liber diuinæ generationis tradit de Nimrodo. namque dicit: *gigantes, quum Babyloniam incolerent, a diis propter impietatem extinctos fuisse, quorum vnum Belum subductum Babylone habitasse, turrimque exstruxisse, & in ea vitam egisse, eamque a Belo, qui eam exstruxerat, Belum nominatam.* ex quibus verbis adparet, turrim, quam diuina scriptura commemorat, tribui Belo, cuius auctor Ebræis est Nimrod, IOSEPHO ² & Rabbi SALOMONI ³ aliisque, quamuis BOCHARTVS ⁴ dicat, *Nimrod tum vix natus erat.* adhæc Belus refertur inter gigantes, qui tenuerint Babyloniam, & omni religioni vim inferentes, acerbissimam dei iram experti, ita vt penitus fuerint deleti; plane sicuti Nimrodus in diuinis oraculis a LXX. interpretibus *gigas* fuisse dicitur, & turbarum seditionisque auctor duxque eorum fuit, qui aduersus dei voluntatem turrim ædificare cœperunt, & iis de causis non quidem extincti, sed ex eo loco per terrarum orbem sunt dispersi. quapropter fixum statutumque nobis est, eundem fuisse Belum, qui aliter Nimrodus dicitur, atque a profanis scriptoribus adpellatur *Belus*, id est deus seu dominus, quoniam ordini deorum pro gentium consuetudine est adscriptus, confer BOCHARTVM ⁵ SCHVRZFLEISCHIVM ⁶ PERIZONIVM ⁷ CHRISTIAN SCHOTANVM ⁸. *

¹ lib. IX. cap. 18. ² lib. I. cap. 5. antiqu. ³ in Gen. X.
⁴ Phaleg. lib. I. cap. 14. ⁵ Phaleg. lib. IV. cap. 14. ⁶ oper. historic. polit. dissert. I. §. 18. sqq. ⁷ orig. Babyl. cap. 5. & 7.
⁸ biblioth. hist. sacr. de ætate secunda mundi p. 48. sqq.

* alio-

* aliorum sententias de *Nimrodo, Belo, & Nino*, silentio præterimus. sunt quippe, quibus vel idem Nimrod ac Belus; vel Nimrod & Ninus idem; aliis singuli diuersi Nimrod, Belus, Ninus, quas diuersas opiniones collegit IO. GODOFR. HARTVNGIVS¹ specim. historic. contin. monarchiam l. §. 15. p. 32. adde CELLARIUM dissertationibus academ. p. 56. seqq.

§. XXXIII. Sunt quoque, qui diuersas sententias de Belo & Semiramide, quod ad Babylonem adinet, ita conciliant, vt originem vrbis huius Belo; ornamenta vero Semiramidi vindicent, quapropter AMMIANVS MARCELLINVS² dicit: *Babylon, cuius mania bitumine Semiramidis struxit, arcem enim antiquissimus rex condidit Belus; & HERODOTVS³ refert, molem ἀξιόδεντον id est spectabilem Euphrati coërcendo a Semiramide esse constructam; sed quum addit similis ingenii Nitocris, πέντε γενῆσι, quinque generationibus Semiramide posteriorem, ipse testimonium suum reddit suspectum fidemque facit obscuriorem. etenim si Nitocris a Semiramide per quinque ætates id est per CLX annos fuerit separata, Semiramis sane esset multo recentior, quam traditur vulgo. quam ob rem necesse est, aut adfirmare duas fuisse Semiramides, alteram priorem, alteram posteriorem, quæ molem hanc struxerit, cuiusue fecerit mentionem HERODOTVS, prout SCALIGER³ sententiam hanc de duabus Semiramidibus tenet; aut pronunciare, ipsa HERODOTI verba πέντε γενῆσι male esse sana, ita vt pro πέντε scribere debeamus δεκαπέντε, quindecim. id exploratum ac diuina humanaque fide confirmatum est, quod*

¹ lib. XXIII. ² lib. I. p. 384. ³ ad Euseb. n. DLXXXIII. p. 37.

Nebucadnezar notissimus monarcha, Tyro, Aegypto & Hierosolymis captis Iudæisque in captiuitatem abductis, Babylonem ornauerit operibus, in quibus BEROSVS ¹ etiam muros & hortos pensiles numerat, græcos reprehendens, qui Semiramidi adtribuant. quamobrem Nebucadnezar ingenti elatus superbia dixit: *הלא דא-דיא בבל דרמא כניחא לבית מלכו: nonne hæc est Babel magna, quam ego edificaui*, id est ornaui, ampliorem ac splendidiorē feci, *in domum*, hoc est sedem regni apud DANIELEM. ² de cetero auctoritate HERODOTI nonnulli adducti sunt, vt ornamenta quædam Babylonis Semiramidi adtribui posse, existimauerint, qua de re videas PERIZONIVM ³ & VITRINGAM. ⁴

§. XXXXIII. Superioribus mentionem quoque iniecimus expeditionum, quas Semiramis suscepisse traditur, quo in momento multa quoque deprehendimus, quæ sunt contra fidem. primum enim MEGASTHENES, auctor indicarum, scribit apud ARRIANVM ⁵ neque Indos cum hominibus bellum gessisse, neque vllos Indis bellum intulisse, quamuis addat, Semiramidem quidem Assyriam tentasse exercitum in Indos ducere, sed mortem ipsius consilia conatusque fregisse, vt adeo expeditionem quamdam Indicam Semiramidi adscribendam esse neget, adde STRABONEM. ⁶ at vero MEGASTHENES, quum Indica consignauerit litteris, apud Indorum reges commoratus est, atque ipsi commoda fuit occasio, omnia genuina bonaque fide tra-

¹ apud Ioseph. contra Apion. lib. 1. ² cap. IV. v. 37. ³ orig. Babylon. cap. 7. p. 91. ⁴ comm. in Esaiam cap. XIII. p. 495. ⁵ histor. Indic. p. 318. ⁶ lib. XV. p. 61.

dendi,

dendi, testibus PLINIO ¹ & SOLINO ² deinde si quis apud animum expendit, quantum exercitum Nino adscribat DIODORVS ³ quantamue multitudinem militum collegisse Semiramis tradatur, obstupescendum sane est & maxime demirandum, vnde primo post diluuium æuo, in quo ea, quæ de Nino & Semiramide narrant, non possunt non incidere, tam paucis ex aqua seruatis, infinita hominum multitudo enata fuerit, vt tot bellis ac exercitiis vel mediocriter suffecerint. facile omnino ignosci potest paganis scriptoribus, ignorantibus quippe, quæ cum humano genere diuinitus fuerant acta: sed christianos imitari illos, id est, quod animum in admirationem deducere potest.

§. XXXV. Multi effunduntur in laudes Semiramidis, quæ virtutibus magna fuerit ac conspicua, vt IUSTINVS admirator ipsius extitit, quippe qui dicit ⁴ *nec hoc illi dignitatem regni ademit, sed admirationem auxit, quod mulier non feminas modo virtute, sed etiam viros anteiret.* sed qualis est virtus, quæ in Semiramide elucet? laudant admiranturque fortitudinem bellicamque virtutem, cuius tam præclara omnique memoria digna dederit documenta. at vero tantum abest, vt animus ipsius vera fortitudinis virtute munitus fuerit, quippe quæ caute & circumspecte agit omnia, vt temeritati atque imprudentiæ succubuerit. sic multis nemo fortior Alexandro magno adparuit; SENECA tamen rationibus subnixus nequaquam contemnendis, ipsi omnem fere virtutis laudem ademit, ac belli-

¹ lib. 17. cap. 17. H N. ² cap. 49. ³ lib. II. cap. 9.
⁴ lib. I. cap. 2. §. 6.

cam virtutem adeo denegavit, vt *felicem temeritatem*¹ adpelleret, sequutus forte Darium apud CVRTIVM² dicentem: *temeritas est, quam adhuc pro virtute timuistis.* & si quis sua cupiditate, non communi vtilitate impellitur ad subeunda pericula, is sane officium vere fortis ducis ac militis minime potest implere. indoles sane Semiramidis, quæ mollitie & luxu diffuebat, quæ castitati bellum quasi indicebat, quæue pudicitiam habebat in propatulo, plane ab heroica virtute ac magnitudine animi aliena fuit. ratio denique, qua diem supremum obiisse traditur, fabulam quoque sapit, quumue nobile fuerit scortum, nemo sibi persuadeat, quod ingrauescente demum ætate cupiditate flagrauerit, cum filio muliebria exercendi. hinc VSSERIVS³ dicit: *Semiramis, quum concubitu cum filio petiisset, ab eodem interfecta est, duos & XL. annos post Ninum regno potita, quanquam 62. annorum anum de ejusmodi incestu cogitavisse, vix videatur esse credibile.* de eo, quod Semiramis transmutata sit in auem, nihil dicamus, quoniam indubitata est fabula.

¹ de benef. I, 13. VII, 3.
V. T. p. 26.

² lib. IV. cap. 14. §. 13.

³ anal.

DIATRIBE
DE
VARIIS MODIS
LITTERAS COLENDI
APVD
VETERES ROMANOS.

Σ Τ Ν Ο Ψ Ι Σ.

Ratio instituti §. I. de praeceptoribus veterum romanorum §. II. de scholis publicis & priuatis veterum romanorum §. III. de ipsorum peregrinationibus litterariis §. IIII. de libris illorum ac de modo istos legendi §. V. de ipsorum anagnostis §. VI. de meditatione litteraria veterum romanorum §. VII. de ipsorum recitationibus §. VIII. de disputationibus veterum romanorum §. VIII. de lucubrationibus ipsorum §. X. ac secessibus §. XI.

QUum mihi in animo est, breuibus declarare, quæ fuerit ratio colendi litteras apud veteres romanos, non in varia doctrinarum genera illorum, in quibus exponendis alii sese exercuerunt, inquiram, sed in rationes quasdam, quibus litterarum cultura se tradiderint. primum disputabo de institutione litteraria, quum romani aliorum auxilio adiuti, ad musarum peruenerint scientiam, ratione habita partim ipsarum litterarum in primis humaniorum, partim locorum, quæ earum fuerunt officinæ. magnæ curæ romanis fuit educatio, quorum disciplina eo spectabat, ut sincera puerorum natura, nullis detorta prauitatibus, toto statim pectore in virtutem & honestas artes incumbendi locum haberet, id quod pulcre docet auctor de causis corruptæ eloquentiæ: ¹ iam primum suus cuique filius ex casta parente natus, non in cella emta nutricis, sed gremio ac sinu matris educabatur, cuius præcipua laus erat, tueri domum & inservire libris. eligebatur autem aliqua maior natu propinqua, cuius probatis spectatisque mo-

¹ cap. XXVIII.

ribus omnis cuiuspiam familiae soboles committeretur. coram qua neque dicere fas erat, quod turpe dictu, neque facere, quod inhoneſtum factu videretur. ac non ſtudia modo curasque, ſed remiſſiones etiam luſusque puerorum, ſanctitate quadam ac verecundia temperabat. conſtat quoque, romanos ex ſtudiis eos percepisse fructus, vt ad tantum faſtigium romana maietas eueheretur, & per tot ſecula in eodem immota & inconcuſſa perſtaret, ac ipſi a barbarie ad vitam cultiorem, & ab inſcitia ad humanitatem & variam doctrinam traducti eſſent. quod ſi ita eſt, ſicuti eſt, operæ pretium facturus mihi videor, ſi in hoc argumento diſputando curatius verſer, vt æmulatione incitati, quod ſalubre nobis. ſit & muſis noſtris, tanquam ab exemplo. ad imitandum propoſito capiamus.

§. II. Pro diuerſa ætatis ingeniūque indole neceſſe fuit, diuerſa quoque ratione litteras excolere. plerumque domi & in contubernio matris diſcebantur elementa, & ipſi parentes liberos ſuos inſtitutis & præceptis erudiebant. CICERO ¹ dicit, ſe legiſſe epistoſas Corneliæ matris Gracchorum & apparere. filios non tam in gremio educatos, quam in ſermone matris; & alio loco ² mallem Cicerones noſtros meo potius labore ſubdoceri, quam me alium eorum magiſtrum quærere: item ad Quintum fratrem: ³ *maximæ mihi curæ erit, vt Ciceronem tuum noſtrumque videam, ſcilicet quotidie: ſed inſpiciam quid diſcat, quam ſapiffime: & niſi ille contemnet, etiam magi-*

¹ de clar. orator. cap. LVIII. adde cap. XXVII. ² lib. VII.
³ ep. 4. ad Attic. ³ lib. II. ep. 14.

strum me ei profitebor: cuius rei nonnullam consuetudinem nactus sum in hoc horum dierum otio, Cicerone nostro minore perdocendo, quamuis alii scribant producendo. NEPOS de Attico refert, ¹ quod patre vsus sit diligenti, indulgente & tum vt erant, diti, inprimisque studioso litterarum, qui omnibus doctrinis, quibus puerilis ætas impertiri debeat, filium erudiuerit. Iulius Agricola in sinu indulgentiaque matris Iuliæ Procillæ educatus per omnem honestarum artium cultum pueritiam adolescentiamque transegit, teste TACITO; ² id quod etiam Marcus Aurelius Antoninus, imperator de se ipso fatetur, ³ vt de aliis taceam. verum ad litterarum elementa ope præceptorum quoque adducti sunt, quod non solum priuatim, sed & multorum conuentu factum est. LIVIVS ⁴ de Camilli ingressu ad Tusculanos: *intentos opifices suo quemque operi, & ludos litterarum strepere discientium vocibus vidit, & alio loco: ⁵ mos erat Faliscis, eodem magistro liberorum & comite uti; simulque plures pueri, quod hodie in gracia manet, vnius curæ demandabantur.* idem de Virginii filia ⁶ *virgini venienti in forum (ibi namque in tabernis litterarum ludi erant) minister decem viri manum iniecit.* de eadem Virginii filia DIONYSIVS HALICARNASSEVS ⁷ ταύτην τὴν κόρην ἐπιγάμον ἔσαν ἤδη Θεασάμενος Ἀππίος Κλαύδιος ὁ τῆς δεκαρχίας ἡγεμὼν, ἀναγινώσκουσαν ἐν γραμματικῇ· ἦν δὲ τὰ διδασκαλεῖα τῶν παιδῶν τότε περὶ τὴν ἀγορὰν ἐνθὺς τε ὑπὸ τῆς κάδης

1 vit. Attic. I, 2. 2 vit. Agricol. cap. 4. n. 3. 3 lib. I. pr. τῶν ὡς ἑαυτὸν adde GATAKER not. p. 2. & BVDDE de stud. liber. veter. roman. p. 8. 9. 4 lib. VI, 25. 5 lib. V, 27. 6 lib. III, 44. 7 lib. XI. antiq. rom. p. 709.

τῆς παιδὸς εἰάτω, καὶ ἔτι μαῖδιον ἔξω τῶν φρενῶν
 ἐγένετο, ποικίλῃς ἀναγκαζόμενος περιέναι τὸ διδά-
 σκαλεῖον, ἡδὴ κρατέμενος ὑπὸ τῆ πάθης, *eam puel-*
lam iam nubilem Appius Claudius decemviro-
rum princeps in ludo litterario legentem con-
spicatus (erat autem tunc ludus litterarius in
foro) & tunc statim puellæ forma captus est, &
magis indies extra se abripiiebatur, dum amo-
re iam correptus, ludum multoties obire coge-
retur; quibus patet, quod hic prima elemen-
 ta sint tradita, quodue pueri & puellæ institu-
 tionem habuerint communem. huiuscemodi
 præceptores dicti sunt ludimagistri, quoniam
 romani scholam dicere solebant ludum, item
 litteratores, magistri litterarii, magistri ad pri-
 ma elementa, quos cum grammaticis haud
 confundas, qui maiori erant dignitate, ingenio
 præstanti & eruditione excellentiore, quod
 WOWERVS¹ fuisse tradit. quamuis in cœtu
 erroribus non modica, sed largissima sit mate-
 ria, & integritas morum facilius possit corrup-
 pi, malebant tamen in scholis & multorum
 conuentu suos, quam priuatim & singulares in-
 stitui, ut æmulatione ingenium accenderetur
 & certatim promouendo maiores facerent
 progressus. namque alit æmulatio ingenium,
 & nunc inuidia, nunc admiratio incitationem
 accendit.² attamen fuerunt, qui liberis suis a
 primis pueritiæ annis magistros priuatos ad
 ingrediendam studiorum rationem elegerunt.
 elementis adreptis, grammaticos græcos audi-
 uerunt, modo priuatim & domi, modo in scho-
 lis & conuentu plurium, quia prima cura litte-
 rarum græcarum fuit, quod testantur plura

¹ de polym. cap. IV. p. 1017. tom. X. Th. A, G, GRONOVII.

² conf. CELLARIUM differt. academic. p. 351.

exempla, ex quibus mentionem faciamus M. Antonini philosophi, qui vñs est magistro ad prima elementa Euphorione litteratore; grammaticis græco Alexandro, quotidianis latinis Trofio Apro & Pollione & Eutychio Proculo Siccensi, vt tradit IULIVS CAPITOLINVS. ¹ auspiciu[m] fiebat a poetis, inter quos Homerum maxime diligebant, quippe qui princeps magister, vitæ hominum informator, tuba virtutis, inprimis eloquentiæ pater habebatur, quem & Hippodromus apud PHILOSTRATVM ² πατέρα καὶ Φωνὴν σοφιστῶν, *patrem & vocem sophistarum* adpellat. coniungebant cum Homero Menandrum, Euripidem, Sophoclem & pergebant ad historicos Thucydidem, Polybium, Herodotum, Xenophontem, reliquos, quæ eloquentiæ & philosophiæ præmittenda esse arbitrabantur. litterarum harum doctores erant grammatici, quorum alii quum fuerint τεχνικοί, alii ἰσορίκοι, seu ἐξηγητικοί, alii κριτικοί, illi qui secundi ordinis sunt, præcipue huc pertinent, quippe qui litterarum alumnos ad interiora veterum scriptorum, poetarum inprimis sententiam perducebant, id quod VOSSIVS ³ WOWERVS ⁴ PERIZONIVS ⁵ PITISCVS ⁶ SCIOPIIVS ⁷ MASSONVS ⁸ & alii vberius produnt. horum ductu legebant polita græcorum monimenta, quod fiebat studiose & diligenter; hinc PLINIVS ⁹ *non enim dixi, quæ legenda arbitrarer:*

¹ vit. Anton. philos. cap. II. adde FABRICII biblioth. græc. lib. IV. c. 23. p. 21. ² lib. II. de vit. soph. adde CUPERVM de

apothecis. Homeri p. 119. ³ de arte grammatic. lib. I. p. 12. 20. 21. 23.

⁴ cap. IX. p. 1033. d. l. ⁵ obseru. ad Sanctii minervam p. 12. 13.

⁶ adnot. ad Sueton. de illust. grammat. p. 1079. 1090. & lexic. antiquit. rom. tom I. p. 882. ⁷ de arte critica p. 2. ⁸ vita Horatii p. 20. ⁹ lib. VII. ep. 9. n. 15.

quanquam dixi, quum dicerem, qua scribenda.
tu memineris, sui cuiusque generis auctores di-
ligenter eligere. aiunt enim, MVLTVM LE-
GENDVM ESSE, NON MVLTA. quæue
erant salubria & vtilia, obseruabant, & per me-
moriam non solum repetebant, sed ad imita-
tionem quoque trahebant diligenti opera.
QVINCTILIANVS¹ vertere græca in lati-
num veteres nostri oratores optimum iudica-
bant. & paullo post: sed & illa ex latinis
conuersio multum & ipsa contulerit. PLINIVS²
utile in primis & multi præcipiunt, vel ex græ-
co in latinum, vel ex latino vertere in græcum:
quo genere exercitationis proprietas splendor-
que verborum, copia figurarum, vis explicandi,
præterea imitatione optimorum similia inue-
niendi facultas paratur. simul quæ legentem
fesellissent, transferentem fugere non possunt,
qua de re conferatur SCHEFFERSVS.³ imitati
sunt modo scribendi indolem, quod ad elegan-
tiam, formam, ac vim orationis adinet, modo
res & modum rerum tractandarum, quæ ex
aliis subinde petierunt tam veteres, quam re-
centiores. sic Cicero imitatus est Demosthe-
nem; Terentius Menandrum, Sallustius Thu-
cydidem, Virgilius Theocritum, Hesiodum,
Homerum, Tacitus Polybium & Thucydidem,
Liuius Polybium. neque vero solum græcos
scriptores vsurparunt, sed ex latinis quoque,
quæ ad rem pertinebant, vtiliter & adposite
transtulerunt, prout Terentius imitatus est
Plautum, quod probat PAREVS⁴ Cornelius
Seuerus Manilium, obseruante GORALLO
sive CLERICO⁵ Silius Italicus Virgilium,

¹ X. 5. pr. ² d. l. n. 2. ³ de stilo illiusque exercitiis cap. IV.
 segg. ⁴ de imitatione Terentii Plautina. ⁵ ad Astnam p. 90. 91.

quem cum isto contrulit ALEXANDER ROS-
 SÆVS. ¹ hoc decurso stadio, romani se phi-
 losopho dabant & rhetori, vt in illius schola
 artem differendi, in huius declamandi exer-
 cerent, & vtramque græce magis, quam roma-
 ne. minus fuerunt sine philosophia, quia
 non fuerunt sine arte oratoria, ad quam exco-
 lendam illa præsertim, quæ de moribus & of-
 ficio animique caracteribus agit, opus erat,
 quanquam iacuit vsque ad Ciceronis ætatem,
 nec vllum habuit lumen litterarum latinarum,
 consulas PAGAN. GAUDENTIVM ² & BVCH-
 NERVVM ³ princeps romanis studium fuit elo-
 quentia, ad quam colendam multum tempus
 sibi sumserunt, ita vt imagines grauissimorum
 oratorum in cultura artis huius sibi proponen-
 tes, ingenium & dicendi facultatem confor-
 marent & post hac ex penu eloquentissimo
 semper aliquid ad communem adferrent fru-
 ctum atque in aspectum lucemque profer-
 rent. in tradendæ eloquentiæ fontibus &
 præceptis sedulo operabantur primum gram-
 matici, deinde rhetores: adhæc instituebant
 exercitationes varias, in quibus declamatio-
 nes erant præcipuæ. adiungebant se clarissi-
 mi oratori nominis, quo vterentur paullo fa-
 miliarius & a quo discerent facultatem lo-
 quendi, vti dicit auctor dialogi de causis cor-
 ruptæ eloquentiæ ⁴ *ergo apud maiores nostros
 iuuenis ille, qui foro & eloquentiæ parabatur,
 imbutus iam domestica disciplina, refertus bo-
 nestis studiis, deducebatur a patre, vel a pro-
 pinquis ad eum oratorem, qui principem locum*

¹ lib. I. Virgilii triumphantis.

² de philos. apud roman. orig. & progress. Pis. 1643.

³ in Agricel. c. 1V. p. 118. 124. 125.

⁴ XXXIV, L 2.

*in ciuitate tenebat. hunc sectari, hunc prosequi, huius omnibus dictionibus interesse, siue in iudiciis, siue in concionibus assuescebat, ita ut altercationes quoque excipere & iurgiis interesse, utque sic dixerim, pugnare in praelio disceret: addatur GRONOVIVS. ¹ in eloquentiæ studio ingenia sua exercuerunt varia ratione. aut tradebant ficta, ut progymnasmata & declamationes, aut vera, ut orationes. iuuenum minora exercitia *πρὸς γυμνάσματα*, quæ latini vocant dicendi primordia, dicendi elementa; maiorum ac prouectiorum erant declamationes. declamandi genera tria fuerunt apud veteres pro tribus causarum generibus: vel enim panegyricæ erant declamationes, quæ in demonstratiuo, vel suasoriæ, quæ in deliberatiuo, vel controuersiæ, quæ in iurisdiciali genere versabantur. a declamationibus suasoriis faciebant auspiciu, quia huiusmodi argumenta habentur facilia, sed controuersiæ dignæ erant maturo iudicio, in quibus & sententiarum acumen, & exquisitus quidam ornatus adhibebatur. rhetor aut sophista exedram conscendebat, ut sedens ad delectationis aucupium haberet præfationem, qua auditorum sibi conciliaret animos. postea poscebant controuersiam & proposita materia vel arbitrio proprio delecta, causæ genus exponebat rhetor, quumque totius quæstionis statum prodidissent, diuidebant illam in partes, & explicabant breuiter & dilucide, quo facto, ipsam adgrediebantur controuersiam, quum aliquid spatii ad excogitandum sibi sumissent. verum non omni tempore eadem fuit eloquentiæ facies, nec eadem institutionis oratoriæ ratio.*

¹ *Observat. lib. III. cap. 23. p. 654. seqq.*

ante Ciceronem tractabant locos communes: ætate eius petebant argumentum ex veritate, quum modo in virtute prædicanda & vitio reprehendendo versarentur, modo ex historiarum monumentis, aut ex re, si qua forte recens accidisset, copiam sibi facerent dicendi laudando, vituperando, suadendo, dissuadendo. quæ exercitationes Ciceronis tempore dictæ sunt causæ. sed quum Seneca rhetor ingenio niteret, fictas lites sumebant, ea denique, quæ nec facta fuissent, nec fieri commode potuissent, excogitabant. in foro frequentes ac in iudiciis vsum ipsum eloquentiæ perdiscebant: ipsimet faciebant periculum & aliqua actione nobili edebant specimen eloquentiæ. plerumque vero iuvenes, qui eloquentiæ & iuri civili dabant operam, causarum patrocinium apud centumviros auspicabantur. PLINIVS ¹ *ad hoc perpauci, cum quibus iuuet dicere: ceteri, audaces atque etiam magna ex parte adolescentuli obscuro a declamando huc transeunt. tam irreuerenter & temere, ut mihi Attilius noster expresse dixisse videtur, sic in foro pueros a centumviralibus causis auspicari, ut ab Homero in scholis.* atque quum paucis tam clarum sit ingenium, ut possit emergere, nisi illi fautor commendatorque contingat, olim moris erat, ut magnæ auctoritatis viro, vel duce vel comite adolescens forum iniret, primamque susciperet causam: saltem auspicio & consiliis talis viri cœpit ostendi in publico. adolescentes nobiles accusarunt viros, quod rudimentum forensis operæ non solum laudis gratia subibant, sed & accusanti & damnanti pecuniæ, honores aut magistratus dabantur, quæ ha-

¹ lib. II. epist. 14. n. 2.

buisse

buiſſet reus. hic modus ætate CICERONIS fuit ſolemniffimus, qui ait ¹ *ſed quum ſint plura cauſarum genera, quæ eloquentiam deſiderant, multique in noſtra republica adoleſcentes & apud iudices & apud ſenatum; dicendo laudem adſecuti ſint, maxima admiratio eſt in iudiciis; quorum ratio duplex eſt. nam & ex accuſatione & deſenſione conſtat: quarum etſi laudabilior eſt deſenſio, tamen etiam accuſatio probata perſape eſt.* ſic ex accuſatione ſibi peperit laudem Lucius Craſſus, qui accuſauerat C. Carbonem, eloquentiſſimum hominem: M. Antonius adoleſcens accuſauit Cn. Papi- rium Carbonem, qui & M. Aquillium deſendit, nec minus P. Sulpicii eloquentiam inluminauit accuſatio, dum inutilem ciuem C. Norbanum vocauit in iudicium. inuſtrior & ſplendidiſior erat accuſatio, quæ rei publicæ cauſa, aut patrocini gratia, aut paternarum inimicitiarum ſuſcipiebatur. in huiusmodi cauſis ſæpe tractabant res ſuas diuinitus, & magna vi animi, magnus impetus, magnus dolor vultu, geſtu, digito ſignificabatur. magnum erat flumen grauiſſimorum optimorumque verborum, erant integræ ſententiæ, veræ, nouæ, ſine pigmentis fucoque puerili, vt quibusdam non ſolum incendere iudicem, ſed ipſi ardere viderentur: argumentum hoc pluribus perſecuti ſunt QVINTILIANVS ² SVETONIVS ³ MANVTIVS ⁴ SIGONIVS ⁵ BARTHIUS ⁶ CRESOLLIVS ⁷ RVPERTVS ⁸

¹ de officiis II. 14. ² inſtitut. orat. variis locis. ³ de claris rhetorib. cum eiusd. interpp. ⁴ de leg. romanis c. XXI. ſqq. p. 1094. tom. II. theſaur. antiq. rom. GRAEVI. ⁵ de iudicio lib. II. cap. 9. p. 1748. ib. ⁶ ad Claudianum p. 76. ⁷ theatr. rhetor. lib. III. IV. tom. X. theſ. antiq. grac. GRONOVII. ⁸ ſeſumet. ad. Vellei. Patreſ. II. 43. p. 191.

VOSSIUS ¹ PROVSTIVS ² MORHOFIVS ³
FRANCIUS ⁴ CLERICVS ⁵ KRIEGKIVS, ⁶
quos adire possunt, qui rerum harum cupidi
plura desiderant.

§. III. Non ab re erit, si locorum quoque,
in quibus litterarum perceperunt cognitio-
nem, vberiorē habeamus mentionem. ro-
manæ scholæ fuerunt partim priuatæ, partim
publicæ. illas quisque priuatim pro volunta-
te & sententia sua eligebant, quarum magnum
fuisse numerum, ex antiquitatis eruditæ mo-
nimentis patet. namque SVETONIVS ⁷ de
grammatica: *post hac magis ac magis & gratia
& cura artis increuit: ut ne clarissimi quidem
viri abstinerent, quominus & ipsa aliquid de
ea scriberent: utque temporibus quibusdam
super viginti celebres scholæ fuisse in urbe tra-
dantur.* postea rhetores & philosophi priua-
tas instituerunt scholas, quod publica factum
esse auctoritate, tibi haud persuadeas. immo
Caio Fannio Strabone, Marco Valerio Messala
consulibus de philosophis & rhetoribus SC fa-
ctum, VTI ROMAE NE ESSENT, de quibus
interposito tempore Cnæus Domitius Aeno-
barbus & Lucius Licinius Crassus censores
idem edixerunt, quod SVETONIVS ⁸ adno-
tauit. priuatæ erant plerumque domesticæ
ædes, theatra interdum, templa, nonnun-
quam basilicæ, curia aliquando, sæpe condu-
ctæ diuitum aulæ. conf. PANCIROLL. ⁹ &

¹ de rhetorices natura & constit. præcipue c. XVI. p. 109.

² observat. in Ciceron. libr. orat. in usum Delphini Par. 1687.

³ polyhist. litter. lib. VI. c. 1. 2.

⁴ de ratione declam. p. 6. sqq.

⁵ arte critic. vol. I. part. 2. f. I. c. 17. p. 344.

⁶ de sophistarum eloquentia p. 83. de intellesc. mod. apud rom. p. 6. sqq.

⁷ de in- lustris grammatic. c. III. n. 3.

⁸ de clar. rhetor. cap. 1.

⁹ de- script. urb. rom. thes. antiq. roman. GRÆV. tom. III. p. 334.

FERRARIUM. ¹ sic Marcus Antonius Gniphodocuit in Diui Iulii domo, pueri adhuc, deinde in sua privata, teste SVETONIO. ² templa quoque emporia fuisse musarum, in quibus iuvenes bonis artibus instituerint, adparet ex antiquitatum historiis, quod & post alios OLEARIVS de philosophis & sophistis obseruat. ³ basilicæ ædes erant ad negotiationes & iudicia porticibus & ambulationibus magnifice exstructæ, de quarum ratione BERGIERIVS. ⁴ in his habebant etiam olim orationes & alias honestissimas exercitationes, quod ex PLINIO ⁵ clarum est. publicæ scholæ constitutæ sunt publica auctoritate. EVSEBIVS ⁶ adnotat, quod Quintilianus primus talem scholam acceperit, quippe qui iuventutem per viginti annos docuit artem rhetoricam, ⁷ quamvis SVETONIUS & de Tiro Flauio Vespasiano ⁸ dicat: *primus e fisco latinis græcisque rhetoribus annua centena constituit, præstantes poetas, nec non & artifices coemit.* namque grauissimus fuit litterarum patronus, & Bassus ingenio suo tanti principis miram & eximiam liberalitatem indulgentiamque adeo percepit, vt ei quingenta sestertia donauerit. ⁹ multis post annis Antonius pius philosophis quoque stipendia & honores largitus est, quod tradit IVLIVS CAPITOLINVS, ¹⁰ dicens: *rhetoribus & philosophis per omnes prouincias & honores & salaria de-*

¹ de acclam. & plaus. NI. l. 1. thes. disti VI. p. 90. ² de instr. gramm. c. VII. n. 2. ³ ad Philostr. p. 479. 618. ⁴ lib. V. §. 8.

de viis imperii rom. tom. X. thes. ant. rom. GRAEVIUS p. 562.

⁵ lib. II. ep. 14. ⁶ in Chronic. p. 164. ⁷ proem. libr. I.

mit. institut. orator. ⁸ vita eius cap. XVIII. n. 1. adde PETERIVM ad Suet. Caesar. XLII. n. 2. p. 118.

⁹ dialog. de causis corrupt. eloqui, LX, 8. ¹⁰ cap. XI.

tulit. EUMENIUS rhetor de se ipso adfirmat: ¹ *salarium me liberalissimi principes ex huius rei publicæ viribus in sexcentis millibus nummum accipere iusserunt: non quoniam non amplius tribuere commodis meis vellent, in quem multo maiora & prius & postea præmia contulerunt; sed ut tercena illa sestertia, quæ sacræ memoriæ magister acceperam, in honore priuati huius magisterii addita pari sorte geminarent.* & quamuis CASAUBONO ² videatur nimium hoc professoris salarium, ideoque sexagenis legendum, censeat: tamen quum sic dimidium eius minus erit, quam pro dignitate magistri sacræ memoriæ, iudicant GRONOVIVS ³ & CELLARIUS, ⁴ utique retinendum esse *sexcentis*. adde CONRINGIVM. ⁵ ipsæ publicæ scholæ erant athenæum, capitolium, & pergulæ magistrales. atheneum schola fuit artium liberalium ab Hadriano constituta, AVREL. VICTOR. ⁶ *græcorum more seu Pompilii Numæ ceremonias, leges, gymnasia, doctoresque curare occupit: adeo quidem ut etiam ludum litterarium ingenuarum artium, quod Athenæum vocant, constitueret.* erant in capitolio & tempore Theodosii II. oratores tres, grammatici decem, sophistæ quinque, philosophus vnus, iuris consulti duo ibi docebant, confer PITISCVM. ⁷ namque illo temporum tractu, & antea romæ quoque cathedra fuit sophistica rhetorum græcorum, obseruante FABRICIO. ⁸ pergula erat pars

¹ orat. pro reſtaur. ſchol. c. XI. n. 2. ² in Sueton. Oſy. c. 4.
³ de pecun. veter. lib. IV. cap. II. p. 330. ⁴ obſeru. ad Eumen. orat. p. 70. ⁵ antiquit. academic. diſſ. I. p. 15. & ſupplem. XII. p. 227. item de ſtudijs liber. urb. rom. & conſtantinop. ⁶ de Caſar. c. XIV. ⁷ lxx. antiq. roman. tom. I. p. 196. ⁸ bibl. græc. lib. IV. c. 24. p. 45.

domus exporrecta & propendens, quumque romæ magistri artium in huiusmodi pergulis docerent, dictæ sunt *pergulae magistrales*. VO-
PISCVS ¹ de Saturnino: *in Africa rhetoricæ operam dederat, romæ frequentauerat pergulas magistrales*. adpellantur codic. Theodosian. ² *publicæ magistrationes & publicæ cellulae*, his verbis: *uniuersos, qui vsurpantes sibi nomina magistrorum, in publicis magistrationibus cellulisque collectos vndicunque discipulos circumferre consueuerunt, ab ostentatione vulgari præcipimus amoueri*; quibus patet, ibi grammaticos & artium aliarum ingenuarum professores docuisse publice. ludos litterarios habuerunt quoque in castris, prout SVETONIVS ³ commemorat *obsides abductos e litterario ludo*. gymnasii nomen & ad romanos transiit, quo CICERO ⁴ pro scholis philosophorum vititur, item PLINIVS, ⁵ quibus addas FIGRELIVM. ⁶ huiusmodi locis frequenti populo celebratis philosophi ostentandæ doctrinæ causâ se immitabant, alioqui gymnasia non litterarum studiis, sed exercitationibus corporis erant destinata. sella docentium dicebatur cathedra, quæ genus erat fellæ altioris & honoratoris operosius structæ cum suppedaneo, aliquando & cum umbella. IUVENALIS de rhetorum scholis. ⁷

*Pænuit multos vanæ, sterilisque cathedræ,
Sicut Thrasy Machi probat exitus atque secundi*

Carrinatis.

ratione discientium certi erant ordines, seu vt

¹ cap. X. ² l. 3. de stud. libert. urb. Constant. ³ vit. Caligul. c. XLV. n. 3. ⁴ de orat. I. 13. ⁵ lib. I. ep. 22. n. 6.
⁶ de stat. illust. rom. c. XXIV. p. 205. ⁷ satyr. VII. v. 203.

QVINCTILIANVS ¹ adpellat, *classes*, cum pro scientiæ & cognitionis modo, tum pro ætatis varietate, adde CRESOLLIVM. ² ab alumniis artium magistro interdum magnus honos habitus est, quem omni cultu & vario munerum præmiorumque genere adficiebant, videatur ALCIATVS ³ & LAURENTIVS. ⁴ nonnulli e doctrinarum doctoribus iterum ea præditi fuerunt honestate, vt non semper suo commodo, quam discipulorum potius consulerint, prout tradunt quidam, quod Laberius Hiera, grammaticus proscriptorum liberos gratis & sine mercede vlla in disciplinam receperit, teste SVETONIO. ⁵ mortalium natura in præcipitia conuertitur, miraque est prauitatis. adeo vt institutio parentum ac præceptorum destituta sæpius sit feliciori successu, nisi præceptis & exemplorum demonstrationi adiungatur pœna. quam ob rem veteres frena disciplinæ haud laxarunt, sed in id contulerunt studium, vt pueri temeritatis, desidiæ suæ & aliorum icelerum dederint pœnas, quod PETAVIVS ⁶ adnotat: quamquam nonnulli tam rustico & duro erant animo, vt & leuioris culpæ acerbissimas sæpius repeterent pœnas, vide CRESOLLIVM. ⁷ frequens vsus erat *ferularum* ad castigandos pueros, quæ quamuis fuerint leuissimæ, acerbiores tamen doloris sensum excitarunt, hinc a MARTIALE ⁸ dicuntur *tristes ferule*: PRUDENTIVS. ⁹

*Aetas prima crepantibus
Fleuit sub ferulis.*

¹ instit. Orat. I. 2. ² theatr. rhet. lib. IV. c. X. p. 186. dicti
tom. thes. GRONOVII ³ Parerg lib. V. cap. 27. tom. IV. opp.
p. 434. ⁴ de professor. orator. nomenclat. & litter. c. I. ⁵ de
inlustr. grammat. c. XIII. ⁶ ad Themistiorat. XXI. p. 511.
⁷ dict. libro lib. V. c. 6. seqq. ⁸ X, 62. 10. ⁹ Catheg. prol. v. 7.
adpel-

adpellatæ sunt *sceptra* docentium, AVSONIVS. ¹

*Quod sceptrum vibrat ferula, quod multa
supellex*

Virgea: quod fallax scuticam prætexit aluta.

& prouerbiū: *manum ferula subduxisse*, de illis dictum est, qui magistrorum disciplinæ dixerunt vale, vid. IUVENALEM ² MACROBIVM ³ cum ERASMO ⁴ & PITISCO. ⁵ præter ferulas inter pædagogorum arma *scutica* recensetur, quæ fiebat ex corio, durissimo vero, siquidem ad hanc rem canina pellis, corium bubulum, corium anguillæ adhibebatur, confer FABRVM. ⁶ ut adeo facile ex hoc possumus conligere, huiusmodi pœnam haud fuisse leuiorem. attamen scuticam mitius flagrum, quam flagellum fuisse, cognoscimus ex HORATIO ⁷

adfit

*regula, peccatis quæ pœnas irroget aquas,
nec scutica dignum horribili sectere flagello.*

cuiusmodi caput, plagas discipulis sæpe easque acerbis inferens fuit Orbilius, de quo SVETONIVS ⁸ *fuit naturæ acerbæ, non modo in antisophistas, quos omni sermone laceravit, sed etiam in discipulos, ut HORATIVS ⁹ significat, plagosum eum appellans.* messis & vindemiarum tempore lites forenses & musæ cessabant, quod & saturnalibus factum est. namque PLINIVS ¹⁰ *neque ut magistro magister, neque ut discipulo discipulus, sic enim scri-*

¹ Edyll. IV. 29.

² Satyr. I. v. 15. cum obseru. GRANGÆI

p. 3. ³ sat. III. 10. cum not. in edit. GRONOVII p. 407.

⁴ Adag. p. 430. ⁵ ad Suet. Calig. c. XX. n. 4. p. 811.

⁶ gramm. IX. n. 4. ⁷ lib. I. sat. 3. v. 117. ⁸ de illust.

⁹ epist. II. 1. 70. ¹⁰ lib. VIII. ep. 7. n. 1.

*bis, sed ut discipulo magister. nam tu magister, ego contra: atque ideo tu in scholam reuocas, ego adhuc saturnalia extendo, librum misisti: & MARTIALIS*¹

Iam tristis nucibus puer relictis

Clamose reuocatur a magistro:

saturnalia transiere tota.

adde HOFMANNVM² & generatim de hoc argumento SPANHEMVM.³

§. IV. Nec veteres romani solum in patriis scholis coluerunt litteras, sed in alias quoque regiones, quæ bonis artibus feraces erant & habebant sapientiæ & honestarum musarum emporia, profecti sunt, ut bene cœpta doctrinarum studia magis perficerent exornarentque. ita ab omni litterarum memoria in more fuit, ut discendi studio in longinquas regiones demigrarent. num ad Phœnices, musarum usu gentem exculatissimam, Aegyptii doctrinæ causâ sint profecti, id accuratius haud definiamus, quum Chaldæorum, Phœnicum & Aegyptiorum monumenta ætas iam dudum consumlerit. ad Aegyptios vero, qui sapientiæ sacræ & profanæ operam adeo consecrabant amplissimam, ut doctrinæ suæ gloriam spargerent & disseminarent in orbis terræ memoriam sempiternam, philosophi græci se contulerunt, quod exempla Musæi, Orphei, Thaletis, Solonis, Pherecidis, Pythagoræ, Lycurgi, Anaxagoræ, Democriti, Eudoxi, Archimedis & aliorum satis & abunde produnt. perceptis Aegyptiorum sapientiæ doctrinis, adhuc alias perlustrarunt regiones, prout Pythagoras Phœnices, Plato Italiam, Democri-

¹ lib. V. epigr. ult.

² lex. universal. voce: schola tom. IV. p. 95.

³ erat. de auditor. veter. tom. II. opp. p. 1367.

tus Abderita Chaldaeos & Athenarum doctores adiit, id quod pluribus FRANCIVS ¹ BVDDEVS, ² IACOBS ³ & IOECHERVVS ⁴ exponunt. hunc modum colendi litteras felicioribus auspiciis romani quoque secuti sunt, qui vel post ingressum in forum, vel antea etiam, vel quodocunque occasio in bello, in prouinciis vel alia se ostendit, in exterorum litterarum sedes profecti. namque romanorum liberi, toga virili sumpta, castra secuti stipendia merebant, etiam quibus animus non esset, ad fastigium ducis aliasque militiæ dignitates perueniendi, ne postea senatores aut proconsoles ignari essent rerum bello gerendarum. nec in castris intermissa sunt studia litterarum, quum nec ipsi summi duces sibi temperarent, quin noctis saltem partem quandam litteris vindicarent; & sic fortitudinem ac bellandi peritiam cum humanitatis studiis & artium disciplinis tanto vinculo coniunxerunt, vt nemo in gente illa vel mediocriter clarus fuerit, quin vtroque præstare studio sibi curæ cordique haberet, si Caium Marium, facem illam ciuilis belli exceperis, cuius vox barbara apud SALLVSTIVM ⁵ legitur: GRAECAS LITTERAS NON DIDICI. quod commercium præstantissimarum virtutum religione confirmarunt, vno delubro & Herculis & Musarum sacra adeo artissime complexi, vt LIPSIVS opere suo ⁶ nihil prodiderit, quod in admirationem æque rapiat, quam hæc diuersissimi ingenii deorum consociatio,

¹ de peregrin. veter. sapient. erud. ergo suscept. ² analect. hist. philos. p. 4. ³ diatr. de peregrin. erud. ort. progress. & fine.

⁴ analect. de philos. stud. mod. p. I. p. 15. sqq. ⁵ B. I. c. LXXXIX.

⁶ in admirand. veter. roma.

quam armorum & litterarum concordiam plures exposuerunt, eamque ex historiarum monumentis protulerunt inlustratam, vide AVG. NIPHVM ¹ IO. ROSAM ² FREINSHEMIVM ³ BORRICHVM ⁴ CELLARIVM ⁵ MENCKENIVM ⁶ VON SEELEN ⁷ CRENIUM ⁸ & alios, quos conlegit LINTROPVS. ⁹ qui ex romanis non semper militare sibi proposuerant, aut post certum temporis spatium reuersi, se oratori tradebant, quo vterentur, aut expeditionibus belli peractis frequentabant alias litterarum scholas, quod modo ante, modo post ingressum in forum factum est. romani filios ablegabant præcipue in græciam, quæ eloquentiæ & bonæ doctrinæ omnis nutrix existimata. dicendi disciplina posteaquam sedem sibi ac templum delegerat *Athenas*, præcipue cœperunt eo se conuertere, quamuis illud incommodi præ aliis ciuitatibus haberent, quod innata gentis vanitate studia magis ad ostentationem, aut quæstum, quam ad vsum vitæ & reipublicæ referebant: de cetero autem linguæ purioris Athenienses semper fuere custodes. *Apollonia* eloquentiæ & politices studiis floruit, cuius officinas romani frequentarunt, in primis quum ei nihil defuit, ex quo eos, qui litterarum studiis consecrati, locorum natura & opportunitas adlicit. nec minus Asia musarum doctrinis abundauit, quarum saluti atque incremento in variis locis templa & domicilia erant sacrata, quo perti-

¹ de armior litterarumque comparatione. ² de Marti & Musarum nuptiis. ³ in orat. n. XVII. p. 309. ⁴ dissert. acad. n. XVI. p. 248. tom. II. ⁵ orat. acad. n. I. p. 8. dissert. acad. p. I. n. XV. p. 353. ⁶ de viris milit. aq. ac script. claris. ⁷ de praeor. erud. p. 33. not. ⁸ in method. studior. 1699. p. 553. ⁹ praef. ad Borrich. orat.

nent *Mitylene* vrbs clarissima in Lesbo insula; *Tarsus* nobilissima vrbs Ciliciæ, quam multi credunt esse, quæ toties in sacris תרש Tharsis laudatur, quam peruulgarem opinionem fuisse, **HIERONYMVS** ¹ docet; *Cnidus* vrbs Cariæ; *Magnesia* Lydiæ, celebris propter studia, quibus romani ibi addicti fuerunt, *Antiochia* Syriæ, & *Rhodus* præcipue, insula Asiatica clarissima post Cnidi promontorium versus orientem sita. sunt adhuc alii loci, quos petiisse romanos constat doctrinæ & culturæ ingenii causa: prædicatur *Massilia* Phocæensium ex Ionia colonia, portu, commerciis, munitis, morum humanitate & litterarum studiis celeberrima; *Neapolis*, cuius academia ob loci salubritatem opportunitatemque ita florebat, ut quasuis suo tempore alias superaret; *Alexandria* totius Aegypti vrbs princeps & sedes regum Lagidarum, omniumque græcarum artium & disciplinarum, nec non mercaturæ opulentissimæ; *Croton* in magna græcia, ubi coetus iuuenum æmulantium liberalioris doctrinæ studia; *Sybaris* ab Achæis condita, quæ mira rerum prosperitate excoluit; *Locri* Epizephyrii; *Metapontus* clarissima Pythagoræ obitu & templo. plures sunt alia vrbes in primis Italiæ, magnæ græciæ, quarum fama ad omnem memoriam propagata est, de quo momento pluribus possunt conferri **CELLARIUS** ² & **KRIEGKIVS**. ³ eum in finem hæc loca docta abierunt potissimum, ut philosophia, historia, eloquentia, quæ conveniret in usu & luce forensium

¹ in *Daniel*, X, 6. p. 118. tom. III. opp. edit. **MARTIAN**.
² in *programmat*, II. p. 6. sqq. ³ *diatrib. de peregrin. roma. academic.*

rerum versaturis, ornarent animum. quemadmodum hæ fuerunt peregrinationes academicae seu litterariae, sic & alias susceperunt perfectiones in regiones salubriores ad tuendam valetudinem & firmum corporis habitum, vti præter alios SALOM. CELLARIUS ¹ adnotat. spatium, per quod in his exterorum sapientiae scholis sese exercuerunt & scientiae ornamentis sua decorarunt ingenia, definiri non potest, quum id cuiusuis arbitrio, iudicio & voluntati erat relictum. sed tamen non defuerunt ex antiquiori ætate, qui de litterarum peregrinationibus haud benignius iudicarunt, quorum in numero censeri debet SENECA ² qui ait: *Ex his, quæ mihi scribis, & ex his, quæ audio, bonam spem de te concipio. non discurre, nec locorum mutationibus inquietaris. ægri animi ista iactatio est.* hætenus de institutione litteraria.

§. V. Nunc rationes quasdam considerabo, quibus adultiores sua industria suaque opera variarum litterarum cognitionem duxerunt. quatuor etiam momenta debent notari: *lectio, meditatio, scriptio & disputatio.* libri, qui legebantur, varii erant generis pro diuersa musarum ratione. id, quod vel compaginari vel in volumen conuolui poterat, erat liber, quæ cura fuit librariorum. CICERO ³ *etiam vellem, mihi mittas de tuis librariolis duos aliquos, quibus Tyrannio utatur glutinatoribus, ad cetera administris, iisque imperes, ut sumant membranulam,* adde CARPZOVIVM ⁴ VOS-

¹ de antiquis. medic. cap. V.

Ep. 104.

³ ad Attic. IV, 4.

Hebr. p. 92.

² ep. 2. ad Lucil. adde ep. 28.

⁴ ad Schickardum de iur. reg.

SIVM¹ SALMASIVM² PIGNORIVM³ LEON. ALLATIVM⁴ MANVTIVM⁵ BARTHOLINVM⁶ SAALBACHIVM⁷ SCHWARTZIVM⁸ PITISCVM⁹ DOVGTAEVVM¹⁰ librarii dominis quoque exscribebant libros. CICERO¹¹ *peto ate, vt quam celerrime mihi librarius mittatur, maxime quidem græcus: multum mihi enim eripitur operæ in exscribendis hypomnematis.* CONFER PIGNORIVM¹² VRSATVM¹³ BARTHIVM¹⁴ WOWERVM¹⁵ LONGVM¹⁶ MASSON¹⁷ CLERICVM,¹⁸ libraria dominæ exscribebat libros. lapis antiquus:

SEXTIA XANTA

SCR. LIBRARIA

EM. OL. II.

quod veterum quisque manu sua scripserat, αὐτοῦ γραφον, transcriptum vero subinde ἀπὸ γραφον dicebatur, & quantum pretii & dignitatis habuerint αὐτοῦ γραφoις, solius Ptolomæi Philadelphi exemplum testatur, qui Atheniensibus annonæ penuria pressis, non prius concessit alimenta, quam sibi tragœdiarum Sophoclis, Euripidis, Aeschyli autographorum fecissent potestatem. namque librarii sæpe negligentes mendose scripserunt codices, VTI MARTIALIS¹⁹ dicit:

¹ lexic. etymolog. p. 287. 367. ² de modo vsurar. c. X. & ad Solinum p. 278 706. ³ de seruis p. 115. edit. Patav. 1656. ⁴ proleg. libr. de patria Homer. p. 20. ⁵ in Ciceron. famul. III. 7. p. 329. ⁶ de legendis libris diff. IV. p. 125. sqq. ⁷ sibi ediasm. de libris veterum. ⁸ d'fert. tribus de ornament. lib. veter. item de ornem. codicum. ⁹ lexic. ant. rom. tom. II. p. 1104. voce volumen. ¹⁰ analect. sacris ad Esai. XXXIV. 4. p. 256. ¹¹ XVI. 21. ad diuers. ¹² de seruis p. 113. ¹³ de not. rom. thes. ant. rom. GRAEVII tom. XI. p. 828. ¹⁴ Aduers. L. I. p. 2324. ¹⁵ de polymatib. c. XVIII. ¹⁶ de annul. c. 8. p. 49. ¹⁷ vit. Horat. p. 76. 77. ¹⁸ art. critic. p. 3. f. 1. c. 2. p. 24. vol. 2. ¹⁹ II. epigr. 8.

*Si qua videbuntur chartis tibi, lector in istis
sive obscura nimis, sive latina parum,
non meus est error, nocuit librarius illis,
dum properat versus adnumerare tibi:*

quibus de causis libros probæ fidei singulari studio vel vnius vocis gratia conquiesuerunt. Iulianus rhetor apud GELLIVM ¹ *sed enim contentus, inquit, ego his non fui: Et ut non turbida fidei, nec ambigua, sed ut pura liquentisque esset equus ne, an eques Ennius scriptum reliquisset: librum summae atque reuerentiae vetustatis, quem fere constabat Lampadionis manu emendatum, studio precioque multo vnius versus inspiciendi gratia conduxì: Et eques, non equus, scriptum in eo versu inueni. utque certiores essent emendatæ & probæ scripturæ Codicum, vbi fuerunt grammaticorum sententiis, quod idem auctor ² adnotat. hi libri manu exarati maiori olim sumtu parabantur, quam nostra ætate. MARTIALIS scribit, ³ *primum librum suum quinque denariis vendi solitum: de Platone & Aristotele GELLIVS ⁴ memoria mandatum est, Platonem philosophum tenui admodum pecunia familiarè fuisse, atque eum tamen tres Philolai Pythagorici libros decem millibus denarium mercatum. id ei pretium donasse quidam scripserunt amicum eius Dionem Syracusanum. Aristotelem quoque traditum libros pauculos Speusippi philosophi, post mortem eius, emisse talentis Atticis tribus. ea summa sit numi nostri HS. duo & septuaginta: adde DIOGENEM LAERTIVM. ⁵ sed tamen non defuerunt integræ bi-**

¹ N. A. XVIII, 5. ² lib. V c. 4. ³ lib. I. ep. 118. v. 17.

⁴ III, 17. ⁵ lib. III, segm. 9. lib. VIII, segm. 15. p. 169. 500.

bliothecæ cum publicæ, quæ vt publici iuris essent, sero institutæ sunt, tum priuatæ, quæ pæne multæ & inlustres instar publicarum eruditorum vsui sine inuidia patebant. ¹ ad modum libros legendi pertinet consuetudo excerptendi, quæ erant obseruatione digna. PLINIVS ² de se ipso: *posco librum Titi Liuii, & quasi per otium lego, atque etiam vt cæperam, excerpō.* idem de auunculo suo ³ *estate, si quid otii, iacebat in sole; liber legebatur: adnotabat excerpebatque.* adde GELLIVM. ⁴ quisque obseruabat, quæ conditioni litterarum suarum conueniebant, quod SENECA ⁵ eleganter tradit: *cum Ciceronis libros de re publica prebendit hinc philologus, aliquis, hinc grammaticus, hinc philosophiæ deditus: alius alio curam suam mittit. philosophus admiratur, contra iustitiam dici tam multa potuisse. cum ad hanc eandem lectionem philologus accessit, hoc subnotat, duos romanos reges esse, quorum alter patrem non habet, alter matrem. nam de Seruii matre dubitatur? Anci paternus; numæ nepos dicitur. præterea notat, eum quem nos dictatorem dicimus, & in historiis ita nominari legimus, apud antiquos magistrum populi vocatum. æque notat, Romulum periisse solis defectione. prouocationem ad populum etiam a regibus fuisse. eosdem libros cum grammaticus explicuit, primum REAPSE dici a Cicerone, id est re ipsa, in commentarium referet; nec minus SEPSE, id est se ipse. deinde transiit ad ea, quæ consuetudo sæculi mutauit, reliqua libri excer-*

¹ vid. script. apud FABRICIVM bibliograph. antiq. c. XXI. n. VII. ² lib. VI. ep. 20. n. 5. ³ lib. III. ep. 5. n. 13. ⁴ lib. IX. cap. 4. N. A. ⁵ ep. CVIII.

ptorum dicti sunt *commentarii*, *commentaria*, à græcis ὑπομνήματα, vide BVDÆVM¹ & PITISCVM;² *breuiaria*, & olim magis latine *summaria*. SENECA³ vide ne plus profectura sit oratio ordinaria, quam hæc, quæ nunc vulgo BREVIARIUM dicitur, olim cum latine loqueremur, SUMMARIVM vocabatur, adde BERNEGGERVM⁴ BOECLERVM⁵ VOSIVM⁶ BORRICHIVM⁷ PITISCVM.⁸ ad hæc appellati sunt *memoriales*, *conlectanea*; *aduersariorum* vero nomen magis ad forum refertur, vide SALMVTHVM⁹ COEL. RHODIGINVM¹⁰ & SCHEFFERVVM.¹¹ quum obseruarent quædam digna memoria, illa certis signis subnotarunt, ex quibus etiam in more fuit simplex L. & geminatum LL. quo indicabant locum laudabilem, & alibi etiam est L. SENT. *laudabilis sententia*; græci autem habebant notam X. quæ significabat χηρὸν siue χηρσίμων. vide WOWERVM¹² SCALIGERVVM¹³ REINESIVM¹⁴ MENAGIVM¹⁵ & plures alios scriptores de notis & siglis veterum, quorum multos conlegit FABRICIVS¹⁶ & SCHMIDIVS.¹⁷

§. VI. Nec solum ipsi libros legebant, sed id quoque in more habebant, vt pueris littera-

¹ Pand. p. 104. ² ad Suet. Iul. LVI. n. 1. p. 150.
³ ep. XXXIX. pr. ⁴ ad Sueton. Aug. cap. XXVIII. p. 144.
⁵ ad Tacit. lib. ann. I. c. 11. p. 236. ⁶ de vitu sermonis I, 26. p. 114.
⁷ Cogit. de lat. lingua etat. p. 52. ⁸ ad Sueton. Aug. c. CII. n. 7. p. 360.
⁹ ad PANCIOLEI præam. p. 3. de reb. memorab. s. deperd. ¹⁰ lect. antiq. lib. XII. c. 21. p. 653. ¹¹ de fl. lo cap. XII. p. 135 136. ¹² de polymath. c. XVII. ¹³ not. ad lib. I. Varronis de re rustica. ¹⁴ var. lectio. III. 7. p. 471. 472. add. lib. I. c. 7. p. 19. ¹⁵ ad Diog. Laert. III. 66. p. 161. tom. II.
¹⁶ biblioth. latin. lib. II. c. 9. p. 363. not. & supplam. p. 156 item lib. IV. c. 6. ¹⁷ de notar. eccles. c. 1. adde cohortem musarum sub nomine GRAEVI p. 249.

tissimis vterentur in studiis suis, quorum munus erat, tam in seriis musarum negotiis, quam inter epulas domino prælegere, quos græco vocabulo *anagnostas* & ex re ipsa *lectores* appellabant. quapropter dicit NEPOS ¹ *namque in ea erant pueri litteratissimi, anagnostæ optimi, & plurimi librarii, ut ne pedisequus quidem quisquam esset, qui non utrumque horum pulcre facere posset.* qua græca voce etiam CICERO ² & VATINIVS ³ ad Ciceronem vtuntur; PLINIVS autem ⁴ & SVETONIVS ⁵ *lectores* habent. in domo Cæsarum erant liberti *a studiis*, quorum opera in studiis litterarum utebantur imperatores, prout munere hoc functus est apud Claudium Polybius, quem Seneca consolatur in morte fratris; ⁶ & Lemnus quidam, cuius mentio existat in veteri inscriptione:

TI CLAVDIVS
LEMNVS
DIVI CLAVDII
AVGVSTILIB.
A. STVDIIS.

sed & in priuatis familiis, quæ paullo elegantiore viuenti rationem instituebant, eiusmodi fuisse seruos, constat. quin etiam SERVIVS ⁷ mentionem facit *lectricis*; immo dominus ipse non nunquam legebat: MARTIALIS. ⁸

*Parua est cænula, quæ potest negare
sed finges nihil, audiesue fictum*

¹ vit. Attic XIII, 3. ² lib. I. ad. Attic. ep. 12. ³ lib. V. ep. 9. n. 6. ad divers. ⁴ lib. I ep. 15. n. 2 ⁵ vit. August. cap. LXXVIII. n. 3. ⁶ SVETON. vit. Claud. c. XXVIII. n. 4. ⁷ ad Virgil. XII. Æn. v. 159. p. 862. tom. III. edit. EMENESS. ⁸ V, 79, 22.

*Et vultu placido tuo recumbes,
nec crassum dominus leget volumen.*

legebant monumenta poetarum, historicorum & oratorum, idque fiebat clare, expedite & sine praua pronuntiatione. PLINIVS ¹ *memini quendam ex amicis, quum lector quadam perperam pronuntiasset, reuocasse & repeti coëgis- se*: quibus de causis a magistris docebantur, quos *praelectores* adpellant. GELLIVS ² *ec- quid putatis, si magistrum praelectoremque habuisset. etiam aris*, quadrupes equus dictu- rum fuisse, ac non quadrupes eques? PLINIVS de Zosimo ³ *idem tam commode orationes & historias & carmina legit, vt hoc solum didi- cisse videatur.* id quod fiebat praecipue inter coenam, vt EX PLINIO ⁴ NEPOTE ⁵ GEL- LIO ⁶ clarum est: item si quid erat otii & a scribendo legendoque quiescebant, etiam noctu, quum expergefactis somnus recuperari statim non posset. SVETONIVS de Augu- sto ⁷ *si interruptum somnum recuperare, vt euenit, non posset, lectoribus aut fabulatoribus arcessitis, resumebat, producebat ultra primam saepe lucem.* nec priuatim solum, sed & publice in concione populi legebantur libri, cuius rei exempla PLINIVS ⁸ & GELLIVS ⁹ habent. plura de anagnostis reperies apud ALEXANDR. ab ALEXANDRO ¹⁰ SCHOT- TVM ¹¹ SCHEFFERVUM ¹² PVTEANVM ¹³

¹ lib. III. ep. 5. n. 12. ² lib. XVIII. c. 5. ³ l. V. ep. 19. n. 3.
⁴ III. ep. 5. n. 11. I. ep. 15. IX. ep. 36. n. 4. ⁵ vit. Attic. XIV, 1.
⁶ II, 22. III, 19. XIX, 7. N. A. ⁷ vit. eius c. LXXVIII. n. 4.
⁸ lib. IV. ep. 7. n. 2. ⁹ lib. XVIII. c. 5. ¹⁰ II. c. 30. *genial. diar.*
¹¹ obseru. V, 29. p. 241. ¹² de stil. illiusque exercit. c. VII. p. 72. sqq.
¹³ reliq. conu. prisci com. XII. p. 258. thes. ant. rom. GRAEVI.

PIGNORIVM ¹ MEVRIVM ² HOFMAN-
NVM ³ PITISCVM ⁴ FABRICIVM. ⁵ de
ecclesiæ primorum seculorum anagnostis siue
lectoribus varia produnt scriptores antiquita-
tum rerum sacrarum, quæ huius loci non sunt;
vide RECHENBERGIVM ⁶

§. VII. Grauißimum medium proficiendi
in litteris & ingenium excolendi rite, medita-
tio est, sine qua verum vsum & fructum musa-
rum ne sensu quidem gustare possumus, vti
EDMVNDVS RICHERIVS ⁷ & BVÐDEVVS ⁸
cum aliis adnotarunt. hinc & Periandri ora-
culum fuit: μελέτη τὸ πᾶν, teste DIOGENE
LAERTIO ⁹ adde GATAKERV. ¹⁰ vete-
res romani & exemplis suis & monumentis,
quæ posteritati tradiderunt, declararunt satis,
quid meditationi exercitationique tribuerint.
SENECA ait: ¹¹ *apes debemus imitari & quæ-
cumque ex diuersa lectione congeßimus, sepa-
rare. melius enim distincta servantur. deinde
adhibita ingenii nostri cura & facultate, in
vnum saporem varia illa libamenta confun-
dere: ut etiam si apparuerit, vnde sumtum sit,
aliud tamen esse, quam vnde sumtum est, ap-
pareat. quod in corpore nostro videmus, sine vl-
la opera nostra, facere naturam.* quum doctri-
næ studiis plane se darent, cogitationibus variis
impleuerunt pectora sua, paria paribus, con-
traria contrariis, præterita præsentibus oppo-

¹ de seruis p. 109. ² glossar. p. 251. ³ lexic. vniuers vocæ
anagnost. tom. I. p. 194. ⁴ lexic. antiq. rom. voce anagnost.
tom. I. p. 91. & lectores tom. II. p. 28. ⁵ bibliogr. antiq. cap.
XIX. §. VI. ⁶ Hierolexic. p. 60. adde VITRINGAM de sy-
nagog. veteri variis locis. ⁷ obstetric. animor. c. IX. p. 248.
⁸ de cultura ingenii c. III. §. 10. p. 429. select. iur. nat. & gent. 9 lib.
I. segm. 99. adde MENAGII obseru. p. 57. tom. II. ¹⁰ diss. de
Bilo N. T. cap. I. p. 3. opp. ¹¹ epist. LXXXIV.

nendo,

nendo, rerumque omnium causas & varios
 euentus adcurate explorando. qua ope me-
 ditationis CICERO felices progressus in phi-
 losophia fecit, prout ipse dicit, ¹ *sed defendat
 quod quisque sentit: sunt enim iudicia libera:
 nos institutum tenebimus, nullisque vnus di-
 sciplinae legibus adstricti, quibus in philosophia
 necessario pareamus, quid sit in quaque re ma-
 xime probabile, semper requiremus*; etiam ²
 e Catone refert, Publium Scipionem, eum qui
 primus Africanus adpellatus est, dicere soli-
 tum, nunquam se minus otiosum esse, quam
 cum otiosus, nec minus solum, quam cum so-
 lus esset: & addit, hanc vocem esse magnifi-
 cam & magno viro dignam, quæ declaret, illum
 & in otio de negotiis cogitare & in solitudine
 secum loqui solitum, vt neque cessaret vn-
 quam, & interdum colloquio alterius non ege-
 ret. meditationes autem instituerunt sepa-
 ratim ab aliorum societate, animo aliis rerum
 negotiis & curis vacuo, locis amœnis, quod
 etiam ex lucubrationibus & secessibus roma-
 norum conligere possumus. tempore balnei
 nonnunquam solebant meditari: SVETO-
 NIVS ³ *exstat alter aequè modicus Epigram-
 matum, quæ fere tempore balnei meditaba-
 tur*: PLINIVS de auunculo suo ⁴ *surgebat
 æstate a cœna, luce: hieme intra primam no-
 ctis, & tanquam aliqua lege cogente, hæc inter
 medios labores vrbsque fremitum. in secessu
 solum balinei tempus studiis eximebatur. quum
 dico balinei, de interioribus loquor. nam dum
 defringitur tergiturque, audiebat aliquid aut
 dictabat. idem ⁵ accipies cum hac epistola*

¹ IV. 4. Tuscul. qu. ² de offic. III. 1 ³ vit. Aug. LXXXV. n. 5.
⁴ lib. III. ep. 5. n. 13. 14. ⁵ lib. IV. ep. 14. n. 2.

hendecasyllabos nostros: quibus nos in vehiculo, in balineo, inter cœnam oblectamus otium temporis.

§. VIII. Pergamus ad ea, quæ ingenio elaborarunt, & *recitationem*, quæ facile princeps pars in studiis romanorum erat, attingamus. in usu habebant poetæ aliique eruditi, vt si quem librum composuerant, antequam edebatur, vel amicis conuocatis, vel publice promiscuis auditoribus prælegerent, eorumque censura saltem vt ex signis vultuque obseruata vterentur, CELLARIUS obseruat. ¹ recitatio non pertinebat præcipue ad adolescentes, sed ad adultiores, viros, & ipsos principes: hinc Domitianus recitauit publice, ² & Claudius imperator *historiam in adolescentia, hortante T. Liuio scribere aggressus, frequenti auditorio commisit.* ³ præcipue autem exercitationem hanc poetæ, historici, etiam oratores instituerunt. poetæ carmina amoris & rei venereæ plena legerunt, vt auditorum beneuolentiam sibi facilius conciliarent, quamuis & tragœdias & virtutum præcepta recitando tradiderint. nec minus historiarum recitatio usu recepta fuit, quæ non ostentationi, sed fidei veritatique compositæ erant. orationes non ita frequentes lectæ videntur, vt carmina & historię, quandoquidem PLINIVS ⁴ *quo magis minor, quod scribis, fuisse quosdam, qui reprehenderent, quod orationes omnino recitarem: nisi vero has solas non putant emendandas. à quibus libenter requisierim, cur concedant, si concedant tamen, historiam debere recitari, quæ non ostentationi, sed fidei veritatique componi-*

¹ ad Plin. ep. l. 13. l. p. 31. ² EYTON. H. 4. ³ idem XLl, 2. ⁴ VII. ep. 17. n. 23.

tur: cur tragœdiam, quæ non auditorium, sed scenam & actores: cur lyrica, quæ non lectorem, sed chorum & lyram pascunt. SVETON.¹ *recitantes & benigne & patienter audiuit, nec tantum carmina & historias, sed & orationes & dialogos.* sed tamen orationes recitasse, etiam forenses & accusationes, item funebres, ex veterum monimentis facile potest demonstrari. verum nec hæc res separata fuit ab abusu, quum nonnulli aliorum famam & bonam estimationem, quam ex meritis ingenii virtutumque conlegerant, recitandi specie deprimere sibi sumerint. sic Marcus Regulus, ingeniosissimus nequam librum recitavit publicavitque, in quo Rusticum Arulenum, integerrimum virum, Stoicæ philosophiæ addidit, quemue Domitianus interfecerat, quod Pætum Thraseam a Nerone occisum laudauerat, insectabatur atque etiam Stoicorum simiam adpellabat.² ornamenta recitantium, eaque vera erant ingenium magnum & suauissima vox, quoniam magnæ fuit laudi, pronuntiasse sapienter, apte, decenter etiam. multi in eo adfectabant ornatissimam laudationem, ut loti prodirent, pexa coma, atque barba & candidati, quem morem ridet PERSIUS:³

Scilicet hæc populo, pexusque togaque recenti,

& natalitia tandem cum sardoniche albus, sede legens celsa.

adde CASAVBONVM.⁴ recitatio erat vel publica vel priuata. illius auditores fuerunt populus, qui tabula suspensa inuitatus est: priuata fiebat modo coram paucis amicis, quæ & ab

¹ vit. Aug. c. LXXXIX, 7. ² PLIN. lib. I. ep. 5. n. 1. 2.
³ Satir. I, 15. ⁴ ad h. l. p. 505. edit. SCHREY.

aliis dicitur communicatio, modo coram pluribus & maiori adparatu, iisque tamen certis electisque. HORATIVS ¹

Non recito cuiquam, nisi amicis idque coactus non ubiuis, coramue quibus libet.

amicos ad has recitationes audiendas aduocabant per codicillos, per libellos, & cui ritus hic videbatur ambitiosus, ille vñse est leuiori modo & amicos tantum admonuit, se recitare vel le librum: formula inuitationis erat; *hodie vel cras meus esto auditor in domo mea.* e claris feminis nonnullæ quoque recitantibus adfuerunt, sed ab aliis auditoribus seclusæ, ne ab illis viderentur. His pulla Plinii habebat libellos eius, lectitabat, magna sollicitudine, quum videretur acturus, magno quum ageret, gaudio adsciebatur: disposuit, qui nuntiarent sibi, quem ad sensum, quos clamores excitauerit, quem euentum iudicii tulerit Plinius: eadem, si quando recitauit, in proximo discreta velo, sedebat laudesque Plinii audissimis excipiebat auribus. ² recitabant vero sedentes, ut dicebant stantes. in foro sedebant tantum iudices, dicentes stabant. hoc videlicet moris erat apud romanos, vt iustitiæ antistites certam in iudiciis sedem caperent, quumque duplex existeret genus iudicum, maiorum & minorum, illi in sella curuli, hi in subselliis iudicarent. quibus de causis inter varia antiquitatis reconditæ monimenta, quæ ius Iustinianum passim complectitur, hoc quoque est, quod quoties fere mentio sit eorum, qui præsumt iudiciis administrandis, non ambulantes illi aut stantes, sed tanquam proprium hoc iudicibus ac pe-

¹ lib. I. sat. 4. ² lib. IV. ep. 19. PLINII. 1

culiare foret, sedentes repræsententur. alii recitarunt ex scripto. alii vero memoriter, qui excelebant singulari & tenaci memoria. ad loca quod attinet, in quibus peragebant recitationes, illa modo publica, modo priuata pro diuersa recitationis & publicæ & priuatæ indole fuerunt. publice recitarunt in theatro, amphitheatro, odeo, basilicarum aliqua, atrio libertatis, athenæo, æde Apollinis Palatini, loco Martis, via Appia, immo qui gloriæ stimulis excitati, in ipso foro sua protulerunt. priuatim recitarunt in ædibus suis, quibus autem locus non erat auditoribus capiendis, domum mutuabantur, subsellia conducebant. nec mæcenates deerant & studiorum fautores, qui ædes suas honestissimis exercitationibus præberent: auctor dialog. de causis corruptæ eloquentiæ ¹ domum mutuatur & auditorium exstruit & subsellia conducit & libellos dispergit. IUVENALIS ²

si dulcedine famæ

succensus recites, Maculonus commodat ades.
adde CASAUBONVM ³ vsi quoque sunt ædium porticibus, item balneis. PETRONIVS ⁴ relicto Eumolpo: nam in balneo carmen recitabat. HORATIVS ⁵

in medio qui

scripta foro recitent, sunt multi, quique la-
uantes

ita insectatur poetam MARTIALIS ⁶

Et stanti legis & legis sedenti:

in thermas fugio, sonas ad aurem.

quod ad tempus attinet, recitationibus præsertim poetarum mensis Iulius & Augustus di-

¹ c. IX. n. 6.

² VII. 39.

³ ad Theophrast. p. 170.

⁴ satiric. XCI.

⁵ d. l.

⁶ III, 44. 10.

catierant. PLINIVS¹ *utque iam nunc adfuerent, & ab otiosis & in triclinio audiri, Iulio mense, quo maxime lites interquiescunt, positæ ante lectos cathedræ, amicos conlocavi. namque tempore messis cessabant lites & iudicia. ut iam supra monui.* STATIVS²

*certe iam Latia non miscent iurgia leges
& pacem piger annus habet, messesque re-
versa*

dimisere forum.

mensis augusti mentionem facit IVVENALIS³

& augusto recitantis mense poetas
immo aprilis meminit PLINIVS⁴ *toto mense aprili nullus fere dies, quo non recitaret aliquis: recitationes durarunt ad tempus modo duorum, modo trium dierum, & heic maxime recitantis dignitas & facultas, rei, quam recitarunt, grata perceptio eiusdemque elegans elaboratio considerandæ erant. nimis diuturna recitatio, præcipue quum plena fuerit rerum fabulosarum, secum vitiosam offensionem, fastidium & satietatem audiendi habuit, de cuiusmodi recitatione agit HORATIVS:*⁵

*Indoctum doctumque fugat recitator acerbus,
quem vero arripuit, tenet, occiditque legendo,
non missura cutem, nisi plena cruoris hirudo.*

finis recitationum varius fuit: alii, qui laudis studio trahebantur, non aliam mercedem laborum suorum desiderabant, præter fructum laudis & gloriæ, & in id omnes conferebant cogitationes, ne cum vitæ tempore, quod exiguis circumscriptum regionibus, commemoratio nominis dimitteretur, sed comes esset posteri-

¹ lib. VIII. ep. 21. n. 2. ² lib. IV. silv. 4. v. 39. adde BAR-
THII not. tom. I. p. 383 sqq. ³ sat. III. v. 9. ⁴ lib. I. ep.
13. n. 1. ⁵ de art. poet. metr.

tatis omnis. sequebantur enim adclamationes & plausus auditorum, ex quibus recitantes magnum gaudium & singularem opinionem exultationis suæ trahebant. alii, qui paupertatem ferebant, recitando alios laudarent, ut sportulas & cœnas acciperent. MARTIALIS; ¹

*Laudantem Selium, cœna quum retia tendit,
accipe, siue legas, siue patronus agas.*

*effæte, grauitè, cito, nequiter, euge, beate!
hoc volui, facta est iam tibi cœna, tace.*

adde ERNESTI. ² alii iique sapientiores emendationi viam aperuerunt. PLINIVS ³ recitaturus orationuculam, quam publicare cogito, aduocauit aliquos, ut vereretur: paucos, ut verum audirem. nam mihi duplex ratio recitandi: vna, ut sollicitudine incendar, altera, ut admonear, si quid forte me, ut meum fallat. tuli quod petebam: inueni, qui mihi copiam consilii sui facerent. ipse præterea quadam emendanda annotauit. emendauit librum, quem misit tibi. quo etiam spectat illud Theophrasti apud DIOGEN. LAERTIVM ⁴ αὐτὸν ἀναγνώσεις ποιεῖν ἐπανορθώσεις, recitationes emendationis auctores sunt. hic mos sane saluberrimus, quo factum fuit, ut primum ipsi eruditi cognitionem suam redderent pleniorē, deinde nihil exiret in publicum, nisi cura limatum, & de consilio eruditorum emendatum. atque ita in more habuerunt ea, quæ ingenio elaborauerant, emendare: QVINTILIANVS ⁵ emendatio, pars studiorum longe utilissima. neque enim sine causa creditum est, stilum non minus agere, cum debet. duplex erat emendationis

¹ lib. II. ep. 27. ² de Sportul. rom. quotid. p. 19. ³ lib. IV. ep. 13. adde ep. 3. ⁴ lib. V. segm. 37. ⁵ X. 4.

officium: vnum fuit, scripta diligenter relegere ac recognoscere. CICERO ¹ *codicem legisse dicebatur. defendebatur, testibus collegis suis, non recitandi causa legisse, sed recognoscendi.* PLINIVS ² *petis, ut libellos meos recognoscendos emendandosque curem.* alterum fuit retractare. idem ³ *expectabis orationem plenam onustamque & expectabis diu: neque enim leuiter & cursim, ut de re tanta, retractanda est.* GELLIVS ⁴ *in his, quæ (a Virgilio) videntur retractari & corrigi debuisse, is maxime locus est, qui de monte Aetna factus est.* ipsum negotium officii huius vtriusque in eo consistit, ut addamus, detrahamus, immutemus, quod laboriosum quidem & tædio plenum, sed difficultate ipsa fructuosum. sed tamen aliquis modus obseruandus est, ne nimia cura deterat magis, quam emendet, neue nos a recentioribus revocet, quod QVINCTILIANVS ⁵ & PLINIVS ⁶ testantur. ad hæc non tam vocis causa, quam stomachi interdum recitarunt, prout CORNELIVS CELSVS ⁷ *si quis stomacho laborat, legere clare debet; post lectionem ambulare.* plura de recitandi ritu vide apud PANCIROLLVM ⁸ SALMVTHVM ⁹ VOSSIVM ¹⁰ FERRARIVM ¹¹ LIPSIVM ¹² DEMPSTERVM ¹³ SCHEFFERVVM ¹⁴ CASAVBONVM ¹⁵ IAC. THOMA-

1 orat. in Vat. c. 2. 2 lib. IV. ep. 26. add lib. VIII. ep. 17.
 HORAT. lib. I. sat. 10. 3 lib. IV. ep. 9. n. 23. add. lib. VIII.
 ep. 21. n. 6. 4 XVII. 10. add. III. 3. 5 d. l. 6 lib.
 VIII. ep. 21. lib. IX. ep. 35. 7 lib. I. c. 8. pr. 8 rerum de-
 perdit. lib. 1. tit. 42. 9 ad Panciroll. d. l. p. 147. 10 de reci-
 tar. veterum cap. VII. seq. de imitation. 11 de acclam. III. 3. p. 93.
 thes. ant. rom. GRAEVII tom. VI. 12 centur. 2. ep. 48 ad
 Belgas. 13 paralip. ad Rosin antiqu. rom. I. 14. p. 64. 14 de
 solo c. IX. p. 98. it. c. IIX. p. 80. 15 ad Swin. Aug. c. 89. p.
 278. ed. GRAEVII 1672.

SIVM ¹ SIRMONDVM ² OMEISIVM ³
 HOFMANNVM ⁴ CELLARIVM ⁵ MASSO-
 NVM ⁶ KRIEGKIVM ⁷ PITISCVM ⁸ FA-
 BRICIVM ⁹ præter hæc dignum est obserua-
 tione, quod femina interdum maritos suos ad-
 iuuerint, quarum a SIDONIO ¹⁰ plures cele-
 brantur, Marcia Hortensii, Terentia Tullii,
 Calpurnia Plinii, Rusticiana Symmachi, quæ
 candelas & candelabra tenuerint, item quod
 sæpe versum Corinna cum suo Nasone com-
 pleuerit, Lesbia cum Catullo, Argentaria
 cum Lucano, Cynthia cum Propertio, Delia
 cum Tibullo.

§. IX. Ad modos, quibus se veteres roma-
 ni in litterarum doctrinis exercuerunt, *dispu-*
tationes quoque referre, non ab re erit. fru-
 ctuosum est, si consuetudine litteratissimorum
 hominum utamur, & cum istis collocutionem
 & sermonem de rebus mularum conferamus.
 ex quo id conflatur efficiturque, ut ea quæ ipsi
 legimus, ad vitæ usum conformentur, & largior
 occasio ad veri inquisitionem atque inuestiga-
 tionem offeratur. quum disputauerint vete-
 res, modo ad certas disputandi regulas accom-
 modarunt sermonem suum, modo continuam
 orationem exercitiis suis aptissimam esse iudi-
 carunt. illa ratio philosophorum præcipue
 propria fuit, & e græcia suam deriuat origi-
 nem. namque veteres philosophi disputarunt
 modo per dialogos, modo per inductionem,
 modo per sortem, modo methodo Megarica,

¹ ad Plinii epistol. var. locis. ² ad Sidon ep. 9. lib. 2. tom. I. p.

394. opp. & ad l. 16. ep. 8. p. 939. ³ disp. de recit. veter.

⁴ lexic. univers. tom. IV. voce recitatio. ⁵ diss. acad. p. 364.

⁶ vita Horat. p. 171. sqq. ⁷ de mod. inclat. roman. p. 15.

⁸ lexic. antiq. rom. tom. II. p. 599. 600. ⁹ bibl. antiq. c. XIX.

¹⁰ 6. ¹⁰ lib. II. ep. 10.

Cynica, syllogistica, & quæ aliæ fuerunt disputandi rationes. ante Platonem dialogi rudes atque impoliti erant, quibus Plato elegantiam & perfectionem addidit. inductio fuit oratio, quæ rebus non dubiis captat assensionem eius, qui cum instituta est: quibus assensionibus facit, ut illi dubia quædam res propter similitudinem earum rerum, quibus assensit, probetur, uti CICERO ¹ loquitur. sorites erat genus disputandi Stoicorum, quum aliquid minuatim & gradatim additur aut demitur, quod CICERO ² captiosissimum, lubricum, periculosum, vitiosum, tortuosum adpellat. philosophi Megarici ob argumentationes captiosas dicti sunt eristici & dialectici: syllogismus autem fuit peripateticorum. quod ad romanos pertinet, vti quidem sunt variis disputandi modis, quos & in scriptis suis sequebantur pro diuerso sectarum genere, quibus sese addicebant, quamuis ipsum philosophiæ lumen, etiam logices sero exoriri cœperit. Cicero diligens auctor philosophiæ, quam cum eloquentiæ & iuris scientia adeo coniunctam esse cognoscebat, ut sine vtriusque detrimento nequeant separari, in id contulit cogitationes animi meditationesque, ut hæc princeps literarum pars acciperet alimenta sua, & ipse egregium opus Trebatio inscriptum protulit in lucem. verum quum disputationis romanorum fecimus mentionem, intelligimus præcipue illos sermones, quos cum familiaribus & aliis litteratissimis ingeniis instituerunt, ita ut duo, tres aut plures coniuncti in varias res explicando atque inlustrando inquisuerint. erudiri itaque

¹ de inuent. l. 31.² lib. IV. c. 16. 28. 31. academ. quasi.

doctrinæ causa in varia loca conuenerunt, & in ambulationibus, bibliothecis, museis alter alterum ingenio reddidit pleniorē. sic GELLIVS sub gratissima veris initia apud balneas Sitas in area sub calido sole cum Fauorino philosopho ambulabat, atque ibi inter ambulandum legebatur Catilina Sallustii; ¹ sic ambulauit in lycei atriis vespera cum sodalibus, Catulli carmina examinans; ² in Agrippæ campo cum duobus grammaticis de analogia linguæ latinæ disserens, ³ cum duobus philosophis celeberrimis & Fauorino suo in littore, quum iam aduesperasceret, ætate noui anni, de summa felicitate disputans; ⁴ in libraria sedens contra quendam inepte ambitiosum, de loco quodam ex ὑδατοχρύον M. Varronis disse-ruit: ⁵ in bibliotheca templi Traiani vna cum aliis edicta veterum prætorum explicauit; ⁶ in bibliotheca Tiberianæ domus cum Sulpicio Apollinari aliisque de titulo libri cuiusdam M. Catonis Nepotis verba fecit, ⁷ vt de aliis locis taceam, quæ iam conlegit ESCHENBACHIVS: ⁸ nec minus in conuiujs se sermonibus doctis & iocosis delectabant, & eruditi doctas cœnas vel domi, vel in fundis instituebant, qualem Iulij laudat GELLIVS ⁹ *in agro Vaticano Iulius Paulus poëta, vir bonus & rerum litterarumque veterum impense doctus, heredium tenue possidebat. eo sæpe nos ad sese vocabat & olusculis pomisque satis comiter copioseque inuitabat.* Annianus poeta in fundo suo, quem in agro Falisco possidebat, agitare erat solitus vindemiam hilare cum familiaribus suis

¹ lib. III. c. 1. N. A. ² VI, 16. ³ XIV, 5. ⁴ XVIII, 1.
⁵ XIII, 30. ⁶ XI, 17. ⁷ XIII, 19. ⁸ dissert. acad. p. 281. sqq.
⁹ XLX, 7.

inter pocula & sermones eruditos, teste eodem auctore: ¹ Laurentius, cuius romanus & omnibus fortunæ opibus præditus, eruditos disciplinis & honestis artibus conuiuas ad se vocauit, & ex eorum colloctionibus singularem cœpit amœnitatem, vt tradit ATHENÆVS. ² vsus conuiuiorum & congressus philosophorum in græcia frequens fuit, quorum symposia eandem faciem cum societatibus litterarum habuerunt, vt ex actis patet, quæ nobis a XENOPHONTE ³ PLVTARCHO ⁴ ATHENÆO ⁵ CLEM. ALEXANDRINO ⁶ GELLIO ⁷ & aliis, quos conlegerunt ESCHENBACHIVS ⁸ & VOCKERODT, ⁹ conseruata sunt: adde STUCKIUM. ¹⁰ quæ ex eruditorum virorum familiari sermone didicerunt, ea veteres romani in vsum suum aliorumque notarunt, & vestigia omnino eorum librorum, qui nostra ætate in ANA prodierunt, in antiquitatis monumentis suis reliquerunt. inlustre exemplum QVINCTILIANVS ¹¹ præbet, quum eos, qui libros tres de iocis Ciceronis maiori industria, quam iudicio conscripserunt, reprehendit, ipsum autem institutum laude indignum minus iudicat: *vtinam, inquit Quintus & libertus eius Tiro, aut alius quisquis fuit, qui tres hac de re libros edidit, parcius dictorum numero indulsissent, & plus iudicii in eligendis, quam in congerendis studii adhibuissent: minus obiectus calumniantibus foret.* nec est, quod miremur, varia iocose & eleganter di-

1 XX, 8. 2 I, 2. Deipnosoph. 3 sympos. philos.

4 conuiu. sapient. 5 Δειπνοσοφιστικὴ βίβλος. 6 Stromat. libria.

7 Noctib. Attic. 8 d. l. p. 289. 9 introd. in not. societ. p.

II. c. 3. §. 3. p. 109. 10 antiquit. conuiuiat. III, 17, 18, 19.

11 VI, 4. in suis. erat.

cta relata esse ad Ciceronem mortuum veluti autorem, quum ipsi adhuc viuo aliorum ioca, dicta, in his etiam aliena ab ingenio eius tanquam parenti tribuerunt, de qua re conqueritur ¹ *ais, ut ego discefferim, omnia omnium dicta, in his etiam Sestiana, in me conferri. quid? tu id pateris? nonne defendis? non resistis? equidem sperabam ita notata me reliquisse genera dictorum meorum, ut cognosci sua sponte possent.* confer VOSSIVM ² & IONSIUM. ³ qui mos e græcia sâne ad romanos transmigravit, quoniam græci aliorum præcepta atque instituta, etiam iocose dicta eadem ratione conlecta conseruarunt, quod pluribus exponit WOLFIVS. ⁴ quum romani in villas suas scederent, ibi alii litterarum doctores conuenerunt, & erudito sermone ingenio animoque suaue pararunt alimentum, quod de Cicerone constat. in Tusculano duo habuit gymnasia, alteri Lyceo nomen fuit, alteri academix. hinc dicit: ⁵ *quibus de rebus & alias sepe & paullo accuratius nuper quum essem cum Q. fratre in Tusculano, disputatum est. nam cum ambulandi causa in Lyceum venissemus: (id enim superiori gymnasio nomen est) perlegi, ille inquit, tuum paullo ante tertium de natura deorum, cetera: & alio loco ⁶ his autem libris exposita sunt ea, quæ a nobis cum familiaribus nostris in Tusculano erant disputata.* de villa agri Puteolani agit PLINIVS ⁷ adde CELLARIVM ⁸ & STRUVIVM. ⁹ disputationes, quas

¹ VII. ep. 31. n. 2. 3 ad diuvsf. ² de hist. lat. lib. I. c. 17. p. 84.
³ de script. hist. philos III. 17. ⁴ præfat. ad Casaubon.
⁵ lib. I. c. 5. pr. diuin. ⁶ lib. III. c. 3. Tusc. quæst. ⁷ lib. XXXI. c. 2. H. N. ⁸ notis. orb. antiq. lib. II. c. 9 p. 841
⁹ introduct. ad rem litter. c. X. §. 3.

grammatici instituebant, interdum nullius fuerunt momenti: de Tiberio scribit SVETONIVS ¹ nam & grammaticos, quod genus hominum præcipue, ut diximus, appetebat, eiusmodi fere questionibus experiebatur: quæ mater Hecubæ: quod Achilli nomen inter virgines fuisset: quid Sirenes cantare sint solitæ? verum SENECA ² tales quæstiones deridet: hoc quidem me quærere utrum maior ætate fuerit Homerus, an Hesiodus, non magis ad rem pertinet, quam scire, an minor Hecuba fuerit, quam Helena, & quare tam male tulerit ætatem. quid, inquam, annos Patrocli & Achillis inquirere, ad rem existimas pertinere? quæris, Ulysses ubi errauerit, potius, quam efficias, ne nos semper erremus? adde MENCENIVM. ³

§. X. Ex superioribus iam conligi potest, quod veteres singularem curam & diligentiam ad colendas litteras contulerint. Eudoxus in cacuminibus excelsissimi montis ad senectutem usque vixit, ut astrorum cœlique motus observaret & de istis posset explicare. Chrysippus multos conflabat libros, omneque quod incideret, mandabat litteris, ac sæpe emendabat, magnaque testimoniorum copia utebatur. Lysippum statuæ unius lineamenti inhærentem exstinxit inopia, & Euclides Socraticus tempore noctis ad Socratem se Athenas contulit, ut præceptis eius vteretur, quum decreto grauissimo Athenienses cauissent, ut si quis Megarensium intulisse pedem Athenas esset deprehensus, ei id esset capitale, GELLIVS. ⁴ de Cleanthe refert DIOGENES LAERTIVS ⁵

¹ cap. LXX. n. 6. ² epist. LXXXVIII. ³ declam. de charlat. p. 108. edit. III. ⁴ lib. VI. c. 10. N. A. ⁵ lib. VII. segm. 168. add. VAL. MAX. VIII. 7.

διεβόηθη δὲ ἐπὶ φιλοπονία, ὥς γε πένης ὧν ἄγαν ὤρ-
μησε μισθοφορεῖν· καὶ νύκτωρ μὲν ἐν τοῖς ἀγροῖς ἡν-
τλει, μεθ' ἡμέραν δὲ ἐν τοῖς λόγοις ἐγυμνάζετο, με-
morie proditum est, ipsum laboriosissimum fuisse,
adco, ut inopia cogente mercenariam face-
ret, ac noctu quidem in hortis hauriret aquas,
interdiu autem operam studiis liberalibus da-
ret. omnino multi fuerunt, qui ex sapientia
& philosophia non retinuerunt modum, adi-
GAUDENTIVM¹ & id, quod naturæ debe-
mus & valetudini necessarium, subtraxerunt.
egregia de his est QVINCTILIANI² senten-
tia: in omni studiorum genere bona valetudo,
quæque eam maxime præstat, frugalitas neces-
saria est, quoniam tempora ab ipsa rerum natu-
ra ad quietem refectiõnemque nobis data, in
acerrimum laborem conuertimus, cui tamen
non plus irrogandum est, quam quod fomno su-
pererit, haud deerit. quid iuuat, Epicteti lu-
cernam fictilem pretio quam maximo sibi
comparare, LVCIANVS.³ quod veteres ro-
mani studiosa cura ac diligentia in cultura at-
que vsu musarum versati sint, in hanc rem eo-
rum lucubrationes testantur perspicue. SE-
NECA dixit⁴ generosos animos labor nutrit,
ex quo est, quod nec illis dies aliquis tam
longus fuerit, quin de nocte adiungendum esse
aliquid existimauerint. quamuis duplex sit
lucubratio, alia vespertina, quæ protrahitur
in seram noctem, alia matutina, qua ante lu-
cem operamur: antelucana tamen studia græ-
ci & romani plerumque prætulērunt. lucu-
brationes post cœnam nocent valetudini, ma-
tutinæ vero tam animo, quam corpori sunt sa-

1. prælect. I. in vit. Agricol.
oper. p. 386. edit. GRAEVI.

2. lib. X. c. 3.

3. totm. II.

4. ep. XXXI.

lubrio-

lubriores, quia tum peracta est concoctio & detritas vires reparauit quies. hinc CORNEL. CELSVS ¹ *sin lucubrandum est, non post cibum id facere, sed post concoctionem: & SENECA* ² de Latrone Porcio: *post cœnam fere lucubrabat, nec patiebatur alimenta per somnum quietemque equaliter digeri, sed perturbata & dissipata in caput agebat. itaque & oculorum aciem contuderat & colorem mutauerat.* exempla romanarum lucubrationum, quæ maxime ad litterarum colenda studia sustinebantur, varia deprehendimus. CICERO æque contractionibus, hoc est æstiuis noctibus aliquid lucubrauit, ac maioribus & hibernis vigiliis solitus erat agere. ³ SENECA de se ipso scribit ⁴ *nullus mihi per otium dies exit: partes noctium studiis vindico: non vaco somno, sed fuccumbo, & oculos vigilia fatigatos, cadentesque in epere detineo.* MARTIALIS. ⁵

*Inde lego Phœbumque cœo, musamque laceffo.
dum parvus lychnus modicum consumat oliui.
hæc dat nocturnis nox lucubrata Camænis.*
in primis inlustre C. Plinii secundi, a sororis filio ⁶ descriptum exemplum est. postquam rogatus Marco libros auunculi, quos composuerat, fecerat notos, de causa etiam tot voluminum, hoc est miranda industria perscribit: *erat, inquit, acre ingenium, incredibile studium, summa vigilantia. lucubrare vulcanilibus incipiebat, non auspicandi causa, sed studendi, statim nocte multa: hieme vero, ab hora septima, vel quum tardissime, octaua, sæpe sexta. erat sane somni parcissimi: nonnunquam*

¹ lib. I. c. 2.² præf. lib. 1. controuers.³ Paradox. proam.⁴ ep. VIII.⁵ IV, 99, 4. 8. 9.⁶ lib. III. ep. 5. 7. 8. 9.

etiam

etiam inter studia instantis & deferentis. LV-
CRETIVS¹ Memmium, cuius gratia labora-
bat assidue, ita alloquitur:

*Sed tua me virtus tamen, & sperata voluptas
suavis amicitia quemvis efferre laborem
suadet, & inducit noctes vigilare serenas.*

habebant veteres lectriculas lucubratorias, eo-
dem fixas loco, in quibus recumbentes lectio-
ni, meditationi, scriptioni operam dabant,
quumque ab aliis lectis non differrent, dice-
bantur lecti. PLINIVS² Caius quidem Fan-
nius quod accidit, multo ante præsensit. visus
est sibi per nocturnam quietem iacere in lectulo
suo compositus in habitum studentis, habere an-
te se scrinium ita, ut solebat. mox imaginatus
est, venisse Neronem, in toro resedisse: prom-
ississe primum librum, quem de sceleribus eius
ediderat, eumque ad extremum reuoluisse, idem
in secundo ac tertio fecisse, tunc abiisse. de
Augusto tradit SVETONIVS³ quod a cæna se
in lectriculam lucubratoriam receperit. NASO⁴

*Non hæc in nostris, ut quondam scribimus
hortis,*

nec consue te meum lectule corpus habes.

confer SCHEFFERV⁵ THOMASIVM. ⁶
græcis ante lusano studio Demosthenes præ-
luxit, de quo probatus eius æmulator CICE-
RO⁷ refert, cui non sunt audita Demosthenis
vigilia? qui dolere se aiebat, si quando opifi-
cum antelucana victus esset industria; cuius lu-
cerna abiit quoque in proverbum ex his lu-
cubrationum antiquitatibus causa facile pot-
est cognosci, cur græci & romani noctuam pro

¹ lib. I. v. 141. ² lib. V. ep. 5. n. 5. ³ cap. LXXVIII. n. 2.

⁴ lib. I. trist. eleg. 10. v. 37. ⁵ de re volucul. II, 5. p. 113.

⁶ ad dictam Plin. epist. p. 327. ⁷ Tusc. quæst. IV, 19.

symbolo sapientiæ & prudentiæ habuerint, vid. SPANHEMIVM. ¹ de ipso autem lucubrandi ritu confer MVRETVM ² CAROLI ³ CELLARIVM. ⁴ num vigiliæ vespertinæ, an matutinæ conducant, de eo disputat GABRIEL NAVDAEVVS. ⁵ vsus vigiliarum a christianis quoque primorum seculorum receptus erat, quorum antelucana sacra ab hostibus æque ac propriis scriptoribus sunt laudata, nec incognita sacra vespertina in tempore victus, id est cœnæ, quæ ἀγάπη dicebatur, adi BOEHMERVM. ⁶

§. XI. In more positum romanis erat, ut e vrbe in villas secederent. *secessus* dicebantur ipsa loca in litoribus & rure solitaria, ipsæ villæ: & significabant quoque ipsam vitam, quæ priuata atque in studiis maxime agebatur. villa olim vna domus fuit virorum nobilium, unde nominantur Luculli, Metelli, Ciceronis. erat vel urbana, ea quippe pars, quam sibi recepit dominus, quæ amœnior fuit atque elegantior; vel rustica, quam villicus colonus sibi habitandam obtinet. adhæc erat aut hierna, aut æstiuæ: in illa pater familias per hiemem, in hac per æstatem fuit, cuius membra cubicula, cœnationes, balnearia, ambulationes, reliqua: maxime ad mare sitæ emebantur, & omnibus, quæ ad magnificentiam atque amœnitatem spectant, ornabantur. habebant arbores, xylos, statuas, porticus, marmora, siluas, fontes, aquarum ductus, vid. PITISCVM. ⁷ atque in has villas secedebant

¹ dissert. de numism. præf. III. p. 167. ed. 1706. fol. ² var. lect. XVIII. c. 13. ³ obseruat. in Gell. I, 1. animaduers. 2.

⁴ dissertat. acad. p. 399. ⁵ quæstion. III. iatrophilologica. ⁶ diss. iur. eccles. antiq. diff. II. p. 35. sqq. ⁷ lexic. antiq. rom. tom. II. p. 1086.

proceres & alii eruditi, ut ibi negotiis publicis & curis animus esset vacuus, maiori suauitate colerentur litteræ, & prosperitati corporis ac robori consuleretur. de Augusto dicit SVE-
TONIUS ¹ *ex secessibus præcipue frequentauit
maritima insulasque Campaniæ aut proxima
urbis oppida, Lanuuium, Præneste, Tibur, ubi
etiam in porticibus Herculis templi per sæpe ius
dixit.* & de Caligula ² *inter hæc absentem se-
natum, populumque gravissimo obiurgauit edi-
cto, quod Casare præliante & tantis discrimi-
nibus obiecto, tempestiua conuiuia, circum &
theatra, & amænos secessus celebrarent.* varios
secessus commemorat STATIUS ³

*Iam terras, volucremque polum, fuga veris
aquosi*

*taxat, & Icariis cælum latratibus vrit.
ardua iam densæ rarescunt mænia romæ:
hos prænestæ sacrum, nemus hoc glaciæ
Dianæ,*

*algidus aut horrens, aut Tuscula protegit
umbra:*

*Tiburis hi lucos, Anienaque frigora captant.
te quoque clamosæ quæ nam plaga mitior urbi
subtrahit? æstiuos quo decipis aëre soles?*

per tempus, quo vitam agebant in villis variis
modis animum curamque a grauioribus nego-
tiis laxare laborarunt. Augustus animi la-
xandi causa, modo piscabatur hamo, modo
talis, aut ocellatis, seu globulis calculis in for-
mam ocellorum factis, nucibusque ludebat
cum pueris minutis, ut dicit SVE-
TONIUS. ⁴ sæpe CICERO ⁵ audiuit, Lælium semper fere
cum Scipione solitum rusticari, eosque incre-

¹ LXXII, 5. ² XLV. n. 6. ³ sil. IV, 4, 12.

⁴ c. LXXXIII, 2. ⁵ de orat. II, 6.

dibiliter repuerascere esse solitos, cum rus ex urbe tanquam e vinculis euolauissent. addit, quod non audeat dicere de talibus viris, sed tamen ita soleat narrare Scæuola, conchas eos & vmbilicos ad Caietam & ad Laurentum legere consueſſe, & ad omnem animi remiſſionem ludumque descendere. & de Scæuola dicit VAL. MAXIMVS ¹ *Scæuola quietæ remiſſionis eorum certiffimus testis, optimæ pila luſiſſe traditur: quia videlicet ad hoc diuerticulum animum suum forenſibus miniſteriis fatigatum transferre ſolebat. alueo quoque & calculis vacaſſe interdum dicitur, cum bene ac diu iura ciuium & ceremonias Deorum ordinafſet. ut enim in rebus ſeriis Scæuolam, ita & in ſcurribus luſibus hominem agebat, quem rerum natura continui laboris patientem eſſe non ſinit.* CICERO ſic complexus eſt otium, ut ab eo diuelli non potuerit: aut libris ſe delectauit, quorum habebat Antii feſtiuam copiam, aut fluctus numerauit. ² quod ad eruditos ſecefſus attinet, illorum exempla antiquitas ſupeditat multa. PLINIVS ³ *poſſum iam repetere ſecefſum & ſcribere aliquid, quod non recitem, ne videar, quorum recitationibus adfui, non auditor fuiſſe, ſed creditor.* & alio loco ⁴ laudat prædium in agro iuxta oppidum Laurentum ob gratiam villæ, opportunitatem loci, litoris ſpatium, & addit: *iuſtiſne de cauſſis eum tibi videor incolere, inhabitare, diligere ſecefſum.* Terentius iunior equeſtribus militiis atque etiam procuratione Narbonenſis provinciæ integerrime functus, recipiebat ſe in agros ſuos, paratis honoribus tranquilliffimum

¹ lib. VIII. c. 2.² lib. II. ep. 6. ad Attic.³ l. ep. 13. 7.⁴ lib. II. ep. 17.

otium præferebat. hunc admiratur PLINIVS¹ & dicit: *quam tersa omnia? quam latina? quam græca? nam tantum utraque lingua valet, ut ea magis videatur excellere, quam cum maxime loquitur. quantum ille legit? quantum tenet? Athenis vivere hominem, non in villa putes. quid multa? auxit sollicitudinem meam, effecitque, ut illis, quos doctissimos novi, non minus nos seductos & quasi rusticos verear.* præcipue id moris erat, ut si senectutem attigissent, e republica in honestum otium secederent. hanc quietem Silius Italicus in Campania inuenit, ubi plures villas possidebat, quæ eos dominos quondam habuerant, quos ipse imitatus est plurimum, Ciceronis puta atque Virgilii, illius nempe academiam, huius, quæ sepulcrum domini continebat: de utraque cum laude ita canit MARTIALIS.²

*Silius hæc magni celebrat monumenta Maronis,
iugera facundi qui Ciceronis habet.*

*heredem dominumque sui tumulique larisque
non alium mallet nec Maro nec Cicero.*

PLINIVS³ de Pomponio: *ita senescere oportet virum, qui magistratus amplissimos gesserit, exercitus rexerit, totumque se reipublicæ, quam diu decebat, obtulerit. nam & prima vitæ tempora & media patriæ, extrema nobis impertire debemus, ut ipsæ leges monent, quæ maiorem annis LX otio reddunt. quando mihi licebit? quando per ætatem honestum erit imitari istud pulcherrimæ quietis exemplum? quando secessus mei non defidiæ nomen, sed tranquillitatis accipient? in hisce secessibus solebant multum disputare, multum audire, multum scribere,*

¹ lib. VII. ep. 25. ² lib. XI. epigr. 49. ³ IV. ep. 23. n. 2.
add. III. 1, 12.

multum

multum lectitare. MINVTIVS FELIX quum Ostiam amœnissimam ciuitatem peteret, & diluculo ad mare in ambulando pergeret, vt & aura adspirans leniter membra vegetaret, & cum eximia voluptate molli vestigio cedens arena subsideret, Cæcilius dedit occasionem, de religione disputandi, quod ex dialogo patet, quem a principe conloquentium persona Octauium inscripsit. ludorum romanorum diebus L. Crassus quasi colligendi sui causa, se in Tusculanum contulit. venerunt eodem Quintus Mucius, M. Antonius, homo & consiliorum in republica socius, & summa cum Crasso familiaritate coniunctus. exierant cum ipso Crasso adolescentes & Drusi maxime familiares, & in quibus magnam tum spem maiores natu dignitatis suæ conlocarant, C. Cotta, qui tum tribunatum plebis petebat, & P. Sulpicius, qui deinceps eum magistratum petiturus putabatur. hi primo die de temporibus illis, deque vniuersa republica, quam ob causam venerant, multum inter se vsque ad extremum tempus diei conlocuti sunt. quo quidem in sermone multa diuinitus a tribus illis consularibus Cotta deplorata, & commemorata narrabat, vt nihil incidisset postea ciuitati mali, quod non impendere illi tanto ante vidissent, vt CICERO¹ loquitur. generosissimus quisque romanus in singulis villis suis bibliothecam constituit, vt quoties in illas secessissent, ibi liberius darent operam optimis litteris. CICERO² *in Tusculano quum essem, vellemque e bibliotheca pueri Luculli quibusdam libris uti, veni in eius villam, vt eos ipse*

¹ de Orat. I, 7. ² de finib. III, 2.

(*ut solebam*) inde promerem. quo quum venissem, M. Catonem, quem ibi esse nescieram, vidi in bibliotheca sedentem multis circumfusus stoicorum libris. PLINIVS¹ de Silio Italico: plures villas possidebat: multum ubique librorum, multum statuarum, multum imaginum, quas non habebat modo, verum etiam venerabatur: nam & hæc ornamenta in bibliothecis ponebantur. SVETONIVS² scripta eorum & imagines publicis bibliothecis inter veteres & præcipuos auctores dedicavit. CICERO³ litteris sustentor & recreor, maloque in illa tua sedecula, quam habes sub imagine Aristotelis sedere, quam in aliorum sella curuli. adde LIPSIVM⁴ LOMEIERVM⁵ FIGRELIVM.⁶ MARTIALI⁷ est huius generis *ruris bibliotheca delicati*. nec minorem litteris colendis suavitatem adtulit cultus hortorum. OVIDIVS in hortis operam nauabat carminibus, quum ait⁸

*non hæc in nostris, ut quondam scribimus,
hortis.*

& hæc de modis variis, non de omnibus, nec de illis, qui nonnullis fuerint proprii, litteras colendi veterum romanorum sufficiant. argumentum hoc ad vsum nostrum potest conformari, si illud doctrinæ de prudentia litteraria adplicemus, quæ subinde multum inluminari potest.

¹ l. III. ep. 7. n. 8. ² LXX, 5. Tib. ³ Attic. IV, 10.
⁴ de biblioth. c. 10. ⁵ de bibl. c. 14. ⁶ de stat. rom. c. 24.
⁷ lib. VII. ep. 17. ⁸ Trist. l. 10, 37. add. IV, 8, 27. & MASSON. *visa Ovid. p. 83.*

DIATRIBE
DE
PRAEMIIS
VETERVM SOPHI-
STARVM, RHETORVM
ATQVE ORATORVM.

Σ Τ Ν Ο Ψ Ι Σ.

*De duplici orationis genere §. I. de studio veterum
græcorum & romanorum eloquentiæ §. II. de
adpellatione sophistarum apud græcos §. III. de
adpellatione rhetorum, oratorum, sophistarum
apud romanos §. IIII. de aduersis sophistarum &
rhetorum satis §. V. de magna eloquentiæ digni-
tate apud veteres generatim §. VI. VII. de sala-
riis veterum sophistarum & rhetorum §. VIII.
VIII. X. ipsorum honoris titulis XI. adclama-
tionibus XII. XIII. coronis XIII. XV. sta-
tuis XVI. XVII. XVIII. legationibus
XVIII. magistratibus XX. XXI. victu pu-
blico XXII. XXIII.*

MAgnum Dei munus est, quod mortales, qui rationis participes sunt, beneficio linguæ animi cogitationes adfectusque aliis exprimere, vitæ societatem alere ac conseruare, omniaque quæcunque ad viuendum necessaria sunt & commoda, parare possunt. * quæ dicendi facultas, a summo numine mortalibus adtributa quum egregie humano generi prospiciat; digna omnino est, quæ magis & magis colatur, & in tanta humanarum propensionum varietate, ad artis elegantiaque leges componatur, vt huiusmodi sermonis vi eo facilius in adfectus hominum nos insinuare possumus. quapropter duo inprimis sunt orationis genera, quorum alterum græci λέξιν εἰσομένην, item διαλελυμένην, latini *orationem iugem, pendentem, tractam*, quæue naturali fluit cursu; alterum vero κατεστραμμένην, nec non διηχημένην, latini *versam, contortam*, quæ ad artem atque præcepta reuo-

reuocatur, adpellarunt. quam in rem testatur
ARISTOTELES ¹ τὴν δὲ λέξιν ἀνάγκη εἶναι ἢ
 εἰρομένην καὶ τῷ συνδέσμῳ μίαν, ὥσπερ αἱ ἐν τοῖς δι-
 θυράμβοις ἀναβολαὶ ἢ κατετραμμένην καὶ ὁμοίαν τῆς
 τῶν ἀρχαίων ποιητῶν ἀντιστρόφοις, *elocutionem*
autem necesse est, esse aut pendentem & vinculo
vnam ut in dithyrambis dilationes: aut versam
& similem veterum poetarum conuersionibus. *

* **CICERO** de oratore lib. I. cap. 8. *hoc enim vno*
præstantius vel maxime feris, quod colloquimur in-
ter nos, & quod exprimere dicendo sensa possumus.
PLINIVS histor. natur. lib. XI. cap. 51. *sed ante*
omnia explanatio animi, quæ nos distinxit a feris,
inter ipsos quoque homines discrimen alterum aequæ
grande, quam a belluis fecit. quapropter & lin-
guæ Mercurio apud græcos sacræ fuerunt, ut
EX HOMERO *odysseæ. γ. v. 334. seqq. atque aliis*
scriptoribus adparet: ac veteres persuaferunt
sibi, linguis eiusmodi inditam esse vim, qua
homines tutos a morbis se conseruare possent.
LAMPRIDIVS de Heliogabalo in vita ipsius
 cap. 20. *comedit sæpius ad imitationem Apicii cal-*
caneæ camelorum & cristas viuus gallinaceis dem-
tas, linguas pauonum & lusciniarum, quia dote
tali pestilentia tutus diceretur. adde **COEL.**
RHODIGINVM *lection. antiquar. lib. III. c.*
32. p. 160.

* hinc **CICERO** de oratore ad **BRVTVM** cap.
 20 *huic generi historia finitima est, in qua & nar-*
ratur ornate, & regio sæpe aut pugna describitur:
interponuntur etiam conciones & hortationes: sed
in his tracta quædam & fluens expetitur, non hæc
contorta & acris oratio.

§. II. Apud veteres græcos romanosque
 dicendi ars in magno fuit pretio. equidem
 græci alias artes habuerunt vetustiores & mul-

¹ *rhetoric. lib. III. cap. 9.*

to ante cultas & perpólitas, quam hæc est ab ipsis elaborata differendi vis atque copia; ex quo tamen eloquentiæ studio fuerunt incensi, sensim & sensim hæc dicendi disciplina cepit incrementa, multique exstiterunt, qui harum litterarum culturæ atque exercitiis se tradebant studiose. PERICLES, auctore CICERONE¹ primus adhibuit doctrinam, quem complures secuti sunt, vt intellectum est, quantam vim haberet adcurata atque elegans oratio, GORGIAS *Leontinus* quippe, THRASYMACHVS *Chalcedonius*, PROTAGORAS *Abderites*, PRODICVS *Cei*, HIPPIAS *Eleus*; quibus iam senibus exorti sunt ISOCRATES, qui primus cognouit, etiam in soluto sermone modum & numerum quemdam oportere seruari; item LYSIAS, egregie subtilis scriptor atque elegans. MOX subsecuti sunt HYPERIDES, AESCHINES, LYCVRGVS, DINARCHVS, DEMADES, & qui aliorum exstitit princeps DEMOSTHENES, post quos adhuc multi alii floruerunt, Athenis præsertim, quas dicendi vis sedem sibi ac templum delegerat, sed quum eloquentia videretur perfectissima, a pristina grauitate ac pulcritudine recedere paullatim & declinare cœpit & relictis Athenis elegantiam suam cum vrbe amisit. deinde satis longo interuallo nauigauit in Italiam, ac Romæ inprimis inuenit, quibus ista grata fuit atque accepta. ante tempora Punica non fuerunt, quos in numero ponamus eloquentium oratorum; primus autem, de quo constat, eloquentem fuisse, M. CORNELIVS CETHEGVS est, quem ætate M. CATO consecutus. processu

¹ de clar. orator. cap. 7.

temporis maior prouentus ingeniorum existit, G. LAELII & P. SCIPIONIS *Aemiliani*, vtriusque GRACCHI, *Tiberii & Caii*, SERVII GALBAE, C. CARBONIS aliorumque, quos omnes fere ingenio & artificio dicendi superarunt L. CRASSVS & M. ANTONIVS. sic in vrbe eloquentia in dies facta ornatior, ad illud adspirauit tempus, quo ipsi expoliendæ CICERO supremam adhiberet limam, quippe qui miris modis illam iuuuit, purgauit, auxit: quæ græcæ ac romanæ eloquentiæ fata illustrare possunt ex verustiori ætate CICERO¹ SVETONIVS² QVINCTILIANVS³ excellentiori vero LVD. CRESOLLIVS⁴ G. I. VOSSIUS⁵ MORHOFIVS⁶ CHRISTOPH. CELLARIUS⁷ I. A. FABRICIVS⁸ PETRVS FRANCIVS⁹ IO. CLERICVS¹⁰ G. N. KRIEGK.¹¹

§. III. Sed quum de præmiis veterum sophistarum, rhetorum ac oratorum cum græcorum, tum latinorum in præsens edisserere instituamus, a proposito dissertationis argumento minus erit alienum, si quædam de ipsis, quæ præ se habuerunt, nominibus præmittamus. apud græcos tenuerunt disertum atque eloquentiæ auctores nomen *sophistarum* ac *rhetorum*. antiquissimis temporibus significatio vocis *sophistæ* perampla fuit, adeo, vt omnes, qui litterarum doctrinis atque animi ornamentis operam dabant, dicerentur sophistæ, verustis-

1 de claris orator. 2 de claris rhetor. 3 institut. orator, variis locis. 4 theatr. veter. rhetor. orator. declamator. tom. X. pag. 18. antiquit. græcar. GRONOVII. 5 de rhetoric. natur. ac constitution. cap. 10. seqq. 6 polyhist. litterar. lib. VI. cap. 1. 2. 7 dissertat. acad. p. 346. sq. 8 bibl. græc. lib. II. cap. 16. lib. IV. cap. 32. 9 oration. p. 4. seqq. 10 arte critic. vol. I. part. 2. sect. 1. cap. 17. 11 de sophistarum eloquentia Ien. 1702.

fimi quippe musici, poetæ, philosophi, theologi, medendi arte excellentes, somniorum interpretes. * præcipue vero adpellatio fuit philosophorum, eaque plena dignitatis & perhonorifica, qui quum eloquentiæ & philosophiæ studium coniungerent, factum est, ut sophistarum nomen & philosophiæ & artis oratoriæ magistris fuerit commune, & illi quoque, qui tantum eloquentiæ instituebant exercitia, adpellati sint sophistæ. verum quum philosophiæ atque eloquentiæ verioris laus consenesceret; nec solum philosophi detrito & pannofo pallio maiestateque opacæ barbæ sapientiam metiri vellent; ipsi seruirent animi libidinibus & flagitiis, omniaque referrent ad quæstum & ostentationem; sed & oratores rerum, quæ ad vitam moresque hominum & ad rempublicam pertinebant, cognitionem & scientiam a dicendi ratione disiungerent; de quocumque argumento proposito inuictis rationibus & oratione vberissima differere sumerent sibi, ac tumore quodam sermonis, qui nihil in se habebat solidi, aliorum caperent animos; ** adpellatio sophistæ odiosa reddita est æque rectis sapientiæ æstimatoribus atque promiscue multitudini: qua de re LVDOVICVS CRESOLLIVS¹ & G. I. VOSSIVS² copiose disseruerunt. quod ad nomen *rhetoris* adtinet, existit hoc loco quæstio: quænam inter sophistam ac rhetorem fuerit differentia? CHRYSOSTOMVS³ quum ostendere instituat, omnes ex antiqua ætate sapientiæ cultores a veritatis via aberrasse, dicit: καὶ σοφισταὶ, καὶ ῥήτορες, καὶ φι-

¹ cit. libr. ² de rhetor. nat. & constitut. cap. I. adde AVCTOREM *actior. philos.* p. I. p. 82. seqq. ³ in epist. I. ad Corinthios, c. II.

λόσοφοι, καὶ συγγραφεῖς, & alio loco ¹ tradit, quod veterum calamitates commemorent καὶ πσθηταί, καὶ ῥητόρες, καὶ σοφισταί, καὶ λογογράφοι πάντες. item APOLLONIVS TYANEN¹IS apud PHILOSTRATVM ² καλῶ δὲ σοφῆς μὲν ποιητικὴν, μουσικὴν, ἀστρονομίαν, σοφιστὰς, καὶ τῶν ῥητόρων τὰς μὴ ἀγοραίας, *liberales autem artes adpello poesin, musicam, astronomiam, sophistarum item artem & rhetorum, qui in foro caussas dicunt*; ex quibus locis adparet satis, quod inter sophistas & rhetores positum fuerit discrimen. etenim sophistæ eloquentiæ artem docebant, ac variis exercitationum generibus ad hanc perducere nobiliores mentes, laudi sibi ducebant amplissimæ; rhetores vero in caussis priuatis & publicis sua utebantur eloquentia & declamando gloriam sibi ac fauorem conciliare laborabant maxime. ***

* at vero vox σοφιστῶν non solum ad litterarum cultores, sed & ad omnes, qui arti cuidam sese tradebant, eamque profitebantur, fuit adcommodata. hinc SVIDAS: Σοφιστὴς πᾶς τεχνίτης, & LVCIANVS in dialogo, qui dicitur vitarum auctio p. 377. edit. GRAEVII, hominem, qui conuiuia ac computationes sectatur, adpellat σοφιστὴν ἡδυνπαθείας. confer. GISBERT. CUPERVM de apotheof. Homer. p. 115. vbi agit de voce σοφῶν apud græcos.

** sophistæ enim primum vsurpabant verba aliena, inusitata, poetica, ad tumorem sine omni vi atque elegantia composita, adeoque vitium illud orationis, quod antiqui ψυχρὸν in rhetoricis dicunt, admittebant. vide QVINCTILIANVM lib. II. c. 3. lib. VIII. c. 3. & CAVSSINVM de eloquentia lib. II. c. 4. & 5.

¹ in epist. II. ad Theof. c. 1. ² lib. VIII. cap. 7. sect. 3.

deinde

deinde eiusmodi argumenta orationum eligebant, qui bus tantum vim ingenii atque copiam sermonis ostentare poterant, nulla veterioris utilitatis habita ratione. siquidem quum declamandi genera tria fuerint apud veteres, in demonstratio tam frequentes versabantur, ac vsque eo procedebant, vt leuissimas quoque res praedicarent, & de malis ac perniciosis argumentis differerent.

*** verum discrimen hoc ratione adpellationis *rhetoris* & *sophistae* non semper adcuratius obseruatum fuit, adeo, vt & *sophistae* dicti sint *rhetores*, quod ex exemplo GORGIAE apud DIODORVM SICVLVM lib. XII. patet.

§. III. Apud veteres romanos adpellatio *rhetorum*, *oratorum*, etiam *sophistarum* in vsu fuit. inter *rhetorem* atque *oratorem* multi auctores hanc constituunt differentiam, quod *rhetor* sit, qui praecpta dicendi tradat; *orator* vero, qui modo ex arte differat, modo declamandi exercitia instituat adeoque *rhetorices* praecpta ac regulas ad declamandi vsum transferat atque adcommodet: quocirca CICERO ¹ *Carneades vero multo vberius iisdem de rebus loquebatur: non quo aperiret sententiam suam, sed tum maxime tamen hoc significabat, eos, qui rhetores nominarentur, & qui dicendi praecpta traderent, nihil plane tenere, neque posse quemquam facultatem adsequi dicendi, nisi qui philosophorum inuenta didicisset.* ex qua posita sententia id consequitur, vt apud latinos *rhetor* fere idem fuerit, ac apud graecos *sophista*, prout & CICERO ² dicit: *hinc rhetorum campus de Maratbone, Salamine, Platæis, Thermopylis, Leuctris*, quo loco per *rhetores* intelligit

¹ de orat. lib. I. cap. 18.

² de offic. lib. I. cap. 18.

sophi-

sophistas, quippe qui de nulla re tam libenter & cupide disseruerunt, quam de Marathone, Salamine, Platæis, quæ loca campi erant, ubi omnia eloquentiæ lumina ostendere connitebantur. * verum enim vero quum & in Italia exstiterint sophistæ, de differentia quoque inter rhetorem & sophistam apud latinos fuit disputatum. sunt, qui existimant, quod sophista ille habitus, qui præcepta eloquentiæ græce; rhetor vero, qui latine proponeret differeretque: cui sententiæ fauet CRESOLLIVS ¹ qui ad sanctionem imperatorum ² prouocat: *habeat igitur auditorium specialiter nostrum, in his primum, quos romana eloquentia doctrina commendat, oratores quidem tres numero, grammaticos vero decem: in his etiam, qui facundia græcitatiss** pollere noscuntur, quinque numero sint sophistæ & grammatici æque decem; cuius edicti sententia satis sit clara, quod duo genera professorum eloquentiæ constituentur: alterum oratorum, quos romanæ eloquentiæ doctrina commendat, id est rhetorum, qui latine doceant: alterum sophistarum, qui facundia græca pollentes, græce nimirum instituunt. alii vero sic statuunt discrimen, quod rhetor sit, qui doceat litteras artis differendi: sophista contra, apud quem discatur dicendi exercitium; ita ut rhetor prior sit sophista, eique paret viam, prout grammaticus prior fuerit rhetore. quem ordinem obseruat TERTVLLIANVS, ³ quando ait: *de meo vestiuntur primus informator litterarum (id est grammatista) & grammaticus & rhetor & so-**

¹ in theat. veter. rhetoriam lib. 1. cap. 1. ² in codic. de stud. liberalib. urb. Rom. ³ de pakio cap. ultim. p. 230.

sophista.

sophista. G. I. VOSSIVS ¹ hunc in modum distinguit, quod *sophista* ille sit, qui in dicendi studio exerceat alios; *rhetor* vero, qui ipse quidem dicat, haud tamen alios doceat, qua opinione *græcos* tantum respicere videtur VOSSIVS. at inuenimus, quod hæc diuersa nomina non omni tempore tam solícite fuerint obseruata. quamuis enim a prima litterarum ætate aliud egerit *rhetor*; aliud vero *orator*: tractu tamen temporum exstiterunt quoque, qui non solum docebant; sed & in concione perorabant declamabantque. nec negamus, quod in monumentis cum iuris romani, tum aliorum auctorum *rhetor* & *sophista* distinguantur; sed tamen ipsis sæpe numero communis fuit adpellatio, vti SVETONIVS ² ait: *qui primus e fisco latinis græcisque rhetoribus annua centena constituit*: ex quibus verbis id quidem elucet, quod & *græci* & *latini* eloquentiæ tradendæ dederint operam; at nec obscure subinde potest intelligi, quod & *latini* & *græci* adpellati sint *rhetores*. sic & notissimus *latinus sophista* PHOSPHORVS vocatur a TERTVLLIANO ³ *rhetor latinus*, quando ait: *in scholis Carthaginiensibus fuit quidam frigidissimus rhetor latinus, Phosphorus nomine*. inmo deprehendimus, quod *rhetores* & *oratores* & omnes, qui ornate & copiose perorarent, dicti sint *sophistæ*, auctore AVGVSTINO: ⁴ *sophistæ adpellantur latinarum litterarum eloquentissimi auctores*. **

* ERASMVVS SCHMIDIVS obseruat. ad PIN-DARVM Pyth. l. 9. p. 191. existimat, voces

I de natura & constitut. rhetoric. cap. 1. 2 Vita Vespas. cap. 18. 3 aduersus Valentinian. cap. 8. pag. 253. 4 question. in exod. p. 256. tom. III. oper.

rhëtoris & oratoris idem significare, adeo, vt ista sit græca, hæc vero romana, nullaque inter rhëtorem atque oratorem debeat admitti differentia. quæ sententia, quodsi græcos rhëtores cum latinis oratoribus comparemus, satis est probata; at vero num apud romanos quoque rhëtores & oratores omni ætate eiusdem fuerint conditionis, id est, quod salua veterum scriptorum auctoritate minime potest affirmari.

** sic legitur in codice Theodosiano, quam scripturam viri eruditissimi adprobarunt. vulgaris lectio est: *facundia grauitatis*, quam quidam glossarum auctores emendandam existimarunt: *garrulitatis*, cuiusmodi vero scripturæ cum ipsa re, de qua hoc loco agitur, minime conueniunt.

*** sunt adhuc alia nomina, quibus adpellati sunt homines disertis atque eloquentiæ præceptores: quo pertinet adpellatio *scholastici*. AVCTOR dialogi de causis corruptæ eloquentiæ cap. 35. *at nunc adolescentuli nostri deducuntur in scenas* (id est in locum, vbi orationes recitantur) *scholasticorum*, qui rhëtores vocantur. PETRONIVS satiric. cap. 6. *ingens scholasticorum turba in porticum venit*, vt de aliis taceamus exemplis, quæ collegerunt WOWERIVS ad Petronium dicto loco p. 27. edit. BURMANNI, G. I. VOSSIVS de natura & constitut. rhëtor. cap. I. ADAMVS TRIBBECHOVIUS de doctores scholasticis cap. I. n. 7. p. 18. *declamatores* autem erant, qui tantum exercitii causa in umbra & ludo declamabant. declamatio enim illud genus est orationis, quod viam quamdam sternit ad augustam illam oratoriæ facultatem. veteres in eloquentiæ studio a prima adolescentia sese exercebant, & duplici quidem ratione: aut

H

enim

enim ficta argumenta, vt progymnasmata & declamationes: aut vera, vt orationes tractabant. vide PETRI FRANCII orationes de ratione declamandi. quum autem AVCTOR dialogi de causis corruptæ eloqui cap. I. dicit: *horum autem temporum disertis, causis-
dici, & aduocati & patroni & quiduis potius
quam oratores vocantur*, illos præcipue respicit, qui in foro versabantur & declamando causas agebant publicas.

§. V. Magna præmia sæpenumero consecuti sunt sophistæ, rhetores & oratores, ipsorumque eloquentiæ singularis habita est dignitas, quando sincera, nec fraudulenta aut captiosa esset, quæ animis hominum capiendis tantum insidiatur, ac forensẽ peruertit vsum. equidem de aduersis sophistarum fati multa in antiquis monumentis relata legimus. namque istos DEMETRIVS e regno, Athenienses ex Attica lege & edicto pepulerunt. quo instituto & Cretenses utebantur, nec minus aditu ad Laconicam erant prohibiti, vt hæc per testimonia confirmat CRESOLLIVS. ¹ sic & FANNIO STRABONE & VALERIO MESSALA consulibus * de philosophis & rhetoribus s. c. factum, vt i romæ ne essent, quod SVETONIUS ² adnotauit, etiam A. GELLIVS ³ repetiit. idem sancitum quoque est a Cn. DOMITIO AENOBARBO & L. LICINIO CRASSO ** censoribus, & latini rhetores vrbe sunt expulsi, eodem teste SVETONIO, ⁴ qui dicit: *de iisdem interiecto tempore, Cneus Domitius Aenobarbus, & Lucius Licinius Crassus censores, ita edixerunt; renuntiatum est nobis, esse*

¹ in theatr. rhetor. lib. I. cap. 12.

² de clariorhetoribus c. I.

³ in noctilib. Attic. lib. XV. cap. II.

⁴ dict. loc.

homines

*homines, qui nouum genus disciplinae instituerunt: ad quos iuuentus in ludos conueniat: eos sibi nomen imposuisse latinos rhetores: ibi homines adulescentulos totos dies desiderare. maiores nostri, quæ liberos suos discere, & quos in ludos itare vellent, instituerunt. hac noua, quæ præter consuetudinem ac morem maiorum sunt, neque placent, neque recta videntur. quapropter & iis qui eos ludos habent, & iis, qui eo venire consueuerunt, videtur faciendum, ut ostendamus nostram sententiam, nobis non placere. sed nulla causa est, cur huius senatus consulti & edicti censorii aduersus rhetores nos admiratio fubeat. nam oratoriae disciplinae tum multiplex & turpis erat deprauatio, quumque adhuc virtus atque integritas romanis curæ essent, fieri non potuit, ut rhetorum & sophistarum argutiae fictæque ad ius peruertendum controuersiae ac declamationes placerent, ut CHR. CELLARIUS¹ obseruat.****

* quorum consulatum in annum V. C. 10 XCIII. incidisse, iudicat THEOD. IANS. ab ALMELOVEEN in fastis roman. consul. lib. II. p. 99. meminit & ATHENAEVS lib. XIII. huius edicti, vbi σοφιστὰς vna voce adpellat, qui in senatus consulto nominantur *philosophi & rhetores* confer CASAVBONVM ad c. I. SVETONII p. 724. edit. GRAEVI.

** hic est CRASSVS ipsemet orator, quem cum M. ANTONIO comparauit CICERO de claris orator. cap. 37. adde IACOBVM PROVST obseruat. ad CICERONEM de orat. lib. I. n. 24. p. II.

*** dantur adhuc exempla quorundam oratorum, quorum fortuna fuit durior; sed ut ca-

¹ *dissertat. academ. p. 348.*

fus sunt, qui euenerunt speciatim; ita & causæ illorum fuerunt singulares. sic AN-
 DOCIDES Atheniensis in exilio defunctus, ut e PLUTARCHO in ipsius vita coniecere
 licet; LYSIAS a triginta tyrannis Athenis
 expulsus, concessit Megaram, ac reliquam
 vitam exegit priuatus, vide I. A. FABRICIVM
 biblioth. græc. lib. II. cap. 26. p. 892. AESCHI-
 NES exsul Rhodi scholam aperuit ibique do-
 cuit, ut de aliis taceamus. ceterum argumen-
 to rhetorices ex ciuitatibus proscriptæ in
 odium artis huius vitur post CRITOLAVM,
 CLITOMACHVM & CHARMIDAM SEX-
 TVS EMPIRICVS adu. rhetor. p. 68.

§. VI. Ita quamdiu eloquentiæ auctores ac
 magistri veram artis oratoriæ virtutem vera-
 que incrementa habuerunt in oculis, omni
 præmio digni sunt existimati. quam in rem
 testatur CICERO: ¹ *erant autem huic studio
 maxima, quæ nunc quoque sunt, exposita præ-
 mia, vel ad gratiam, vel ad opes, vel ad digni-
 tatem.* non est quod dignitatem hanc, quam
 veteres eloquentiæ eiusdemque cultoribus
 statuerunt, ab ipsius antiquitate & prima ori-
 gine, quæ HERMETI vindicata est, repeta-
 mus. apud paganos quippe HERMES auctor
 & præses eloquentiæ habebatur, teste DIO DO-
 RO SICVLO ² & TZETZA ³ vnde passim au-
 dit Ἑρμῆς λόγιος, λόγος præses, quo & spectat,
 quod viri eloquentes dicantur Ἑρμαϊκῇ σεσηά. ⁴
 confer G. I. VOSSIVM ⁵ & I. A. FABRI-
 CIVM. ⁶ namque nugæ sunt fabularum, qui-
 bus litterarum disciplinis nimiam vetustatem

¹ de oratore lib. I. cap. 4.

² l. I cap. 16.

³ chiliad. 6. hist. 89.

⁴ de natura & constitut. rhetor. cap. 9.

⁵ biblioth. græc. lib. I.

cap. 12. p. 81.

adtribuere laborarunt, præsertim quum maxime sit subobscurum, quis HERMES ille siue MERCVRIVS, cui ob multarum rerum & artium scientiam TRISMEGISTI cognomen imposuerunt, fuerit. quibus de causis verius dignitatem, quam veteres disertis homines compararunt sibi, partim ex ipsa, quæ eloquentiæ inest, vi & præstantia; partim ex singulari oratorum virtute, qua auditorum animos commouere seque in adfectus ipsorum insinuare poterant, deriuamus, præsertim quum & ea ætate, qua dicendi ars & disciplina vigeat, eiusmodi rerum publicarum fuerit facies & conditio, vt facili negotio oratores multum auctoritatis haberent. quam eloquentiæ potentiam respexerunt sine dubio Celtæ veteres, qui HERCVLEM, sub cuius nomine præsidem facundiæ deum colebant, senem pingebant, leonis indutum exuuiis, & dextra quidem clauam, sinistra autem tenentem arcum ac hominum multitudinem catena aurea ex lingua ipsius dependente atque ad aures circumstantium pertingente ducentem, ita vt adligarentur ac sponte sua Herculis ductum sequerentur, auctore LVCIANO. ¹

* LVCAS historia de rebus ab apostolis gestis cap.

XIII. v. 12. de PAVLO commemorat, quod a Lytrensibus HERMES sit habitus, *ἐπειδὴ αὐτοὺς ἦν ὁ ἐγούμενος τῷ λόγῳ*, quæ verba interpretes quidam ita intelligunt quod PAVLVS in dicendo primas habuerit partes, adeoque Lytrensium opinione MERCVRIVS fuerit, non tam ob eloquentiam, cuius præses MER-

¹ in *παροιμ.* pr. p. 365. adde PETR. LAMBECIUM in *pro-grammat.* vol. III. mem. *Hamburgens.* FABRICII p. 126. *seqq.*

CVRIVS erat; quam quod ipse BARNABA filente non solum ad populum orationes recitasset; sed & iustisset, claudum surgere. nec enim solum facile Iupiter descendere confueuerat; sed comitem secum ducere solebat MERCVRIVM, qui erat Ἑμμενὺς καὶ προφήτης τῶν θεῶν, *interpres atque internuncius deorum.* quum itaque PAVLVM esse MERCVRIVM existimarent Lystrenses, necesse erat, vt BARNABAM adstantem PAVLO pro loue agnoscerent. vide C. F. BOERNERVM de actis Barnabæ & Pauli Lycaonicis §. 10. p. 40.

§. VII. Vt autem varia præmiorum, quibus adfecti fuerunt eloquentiæ auctores, generatradamus; obseruandum id maxime est, quod alia in primis ad artis oratoriæ præceptores; alia vero ad oratores præcipue spectarent; alia ad opes; alia vero ad laudes & honorum dignitates augendas publicas pertinerent, prout sunt salaria, adpellationes honorificæ, adclamationes & plausus, coronæ, statuæ aliaque. ad hæc id monemus, quod & grammatici apud veteres romanos interdum docuerint rhetoricam, quippe qui & in illorum censu esse debent, quibus eloquentiæ præmia proposita fuerunt. namque SVETONIUS¹ dicit: *veteres grammatici & rhetoricam docebant: ac multorum de vtraque arte commentarii feruntur, secundum quam consuetudinem posteriores quoque existimo, quamquam iam discretis professionibus, nihilominus vel retinuisse, vel instituisse & ipsos quædam genera institutionum ad eloquentiam præparandam, vt problemata, periphrases, elocutiones, ethologias (id*

¹ de illustr. grammatic. cap. 6.

est morum descriptiones,) *atque alia hoc genus; ne scilicet sicci omnino atque aridi pueri rhetoribus traderentur*; qui & quorundam grammaticorum habet mentionem, a quibus tradita sunt præcepta eloquentiæ, M. ANTONII GNIPHONIS, ¹ quippe quem alii scribunt GNIFONEM, quive & græce & latine doctus fuit, ac cuius scholam CICERO quoque post operam forensē frequentasse dicitur, teste MACROBIO: ² *Antonius Gniphon vir doctus, cuius scholam Cicero post laborem fori frequentabat*; item ATTEII philologi, de quo CAPITO ATTEIVS dicit ipsum, inter grammaticos rhetorem & inter rhetores grammaticum fuisse. ³ veterum enim grammaticorum diuersa erant genera, quorum alii τεχνικοί, alii ἱστορικοί seu ἐξηγητικοί, alii χρητικοί fuerunt, vide WOWERIVM ⁴ & PITISCVM. ⁵ ex quibus illi, qui primi ordinis sunt, interdum cum præceptis grammaticæ disciplinam rhetoricam coniunxerunt, ut eloquentiæ candidati maiori fructu rhetorum opera atque institutione frui possent.

§. VIII. De primo igitur præmiorum genere, quod posuimus, id est de salariis * veterum sophistarum ac rhetorum differere instituemus. primum stipendium eloquentiæ auctoribus ac magistris decretum est vi munificentiae atque auctoritatis TITI FLAVII VESPASIANI, teste SVETONIO, ⁶ qui dicit:

¹ cap. 7. de illustr. grammat. ² lib. III. cap. 12. saturnal.

³ cap. 10. de illustr. grammat. ⁴ de polymath. cap. 9. p. 1033. tom. X. thes. A. G. GRONOVII. ⁵ obseru. ad SVETON. de illustr. gramm. p. 1079. 1090. & lexie. antiquit. roman. tom. I. p. 882.

⁶ vit. cap. XVIII. n. 1. adde PITISCVM ad SVETON. Caesar. cap. XLII. n. 2. p. 118.

primus e fisco latinis græcisque rhetoribus annua centena constituit. præstantes poëtas nec non & artifices coëmit. Vti VESPASIANVS imperator ipse litteras coluit atque amauit, quippe qui in græcorum monumentis non leuiter fuit versatus; sic in artium professores insigniter existit liberalis, cuius rei & documentum est SALEIUS BASSVS egregius poëta, ¹ qui principis huius indulgentiam ingenio suo meritus, quingenta sestertia ab ipso dono accepit. ² sed num VESPASIANVS fuerit primus, qui salarium hoc constituerit rhetoribus, ea de re nonnullam in dubitationem adduci possumus, quum apud SVETONIUM ³ quoque legamus, quod VERRIUS FLACCUS sub AVGVSTO sestertia centena acceperit in annum. verum proposita sententia satis est firma. namque FLACCUS ille grammaticus fuit, non rhetor, & adhæc stipendio hoc litterario propter auctoritatem, qua valebat, ac clementiam in illum AVGVSTI, qui ipsum nepotibus suis in præceptorem legerat, extraordinem adfectus est; qua de re SVETONIUS ⁴ differit: VERRIUS FLACCUS ab Augusto quoque nepotibus eius præceptor electus, transiit in Palatium cum tota schola; verum ut ne quem amplius post hac discipulum reciperet: docuitque in atrio Catilinæ domus, quæ pars Palatii tunc erat: & sestertia centena in annum accepit. illi autem, quibus a VESPASIANO salarium hoc decretum est, dicuntur latini græcique rhetores, quorum illi latine; hi vero

¹ G. I. VOSSIVS de poetis latinis cap. 3. p. 48. & de historicis latinis lib. I. cap. 22. p. 113. ² AVCTOR dialog. de causis corruptæ eloquent. cap. 9. ³ de illustrib. grammatic. cap. 17.

⁴ dict. loc.

græce proposuerunt eloquentiæ præcepta, prout factum est, vt in Italia & græce & romane docerent perorarentque, & CICERO ad præturam vsque græce declamauit. ¹ quod si tamen romanos respiciamus, deprehendimus, quod hi græcos pluris fecerint, quam latinos, quoniam illis in educatione litteraria prima cura litterarum græcarum fuit. hisce artis oratoriæ doctoribus constituit VESPASIANVS *annua centena*, vbi subintelligas vocem *sestertia*; at vero quum *sestertium*, genere neutro idem sit, quod mille sestertium seu sestertiorum, id est xxv. coronati, *centena sestertia* duo millia coronatorum & præter hæc quingentos efficiunt, vt iam CASAVBONVS ² obseruauit. quibus de causis CRESOLLIVS ³ minus adcurate annua centena, quod ad ipsorum pretium attinet, ad pecuniæ nostræ rationum adcommodauit, quod ista aureorum coronatorum duo millia & adhæc fere centum efficiant.

* *salarium* distinguendum est a mercede illa, quæ dicebatur *mineral* seu *mineral* (scil. æs) munus illud, quod præceptoribus a discipulis in scholam primum receptis dabatur. sunt, qui *mineral* & *didaxteor* idem esse contendunt, vt IOSEPHVS LAURENTIVS collect. de professoribus, oratoribus, nomenclatoribus & litteris tom. X. thes. A. G. GRONOVII p. 1170. qui dicit: *præter mercedem mensuram dabant etiam mercedulam priuatam, mineral dictum, didaxteor, quod erat munusculum & veluti authoramentum primo ad magistrum*

¹ SVETON. de claris rhet. cap. I. ² ad SVETON. vit. Vespas. cap. 18. p. 640. edit. GRAEVI. ³ theatr. rhetor. lib. IV. cap. 3.

ingressu, quod scilicet essent parati ad parendum & discendum. sed G. I. VOSSIVS de vitiis sermonis lib I. cap. 33 p. 148. obseruat. quod minerual & τὸ διδάκτεον non sint eiusdem significationis, quoniam διδάκτεον magistri vulgari consuetudine singulis mensibus, etiam interdum non nisi anno finito accipiebant, vide SALMASIVM de mod. vsurar. c. 2. p. 65.

§. VIII. Aliud adhuc exemplum mercedis publicæ, qua professores artis oratoriæ ornati sunt, deprehendimus in veterum monumentis, cuius auctor num sit ANTONINVS pius, an ANTONINVS philosophus, de eo disputandum est. IVLIVS CAPITOLINVS¹ discrete de priore dicit: *rhetoribus & philosophis per omnes prouincias & honores & salaria detulit.* XIPHILINVS² vero de posteriore ait: ἔδωκε δὲ καὶ πᾶσιν ἀνθρώποις διδασκάλους ἐν ταῖς Αῤῥήναις, ἐπὶ πάσης λόγων παιδείας, μισθὸν ἐτήσιον φέροντας. quæ testimonia aut agunt de diuersis rebus, ita, vt aliud salarium ANTONINVS pius; aliud ANTONINVS philosophus & quidem doctrinarum professoribus Atheniensibus constituerit; aut vnum idemque respiciunt momentum. qua posteriore sententia necesse est, aut discrepantiam hanc salua vtriusque auctoritate remouere, quod qua ratione fieri possit, haud cognoscimus; aut fidem IVLII CAPITOLINI labefactare, eique præferre XIPHILINVM, in primis cum testimonio ipsius alia veterum monumenta, quæ ei fauent, robur ac dignitatem adferunt. namque triplex erat Athenis θρόνος, πολιτικός quippe, φιλοσοφικός & σοφιστικός, vide MEVRSIVM³ & CRESOL-

¹ *vita Anton. Pii cap. II.* ² *Epitom. Dianii p. 280.* ³ *fortun. Attic. cap. 8.*

LIVM, ¹ cui ultimo primus præfuit LOLLIANVS *Ephesus*, de quo PHILOSTRATVS ² dicit: *πρόση μὲν τῇ Αθήνῃσι θρόνῳ πρώτος*, sed ea ætate professoribus stipendio nondum ornatis, quod aliquanto post ab imperatore ANTONINO philosopho factum est, idque primus meruisse dicitur THEODOTVS, discipulus LOLLIANI, de quo idem PHILOSTRATVS: ³ *πρόση δὲ καὶ τῆς Αθηναίων νεότητος πρώτος ἐπὶ ταῖς ἐκ βασιλείας μυρίαις*, quibus verbis id obseruamus, quod THEODOTVS fuerit sophista & quidem Atheniensis; quod primus acceperit stipendium, idque ex auctoritate & liberalitate imperatoris, per quem quod M. ANTONINVS philosophus sit intelligendus, ex verbis PHILOSTRATI, quæ subsequuntur, patet clarissime, qui dicit, quod MARCVS, id est MARCVS AVRELIVS ANTONINVS, cui adtribuerunt cognomen *philosophi*, Herodis iudicio ac censuræ Platonicos, Stoicos, Peripateticos philosophos & ipsum Epicurum permiserit, vt harum scholarum philosophiæ constitueret professores; sed THEODOTVM ἀπὸ τῆς περὶ αὐτὸν δόξης, αὐτὸς ἐπέκρινε τοῖς νέοις, ἀγωνιστὴν τῶν πολιτικῶν προσειπὼν λόγων καὶ ῥητορικῆς ὄφελος, ob eam, quam habebat celebritatem, ipse iuuenibus præfecerit, *athletam ciuiliū sermonum, decorisque oratoriæ artis titulis eum ornans*. acceperunt igitur sophistæ Athenienses stipendium: quod autem fuerit nummorum? id iam penitus inspiciamus. de THEODOTO sophista commemorauit PHILOSTRATVS superiori loco,

¹ *theatr. rhetor. lib. III. cap. 13.* ² *de vitis sophistar. lib. I. n. 23. p. 526.* ³ *de vit. sophist. lib. II. v. 2. p. 566.*

quod

quod iuventuti Atheniensium instituendæ præfuerit ἐπὶ ταῖς μυρίαῖς, vbi vox δραχμαῖς subintelligenda est, vt adeo viri quidam sine caussa heic emendationem adhibere ac μυρίαῖς in κυρίαῖς permutare sibi sumserint. alio autem loco ¹ eiusdem stipendii mentionem facit, quo tradit, quod Adriano sophista ² romam translato, Athenienses consilium de legato ad imperatorem mittendo ceperint, vt θεόνος sophisticus traderetur CHRESTO, qui autem in concionem ipsorum prodiens, non solum propositum hoc reddiderit irritum; sed & habitæ orationis extremo dixerit: ἔχαι μυρίαὶ τὸν ἄνδρα, non facit virum decem millium stipendium. sic G. OLEARIVS legit & verba hæc in latinam transtulit linguam; I. F. GRONOVIVS ³ vero existimat, quod ista per signum interrogationis: ἔχαι μυρίαὶ τὸν ἄνδρα; distinguere ac subintelligere debeamus αἰτῶσι vel ζητῶσι, ita vt verba hæc dubiæ sint significationis, ac sophistæ CHRESTI cum modestiam præ se habeant, quasi diceret: nonne αἱ μυρίαὶ virum quærant; tum arrogantiam ipsius declarent, quod non CHRESTVS τὰς μυρίας, sed αἱ μυρία ipsum quærant. quæ coniectura critica GRONOVII satis quidem est ingeniosa; sed quum ex PHILOSTRATO pateat, quod CHRESTVS Atheniensium consilia minime adprobans, munus professoris artis oratoriæ reculauerit, scripturam, quam apud OLEARIVM deprehendimus, præferre minus dubitamus. idem salarium acceperunt quoque philosophi, de quibus LUCIANVS ⁴

¹ de vit. sophist. lib. II. n. II. p. 591. ² SVID. Ἀδριαν. ὈΨΙΣΙΣ de historic. grac. lib. IV. cap. 17. p. 482. ³ de sefertiis lib. IV. cap. II. p. 329. ⁴ eunuch. p. 841.

testatur

testatur, quod singulis ipsorum generibus constitutum fuerit stipendium; *sed ἡ βρεη τις ἦν κατὰ τὸν ποιητὴν, ἔδ' ἱερεῖον, ἀλλὰ μύρια κατὰ τὸν ἐνιαυτὸν, ἐφ' ὧτω συνεῖναι τοῖς νέοις*, non erat *pellis bubula iuxta poetam, nec porcellus: verum singulos in annos decem millia nummorum, quos accipiunt, uti doceant iuventutem.* de cetero *drachma* notissimus erat Atheniensium argenteus nummus pondere drachmali, hoc est octauæ partis vnciæ, cuius pretium idem habetur cum pretio denarii nummi; ¹ ex qua pretii huius ratione facile colligere possumus, quid veterum philosophorum ac sophistarum Atheniensium salarium, seu *μύρια δραχμαί* effecerint. CRESOLLIVS ² existimat, quod valeant aureos gallicos *IO CCCXXXIII.* cum assibus aliquot Turonensibus; & I. F. GRONOVIVS ³ dicit: *μύρια δραχμαί efficiant romanæ monetae sestertia quadraginta, aureos quadringentos; at nostra coronatos mille.*

§. X. Ex hisce a nobis adductis ac illustratis exemplis cognoscimus haud obscure, quod eloquentiæ studia habuerint patronos & fautores suos, qui erga illorum doctores ac magistros liberalitatem ac benignitatem declararunt, ac quorum deliciae atque voluptas fuerunt, musis oratoriis dignitatem, quæ ipsis iure ac merito debetur, tueri & in maius meliusque prouehere. quam benevolentiam nonnulli extra ordinem quoque experti sunt, atque amplissimos artis suæ ceperunt fructus. sic SEXTO CLODIO, qui a SVETONIO ⁴ *latine simul græcæque eloquentiæ professor* dicitur, magna merces

¹ vide BYDAEVM de ass. lib. V. BEVERINVM syntagm. de ponderib. & mensur. p. 33. aliosque. ² theatro rhetor. lib. IV. c. 3. ³ dict. loc. ⁴ de claris rhetor. cap. 5.

data est ab ANTONIO, cuius mentionem habet CICERO ¹ *at quanta merces*, ait, *rbetori data est? audite, audite, patres conscripti & cognoscite reipublicæ vulnera. duo millia iugerum campi Leontini Sexto Clodio rhetori adsignasti, & quidem immunia, ut pro tanta mercede nihil sapere disceres.* SEXT. CLODIVS quippe gratus erat ANTONIO, qui quamvis ipse dicendi arte fuerit destitutus, ideo tamen rhetorem hunc singulari profecutus est fauore, quod excelebat in iocis. accepit autem duo millia iugerum campi Leontini, sic dicti a Leontinis, vrbe in Sicilia, ² qui ager cultissimus & caput fuit rei frumentariæ, ³ ob quum causam ANTONIVS largitione sua magnum vulnus reipublicæ inflixit, cuius horreum Sicilia ob ingentem suam fertilitatem quondam habitata est. * prodit quoque PLINIVS ⁴ vnā orationem vendidisse ISOCRATEM viginti talentis, ** quæ efficiunt XII. millia coronatorum: quānam autem fuerit oratio, pro qua acceperit hæc viginti talenta, id non adeo expeditum ac clarum est. credibile esse videtur, ipsi pretium hoc datum fuisse aut pro oratione, quæ inscribitur Νικοκλῆς, sub persona eiusmodi regis Cyprii scripta de officio ciuium erga imperantes; *** aut pro sermone funebri in laudem EVAGORAE filii NICOCLIS, qui interemtus est a THRASYDAEO eunucho olymp. ci. 3. ac ne hoc quidem nobis videtur silentio prætereundum, quod POMPEIVS magnus, quum RHODVM, nobilissimum sane eloquentiæ templum profecutus, ac sophistas

¹ oration. Philippica II. cap. 17.

² CELLARIVS notis. orbis antiqui lib. II. cap. 12. p. 978.

³ CICERO frumentar. cap. 18.

⁴ histor. natural. lib. VII. cap. 30.

omnes audiuiſſet, ſingulis donauerit talentum, *ἐκάςω τάλαντον ἔδωκε*. vt habet PLVTARCHVS,¹ quod docentium præmium minime fuit contemnendum. namque talentum, Atticum quippe, quod ab hiſtoricis in prionis celebratur, valuit ſexaginta libras ſeu minas, hoc eſt ſex millia denarium vel drachmarum, quæ valent ſexagies denos coronatos, confer I. F. GRO-
NOVVM.² at vero quo minus & huc exemplum EVMENII rhetoris transferamus, impediunt cauſæ iuſtæ & grauiores. etenim de ſe ipſo dicit:³ *ſalarium me liberaliſſimi principes, ex huius reipublicæ viribus in ſexcenis millibus nummum accipere iuſſerunt: non quoniam non amplius tribuere commodis meis vellent, in quem multo maiora & prius & poſtea præmia contulerunt; ſed vt tercena illa ſeſtertia, quæ ſacræ memoriæ magiſter acceperam, in honore priuati huius magiſterii addita pari ſorte geminarent.* ex quibus verbis haud obſcure colligere poſſumus, quod ſalarium hoc EVMENIO non veluti rhetori, ſed ſacræ memoriæ magiſtro adtributum fuerit, cuius munus erat, adnotationes omnes dictare & emit-
tere, & precibus reſpondere,⁴ quo functum eſſe EVMENIVM, ipſe prodit alio loco.⁵ prout autem EVMENIVS ſingularis & extra communia ponendus vir fuit; ſic & ampliſſimo uſus eſt ſtipendio, ſexcenis quippe millibus nummum. equidem CASAUBONO⁶ hoc ſalarium nimium videtur, ideoque pro ſexcenis

1 vit. p. 641. 2 de ſeſtertius lib. III. cap. 3. p. 130. adde G. N. KRIEGK diatr. de peregrin. roman. acad. §. XLIII. p. 44. 3 orat. pro reſtaur. ſcholar. cap. XI. n. 2. 4 GUTHIER. de off. dom. Aug. III. 3. 5 panegy. Conſtantiſo Caſari dicto. 6 ad SVETONIVM vit. Othon. cap. 4. pag. 590. edit. GRAEVII.

legen-

legendum censet *sexagenis*, quasi id EVMENIO veluti rhetori sit datum, adeoque pretium communis rhetorum stipendii nimis excedat. sed CASAVBONVS passus est aliquid humani. namque primum ipsa EVMENII verba clare testantur, quod salarium hoc ex honore magistri sacrae memoriae ipsi decretum fuerit; deinde pro scriptura CASAVBONI, qua *sexcenis* mutatur in *sexagenis*, dimidium salarii esset minus, quam pro dignitate ac munere hoc acceperit, siquidem aperte dicit: *sed ut tercena illa sestertia, quae sacrae memoriae magister acceperam, in honore privati huius magisterii addita pari sorte geminarent.* quibus de causis utique retinendum est *sexcenis*, confer I. F. GRONOVIVM ¹ CHR. CELLARIVM ² IO. CHRISTFR. SAGITTARIVM. ³ ****

* CICERO pro lege Manil. cap. 12 Pompeius nondum tempestivo adnavigandum mari Siciliam adiit, Africam exploravit; inde in Sardiniam cum classe venit: atque haec tria frumentaria subsidia reipublicae firmissimis praesidiis navibusque munivit. LIVIVS lib. XXVI cap. 40. de consule LAEVINO refert, coegisse Siculos, positos tandem armis ad agrum colendum animos convertere; ut esset non incolarum modo alimentis frugifera insula, sed urbis romae atque Italiae (id quod multis saepe tempestatibus fecerat) annonam leuaret.

** veteres, imprimis carminum auctores interdum pro monumentis ingenii sui magnifica acceperunt pretia. sic CHOERILVS Samius commemoravit victoriam, quam Athenienses de Xerxe reportarunt, ac pro singulis ver-

¹ de sestertio lib. IV. cap. II. p. 330.
orat. p. 70. ³ otio lenens. p. 249.

² observ. ad EVMENII

sibus accepit staterem, ac decretum adhuc est, ut carmen hoc cum Homérico recitaretur, vide VOSSIVM de poetis græcis cap. 5. p. 28. ANTILOCHVS, quum laudes LYSANDRI oratione ligata dixisset, ab eo pileo Laconico argenti pleno donatus est, vide VOSSIVM c. l. p. 44. ut de exemplis LABERII, VIRGILII aliorumque taceamus.

*** non insolens videri debet, elaboratam ab ISOCRATE orationem, quam rex recitauerit. LYSIAE aliorumque exemplis constat, solemne fuisse, sermones ab aliis dici, ab aliis scribi. sic romæ in NERONE recitante admiratus est senatus, quæ SENECA scripserat. vide I. A. FABRICIVM bibliothec. græc. lib. II. cap. 26. p. 903.

*** primus autem sophistarum, qui mercedem acceperit priuatam traditur PROTAGORAS, de quo scribit PHILOSTRATVS de vit. sophistar. lib. I. n. 10. τὸ δὲ μισθὸν ἀλιγιότατον πρῶτον μὲν ἔχει, docere autem mercede primus instituit; qui & hæc addit: πρῶτον δὲ παρέδωκεν Ἑλλήσι πρῶγμα ὃ μισθόν ἢ γὰρ σὺν δαπάνῃ σπουδάζουσι μᾶλλον ἀσπαζόμεθα τῷ προίκα, primusque adeo rei nequaquam reprehendende græcis auctor fuit. nam ea studia, quæ sumtu comparamus, longe cupidius complectimur, quam ea, quæ nibilo constant. idem testatur DIOGENES LAERTIVS lib. VIIII. segm. 52. qui & mercedem definit, quod exegerit μισθὸς ἑκατὸν, minas centum: confer. AEGID. MENAGIVM obseru. ad LAERTIVM c. l. p. 420. & G. OLEARIVM ad PHILOSTRATVM d. l. p. 494. eadem summa GORGIAE a discipulis tradita est, quo autem antiquior fuit PROTAGORAS, quod VOSSIVS de natur. & constitut. rhet. cap. 10. ex PLATONE obseruauit. sic & ISOCRATES didactrum statuit

I

M. drach-

M. drachmarum, quod autem a civium suorum nemine accepit. vide FABRICIVM bibl. græc. lib. II. cap. 26. p. 901 conf. CRENSOLIVM rheatr rhetor lib V cap 3 THOM. CRENIVM lib VII. animaduers. p. 140. seq.

§. XI Sic primo præmiorum, quibus veteres sophistæ, rhetores ac oratores ornati fuerunt, genere illustrato, pergamus ad secundum, quod *honoris titulos* respicit, quos magnificos sæpe obtinuerunt. namque apud græcos sophistæ dicebantur θεόφραστοι, a diuinitate sermonis, θεοι, diuini seu præstantes, ὀλύμπιοι, cælestes, ιεροί, δαιμόνιοι, diuini, μακάριοι, felices, beati, θαυμάσιοι, admirandi, βασιλεις, reges, σοφοί, sapientes: sic & alia nomina ipsis imposita fuerunt ob singularem elegantiam ac suauitatem orationis, siquidem nominabantur αἰδόνες, luscinia, σειρήνες, sirenes, κομψοὶ ῥητορες, belli & venusti rhetores, γλωτται linguæ, ἑρμῆ λογίε τύποι, mercurii præsidis eloquentiæ typi, λόγιοι, disertī. σάλπιγγες, tubæ, item πατέρες, patres, δεσπότες, domini, quæ omnia per exempla elegantissime illustrat CRESOLLIVS, ¹ cuius singularis industria facit, vt hac in re studeamus breuitati. * num & apud romanos rhetores & oratores proprios sibi habuerint titulos honorum, probabili coniectura & ratione dici haud potest. quamuis adpellatione dignitatis & laudis plena sæpius fuerint decorati, dicebantur quippe disertī & eloquentes, a quibus homines *litteratos* distinctos fuisse, ex veterum latinorum auctorum monumentis obferuamus, prout CICERO ² de A. ALBINO testatur, quod *et litteratus et disertus* fuerit; &

¹ theatr. rhetor. lib. I. cap. 9. adde G. N. KRIECK de *sophistar. eloquentia* §. 54. p. 69. ² de claris orator. c. 21.

paullo post ¹ dicit: *sed est mos hominum, ut nolint eundem pluribus rebus excellere. nam ut ex bellica laude adspirare ad Africanum nemo potest, in qua ipsa egregium Viriati bello reperimus fuisse Lelium*: sic ingenii, litterarum, eloquentiæ, sapientiæ denique etsi utrique primas, priores tamen libenter deferunt Lelio. etenim litterati grammatici sunt, ² a quibus differunt litteratores, seu primi magistri, quorum munus erat, prima tradere elementa, ut WOWERIVS ³ pluribus discrimen hoc exposuit. immo dicti sunt eloquentissimi clarissimique, auctore CIGERONE ⁴ ut cognoscas, quæ viri omnium eloquentissimi clarissimique ^{**} senserint de omni ratione dicendi; ac SVETONIVS ⁵ dicit: *Serg. Galba consularis, temporum suorum eloquentissimus*. sic & CIGERO, cui eloquentia, quæ florente ipsius ingenio maxima cepit incrementa, multa debet, ob dicendi vim singularem summis adfectus est laudibus, cui QVINCTILIANVS ⁶ adtribuit immortalis ingenii beatissimam vbertatem; quive a PLINIO ⁷ dicitur *vir extra omnem ingenii alcampositus*; & AVELLEIO PATERCVLO ⁸ perfectum prosæ eloquentiæ decus, orationem & vniuersam vim forensensem sub TVLLIO erupisse, adfirmatur. ac quem fugiat, quod maxima laudum ornamenta in oratoriam artem atque eloquentiam contulerint veteres, qui istam adpellauerint *lumen ingenii* ⁹ eique vim

¹ *ibid.* ² SVETON. de illustr. grammat. cap. 4. ³ polymath. cap. 4. p. 1017. tom. X. thes. ant. grac. GRONOVII adde PITISCVM observat. ad SVETON. c. l. p. 1067. ⁴ de orator. lib. I. cap. 2. ⁵ vit. Galb. cap. 3. ⁶ institut. lib. X. cap. I. ⁷ prefat. hist. natural. ⁸ lib. I. c. 17. ⁹ CIGERO de claris orator. cap. 15.

quamdam diuinam insitam esse iudicauerint,¹ cui quoque *a maioribus nostris est in tota dignitatis principatus datus*, vt idem auctor² dicit, qui & alio loco³ scribit: *grauis etiam illa est & plena dignitatis dicendi facultas, quae saepe valuit in consule deligendo, posse consilio atque oratione senatus & populi, & eorum, qui res iudicant, mentes permouere; & paucis interiectis: non mirum, si ob hanc facultatem homines saepe etiam non nobiles consulatum consecuti sunt: praesertim quum haec eadem res plurimas gratias, firmissimas amicitias, maxima studia pariat.* ***

* sic & apud veteres graecos consuetudo fuit, vt illustrioribus eruditione viris singulare quoddam agnomen dignitatis causa adtribuerent. ex philosophis ANAXAGORAS dictus est σοφός, siue propter sapientiam, vide PLUTARCHVM vit. *Pericl.* siue quod materiae adiecerit mentem, vt habet DIOGENES LAERTIVS lib. II. segm. 6. SOCRATES σοφός, etiam in oraculo quodam, cuius auctoritas quidem a nonnullis in dubium vocatur, σοφάτατος, PLATO σοφώτατος, ARISTOTELES δαιμόνιος, DEMOCRITVS ἐν φιλοσοφίᾳ πένταρχος, HIPPOCRATES μέγας. ex recentioribus adpellatur AMMONIVS Θεοδιδάκτος, PLOTINVS μέγας, THEODORVS Σαυμασός, PORPHYRIVS φιλόσοφος, vide LVCAM HOLSTENIVM de vita & scriptis Porphyrii cap. 6. p. 233. edit. FABRICII biblioth. graec. lib. IV. cap. 27. adde IONSIUM de scriptoribus historiae philosophicae lib. II. cap. 7. IO. MOLLERVM homonymoscopia p. 869.

¹ in *Tuscul. quest. lib. I. cap. 26.* ² *de offic. lib. 2. cap. 19.*
³ pro L. Murena, cap. 11.

seqq. & de adpellatione *polybistoris* diximus historia critica latinæ linguæ cap. IV. §. 7. p. 179.

** tituli *clarissimi* frequens fit mentio apud CIRCERONEM, item *amplissimi*, quo senatores imprimis ornabantur. tempore imperatorum non solum hæ adpellationes in vfu atque hominum more versatæ quoque fuerunt, sed & aliæ accesserunt, *illustris* quippe, *spectabilis*, *excellentissimi*, *magnifici*, quarum vsus pro varia dignitate diuersus fuit: de quo momento legi possunt notitia dignitatum vtriusque imperii, quæ exstat tom. VII. antiquit. romanar. I. G. GRAEVII; IAC. GVTHERIVS de officiis domus Aug. 10. SELDENVS de titulis honorum 10. CHR. BECMANNVS in notit. dignit. illustrium. sed hæc in transitu.

*** de cetero apud romanos clarissimis quoque viris cognomina imposita fuerunt aut a præclara militia, aut ab eruditione, aut aliis meritis in rei publicæ salutem. inter alios hæc laude effloruerunt G. MARCVS, qui a *Coriolis* oppido captis dictus est *Coriolanus*; M. VALERIVS CORVINVS, qui bello Punico primo transgressus in Siciliam *Messanam* urbem cepit, cognominatus primum *Messana*; deinde mutata littera *Messala* dictus, a quo clarissima *Messalarum* familia originem accepit; P. SERVILIUS *Isauricus*, ab *Isauris* vrbe Ciliciæ expugnatis adpellatus; vt de multis aliis exemplis taceamus, quæ congescit G. N. KRIEGER diatr. de modis inclarescendi apud romanos § 35. seqq. p. 27. ex viris litterarum gloria splendidis ATTEIVS dictus est *philologus*; M. TERENTIUS VARRO *togatorum doctissimus*; T. POMPONIUS *Atticus*,

quod Atticam linguam didicit felicissime; M. ANTONINVS imperator *philosophus* ob studium, quod philosophiæ consecrauit, de quibus atque aliis compluribus exemplis vide TOB. MAGIRI eponymologium criticum & IO. MOLLERVM homonymoscop. p. 873. inter doctores christianos, qui patres vocantur,prehendimus quosdam, quibus ob singularem eloquentiam cognomina laudis ac præclaræ existimationis imposita fuerunt. sic IOANNES, archiep. Constantinopolitan. *Chrysostomus*; PETRVS, Rauennatum episcopus *Chrysologus*; RADVLPHVS Guilhelmo IV. Aquitaniæ Duci a concionibus sacris, *Ardens*; FERNARDVS, abbas Claraualensis, *Mellifluus*; AVR. PRUDENTIVS *Amœnus* dictus est.

§. XII. Nobilissima pars studiorum veterum erat recitatio eorum, quæ conscripserant, qua non solum adolescentes, sed & adultiores viri, & ipsi principes ea, quæ ingenio elaborauerant, prælegebant vel publice vel priuatim, vt ex signis cognoscerent, num ista placerent auditoribus, nec ne, de quo argumento iam alio loco ¹ diximus. quas recitationes sequebantur *adclamationes & plausus* auditorum, de quibus iam breui dispiciamus, rationem veterum rhetorum ac sophistarum habentes, qui & orationes suas recitarunt. auditores autem modo per vocem, modo per gestum adclamabant, atque plausus edebant. quod ad priorem rationem adtinet, diuersæ erant adclamandi formulæ, apud latinos BENE, PRAECLARE, BELLE, FESTIVE, NON POTEST MELIVS, RECTE, PVLCHRE,

¹ de variis modis litteras colendis apud veter. roman. §. VIII.

EVGE vide CICERONEM ¹ PERSIVM. ²
 apud græcos vero καλῶς, σοφῶς, ἀλκιρῶς, ὀρθῶς,
 ὑπερβαλλόντως. ἔν, θαυμασῶς, aliæque huius ge-
 neris. quo adclamandi ritu illud quoque mo-
 ris ac consuetudinis fuit, vt sophistas magnati-
 tulum pompa prosequerentur, ac laudibus
 illos extollerent ad cælum vsque. hinc LV-
 CIANVS ³ has commemorat adclamationes:
 ὦ τῆς καινότητος. ἡράκλειος τῆς παραδοξολογίας.
 εὐμήχανος ἀνδρῶπος. ἔδεν ἂν τις εἶποι τῆς πινούσας
 χειρώτερον. in quibus prædicandi ac laudandi
 gratia clamoribus edendis effusi sane fuerunt,
 nec tantum in vna sermonis parte, sed fere in
 omnibus plaudere atque adclamare in more
 habuerunt; quamvis id præcipue in transitio-
 nibus & extremo orationum peragerent. quam
 in rem testantur multi vetustioris ætatis au-
 ctiores. QVINCTILIANVS: ⁴ *quæ quidem
 virtus negligitur a plurimis, qui ad clamorem
 dispositæ vel etiam forte circumfusa multitudi-
 nis compositi non ferunt illud intentionis
 signum, nec sibi diserti videntur, nisi omnia tu-
 multu ac vociferatione concusserint.* A. GEL-
 LIVS dicit: ⁵ *summo & soluto pectore obuias
 vulgatasque laudes effutiunt: item ⁶ quem
 quum iam inter ingentes clamores legentem
 inuenissemus: & AVR. VICTOR: ⁷ ob cuius
 laudem ingeminatis ad vocis vsque defectum
 plausibus adclamatum est. alii vero recitantes
 immensis audientium clamoribus minus dele-
 ctabantur, ideoque anteponebant silentium:*
 sic PLINIVS: ⁸ *quum dico vel recito, non mi-
 nus quam clamore delector; sit modo silentium*

¹ de oratore lib. III. cap. 26. ² satir. I. v. 49. ³ Zenoid.
 p. 577. ⁴ instit. orat. lib. IV. c. 2. ⁵ noct. Attic. lib. V. cap. I.
⁶ lib. XVIII. cap. 5. ⁷ epitom. cap. 34. ⁸ lib. II. ep. 10. n. 7.

*acre & intentum & cupidum vteriora audien-
di. silentium enim perspicuum seriae ac ve-
hementis adtentionis argumentum est, quippe
quæ ex iudicio de præstantia ac suauitate ora-
tionis ipsiusque perceptione omnino oritur,
vnde & plausus admiratione compressos & res-
tinctos obseruamus. exhibet rei huius testi-
monium CICERO ¹ de plausu autem quid re-
spondeam? qui nec desideratus vnumquam a te
est, & nonnunquam obstupescit hominibus ipsa
admiratione compressus est. quo factum est,
vt hæc plaudendi atque adclamandi licentia
aliquando auctoritate magistratum coerce-
retur, cuius rei documento & exemplo esse
potest C. ALBUTIVS SILVUS, qui quum pu-
blico iudicio peroraret, a lictore nimiae lau-
dantium voces cohibebantur teste SVETO-
NIO. ²*

§. XIII. Posterior plaudendi modus fiebat
per gestum ac varium corporis eiusque parti-
um motum. quo pertinet primum plausus per
manus, quem ritum adtingit PHILOSTRATVS ³
*καὶ ἡ δεξιὰ τοῖς δακτύλοις ὑπεσπλόμεναις ὑποκαίμε-
νην τὴν αἰσιτεράν πληττει ἐς τὸ κοῖλον, ἢ ὡς αἱ
χεῖρες ξυμφωνοὶ, πληττόμεναι τρέπον κυμβάλων,
dextera, contractis digitis subiectam sinistram,
qua caua est, tundit; vt manus etiam conso-
nent, cymbalorum more percussa. * deinde
quoque audientes mouebant pedes in plausus
gratiam, vt LVCIANVS ⁴ prodit, quod non
solum de sella surgere, sed & saltantium more
terram pedibus ferire atque tripudia exhibe-
re, moris fuerit ac consuetudinis. quam respi-*

¹ pro Deiotaro cap. 12. ² de clariorhetor. cap. 6. ³ ienn.
Cemi p. 766. ⁴ rhetor. præceptor. p. 320.

ciens QVINCTILIANVS ¹ dicit: *minime vero permittenda pueris, ut sit apud plerosque, surgendi exsultandique in laudando licentia; & paullo post: at nunc proni atque succincti ad omnem clausulam non exsurgunt modo, verum etiam excurrunt & cum indecora exsultatione conclamant.* HIERONYMVS ² autem: *medicente ex latere subsultabas & plaudebas manu, & adplodebas pede.* nonnumquam quoque in plaudendo vestes suas excutiebant, prout quum NERO imperator quid dixisset, τὰς τε χεῖρας καὶ τὰ ἱμάτια ἀνέσκειον, plaudebant manibus & vestimentis, teste XIPHILINO. ³ confer CRESOLLIVM ⁴ & FERRARIVM, ⁵ qui in hoc argumento illustrando diligenter sunt versati.

* CICERO pro P. Sextio cap. 55. dicit: *voces quidem & palmarum intentus & maledictorum clamorem omnes profuderunt*, quibus verbis significat, quod veteres in sibilis edendis consuetudinem quoque manus collidendi tenuerint. de cetero morem in antiquis monimentis obseruamus, quo oratores adlocuturi auditores extensa manu silentium facere laborarunt. sic PAVLVΣ κατακτίνας τῇ χειρὶ, orationem habuit, Actor. XIII. v. 16. item XXI, 40. & de ALEXANDRO XVIII, 33. OVIDIVS metamorph. lib. I. v. 205.

*postquam voce manuque
murmura compressit; tenuere silentia cuncti.*

PERSIVS satir. IV. v. 5. seqq.

*ergo ubi commota feruet plebecula bile,
fert animus calidae fecisse silentia turbæ
maiestate manus.*

¹ institut. orat. lib. II. c. 2. ² epist. 75. ³ epitom. DIONIS. p. 168. ⁴ theatr. rhetor. lib. III. cap. 20. ⁵ de veterum acclamation, & plausu.

§. XIII. Inter præmia veterum sophistarum, rhetorum & oratorum principem quoque locum obtinent *coronæ*, quibus fuerunt ornati, veluti ex certamine victores. id quod satis aperte testatur IULIANVS ¹ ὥσπερ γὰρ ἐν ἑμῇ λογίᾳ σταδίους διόλῳ πολλάκις τῷ δρόμῳ σεφαινόμεναις ἤδη δι' αὐτὴν ἐν ἐλίγοις γραφαῖς τῆς αἰρετῆς τὸ ἄκρον ἐμφαίνει. nam ut in Mercurii *facundi stadiis toties iam victor coronatus, mirabilem in paucis his scriptis virtutem tuam demonstras*; & C. TACITVS ² tradit, quod propinquo lustrali certamine, senatus NERONI obtulerit victoriam cantus, adieceritque *facundie coronam*. erat quippe imperator hic moribus animi corruptissimi, qui in theatro publice cantare, ac histrionis personam tenere victoriæ cupidus sibi sumēbat: quod dedecus ut auerteret senatus, ac ludicra NERONIS deformitas velaretur; consilium eius præuenit, ac ne cantaret, ad victorem ipsum pronuntiandum prompta & parata fuit voluntate. in fabularum autem monumentis observamus, quod VENVS, amorum, deliciarum ac voluptatum omnium dea, huiusmodi coronæ ornatu splendida exhibeatur in documentum facundiæ, qua nobilis a fabulosa ætate habita est: hinc CATVLLVS ³ dicit:

*si linguam clauso tenes in ore,
fructus proiicies amoris omnis,
verbosa gaudet Venus loquela.*

quod coronæ præmium in tanta fuit dignitate æstimationeque, ut oratores ac poetæ incredibili illius consequendæ traherentur studio, quæ & omni labore ac ingenii præstantia ad glo-

¹ epist. n. VIII. ad Georgium p. 377. ² lib. XVI. cap. 4. annal.
³ catm. 56.

riam istam peruenire, adnitebantur. cognoscimus id ex SVETONIO,¹ qui de NERONE dicit: *deinde in orbestram senatumque descendit; & orationis quidem carminisque latini coronam, de qua honestissimus quisque contendebat, ipsarum consensu concessam sibi recepit*; sic & THEODECTES, Phaselites, Isocratis discipulus rhetor atque tragœdiarum auctor² traditur, e sacris litterarum certaminibus octo retulisse coronas.³ erat enim corona signum singularis dignitatis ac honoris, quæ ingenii ac facundiæ præstantiam consequabatur, veluti præmium, quo litterarum studia maxime sunt digna: quocirca & ipsas musas coronatas deprehendimus, quippe quæ lauro, hedera, rosis, palmis ornata carminibus poetarum celebrantur. ex qua autem materia coronæ rhetorum ac sophistarum fuerint compositæ, id accurate quidem definire non possumus, quum antiqui scriptores momentum hoc reliquerint intactum; id tamen satis clarum est, quod coronas fecerint ex diuersis materiæ generibus, nec mediocri probabilitate existimamus, quod quodammodo nonnulla fuerit hac in re inter coronas rhetorum ac poetarum similitudo, uti ex superiori SVETONIO loco, quo vnius coronæ cum orationis, tum carminis latini mentio fit, coniecere possumus. at vero poetæ coronas gesserunt ex hedera, quercu, palma, oliua, inprimis lauro, quod confirmant multi veteres auctores, quorum testimonia PASCHALIVS⁴ I. A. BOSIVS⁵ I. F. HECKELIVS⁶ SA-

¹ vit. Neronis cap. 12. ² FABRICIVS bibl. græc. lib. II. c. 19. p. 692. ³ PASCHALIVS de coronis lib. V. c. II. p. 320. conf. VOSSIVM de poetis græcis cap. 7. p. 58. ⁴ de coronis lib. V. cap. II. seqq. p. 317. ⁵ de sycanop. cap. 9. ⁶ de poetar. coronat.

MVEL PITISCVS¹ aliique exhibent. quin immo EXLVCIANO² colligimus, quod disertis, qui aduersarium sibi in certamine vicerant, fores coronatæ fuerint palma, siquidem dicit: καὶ ἡττῶμαι μὲν τὰ πλείστα. οἱ φοινῖκες δὲ ἐπὶ τῇ θύρᾳ χλωροὶ ἐξεφανώμενοι, ut plurimum tamen succumbo, ac nihilominus viridi palma fores coronantur: & IUVVENALIS³ ac MARTIALIS⁴ non obscure significant, quod & palmæ sine corona positæ fuerint, quando ille dicit:

ut tibi lasso

figantur virides, scalarum gloria, palmæ;
hic vero:

sic fora mirentur, sic te palatia laudent,
excolat & geminas plurima palma fores.

§. XV. Ita corona præmium fuit facundia, idque honoris ac dignitatis plenum. sed tamen obseruamus quoque, quod & oratores ac rhetores non perorarint, priusquam fuerint coronati: quem ritum exprimit PRAXAGORA mulier apud ARISTOPHANEM⁵ his verbis:

ἐγὼ δὲ θεῖσα τὰς σεφάνους περιδήσομαι,
καὶ αὐτὴ μεθ' ὑμῶν, ἣν τί μοι δόξα λέγειν.

ego autem ipsa coronas ponens coronabor
vobiscum, si forte quid dicere mihi videbitur
necesse.

vbi scholiastes: περιδήσομαι, ὅτι οἱ δημαγωγοὶ ἐξέφοντο, ac paullo post⁶ mulier hæc addit:

τίς ἀγορεύειν βύλεται; *

ΓΓ. ἐγώ. ΠΡ. περίθῃ δὴ τὸν σεφάνον τύχη γαθῇ.
ΓΓ. ἰδὲ.

¹ lexic. antiqu. rom. tom. II. p. 453. ² rhetor. precept. p. 324.
³ satir. VII. v. 138. ⁴ lib. VII. epigr. 27. ⁵ ἰκκλῆσ. π. 122.
123. p. 445. edit. KÜSTERI. ⁶ v. 130. seqq.

quænam

quænam concionari vult?

MV. ego. PR. *imponere igitur capiti coronam,
quod faustum & felix sit.*

MV. *maxime.*

item ¹

ΠΡ. ἔσθ' ἥτις ἑτέρα βύλεται λέγειν; ΓΥ. ἐγώ.

ΠΡ. ἴθι δὴ σεφάνῃ, καὶ γὰρ τὸ χρεῖμ' ἐργάζεται.

PR. *an est vestrum, quæ velit dicere?* MV. ego.

PR. *abi igitur & coronam cape; res quippe
vrget.*

quæ testimonia ARISTOPHANIS satis sunt
perspicua, ac obseruationem nostram, quod
oratores quum in eo fuerint, vt declamarent
recitarentque sermones, imposuerint sibi co-
ronas, stabiliunt ac confirmant, quibus adhuc
aliud ex OVIDIO ² adiicimus:

*dixit: & extemplo populum grauemque se-
natum*

*conuocat. ante tamen pacali cornua lauro
velat.*

qui & paucis versibus interiectis ³ dicit:

*rursus ad hos Cypus, quem poscitis, inquit
habetis:*

& demta capiti populo prohibente corona

exhibuit gemino præsignia tempora cornu.

demisere oculos omnes, gemitumque dedere:

*atque illud meritis clarum (quis credere
possit?)*

inuiti videre caput: nec honore carere

ulterius passi, festam imposuere coronam.

quodsi igitur oratores coronam veluti præ-
mium eloquentiæ acceperunt: existit hoc lo-

¹ v. 147. adde infra Themoph. v. 387.

² lib. XV. v. 390.

seqq. metamorph. ³ v. 604. seqq.

co disceptatio ac quaestio: quo iure rhetores & oratores quum meditarentur orationem recitandam, coronas sibi imposuerint? ponamusea de causa discrimen inter coronas priuatas ac publicas, quod ad vsum illarum adtinet: illae priuato cuiusque vsui permittae fuerunt, vti coronae conuiuiales, virginales, nuptiales; hae vero auctoritate publica claris viris ac praestantissimis ingeniis tradebantur, vt pro meritis in rempublicam praemium haberent dignitatis, quo pertinent coronae militares, ciuica, castrensis, muralis, naualis, victrices, obsidionalis, oualis, triumphalis, quibus viri militia eminentes ornabantur; item coronae litterariae, quae merita in litterarum salutem veluti praemium consequebantur. quo posito discrimine, facili negotio quaestioni illi satisfacere possumus. etenim oratores & coronarum ornatu sunt adfecti, in gratiam honoris ac praemii auctoritate magistratus constituti; & sibi ipsis imposuerunt coronas easque priuatas, vt eloquentiae atque arti dicendi maiorem conciliarent splendorem. **

* *τίς ἀγορεύει βέλεται*; formula fuit in concionibus & comitiis populi Atheniensis. qua cuiuis, qui vellet, ad dicendum aperiebatur via. hinc & MERCVRIVS apud LVCIANVM deor. concil. p. 709. *ἀπε. τίς ἀγορεύει βέλεται τῶν τελείων θεῶν*; vide SAMVEL. PENTITVM de legib. Attic. p. 209.

** de AESCHINE tradit quoque PHILOSTRATVS vit. sophistar. lib. I. n. 18. p. 508. quod praemium coronae ob res praecclare gestas aliaque merita acceperit, cuius & PLYTARCHVS ac APOLLONIVS vita ipsius mentionem faciunt.

§. XVI. Coronas subsequuntur *statuæ* in honorem quoque veterum rhetorum positæ. qui liberales artes profitebantur, earumque cognitione ac cultura erant clarissimi, præmium industriæ suæ in statu is quoque consecuti traduntur, adeo ut nulla fere litterarum professio a dignitate hac fuerit exclusa. namque de legum interpretibus testatur id PLINIVS ¹ *statua fuit & Hermodori Ephesii in comitio legum, quas decemviri scribebant, interpretis publice dicata*; de medicis SVETONIVS ² *medico Antonio Musæ, cuius opera ex ancipiti morbo convaluerat, statuam ære collatam iuxta signum Aesculapii statuerunt*; qui & de grammaticis idem confirmat, quum de ORBILIO dicit ³ *statua eius Beneventi ostenditur in Capitolio ad sinistrum latus marmorea, habitu sedentis ac palliati, adpositis duobus scriniis*; item de VERRIO FLACCO ⁴ *statuam habet Præneste, in inferiore fori parte*; quod non minus de poetis clarum est & satis tantum ex HOMERI exemplo probari potest. verum & rhetores in censu illorum fuerunt, quibus collocarunt statuas, quarum mentionem facit AVCTOR dialogi de causis corruptæ eloquentiæ ⁵ *minimum inter tot ac tanta locum obtinent imagines, ac tituli & statuæ: quæ neque ipsa tamen negliguntur; tam hercule, quam divitiæ & opes, quas facilius inuenies, qui vituperet, quam fastidiat. his igitur & honoribus & ornamentis & facultatibus refertas domos eorum videmus, qui se ab ineunte adolescentiâ causis forensibus & oratorio studio dederunt; quibus verbis elucet, quod illi, qui oratoriz*

¹ N. N. lib. XXXIV. cap. 5. ² vit. Augusti cap. 59. ³ de illust. grammat. c. 9. ⁴ ibid. cap. 17. ⁵ cap. 8.

arti eiusque exercitiis sese tradiderint, magnam perceperint felicitatem, ac honore *titulorum & statuarum* sint adfecti. consuetudo enim erat apud veteres, ut tituli seu inscriptiones adponerentur statuis, quibus nomina, parentes, maiores, magistratus, merita eorum, in quorum dignitatem locabant statuas, aliaque momenta indicabant, ut EDMUNDVS FIGRELIVS¹ pluribus ostendit. adhuc apud eundem auctorem² MATERNVS dicit: *ac iam me seiungere a forensi labore constitui, nec comitatus istos & egressus aut frequentiam salutationum concupisco: non magis quam era & imagines, quæ etiam me nolente in domum meam irruerunt*; ubi per *era* intelligit statuas, titulos. quæ testimonia quamvis sint clara, etiam firma ac graua, illis tamen adhuc aliud, idque PLINII, præstantissimi quoque oratoris adiungere non ab re esse ducimus, quippe qui dicit³ de TRAIANO imperatore: *quem honorem dicendi magistris, quam dignationem sapientiæ doctoribus habes?* quibus verbis respicit statuas, quas TRAIANVS rhetoribus ponendas curauit, ut ex iis, quæ iam dicamus, luculenter patebit.

§. XVII. Quod rhetoribus ac oratoribus collocatæ sint statuæ, id quoque variis exemplis probari ac illustrari potest. huiusmodi honos habitus est ISOCRATI, cuius statua apud FVLVIVM VRSINVM⁴ cum inscriptione: *Ισοκράτης Θεωδώρου Ἀθηναῖος, Isocrates Theodori F. Atheniensis*, sed capite, quod a GRONOVIO⁵ exhibetur, trunca exstat: erat

¹ de statu illius Trium romanor. cap. 27. 28 p. 228.

² de causis corrupt. eloqu. cap. 11.

³ panegy. cap. 47.

⁴ eleg. p. 77.

⁵ thesaur. antiquit. grac. tom. II. tab. 81.

quippe

quippe vir eloquentiæ gloria splendidus, de quo CICERO ¹ dicit: *Isocrates cuius domus cunctæ graciæ quasi ludus quidam patuit atque officina dicendi: magnus orator & perfectus magister, quamquam forensi luce caruit, intraque parietes aluit eam gloriam, quam nemo quidem meo iudicio est postea consecutus.* * ad eandem dignitatem peruenit PROAERESIVS sophista, quoue præceptore vsi sunt BASILIUS & GREGORIUS NAZIANZENSIS, quippe qui de romæ laudibus ac splendore dixit copiose, ob quod ipsi statua posita ex ære cum hac inscriptione: ἡ βασιλεύσα Ῥώμη τῶ βασιλεύοντι τῶν λόγων, *regina rerum roma regi eloquentiæ*, teste EVNAPIO. ² sic & ANDOCIDIS, qui in bello inter Corinthios & Corcyræos nauarchus fuit, cuiusue quatuor adhuc exstant orationes, statuum, in qua inscripta sunt: Ἀνδοκίδης Λεωγόρεω Ἀθηναῖος *Andocides Leogoræ F. Atheniensis* apud VRSINVM ³ deprehendimus: & PHILOSTRATVS ⁴ de ARISTIDE tradit: Σμυρναῖοι χαλκῶν ἐστῆσαν αὐτὸν ἐπὶ τῆς κατὰ τὴν Σμύρναν ἀγορᾶς, *Smyrnaei æream ipsi statuam erexerunt in foro Smyrnenfi*, quoniam Smyrnam terræ motibus destructam incredibili orationis grauitate MARCO imperatori adeo commendauerat, vt lacrimis ac tristitiæ sese traderet, ac vrbis huius polliceretur renouationem. IVLIVS CAPITOLINVS ⁵ autem prodit, quod ANTONINVS philosophus oratoribus vsus sit græcis Annio Marco, Caninio Celere & Herode

¹ Brut. cap. 8. ² vita Proaeresii. adde CRESOLLIVM theatr. rhetor. lib. I. cap. 8. FABRICIVM bibl. græca lib. IV. c. 32. p. 486. ³ elog. p. 73. ⁴ vit. sophist. lib. II. n. 9. p. 582. ⁵ vit. Anton. cap. 2.

Attico; latino FRONTONE CORNELIO, de quo addit: *sed multum ex his Frontoni detulit, cui & statuam in senatu petiit.* quumque iuperiora PLINII verba, quæ mirifica TRAIANI studia erga dicendi magistros laudibus exornant, ad statuarum honores adcommo- uimus, non ab re esse existimamus, hanc ob causam exemplum quoddam proferre, quo pateat, TRAIANVM quoque rhetores hoc gloriæ præmio adfecisse: quocirca prouoca- mus ad XIPHILINVM ¹ ἔθηκε δὲ καὶ τῷ Σοσίῳ τῷ τε Πάλμῳ καὶ τῷ Κέλσῳ εἰκόνας, *Sossio quoque & Palmæ & Celsō (rhetori) statuas posuit.*

* apud PHILOSTRATVM de vitis sophistarum lib. I. n. 17. de ISOCRATE vulgo hæc legun- tur: ἡ γὰρ αὖ ἐδὲ τῆς ἐν Ολυμπίᾳ εἰκόνος ἔτυχεν, *neque enim Olympiæ statuam consecutus esset.* sed G. OLEARIVS p. 506. pro Ολυμπίᾳ legen- dum censet Ολυμπίῳ, vt intelligatur *Olympium* Atheniense, vbi statuam ISOCRATIS po- fuerat APHAREVS. confer MEVRSIVM A- then. Attic. lib. I. cap. 10.

§. XVIII. Consuetudinem ac institutum bibliothecas statuis atque imaginibus claro- rum virorum exornandi, tenuerunt veteres, ita vt non solum illorum, qui vita defuncti fuerant sua; sed & viuorum statuas atque ima- gines ibi posuerint. qua de re testatur PLI- NIVS ² *M. Varronis in bibliotheca, quæ pri- ma * in orbe ab Asinio Pollione ex manubiis pu- blicata romæ est, vnius viuentis posita imago est: qui & de illis, quorum libri in bibliothecis fuerunt, eorumque imaginibus ibi positis differit: non est prætereundum & nouitium*

¹ ἔθηκε. DIONIS. p. 248. ² M. N. lib. VII. cap. 30.

³ H. N. lib. XXXV. cap. 2.

inuentum. siquidem non solum ex auro argenteo, aut certe ex ære in bibliothecis dicantur illi quorum immortales animæ in iisdem locis ibi loquuntur: quin immo etiam, quæ non sunt, finguntur pariuntque desideria non traditi vultus, sicut in Homero euenit. ita TRAIANVS Pruiæ statuam in bibliotheca positam habuisse dicitur a PLINIO: ¹ ipse in re præsentis fuit & vidi tuam quoque statuam in bibliotheca positam; TACITVS vero imperator CORNELIVM TACITVM, scriptorem historiæ augustæ in omnibus bibliothecis collocari iussit, referente VOPISCO. ² eadem ornamenta erant in bibliothecis priuatis. PLINIVS ³ de SILIO ITALICO: plures iisdem in locis villas possidebat: multum ubique librorum, multum statuarum, multum imaginum, quas non habebat modo, verum etiam venerabatur: item ⁴ Herennius Seuerus, vir doctissimus, magni æstimat in bibliotheca sua ponere imagines municipum tuorum, Cornelii Nepotis & Titæ Cassii; quod antiquitatis momentum iam illustrarunt IVNIUS ⁵ LOMEIERVS ⁶ LIPSIVS ⁷ FIGRELIVS ⁸ BARTHOLINVS. ⁹ prout autem rhetoribus atque oratoribus statuæ sunt locatæ; sic & istas in bibliothecis posuerunt, vt illarum essent ornamentum ac decus: quam in rem testatur exemplum NUMERIANI Cæsaris, cui statuam statuerunt non ob dignitatem imperatoris, sed ingenii atque eloquentiæ merita, auctore VOPISCO, ¹⁰ qui dicit: huius oratio fertur ad senatum missa, tantum

¹ lib. X. epist. 85. n. 7.

² cap. 10.

³ lib. III epist. 7. n. 8.

⁴ lib. IV. epist. 28. n. 1.

⁵ de picturis II, 8.

⁶ de isbl. cap. 14.

⁷ de biblioth. cap. 10.

⁸ de statuis illustr. romanor. cap. 24.

⁹ de legendis libris diff. 2.

¹⁰ vit. Numeriani.

habuisse eloquentia, vt illi statua non quasi Cæsari, sed quasi rhetori decerneretur, ponenda in bibliotheca Vlpia, cui subscriptum est: NVMERIANO CAESARI, ORATORI TEMPORIBVS SVIS POTENTISSIMO.

* idem in animo habuerat IVLIVS Cæsar, *bibliothecas græcas & latinas, quas maximas posset, publicare*, quod SVETONIVS cap. 44. memorauit, sed fato præuentus nihil perfecit. AVGVSTVS autem Cæsar duas legitur constituisse publicas, Octauiam in Octauiae porticu in sororis honorem nominatam: & Palatinam iuxta ædes suas & Apollinis templum in monte Palatino vide CELLARIVM dis-
sertat. academ. p. 358.

§. XVIII. Varia igitur præmiorum, quæ sophistis, rhetoribus atque oratoribus veteres tribuerunt liberaliter, genera memorauimus. nunc tradamus, quod & legationes adeoque amplissima administrauerint munera. sic GORGIAS legatus missus a Leontinis ad Athenienses, qui & vi eloquentiæ animos ipsorum occupauit, quæue ei credita fuerunt, feliciori perfecit successu, teste DIODORO SICVLO. ¹ ANTONIVS autem POLEMO, patria Laodiceus, ex consulari familia sophista, apud Smyrnæos magno in pretio fuit ob legationes, quas ad imperatores suscepit iisque prouinciarum egit causas, prout ADRIANVS voluntatem ita conciliauit Smyrnæis, vt vno die multitudinem pecuniæ in illorum ciuitatem effuderit, ex qua & annonæ emporia, & gymnasium omnium, quæ in Asia sunt, magnificentia princeps, constructa sunt, auctore PHILOSTRATO, ² qui & de HIP-

¹ lib. XII. ² de vit. sophist. lib. I. n. 25. p. 531. adde I. A. FABRICIVM bibl. gr. lib. IV. c. 30. n. 2. p. 368.

PIA dicit: ¹ πλείστα δὲ Ἑλλήνων πρεσβέυσας, ἧδα μὲν κατέλυσε τὴν ἑαυτῆς δόξαν, δημηγορῶν τε καὶ διαλεγόμενος, *quum vero legationes saepius, quam quisquam graecorum obierit, nullibi tamen sui gloriam, neque concionando neque disputando diminuit*; etiam multas SCOPELIANI sophistae legationes memorat, ex quibus illa emineat, quam pro vitibus non solum pro Smyrnaeis, sed & pro vniuersa simul Asia suscepit, cuius rationem his verbis exponit ² ἰδοὺ καὶ τῷ βασιλεῖ, μὴ εἶναι τῇ Ἀσίᾳ ἀμπέλους, ἐπεὶ δὲ ἐν οἴνῳ σκοπάζειν ἔδοξαν, ἀλλ' ἐξαίρετοί ται μὲν τὰς ἡδὴ πεφυτευμένας, ἀλλὰς δὲ μὴ φυτεύειν ἔτι. ἔδει δὲ πρεσβείας ἀπὸ τῆς κοινῆς, καὶ ἀνδρὸς, ὅς ἐμελλεν, ὥσπερ Ὀρφεὺς τις ἢ Θάμυρις, ὑπὲρ αὐτῶν θείλξαι. αἰρῶνται τοίνυν Σκοπελιανὸν πάντες. ὃ δ' ἔτι τὸ ἐκ περιουσίας ἐκράτει τὴν πρεσβείαν, ὡς μὴ μόνον τὸ ἐξῆναι φυτεύειν ἐπαγγελθεῖν ἔχων, ἀλλὰ καὶ ἐπιτίμια κατὰ τῶν μὴ φυτευόντων, vineas in Asia nullas esse imperator decreto voluerat; quoniam vinum ad rebellandum animos Asianis fecisse videbatur: excindi igitur iam tum plantatas, nouas vero non plantari vllas (præcepit). legatione igitur opus erat publico nomine & viro, qui tamquam Orpheus Thamyrisque, earum tuendarum gratia delinimentis uteretur. Scopelianum igitur omnes eligunt. hic autem cum tanto felicitatis excessu legatione functus est, ut non solum impetrata vites plantandi licentia redierit, sed & multa non plantantibus constituta. APOLLONIUS MOLO, clarissimus dicendi magister, qui et discipulos habuit CICERONEM & IUL. CAESAREM, * dictatore

¹ vit. sophist. lib. I. n. II. p. 495.
pag. 520.

² vit. sophist. lib. I. n. II.

SYLLA, legatus ad senatum romanum de Rhodiorum præmiis venit, ¹ vt alia exempla dimittamus silentio. ^{**} quapropter apud romanos auctores *orator* idem significat ac *legatus*. LIVIVS ² *eaque clade haud minus, quam aduersa pugna subacti Veientes, pacem petitem oratores romam mittunt*. VIRGILIUS ³ *iamque oratores aderant ex vrbe latina velati ramis oleæ, veniamque rogantes*; quoniam legati causas reipublicæ agebant ac perorabant, hinc & actores causarum dicebantur oratores, vt SERVIVS ⁴ obseruat. confer PASCHALIVM ⁵ aliosque, qui de legatis scripserunt.

* CICERO de seipso Brut. cap. 91. dicit: *quibus non contentus Rhodum veni, meque ad eundem, quem Romæ audiueram, Molonem adplicavi, cum actorem in veris causis, scriptoremque præstantem, tum in notandis animaduertendisque vitiis & instituendo docendoque prudentissimum*. de CAESARE autem SVETONIVS vit. cap. 4. *Rhodum secedere statuit, & ad declinandam inuidiam & vt per otium ac requiem Apollonio Moloni, clarissimo tunc dicendi magistro operam daret*. ita legit CASAVBONVS, qui obseruat, quod APOLLONIVS MOLONIS, qui & Μαλωνς dicatur, distinguendus sit a MOLONE. sed hac ratione ponit tantum CASAVBONVS discrimen inter græcam ac romanam adpellandi consuetudinem: etenim APOLLONIVS habet cognomen MOLONIS, casu gignendi more græco, quo filiis patrum nomina adtributa sunt, vt HERODES Attici, THVCYDIDES Orol. at hic casus additus

¹ CICERO Brut. cap. 90. ² lib. I. cap. 15. ³ lib. XI. v. 100. *Aeneid* add. v. 331. ⁴ ad VIRGILIVM lib. XI. v. 100. ⁵ *legat*, cap. 2. p. 7. cap. 20. p. 120.

non semper parentem significat; sed interdum aliud quid subintelligitur e. g. CLINIAS *Alcibiadis* sc. pater; OLYMPIAS *Alexandri* scil. mater, vide CVPERI Harpocratem p. 126. seq. TH. GALEI diss. de scriptoribus mythologicis p. 19. seq. pro hoc casu parentis scriptores romani interdum posuerunt casum nominandi, itaque dixerunt HERODEM *Atticum* pro *Attici*, APOLLONIUM *Molonem* pro *Molonis*: confer SALMASIVM comment. ad inscriptionem Regillæ p. 89. FABRICIVM bibliograph. antiquar. cap. 20. §. 17. G. OLEARIVM ad PHILOSTRATVM de vit. sophist. lib. II. n. 1. p. 546. venit autem APOLLONIVS MOLO romam anno v. c. DCLXVI. vide IONSIUM de scriptoribus hist. philof. lib. II cap. 16. §. 3.

** hoc loco & mentionem habemus legationis pro Amphipoli restituenda Atheniensibus ad PHILIPPVM, quam decem, & in illis AESCHINES quoque ac DEMOSTHENES susceperant; quamvis hunc eloquentia defecerit: nec potuerit, vtcunque PHILIPPVS humanis verbis ipsi adderet animum, seipsum colligere. quæ res inter AESCHINEM & DEMOSTHENEM concitavit discordiam, vt memorat id ipse AESCHINES orat. de falsa legatione. p. 394.

§. XX. Sunt adhuc, quæ restant, præmiorum genera, de quibus ad summam iam dicamus. magistratus habuerunt veteres sophistæ, rhetores atque oratores, & in summos dignitatis atque honoris gradus sunt euecti: SVE-TONIUS¹ quare magno studio hominibus iniecto, magna etiam professorum ac doctorum

¹ de clar. rhetor. cap. I.

profluxit copia, adeoque floruit, ut nonnulli ex infima fortuna in ordinem senatorium atque ad summos honores processerint: quam ob rem exempla eaque observatione maxime digna proferamus. de SCOPELIANO scilicet tradit PHILOSTRATUS ¹ ἀρχιερεὺς μὲν γὰρ ἐγένετο τῆς Ἀσίας αὐτός τε καὶ οἱ πρόγονοι αὐτοῦ, παῖς ἐκ πατρὸς πάντες, *pontifex nempe Asia fuit ipse, maioresque eius, filio patri in eo officio succedente; quæ verba ut adcuratius percipiamus mente, etiam cognoscamus, amplissimo muneri præfuisse SCOPELIANVM sophistam, quædam de Asiarchis, in quorum numero fuit, edisserere nobis est in animo.* dicuntur quippe *Asiarchæ* ab Asia; sed quum partem illam orbis varia ratione diuidunt geographiæ auctores, in minorem & maiorem; citeriorem & vltiorem; proconsularem & proprie dictam, vide CHR. CELLARIUM ² & SEVERINVM LINTRVPIVM. ³ disceptatio existit: a qua Asia adpellati sint Asiarchæ? ALB. RVBENIVS ⁴ adpellationem hanc ab Asia minore; SPANHEMIUS ⁵ vero, MORELLVS ⁶ VAN DALE ⁷ ab Asia proconsulari; & LINTRVPIVS ⁸ ab Asia strictè dicta, id est media parte provinciae proconsularis circa Ephesum & Lydiam propriam deriuant. id nobis in præsens satis est, quod Asiatici communia habuerint sacra ac certamina, in honorem cæsarum aut numinis instituta, quippe quæ in principibus Asiæ urbibus celebrabantur, καὶ τῆς Ἀσίας ad-

¹ de vit. sophistar. lib. I n. 21. p. 515. ² not. orb. antiqui lib. III. cap. I. ³ melet. crit. ad select. N. T. loca melet. I. p. 14. seqq. ⁴ diatr. de urbibus neocæsaris tom XI. antiquitat. roman. thesaur. GRAEVII. ⁵ epist. ad MORELLVM 5. p. 316. ⁶ specimin. rei nummar. p. 30. ⁷ de antiquis. ex marmorib. dissert. 3. pag. 277. ⁸ cit. loc. p. 47. seqq.

pellata, * quos conuentus communes *Ephesi* in primis habebant, cui vrbi non solum ipfius ampliffimæ facultates & magnitudo, fed & celeberrimum Dianæ templum fingularem effecerant dignitatem, adeo vt & a LVCA¹ vocetur: πόλις νεωκόρος τῆς μεγάλης Θεᾶς Ἀρτέμιδος καὶ τῆς Διοπέης. fed tamen aliæ adhuc vrbes fuerunt, quæ huiusmodi κοινὰ inflituebant, *Smyrna* quippe, cuius ciues in nummis dicuntur πρῶτοι τῆς Ἀσίας, *Pergamus*, Ephesiorum & Smyræorum æmula, perinde πρῶτη vocata & νεωκόρος ob magnificum AESCVLAPII templum, item *Laodicea* aliæque. his igitur communibus facris & certaminibus qui præerant, illi & Ἀσιάρχαι dicti & Ἀρχιερεῖς Ἀσίας, adeo vt hæ adpellationes idem significauerint, quod nummi & monimenta alia antiqua tellantur: quemadmodum Smyrnæi epistola de Polycarpi martyrio² commemorant Philippum Ἀσιάρχην, & eundem extremo epistolæ huius adpellant Ἀρχιερέα. ** verum dignitas Asiarcharum fuit summa & splendidiffima, qui gerebant magistratus, imperia & potestates, etiam fingularis pietatis ac iudicii opinionem præ se habebant; nec non vitæ vestitusque ratione ab aliis ciuibus erant seiuncti ac diuinis sane fruebantur honoribus. confer VALESIVM³ SPANHEMIVM⁴ SELDENVM⁵ LEMONIVM.⁶ SCOPELIANVS igitur sophista Ἀσιάρχης seu Ἀρχιερεὺς τῆς Ἀσίας fuit, adeoque personam ampliffimi ac grauiffimi magistratus tenuit.

* lic & populi communes conuentus inflituebant, vt societate consiliorum inter fe con-

1 act. XIX. v. 35. 2 vid. patres apost. lic tom. II. p. 188. edit. CLERICI. 3 ad EVSEBIVM p. 7. 4 de praesantia & vfu numismat. p. 692. 5 ad marmor. Oxon. III. p. 73. & XXII. pag. 96. 6 proleg. ad V. S. p. 35. 61.

iuncti, de causis publicis agerent, mutuam confirmarent amicitiam ac patriam a calamitatibus vindicarent. huiusmodi commune concilium celebrant Achæi apud LIVIUM lib. XXXVIII. cap. 34. eadem societas conjunxerat Bæoriæ populos, eodem auctore lib. XLII. c. 43. qui & lib. XLV. cap. 18. memorat, Macedonibus facultatem κοινονβελίας indulgisse romanos, ut de aliis exemplis taceamus. conf. VALESIVM ad AMM. MARCELLINVM lib. XXVIII. p. 373.

* deprehenditur quoque vox *Asiarchæ* apud LVCAM act. apost. XVIII. 31. & quidem numero multitudinis; cuius autem scriptor hic sanctus minime auctor est, uti LORINVS in h. 3. p. 580. existimat. namque STRABO geograph. lib. XIII. p. 746. de Trallibus agens dicit: ἀπὸ τινὲς ἐξ αὐτῶν εἰσι οἱ πρῶτοντες κατὰ τὴν ἱπασχίαν, ὡς Ἀσιάρχας καλοῦσιν, *semper aliqui eorum sunt princeps in provincia loco, quos Asiarchas adpellant.* constat autem, STRABONEM sub AVGVSTO & TIBERIO floruisse & geographiam vel anno V. C. 10 CC LXXI. id est, TIBERII IV. vel ante annum imperatoris huius XII. scripsisse, vide FABRICIVM bibl. græc. lib. IV. cap. 1. p. 3. LVCAM vero NERONIS imperii anno X. Christi LXIV. vtrumque opus diuinum litteris tradidisse, probabili opinione affirmamus.

§. XXI. At vero ut præsides communium sacrorum accertaminum in Asia dicti sunt generatim Ἀσιάρχαι, sic quoque in antiquis monumentis deprehendimus, qui speciatim Lyciæ κοινῶν XXIII. urbium præerant, adpellati λυκιάρχαι, vide STRABONEM, ¹ cui muneri administrando sophistæ etiam sunt admoti, ut documento atque exemplo esse potest HERA-

¹ lib. XIII. p. 665.

CLIDES Lycius, de quo dicit PHILOSTRATVS: ¹ ἀνὴρ ἐκλογιμώτατος καὶ Ηρακλείδης, ὁ Λύκιος· καὶ τὰ οἰκεῖ μὲν, ἐπεὶ δὴ πατέρων τε ἀγαθῶν ἔφυ· καὶ ἀσχιερῶν Λυκίων ἐγένετο, *vir spectata auctoritatis Heraclides etiam fuit, Lycius; tum familiae caussa, nam bonis parentibus ortus erat: tum quod ipse inter pontifices Lycios esset.* * adhuc de HERODE Atheniensī legimus, quod fuerit πρᾶξες ἐλευθέρων πόλεων, id est urbium, quæ suis & legibus & magistratibus utebantur, ** vt PHILOSTRATVS ² de eo testatur, quod se contulerit Smyrnā, vt fructu consuetudinis cum POLEMONē frueretur, κατὰ χρόνους, ὥς τὰς ἐλευθέρους τῶν πόλεων αὐτὸς διαφεύγετο, *iis temporibus, quibus liberarum ciuitates ille moderabatur; & alio loco ³ dicit: ἤρχε μὲν γὰρ τῶν κατὰ τὴν Ἀσίαν ἐλευθέρων πόλεων ὁ Ηρώδης, præerat nempe liberis Asiæ ciuitatibus Herodes.* sed qualis fuerit ἀρχὴ HERODIS in ciuitatibus liberis? quærimus. erant quidem liberæ & ad suas tantum leges actiones dirigebant formabantque, ita tamen, vt summa illarum cura prouinciarum præsidibus seu proconsulibus fuerit tradita, ad quos nonnumquam ab ipsarum magistratibus instituta est prouocatio. sic MAXIMVS missus in prouinciam Achaïam ad ordinandum statum liberarum ciuitatum, id est ad homines maxime liberos, qui ius a natura datum, virtute, meritis, amicitia, fœdere denique & religione tenuerunt, vt PLINIVS ⁴ dicit; quamuis magistratus hic, quem habuit MAXIMVS, extra ordinem fuisse videtur, quoniam PLINIVS ipsi

¹ de vit. sophist. lib. II. n. 26. p. 612. ² de vit. sophistar. lib. I. n. 25. p. 536. ³ lib. II. n. 1. de vit. sophistar. p. 548. ⁴ lib. VIII. epist. 24. n. 2.

imperium & fasces tribuit, ac magistratum hunc legationem, quam MAXIMVS iudicio principis suscepit, vocat. de cetero HERODES Atheniensis consul romæ fuit, quapropter istum adpellat A. GELLIVS ¹ consularem virum ingenioque amæno & græca facundia celebrem; qui & alio loco ² de eo scribit: Herodem Atticum consularem virum Athenis disserentem audiui græca oratione: in qua fere omnis memoria nostræ vniuersos gravitate atque copia & elegantia vocum longe præstitit. fuit igitur HERODES vir amplissima eloquentiæ laude, ac dignitate grauisimorum magistratum conspicuus, adeoque exemplum, quod ad argumentum dissertationis nostræ illustrandum multum valet.

* sophistæ etiam alia munera sacra administrant. APOLLONIVS Atheniensis fuit *Hierophanta* in templo Cereris, quod indicat PHILOSTRATVS de vitis sophistar lib. II. p. 20. *ἐπετρόπη καὶ τὰς ἐξ ἀνακτόρων φωνάς, ἣδη γηράσκων*, quæ verba G. OLEARIVS accurate in latinam transtulit linguam: *Hierophanta quoque in sacris Eleusiniis senium iam ingressus factus est. ἀνακτορον* enim est templum Cereris; *φωνάς* vero sunt mysteria ab Hierophanta explicanda, adeo vt OLEARIVS addita obseruatione p. 600. dicendi formulam: *ἐπετρέπειται τὰς ἐξ ἀνακτόρων φωνάς* elegantissime interpretetur: *munus accipere voce conueniente mysteria, quæ sint templi Cereris, explicandi; confer MEVSIVM de sacris Eleusin. cap. 13.*

** cuius generis plures erant græciæ Asiæque ciuitates, quæ iuri huic maximum statuerunt pretium. immo græcos tanti duxisse hanc

¹ N. A. lib. IX. cap. 2. ² lib. XIX. cap. 12. N. A.

ἀντονομίαν, vt eo nomine bella fuscipere, aut elato spiritu se efferre fuerint soliti, patet ex POLYBIO, DIODORO, LIVIO. CICERO lib. VI, ep. I. ad Atticum scribit: *græci vero exultant, quod peregrinis iudicibus utuntur. nugatoribus quidem, inquires. quid refert? tamen se ἀντονομίαν adeptos putant: & epist. 2. omnes suis legibus & iudiciis vsæ, ἀντονομίαν adeptæ reuixerunt.* quumque illi, qui habebant *ἀντονομίαν*, suis legibus ac magistratibus vterentur, factum est, vt ab imperatore CONSTANTINO PORPHYROGEN. in chorograph dicti sint *αὐτοκράτορες*, vide SPANHEMIVM obseru. ad IULIANI orat. p. 37.

§. XXII. Neque id præmiorum genus silentio prætermittendum existimamus, quod sophistæ ac rhetores per liberalitatem atque auctoritatem imperatorum victu publico vsi fuerint. erat *Alexandriæ* regia, a singulis ferme regibus aucta & nouis ampliata ornamentis in parte vrbis amœnissima, quæ mare spectat, collocata & in membra diuisa, quorum aliquod dictum est *μῦσæον, museum*, de quo IONSIUS¹ I. F. GRONOVIVS & LVDOLPH. KVSTERVS² ADAMVS RECHENBERGIVS³ A. CHR. ESCHENBACHIVS⁴ scripserunt. * quod museum peripatum & exhedram habebat, ac magnam domum, vbi victus publicus viris litterarum laude clarissimis præbebatur, in quibus & sophistas rhetoresque fuisse, auctoritate exemplorum ac testimoniorum probare possumus. etenim de sophista DIONY-

¹ de scriptoribus hystor. philosophic lib. III cap 2. §. 3. ² peculiar. dissertationibus de musæo Alexandrino, quæ exstant tom. VIII. thes. antiquis. græc. GRONOVII. ³ pecul. dissert. de musæo Alexandrino. ⁴ dissertat. academicus p. 305. seqq.

SIO refert PHILOSTRATVS ¹ quod istum ADRIANVS societati illorum, qui in museo hoc alebantur, adiunxerit: τὸ δὲ μυσεῖον τρεῖς-
 πεζὰ Αἰγυπτία, συγκαλῆσαι τὰς ἐν πάσῃ τῇ γῇ
 ἐκγεγίμμες, *museum autem Aegyptia est mensa*, ²
quae ex omni terrarum orbe probatissimos vi-
ros inuitabat; cuiusmodi beneficii quoque
 particeps factus est POLEMO ex eadem
 ADRIANI liberalitate, de quo PHILOSTRA-
 TVS ³ dicit: κατέλεξε δὲ αὐτὸν καὶ τῷ τῷ Μυ-
 σεῖῳ κύκλῳ, ἐς τὴν Αἰγυπτίαν σίτησιν, *quin etiam*
in Musei circulum eum adlegit, ut Aegyptius
ipso praeberetur victus, ubi per κύκλον intelligit
 coetum mensae adsilentium. ex quo auctore ⁴
 tertium quoque adiciamus exemplum,
 ADRIANI quippe sophistae, quem imperator
 ornauit δωρεαῖς καὶ δόξοις, quibus vocibus utitur
 PHILOSTRATVS easque distinguit, ita ut
 δωρεαῖς adpellet τὰς τε σιτήσεις καὶ τὰς προεδρίας,
 καὶ τὰς ἀτελείας, καὶ τὸ ἱερᾶσθαι, καὶ ὅσα ἄλλα
 λαμπρύνει ἄνδρας, *victum publice praebitum, loci*
prærogatiuam, immunitatesque & sacerdotia
& quae alia viros illustres reddunt: per δῶρα
 vero intelligat χρυσόν, ἀργύριον, ἵππους, ἀνδρά-
 πεδᾶ, καὶ ὅσα ἐμμενεύει πλῆτον, *aurum, argen-*
tum, equos, mancipia, & quaecunque diuitiarum
sunt argumentum. ex his igitur satis superque
 constat, quod beneficium victus publici in so-
 phistas quoque collatum fuerit adeoque ipso-
 rum præmiis accesserit cumulus. disputarunt
 autem inter conuiuia de variis litterarum ar-
 gumentis, quod ex SPARTIANO ⁵ cogno-
 scimus, qui de ADRIANO scribit: *apud Alex-*

¹ de vit. sophist. lib. I. n. 22 p. 514. ² de vit. sophist. lib. I. n. 25. p. 512. ³ lib. II. n. 10. de vit. sophistar. p. 589. ⁴ vñ. A-
 drian. cap. 20.

andriam in museo multas quæstiones professoribus proposuit & propositas ipse dissoluit:
& CLAVDIVS Cæsar veteri huic museo alterum ex suo nomine addidit, teste SVE-
TONIO. I ***

* ex antiquioribus ARISTONICVS scripsit περί τῆς ἐν Ἀλεξανδρείᾳ μυσῆως, de museo Alexandrino, quo opere Alexandrinorum philosophorum & virorum doctorum historiam tradidit, etiam musei huius rationem exposuit. sic & CALLIMACHVS Μουσῆον, nec non ALCIDAMAS scripserunt. sed monimenta hæc sunt deperdita. conf. FABRICIVM bibl. græca lib. III. cap. 19. p. 487. lib. IV. cap. 30. p. 369. not.

** scriptores veteres plerumque omnia musei huius emolumenta nomine *mensæ* complectuntur; quæ dicendi ratio varia oraculorum diuinorum loca illustrare potest, quibus beneficia cœlestia, quæ hominibus christianis dantur, voce *mensæ* indicantur; c. g. Psal. XXIII. v. 5. LXVIII. v. 23. collat. Rom. XI. v. 9 prout quoque vita æterna eiusdemque felicitas cum conuiuium comparatur Matth. VIII. v. 12. Luc. XXII. v. 30.

*** antiquis monumentis veterum sapientum symposia celebrantur. quo nomine celeberrimum fuit Atheniensium *Prytaneum*, ubi iudices atque magistratus, etiam qui de re publica bene meriti essent, alebantur publice; a huiusmodi symposiis non longe recedunt conuiuia Athenis in *lyceo* atque *academia* instituta a philosophis, vt de aliis taceamus, de quibus eleganter ac studiose disserit ESCHENBACHIVS de symposiis sapientum p. 279. dissertation. academic. legi quoque possunt au-

Stores de conuiujs veterum, quos recenset
FABRICIVS bibliograph. ant. cap. 19. §. 1.

§. XXIII. Quanta fuerit auctoritate sophista POLEMO, ex illis possumus cognoscere, quæ de isto iam diximus. at vero extremo dissertationis huius illud quoque rei huius documentum adiiciamus, quod TRAIANVS imperator beneficium hoc ipsi dederit, vt terra marique ab omni onere immunis iter facere posset. sic enim PHILOSTRATVS¹ de eo dicit: Τραιανὸς μὲν αὐτοκράτωρ ἀτελῇ πορεύεσθαι διὰ γῆς καὶ θαλάττης. sed admonet propositæ breuitatis fides, quanto transcurso omnia sint dicenda: quorirca negotio huic litterario vltimam imponamus manum. *

* animus quoque nobis erat, de nummis veterum sophistarum, rhetorum atque oratorum differere; sed breuitatis studio tenemur. quo nomine argumentum hoc illustrandum in aliud reseruamus tempus. principes autem, qui memorias virorum toga illustrium in nummis conseruatas collegerunt, sunt FVLVIVS VRSINVS & I. P. BELLORIVS. illi debemus *imagines & elogia virorum illustrium & eruditorum ex antiquis lapidibus & numismatibus expressas*; huic vero: *veterum illustrium philosophorum poetarum, rhetorum & oratorum imagines ex vetustis nummis, gemmis, marino-*
ribus &c.

¹ de vit. sophist. lib. 1. u. 25. p. 532.

DIATRIBE
DE
AMOENITATIBVS
HISTORICIS
EX
CICERONIS
PEREGRINATIONE
COLLECTIS.

Σ Τ Ν Ο Ψ Ι Σ.

De peregrinationibus veterum generatim §. I. de Ciceronis peregrinatione generatim §. II. de Athenis, ubi litterarum studia coluit Cicero §. III. de scholis Atheniensibus litterariis §. IIII. de litterarum disciplinis, quibus Cicero Athenis sese consecrauit §. V. VI. de ipsius præceptoribus §. VII. de Asia, quam Cicero peragranit, eiusdem litterarum domiciliis atque eloquentia Asiaticorum oratorum §. VIII. VIIII. de re litteraria Rhodiorum, quam & Cicero cognitam sibi reddidit §. X. XI.

Veteres in alias se oras terrarum contulisse, ex clarissimis antiquæ ætatis monumentis patet, quod institutum iis de causis præcipue obseruarunt, vt partim valetudinem tuerentur, bonumque seruarent corpus; partim studia bene cœpta magis perficerent ac confirmarent. fuerunt certa itinera, quæ certis morbis profutura suscipiebantur, prout Romanis phthisi adfectis & egerentibus sanguinem nauigatio in Aegyptum credebatur prodesse. **PLINIVS**¹ de liberto suo Zosimo ait: *nam ante aliquot annos dum intente instanterque pronunciat, sanguinem reiecit, atque ob hoc in Aegyptum missus a me, post longam peregrinationem confirmatus rediit nuper.* causâ vero, cur hanc in primis regionem peterent veteres, aut Aegyptiaci cæli ratio seruandæ valetudini salubris; aut peritia medicorum fuit, quorum Alexandria præcipue magna erat vbertas. equidem **PLINIVS** maior² existimat, quod Aegyptus non per se petatur, sed

¹ lib. V. epist. 19, n. 6.

² lib. XXXI. cap. 6. hist. natural.

propter

propter longinquitatem nauigandi: at si hoc motus tantum præstat nauigationis, cur non in Syriam aut in Cyprum insulam, qui æque cursus & idem mare est, a phthisi laborantibus nauigabatur? adi SALOMON. CELLARIVM. ¹ ita quoque ab omni hominum memoria consueuerunt, quibus animus ad litterarum studia erectus inerat, vt discendi causa in longinquas demigrauerint regiones ac doctrinæ sapientixque congefferint facultates. probant id exempla clarissimorum virorum, quos in primis vetus Græcia ac Latium produxit aluitque, quippe qui ad colligendam plurimarum rerum cognitionem sunt diu multumque peregrinati. cuiusmodi iter litterarium suscepisse traditur ORPHEVS, quem litterarum causa in Aegypto versatum fuisse, legimus apud DIODORVM, ² qui & ³ commemorat, quod Aegyptii contendant, variis probare argumentis, HOMERVM Aegyptum ipsiusque eruditionis templa petiisse. LYCVRGVS gentium mores & instituta cogniturus Cretam adiit Asiamque ac Aegyptiorum artibus & disciplinis excultus, condidit rem publicam, eamque legibus æqui ac iusti superstruxit; vt silentio transeamus exempla THALETIS MILESII, SOLONIS, ANAXAGORAE PHERECYDIS Syrii DEMOCRITI Abderitæ aliorumque, illustres sunt peregrinationes eruditæ, quas PYTHAGORAS ac PLATO instituerunt, quorum ille duos supra viginti annos in amœnis musarum recessibus inter litteratos labores apud Aegyptios consumfit: confer BVD-

¹ de originibus & antiquitatibus medic. cap. 5.
lib. XIII. cap. 26.

³ lib. 1. cap. 97.

² bibl. histor.

DEVM; ¹ hic vero primum se contulit in Italiam: postea traiecit in Africam, vt Cyrenis Theodori ope cognosceret geometriam & cum Eudoxo itineris socio in ipsam progressus Aegyptum, qua relicta & multa alia terrarum loca perlustrauit, prout id a IO. GVIL. IANO ² pluribus fuit expositum. nec minus nobilis est peregrinatio STRABONIS *Amaseni*, qui passim iterum a se susceptorum ipse habet mentionem, Aegyptumque Asiam & Græciam atque Italiam item Sardiniam & alias insulas adiisse se testatur: confer IO. ALBERTVM FABRICIVM. ³ sic & PAVSANIAS *Cappadox* sophista vniuersam peragrauit Græciam, vniceque huic rei dedit operam, vt situm vrbium & locorum, antiquitates græcas ac cuiuscunque regionis inlustraria momenta obseruaret: vide THOMAM REINESIVM. ⁴ idem Romanis erat institutum, vt vel post ingressum in forum, vel antea etiam, vel quando-cunque occasio in bello, in prouinciis sese ostendebat in græcas litterarum sedes proficiscerentur, quo culturam bonæ mentis studiorum, quæ erat bene coepta, magis magisque exercerent, de quo argumento GE. NICOL. KRIEGK ⁵ pluribus disseruit.

§. II. CICERONIS iter litterarium in primis notum est. in quo quum deprehendimus momenta, quæ explicari atque illustrari merentur, non ab re esse duximus, peculiari ratione de itinere hoc CICERONIS tractare. ipse de se testis est: ⁶ *erat eo tempore*, ait, *in*

¹ exercitat. hist. de peregrinat. Pythag. p. 3. anal. hist. philos.
² dissert. de peregrin. Platonis. VViteb. 1706. ³ bibliothec. græc. lib. IV. cap. 1. p. 3. ⁴ syntagm. inscription. antiq. p. 2. ⁵ diatrib. de peregrinationibus Romanorum academicis. ⁶ Bruto, seu clark oratoribus cap. 91.

nobis summa gracilitas & infirmitas corporis: procerum & tenue collum: qui habitus & quæ figura non procul abesse putatur a vitæ periculo si accedit labor & laterum magna contentio. eoque magis hoc eos, quibus eram carus, commouebat, quod omnia sine remissione, sine varietate vi summa vocis & totius corporis contentione dicebam. & paucis interiectis: quum venissem Athenas, sex menses cum Antiocho, veteris Academia nobilissimo & prudentissimo philosopho fui, studiumque philosophiæ nunquam intermissum, a primaque adolescentia cultum & semper auctum, hoc rursus summo auctore & doctore renouaui. eodem tamen tempore Athenis apud Demetrium Syrum, veterem & non ignobilem dicendi magistrum studiose exerceri solebam. post a me Asia tota peragrata est, cum summis quidem oratoribus, quibuscum exercebar ipsis lubentibus, quorum erat princeps Menippus Stratonicensis, meo iudicio, tota Asia, illis temporibus disertissimus: & si nihil habere molestiarum, nec ineptiarum, Atticorum est, hic orator in illis recte numerari potest. assiduissime autem mecum fuit Dionysius Magnes. erat etiam Aeschylus Cnidius, Adramytenus Xenocles. hi tum in Asia rhetorum principes numerabantur. quibus non contentus Rhodum veni, meque ad eundem, quem Romæ audiueram, Molonem applicaui, cum actorem in veris causis scriptoremque præstantem, tum in notandis animaduertendisque vitiis, & instituendo docendoque prudentissimum. quæ prolata verba fundamenti loco nostræ dissertationis ponamus. ille, qui hanc instituit profectionem, est M. TVL-

LIVS CICERO, qui natus, vt A. GELLIVS observauit ¹ *Q. Seruilio Capione & G. Atilio Serrano* consulibus anno v. c. DCXLVII, ante natam humani generis salutem, vt vulgo computatur C III. puer vsus est græcis præceptoribus, in quibus *Archias* poeta fuit, quem a primis pueritiæ annis principem ad rationem studiorum ingrediendam sibi extitisse, ipse oratione pro illo profitetur. e philosophis fere primum *Philonem* fuit sectatus, qui bello Mithridatico Athenis Romam profugerat, quo tempore & *Q. Mucii Scauola* iuris ciuilis studio se tradidit, etiam *Sulpicio* tribuno plebis & *Moloni* Rhodio ad Syllam legato, non minus causarum actori, quam magistro multum dedit operæ. in exercitu *Cn. Pompeii* consulis xv III. ætatis anno erat tiro, quamuis breui rediit ad musas, & assidue declamauit, magis tamen græce, quam romane. variis functus est honoribus. fuit quippe quæstor, ædilis, consul, augur, proconsul & nomen *Imperatoris* Amaniensibus deuictis consecutus. tandem triumuiratu inito proscriptus sub finem anni, quo *Pansa & Hirtius* fuerunt consules, senilem vitam eripiente *Antonio*, dimisit; quæ factorum Ciceronis momenta ab aliis iam satis & super sunt tradita. ² hic CICERO iter, de quo in præsens disseramus, suscepit, idque debilioris corporis causa, cui ipsi amici metuebant, vt ex ipsius superioribus verbis adparet: quamuis metus *Syllæ*, quem *Roscii* causa, cuius erat patronus, grauiter offenderat, non minus animum ipsius ad iter hoc commouisse, quam corporis infirmitas ac virium eius lu-

¹ lib. XV. cap. 28. N. A. ² vide historiam criticam lat. lingu. a nobis editam cap. 8. §. 6. p. 355.

brica natura videatur. quapropter **PLUTARCHVS**: ¹ δεδίωξεν δὲ τὸν Σύλλαν ἀπεδήμησεν εἰς τὴν ἑλλάδα, διασπείρας λόγον ὡς τῷ σώματος αὐτοῦ θεραπείας δομῆν, ceterum metū Syllæ in Græciam profectus est vulgans ob corporis curam abire. ² in caussis iam biennium versatus erat, & in foro eam dicendi gloriam adeptus, ut nec vlla causa ageretur, quæ non patrocínio eius digna videretur. namque intra biennii spatium anno ætatis XXVI. & v. c. 672. P. Quintium defenderat, & sequenti proximo coram M. Faunio iudice Sex Roscium filium Sexti Roscii diuitis municipis Amerini, quem conducto accusatore Erucio parricidii adculpabant, prout ipse dicit: itaque prima caussa publica pro Sex Roscio dicta tantumque commendationis habuit, ut non vlla esset, quæ non digna nostro patrocínio videretur: deinceps inde multæ, quas non minus diligenter elaboratas & tanquam elucubratas afferebamus. in Græciam itaque secessit anno ætatis XXVIII. & v. c. DCLXXIIII. ante N. C. LXXIX. P. Servilio Vatia post. d. Haurico & Ap. Claudio Pulchr. COSS.

§. III. Sed fac, CICERONEM profectum in alienas terrarum regiones siue valetudinis. siue Syllæ caussa; iter tamen & litterarium fuit, quo studia bene iam exculpta magis perfecit, & ad summum nitoris atque elegantiae perduxit fastigium. distincte aperteque disseramus de locis, quæ petiit; de disciplinis litterarum, quas tractauit & de præceptoribus, quibus est usus. primum profectus est ATHE-

¹ vita Ciceronis pag. 862.
² add. Iacobi Preust. obs. ad di-
 ctum Ciceronis locum. p. 122.

³ add. Iacobi Preust. obs. ad di-
 ctum Ciceronis locum. p. 122.

NAS, quarum non tantum per antiquitatem, sed humanitatem quoque & litterarum studia magna laus est apud scriptores omnis ætatis. namque vocat istas STRABO οἰκητήριον σοφῶν, *sapientum domicilium*; ARISTIDES σοφίας πρυτανεῖον. *sapientie prytaneum*; THVCYDIDES παιδευσιν ἐκείδος *Græciæ scholam*, DIODORVS SIGVLVS κοινὸν πάντων ἀνθρώπων παιδευτήριον *communem omnium hominum ludum litterarium*; DEMOSTHENES ψυχὴν, ὀφθαλμὸν ἐκείδος, *animam, oculum Græciæ*. sic & Athenæ nomen ferebant πόλειος, vt olim vrbs Roma; PLINIVS vero ¹ dicit: *libera hæc ciuitas, nec indiga vlliꝯ præconiꝯ amplius: tanta claritas superfluit*: & CICERO ² adsunt Athenienses, vnde humanitas, doctrina, religio, fruges, iura, leges ortæ, atque in omnes terras distributæ putantur: de quorum vrbs possessione propter pulcritudinem etiam inter Deos certamen fuisse proditum est: quæ vetustate ea est, vt ipsa ex sese suos ciues genuisse dicatur: Et eorum eadem terra parens, altrix, patria dicatur: auctoritate autem tanta est, vt iam fractum prope ac debilitatum Græciæ nomen huius vrbs laude nitatur; qui & alibi ³ in prædicandis Athenis versatur, cui ex recentioribus addas VBBONEM EMMIVM ⁴ MEVRSIVM, ⁵ interpretes ad AVGVSTINVM ⁶ & ad dictum Ciceronis locum ⁷ apud GRAEVIVM, ⁸ BARTHIVM ⁹ IAC. PERIZONIVM ¹⁰ CELLARIVM, ¹¹ vt de aliis

¹ lib. IV. cap. 7. ² pro Flacco c. 26. ³ de oratore lib. I. cap. 4. lib. III. c. 2. Bruto c. 13. de legibus lib. II. cap. 14. ⁴ de rep. Athen. p. 7. ⁵ de fortun. Attica cap. 7 & 8. ⁶ de C. D. XVIII. 9. ⁷ pro Flacco cap. 26. ⁸ p. 164. ⁹ ad Men. Gazaum, p. 189. & ad Pap. Stat. XII. Theb. tom III. p. 1509. ¹⁰ lib. IV. cap. 6. Aetiani V. H. p. 315, 316. ¹¹ M. O. A. lib. II. cap. 13. p. 1149. geogra-

geographiæ scriptoribus taceam, & qui de re publica Atheniensium prodiderunt quædam, CAROLO quippe SIGONIO, GVILIELMO POSTELLO, ANTONIO THYSIO. atque hæc princeps causâ fuit, cur Athenæ ingeniorum prouentu floruerint, quæ eo demigrabant, ut variis litterarum studiis excolerent animum & inter clarissimorum virorum monumenta versarentur fruerenturque eorum consuetudine: ex quibus romani in primis in has litterarum sedes profecti sunt, cupiditate viros inclitos audiendi atque eorum præceptis & se & doctrinam suam confirmandi adcesi: conf. GE. NIC. KRIEGK. ¹ ad hæc existimabant, amœnitatem locorum excitare animos ad studiorum culturam, & secessus in primis iucunditate nobiles litterarum otiique gratia eligebant: vide PLINIVM. ² Athenæ vel eo nomine litterarum studiis excolendis aptæ fuerunt, quod ibi fruebantur salubri cælo ac mitiori a. n. c. n. i. o. r. i. q. u. e. illius spiritu; hinc CICERO: ³ *Athenis tenue calum, ex quo acutiores etiam putantur Attici: crassum Thebis, itaque pingues Thebani & valentes.*

§. IV. Duo in primis loca Athenis erant, in quibus sapientiæ emporia officinasque constituerunt: quorum alter est *Academia*, alter *Lycæum*. academia locus erat suburbanus mille passus ab vrbe distans, sic dictus ab *Academo*, heroe. DIOGENES LAERTIVS ⁴ dicit: *Ἀκαδημία ἐστὶ γυμνάσιον ἀπὸ τινος Ἡρώος ὀνομασθέν Ἀκαδήμη, Academia gymnasium est a quadam heroe Academo sic dictum: PAVSANIAS ⁵*

¹ de peregrin. rom. acad. p. 27. ² lib. II. ep. 17. lib. I. ep. 3.
lib. V. ep. 18. lib. VI. ep. 14. lib. IX. ep. 7. ³ de fat. c. 4.
⁴ lib. 3. segm. 7. ⁵ in attic. c. 29.

ἐγγυτάτω δὲ Ἀκαδημία, χωρίον ποτὲ ἀνδρὸς ἰδιώτη, γυμνάσιον δὲ ἐπ' ἐμῶ, *proxime urbem est Academia, priuati olim hominis possessio, mea etate gymnasium*: cum quibus idem sentiunt STEPHANVS de vrbibus, HESYCHIVS, SVIDAS. quo in loco iam Academus instituerat scholam non litterariam; sed corporibus exercendis corroborandisque destinatam, ipso Aca- demo virtute fortitudinis eminente. *nam & seculis multis ante gymnasia inuenta sunt, quam in his philosophi garrere cœperunt, vt CICE- RO*¹ ait. PLATO ex itineribus, quæ sapien- tiæ gratia fecerat, redux non diu Athenis vi- xit; sed vt musis suis otium adquireret amœ- num, agrum hunc ter mille drachmis sibi ac suis redemit: vide PLVTARCHVM; ² ac ibi officinam philosophiæ celeberrimam instituit, vnde & discipuli ipsius dicti sunt *Academici*. CICE- RO³ qui erant cum Aristotele Peripate- tici dicti sunt, quia disputabant inambulantes in Lyceo: illi autem, qui Platonis instituto in academia, quod est alterum gymnasium, cœtus erant & sermones habere soliti, e loci vocabulo nomen habuerunt. locus erat amœnus multis arboribus & clarorum virorum monumentis ornatus: DIOGENES LAERTIVS⁴ τὸ δ' ἐστὶ γυμνάσιον προἰστέον ἀλσῶζες, est gymnasium in suburbano nemorosum: CICE- RO⁵ inque aca- demia vmbrifera nitidoque Lyceo fuderunt cla- ras facundi pectoris artes. erant ibi aræ amo- ris, Promethei, Mercurii, Mineræ, Herculis; hortuli plures, academica spatia mirifice no- bilitantes; bibliotheca, quam sibi compara-

¹ lib. II. de orat. cap. 5. ² de exil. p. 603. ³ academ. quest. lib. I. c. 4. ⁴ lib. III. segm. 7. ⁵ de diuinis. lib. I. cap. 13.

uerat Plato : adde 10. MEVRIVM, ¹ MENAGIVM, ² CONRINGIVM, ³ VOSSIVM, ⁴ HIERONYMV M MATRANGAM, ⁵ IO. ANDR. SCHMIDT ⁶ CELLARIVM, ⁷ POTTERVM, ⁸ IO. PETR. LVDOVICI, ⁹ alter locus est *Lyceum*, in quo fuit *Peripatus*, Aristotelis deambulatio, quod nomen ortum ab *Apolline Lyceo*, cui erat sacrum, traditur : DIOGENES LAERTIVS : ¹⁰ ἐλθόντα δὲ αὐτὸν, καὶ θεασάμενον ὑπ' αἰῶ τὴν χολήν, ἐλέσθαι περίπατον τὸν ἐν λυκείῳ καὶ μέχρ' ἂν αἰεὶ μὲν αἰεὶ μᾶλλον ἀνακάμπτονται τοῖς μαθηταῖς συμφιλοσοφεῖν, ὅθεν περιπατητικὸν προσαγορευθῆναι, quum vero reuersus esset. (Aristoteles) scholamque sub alio vidisset, elegisse in *Lyceo* deambulationis locum, illicque ad certum temporis spatium deambulando cum discipulis philosophari solitum, atque inde peripateticum adpellatum esse. Ciceronem vtrumque frequentasse locum, vt pectus impleret sapientiæ studiis, non est dubium, præcipue cum fuerit cum *Antiocho Ascalonita*, quem nobilissimum philosophum veteris academix vocat : ¹¹ qui & ipse fatetur, ¹² se oratorem non ex rhetorum officina, sed ex academix spatiis extitisse. *Lycei* nomen etiam gymnasio Ciceronis in *Tusculano* fuit : ¹³ quibus de rebus & alias sæpe & paullo accuratius nuper cum essem cum *Q. fratre* in *Tusculano* disputatum est. nam cum ambulandi causa in *Lyceum* venissemus (id enim superiori gymnasio nomen est) perlegi, ille inquit, tuum paullo ante tertium de

¹ de *Ceramico gemino*. ² ad *Laert.* p. 141. ³ *antiquet. academ.* pag. 9. ⁴ de *factu philos.* c. 12. n. 3. p. 66. ⁵ *Synegm.* VII. ⁶ *disput. de gymnasiis litterariis Athen.* Ien. 1688. ⁷ lib. II. c. 13; p. 1150. N. O. A. ⁸ *Archael. grac.* p. 33. 34. ⁹ de *prima academ. villa Platonis*. ¹⁰ lib. V. *segm.* 2. ¹¹ in *Bruto*. ¹² de *oratore* c. 3. ¹³ lib. I. c. 5. de *diuinat.*

natura Deorum, cetera. præter Academiam & Lyceum, celebre quoque erat gymnasium *Cynosarges*, de quo POTTERVS¹ ita disserit: „Κυνόσαργες in suburbiis prope Lyceum fuit, „nomen illi ab *albo* aut *celeri cane*, qui græcis „κύνων ἀργός, quique, Diomo sacra Herculi faciente, victimæ partem surripuit, ex Hefychio aliisque innumeris. Variis hic locus „templis fanisque, Hebæ Alcmenæ & Ioalo „sacris ornatus fuit, imo & in ipsius Herculis „honorem magnificum tanum exstructum. „nihil vero ibi gymnasio memoratu dignius, „in quo peregrini, iique vel alterutra ex parte „ad Athenienses pertingerent, siue, qui patre „aut matre Atheniensi procreati essent, sese „exercere poterant: & paucis interiectis: hoc „in gymnasio sectam philosophorum, qui a „loci nomine (vt nonnulli existimant) Κυνικοί, „Cynici vocati sunt, Anthistenes instituit, pro- „ut narrat Diogenes Laertius: “² adde MENAGIVM.³

§. V. Nunc dispiciendum, ad quæ litterarum studia Cicero Athenis animum suum applicauerit. princeps romanis studium eloquentia quidem fuit; philosophiæ tamen operam quoque dederunt, Ciceronis in primis tempore, sub quo litteræ nitidiorem faciem omnes induebant: ⁴ *philosophia*, inquit, *iacuit usque ad hanc ætatem, nec ullum habuit lumen litterarum latinarum: quæ illustranda & excitanda nobis est, vt si occupati profuimus aliquid ciuibus nostris, profimus etiam, si possumus, otiosi.* iam romæ Cicero philoso-

¹ *archæolog. græc. lib. 1. c. 8. p. 34.*

² *Antisthenis vita.*

³ *observationibus ad dictum Laertii locum. p. 230.*

⁴ *lib. 1.*

Tusc. quæst.

phiæ studio animum suum tradiderat, ac *Philonem* hæcce disciplinas docentem, singulari industria fuerat sectatus, teste *PLUTARCHO*,¹ qui dicit: *Φίλωνος ἤκουσε τῷ ἐξ ἀκαδημίας. ὃν μάλιστα Ῥωμαῖοι τῶν Κλειτομάχου συνθῶν καὶ διὰ τὸν λόγον θαύμασαν, καὶ διὰ τὸν τρόπον ἠγάπησαν.* *Philoni dedit operam academico, quem romani supra ceteros Clitomachi alumnos & ob dicendi facultatem admirati sunt & dilexerunt ob morum suauitatem* : quem *Philonem* frequenter se audiuisse, ipse testatur.² in hoc philosophiæ studio Athenis progressus est, quæ eo tempore magistris ac doctoribus harum litterarum abundabant, quorum scholas frequentabat assidue & institutis eorum auxit se & confirmavit. primum philosophorum præcepta; deinde rhetorum percepit, ut ex superioribus a nobis prolatis ipsius verbis patet: *quum venissem Athenas, sex menses cum Antiocho veteris academie nobilissimo philosopho fui. item: eodem tempore Athenis apud Demetrium Syrum veterem & non ignobilem dicendi magistrum studiose exerceri solebam.* quod utrumque & eloquentiæ & philosophiæ studium felicissimo successu coniunxit, saniori sententia sibi persuasus, hæcce disciplinas ita coniunctas esse, ut sine detrimento nequeant diuelli; nec sine philosophia effici posse eloquentem. primum quod ad studium philosophiæ, cui Athenis se consecrauit, adtinet, præter academicos quoque Epicureorum scholas & Zenonem præcipue & Phædrum Epicureos adiit: *me audiente, inquit, Athenis Zeno Epicureorum acutissimus contendere & magna voce dicere solebat, eum esse beatum, qui præsentis-*

¹ in vita Cic. pag. 361.² lib. II. c. 3. Τησ. ημης.

*bus voluptatibus frueretur, consideretque, se
fruiturum aut in omni aut in magna parte vitæ
dolore non interueniente. equidem philoso-
phiam Stoicam magno studio coluit, & Dio-
dōtum stoicum a puero præceptorem habuit,
quem & ita amauit, vt eum in domum recipe-
ret, in qua mortuus est, C. Cæsare & M. Bibulo
Coss.¹ ad hæc ex monimentis ipsius, quæstio-
nibus in primis Tusculanis, academicis, item
de Deorum natura atque officiis luculenter
patet, quam multam operam in stoicorum
philosophia posuerit; hinc & LACTANTIUS²
dicit: *sed & M. Tullius, quamuis academia di-
sciplina defensor esset, de prouidentia guber-
natrice rerum & multa & sæpe disseruit,
stoicorum argumenta confirmans & noua ipse
adferens plurima. Verum num Athenis quo-
que scholas adierit stoicorum, id scriptum
nobis haud reliquit; saltem Zenonem stoico-
rum principem, per ætatem minus audiuit, vt
G. NIC. KRIEGK³ opinatur. namque Zeno
ille ingenio clarus fuit Olymp. CXXIX. I. an-
no, a quo tempore Cicero Atheniensibus lit-
terarum studiis sacratus longius absuit. de
cetero facile ex his conligere quis posset, quod
Cicero eiusmodi rationem studiorum suorum
philosophiæ ingressus sit, vt nulli sectæ sese
addiderit, sed veritatis amans ex multorum
præceptis congesserit, quæ probatissima ipsi
viderentur. quam in rem ipse testatur⁴ di-
cens: *defendat quidem, quod quisque sentit:
sunt enim iudicia libera: nos institutum tene-
bimus; nullisque vnus disciplina legibus ad-***

¹ vid. ad Artic. lib. II. ep. 20. Tusc. quæst. lib. V. cap. 39.

² lib. I. cap. 2. instit. diuin.

³ de peregrinationibus rom. acad. 5.

19. p. 16.

⁴ Tusc. quæst. lib. IV. c. 4.

stricti,

stricti, quibus in philosophia necessario pareamus, quid sit in quaque re maxime probabile semper requiremus. præclare sane pronuntiata hæc sunt & digna, quæ ab omni philosophiæ candidato religiose obseruentur, cui amicus esse debet modo Socrates, modo Plato, modo Aristoteles. sed tamen, quamuis sequatur mox Platonem academicosque, mox Stoicos, mox Aristotelem; prior tamen plerumque est ad sententias Platonis eorumque, qui academicorum veniebant nomine, adeoque non semper, veluti a Platonis studio alienus, illud sibi suum fecit, quod propria assiduaque cogitatione deprehendit, veritati esse proximum. en venerationem, quam erga Platonem fouet TULLIVS: *errare me hercule malo, inquit, cum Platone, quem tu quanti facias scio, & quem ex tuo ore admiror, quam cum ipsis vera sentire.* ¹ hinc & LACTANTIUS ² adfirmat, quod solus exstiterit Platonis imitator; & ³ adpellat Ciceronem *summum Platonis imitatore.* quidquid sit: Cicero magnam philosophiæ gloriam sua ætate adeptus est. MACROBIUS ⁴ dicit: *nullam de tribus (philosophiæ partibus) Tullius in hoc somnio prætermisit. nam illa ad virtutes amoremque patriæ & ad contemptum gloriæ adhortatio, quid aliud continet, nisi ethiciæ philosophiæ instituta moralia? cum vero vel de sphaerarum modo, vel de nouitate siue magnitudine siderum, deque principatu solis & circis cælestibus. cingulisque terrestribus & oceani situ loquitur, & harmoniæ superum pandit arcanum; physiciæ decreta*

¹ Tusc. quest. lib. I. cap. 17. ² lib. I c. 15. instit. diu. ³ lib. III. c. 25. ⁴ Somnio Scipionis lib. II. c. 17.

commemorat. at cum de motu & immortalitate animæ disputat; cui nihil constat inesse corporeum, cuiusque essentiam nullius sensus; sed sola ratio deprehendit: illic ad altitudinem philosophiæ ascendit. vere igitur pronuncian- dum est, nihil hoc opere perfectius, quo uniuer- sa philosophiæ continetur integritas. LA- CTANTIUS¹ pronuntiat, quod M. Tullius non tantum perfectus orator, sed etiam philosophus fuerit; nec recentiori ævo defuerunt, qui Ciceronis philosophiæ summum statuerunt pretium, ipsumque in numero principum philosophorum haberi debere, existimarunt, VITEX M. ANTONII MAIORAGII decisionibus & IACOBI GRIFFOLI defensionibus CONTRA GAELIVM CALCAGNINVM, quas IO. GEORGIUS GRAEVIUS editioni suæ librorum Ciceronis de officiis adiecit, videre possumus. imo ipse CICERO² dicit: ego vir fortis idemque philosophus; &³ soli propemodum (Cato & Cicero) philosophiam illam veram & antiquam, quæ quibusdam otii esse ac desidii videtur, in forum atque in rem publicam, atque in ipsam aciem pene deduximus. verum enim vero si efferamus libere, quæ de philosophia Ciceronis sentiamus, intuitu philosophorum, quos nostra eaque philosophiæ litteris fœcundissima ætas protulit, non tantæ dignitatis auctoritatisque esse videtur. equidem cum PETRO POMPONATIO⁴ adfirmare nolim: Cicero quanquam fuit clarissimus orator, minime tamen fuit philosophus; nec IO.

¹ lib. I. cap. 15. instit. divin. ² lib. IX. epist. 77. num. 5. ad diuersos. ³ lib. XV. ep. 4. n. 43. ⁴ de incarnationibus cap. 12. ceter.

IONSII ¹ iudicium, *laudem eloquentiæ tribuendam Ciceroni censeo, philosophia non itent* adprobare possum. fuit quippe Cicero vir facultate iudicii excellens, quam & summa laborauit opera magis & magis perpolire, adeoque se philosophiæ scientia augere, quod studium nec contemnendos tulit fructus. quod si monumenta ipsius, quæ philosophiam spectant, adcuratori euoluamus meditatione, obseruamus sane veritates præstantissimas, easque in primis in doctrinis morum ac societatis humanæ. sed tantum abest, vt summam scientiæ huius mereatur laudem vt multa admiserit, quæ grauiori digna sint censura. namque primum præsidio artis cogitandi seu logices non adeo fuit munitus, quo factum, vt rerum indoles speciesque non tradiderit curatius, multo minus ex claris antea positis propositionibus deriuauerit consequentias: deinde animi sui adfectibus quædam interdum dedit & auctoritate PLATONIS præcipue capus, non semper requisit, quid in quaque re sit verum. sed hæc in transitu.

§. VI. De eloquentia, cui Athenis Cicero operam suam addixit, paucis verbis iam dissendendum est. ipse ait: ² *eodem tempore Athenis apud Demetrium Syrum veterem & non ignobilem dicendi magistrum studiose exerceri solebam.* princeps romanis studium erat eloquentia, cui deferebant primas partes & a pueris omne consecrabant studium, quodque iurisprudentiæ & philosophiæ anteferebant. ex quo studia litterarum in vrbe coli & exer-

¹ lib. II. c. 18. §. 4. de scriptoribus historia philosophica. ² in Bruto. c. 91.

ceri cœperunt, culturæ artis dicendi multi se tradebant, quæ, quamuis prima sua ætate rudis plerumque fuerit atque impolita, sensim tamen accepit incrementa & in dies facta ornatio, ad illud tempus adspirauit, quo supremam limam Cicero expoliendæ illi adhiberet, *sub quo principe vniuersa dicendi vis erupit*, vt VELLEIUS PATERCVLVVS ¹ dicit. romæ Cicero tempus multum dederat exercitiis oratoriis duce *Molone Rhodio*, actore summo caussarum & magistro; item stoico *Diodoto* ita erat deditus, vt ab eloquentiæ exercitiis nullus dies vacuus esset; immo in lucem productus iam defenderat P. *Quintium* & *Roscium Amerinum*, vt supra monuimus. declamauit domi assidue, sed græce magis, quam latine, vt de se ² testatur: *commentabar declamitans sæpe cum M. Pisone & cum Q. Pompeio, aut cum aliquo quotidie, idque faciebam multum etiam latine, sed græce sæpius, quod græca oratio plura ornamenta supeditans, consuetudinem similiter latine dicendi adferebat*: quid? quod ad præturam vsque græce declamauit, vt SVETONIVS ³ ostendit; græca enim lingua romanis erat, quæ nobis latina; ac romani adolecentes prius adducebantur ad græcæ linguæ culturam, quam latinæ: CICERO apud SVETONIVM ⁴ de se ad M. Titinium sic refert: *continebar doctissimorum hominum auctoritate: qui existimabant, græcis exercitationibus alimelius ingenia posse*. Atticus sic græce locutus, vt Athenis natus visus fuërit, teste NE-

¹ lib. I. c. 17.² in BRUTO, c. 90.³ de claris rhetoribus cap. I.⁴ de claris rhetoribus c. 2.

POTE¹. & *Augustus* in græcis litteris præstitit largiter, vide SVETONIVM: ² immo græcorum lingua romanis adeo familiaris fuit, ut & mulieres ea loquerentur, lege IUVENALEM³ verum quum Cicero intra Atheniensium litterarum verfaretur officinas ac templa, non mirum est, quod & ibi pectus suum impleverit eloquentia, & studium ipsius magis perfecit ac confirmaverit, quoniam Athenæ sedes erant ac domicilium eloquentiæ, in quibus, ut ipse Cicero⁴ ait, summa dicendi vis & inuenta est & perfecta: in qua ipsa ciuitate profecto nulla vnquam vehementius, quam eloquentiæ studia viguerunt: VELLEIVS PATERCVLVS⁵ *vna vrbs Attica pluribus annis eloquentia, quam vniuersa græcia, vberiusque floruit, adeo ut corpora gentis illius separata sint in alias ciuitates; ingenia vero solis Atheniensium muris clausa existimes*; quem locum IO. FRIDERICVS GRONOVIVS⁶ male sanum esse existimat, eique hanc adfert medellam: *vna vrbs Attica pluribus annis eloquentiæ quam vniuersa græcia, operibusque floruit*, & addit: floruit igitur annis pluribus operibusque eloquentiæ Attica, quam vniuersa⁶ græcia, quia per annos plures puram & floridam copiosamque eloquentiam conseruant & plurima monimenta ediderunt Athenienses, quam ceteri omnes græci. floruit⁶ annis eloquentiæ Attica, dum eloquentiam⁶ velut diuturna iuuenta florentem, nondum⁶ senescentem & defectam habuit. namque magno numero rhetores atque oratores Athe-

¹ in vita ipsius c. 4. ² vita. c. 84. 89. ³ satira 6. v. 187.
⁴ lib. 1. de orator. cap. 4. ⁵ lib. 1. cap. 18. ⁶ lib. II. c. 23. p. 407. observat.

nis se protulerunt, ex quibus decem illi clarissimum a se dederunt nomen, *Antiphon* quippe, *Andocides*, *Lyfias*, *Isocrates*, *Isæus*, *Lycurgus*, *Demosthenes*, *Aeschines*, *Hyperides* & *Dinarchus*. ex quo græcia eloquentiæ studio incensa, ab Atheniensibus est elaborata dicendi vis atque copia, qua in vrbe primum se orator extulit, primumque etiam monumentis & literis oratio est cœpta mandari, teste CICE-
 RONE. ¹ quod ad exercitia adtinet, quibus Cicero dicit se exercitatum fuisse apud Demetrium Syrum, fuerunt illa procul dubio declamationes græca lingua, prout varia ratione veteres exercebant ingenia arte ac facultate dicendi, ac modo in argumentis ethicis, quæ dicebantur *ῥήσεις*; modo historiarum, quum aliquid laudarent aut vituperarent; modo fictis controuersis, quas LACTANTIUS ² *exercitationem fictarum litium* eleganter dicit, versabantur. ante omnia viguerunt declamationes, quæ erant exercitia maiorum ac prouectiorum, quas adpellat PLUTARCHVS σοφισμὰς μελέτας, DIONYSIVS *Halicarnassensis* γυμνάσματα τε καὶ ἀσκήματα τῆς ῥητορικῆς, PRISCIANVS *certamina rhetorica*; GELLIVS *decurfus ludicros & simulacra præliorum voluptuaria*; QVINTILIANVS *pugna simulacra & forensium actionum meditationem, consiliorum iudiciorumque imaginem*. vetustioribus temporibus & longe ante *Gorgiam Leontinum* græci locos quosdam communes inter oratoriæ exercitia posuerunt, quod & ante tempora Ciceronis apud romanos in vsu fuisse, ipse testis est Cicero. agebant quippe de virtuti-

¹ in Bruto c. 7. ² diuin. instit. lib. I. c. 1.

bus, vitiis, paupertate, exilio, vita, morte, agricultura, re militari, religione, cælo, bello, pace, cetera.

§. VII. Ad ipsos præceptores ac magistros, quibus CICERO Athenis vsus est, nos conuertamus. primus, cuius facit ipse CICERO mentionem, est ANTIOCHVS *Ascalonita* Aristi frater, Philonis auditor quiue circa olymp. CLXXV. ingenio inluxit. *Ascalonita* dicitur ab *Ascalone* Idumææ seu Philistææ vrbe, quæ magis versus septentrionem, sita Gaza, de qua SVIDAS: Ασκάλων πόλις Συρίας, ἀπὸ ἀδελφῆ τῆς Ταντάλης. ὁ πολίτης Ασκαλωνίτης, *Ascalon* vrbs Syriæ dicta a fratre Tantalī. incolæ *Ascalonitæ* nuncupatur, confer CELLARIVM¹ & HADR. RELANDVM.² quintæ academix auctorem fuisse ANTIOCHVM, tradit SEXTVS EMPIRICVS;³ sicut autem quarta academia a tertia & secunda in eo differebat, quod multa probabili, quædam autem certa ratione cognosci posse, credebat; sic vltima seu quinta cum prima vel veteri plane conspirabat: quibus de causis CICERO⁴ nominat Antiochum hunc *veteris academix nobilissimum & prudentissimum philosophum*. verum, quamvis in numero fuerit academicorum; doctrinis tamen stoicorum erat additissimus, teste CICERONE, qui dicit: *Antiochus adpellatur academicus: erat quidem, si per pauca mutauisset, germanissimus stoicis*. quumque in academia vetere non eos solos numerauerit, qui academici vocantur, *Speusippum, Xenocratem, Pölemonem, Crantorem* ceterosque; sed etiam

¹ notitia orbis antiq. lib. III. c. 13. p. 600.

² *Palestin. lib.*

III. p. 586. ³ lib. I. c. 33. *Pyrrh. ὑπομνημ.*

⁴ *Bruto c. 91.*

⁵ *acad. quæst. lib. IV. c. 43.*

peripateticos veteres, quorum princeps Aristoteles eodem CICERONE auctore; ¹ non difficile est iudicare, cur Antiocho stoici cum peripateticis re concinere viderentur, verbis discrepare, ut CICERO ² ait: confer THOM. STANLEIVM ³ & IO. ALBERT. FABRICIVM. ⁴ Cicero igitur, quum Athenis musas suas coleret, huius quoque Antiochi institutione philosophica ornauit se, cuius copia & lepore dicendi delectatus quidem est, ἃ δ' ἐν τοῖς δόγμασιν ἐνεωτέριζεν, ἔκ παλαιῶν, quæ vero in doctrinis ipsis ab eo sunt nouata, minime probans, auctore PLVTARCHO. ⁵ sequitur ZENO Epicureus, etiam Ciceronis magister. plures fuerunt Zenones, quorum quindecim recenset IO. IONSIVS ⁶ & AEGIDIVS MENAGIVS ⁷ præter octo Zenones a LAERTIO commemoratos, adhuc alios addit. num vero hic Zeno Ciceronis præceptor idem sit cum illo, cuius DIOGENES LAERTIVS ⁸ mentionem facit, quod fuerit Σιδώνιος τὸ γένος φιλόσοφος Επικύρειος, καὶ νοῦσαι καὶ ἐξημενεῦσαι σαφής, Sidoneus genere philosophus Epicureus sensu & elocutione clarus atque apertus; quæ alio loco ⁹ ἀκροατὴς Ἀπολλοδώρου πολλύγραφος ἀνὴρ, Apollodori auditor, qui plurima scripsit, ab eo dicitur, dispiciendum est. IONSIVS dicto loco eosdem facit; seiungit vero illos, veluti diuersos IO. ALBERT. FABRICIVS ¹⁰ ita ut Zeno Epicureus, Ciceronis magister iu-

¹ de finibus boni & mali lib. V. n. 3. ² de natur. Deorum lib. I. cap. 7. ³ histor. philos. p. 409. ed. latin. ⁴ biblioth. grec. lib. III. c. 3. p. 52. ⁵ vita Ciceronis p. 362. ⁶ de scriptoribus histor. philosoph. lib. II. c. 1. ⁷ ad lib. VII. segm. 35. Laertii p. 279. ⁸ lib. I. II. segm. 35. ⁹ lib. X. segm. 25. ¹⁰ biblioth. Græc. lib. III. c. 33. §. 3. p. 816.

nior ipsi videatur Zenone Sidoneo, quippe qui Apollodorum audiuerit, Epicuro non multo iuniorem. summa quaestio in eo posita est, ut in aetatem Apollodori, qua vixerit florueritque, inquiramus, quam & in Epicuri tempora incidisse, haud satis firma negari potest ratione. namque DIOGENES LAERTIUS¹ testatur, quod ab Epicuro octoginta minis fuerit emtus; Epicurus vero natus est Olympiade CIX. & interiit anno II. Olympiad. CXXVII. si igitur ponamus, Zenonem, Apollodori auditorem eundem esse Zenonem praeceptorem Ciceronis, qui istum senem Athenis audiuit Olympiade CLXXV. tractus sane temporis inter Apollodori ac Zenonis Ciceronis magistri aetatem nimis esset longus, adeo ut hic Zeno Apollodorum minus audire potuerit: quibus de causis GERHARDVS, 10. VOSSIVS² Apollodorum rectius refert ad Epicuri aetatem, quam 10. IONSIUS³ ad Zenonis illius Ciceronis magistri tempus. equidem sunt argumenta, quae sententiae huic possunt opponi, praecipue quum CICERO⁴ dicit: *Zeno quidem non eos solum, qui tum erant Apollodorum, Syllum, ceteros fugebat maledictis; sed Socratem ipsum parentem philosophiae, latino verbo utens, scurram Atticum fuisse dicebat*: quae verba quum sine dubio de Zenone, Ciceronis magistro intelligenda sint, satis declarent, quod ipsius aetate clarus fuerit Apollodorus, quoniam ipsum Cicero inter eos referat, qui tum, Zenonis quippe tempore, fuerint. at vero, ut de eo taceamus, quod locus hic male sit sanus;

¹ lib. X. segm. 10 ² de historiciis grecis lib. IV. c. 10. ³ lib. II. c. 13. §. 8. de scriptoribus histor. philosoph. ⁴ de natura Deor. lib. I. cap. 34.

ex verbis his Ciceronis: *non eos solum, qui tunc erant, Apollodorum, non colligi posse videtur, quod Apollodorus æqualis fuerit ætate Zenoni: adhuc plures sunt Apollodori, quibus verius Apollodorus Ephillus ex schola stoicorum heic intelligitur, siue dicas nomen ipsius Apollodori Sylli fuisse, siue adfirmes, quod Cicero respiciat Syllum Pythagoræum, cuius meminit IAMBlichivs. ¹ præter hæc dicunt, Ciceronem ² scribere, dixisse Zenonem, præceptorem ipsius *distincte, grauitè, ornatè*, quam virtutem DIOGENEM quoque LAERTIVM in Zenone, Apollodori auditore laudare, vt subinde pateat dilucide, non diuersos esse Zenones. sed argumentum hoc non magna probandi facultate valere, quisque cognoscere potest, qui cogitet, dotes ingenii ac facundiæ non soli cuidam proprias, sed & alios illarum esse capaces. est itaque Zeno iunior, quem Athenis Cicero cum Attico diligenter audiuit, vti ipse testatur: ³ *nisi mihi Phædrum, inquam, inuentum, aut Zenonem putas (quorum vtrumque audiui, quum mihi nihil sane præter sedulitatem probarent) omnes mihi Epicuri sententiæ satis notæ sunt: atque eos, quos nominavi, cum Attico nostro frequenter audiui, quum miraretur ille quidem vtrumque, Phædrum autem etiam amaret: quotidieque inter nos ea, quæ audiebamus, conferebamus: neque erat vnquam controuersia, quid ego intelligerem, sed quid probarem.* item: ⁴ Zenonem, quem Philo noster coryphæum adpellare Epicureorum solebat, quum Athenis essem, audiebam frequen-*

¹ vita Pythagoræ §. 159.² de natura Deorum lib. I. cap. 21.³ de fin. bon. & mal. lib. I. c. 5.⁴ lib. I. c. 21. de natur. Deor.

ter & quidem ipso auctore Philone: credo, vt facilius iudicarem, quam illa bene refellerentur, quum a principe Epicureorum accepissem, quemadmodum diceretur. tertius ex Ciceronis præceptoribus Phædrus Atheniensis est, etiam Epicureus philosophus, cuius ipse Cicero passim meminit ipsumque prædicat, vti dicitur ¹ *vir bonus & suavis & officiosus*: ac ² fatetur, se vnice diligere Phædrum³ item Phædro nihil esse elegantius, nihil humanius. successit ei Patro, quem Cicero commendat Memmio. ⁴ at de Demetrio Syro, cui dicendi magistro Cicero Athenis deditus fuit, veterum monumenta nihil produnt, cuius memoria facile potuisset obliterari, nisi eam conseruasset TVLLIVS.

§. VIII. Postquam Cicero Athenis principes philosophiæ & dicendi facultate excellentes viros audiuerat, totam peragrauit Asiam, in qua plura fuerunt litterarum domicilia. namque ibi deprehendimus *Mitylencen*, studiis disciplinarum & sapientiæ inclitum oraculum, vbi *M. Claudius Marcellus*, quum bello ciuili partes Pompeii securus, eo deuicto, Cæsarem suum inimicum metueret, in cultura bonarum artium tempore hoc vixit tranquille, vide SENECAM. ⁵ Tarsi, quam apostolus PAVLVS Tarsensis ⁶ ἐκ ἀσημον πόλιν, *nobilissimam urbem Ciliciæ* adpellat, quæue IOSEPHO ⁷ ἀξιολογωτάτη μητρόπολις ἔσται, *maxime memorabilis & metropolis est*, philosophorum & artium ad humanitatem pertinentium cla-

¹ epist. ad diuersos lib. XIII. ep. 1. ² lib. V. de fin. bon. & mal. c. 1. ³ lib. I. c. 33. de natur. Deor. ⁴ lib. XIII. ep. 1. ad diuersos. ⁵ ad Heluiam cap. 9. ⁶ Actor. XXI. v. 39. ⁷ antiquitatum Iudicar. l. I. c. 8.

rissima fuit schola, quam romani, quamvis non tanta multitudine quoque frequentarunt. ut enim ex veterum monumentis cognoscimus, Tarsenses studia rerum philosophicarum & optimarum artium summa industria profecuti sunt, quas ita coluerunt, STRABONE teste ¹ ὥστ' ὑπερβέβληνται καὶ Ἀθῆνας καὶ Ἀλεξάνδρειαν, ut *Athenas* & *Alexandriam* superaverint. sunt adhuc in Asia loci alii celebres propter doctrinae studia, *Cnidus* quippe, vrbs *Cariae*, *Magnesia* *Lydiae*, *Antiochia* *Syriae*, & *Rhodus* inprimis, quae inter Asiaticas scholas palmam modestioris tenuit eloquentiae. inter alia vero artium studia, quibus se tradebant Asiatici, eloquentia praecipue fuit, quae ut semel ex *Pireaeo*, *Athenarum* portu euecta est, omnes peragrauit insulas, auctore CICERONE. ² at vero notant veteres discrimen inter Asiaticos, Atticos & Rhodios oratores, ita, ut *Asiaticum* dicendi genus fuerit amplum, copiosum, tumidum; *Atticum*, pressius Asiatico, nec vero concisum; *Rhodium* medium inter Asiaticum & Atticum. *Asiatici oratores*, inquit CICERO, ³ non contemnendi quidem nec celeritate, nec copia, sed parum pressi & nimis redundantes. *Rhodii* saniores & *Atticorum* similiores: & QUINTILIANVS ⁴ *Attici* limati quidem & emuncti nihil inane aut redundans ferebant. *Asiana* gens tumidior alioquin & iactantior vaniore etiam dicendi gloria inflata est. tertium mox, qui haec diuidebant, adiecerunt genus *Rhodium* quod velut medium esse, atque ex utroque mistum volunt:

¹ lib. XIV. ² *Bruto*, c. 13. ³ *Bruto*, c. 13. ⁴ lib. XII. cap. 10. *instit. orat.*

confer.

confer GERH. IO. VOSSJ VM. ¹ nectamen nulum inter Asiaticos discrimen erat, quam sententiam satis confirmat CICERO, qui ² mentionem habet duorum Asiaticæ dictionis generum, quando dicit: *genera autem Asiaticæ dictionis duo sunt: vnum sententiosum & argutum, sententiis non tam grauibus & seueris, quam concinnis & venustis: qualis in historia Timæus; in dicendo autem pueris nobis Hierocles Alabandeus, magis etiam Meneclæ frater eius fuit: quorum vtriusque orationes sunt in primis, vt Asiatico in genere laudabiles. aliud autem genus est, non tam sententiis frequentatum, quam verbis volucre atque incitatum: quali est nunc Asia tota, nec flumine solum orationis, sed etiam exornato & faceto genere verborum: in quo fuit Aeschylus Cnidius, & meus aequalis Milesius Aeschines. in iis erat admirabilis orationis cursus, ornata concinnitas non erat; quæ verba penitus inspiciamus. notat quippe Cicero in oratoribus Asiaticis duo genera orationis, quorum alterum sit concinnum; alterum vero copiosum atque elegans; ex quibus satis adparet, quod Asiatici vigore ingenii, cuius maxima vis in venusta suauique dicendi facultate est, floruerint, quod si spectemus ambitum periodorum, quibus oratio ad leges artis composita tenetur, non vnā præ se ferunt faciem, quarum aliæ circumductæ sunt ac copiosæ; aliæ concisæ & concinnæ, aliæ vero mixtæ, quæ neque adeo amplæ, neque breuiiores existunt. quod ad concinnum adinet sermonem, in cognoscenda ipsius indole duo in primis obseruari debent, partim illius ambitus,*

¹ instit. orator. lib. 6. p. 467. ² Bruto c. 95.

qui brevis est ac concisus nec verba admittit, nisi quæ sensui principali exprimendo maxime sunt necessaria; partim dictiones, formulæ, sententiæ, quarum proprium est, ut sint magno significationis pondere; ut cogitationes mentis cum adfectibus animi coniunctas exprimant, utque interdum quandam argutiarum venustatem secum ducant. at vero & maxima huiusmodi dicendi generis elegantia posita est in coniunctione verborum, sententiarum, quæ talis esse debet, ut aurium delectantem sensum atque suavem efficiant sonum, quo spectant Ciceronis verba: *datur etiam venia concinnitati sententiarum: & arguti certique & circumscripti verborum ambitus conceduntur: de industriaque non ex insidiis; sed aperte ac palam elaboratur, ut verba verbis quasi demensa & paria respondeant, ut crebro conferantur pugnancia, comparenturque contraria: & ut pariter extrema terminentur, eundemque referant in cadendo sonum:*¹ & alibi² dicit: *formæ vero quædam sunt orationis, in quibus ea concinnitas inest, ut sequatur numerus necessario. nam quum aut par pari refertur, aut contrarium contrario opponitur, aut quæ similiter cadunt verba, verbis comparantur: quidquid ita concluditur plerumque fit, ut numerose cadat. etenim suavis in oratione concinna ἀρμονίας princeps fundamentum ponunt in ἀντιθέσει, παρισώσει & παρὰπαρισώσει. primum genus est ΑΝΤΙΘΕΣΙΣ, id est oppositio, quum modo illud, quod proprie contrarium est, contra ponatur, verbi gratia, eloquentia obmutuit, apud CICERONEM*³

¹ oratore ad M. Brutum n. 12.² ib. n. 65.³ in Bruto.

eum ratione insanit apud TERENTIUM; ¹ modo vero & id, quod speciem habet contrarii, quo pertinent, uti dicuntur, priuantia e. g. *unicum est bonum scientia; malum contra unicum est inscitia*; contradicentia, v. g. *sæpe melius est, non vivere quam vivere*: confer QUINTILIANUM. ² secundum genus est ΠΑΡΙΣΩΣΙΣ, quum voces integræque locutiones nullo coniunctæ vinculo suis interuallis distinguuntur; & tertium ΠΑΡΟΜΟΙΩΣΙΣ, hoc est similitudo litterarum & vorum, quo de argumento conferri potest C. G. SCHWARTZIVS ³ huiusmodi igitur dicendi morem Asiaticos oratores obseruasse, proficitur CICERO, qui autem in eo contra artem interdum peccabant, quod perpetuas phrasas & figuras habuerint prodigiosas & procul arcessitas, nec vim sententiarum rite temperata oratione conseruauerint, quo in genere multi veterum sophistarum a regulis veræ eloquentiæ discesserunt, quoniam ornamenta, & quæ orationem reddunt concinnam eamque inlustrant, ubique adhibere studebant, sed re ipsa ista consectabantur immodice, nec vsum illorum temperabant cum iudicio. tale sententiosum & argutum dictionis genus sectatus est TIMAEVS, teste CICERONE, qui TIMAEO Pythagorico philosopho iunior, Andromachi filius, domo Siculus, qui uè litteris historiarum inluxit, de quibus G. I. VOSSIVS ⁴ videri potest. de eloquentia ipsius CICERO alio loco ita differit: *minimus horum omnium Timæ-*

¹ Eunuch. act. I. scen. I. v. 18. ² instit. orat. lib. IX. cap. 3.
³ diff. de orat. concinna. ⁴ de historiarum graec. lib. I. c. 12. p. 81.

us, quantum autem iudicare possum, longe eruditissimus & rerum copia & sententiarum varietate abundantissimus, & ipsa compositione verborum non impolitus, magnam eloquentiam ad scribendum attulit, sed nullum usum forensem. ¹ alterum Asiaticum dicendi genus erat amplum, copiosum, longiores periodos, longiora commata & cola habens, quod modo elegans atque ornatum fuit, modo quoque pulchritudinem suam amisit & in effrenatam loquacitatem sine usu degeneravit, quapropter PETRONIVS ² *nuper ventosa isthæc & enormis loquacitas Athenas ex Asia commigravit, animosque iuuenum ad magna surgentes veluti pestilenti quodam sidere adflavit, simulque corruptæ eloquentiæ regula stetit & obtinuit:* & SVETONIVS ³ *an potius Asiaticorum inanibus sententiis verborum volubilitas in nostrum sermonem transferenda?*

§. VIII. Asia itaque, de cuius musis, eloquentiæ præcipue iam quædam præmisimus, a CICERONE peragrata est, cuius itineris causam his declarat verbis: *sed quum censerem remissione & moderatione vocis & commutato genere dicendi me & periculum vitare posse & temperatius dicere: ut consuetudinem dicendi mutarem, ea causa mihi in Asiam proficiscendi fuit.* ⁴ princeps litterarum studium, cui in Asia sese tradidit, eloquentia fuit, cuius magistros eo tempore nobilissimos audiuit & ipsorum profecit doctrina. primus ex illis, quorum facit mentionem, est Menippus Stra-

¹ de oratore lib. II. n. 14.

² satiric. c. 2.

³ Aug. c. 86.

⁴ c. 93. in Bruto.

tonicensis, qui ab aliis Menippis, *Menippo* quippe Pergameno, qui in geographiæ in primis litteris clarus fuit, *Menippo* Comico, *Menippo* Cynico, *Menippo* Gadarensi distinguendus est quæ Stratonicensis a patria *Stratonicea* dicitur, quumque Stratonicea vrbs fuerit Cariæ, factum, vt PLUTARCHVS Menippum hunc adpellauerit Carem, confer. G. I. VOSSIVM¹ & CELLARIUM² secundus est *Dionysius Magnes*, qui num *Magnes* dicatur a *Magnesia* Asiæ propriæ vrbe, an a *Magnesia* Macedoniæ regione, id accuratius definiri non potest, quamvis verius sit, cum cognominatum fuisse a *Magnesia* vrbe Asiæ, cuius supra inieciimus mentionem. quem *Dionysium* ab aliis *Dionysiis* a IONSI³ diligenter recensitis, distinguendum subsequitur *Aeschylus Cnidius*, sic dictus a *Cnido* vrbe Cariæ, de quo præter nomen ad posterorum memoriam nihil est propagatum. quumque & alii eiusdem fuerint nominis, *Aeschylus* quippe tragicus; *Aeschylus* mathematicus, discipulus Hippocratis Chii, *Aeschylus* Menedemi Eretrienfis inimicus, *Aeschylus* Agomestoris F. qui circa initium Olympiadum Atheniensibus imperauit, *Aeschylus* Corinthius; hosce cum TVLLII magistro confundere minus debemus. tandem & inter præceptores Asiaticos suos numerat Cicero *Xenoclem Adramytenum*: *Adramyttium*, siue *Adramytteum* siue *Adramynteos* seu *Adramyttion* est vrbs nobilis Mysiæ teste STEPHANO: Ἀδραμύττιον πόλις

¹ de his. græcis lib. III. p. 388. ² notitia orbis antiqui lib. III. c. 3. p. 102. ³ de scriptoribus historia philosoph. lib. III. cap. 8. §. 2.

τῆς κατὰ καίρον Μυσιάς, *Adramytteum vrbs est Mysiæ illius, quæ iuxta Caicum sita est; a qua Xenocles habuit cognomen.*

§. X. Verum enim vero his CICERO non contentus, RHODVM venit & sub veteri doctore Molone vim consummauit eloquentiæ. Rhodus est insula Asiatica clarissima post Cnidi promontorium versus orientem sita, auctore STRABONE, ¹ quæ olim tribus vrribus *Lindo, Camiro, Ialysso* habitata fuit, teste PLINIO ² & POMPONIO MELA ³ tetrapolis vero facta est post Xerxem, Persarum regem e græcia profligatum, addita noua ciuitate, quæ nomen accepit totius insulæ & RHODVS adpellata est, vt taceamus de colosso solis ibidem erecto, opere admirando atque inter septem mundi miracula locum obtinente; de aëre insulæ huius maxime salubri, de situs opportunitate, bellica virtute, quæ commendabat Rhodios, deque ipsorum cum romanis amicitia, quippe quod argumentum VBBO EMMIVS de republica & statu Rhodiorum persecutus est. verum princeps momentum, ad quod pro dissertationis nostræ ratione attendimus, est, quod Rhodus emporium fuerit atque officina musarum, quæ vix vsquam gentium habitarunt salubrius & splendidius, quam ibi, quo & Romani aliæque gentes transmigrarunt, vt præcepta sapientiæ atque eloquentiæ haurirent. quapropter erant Rhodus & Mitylenæ sedes exsulum eruditorum, quum vtrobique litterarum studia quam maxime

¹ lib. XIV. c. 7. ² lib. IV. c. 34. ³ lib. II. cap. 7.

florerent:

florerent: CICERO ¹ dicit: *qui si facile pas-
surus esset, te carentem patria & fortunis tuis
quiete & libere viuere; cogitandum tamen
tibi esset, Romane & domituae, cuiusmodi res
esset, an Mitylenis aut Rhodi malles viuere.*
prout autem Mitylenæ exfulem M. Marcellum
ita adfecerunt, vt maluerit ibi, quam Romæ &
domi suæ esse; sic & Q. Metellus Numidicus
in voluntarium exsilium Rhodum profectus,
ibique libris legendis atque audiendis magnis
viris operam dedit, vt adparet ex LIVIO. ²
etenim philosophia atque eloquentia Rhodi
effloruerunt: de philosophia nec non matheſi
testatur id VITRUVIVS ³ quum in præſa-
tione ita differit: *Aristippum socraticum eie-
ctum naufragio ad Rhodiorum littus, cum sche-
mata geometricis descripta rationibus vidis-
set, ad comites exclamasse, bene speremus, ho-
minum vestigia cerno, statimque in gymnasium
oppidi dilatatum ibi cum admiratione disputasse
& muneribus ampliter donatum esse: quod
autem ad eloquentiam adtinet, Aeschines, A-
tromeſi litteratoris filius Rhodum cessit in ex-
silium, ibique scholam aperuit, quam PLV-
TARCHVS διδασκαλείον, PHILOSTRATVS
σοφιστῶν προπαιτῆριον nominat, atque generis di-
cendi Rhodii posuit fundamentum, quippe*

¹ *epist. ad diuers. lib. IV. ep. 7. n. 9.* ² *epist. LXL.* ³ *lib. VI. de architectura.*

N

quod

quod medium fuit inter Atticum atque Asiaticum, adeo ut palmam modestioris eloquentiæ inter omnes Asiaticas scholas Rhodii tenuerint, quos *saniores & Atticorum similiores* id est minus turgidos aut copiosos CICERO laudauit, quam in rem & QUINTILIANVS testatur.

§. XI. Sic & Rhodus eloquentiam nutrit CICERONIS, qui præceptorem, ad quem ibi se adplicauit, nominat *Molonem*, qui clarissimus dicendi magister fuit, etiam caussarum patronus. iam Romæ *Moloni* huic Rhodio multum dederat operæ, totumque genus dicendi penitus cognouerat CICERO: *eodem anno etiam Moloni Rhodio romæ dedimus operam & actori summo caussarum & magistro.* 2 præter Ciceronem Molo hic discipulum quoque habuit *Iul. Cæsarem*, teste SVETONIO, 3 qui illud præcipue spectabat, ut civilem perficeret eloquentiam, ad quam ferebatur natura, auctore PLVTARCHO. 4 sed tamen & *Posidonium* Rhodi audiuit Cicero. nam non solum PLVTARCHVS, 5 sed & ipse CICERO, 6 quando ait: *& principes illi Diodotus, Philo Antiochus, Posidonius, a quibus instituti su-*

1 *instit. orator. lib. XII. cap. 10.* 2 *cap. 89. in Bruto.* 3 *in vit. cap. 4.* 4 *vita ipsius p. 708.* 5 *vita Ciceronis p. 862.* 6 *de natura Deorum, lib. I. c. 3.*

mus; satis adfirmant, quod Tullius a Posidonio quodam sit institutus, a quali autem id fuerit factum, de eo iam disputemus. namque in veterum monumentis tres Posidonii commemorantur, quorum primus patria *Apameensis*, secundus *Alexandrinus*, antiquior & Zenonis auditor, & tertius *Obiopolita*, qui libris quatuor Atticas historias conscripsit. quod horum primus Ciceronis magister fuerit, ex variis rationibus colligi potest, siquidem *SVIDA* auctore Posidonius *Apameensis* scholam habuit Rhodi, ubi Ciceronem Posidonium philosophum audiuisse clare pronunciat *PLUTARCHVS*, ut de ratione temporis, quæ cum sententia hac congruit, taceamus. equidem *CICERO* superiore loco, quo de profectioe sua commemorat, ex præceptoribus, quibus Rhodi se tradidit, Molonem tantum nominat, Posidonii autem *Apameensis* nullam habens mentionem; sed id leue est momentum. *CICERO* enim ibi tradit, quorum opera in dicendi arte sit usus, in quibus Posidonius, veluti philosophus & a quo in philosophia stoica redditus est exercitator, minime fuit. hic igitur Posidonius dictus *Apameensis* ab *Apamea* Syriæ prope *Orontis* & *Marfyæ* confluentem, stoicus philosophus, discipulus & successor *Panætii Rhodii iunioris* magnam philosophiæ

atque astrologiæ laudem sua ætate consecutus est, quocirca AVGVSTINVS ¹ ait: *Posidonius stoicus multum astrologiæ deditus*: item ² *Posidonius magnus astrologus idemque philosophus*; etiam apud STRABONEM ³ legimus, Pompeium magnum, quum ad bellum Mithridaticum proficiscens Rhodium venisset, ibi Posidonium differentem audiuisse, confert G. I. VOSSIVM ⁴ IONSIUM ⁵ MENAGIVM ⁶ I. A. FABRICIVM. ⁷ hæ igitur sunt amœnitates historicæ, quas ex CICERONIS conlegimus peregrinatione.

¹ de ciuitate Dei lib. V. c. 2. ² lib. V. cap. 5. ³ lib. XV.
⁴ de historicis grecis lib. I. c. 24. ⁵ de scriptor. hist. philos. lib. II. c. 16. §. 3. ⁶ ad Laërtium lib. VII. segm. 39. ⁷ in bibliothec. grec. lib. III. cap. 15.

EXERCITATIO
HISTORICO-PHILOSOPHICA
DE
A THEISMO
ARISTOTELIS.

rint nonnulli, extare in paganorum monimentis non pauca, quæ magnam interdum cum sacris oraculis similitudinem habere videntur, ista cum diuinis illis scripturis non solum conciliare, sed & ipsos auctores in christianorum, quin immo in illorum, qui æterna fruuntur felicitate, numerum referre, sibi sumserunt, cuiusmodi institutum eo alacriori studio susceperunt, quo maior erga veteres philosophos, venerationis ac pietatis cultus fuit, qua de re videri potest I. H. VON SEELEN. contra alii fuerunt, qui ex ipsorum scriptis eiusmodi colligerunt sententias doctrinasque, quæ a vera ratione de deo sentiendi essent alienæ, adeoque in illis crimen *atheismi* notarunt, id quod aliis nimis durum visum fuit, quippe qui causas horum philosophorum egerunt. fecit id elegantissima dissertatione IO. CHRIST. WOLFIUS,² quumque IO. HENRICVS FOPPIVS pro illorum opinione, qui veteres philosophos adculant atheismi, duas ederet dissertationes,³ aduersus istas IACOBVS HASAEVS⁴ arma sua tulit. quæ quamuis magna exemplorum copia probare atque illustrare possemus, sufficiat tamen, vnum ex multis ARISTOTELEM produxisse.

§. II. Multum disputatum fuit de religione ac doctrinis ARISTOTELIS, quæ deum, eius opera, eiusdem cultum & alias res diuinas spectant, ita vt alii hac in re de philosopho hoc senserint præclare; alii vero minus, quæ tradidit, probauerint. namque quod ad priores adtinet, constat ex monumentis historiarum

¹ de script. gentil. falso in christ. ordinem relatis. ² de atheismi falso suspectis. ³ de atheismo philos. gentil. celebrior. Brem. 1714.

⁴ de gentil. philos. atheismi falso suspectis Brem. 1716.

philosophiæ quanta dignitas, quantaue auctoritas habita sit ARISTOTELI a doctoribus illis, vti dicuntur, *scholasticis*, ex quibus *Colonienses* libro quodam de *salute Aristotelis* tam magnificum ipsi statuerunt pretium, vt istum in societatem ac numerum sanctorum adscripserint, ac seruatoris nostri *præcursores* in cognoscendis rebus naturalibus dixerint, de quibus H. C. AGRIPPA¹ ita differit: *Aristoteles dignissimus latinorum gymnasiorum doctor & quem Colonienses mei theologi diuis annumerarent, librumque sub prelo euulgatum ederent, cui titulum facerent de salute Aristotelis, quem theologica insuper glossa illustrarunt, in cuius calce concludunt, Aristotelem sic fuisse Christi præcursores in naturalibus, quemadmodum Ioannes Baptista in gratuitis.*² quapropter non est causa nobis, cur admiratio nos subeat, quod ista ætate tam putida fuerit barbaries, tamque luctuosa rerum christianarum facies, vt ex Aristotelis libris viam ad felicitatem, quæ constanti ac sempiterna retinetur possessione, demonstrare, istosque apud populum in sacro cœtu concilioque explicare, quidam instituerint, cuius rei testem habemus MELANCHTHONEM:³ *audiuimus, quosdam pro concione ablegato euangelio ethica Aristotelis explicare.* & alio loco³ dicit: *quidam Licentiatus dixit: si amitteremus omnes libros propheticos & apostolicos, posse doctrinam euangelii reparari ex ethicis Aristotelis.* nec defuerunt recentiori ætate, qui singulari philosophi huius amore capti iudicauerunt, quod iste monumentis suis doctrinas di-

¹ de vanitat. scient. cap. 54.

² apolog. A. C. pag. 62.

³ l. c. p. 492.

uinis oraculis plane consentaneas prodiderit, ac omne pietatis studium exercuerit, vti FORTVNIVS LICETVS *de pietate Aristotelis erga deum & homines & de animarum rationalium immortalitate secundum opinionem Aristotelis* ¹ scripsit; cui adhuc duos, qui religionem nostram professi sunt, adiungere possumus. quorum est alter IO. ZEISOLDVS, celeberrimus quondam academix nostræ philosophus, qui librum *de Aristotelis in illis, quæ ex lumine naturæ innotescunt, cum scriptura sacra consensu, ab eaque adparente dissensu* ² edidit, & Aristotelis consensum cum diuina scriptura demonstrare sibi sumsit, quod institutum quam minus feliciter successerit, adeoque opera male sit posita, ostendit venerandus BVDDEVS. ³ hinc & de isto dicit PASCIVS. ⁴ *sed si verum fatendum, nititur sæpe præsumpta viri alias doctissimi conciliatio lubrico fundamento, tribuunturque nonnunquam ex intempestiuo hoc conciliandi studio tales philosopho sententia, quæ ipsi in mentem non venerunt.* alter est CHRISTIANVS DREIERVS, qui integram Aristotelis philosophiam in deum reduci & in eo ultimo adquiescere, adfirmavit, ⁵ vt de aliis, IVLIO CAESARE SCALIGERO, ANTONIO SIRMONDO, AVGVSTINO NIPHO, quos commemorat quoque FABRICIVS, ⁶ taceamus.

* de libro hoc videri potest VINC. FLACCIVS theatro anonymor. & pseudonym. p. 77. & 1. A. FABRICIVS biblioth. græc. lib. III. cap. 6.

¹ Paris. 1629. fol. ² Jen. 1667. 4. ³ obseru. Hal. tom. 3. obseru. 13. §. 5. 6. p. 239. sqq. ⁴ introd. in rem litterar. moral. veter. cap. 11. §. 11. p. 593. tr. de var. mod. moralia trad. ⁵ philos. prim. p. 43. ⁶ biblioth. græc. lib. III. cap. 6. p. 176.

p. 176. mentionem facit libri: *quæstio magistralis, ostendens per auctoritates scripturæ diuinæ, quid iuxta saniorum doctorum sententiam probabilius dici possit de saluatione Aristotelis Stagiritæ*, editi Colonix a Lamberto quodam de Monte.

§. III. Prout autem christianæ religionis homines Aristotelem magnis adfecerunt honoribus, veluti philosophum, cuius doctrinæ diuina abundarent sapientia, ita quoque Iudæi istum genti suæ vindicarunt, quod quum res ipsa negaret, fabulis ac commentitiis argumentis confirmare, summa adnisi sunt ope. alii pro suo rerum fictitiarum studio Aristotelem, Iudæum Hierosolymitanum e tribu Beniamin genus suum duxisse, prodiderunt, videatur BARTOLOCCIVS. ¹ alii autem, ne tam magnum atque impudens dicerent mendacium, nugati sunt, istum in extremo vitæ constitutum Iudæorum sacris, profelyti instar se addixisse, id quod credi voluit R. IOSEPH filius SCHEMTOV. ² quibus figmentis SCIPION. SGAMBATVM ³ adduci potuisse, vt verisimile existimaret, Aristotelem aut genere, aut disciplina aut cultu fuisse Iudæum, id est maxime demirandum, quum hæc omnia plena sint nugarum, atque aperte significant fabulas. nec quis, vi verum percipiendi præditus fidem adiunget narrationi, quod Aristoteles quotidie hac precum formula vsus fuerit, quæ a BARTOLOCCIO profertur ex bibliothecæ Vaticanæ codice, manu exarato & inscripto: *מורי הפילוסופים* *eruditiones philosophorum*:

¹ bibl. Rabbin. tom. I. p. 471. ² prefat. ad exposit. in libr. Aristotel. de moribus. ³ archiu. V. T. p. 457. sqq.

*terribilis, cuius dominio me subiiciam,
 & æternæ, qui nunquam (regnare) cessas,
 & auctor omnium rerum,
 libera me ab igne tuo magno.*

aut quod Alexander Macedo, quum victor Hierosolymas in suam redegisset potestatem, magistrum suum Aristotelem thesauro librorum Salomonis præfecerit; qui vero quidquid boni in illis inuenerit, huius furtum fecerit litterarium, idque omne, additis quibusdam grauissimis erroribus, ac speciatim de æternitate mundi, suo ipsius nomine ediderit, qua de re legas IACOBVM THOMASIVM ¹ PETRVM BÆLIVM, ² & qui hæc omnia diligentissime conlegit, IO. CHRISTOPH. WOLFIVM. ³

§. IIII. Sic Aristoteles aliis visus est christianus; aliis vero Iudæus: & quem fugiat, quam amplissimis ornatus fuerit laudibus, veluti fortem mortalis generis humani excedens, cuiusue merita nemo admiratione, multo minus cultu aut oratione consequi posset? ex quibus religiosi ipsius cultoribus PERERIVM ⁴ tantum nominamus, in hæc verba erumpentem: *huius igitur viri, quem admirata est antiquitas, posteritas vero etiam venerata, & ut Lucretii verbis utar,*

qui genus humanum ingenio superauit &
 omnes

*præstrinxit stellas, exortus uti æthereus sol;
 huius inquam viri præstantiam virtutesque
 laudando consequi velle, simile est, ut si quis vellet
 oceanum exhaurire, aut stellas cæli dinu-*

¹ de plagio litter. §. 364. p. 160. ² diction. histor. crit. tom. I. p. 346. ³ biblioth. Hebr. n. 356. p. 217. ⁴ lib. V. cap. I. physic.

merare & mundi totius magnitudinem manibus suis metiri. enim vero alii hunc philosophiæ doctorem adcurarunt impietatis, quin immo ordini illorum adscripserunt, qui veritati grauiſſimæ clariffimæque, quod detur ſummum numen, maximam vim intulerunt, eamque deſtruere ſunt conati; id quod vtraque ætate factum eſſe, ex hitoriarum monumentis cognoscimus. namque æuo vetuſtiori Athenienſes illum criminis inſimularunt, quod eſſet ἀσεβής καὶ ἄθεός, & ipſe metu impuſus, ne ſupremo adficeretur ſupplicio, Atheniſes ſuas tranſtulit Chalcidem, quod ab Eurymedonte ſacrorum antiſtite adcuratus eſſet impietatis, ſiue vt Phauorinus tradidit, a Demophilo, teſte DIOGENE LAERTIO, ¹ quamuis hos ambos eiſdem adcurationis auctores nominet ATHENAEVS: ² confer THOMAM STANLEIVM. ³ recentiori vero ætate adhuc diligentiori opera ſtudioque ea, quæ philoſophus hic ſenſit dixitque de Deo, ſuſpecta reddere, eaque grauiſſimorum errorum plena eſſe, demonſtrare adlaborarunt, prout VALERIANVS MAGNVS de *atheismo Ariſtotelis* MDCXLVII. ſcripſit, & GVIL. POSTELLVS dedicatione, quam liber ipſius *Iuſtini Martyris euerſio Ariſtotelicorum dogmatum* præ ſe habet, de iſto ita iudicauit: *nullus autem ſit reipublicæ periculoſior aut euerſione dignior hoſtis familiari & domeſtico. ſuſcepi in falſa Ariſtotelis dogmata bellum Iuſtini Martyris & philoſophi præſtantiffimi fretus armis & fidei cum martyre conſimilis lorica tectus, eo quod vt olim omnia fere hereſeon ſe-*

¹ lib. V. ſegm. 5. ² lib. XV. p. 696. ³ hiſtor. philoſ. part. V. cap. 9. p. 422.

*mina ex uno Aristotele emersere, ita hodie
atheorum cohors inde manat, adde IO. LAV-
NOIVM.* ¹ qui & aliorum de Aristotele fini-
stre sentientium iudicia conlegit. sed præter
hos alii adhuc eandem aduersus nostrum fece-
runt censuram, ex quibus SAMVEL PARKE-
RVS ² eum *atheorum omnium principem at-
que ipso Epicuro apertiore religionis hostem
pronuntiat; quodue sit atheus & apertus re-
ligionis hostis, id ex instituto probandum sibi
sumsit AVCTOR obseru. Hallens.* ³ & IO.
FRANCISCVS BVDDEVS ⁴ dicit: *certe, quæ
de deo, eiusque cum materia nexu necessario,
mundi quoque æternitate docet, eiusmodi phi-
losophiæ systema exhibent, quod cum atheismo
consistere queat: nec non ANDREAS RVDI-
GERVS* ⁵ varia loca profert, quæ mentem a
vera de deo sentiendi ratione alienam pro-
dant, quibus addenda sunt ea, quæ hac de re
differit IENKIN THOMASIVS. ⁶

§. V. Quibus adparet, quanta sit diuersitas
opinionum de Aristotele eiusdemque doctri-
nis, ita vt alii in ipsius laudes sint effusi, alios
vero omnem pietatis existimationem illi adi-
mere videamus, quapropter quum nobis quo-
que sit in animo, de atheismo philosophi hu-
ius tractare, non ab re esse duximus, illorum
sententiam, qui magistrum suum Aristotelem
tam sancte pieque colunt, accuratius examina-
re. id vero melius nobis peregrisse videbimur,
si generatim de studio multorum veteres phi-

¹ de varia Aristotelis fortuna cap. 14. ² de deo & provid.
diuin. disp. I. sect. 24. p. 65. ³ tom. VIII. obseru. 10. p. 209.
⁴ thesib. de atheism. & superstition. cap. I. §. 15. ⁵ physic. diuin.
lib. I. cap. 2. sect. I. §. II. sqq. ⁶ hister. philosoph. de atheism.
cap. 2. p. 48.

lofophos cum fcripturis facris conciliandi dixerimus, oftendendo, quod partim huiusmodi institutæ conciliationes fint nullius momenti, partim minime ea, qua deceat ratione, poffint institui. atqui vt de priori momento difleramus, in propatulo eft, quod huiusmodi opinio tam magnifica de Aristotele ex corrupto animi adfectu, quo ipfi plane confecrati fuerunt, originem fuam habeat, quæ vt fieret amplior & plurium occuparet animos, in id imprimis omnem contulerunt laborem, vt oftenderent, doctrinas Aristotelis plane effe consentaneas diuinis fcripturis. pro ftudio quippe, quo quisque philofophum fuum ex antiqua ætate profequebatur, huiusmodi conciliationes sæpius funt institutæ, id quod non folum Aristotelis, fed & Platonis aliorumque philofophorum cultores fecerunt. namque fi PLATONEM respiciamus, negotio huic non mediocrem dederunt operam BESSARIO, MARS. FICINVS, FRANCISCVS PATRICIVS, LIVIVS GALANTES & plures alii, quorum mentionem habet FABRICIVS.¹ & quem fugiat, quo amore captus fuerit IVS TVS LIPSIVS in præcepta & doctrinas *Stoicorum*, quas ad fententias diuinarum litterarum interpretari, adeoque philofophiæ huic magnam efficere auctoritatem, fuma opera adlaborauit, prout ipfe profitetur, *non alios e prifcis magis confentire cum chriftiana pietate quam eos, qui a ftoica domo;*² cuius rei & IACOBVS THOMASIVS³ exhibet testimonium, quando dicit: *veram id erat Lipfio propofitum, vt quemadmodum Ari-*

¹ biblioth. grac. lib. III. cap. 1. p. 38. ² centur. I. miscell. epist. 33. ³ origen. hiftor. phil. & ecclesiast. p. 60.

stotelem scholastici, sic ipse Stoicos suos, quoad posset, maxime reduceret in gratiam cum religione christiana. * sic & fuerunt, qui EPICVRI doctrinas cum sacris pandectis in gratiam reduci posse facillimo negotio, sibi persuaserunt, ac ipsius sententias de *atomis* cum Mosis historia diuinæ generationis egregie conuenire, contenderunt. hinc EDMUNDVS DIKINSON¹ dicit: *quum suscepissem philosophiam Mosaicam pro virili mea dilucidandam cunctisque serio perpensis firme concepissem, munus illud nulla ratione melius, quam corpusculari vel, ut loquuntur, atomica præstandum fore.*

* huc etiam speciatim pertinent ea, quæ de SENECA & EPICTETO eorumque doctrinis, cum oraculis diuinis conuenientibus proferruntur. de SENECA multos auctores LINTROPIVS præfatione ad SVANINGII Senecæ theol. natural. contemplat. Haun 1710. 4. conlegit; EPICTETVS autem a BARTHIO aduersar. lib. III. cap. 10. & 16. christianus est dictus; BERKELIVS not. ad enchir. cap. 37. commemoratis Epicteti doctrinis addit: *parum abest, quin exclamem, o sancte Epictete!* POIRET œconom. diuin. lib. III. cap. 13. vocat illum *diuinum senem*, neque dubitat, futurum, quando Christus adpariturus est, *ut ille una cum eo in gloria compareat.* conf MICH. ROSSALIVS disq. de Epicteto, qua probatur, eum non fuisse Christianum Grœning. 1708. 8.

§. VI. Quod si igitur homines prauis adfectibus impulsu commoti sint ad huiusmodi conciliandi studium, facile exinde iudicare pos-

¹ *physic. veter. & ver. cap. 2. pr. p. 11.*

sumus,

sumus, quanta simplicis veritatis promouendæ ipsis fuerit cura, cuius quippe nullam habuerunt rationem, & perditæ mentis cupiditati satisfacere, laborarunt. quid multa? quilibet mediocri iudicandi virtute præditus percipere potest, quam ieiunæ aridæque sint sæpius tales conciliationes, quod ut fiat manifestum, non ab re erit, hanc in rem exempla quædam proferre. sic BESSARIO eam ob causam PLATONEM cum oraculis dei consentire putat, quod plus fidei, quam demonstrationibus tribuerit; *Plato, ait, in hoc præcipue cum nostra religione conuenire videtur, quod nullam quarit demonstrationis rationem, sed primam præcipuamque omnium virtutum fidem constituit, per quam res diuinas merito colendas existimat*; quasi fides Platonis, hominis rationis tantum lumine inlustrati & adhuc paganorum sacris initiati eadem sit ac fides, quam doctores religionis christianæ docent, quæ seruatore generis humani nititur, cuiusue nemo per vires naturæ, sed gratiam spiritus sancti particeps esse potest. AVGVSTINVS STEVCHVS, ¹ ut consensum Aristotelis cum Mose demonstraret, momentum illius inter alia in eo posuit, quod ad similitudinem libri generationis diuinæ adfirmauerit, deum marem & feminam *πρὸς τὴν κοινωνίαν* produxisse, quod sane ita firmum statutumque est, ut a nemine, siue sit politus, siue rudis ingenio, vocetur in dubium. quin immo interdum fuerunt ea licentia, vel potius audacia ac temeritate, ut sancta profanis, religiosa ac pia impiis, lumina tenebris, summa infimis

¹ de perenni philos. lib. X. cap. 20.

miscerent turbarentque, cui impudentiæ insignem reliquit locum RVSTVS LIPSIUS, qui per fatum Stoicum intelligit *æternum prouidentia decretum*, quod tolli non magis e rebus potest, quam prouidentia ipsa: ¹ quid? ipsam prouidentiam, quam ex sacris litteris cognoscimus quamue profitemur pie, ad VELLEII exemplum apud CICERONEM ² qui eam per ludibrium *anum fatidicam* Stoicorum vocat, ita adloquitur: *ades nostra anus, ades amanda nobis super omnes veneres & venerum amores!* ³ quæ verba neque pectus, neque scribendi genus hominis christiani producit, & sane miramur, magnum Lipsii ingenium in tam futiles, commentitias ac impias sententias incidisse. atque etiam alia Stoicorum delirantium somnia tam pulcre interpretari potest. sed, quæ attigimus exempla, sufficiant.

§. VII. At vero hæ conciliationes non solum sunt nullius momenti, sed & ex veritate ea, qua decet ratione, minime possunt institui, quæ sententia nostra verbosius explicari potest. primum enim sacer codex, qui religionis christianæ doctrinas tradit, eiusmodi complectitur res ac veritates, quas nemo humanæ mentis oculis intueri, vique rationis cognoscere potest, prout omnes illæ sunt, quæ viam ad veram eamque sempiternam felicitatem consequendam monstrant. equidem facile concedimus, quod ratio nostra emendata atque diligenti exercitatione perpolita nihil neque adfirmet, neque neget, quod diuinis effatis sit aduersum; multa tamen eaque grauiora veritatum momenta illis insunt, quæ in-

¹ de constant. lib. 1. cap. 19.

² de natur. deor. lib. 1. cap. 8.

³ lib. 1. diff. 11 phys.

tellectus noster sua percipiendi vi minime consequi potest. ² adhuc paganorum philosophi rationi emendandæ nullam dederunt operam, quin etiam adfectuum cupiditatibus indulgentes, istam corruerunt maxime, adeo ut philosophia, quæ veritates suas ex lumine sanæ rationis deducit, non sit eadem ac doctrina huiusmodi philosophorum: quod si enim hoc fecissent, pro veritatis indole, quæ simplex atque vna est, quæue vna eademque ratione cognoscitur ac percipitur; tanta sane diuersitas veritatum principalium, totque veterum philosophorum sectæ non fuissent, prout alia sententiarum principia adhibuit PLATO, alia ARISTOTELIS, alia ZENO, alia EPICVRVS. atqui certe in summis erroribus & maximarum rerum, dei quippe, prouidentiae diuinæ, animæ naturæ atque immortalitatis ignoratione sunt versati, quas tenebras & ille, qui recta vitur ratione, dissipare & aliis in hisce momentis clarissimum præferre potest lumen. id quod diuinus apostolus PAVLLVS ¹ pro sua iudicii grauitate breuibus, sed magna verborum virtute exprimit: *ἐμὰ ταὐτάθησαν ἐν τοῖς διαλογισμοῖς αὐτῶν, vani fuitilesque facti sunt cogitationibus meditationibusque, καὶ ἐσκοτίσθη ἡ αἰσίνετος αὐτῶν καρδία*, id est, quoniam intellectus ipsorum veræ sapientiae non capax, crassis occultatus & circumfusis est tenebris errorum; qua interpretatione explanamus vocem *καρδίας* per *intellectum*, quæ significatio & alio loco apostoli huius ² confirmatur, quando dicit: *τὸ ἔργον τῆ νόμου γραπτόν ἐν ταῖς καρδίαις αὐτῶν*. immo addit: *φάσκον*

¹ Rom. I. v. 21.² Rom. II. v. 15.

τες εἶναι σοφοί, ἐμωραίνθησαν, hisque verbis significat, quod summo elati spiritu sibi ipsis videantur sapientes ac grauissimi sapientiæ doctores; re ipsa autem in stultitiam sint deducti. en! hæc scripsit PAVLLVS ad romanos, qui omnem litterarum sapientiæque vindicabant sibi gloriam, qui principes gentium cultissimarum habebantur, quique græcorum doctrinas de rebus diuinis emendasse, liberali mente sibi persuadebant.

§. VIII. In tam crassis igitur erroribus in rebus, quæ mentis tantum agitationem ac contemplationem spectant, quamnam lucem in doctrinis morum, quæue ad vitam bene conformandam valere debent, præferre potuerunt veteres philosophi? quantam sane speciem pulcritudinis præ se habent illorum præcepta, tanta omnino eorum adparebit deformitas, si in interiorem illorum indolem, quam veluti conclusiones ex principiis suis deductæ habent, penetramus, id quod per exemplorum vim corroborare volumus. sic PYTHAGORAS & PLATO vltimum hominis finem esse ὁμοίωσιν τῷ Θεῷ, *similitudinem dei* docuerunt, ad quam perueniendi medium præter cognitionem sui ipsius esset κάθαρσις, *purgatio*, quam sequi deberet ἀνοδος, seu *adscensus* vel arcta cum deo coniunctio, cuius rei testimonia a scriptoribus, qui modo generatim, modo speciatim historiam philosophicam illustrarunt, collecta fuerunt copiose: quo autem fundamento nitatur hæc doctrina, ostendamus. scilicet primum communis veterum fuit opinio, quod anima nostra, aut potius mens pars sit diuinæ naturæ, cui præter

O 2 alios

alios PYTHAGORAS & PLATO imprimis sese addixerunt. ad illum quod adinet, testatur THEODORETUS, ¹ apud Pythagoram & Platonem intellectum nihil aliud fuisse, quam divinam partem, quod etiam ex definitione, quam dedit de deo, patet, veluti *animo per uniuersam rerum naturam commeante & intento: ex quo etiam animalium omnium vita capiatur*, teste MINUCIO FELICE, ² quæ de Pythagoræ sententia deprompta sunt EX CICERONE, ³ adde CLEMENTEM Alexandrinum, ⁴ THOM. STANLEIVM ⁵ PETR. DAN. HVETIVM. ⁶ quod autem etiam PLATO huius fuerit opinionis, animam humanam ex animo diuino & per omnem rerum naturam diffusio esse tractam, ea satis confirmant, quæ hac de re legimus apud ipsum PLATONEM ⁷ ALGINOVM ⁸ MACROBIVM ⁹ EVSEBIVM ¹⁰ NEMESIVM ¹¹ PETRVM GASSENDVM ¹² IACOBVM THOMASIVM. ¹³ sic posita animæ humanæ diuina indole, porro *descensum quemdam illius e cœlo in terram statuebant*, cuius modum rationemque commemorat MACROBIUS: ¹⁴ *secundum hoc ergo, quorum sectæ amicior est ratio, animæ beatæ ab omni cuiuscumque contagione corporis libera cælum possident. quæ vero appetentiam corporis & hujus, quam in terris vitam vocamus, ab illa specula altissima & perpetua luce*

¹ de curat. grac. adscit. lib. V. p. 516. ² Octau. cap. 19. § 7.
³ de nat. deor. lib. I. cap. 11. ⁴ Strom. lib. V. p. 590 ⁵ histor. philosoph. part. VIII. p. 763. ⁶ quæst. Ainet. lib. II. cap. 8.
⁷ Tim. p. 713. ⁸ introduct. Platon. cap. 17. ⁹ somn. Scipion. lib. I. cap. 21. ¹⁰ præp. euang. lib. XIII. cap. 16. ¹¹ de natur. hom. cap. 2. ¹² syntagm. philosoph. Epic. part. 2. sect. 1. cap. 1. sect. 2. cap. 6. ¹³ de stoica mund. excussio. diff. XXI. lib. 18.
¹⁴ somn. Scipion. lib. I. cap. 11.

despiciens desiderio latentī cogitauerit, e pondere ipso terrenæ cogitationis paulatim in inferiora delabitur. nec subito hac perfectâ incorporalitate luteum corpus inducitur; sed sensim per tacita detrimenta & longiorem simplicis & absolutissimæ puritatis recessum in quædam siderei corporis incrementa turgescit. in singulis enim sphaeris, quæ cælo subiectæ sunt, ætherea obuolutione vestitur ut per eas gradatim societati huius indumenti testei concilietur. & ideo totidem mortibus, quot sphaeras transit, ad hanc peruenit, quæ in terris vita vocitatur. quæ anima e cælo in terram delapsa, ex sententia Pythagoræ & Platonis cum corpore coniungitur; hacque coniunctione, quum ex materia omne gignatur malum, contrahit sibi prauam ac corruptam indolem, quæ est tertia doctrina, cuius in quæstionis nostræ gratiam habenda est ratio. etenim veteres pagani, quum inscitia primæ mali originis laborarent, ac motuum corporis vim, cui anima vix poterat resistere, sentirent, in eam ingressi sunt sententiam, fundamentum omnis mali positum esse in corpore ac materia, adeoque corpus, veluti carcerem, vbi anima pœnas det, habendum existimarunt. Pythagoræ hanc sententiam diserte tribuit IVSTVS LIPSIVS¹ ad EVSEBIVM² prouocans, qui hanc Pythagoræ referat doctrinam: principiorum alterum esse unionem, id est deum & bonum, alterum infinitum & binionem, id est demonem & malum, circa quem materialis multitudo est; quod & satis notum est de Platone, quamuis minime sit auctor huius opinionis, ut putat

¹ *physiol. Stoic. lib. I. dissert. 14.* ² *præpar. euangelic. lib. XIII.*

CLEOMBROTUS apud PLUTARCHVM, ¹
*Platonem principio, quod qualitates, quæ gi-
 gnuntur, ut subiectum sustinet, materiam nunc
 vocant. excogitato, multis magnisque philoso-
 phos liberasse difficultatibus; siquidem illam
 Platone multo antiquiorem esse constat, cu-
 ius momenti testimonia studiose collegit PE-
 TRVS DANIEL HVETIVS.* ²

§. VIII. Quam opinionem de animæ natu-
 ra, descensu atque ex coniunctione cum cor-
 pore contracta prauitate quum mentibus suis
 comprehendissent Pythagoras & Plato, ἀνοδὸν
 illius, seu *adscensum*, quo e vinculis corporis
 tanquam ex carcere euolaret, seque iterum
 cum deo, vnde ipsius natura esset desumpta,
 coniungeret, promouere omni studio annisi
 sunt. qua sententia explicari debet illorum
 ὁμοίωσις τῷ Θεῷ, quam vltimum finem esse ho-
 minis dixerunt, qua in re consentiebant Py-
 thagoras & Plato, quod testatur ΣΤΟΒΑΕΥΣ ³
 Σωκράτης, Πλάτων ταυτὰ τῷ Πυθαγόρᾳ τέλος
 ὁμοίωσιν Θεῷ εἶναι λέγειν, *Socrates & Plato,*
quemadmodum Pythagoras, finem dixerunt dei
similitudinem, nisi quod Plato facultati ad
 hanc dei similitudinem perueniendi, his ver-
 bis: κατὰ τὸ δυνατόν ἀνθρώπῳ posuerit limi-
 tes, vide IO. SCHEFFERV. ⁴ duplici au-
 tem ratione hunc animæ adscensum fieri posse,
 existimabant. primum quando anima re ipsa
 soluatur a vinculo corporis, & ad diuinam dei
 sedem transferatur; deinde si in corpore qui-
 dem veluti carcere, in quem fuerit coniecta,
 adhuc degat, sed omnem adhibeat operam, vt

¹ de defect. oracul. p. 414. ² question. Alnet. lib. III. cap. 11.
 Origen. lib. II. cap. 2. qu. 6. ³ lib. II. eclog. cap. 3. ⁴ de na-
 tur. & confut. phil. Italic. cap. 6. 7.

liberata a labe corporis, ad pristinam libertatem puritatemque, ac denique ad vnionem cum deo possit peruenire. cuius posterioris radicēsus iterum duplex erat via: altera *philosophica*; altera vero *theurgica*. quod ad *philosophicam* pertinet, commendauit Pythagoras κατὰ λόγον studio, quæ cum cognitione sui ipsius & conuersione in seipsum πρὸς ἑαυτὸν faciliorem ἀνοδὸν πρὸς τὸν Θεὸν efficeret, confer HIEROCLEM¹ & BYDDEVM.² Plato autem æque ac Pythagoras inter media finem illum attingendi retulit puritatis studium, vt anima seiungeret se a corpore eiusque inquinamentis,³ hinc & philosophiam dixit μελέτην θανάτου, *meditationem mortis*. ad viam *theurgicam* vero necessaria erant varia purificationis externæ genera, modo per aërem, modo per aquam, modo per ignem, in quorum vsu multi celebres fuerunt ritus, id quod pluribus exposuit IO. LOMEIERVS.⁴

§. X. Si quis singulari amoris adfectu erga philosophiam Pythagoræ & Platonis esset occupatus, facile occasionem doctrinas illas cum christiana disciplina contendendi captare posset. sane vt PAVLLVS⁵ τὴν ἀπόθεσιν τῆ παλαιᾶ ἀνθρώπου hominibus christianæ religionis necessariam esse dicit; ita HIEROCLES⁶ a sapientiæ cultoribus postulat τὴν τῶν υλικῶν μολυσμῶν ἀπόθεσιν; vtque AVCTOR epistolæ ad Hebræos conscriptæ⁷ μετανοοῖαν ἀπὸ νεκρῶν ἔργων commendat; ita HIEROCLES⁸ confirmat, illos, qui societatem cum deo adpe-

¹ comment in astr. cærm. Pythag. cap. 66. p. 222. cap. 70. p. 226.

² analect. hist. phil. p. 368.

³ Phædon. tom I p. 67. app. ⁴ de veter. gentil. lustration.

⁵ Ephes. IV. v. 22.

⁶ c. l. p. 26. 226.

⁷ cap. VI. v. 1.

⁸ p. 10.

terent, debere se ἀπὸ τῆ θνητοῦς σώματος
 disiungere; utque PLATO¹ dicit: μὴ καθαρῶ
 καθαρῶ ἐφαπτεσθαι μὴ ὁ θειοῦ, ita PAVL-
 LVS² scripsit: τίς γὰρ μετοχὴ δικαιοσύνης καὶ
 ἀνομίας; item καὶ ἀκαθάρτα μὴ ἀπτεσθαι. sed
 quanta videtur conuenientia effatorum Py-
 thagoræ & Platonis cum sacris scripturis, si ista
 veluti conclusiones tantum, & ipsorum verba
 consideramus; tanta sane est dissimilitudo in-
 tuitu principiorum, quibus illa nituntur.
 omnia enim plena sunt errorum, quorum hoc
 in momento grauissimum est, quod anima ho-
 minum pars sit naturæ diuinæ, cuiusmodi do-
 ctrinam adfirmare ac profiteri, plane ab omni
 ratione, ne de diuina dicamus reuelatione,
 alienum est. de cetero sententia hæc, quæ
 omnes fere philosophos oppleuerat, alios eos-
 que plures peperit errores, & fundamentum
 fuit multarum doctrinarum, quæ videntur ele-
 gantissimæ ac præstantissimæ, re ipsa autem
 sunt absurdæ atque impiæ. quam in rem, si
 dissertationis rationi esset consentaneum, vbe-
 rius adhuc exempla e Stoicorum præcipue
 philosophia deprompta proferre possem; sed
 sufficiat, breuibus ea, quæ antiquis philoso-
 phiæ magistris de immortalitate animæ pla-
 cent, attingere. ita prædicatur in illis rei hu-
 ius cognitio, atque argumentorum, quibus
 veritas hæc de immortalis animæ nostræ indole
 innixa, vim per illorum testimonia adhuc au-
 geri ac corroborari posse multi sibi persua-
 dent, cuiusmodi collegit HARTSCHMIDI-
 VVS³ & PETR. DANIEL HVETIVS⁴ verum

¹ Phædon. tom. I. p. 67. opp.

² 2. Cor. VI v. 14. sqq.

³ de immortalitate anima humana.

⁴ question. Alnetan. lib. II.

cap. 8. §. 3.

omnes illi, qui originem animæ ex diuina natura deriuabant eamque iterum in hanc reuerfuram contendebant, minime adfirmarunt, illam esse immortalem, id est propriam subsistendi vim retinere, sed potius non posse destrui, quæ discrepantia satis est insignis.

§. XI. Ex his a nobis satis superque dictis, quod ratio humana dignitatem ac maiestatem veritatum, quæ sacris litteris insunt, non semper capere possit; quodue veteres philosophi lumen, quod natura ipsis fuerat dilargita, tenebris adfectuum atque errorum obscurauerint maxime, efficitur conclusio, inane esse studium, illorum doctrinas cum sacris scripturis contendendi. equidem, si dono rationis a deo dato legitimo modo vsi fuissent, nec prauis animi adfectibus tam maximum reliquissent locum, facile has falsas opiniones ac turbulentos errores vitare, etiam sibi eripere potuissent; sed quid mirum, quod in tanto prauarum cupiditatum studio, ratio ipsorum circumfusa fuerit tenebris? quapropter etiam apostolus PAULLVS ¹ adfirmat, quod corruptio mentis, libido quippe adfectuum hunc opinionum morbum, hanc intellectus agrotationem effecerit, quando dicit: τὸν παλαιὸν ἄνθρωπον τὸν φθειρόμενον κατὰ τὰς ἐπιθυμίας τῆς ἀπάτης, quod pluribus exemplo græcorum philosophorum clarissime demonstrat CAMPEGIVS VITRINGA. ² verum nobis obli-
ci posse videmus, quod veteres philosophi ex paganorum ordine multa ope traditionis cognouerint, vt adeo institutum, quo illorum do-

¹ Ephes. IV. v. 22. ² *dissert. de philos. græcor. vitio affectuum corrupta lib. 3. cap. 12. p. 637. obſeruat. sacrar.*

Strinarum cum sacris tabulis conuenientia ostendatur, non plane sit contemnendum, nec negamus, quod pagani hominis peregrinationes, si non in ipsam Iudæorum prouinciam, ad Aegyptios tamen fecerint, quorum sacerdotes memoriam legum ac consuetudinum Iudæorum tenebant, id quod de THALETE Mileſio, PLATONE & EURIPIDE confirmat DIOGENES LAERTIVS,¹ & pluribus aliis DIODORVS Siculus;² quibus rationibus & hæc a multis additur, quod Ptolemæi magnum librorum numerum ex omnium gentium librariorum thesauris conquisitum comportare procurauerint, eoque ipso græcis aliisque gentibus sacros Ebræorum libros euoluendi suppeditauerint occasionem, prout quoque ex plurium opinione auspiciis Ptolomæi Philadelphi conuersio sacrarum litterarum in gentium linguam fit facta, vt de aliis argumentis in præsens taceamus, quæ a nauigatione Ophiritica Salomonis iussu facta, eiusdem cum gentium feminis connubio, reginæ Aethiopicæ ad eundem accessu & aliunde petuntur. hinc MVTIVS PANSAS³ dicit: *ebraica æmulantes plerique multa suis in scriptis inseruerunt, paucis mutatis. erant enim vel teste Eusebio, ante Ptolemæum diuinæ scripturæ in græcam linguam traductæ. multa Theopompus, multa Theodotus tragædiarum scriptor, multa Euripides, Sophocles, Phocylides, Diphilus, Menander & ceteri ab eis suffurati sunt, ita vt integras chartas, columnas integras, vel ab eis carmine redditas, vel rhetorico fuco exornatas*

¹ lib. I. ſegm. 27. lib. III. ſegm. 6. ² lib. I. p. 60. ³ ſcul. etnæc. & chriſtian. philoſ. præf.

apud illos legerim a prouerbis & sapientia Salomonis desumptas: CONFER GOTHOFR. VOCKERODT. ¹ sed tamen oracula diuina, & quæ de illis ad ipsorum notitiam pervenerunt, gentes non solum minus recte intellexisse, sed & fabulis aliisque a sacra veritate aberrantibus opinionibus corrupisse, quem fugit? quin immo philosophi iudaicarum rerum vel parum vel minime erant studiosi, iisque multa exprobrabant vitia. post natum quidem generis humani seruatore, quum temporis complementum aduenisset, quo mundi salus vbique terrarum illustraretur, omnium gentium homines in ciuitatem adscripti, cuius tum pomœria satis fuerant angusta, etiam ad illos fama & doctrina euangelii peruenit; sed hanc ipsam doctrinam euangelii siue Christi crucifixi *ἐξ ἡμῶν*, hoc est *gentibus*, quæ Iudæis opponuntur, præcipue autem illorum philosophis *μαρτυροῦν* esse, PAVLLVS ² pronuntiat, quippe qui sibi persuaferunt, doctrinam illam de iustitia dei demonstratam in Christo crucifixo alienam esse a perceptionibus rationis, id quod colligere possumus ex illis, quæ commemorat LVCAS. ³ equidem interdum philosophi de hominum miseria grauitè sunt conquesti; intimam tamen naturæ humanæ prauitatem minus perspectam habuerunt, persuasione corrupta occupati, inesse mortalibus facultatem bene viuendi, ac propriis viribus ad virtutis regulas sese conformandi: quapropter COTTA apud CICERONEM ⁴ dicit: *atque hoc quidem omnes mortales sic ha-*

¹ de notitia diuin. scriptur. ante Christum nat. in gentes vniuersat. p. 227. comment. de erudit. societ. ² 1. Cor. I. v. 23. ³ Act. XVII. v. 18. ⁴ lib. III. cap. 36. de N. D.

bent, externas commoditates, vineta, segetes, oliueta, vbertatem frugum & fructuum; omnem denique commoditatem prosperitatemque vitæ a diis se habere: virtutem autem nemo vnquam acceptam deo retulit. nimirum recte: propter virtutem enim iure laudamur, & in virtute recte gloriamur, quod non contingeret, si id donum a deo, non a nobis haberemus; hinc & HORATIVS: ¹ det vitam, det opes, æquum mihi animum ipse parabo.

§. XII. Ita demonstrauius, quantum sit discrimen inter paganorum ac diuinorum scriptorum doctrinas, quarum conuenientia frustra ac sine causâ ostendatur. prout autem multi ad huiusmodi negotium impulsu corrupti adfectus rapti fuerunt; ita de vera conciliandi via duplici ratione deflexerunt. primum enim sententias veterum philosophorum iuxta ipsarum principia, vnde deductæ sunt, minus examinarunt, & sensu, quem ipsa verba proderunt, adquiescentes, plane alia animo conceperunt, quam quæ ipse auctor quidem sensit. non sufficit, philosophorum conclusiones, quæ interdum singularem veritatis, pulcritudinis atque elegantiae speciem præ se habent, præceptis diuinioris doctrinæ similes pronunciare, nulla nexus, quo cum principiis suis & inter se cohæreant, habita ratione. deinde non obseruarunt; philosophos pro diuersis sectis vfos esse iisdem sæpe vocibus, iis autem diuersas proposuisse opiniones, adeoque existimarunt, plures sensisse similia, quamuis nihil simile cogitauerint, qua in re multi interpretes scripturæ sacræ grauiter sunt lapsi, qui

ad illius dicta philosophorum sententias inconsiderate adplicarunt, aut temere linguam gentium cum sermone sacrorum scriptorum contulerunt, vti sæpius fecerunt HUGO GROTIUS & IO. PRICAEVS, obseruante IO. CLERICO, ¹ quamuis ipse aduersus hanc optimam interpretandi regulam interdum peccauerit, quod tantum ex interpretatione vocis λόγος apud Ioannem principio euangelii patet, quum existimet, Ioannem vocem & doctrinam hanc de λόγῳ a PHILONE mutuam accepisse, ² quæ res in controuersiam & disceptationem vocata est ab IO. van der WAYEN; HERM. WITSIO, CAMPEGIO VTRINGA aliisque. sed hæc in transitu.

§. XIII. Quæ iam exposuimus, magnam habent vim ad illorum sententiam, qui Aristotelem cum libris diuina auctoritate conscriptis consentire credunt, diiudicandam. quamuis nobis sit in animo, infra singillatim philosophi huius opiniones penitus inspicere, & quantum impietatis illis insit, explanare; ea tamen, quæ diximus generatim de grauitate veritatum sacrarum, de veterum philosophorum ratione per prauitatem adfectuum corrupta, & qui inde suam habuerunt originem, maximis erroribus, facile confirmare possunt, huiusmodi concordiam plane esse fictitiam commentitiamque. doctoribus, vti dicuntur, scholasticis facile potest ignosci, quum ista ætate tanta fuerit barbaries, vt neque sacrum codicem, neque Aristotelem explicandi, ob putidam græcæ & hebraicæ linguæ inscitiam euidam fuerit facultas, præcipue quum illorum philo-

¹ arte crittu, vol. I. parte 2. sect. I. cap. 15. ² comment. ad euangel. Ioann. exordia subi. comment. in Genesim.

sophia in seruitutem theologiæ Papæ esset redacta, quod historiæ momentum pluribus persequitur ADAMVS TRIBBE: HOVIUS. ¹ sed per LVTHERVVM emendata doctrina puriore christiana, ac splendida bonarum litterarum exorta luce, multos adhuc ex societatibus nostris sacris fuisse, qui tam pio ac religioso cultu Aristotelem sint persecuti, omnino est, quod admiremur. Verum quid non persuadet adfectus, qui a prima ætate voluntatem occupavit suaque semper habuit alimenta? cui si quis amore erga veritatem incitatus resistat, facile ab erroribus liberari & in veram cognitionem rerum vtilium deduci potest. ita Aristoteles auctoritate sua multorum animos adeo ceperat, ut ab ipso discedere, nefarium crimen læiæ maiestatis Aristotelicæ haberetur, utque sectatores illius hanc dignitatem conseruarent & in maiorem adhuc locum promouere possent, ipsius doctrinas cum diuinis effatis conciliarunt, quoniam turpe esset christianis, Aristotelem a christiana religione & literis sacris alienum docere, interpretari ac defendere. quod opus quam infelici successu sit susceptum, quisque qui a corruptorum affectuum studiis abest, ex ZEISOLDI libro, cuius superioribus mentionem fecimus, satis & super cognoscere potest, quippe qui plenus est conciliationum ieiunarum; duriores cum sacri codicis, tum Aristotelis interpretationes complectitur, ac grauissima momenta, in quibus omnis vera conciliandi vis posita est, relinquit intacta: confer IO. FRANC. BVDDVVM ² ego existimarem, fieri posse maiori adhuc spe-

¹ de doctrib. scholastic. ² obseru. Hallens. tom. III. obs. 13.

cie conciliationem inter Platonis, Pythagoræ, stoicorum doctrinas & scripturarum sacrarum veritates, si tantum spectemus ipsas conclusiones, quam inter Aristotelem & codicem diuinum, cuius integra morum disciplina externam modo hominis felicitatem respicit, vt pluribus infra demonstrabimus. de cetero iure ac merito cum LACOB O THOMASIO ¹ censemus, melius eos de fide sacra mereri, qui discordiam profana philosophia cum christiana intercedentem fideliter detegunt, quam qui tenebras inter & lucem pacisci pergunt: quapropter & institutum IO. BAPTISTAE CRISPI, qui de philosophis ethnicis caute legendis ² scripsit, laudem omnino meretur.

§. XIII. Hactenus de prima sententia, illorum quippe christianorum, qui tam præclare de Aristotelis philosophia sentiunt eamque scripturis diuinis consentaneam esse adfirmant. pro ordinis ratione conuertimus nos ad Iudæos, quorum fabulas de Aristotele, quas supra breuibus attigimus, verbosius exponere ac diiudicare non ab re esse ducimus. sunt itaque, qui philosophum hunc genere Iudæum fuisse, contendunt, vt R. GEDALIAS ³ cuius locum latino tantum referemus sermone: *reperiuntur*, dicit, *in quodam libro inter christianos ex iis, quos fecerat Eusebius, scripta hæc verba: dixit Alirkos discipulis suis: conuenit ut sciatis, quod maior pars philosophia ad nos peruenerit ab Aristotele sapiente, qui fuerat vir Iudæus de semine Israelis Ierosolymitanus de filiis Kalta, de tribu Benjamin. venit ad nostri famam ex insulis longinquis,*

¹ de floribus mundi exustion. p. 10.

² Rom. 1594.

³ Schaleleth hakkabb, p. 102.

qua

quæ sunt in Asia & descendit ex montibus ad nos & sedit nobiscum diebus plurimis. philosophiam peperit nobis & multo plura valde reliquit & didicimus ab ore eius, quam ipse didicerat a nobis. sed GEDALIAS vel non intellexit EVSEBIUM; vel de industria verba ipsius in commodi sui gratiam detorsit, siquidem apud EVSEBIUM eo loco, ¹ quem GEDALIAS sine dubio respicit, GLEARCHVS introducit ARISTOTELEM loquentem de Iudæo, animo & lingua græco philosopho, qui ad se in Asia degentem venerit, aliosque sapientiæ suæ fecerit participes. nec GLEARCHVS hic fuit peripateticus ille & discipulus Aristotelis; sed alius ætate multo inferior, cuius adeo fides non satis firma est, quippe quod omnino nos in admirationem deducit, etiam ex christianis quosdam, MARSILIVM PICINVM ac GENEBRARDVM tam manifestis atque apertis Iudæorum fabulis fidem adiungere potuisse: confer PETR. BAEIIVM. ² quod ad illorum sententiam adinet, qui Aristotelem profelytum factum & Iudæorum sacra amplexum fuisse, tradunt, illa sane minus digna est, quæ verbosius refutetur, præcipue quum epistola ista Aristotelis ad Alexandrum, quæ fundamentum sententiæ huius habetur, plane est commentitia ideoque iure ac merito reicitur, vt pluribus observant IO. FRANCISCVS BVDDEVS ³ & IO. CHRIST. WOLFIUS. ⁴

§. XV. Fabula autem illa, quod Aristoteles

¹ *preparat. euangel. lib. IX. cap. 3.* ² *diction. histor. critic. tom. I. p. 247.* ³ *introduc. ad hist. phil. Ebraeor. p. 204. 208. ed. 2.*
⁴ *bibl. hebr. p. 218.*

philosophiam suam ex libris Salomonis rapuerit & furatus sit, plane conuenit cum Iudæorum ingenio atque animo. etenim philosophus hic magna apud illos valet auctoritate, quapropter R. ABRAHAM in *מנהג חכמים* vocat eum *ראש המלכות* principem philosophorum, & MAIMONIDES ¹ dicit: *scientia Aristotelis est perfectissima scientia humana, præter illorum, qui diuino gaudent influxu, usque dum attingant gradum prophetiæ, quo nullus superior.* quapropter quæ Iudæorum grauis est arrogantia, hæc omnia confinxerunt, vt Aristoteles veluti homo paganus non suo ingenio sapere, & quæ sapientiæ ornamenta collegerit, Iudæorum nationi debere videretur, prout eos quoque pudet omnino, a paganis aut christianis didicisse. hinc & tradunt, quod PYTHAGORAS per ipsorum scripta suum ornauerit ingenium, quinimmo per circumcisionem istorum sacris sit initiatus, id quod post alios commentus est MENASSE ben Israel; ² & ex recentiori ætate dixit SCIP. SGAMBATUS: ³ *Pythagoras aut Hebræus, aut Hebræorum auditor fuit, aut vtrumque. Iamblichus & Neanthes Syrum fuisse confirmant, & a Pherecyde itidem Syro doctum. Alexander libro de symbolicis Pythagoricis Nazarethi Assyrii discipulum eum facit, vt Clemens lib. I. Stromat. quem a nonnullis putari Ezechielem dicit. Vestis illi fuit plane eadem, qua Hebræi sacerdotes utebantur. Abstinencia ab animalibus callide ab eo inducta, quo facilius omnibus abstinens ea, quæ sunt He-*

¹ epist. ad R. Aben Tibbon.

² de immortal. anim. lib. IV. c. 22.

³ archim. V. T. p. 453.

brais immunda, vitaret. Samius vocatus est, ut reor, quod e Semi Academia aut secta se profiteretur: nam Syrus procul dubio fuit, non Samius: Et licet a plerisque Tyrius vocatur, id forte ob ciuitatis illius famam accidit, quæ totius olim Syria princeps habita est. idem quoque narrant de PLATONE, quod multa ex lege Iudæorum sua sibi fecerit, cuius sententiæ & plerique sunt christianorum, IO. CLERICVS¹ autem isti se opposuit, vide IO. ALB. FABRICIVM² & IO. CHRISTOPH. WOLFIVM.³ quæ quamuis omnia maxime adhuc sint dubia, & dentur omnino, qui plane negant, Pythagoram Platonem ceterosque, quos græcia verus tulit, philosophos sua ab Ebræis accepisse; attamen, si & res ita sese haberet, obseruandum existimamus, hanc ipsam Ebræorum doctrinam a philosophis istis sæpius non recte perceptam, etiam esse corruptam; nec inde effici posse conclusionem, quod Aristoteles hauserit sua ex scriptis Salomonis, id quod aperte falsum ponitur.

§. XVI. Tandem tertia sententia de Aristotele explananda restat, eorum quippe, qui illum impiarum doctrinarum adcurant, etiam in ordinem adscripserunt atheorum. sed quum ipsum dissertationis huius argumentum in eo versetur, ut ostendamus, Aristotelis philosophiam plenam esse grauissimorum errorum, eorumque qui cum atheismo sunt coniuncti, quæue ad illum facile quemdam possunt perducere, non est, quod iam quædam ea de re dicamus, quapropter potius ipsum opus adgrediamur.

¹ *epist. critic. epist. VII.* ² *bibl. græc. lib. II. cap. 12 p. 457. not. bibl. hebr. p. 983. 984. not.*

CAPVT II.

DE

ATHEISMO ARISTOTELIS
GENERATIM.

ΣΥΝΟΨΙΣ.

Quid sit atheismus §. I. quotuplex sit atheismus internus §. II. quotuplex sit atheismus externus §. III. de discrimine inter atheismum auctoris & doctrinæ cuiusdam, & de mediis ad diiudicandum veterum philosophorum atheismum necessariis, quorum alia spectant ad intellectum, alia ad voluntatem §. IIII. ratione intellectus medium primum indicatur & illustratur §. V. VI. medium secundum & tertium §. VII. medium quartum §. VIII. ratione voluntatis indicantur media §. VIIII. X. hæc dicta generatim applicantur ad Aristotelem §. XI.

§. I. De atheismo ARISTOTELIS disputaturi, non alienum ab officio faciemus, si quædam de ipsa atheismi indole, eiusdemque variis generibus, quanta fieri poterit & perspicuitate & breuitate, notemus, ac lectoribus ad faciliorem meditationum, nostrarum cognitionem præferamus lucem. non est, quod vocabulum *atheismi* interpretemur, eiusque aut originem aut varias significationes declaremus, ne longius a proposito dicendi argumento dimoueamur, ac tali negotio, quo clarissimi viri THEOPHILVS SPIZELIVS ¹ ZACHARIAS GRAPIVS ² feliciter sunt functi, nos addicamus. sufficit quippe, nos propriam ac genui-

¹ scrutin. atheism. part. I. ² diss. an atheism. necess. ducat ad corrupt. mor. §. 4.

nam vim significandi vocis huius sequi ac per illam intelligere eiusmodi errorem, quo quis dâri deum negat, adeoque rem subsistentem finitam originem sui sibi ipsi debere, nec rebus naturæ quidquam diuini inesse, sibi persuadet. qua definitione quum ponamus, atheismum errorem esse ideoque pertinere ad corruptionem intellectus, simul significare volumus, illum non propria vitii indole, sed ratione originis atque effectus, qui inde conflatur, referri posse ad voluntatem. etenim animus hominis se miscere atque implicare potest huiusmodi erroribus ac vitiis modo propter miseram intellectus debilitatem, modo corruptis adfectibus voluntatis impulsus, ita ut ex contracto tali errore semper impietas mentis aduersus deum nascatur. at vero quoniam error nunquam non spectat facultatem intellectus iudicandi & ex propositione quadam efficiendi conclusionem; inde quoque consequitur, discrimen esse ponendum inter errorem de deo & inter ignorantiam & inscientiam illius, qualem in variis gentibus fuisse & esse, a quibusdam adfirmatur, præcipue nostra ætate a PETRO BAELIO, ¹ aduersus quem alii adferunt, nullam gentem fuisse & esse neque tam immanuetam neque tam feram, quæ non sensum habeat dei. & quamuis ignoret, qualem habere deum deceat, tamen habendum sciat, vide IO. LVDOVIC. FABRICIUM, ² la CROSE ³ IO. FRANCISCVM

¹ dans la continuat. des pensées sur les comètes §. 86. sqq. tom. II. réponses aux. quest. d'un provincial & alibi. ² apologet. pro genere human. contra atheism. calumniam. ³ entrées. sur divers sujets d'histoire &c. p. 254.

BVÐDEVM ¹ IO. ALB. FABRICIVM ² BE-
NOIST. ³

§. II. Vitium hoc atheismi duplici ratio-
ne considerari potest: partim prout in animo
illud inhæret; partim aliis fit apertum & ma-
nifestum. priori modo iterum quis nullum
deum dari, sibi persuadere potest, vel *simplici-*
ter sine vlllo opinionis suæ argumento, in quam
persuasionem alios deducit rerum prosperitas,
vt LACTANTIUS ⁴ dicit: *ex rerum prospe-*
ritate luxuria; ex luxuria vero, vt vitia omnia,
sic impietas aduersus deum nascitur; alios ve-
ro aduersa fortuna, cuius vi res præter volun-
tatem eueniunt, ita vt bonis male, malis bene
fit, quod suspicionem efficit, quasi nullum esse
deum, saltim nulla rerum humanarum cura
tangi; vel *per principia*, quæ venditant, quæ-
ue modo diserte, modo per vim concludendi
impietatem hanc complectuntur, qui atheis-
mus iterum diuiditur in *scepticum*, quum sub-
lata omnium rerum certitudine, veritas quo-
que, deum dari, dubia redditur, quamuis du-
bitatio hæc nondum sit error; & in *dogmati-*
cum, quando eiusmodi doctrinarum consti-
tuunt complexum, vt ex illarum connexionem
effectuum rerum naturalium rationes se red-
dere posse, sine vi quadam & opera diuina sibi
persuadeant. quum autem homines tam sce-
lerata & nefaria mente negent, esse numen
summum, id fieri potest *vel directo*, vt deum
plane tollant, *vel* ita de natura dei, quatenus
caussa prima est omnium rerum & omnia vi
sua producta conseruat, sentiunt, vt deum es-

¹ select. iur. nat. & gent. p. 209 & thesib. de atheism. & superstis.
p. 362. ² bibliograph. antiqu. cap. VIII. § 3. ³ præf. obseru.
⁴ Tolandi origin. iudaic. ⁴ instit. diuinar. lib. II. cap. I.

se, nequaquam credere possint, quando ipsum vel ex mundo relegant, vel veluti causam cum mundo, tanquam effectum commiscunt. namque si vellemus deum nobis fingere, qui plane nihil ex rebus, quas intuemur oculis, quasue concipimus mente, produxerit, multo minus naturæ prospiciat viribus, prorsus esset absurdum atque ab omni alienum ratione, quoniam deus ideo deus est, quod omnium rerum existat prima causa, omnique atque absoluta perfectione præditus, prout quoque sit idem, siue dicas deum corporeum, siue deum esse neges. nunc restat, ut dicamus, quomodo vitium hoc conspiciendum aliis sese præbeat.

§. III. Prodit quippe sese atheismus modo doctrinis, siue ex ore exeant, siue scriptis proferantur; modo vita, quapropter diuiditur in *theoreticum* & *practicum*, ita ut posterior species a priori re ipsa non differat, sed vnus idemque sit atheismus, & prout aut ex viuendi ratione aut ex dictis scriptisque cognoscatur, mox *theoreticus*, mox *practicus* dicatur. quamuis enim apud atheos intellectus prauitas semper cum interna voluntatis corruptione sit coniuncta; externis tamen actionibus hoc in re discrimen inter se constituunt, siquidem alii a doctrinis quidem se abstinere; sed tali pestifero errore occupari, in dissoluta vita & pessimis moribus omnem laudem ponunt; alii vero speciem honestatis atque animi salutis publicæ conseruandæ studiosi præ se ferunt; ea autem, quæ dicunt scribuntque, venenata sunt. quæ diuersitas ex variis cupiditatum generibus earumque indole gignitur, prout quis aut
ambi-

ambitione aut voluptate ducitur, & praua sua mente pronus aptusque est ad simulationem ac dissimulationem. illi enim, qui gloriæ studio tenentur, facile simulacra virtutis exercent; disputationes autem, quibus veritatem quod deus sit, infringere conantur, minus negligunt, ut sapientia & acuta iudicii facultate aliis superiores videantur. at contra voluptate dominante, & imagines honestatis omnemque simulandi ac dissimulandi artem iacere, experientia testatur: confer IO. FRANCISCVM BVDDEVM. I

§. IIII. Ita quidem atheismus ex mente in aspectum lucemque profertur; minime tamen ideo omnia sunt expedita, si de atheismo auctoris cuiusdam iudicare, vitiumque hoc in eo notare velimus. differentiam enim esse atheismi auctoris & doctrinæ vitæque, omnino ducimus, quæ & facile potest intelligi atque explanari, si quidem ut quis de tali errore reus fiat, necesse est, ut aut deliberato consilio & proposito atheismum profiteatur; aut eiusmodi quidem doctrinas tradat, quæ aduersus pietatem ac religionem erga deum sunt; monitus autem de illiarum vero periculo, nihilominus illas defendat & tueatur. non omnes sane, qui cupiditatum illecebris excitati, omnibus flagitiis se contaminant, aut erroribus, quibus cum atheismo quidquam commune est, ducuntur, pro atheis siue *practicis* siue *theoreticis* sunt habendi, præsertim si quis nunquam admonitus, errores nec explicauerit nec defenderit. ita quamdam doctrinam possumus pronunciare impiam atque cum atheismo

¶ *thesib. de atheism. & superst. cap. II. §. 6. p. 222.*

coniunctam, quamvis auctor illius sua mente suoque animo re ipsa credat, esse deum. quo nomine hac in causa nunquam fere satis circumspēcte officium nostrum facere possumus, ne viri cuiusdam innocentiam lædamus, eumque sine iure ac merito in ordinem adscribamus atheorum, aut benignius, quam pro veritatis dignitate par est. de eo sentiamus, etiam causas illius contra iustas adculpationes, nullo rationum præsidio muniti agamus. id quod imprimis necessarium esse ducimus in disceptatione illa de atheismo veterum philosophorum, quibus alii dixerunt diem, eosque vitii huius damnarunt: at contra alii fuerunt ipsorum patroni, nullo posito discrimine inter atheiunum *auctoris & doctrinæ cuiusdam*. ut igitur veritatis regulis doctrinas Aristotelis metiamur, fundamentum illarum, quarum aliæ spectant intellectum, aliæ vero voluntatem eius, qui hæc veterum momenta diiudicat, clare & breuiter indicare atque illustrare, non erit inconsultum.

§. V. Ut recte sentiamus & iudicemus de atheismo philosophorum, qui antiqua ætate floruerunt, ratione intellectus necesse est, *primum* integrum philosophiæ cuiusdam complexum tenere, quo doctrinæ inter se connectuntur, ac suis principiis conclusiones confirmantur. quapropter quum monumenta multorum philosophorum ad posteritatem minus sint translata; aliorum iudiciis non plane quælibet fides debeat adiungi; etiam vnius auctoris contraria sibi loca dictaque sæpius extent, immo non omni ætate moris fuerit, ad certum ordinem meditationes ac doctrinas dirigere,

rigere, omnino difficile est, tales philosophos pronunciare atheos. cuius rei causa ut exempla quædam ex historiarum monumentis repetamus, constat, quod nonnulli existimauerint, *Zabios* siue *Sabæos*, gentes antiquissimas talia docuisse, quæ ad SPINOZÆ errores quodam modo accederent, id quod MOSES MAIMONIDES ¹ adfirmare videtur; sed quis ignorat, incertam fidem illorum auctorum, per quos notitia huius gentis ad nos peruenit, ut pluribus post alios obseruat IO. FRANCISCUS BVDDEVS. ² idem quoque sentiendum esse ducimus de *Chaldæis*, quorum doctrinæ nonnullis atheismo fauere videntur, quippe qui adfirmauerint, omnes res fluxisse ex dei natura, quæ opinio saltim sapiat ingenium Spinozæ; alii vero putant, sensisse chaldæos bene de summo numine, quod a ZOROASTRE dicatur *φῶς*, *lux*, *αἷνυαῖ* *radii*, *φῆγγος* *splendor*, *πῦρ* *paternus*, *ὑπατον* *καὶ* *ζωωγόνων*, *ignis paternus*, *supremus vivificansque*, inprimis vero *Oromazes*, quæ vox sit originis chaldaicæ ac significet *ignem splendentem*. sed tamen compertum omnes habent, qui leuiore industria in cultura historiæ philosophicæ sunt versati, ut incerta omnia sint, quæ de Zoroastre chaldæo dicantur, & quam lubrica fides atque auctoritas sit *oraculorum*, quæ ipsius nomen præ se habeant, quamvis non prorsus negauerim, vestigia quædam orientalis philosophiæ ibi deprehendi, confer IO. ALBERTVM FABRICIVM. ³ qui accusationes suas aduersus veteres philosophos ex antiqua ætate petunt, quod iam illa quidam adculati fuerint atheismi, causam suam leuio-

¹ more nenochim part. I. cap. 29.

² bist. eccles. V. T. tom. I.

p. 417.

³ bibl. græc. lib. I. cap. 36.

ribus sane argumentis corroborant. tanta enim erat superstitio fusa per gentes, atque imprimis græcorum oppresserat animos, ut ille, qui vtiorem de deo ac ipsius cultu sensum doceret, ac tali barbaræ atque anili superstitioni resisteret, in atheorum numerum sit relatus, quod præcipue Athenis factum esse relatum legimus, quæ deorum peregrinorum pariter ac patriorum sedes erant atque officina, ut pluribus demonstrat SAMUEL PARKERVS. ¹ ita SOCRATI crimen atheismi obiecerunt & inter momenta adcusationis a Melito contra ipsum prolata, hoc quoque fuit: ἀδικεῖ Σωκράτης, ὅς μὲν ἡ πόλις νομίζει θεὸς ἔννομον, ἔτερά δὲ καὶνὰ δαιμόνια εἰσηγέμενος, iura violat Socrates, quos ex maiorum instituto suscepit civitas, deos esse negans, alia vero nova demonia inducens, teste DIOGENE LAERTIO, ² confer XENOPHONTEM: ³ ubi per ΔΑΙΜΟΝΙΑ non intelligendi sunt DII, ut PLATONIS, XENOPHONTIS, DIOGENIS LAERTII & aliorum, qui de supremis Socratis fati scripserunt, interpretes sine causa existimarunt. namque Athenienses non adeo abhorruerunt a cultu peregrinorum deorum, qua de re notissimus est versus Comici:

Αἰγυπτον αὐτῶν τὴν πόλιν πεποιήκασιν ἀντ'
 Ἀθηνῶν,

quem respicit CICERO ⁴ & illustrat, quando dicit: *nouos vero deos sic Aristophanes facetissimus poeta veteris comædiæ vexat, ut apud eum Sabazius & quidam alii dîi peregrini, iudicati e ciuitate eiiciantur; adhuc legimus*

¹ de deo & providentia diuina disp. 1. sect. 2. 3. 4. ² lib. II. figm. 40. ³ memorab. Socrati lib. 1. cap. 2. ⁴ de legib. lib. II.

apud PLATONEM, ¹ Melitum ideo imprimis Socratem vocasse in iudicium, quod negauerit deos. quam ob rem in ea veriamur opinione, ΔΑΙΜΟΝΙΑ significare ea, *quæ ad deos pertinent*, & ΕΤΕΡΑ ΔΑΙΜΟΝΙΑ καὶ ΚΑΙΝΑ introducere, esse idem ac noua ratione de rebus diuinis differere, nouam de rebus diuinis doctrinam proponere atque propagare. enigitur Socratem atheum! quoniam rectius de deo, quam plebei ac multi philosophorum, sensit, ac contra aniles de diis fabulas disputa-uit, in atheorum ordinem adscriptus est. etenim teste XENOPHONTE plerique philosophorum putarunt, deos quædam scire, quædam vero ignorare; at Socrates existimauit, πάντα θεὸς εἰδέναι, τὰ τε λεγόμενα, καὶ πραττόμενα καὶ τὰ σιγῇ βυλευόμενα, *deos omnia scire, vel quæ dicerentur vel agerentur, vel tacite deliberarentur*: item deos πανταχῶ παρούσαι καὶ σημαίνεν, τοῖς ἀνθρώποις περὶ τῶν ἀνθρώπων πάντων, *ubique adesse ac de rebus humanis omnia mortalibus significare*: conferatur AEGIDIUS MENAGIUS. ²

§. VII. Quamuis placita veterum philosophorum ab aliis sint conlecta & ad posteritatis memoriam propagata; obseruamus tamen, illos sententias tantum speciales ac conclusiones, nec cum principiis coniunctas notasse; etiam magnam inter eos dari discrepantiam, adeo ut quidam ex vno auctore atheismi ad-cusetur; & altero iterum defendatur. sic multa legimus de opinionibus philosophorum sectæ Ionicæ apud ARISTOTELEM, PLUTARCHVM, STOBÆVM, CICERONEM, DIO-

¹ apol. tom. I. p. 16. ² ad Diog. Laert. lib. II. segment. 40 p. 92. tom. I.

GENEM LAERTIVM, ex quibus alii hosce philosophiæ magistros de pietate ac vero de deo sensu suspectos reddiderunt; alii vero pro diuersa interpretandi ratione causas eorum egerunt, id quod in primis in exemplo THALETIS *Milesii* conspicuum est. namque nonnulli ipsum adnumerant atheis, duobus præcipue argumentis muniti, partim quod teste PLUTARCHO ¹ τὸν Νῆν τῷ κόσμῳ deum statuerit, partim aquam dixerit esse initium rerum, cui deum ita adiunxerit, vt ipse vacans corpore minime possit constare, adeoque hæc THALETIS aqua prædita fuerit mente ac vita, cuius rei testimonium exhibeat ARISTOTELES, ² item DIOGENES LAERTIVS ³ ἀρχὴν δὲ τῶν πάντων ὕδωρ ὑπέσχεσατο, καὶ τὸν κόσμον ἐμψυχον καὶ δαιμόνων πλήρη, *principium omnium aquam esse, & animatum mundum ac demonibus plenum*, quæ omnino præ se habeant similitudinem cum doctrina Spinozæ, confer AVCTOREM obseruat. Hallens. ⁴ at contra non desunt, qui THALETEM diligenter tuentur ac defendunt, hancque iniuriam ab ipso propulsant, siquidem veteres philosophicarum litterarum doctores per *mundi animam* nihil aliud intellexerint, quam quod deus omnibus rebus præsens adsit, suaque vi ipsis tribuat vitam eamque conseruet, quem deum THALES quoque a materia, siue aqua seiunxerit, auctore CICERONE: ⁵ *Thales Milesius, qui primus de talibus rebus quæsiuit, aquam dixit esse initium rerum: deum autem eam mentem, quæ ex aqua cuncta fingeret; quæ verba perspicue*

¹ de plac. philosoph. lib. I. cap. 7.

² de anima lib. I. cap. 5.

³ lib. I. sect. 27.

⁴ tom. II, obs. 21. §. 8.

⁵ de N. D. lib. I. cap. 10.

prodant, num Thales deum siue mentem ab aqua adcurate distinxerit. licet sane Ionici, qui Thaletem sunt secuti, in explanandis rerum naturalium causis dei, veluti causæ efficientis nullam fecerint inentionem, inde tamen minime colligi potest, quod & nullum summum numen agnouerint, siquidem pro sua doctrinæ ratione inter rerum naturalium causas materiam tantum considerauerint, vt bene obseruant SAMUEL PARKERVS ¹ RYD. CVDWORTHVS ² IO. FRANCISCVS BVDDEVS ³ IO. CHR. WOLFIVS. ⁴

§. VII. Hactenus de primo momento, quod ad cognitionem atheismi philosophorum necesse sit, integrum philosophiæ illorum complexum tenere. atqui fateri debemus, primum hocce medium huiusmodi censuræ, quæ iusta & æqua esse debet, minus sufficere, nisi *secundum* omnes doctrinæ, quibus inest conclusio, ad normam ac vim principiorum, vnde deductæ sint, adcuratius examinentur. quod quum multi neglexerint, atque oculos mentis ad conclusiones tantum conuerterint, quid mirum, quod pro studio aut amoris, aut odii, quo quisque captus fuit immodico, tam multi sine causa modo in christianorum, modo atheorum ordinem sint adscripti? princeps sane lex est, quam bonus interpretes obseruare debet, vt in excusando, defendendo aut explicando scriptore quodam ad ipsius scopum & primum fontem, ex quo omnes doctrinæ sunt deriuatæ, aduertat animum, quod si meliori fide fuisset obseruatum, sane tot dissertationi-

¹ de deo & provid. disp. 1. sect. 5. p. 9. ² system. intellect. lib. 1. cap. 1. & 3. ³ thesib. de atheism. & superst. cap. 1. p. 22.
⁴ de atheismi falso suspectu §. 9.

bus de theologia HOMERI, HESIODI, SOCRATIS, SENECAE, LUCIANI & aliorum orbis litterarum non abundaret, nec atheorum ex antiqua ætate numerus tam esset nimius. possunt quidem esse sententiæ ac conclusiones, quæ modo speciem christianæ doctrinæ præseferunt, modo vim ad atheorum errores habent; sed ex his non debemus colligere, quod ipse auctor atheus aut christianus sit. *tertium* necessarium esse hoc in negotio putamus, ut placita veterum philosophorum nobis quoque sint perspecta, quorum sententia si adhuc dubia adparet, locus quidem est coniecturis, minime vero grauioribus argumentis. sic atheismus obiectus est PYTHAGORAE, quod, quemadmodum omnes numeri ex multiplicatis constent monadibus, adeoque nihil sint nisi monades, quæ quum componantur, varias accipiant adpellationes; ita etiam Pythagoras res quasuis, quas conspiciamus, varios dei characteres formasque varias nominauerit, quod omnino ad doctrinam Spinozæ accedat. at vero quamuis ex PLUTARCHO ¹ iam pateat clarissime, quod naturam diuiserit in duo principia, quorum alterum sit deus, vim agendi in se habens; alterum vero materia omni motus facultate destituta, quæue sit mundus, quem oculis nostris conspiciamus, confer s AMVELEM PARKERVUM; ² omnino tamen admiratio nos occupat, quod si quis orbi erudito nouum aliquid proponere ac receptæ cui-dam sententiæ aduersari velit, coniecturis tantum sese muniat. etenim doctrina Pythagoræ de numeris adeo obscura est atque ambigua, ut quamuis explanationes multorum interpre-

¹ lib. I. cap. 5. de placit. philos.

² c. I. de sent. I. sect. 10.

rum sint adhibitæ; sententiam philosophi huius haud gustare, multo minus ipsius impiam opinionem de deo ex illa probare possimus. quibus de causis TH. BURNETVS ¹ benedicit: *quis sapientior unquam euasit ex numeris Pythagoricis? aut veritatem sibi antea ignotam exinde didicit? certe quas mihi contigit hactenus aut apud veteres aut recentiores numerorum Pythagoricorum interpretationes inspicere, notitias vulgares exhibent, quales aliunde facile esset addiscere: aut tenues argutias de rerum principiis absque fundamento & sine fructu.* huc quoque pertinet exemplum ANAXIMANDRI, qui ideo relatus est in atheorum numerum, quod initium omnium rerum τὸ ἀπείρον seu infinitum esse dixerit, ac per illud nihil aliud, quam materiam, sublato deo significauerit. equidem nobis neutiquam in animo est, philosophum hunc ab omni errorum culpa liberare ipsumque tueri diligenter; plane tamen nobis persuademus, quod opinio hæc de infinito huiusmodi adculpationi minus sufficiat, quoniam nondum explicatum satis atque euolutum est, quid philosophus hic per τὸ ἀπείρον, intellexerit. namque ipse nondum explanauit, quid sit τὸ ἀπείρον, de quo conqueritur DIOGENES LAERTIVS ² ὃ διαρίζων αἶρα, ἢ ὕδωρ, ἢ ἄλλό τι, non tamen definiens αἶρα, aut aquam, aut aliud quidpiam: & idem dicit SIMPLICIVS ³ λέγει δὲ αὐτὴν μήτε ὕδωρ, μήτε ἄλλο τῶν καλεσμένων εἶναι στοιχείων, ἀλλ' ἐτέραν τινὰ φύσιν ἀπείρον, ἐξ ἧς ἅπαντας γίνεσθαι τὰς ἡράνους, & PLUTARCHVS ⁴ ἀμαρτάνει δὲ ὅτος μὴ λέγων τί ἐστὶ τὸ ἀπείρον, πότερ' αἰὲρ ἐστίν, ἢ ὕδωρ,

¹ archæolog. philos. lib. I. cap. II. p. 154.² lib. II. figm. I.³ in lib. physic. cap. 6.⁴ de placis. phil. lib. I. cap. 3.

ἢ γῆ, ἢ ἄλλα τινὰ σώματα, prout quoque CICE-
RO ¹ principium hoc vocat tantum *infinita-
tem naturæ*, quando scribit: *at hoc Anaximan-
dro populari & sodali suo non persuasit. is
enim infinitatem naturæ dixit esse, a qua omnia
gignerentur.* hinc non est, quod miremur, in-
terpretes sententiis discrepare maxime. GA-
LENVS existimat, intelligi æthera; THEMI-
STIVS apud GASSENDVM ² naturam me-
diam inter aërem & ignem; & CLEMENS
Alexandrinus ³ id non de materia, sed mente
diuina interpretatur, & DICKINSONVS ⁴ pro
singulari receptæ sententiæ studio heic vesti-
gia quærit atomorum.

§. VIII. *Tandem* prout cognitio vitæ ac mo-
rum auctoris cuiusdam magnam habet vim in
interpretatione ipsius doctrinarum; ita &
heic, si de atheismo alterius velimus iudicare,
ad illius viuendi genus animum conuertere,
non ab re erit. etenim cogitationes ac propen-
siones animi in lucem sese proferunt per ser-
mones actionesque humanas, ex quibus debe-
mus colligere, qua quisque sit indole mentis
quæue valeat voluntate. equidem haud ne-
gare possumus, quod si res nobis sit cum phi-
losophis ex æuo antiquo, difficulter medium
hocce sit adhibendum, quoniam non solum ea,
quæ de ipsorum vita moribusque consignata
sint litteris, minus pleniori cognitioni suffi-
ciant; sed & lubrica interdum confirmata sunt
fide atque auctoritate. adhæc plerique apti
erant ad simulacra virtutum exercenda, & quo
maiori ambitionis studio quis trahebatur, eo
vehementiori opera honestatis speciem præ se

¹ acad. quest. lib. IV. cap. 37.

² opp. tom. I. p. 236.

³ pretrept. p. 43.

⁴ physica. vester. & ver. cap. IV. §. 10. p. 46.

ferebat, ut alii de isto sentirent magnifice, ac meritorum laus per terrarum orbem propagari posset, id quod pluribus demonstrat L' ESPRIT. ¹ quod si autem doctrinæ cuiusdam non omni impietatis suspitione carent, etiam vita ipsius ad iustitiæ honestatisque præcepta minus composita, maior omnino coniectura maiorque atheismi suspicio gignitur, id quod exemplo DIOGENIS *Sinopenfis*, qui inter Cynicos eminet, illustrare possumus. namque ille providam dei curam negavit, ut de eo memoriæ prodidit CICERO ² *improborum igitur prosperitates secundæque res redarguunt, ut Diogenes dicebat, vim omnem deorum ac potestatem*; etiam nullas decori regulas observavit planeque ab omni honestatis cultu fuit alienus, ut DIOGENES LAERTIUS testatur, quæ omnia significant aperte, philosophum hunc exiguum dei sensum habuisse in animo.

§. VIIII. Ita intellectum nostrum ornare atque ad diiudicandos atheos præparare debemus. at vero hoc in negotio summa quoque ratio voluntatis habenda est, ne corruptorum adfectuum impetu a veritate aberremus, ac in tali censura mentem vinculis libidinum captam, veluti normam, quæ ratio esse debet, adhibeamus. quamobrem nos decet, ut sine amore & sine cupiditate, rursusque sine odio & sine invidia iudicemus, adeoque veritatis incremento, non pravarum propensionum commodis prospiciamus. sed quam multitudinem atheorum nimia adfectuum studia produxerunt! sic olim statores & doctores ecclesiæ Romanæ hac

¹ de la fausseté des vertus humaines. ² de N. D. lib. III. cap. 27.

utuebantur calliditate, ut omnes atheismi, hæreseos & magiæ suspectos redderent, qui fabulis & anilis superstitionis generibus resistebant, verioremq; sensum de deo deque via ad æternam felicitatem perueniendi tenebant. nec nostra ætate a tali pessimo instituto homines sese abstinerunt, qui potius prolixè libenterque omnes illos pronunciant atheos, qui a vulgari doctrina recedunt & alias sacri codicis interpretationes sequuntur interdum, id quod non solum moris est apud illos, qui pontifici romano sunt addicti, sed & nostræ religionis ac nostrorum sacrorum socios. qua de re iure ac merito conqueritur DANIEL. GEORG. MORHOFIVS ¹ quando dicit: *facile alioquin est, apud homines imperitos & inductos in atheismi suspicionem vel ex leuissima causa incurrere; & paullo post: nunc sane quotidie hanc multis inuri notam videmus ab illis, qui innoxii sententiis, ubi licitum esse potest diuortium, atheos statim & naturalistas crepant: quæ calumnia ut nulla est atrocior, ita christianam caritatem in his, qui temere illam admittunt, plane extinguit.* quumque nihil tam detestabile, tam pestiferum, tam inuidiosum sit, quam atheus homo, de industria sane ampliorem vocis huius significationem receperunt, quo numerum atheorum augere in dies, & pluribus pessimas vitii huius maculas inungere possint. quam significationem præter alios sequutus est GISEBERTVS VOETIVS, ² ideo quoque dignam censuram expertus AVCTORIS *apologiae pro Iulio Cesare Vanino*, ³ qui quum definitionem atheismi a VOETIO tra-

¹ polyh. 2. litter. lib. 1. cap. 8. §. 12. 14.
tom. 1. disput. selectar. pag. 116.

³ p. 23.

² disp. de atheism.

ditam commemorasset, addit: omnes species (atheismi) quas subiungit, recensere superse-
deo, ex laxiore significatione numerum atheo-
rum, quem sæpius mirari soleo, subortum indi-
cans. non solum enim ethnici, Iudæi, Mahumæ-
dani, sed & omnes omnino errore satæ hæreses hoc
nomine compellendæ essent, quarum affectæ ta-
men deum, licet minus recta fide & verum deum,
colunt, intentatur crimen ethnicis, & hi eorum-
que princeps Iulianus, ille apostata philosophus
primis intentarunt christianis. qui Christi sal-
uatoris dulcissimum nomen colunt, romanos de
atheismo postulant; at hi reliquos non minore
numero. illis ipsis hæreticæ prauitatis magi-
stris hæreticus est atheus & atheus est hæreticus:
& paucis interiectis: neque vero nomen in reli-
gionis solum negotio regnat, sed & in rebus ci-
uilibus locum habet non postremum. ab Hispa-
niarum partium theologis Galli, Veneti omnes-
que alii, qui consiliis & conatibus eorum minus
fauent, athei salutantur, & hi eodem nomine
Hispanos insigniunt. Gallo-Franci, qui nuti-
bus romanæ curiæ se non mancipant, athei vo-
cantur & libertini; imo illi quidquid obstat,
hoc crimine quasi falce chalybea dissecant. in
tanta vsus vocis huius libidine quid mirum,
quod MARINVS MERSENNVS¹ comme-
moret, Parisiis anno MDCCXXII. L. millia
atheorum fuisse, & in vnica sæpe domo reper-
tos duodecim, qui non deprauata vitæ ratio-
ne, sed pestiferis sermonibus & scriptis impu-
gnauerint deum. at vero qui ab vsitata vocis
huius significandi vi recedunt, non solum di-
stincta inter se perturbant, sed & sæpenumero

¹ commentar. in Gensin.

aliorum innocentiam atque integritatem deducunt in discrimen, vti obseruat IO. FRANCISCVS BVDDEVS. ¹ quapropter vtilissimum esset opus, si quis huiusmodi virorum, qui sine caussa atheismi nomine adcusati sunt & damnati, fusciperet defensionem, exemplo GABRIELIS NAVDAEI, qui *apologiam virorum magiæ suspectorum* edidit singulari fructu atque vtilitate.

§. X. Sunt quoque, qui amore & cupiditate adducti, vt priores odio, heic suo defunt officio, ac veritatem capere detrimentum patiuntur, quorum varia habemus genera. alii, vt multorum fauorem atque amicitiam sibi concilient, specie modestiæ omnia, quæ nullam habent excusationem, excusant atque in bonam interpretantur partem, cuiusmodi studia, si ex vero amore erga alios gignantur, nec veritati, cuius incrementum promouere atque dignitatem conseruare debemus, damnum adferunt, consentanea sunt partibus religionis christianæ; sed quis ignorat, plerosque voluptate hominibus placendi esse occupatos? alii quasuis doctrinas, quodcunque sit illarum pretium, admittendas esse ac fouendas putant, id quod munus sit & fructus libertatis cogitandi, qua fruantur homines, quamuis hancce nobilissimam libertatem in licentiam & petulantiam permutent, ac limites, quos deus facultati nostræ cogitandi constituit, transgrediantur. neque enim perinde est, quid cogites, aut qua ratione vi cogitandi utaris; sed ea cogitare decet, quæ veritati sunt consentanea nostramque felicitatem promo-

¹ *thesib. de atheism. & superstis. cap. 11, §. 1. p. 209.*

uent: idque eo modo atque ordine fieri debet, quem ipse deus in constituenda intellectus nostri indole præscripsit. tertium genus est illorum, qui doctrinas, quæ de impietate atque errore sunt suspectæ, non solum excusant & tolerant, sed & defendunt, tuentur, immo cum scripturis diuinis conciliant, de qua re superioribus disseruimus copiose.

§. XI. Hæcigitur generatim dicere non ab re esse duximus, vt explicate ac distincte sententias Aristotelis de deo ac rebus diuinis per-lustrare, & quid impii illis insit, quauē pietate ipse philosophus hic suam excoluerit mentem, explanare possimus. scilicet nobis est in animo, philosophi huius cum doctrinas examinare ac demonstrare, istas cum atheismo maxime esse coniunctas; tum omnem peractam vitam, etiam quæ tradidit morum præcepta intueri ac probabili ratione ostendere, Aristotelem mente atque animo de deo sensum exuisse. ita sane sentimus atque ita animum inducimus, hunc philosophiæ magistrum ætate antiqua principem fere fuisse atheorum, ita vt neque PLATO, neque STOICI neque EPICVRVS tam prauē senserint de deo ac, quam ipsi debemus, religionis cultu. quapropter vt bona fide officium nostrum faciamus, primum ipsa doctrinarum principia proponere, ad ista inde deductas conclusiones examinare omniaque ex Aristotelis animo, qua possumus probabilitate, interpretari, summa nitamur ope; quo facto, quid illis cum atheorum erroribus commune sit, demonstremus. quæ quum sint explanata, conuertamus nos ad ipsum Aristotelem eius-

que mentem, quæ quam aliena fuerit ab omni
veræ pietatis studio, demonstraturi.

CAPITIS III.

DE

ATHEISMO ARISTO-
TELIS THEORETICO.

SECTIO -I.

DE

ARISTOTELIS SENTENTIIS
AD NATVRAM DEI SPECTAN-
TIBVS.

ΣΤΝΟΨΙΣ.

*Dicendorum summa §. I. loca afferuntur, ex quibus
verum Aristotelis de deo sensum probare, multi
contendunt §. II. physica Aristotelica principia
commemorantur & examinantur §. III. IIII. V.
quod ista cum atheismo sint coniuncta, probatur.
§. VI. speciatim Aristotelis sententia de mundi ori-
gine §. VII. de dei nexu cum materia §. VIII.
quod deus cælo supremo tantum præsideat §.
VIIII. ex hisce dictis fit conclusio de atheismo
huius doctrinæ §. X. loca quedam de atheismo A-
ristotelis reiiciuntur §. XI. respondetur ad supe-
riora loca de vero Aristotelis sensu de deo §. XII.
XIII.*

§. I. Disputaturi de atheismo Aristotelis
theoretico, id inprimis monendum esse ite-
rum censemus, nos intelligere atheismum, vti
dicitur indirectum, ac nobis esse propositum,
demonstrare, ex philosophi huius doctrinis
de natura & operibus dei facile effici posse
con-

conclusionem, nullum esse deum. etenim directo veritatem hanc nunquam negavit. quin etiam multa de deo disseruit, quamvis ista diuinæ naturæ minus sint consentanea, id est Aristoteles quidem deum existere scriptis suis est professus, sed tale numen tradidit, in quo neque diuinam vim neque sensum dei quisquam suspicari potest.

§. II. Illi, qui auctoritate philosophi huius capti sunt, omnino præclare ipsum de deo sensisse putant, hancque in rem ex monumentis eius multa colligunt loca, quæ veritatis huius præstantissimæ pietatisque erga summum numen essent plenissima. nec negari potest, esse Aristotelis effata, quæ pulcritudinem ac speciem veri præ se habent, proximæque ad dei naturam accedere videntur. sic arbitratus est, quamvis deus sit sua natura ἀθεώγητος, istum tamen vi rationis humanæ, quæ res naturales contempletur, posse cognosci: ¹ quemue natura notum deum dixit, illum quoque unum esse, nec multitudinem deorum dari, adfirmavit, de quo testatur LACTANTIUS, ² quando scribit: *Aristoteles quamvis secum ipse diffideat, ac repugnantia sibi & dicat & sentiat; in summum tamen vnam mentem mundo præesse testatur, & MINUCIUS FELIX ³ Aristoteles variat & adsignat tamen vnam potestatem. nam interim mentem, mundum interim deum dicit, interim mundo deum præficit; prout ipse ⁴ primum motorem vnum vocat & perpetuum, hinc quoque eum multitudo nominum minus perturbavit, quam expositurus*

¹ de mundo cap. 6. tom. I opp. p. 471. ² institut. diuinar. lib. I. cap. 5. ³ Octau. cap. XVIII. §. 10. ⁴ metaphysic. lib. XI. cap. 1. tom. II. opp. p. 727.

principio capitis ¹ ita differit: εἰς ὧν, πολυώνυμός ἐστι, κατανομαζόμενος τοῖς πάθεσι πᾶσιν, ἅπερ αὐτὸς νεοχμεῖ *unus porro deus quum sit, pluribus nominibus adpellatus est: ab iis utique suis omnibus affectibus denominatus, quorum specimen edere ipse solet.* ita vere adfirmatur, ex ipsa rerum magnitudine, motu, dispositione, constantia, vtilitate, pulcritudine, deum esse, cognosci, nec posse fieri, quin id, quod tam mirabili constat ratione, consilio & opera dei sit instructum. quumque deus sit, ex omni utique parte perfectæ consummatæque virtutis, non potest esse nisi vnus, nosque etiam oportet idipsum intelligere ac dicere, quod sit nullis circumscriptus limitibus, quod sit æternus & omnipotens, quodue sit spiritus isque perfectissimus, cuius intellectus omnia cognoscit, voluntas autem plane a lege soluta & libera atque omni virtute, quamuis ne a mente quidem humana excogitari & concipi possit, prædita. quod si ita est, sicuti est, quum notionem dei sentiamus mente. nos quoque debere percipere, illum esse instructum absoluta ac consummata perfectione; facile quis sibi persuadere posset, quod Aristoteles etiam pro facultate, in qua grauiter valuit, iudicandi proprietates dei, prout decet & diuinæ naturæ consentaneum est, cognouerit. idque ipsum est, quod religiosi ipsius sectatores magna opera ac labore tuentur, quibus doctrina eius de deo adeo magnifica adparet, vt in ista nihil possit desiderari. etenim dicunt, Aristotelem adfirmasse, deum esse ἀπείρον, infinitum ² ἀμέγεγος καὶ μηδὲν ἔχειν μέγεθος, quoddam partibus

¹ de mundo cap. 7. tom. 1. opp. p. 475. ² metaph. lib. XII. cap. 7. tom. II. opp. p. 742.

vacans & nulla præditum magnitudine, ¹ indeque non obicure conflasse conclusionem, deum neque oculis, neque aliis sensibus posse percipi, adeoque esse *ἀόρατον & πάση θνητῇ φύσει ἀθεώρητον, omni mortali naturæ inuisibilem,* ² & ab ipso omnem corruptionem atque interitum esse procul. hocque nomine eum appellasse *ἀφθαρτον, corruptionis expertem,* ³ *ζῶον ἀθάνατον, viuum immortale,* ⁴ item *ζῶην ἀθάνατον, vitam immortalem.* ⁵ quod si respiciamus intellectum diuinum, de isto quoque Aristotelem sensisse præclara atque egregia, asserunt, siquidem existimauerit, deo soli vindicandam esse laudem sapientiæ; ⁶ ratione voluntatis autem cognouerit, ipsum esse *ἀριστον optimum,* ⁷ nec non *ἀρίστην ἔσταν, optimam substantiam,* ⁸ quia *γενέτωρ καὶ σωτὴρ, αἴτιος τῆς σωτηρίας δι' ὃν ζῶμεν, parens & seruator sit, caussa salutis nostræ & per quem viuamus;* hinc & ipse alibi ⁹ vocetur *ἐταρῆος τε καὶ φίλιος, καὶ ξένιος, καὶ ἀρεσιός τε, καὶ ἱκέσιος καὶ μελιχίος, sodalitiis & amicitiae præses, hospitalis, expiator, supplex & placabilis;* quemue nullus liuor, nulla inuidia, nullus teneat dolor; ¹⁰ & quamuis maxime sit benignus, omnisq;, qua fruantur mortales, felicitas ab ipsius prolixa ac beneuola proficiscatur voluntate; iustitiam tamen semper obseruet, qua suum cuique distribuat *τοῖς ἀξίοις καὶ τ' ἀγαθὰ καὶ τὰ κακὰ βο-*

¹ lib. VIII. cap. 10. *auscult. physic. tom. I. opp. p. 335.* ² de mundo cap. 6. tom. I. opp. p. 473. ³ de calo lib. II. t. 36. ⁴ lib. V. cap. 1. *topic. tom. I. opp. p. 180.* ⁵ de mund. cap. 6. tom. I. opp. p. 473. ⁶ lib. I. cap. 2. *metaph. tom. II. p. 643.* ⁷ lib. XII cap. 7. *metaph. tom. II. opp. p. 742.* ⁸ *ibid. cap. 9. tom. II. opp. p. 744.* ⁹ de mund. cap. 7. tom. I. opp. p. 475. ¹⁰ *metaph. lib. I. cap. 2. tom. II. opp. p. 644.*

na malaque pro meritis; ¹ & quod ad potentiam dei adtinet, omnium sit potentissimus, ² tandem quum notio dei etiam hoc significet, quod omnia condiderit, adeoque sit causa prima omnium rerum, hæc quoque cognitio celebratur in Aristotele, quippe qui professus sit, mundum effectum esse a deo. ³

§. VII. Quis igitur dubitaret, Aristotelem præclaram dei noticiam habuisse? quisque sane ex illis, qui illum pio prosequuntur cultu, effatis philosophi huius a nobis collectis magnum statuit pretium, eiusque pietatem sanumque de deo sensum probare subinde contendit. Sed tamen veritatis studium nos ab eorum sententiis plane dimouet; utque pateat clarissime, non mediocribus argumentis nos adductos a tam magnifica de Aristotele opinione discedere, primum fundamenta doctrinæ Aristotelicæ, quæ res naturales explanat, attingamus, & quam lubrica ista sint, demonstramus. atqui philosophi, qui Aristotelem antecedeabant ætate, posuerunt principia composita rerum naturalium, & quidem THALES dixit, constare omnia ex aqua, ANAXIMENES vero ex aëre, quoniam longe sit subtilior aqua; HERACLITUS ex igne & XENOPHANES atque post hunc PARMENIDES ex terra, qui adeo naturæ progressum ex solido in fluidum, secus atque adhuc factum fuerat, defendebant, ac de mechanicis & solidis principiis cogitabant. quæ quum consideraret post-

¹ *magn. moral. lib. II. cap. 8. tom. II. opp. p. 137.* ² *de mundo cap. 6. tom. I. opp. p. 473.* ³ *de mundo cap. 6. tom. I. opp. p. 471. metaphysic. lib. I. cap. 2. tom. II. opp. p. 644. lib. XII. c. 8. tom. II. opp. p. 743. de generat. & corrupt. lib. II. cap. 10. tom. I. opp. pag. 407.*

hac EMPEDOCLES, atque ipsi & aqua Thaletis, & aër Anaximenis, & ignis Heracliti, & mechanicorum terra placerent, quatuor hæc coniunxit & primus totidem posuit elementa, ex quibus omnia naturæ gignerentur, confer PLVTARCHVM, ¹ ARISTOTELEM, ² CICERONEM. ³ hæcce rerum naturalium elementa iudicabat philosophus noster, nimis esse composita, quapropter de principiis simplicioribus erat sollicitus, prout inter primos fuisse videtur, qui inter στοιχεῖα & ἀρχαίς, *elementa* & *principia* discrimen constituerunt, cuius rationem clare exposuit PLVTARCHVS. ⁴ quibus de causis retinebat quatuor illa elementa & tria adhuc principia *materiam*, *formam* & *priuationem* illis adiungebat, ⁵ quo physicam eo modo, quem metaphysici obseruant, tradidit, nec sine documento singularis cuiusdam calliditatis, quamuis magno cum detrimento ipsius disciplinæ. etenim philosophi, qui Aristotele superiores erant ætate, maxime mechanici & physici perturbauerant superstitionem insigniter, eoque nomine non mediocre contraxerant sibi odium, quod ut Aristoteles declinaret, etiam eruditorum disputationibus in vtramque partem satisfacere posset, abusus est metaphysicis abstractionibus, quarum ea est indoles, ut cum omnibus sententiis, siue sint veræ, siue minus, conciliari, etiam cum superstitione in gratiam redigi possint. sic Aristoteles comparauit sibi omnium fauorem, atque effecit, ut perpauci ipsi essent

¹ de placitis philos. lib. I. cap. 3. ² metaphysic. lib. I. cap. 3. 4.

³ quest. acad. lib. IV. cap. 37. ⁴ de placit. philos. lib. I. c. 2.

⁵ physic. lib. I. cap. 6.

aduersarii, tum quod principia illius, nimis generalia varias admittebant interpretationes, tum quod plerique subtile eius ingenium in abstrahendo metuebant. quapropter haud mirum est, Aristotelem existimasse, quod ἐκ τῶν καθόλου ἐπὶ τὰ καθ' ἑκάστα δεῖ προΐεναι, id est, *ab vniuersalibus progrediendum ad singularia sit*, ¹ id quod ordini, quem natura intellectui nostro in cognoscenda veritate præscripsit, maxime est contrarium.

§. IIIL. Quod igitur ad naturam *materiae* adtinet, dicit Aristoteles: ² ἡ δὲ ὕλη ἢ ὕλη παθητικόν *materia, quatenus materia, est passiuum quiddam*, & alio loco: ³ τῆς μὲν γὰρ ὕλης τὸ πάσχειν ἐστὶ καὶ τὸ κινεῖσθαι· τὸ δὲ κινεῖν, καὶ τὸ ποιεῖν ἐτέρας δυνάμεως, *pati namque & moueri materiae est: agere vero & mouere alterius potentiae*, ex quibus patet, quod philosophus noster existimauerit, materiam in se spectatam omni agendi vi esse destitutam, quapropter necesse erat, aliud quoddam motus principium adiungere, id quod num intellexerit per *formam*, nec ne? non est expeditum. namque in quo natura atque indoles *εἰσίας* siue *formae* sit posita, Aristoteles id ineuolutum implicatumque reliquit, id quod interpretes ipsius in varias distraxit partes. nam doctores philosoph. Aristotelicae latini adfirmabant, formam esse substantiam; interpretes autem græci, esse accidens materiae, quo factum, vt formam a materia plane veluti peculiarem substantiam distinguerent ac materiae proprium esse pati; formæ autem agere, adfererent, prout quoq; in varias easq; inu-

¹ *physic. auscultat. lib. I. cap. 1.*
² *1. cap. 7.* ³ *ibid. lib. II. cap. 7.*

² *de generat. & corrupt. lib.*

tiles disceptationes ac controuersias de origine formarum sunt deducti, confer JO. BAPTISTAM DU HAMELIVM, ¹ DANIELEM GEORG. MORHOFIVM ² & ROBERTVM BOYLE. ³ at vero Aristoteles per formam intelligat siue substantiam, siue accidens, neutrum erroris vitio caret. quod si enim dicas, formam esse accidens, effectus est substantiæ, non causa, quoniam omne accidens est effectus substantiæ; si vero est effectus, non causa, sequitur quoque, ut non sit principium quoddam rerum naturalium, siquidem principium & causa hac in re eiusdem sunt significationis. nec forma esse potest substantia. nam hac significatione, quidquid agit, est forma, iam vero agit & deus & spiritus & corpus, quæ tria maxime sunt diuersæ substantiæ, quibusue omnibus notio formæ est adtribuenda, ut adeo exinde pateat, quod forma Aristotelis sit abstractum quoddam metaphysicum, vide ANDREAM RVDIGERVM. ⁴ tandem *priuatio* nullum locum habere potest in principiis rerum naturalium, siquidem ipse Aristoteles ⁵ fatetur, *mirabile & ἀδύνατον videri, ex nihilo aliquid fieri.*

§. V. Non ab re erit, doctrinam Aristotelis de *motu* quoque adtingere, antequam ostendamus, quomodo principia physicæ Aristotelicæ coniuncta sint cum atheismo. motum autem ita definit: φαμέν, δὴ τὴν κίνησιν εἶναι ἐντελέχειαν τῆς κινήσεως ἢ κινήσόν, *dicimus ergo, motum esse actum mobilis, quatenus est mobile,* ⁶ quæ de-

¹ de consensu vet. & nov. philosoph. lib. II. cap. 1. 2. ² Polyt. tom. II. lib. II. part. II. c. 1. §. 7. seqq. ³ de origine formarum & qualitatum. ⁴ physic. dimin. lib. 1. cap. 3. sect. I. §. 3. ⁵ physic. lib. I. cap. 8. ⁶ physic. lib. VIII. cap. 1.

finitio ingenio atque amplissima fama Aristotelis plane est indigna. namque si istam accuratius consideramus, illa æque absurda est, ac si dicerem: motum esse motum, prout Aristoteles nec causæ nec modi motus fecit mentionem, quo & factum est, ut modo sex, inodo quatuor, modo tria posuerit motus genera, modo hæc, modo illa. in categoriis enim sex nominat, γένεσιν, φθορὰν, αὐξήσιν, μείωσιν, ἀλλοίωσιν, καὶ τὴν κατὰ τόπον μεταβολήν, id est, *generationem, corruptionem, augmentum, decrementum, alterationem, & loci mutationem*; alibi autem ¹ φθορὰν, ἀλλοίωσιν, φθίσιν καὶ αὐξήσιν, *lotionem, mutationem, corruptionem & augmentationem*; sic & alio loco ² trium tantum facit mentionem φθορᾶς, αὐξήσεως καὶ φθίσεως, *lotionis, augmentationis & corruptionis*; quam distinctionem ita quoque effert, ut dicat ³ aliam esse τὴν τῆ ποσὶ καὶ τὴν τῆ ποιῶ, καὶ τὴν κατὰ τόπον, *quantitatis, aliam qualitatis, aliam loci* motionem, quas diuersas motus species maxime turbatim proposuit, præcipue quod motum loci reliquis motus speciebus sine causâ opposuerit, quoniam sine mutatione loci vel spatii nullus motus fieri nec concipi potest, ut de eo taceamus, quod motum vitæ, & ut dicitur, elasticum reliquerit intactum, confer ANDREAM RVDIGERVM. ⁴

§. VI. Ut autem ostendamus, hæc Aristotelis principia doctrinæ physicæ facile quendam ad atheismi vitium posse deducere, id inprimis putamus & præmonemus, nos mentem nostram cognitione naturæ excolere debere, ut

¹ de anima lib. I. cap. 3. ² physic. lib. IV. c. 4. ³ physic. lib. V. cap. 1. lib. VII. c. 2. ⁴ physic. diuin. lib. I. c. 7. sect. 1.

partim inde consilia de tuenda & conseruanda corporis valetudine capiamus; partim de deo ac rebus diuinis sentiamus recte, quo ipso disciplina physices remedium est aduersus atheismum & superstitionem. hinc & CICERO¹ dicit: *omnium autem rerum natura cognita, leuamur superstitione, liberamur mortis metu, non conturbamur ignoratione rerum, e qua ipsa horribiles existunt saepe formidines: & alio loco: ² nec vero potest quisquam de bonis & malis vere iudicare, nisi omni cognita ratione naturæ & vitæ, etiam deorum & vtrum conueniat, nec ne, natura hominis cum vniuersa: quæque sunt vetera præcepta sapientium, qui iubent tempori parere & sequi deum & se noscere & nihil nimis.* hæc sine physicis quam vim habeant, (& habent maximam) videre nemo potest. atque etiam ad iustitiam colendam, ad tuendas amicitias, & reliquas caritates quid natura valeat, hæc vna cognitio potest tradere. nec vero pietas aduersus deos, nec quanta his gratia debeatur, siue explicatione naturæ intelligi potest. quam cognitionis physicæ vim si Aristoteles cognouisset, eiusmodi sane principia rerum naturæ adhibere debuisset, quæ diuinam operam, quæue summum numen, vel vti auctorem omnium rerum, quas complectitur natura, produnt. sed si tria illa, *materiam, formam & priuationem*, quæ notiones sunt mente & cogitatione separata, admittamus, omnes sane naturæ effectus explicare possumus, vt non opus sit deo, quamcunque etiam sequamur interpretationem.

¹ de finib. bonor. & malor. lib. I, cap. 19.

² de finib. bonor. & malor. lib. III, cap. 22.

primum enim materia, forma & priuatio quum sint abstracta metaphysica, fiunt & producuntur ab intellectu nostro, adeoque rebus ipsis, a quibus notiones hæ separantur, sunt posteriora, quapropter non possunt esse principia a deo ad condendam naturam adhibita. deinde in doctrina de motu causam illius primam putat esse modo deum, modo cælum, modo vero clarius, quid hac in re sentiat, effert, quando dicit: ἔδεν γὰρ παρὰ φύσιν αἰδίων, *nihil enim præter naturam est æternum*,¹ quumque Aristoteles non satis deum & naturam distinxerit, facile quis intelligere potest, quomodo hæc inter se cohæreant, & vnde solemnis Peripateticorum formula: *motus est æternus* suam trahat originem. adhæc si *forma*, quam opponit materiæ, est principium agens, prout materiæ indoles semper fert, vt aliquid patiatur, taleque principium esse potest Deus, spiritus & corpus; Aristoteles sane secundum hanc doctrinam naturæ effectus explanare potest, si modo spiritum, siue sit deus, siue minus, admittat. quo nomine non possumus, quin THOMAE BURNETII² iudicium probemus, quando dicit: *hæc quum ita sint, atque talis fuerit philosophia Aristotelis, satis admirari non possumus orbis christiani stuporem: qui per tot secula hanc disciplinam vni-ce amplexus est: laudibus ad cælum extulit, omnibusque scholis & academiis publice docendam & prelegendam commendauit: immo sanciuit autoritate & in dissentientes ab Aristotele, aut nouam molientes philosophiam tanquam in hæreticos & religionis christiænæ ho-*

¹ de celo lib. II. cap. 3. ² archaeolog. philos. lib. I. c. 13. p. 183.

stes grassabatur. hinc tardi scientiarum progressus: & a tot seculis, quibus invaluit hæc philosophia, nulla inuenta, nulla commoda attulit humanæ vitæ. quot volumina commentariorum magna & inutilia? quot præclara ingenia hoc seruire iugum ferre coacta, in colendo solo infrugifero frustra laborarunt. sterilefcebat orbis christianus, quasi arena conspersus, ubique hæc philosophia disseminata fuit.

§. VII. Posset quis nobis obiicere, Aristotelem tantum corporum naturalium principia tradidisse, ita ut illorum partim materia, partim forma essent considerandæ, ac de industria nullam mentionem dei fecisse, quoniam in illius contemplatione ac cognitione physicus minus versari debeat, quo nomine necessarium esset, ipsius doctrinam de deo ac mundi origine examinare. nec negamus, Aristotelem libris physicis proposuisse doctrinam de corporibus, quamvis ipse sibi non satis constet, ac libris de cœlo corpora cælestia referat ad physicam; metaphysicis vero cælestia physicis opponat; attamen, ut iam superioribus observauimus, debuisset physicam seu doctrinam de corporibus naturæ eiusmodi superstruere principiis, quæ nobis rectam ac facilem viam ad cognitionem dei demonstrassent. de cetero ea, quæ a nobis sunt obseruata, non obscure significant, quo animo quoque sensu mentis de deo fuerit Aristoteles, quæ ut pateant adhuc clariora, in sententias ipsius de deo ac mundi origine inquiramus. fuerunt plurimi ex philosophis, qui mundum ea quoque facie, qua nunc conspicitur, æternum fuisse, aut nul-

R lum

lum habuisse initium, etiam genus humanum semper extitisse contenderent, quos breuiter indicat CENSORINVS: ¹ *sed prior illa, inquit, sententia, qua semper humanum genus fuisse creditur, auctores habet Pythagoram Samium, & Ocellum Lucanum & Archytam Tarentinum, omnesque adeo Pythagoricos. sed & Plato Atheniensis, & Xenocrates & Dicaearchus Messenius itemque antiquae academiae philosophi non aliud videntur opinati. Aristoteles quoque Stagiritis & Theophrastus multique praeterea non ignobiles peripatetici idem scripserunt eiusque rei exempla dicunt, quod negent, omnino posse reperiri, aues ne ante an oua generata sint, cum & ouum sine due & auis sine ouo gigni non possit. & quamuis alii originem generis humani admiserint, materiae tamen aeternitatem statuantes, & in hunc errorem per male intellectum principium illud: *ex nihilo nihil fit*, coniecti, reipsa negarunt creationem, & diuinis operibus, a quibus omnia dependent, eorumque libertati summam intulerunt vim. sic Aristoteles existimauit, mundum esse aeternum, quod ex ipsius monumento de caelo ² patet, ubi de duratione mundi disserit, ac reiicit cum eorum opinionem, qui principium illi sine fine, tum aliorum, qui initium pariter & finem adiungebant, ex quo id consequitur, ut mundum & principii & finis expertem esse putauerit. hinc & LACTANTIUS ³ nam Aristoteles quum non videret, quemadmodum posset tanta rerum magnitudo interire; & hanc praescriptio-*

¹ de die natalit. cap. 4.² lib. I. cap. 10. tom. I. opp. p. 349.³ lib. VII. cap. 1. diuinar. insit.

nem vellet effugere; semper ait fuisse mundum ac semper futurum. cui impiæ sententiæ ex illis, qui Aristotelem sectati sunt, magno studio imprimis quoque sese addixit ANDREAS CAESALPINVS, Aretinus, qui, auctore SAMVELE PARKERO ¹ recentiorum primus & pene postremus fuit, qui quid Aristoteles velit, cepisse visus est: prout & pronuntiat, non longe ab hac impietate abfuisse CLAVDIVM BERIGARDVM ² atque adeo, ait, vno eodemque opere (BERIGARDVS) diuersas cum Epicuræ tum Peripateticæ impietatis rationes adornauit, quamquam Aristotelis disciplinam fusiùs & ardentius excoluit, atque eam potissimum, quam libro physicorum octauo, librisque de cælo & rerum generatione tradidit, quibus vniuersam mundi fabricam sine prouidentia architectricæ extruxisse se putat philosophus.

§. VIII. Equidem fatetur Aristoteles, mundum a deo esse productum, sed ea sententia, quæ impietatis plenissima, nec a sana ac polita intelligendi facultate proficisci potest. omnes philosophorum, quos verus græcia tulit, sectæ in eam ingressæ fuerant opinionem, duo esse æterna, deum & materiam, ita vt deus sit sapientia præditus, materia vero bruta; ille particeps rationis; hæc vero expers; ille principium & causa boni; hæc vero mali; cuiusmodi doctrinæ plane sunt absurdæ, ut mirari satis non possimus, quod nostra ætate PETRVS BAELIVS existimauerit, istas a nemine solide esse confutatas, nec feliciter posse confutari:

¹ de deo & prouident, disp. I. p. 64.

² circul. Pisan.

vide IO. FRANCISCVM BVDDEVVM: ¹ at vero vt rationem voluntas & hanc libertas sequitur, non poterant non hi philosophi libertatem operandi aut deo sibi relicto abiudicare, aut adtribuere materiæ. atqui materiæ inesse necessitatem eamque magnam, non mediocri consensione profitebantur; deo autem tanto minorem libertatem adiungebat quisque, quo arctius istam cum materia coniungeret, aut in materiam immergeret penitus. itaque Plato censuit, mundum ex libero dei cum materia congressu extitisse; quum Aristoteles contra & Stoici crederent, deum vinculo necessario, quod euitari minime potuerit, cum materia fuisse coniunctum, quamuis Aristoteles in eo a Stoicis discreparet, quod ipse mundum sub luna a deo per solam virtutem attingi; Stoici contra per ipsam substantiam quasi fermentari opinarentur, vide IACOBVM THOMASIVM. ² quapropter nonnulli discrimen ponunt inter *formam assistentem* & *informantem*, asseruntque Aristotelem credidisse deum veluti formam assistentem adeoque erroris, quem pestiferum in primis BENEDICTVS SPINOZA in lucem produxit, esse immunem. equidem si fidem habeamus CLEMENTI Alexandrino, ³ Aristoteles deum esse animam mundi existimasse videtur, si quidem, vt verba ipsius latine tantum huc transferamus, ita dicit: *cujus quidem sectæ* (peripateticorum) *qui est pater, nihil de eo patre, qui supremus est, intelligens, putat esse animam vniuersi, hoc est mundi animam deum esse exi-*

¹ thesib. de atheism. & superstie. cap. 1. p. 256. sqq. ² de stoica mundi exustion. dissent. 11. ³ admonit. ad gentes p. 44.

stimans,

stimans, ipse a se ipso confunditur. qui enim usque ad lunam eius definit providentiam, deinde mundum deum esse existimat, evertitur, ut qui eum, qui est dei expers, deum esse arbitretur. hinc & RAYNAVDVS ¹ reprehendit CLEMENTEM: *nec enim, inquit, potest quidquam ex Aristotele proferri, quod errori illi faueat; intelligit autem errorem, quo deum permutarunt in animam mundi proprie dictam & informantem.* sed IACOBVS THOMASIVS ² observat, quod nec Raynaudus Clementem, nec Clemens Aristotelem satis intellexisse videantur. quamvis enim Clemens iure ac merito reprehendere posset Aristotelem, quod contraria sibi & repugnantia dixerit, si toti mundo deum præficeret, veluti animam mundi; providentiam autem ipsius solo cælo terminauerit; nunquam tamen probari potest, quod Aristoteles affirmaverit, deum toti mundo præsidere. quumue Clemens mentionem tantum faciat animæ cuiusdam mundi, nec num sit anima *assistens*, an *informans* definiat, minus causam percipimus, cur Raynaudus ipsum adfecerit censura. equidem proferuntur loca quædam, ex quibus pateat, Aristotelem credidisse animam mundi uniuersam, eamque *informantem*, quando dicat ³ λέγεται δὲ καὶ ἑτέρως πνεῦμα, ἢ τε ἐν φυτοῖς καὶ ζώοις, καὶ διὰ πάντων διήκοντα, ἐμψυχός τε καὶ γονιμὸς ἔσθια, quum alioqui spiritus adpelletur substantia animata & genitilis in stirpibus atque in animantibus existens

¹ theol. natur. dist. 6. q. 1. n. 3. p. 362. ² de Stoica mundi exustion. dissert. XIII. §. 141. sqq. ³ de mundo cap. 4. p. 468. tom. 1. opp.

per omniaque pertinens; item ¹ γῆν τε πᾶσαν καὶ θάλασσαν, αἰθέρα τε, καὶ ἥλιον καὶ σελήνην, καὶ τὸν ὅλον ἕρπονδ' διεκόσμησε μία διὰ πάντων διήκυσσα δύναμις, *terram etiam omnem, omne mare, aethera, solem, lunam & postremo totum cælum* vis vna per omnia pertinens, *certo ordine descripsit*; sic & laudet hæc carmina Orphica: ²

ζεὺς πνοὴ πάντων, ζεὺς ἀκαμάτης πυρὸς
ὄρεσιν,

ζεὺς πόντος ῥίζα, ζεὺς ἥλιος, ἡδὲ σελήνη,
id est, *iupiter est spiritus omnium, iupiter indefatigabilis ignis impetus est, iupiter est radix maris, iupiter est sol & luna.* non negamus, quod verba hæc multam speciem illius erroris præ se habeant. quo deum & naturam confundere instituerunt multi; sed auctoritas libri illius, unde ista sunt deprompta, non satis valida est, nec firmis argumentis Aristoteli, uti auctori potest adtribui, id quod infra verbosius demonstrare, animum induximus. sic Aristoteles cum a Platone, tum a Stoicis hac in re discrepat. Plato enim, deum libertate frui, censuit, quam summo numini & Aristoteles & Stoici abiudicarunt, existimantes, id per necessitatem adductum egisse omnia. Quod autem ad animam mundi adtinet speciatim, Plato illam esse, quidem credidit, sed plane alia sententia, quam istam tradiderunt Stoici, siquidem Plato tres deos, *deum summum, mentem & animam*, esse adfirmavit, ac per *deum* intellexit ipsum summum numen; per *mentem* mundum, quem intellectus tantum percipit & per *animam* spiritum huius uniuersi, quam opinionem Platonis fuisse, clarissime

¹ *ibid.* cap. 5. p. 470. tom. I. opp. ² *ib.* cap. 7. p. 475.

demonstrat IACOBUS THOMASIVS. ¹ quum igitur ex sententia Platonis anima, tertius deus a summo numine fuerit distincta & separata, plane a Stoicorum placitis abhorret, quippe qui asseruerunt, ipsum deum animæ mundi officio defungi, ita ut arctissimo vinculo cum materia sit coniunctus. ab horum sententiis cum Platonis, tum Stoicorum in ea recedit Aristoteles, quod deum non vniuerso mundo, sed tantum supremo cœlo præsidere crediderit, nec cum Stoicis ipsum pro forma *informante*; sed *assistente* habuerit: confer SEBASTIANVM FOXIVM ² FRANCISCVM PATRICIVM ³ IO. FRANCISCVM BVDDERVVM ⁴ ADAMVM RECHENBERGIVM. ⁵

§. VIII. Sic Aristoteles persuasit sibi, deum cœlo supremo præsidere, seu esse motorem primum, præter quem alias adhuc intelligentias, materiæ expertes, æternas & inferiorum sphaerarum motibus præfectas credidit. ⁶ per quas plerique intelligunt dæmones, qui media inter diuinam atque humanam mentem prædicti essent natura, quod HERMANNVS quidem CONRINGIVS ⁷ negat, confer THOMAM STANLEIVM. ⁸ deo igitur seu primo motori cura est ex sententia Aristotelis primi mobilis, quod veteribus est orbis stellarum fixarum, seu octaua sphaera, ita vt deus, quamuis moueat, ipse tamen maneat immobilis. hinc dicit Aristoteles: ⁹ ἡ μὲν γὰρ ἀρχὴ

¹ de Stoicæ mundi exustione dissert. XIII. §. 23 sqq. ² de Platon. & Aristotelis consensione lib. II. cap. 2. ³ Aristot. exoteri. n. 26. ⁴ analekt. hist. phil. p. 333. ⁵ dissert. de anima mundi cap. I. §. 6. 7. ⁶ metaphysic. lib. XII. cap. 8. ⁷ Conringian. p. 117. ⁸ philos. hist. part. V. cap. 8. p. 490. sq. ⁹ metaphys. lib. XII. cap. 8. tom. II. opp. p. 743.

καὶ τὸ πρῶτον τῶν ὄντων, ἀκίνητον καὶ καθ' αὐτὸ, καὶ
κατὰ συμβεβηκός. κινῶν δὲ τὴν πρώτην καὶ αἰδίον,
καὶ μίαν κίνησιν. ἐπεὶ δὲ τὸ κινούμενον ἀνάγκη ὑπό
τινος κινεῖσθαι, καὶ τὸ πρῶτον κινῶν ἀκίνητον εἶναι
καθ' αὐτὸ, καὶ τὴν αἰδίον κίνησιν ὑπὸ αἰδίου κινεῖσθαι,
καὶ τὴν μίαν ὑφ' ἑνός, *principium enim ac pri-
mum entium tum per se tum per accidens im-
mobile est: mouens autem primo, sempiterno
ἔσ' vno motu. quum vero quod mouetur, ne-
cesse sit ab aliquo moueri, primumque mouens
immobile per se esse ac motum æternum ab
æterno moueri ἔσ' vnum ab vno. modum au-
tem, quo summum numen ipsum inmotum
omnia alia possit mouere, explanat ea ratione,
qua res vel intellectum ad cognitionem, vel
voluntatem ad cupiditatem excitare ac moue-
re queat, ita vt quamuis in intellectu ac volun-
tate fiat motus, ipsa tamen res maneat immobi-
lis. sic deus quum habeat sui ipsius cogniti-
onem, quod sibi insint omnia præstantissima, in
quibus partim intelligendi, partim appetendi
facultas versari possit, sempiterna sui ipsius
contemplatione penitus occupetur, ita vt ni-
hil aliud ipse fuerit, quam sui ipsius contem-
platio. ¹ post primum hunc immobilem
motorem alias quasdam substantias seu intelli-
gentias esse voluit, quæ ab ipso motæ inferio-
rum orbium motibus præessent, siquidem di-
cit: ² ὁρῶμεν δὲ παρὰ τὴν 1ῃ παντὸς τὴν ἀπλὴν
φορὰν, ἣν κινεῖν φαμέν τὴν πρώτην ἑστίαν, καὶ ἀκί-
νητον, ἄλλας φορὰς ἑσας τὰς τῶν πλανήτων αἰδέας.
ἀνάγκη, καὶ 1ῆτων ἐκάστην τῶν φορῶν ὑπ' ἀκινήτης
τε κινεῖσθαι καθ' αὐτὸ καὶ αἰδίου ἑστίας, videmus*

¹ metaphysic. lib. XII. cap. 7. tom. II. opp. p. 742. ἔσ' cap. 9. p.
744. ² ibid. cap. 8. p. 743.

vero præter simplicem lationem totius, quam dicimus primam substantiam & immobilem mouere, & ceteras etiam lationes, quæ errantium sunt, sempiternas esse. necesse est, harum quoque lationum unamquamque a per se immobili & æterna substantia moueri. ita intelligentiæ orbium, in quibus planetæ septem voluuntur, præfides, per summi numinis admirationem atque adfectum incitatæ orbes necessario mouerunt, adeo vt sine quadam numinis opera & prouidentia cælestium cursus fuerint constituti, quorum vi & opere inferior omnis natura per necessitatem quamdam mechanicam nascatur & gubernetur. etenim quam intelligentiæ orbes suos necessario sine quodam consilio mouerint, factum sit, vt omnis quoque materiæ moles variis agitata fuerit motibus, ex quibus diuersitas formarum præ diuersa materiæ natura suam habuerit originem, ita vt si quid vtile, quid pulcrum, quid admirabile in rerum natura intueamur, id omne non diuinæ artis, non prouidentia opus esse, sed solius necessitatis ex ipsis rerum qualitatibus ortæ euentum dicere & habere debeamus, confer SAMVELEM PARKERVM ¹ MICHAELEM MOVRGES. ²

§. X. Endeum Aristotelicum! bene de mente Aristotelis iudicauit beatus noster LUTHERVS apud VITVM LVDOVICVM SECKENDORFIVM. ³ *Aristoteles in eam fere delabitur sententiam, vt etsi deum non adpellet stultum, tamen ignarum rerum omnium*

¹ de deo & prouidentia disp. 4. sect. 6. p. 371. ² dans le plan théologique du Pythagorisme tom. 1. epist. 2. p. 75. seqq. ³ histor. Lutheranismi lib. 111. § 81. n. 17. p. 304.

statuat, qui nihil negotiorum nostrorum intelligat, & videat, nihil consideret præter se ipsum & tantum consideret in speculatione sui ipsius. hoc autem etsi non est stultitiam tribuere, tamen certe est adimere scientiam & constituere ignarum rerum humanarum; recteque addit: sed quid ad nos talis deus aut quis eius est usus? quibus verbis nihil sane verius nec pulcrius dici potuisset. etenim nullum alium deum animo menteque nobis concipere possumus, quam qui sit principium primum, prima causa omnium rerum, quas complectitur natura, adeoque omnibus præditus perfectionibus. qui deus absoluta fruatur libertate, cuius vi liberum quoque cepit consilium, mundum in tempore condendi, quem & ex nihilo produxit, & ubique singularis potentia, sapientia, benignitatis dedit documenta. cuiusmodi veritas adeo est perspicua, ut istam quisque, qui sanæ rationis particeps, comprehendere debeat, atque omnino sit mirandum, fuisse ex philosophis præcipue Aristotelem a tam clara cognitione alienum. namque quum dicit, materiam cum deo esse æternam, mundum nec principium nec finem habere, deum per modum *formæ assistentis* cum eo necessario vinculo esse coniunctum, cælo tantum supremo præsidere, nullam rerum nostrarum curam tenere, contemplatione sui ipsius totum occupari, quæque sint inferioris naturæ, fieri per necessitatem quamdam mechanicam, omnia plane turbat, & vim & naturam dei tollit penitus. ecquis dubitaret, hanc Aristotelis doctrinam non modo esse absurdam, sed & impiam? nam æternitatem materiae

riæ asserere, ipsique deum quemdam pariter æternum adiungere, idem est, ac si quis contraria sibi ac repugnantia adfirmare, atque hoc ipso verum rationis vsum perturbare vellet. quod si enim materia æterna est, aut est a se ipsa, aut a deo quodam: si est caussa sui ipsius, sane non potest esse materia, omni se mouendi facultate destituta, quid? quod necesse est, adfirmare materiam esse deum; duplicem autem deum credere, æque esset absurdum, quoniam deus si ex omni parte perfectus est, ut esse debet, non potest esse nisi vnus, ut in eo sint omnia. at vero si materia a potestate ac virtute dei profecta, est omnino effectus adeoque sua caussa posterior, id quod omnem remouet æternitatem. ex quibus patet, quod homo quoque, qui tantum luce ac lumine rationis vitur, adfirmare necesse habeat, deum ex nihilo produxisse materiam primam, id quod quanto clarius est, tanto in maiorem deducimur admirationem, quod veteres philosophi mirifica consensione, Plato, Aristoteles, Stoici, Epicurus de æternitate materiæ male existimauerint, fuerunt quoque, qui quamuis Aristotelem magno consecrati sint studio, hanc tamen doctrinam de æternitate mundi minus probarunt, sed impugnarunt, saltem eam reiecisse videri voluerunt, ut BERNHARDINVS TELESIUS¹ NICOLAVS TAVRELLVS² alique. de cetero Plato de modo & ratione, quæ ex rudi ista eaque æterna mole mundus hic prodierit, verius sensit, quam Aristoteles &

¹ de rerum natura lib. 1. cap. 9. 10. ² de rerum æternitate.

Stoici & Epicurus. nam iuxta Platonis placita mundus ex libero dei cum materia congressu extitit, quum Aristoteles contra & Stoici illum siue congressum siue nexum, quive a deo minus potuisset euitari, crederent, & Epicurus ex fortuita atomorum concursione mundos plurimos ortos adfirmaret. Verum hæc Aristotelis sententia de deo non solum sanæ rationi est aduersa, sed & multum illi inest impietatis. equidem ex ista probare ac colligere, quod ipse Aristoteles fuerit atheus sua mente suoque animo, minus instituo; sed talem doctrinam eum atheismo maxime esse coniunctam, & quemdam facile in tam pestiferum errorem conicere posse, contendo. hac enim ratione omnes naturæ effectus explanari possunt, ut nobis non opus sit deo, adeoque quilibet atheus huius modi doctrinam de deo ac mundi origine admittere queat. quod & haud difficulter concedet nobis JO. ALBERTVS FABRICIUS¹ qui hac de re hoc idque moderatum tulit iudicium: *mihi quidem non videtur temere inter atheos reiiciendus esse Aristoteles, etsi mundum æternum a deo naturaliter emanasse sensit, & multos docuit graves & maximos errores, quorum vim si omnem penetrasset, vel consecutiones vniuersas fuisset amplexus, in αθεότητα forte potuisset incidere, vel saltem perinde omni se exsoluere religione, ut Epicurus fecit. neque disputo, quali ipse fuerit animo erga deum, vel num omnem eius conscientiam amoremque mente eliminauerit, in cuius operibus contemplandis per omnem fere*

¹ bibl. græca lib. III. cap. 6. p. 177.

vitam tam assidue fuit versatus. hoc sultim affirmo, ex scriptis Aristotelis, qualia hodie exstant, hoc neutiquam constare, nec posse firmiter concludi, Aristotelem fuisse atheum, neque adeo Hippocratem ex scriptis Hippocratis, quod conatus nuper est demonstrare vir acuti & acris ingenii. nam quod non plura de deo dixerit vterque, ferendum in philosophis, qui rationes proximas rerum naturalium exponere volebant, non ad causam primam, quam præponebant, tanquam ad aram semper confugere.

§. XI. Exposuimus itaque Aristotelis sententiam de deo. equidem observare adhuc possemus, quod dixerit, deum esse ζῶν αἰδίων *animal æternum*; ¹ alio autem loco ² asseruerit, animal constare ἐκ ψυχῆς καὶ σώματος, *ex anima & corpore*: item ³ ὥσπερ ὁ ὀφθαλμὸς ἢ κόρη καὶ ἡ ὄψις, κακεῖ ἡ ψυχὴ καὶ τὸ σῶμα τὸ ζῶν, *ut pupilla visusque oculus est: sic anima & corpus est animal*; sed de industria hæc silentio dimittamus. nam Aristoteles a cultoribus suis per hoc excusari, quin etiam defendi potest, quod vox ζῶν significet viventem substantiam generatim, speciatim autem, si de deo adhibeatur, ipsius αὐτοζωὴν, prout quoque addat: ὥστε ζωὴ καὶ αἰὼν συνεχὴς καὶ αἰδὶος ὑπάρχει τῷ θεῷ. τῷτο γὰρ ὁ θεός. *quare vita & æuum continuum & æternum deo inest. hoc enim deus est.*

§. XII. Videamus nunc de illorum opinione, qui eximiam dei notitiam in Aristotele prædicant, & hanc in rem multa testimonia,

¹ metaph. lib. XII. cap. 7. p. 742. tom. II. opp. ² de republ. lib. I. cap. 5. p. 225 tom. II. opp. ³ de anima lib. II. cap. 1. tom. I. opp. 487.

quæ superioribus attigimus, adferunt. Si loca illa intueamur nude, possent facile nos ad adsensum mouere; sed quum ipsa doctrinæ Aristotelicæ principia reuocamus ad animum, rum demum manifeste obseruatur, illis nullam inesse dignitatem. profiteretur quidem Aristoteles, deum esse vnum, nullis circumscriptum limitibus, omnis materiæ expertem, immortali natura præditum, absoluta sapientia, benignitate, iustitia, potentia conspicuum. at qui deum vnum atque æternum pronunciare potuit, quum materiam ab omni æternitate extitisse crediderit? & quæ sapientia, quæ potentia quæue alia virtus apud deum esse potest, qui impulsus per necessitatem cum materia coniunctus, supremum tantum cælum moueat, regat, gubernet? mortalis sane, qui solo lumine rationis humanæ illustratus, tales proprietates dei minus habet cognitæ, nisi ex operibus ipsius magnificis atque præclaris, quum ipsum mundum, eius membra, cælum, huiusque insignia solem, lunam stellasque; terras, maria ac omnis generis animalia vidisset, quumque temporum maturitates, mutationes, vicissitudinesque cognouisset, collegerit, aliquam excellentem esse ac præstantissimam naturam, quæ hæc omnia per potentiam ac sapientiam summa libertate prædita fecerit, etiam adhuc pro incredibili benignitate conferuet. adhæc Aristoteles sæpe tradit non apta inter se & cohærentia, sed sibi ipsis repugnantia & contraria: hinc CICERO: *Aristoteles quoque in tertio de philosophia libro multa turbat, a magistro Platone non dissen-*

1 de N. D. lib. I. cap. 13.

tiens:

tiens: modo enim menti tribuit omnem diuinitatem: modo mundum ipsum deum dicit esse: modo quendam alium præficit mundo eique eas partes tribuit, vt replicatione quadam mundi motum regat, atque tueatur: tum celi ardorem deum dicit esse, non intelligens, cælum mundi esse partem, quem alio loco ipse designauit deum; & LACTANTIVS: ¹ Aristoteles quamuis secum ipse dissideat ac repugnantia sibi & dicat & sentiat. quapropter non est mirum, quod Aristoteles interdum bene & præclare existimet de deo, interdum vero omnem vim ac naturam diuinam tollat. ac quamuis facile ex hisce conclusio effici possit, quod in tanta dissensione ac varietate, in qua Aristoteles de deo differens constitutus est, nihil firmi neque de pietate, neque impietate ipsius sit dicendum, adeoque nostra disputatio suo careat fructu; hæc tamen, licet speciosa videantur, debiliora omnino sunt, quam vt nos de iam proposita sententia dimoueant. verum est, Aristotelem dicere sibi contraria; sed quod integram doctrinam de deo atque origine mundi ita struxerit, vt etiam principia illius sibi sint repugnantia, nec lectores habeant facultatem, veras ac genuinas ipsius sententias cognoscendi, plane negamus. quo nomine si rem ipsam intueamur accuratius, obseruabimus, quod Aristoteles conclusiones sibi contrarias traderit, & quamuis vi principiorum haberet necesse, aperte omnem in deo suo negare diuinitatem, istum tamen æternum, infinitum, sapientem, benignum esse affirmauerit, vt artem, impiam doctrinam quadam ratione occultan-

¹ *inst. diuin. lib. 1. cap. 5.*

di, exerceret. quod si enim nuda Aristotelis effata de proprietatibus dei ponamus, nulla habitaratione ipsius complexus doctrinarum, qualia ista sint, non facile possunt indicari. & si quis ex hisce colligere velit, philosophum hunc de deo existimasse bene, eodem sane iure etiam BENEDICTVM SPINOZAM prædicare adeoque absolvere atheismi possumus.

§. XIII. Adhæc obseruamus, quod multa testimonia, quæ superioribus in verum Aristotelis de deo sensum prolata sint, lubrica fide atque auctoritate nitantur, quod ex libro *de mundo* sint petita. namque de ipsius auctore in vtramque partem disputatur. alii negant, Aristotelem opus hoc perfecisse, vt MURETVS, ¹ SALMASIVS, ² DANIEL HEINSIVS, ³ MENAGIVS, ⁴ VOSSIVS, ⁵ IACOBVS THOMASIVS. ⁶ alii autem ipsum exclusisse fetum hunc adfirmant, iique recentiori ætate, ingenio atque eruditione clarissimi viri, PETRVS PETITVS, ⁷ ELMENHORSTIVS, ⁸ FORTVNIVS LICETVS, ⁹ IO. ALBERTVS FABRICIVS ¹⁰ & qui commentariis notisque librum hunc illustrarunt OLAVS WORMIVS, IO. LANGIVS, BONAV. VVLCANIVS. nos fatemur ingenue, priorum auctorum, qui monimentum hoc Aristoteli abiudicant, argumenta nobis videri grauiora, ut non possimus, quin illorum sententiæ faueamus. siue enim ipsas doctrinas, quæ ibi tradun-

¹ var. lectio. 11, 18. ² ad Solin p. 1247. ³ peculiar. disertat. quæ adiunct. oration. p. 471. ⁴ ad Diog. Laërt. tom. I. p. 203. 323. ⁵ de scient. mathem. p. 272. ⁶ de Stoica mundi exustione diff. XIII. §. 152. ⁷ obseru. 11. 19. ⁸ not. ad Apuleium de mundo. ⁹ allegor. Peripatetic. ¹⁰ bibl. græca lib. III. cap. 6. §. 13.

tur, siue scribendi genus respiciamus, deprehendimus omnino, quæcum Aristotele eiusdemque ingenio minus conueniunt. quod ad res ipsas adtinet, magnam obseruabimus diuersitatem sententiarum, si librum hunc cum genuinis Aristotelis monumentis contendamus. *primum* compertum est, Aristotelem cæli æternitatem tueri atque asserere, mundum exitisse ab æterno; hic autem dicit auctor, ipsum mundum διακόσμησιν ὑπὸ Θεῶ καὶ διὰ Θεὸν φυλαττομένην, ornata[m] ordinationem dei munere, dei recta custodia esse; & paullo post clarius: ὡς ἐκ Θεῶ τὰ πάντα καὶ διὰ Θεῶ συνέστηκε, omnia ex deo consistere & per deum. ¹ *secundo* Aristoteles intelligentias cælo affixas credidit; heic autem duæ causæ & utraque in vno deo ponuntur, quarum altera ποιητικὴ seu διακοσμητικὴ, quæ & formauit orbem; altera συνεκτικὴ siue φυλακτικὴ, quæ hunc conseruat & regit. *tertio* satis est manifestum, Aristotelem ad lunam tantum vsque diuinam prouidentiam sese mouere, existimasse; heic autem hæc legimus: σεμνότερον δὲ καὶ προεπώδεζον, αὐτὸν μὲν ἐπὶ τῆς ἀνωτάτω χώρας ἰδρύσθαι, τὴν δὲ δύναμιν διὰ τῆς σύμπαντος κόσμου διήκυσσαν ἥλιον τε κινεῖν καὶ σελήνην, καὶ τὸν πάντα ἕρπον περιάγειν, αἴτιον τε γίνεσθαι τοῖς ἐπὶ τῆς γῆς σωτηρίας, quare *augustinus* id decentiusque existimandum est, deum summo in loco ita esse collocatum, numinis vt tamen eius vis per vniuersum mundum pertinens, tum solem lunamque moueat, tum cælum omne circumagat, simulque causam præbeat eorum, quæ in terra sunt, salutis atque incolumitatis. ² *quarto* auctor libri huius descripsit Britanniam

& Hiberniam. ¹ quæ Alexandri tamen tempore ignotæ fuerunt, quod TACITVS ² confirmat, *hanc oram*, inquit, *nouissimi maris tunc primum romana classis circumuecta, insulam esse Britanniam adfirmavit*; & DIO CASSIVS ³ πρώτοις καὶ ἑλλήνων καὶ Ῥωμαίων ἔδ' ὅτι ἐστίν, ἐγγνώσκειτο· τοῖς δὲ ἔπειτα ἐς ἀμφισβήτησιν, ἢ τε ἤπειρος, ἢ τε καὶ νῆσος ἦν. ἀφίκετο, *primis græcorum romanorumque, ne esse quidem eam, compertum fuit; posteriores in controuersiam adduxerunt, continensue ea terra, an vero insula esset.* huc quoque accedit, quod auctor tradit de nobilissima insula *Taprobane*, ⁴ quam Alexander rex detexisse dicitur. si igitur hæc scripsit ante ipsius expeditionem, sane situm illius minime scire potuit; sin in ipsa expeditione, plane absurdum fuisset, hoc Alexandro exponere, qui ista maxime cognita habuit aut primus, aut solus. nec tractandi ratio & scripturæ genus cum ingenio Aristotelis conueniunt, vt pluribus demonstrat DANIEL HEINSIVS. ⁵ equidem alii, qui scriptum hoc inter γνήσια philosophi huius monimenta referunt, variis ex vetusta ætate testimoniis muniunt sese, quæ iam credidit, id ab Aristotele esse profectum. primum prouocant ad STOBÆVM, ⁶ apud quem ex longiore illa epistola Aristotelis ad Alexandrum περὶ τῆ παντὸς fragmenta existent, quæ omnia ad verbum leguntur in libro hoc de *mundo*; sed ex his nondum perspicuum esse putamus, monumentum hoc vere esse Aristotelis. nam quamuis epistolam hanc περὶ τῆ παντὸς Aristoteles ad Alexandrum con-

¹ cap. 3. ² vit. Agricola cap. 10. ³ lib. XXXIX. pag. 114.
⁴ ibid. ⁵ cit. loc. ⁶ eclog. p. 7. 14. 70. seqq.

scripserit, quamuis etiam illius fragmenta deprehendamus apud STOBÆVM, quæ extent libro de mundo; verus tamen scripti huius auctor hanc Aristotelis epistolam in vsum suum transferre potuit. nec firmum argumentum est, quod opus hoc de mundo inscriptum sit Alexandro, quoniam magna probabilitate adfirmare possumus, nomen hoc aut sine causa esse additum, quod & in nonnullis exemplis hodieque omittitur; aut ideo fuisse adiectum ab auctore, vt facilius sub Aristotelis nomine admitteretur. deinde adferunt testimonium IUSTINI martyris, ¹ qui dicit: *Ἀριστοτέλης δὲ ἐν τῷ πρὸς Ἀλέξανδρον τὸν Μακεδόνα λόγῳ σύντομόν τινα τῆ ἐαυτοῦ φιλοσοφίας ἐκτιθέμενος ὅραν, σαφῶς καὶ φανερῶς τὴν Πλάτωνος ἀναιρεῖ δόξαν, ὅτι ἐν τῇ πυρῶδι ἔσσι τὸν Θεὸν εἶναι λέγων, ἀλλὰ πέμπτον αἰδέριόν τι καὶ ἀμετάβλητον ἀναπλάττιον σῶμα, ἐν τῷ αὐτὸν εἶναι φησι.* *Aristoteles autem in eo, quem ad Alexandrum Macedonem scripsit libro, breuem quandam philosophiæ suæ delineationem proponit: ubi manifeste quoque ac perspicue Platonis tollit sententiam. neque enim in ignea substantia vult esse deum, sed vero quintum aliquod æthereum atque immutabile constituit corpus, in quo eum ponit.* adfirmat igitur primum IUSTINVS, libro hoc Aristotelem philosophiæ summam tradidisse breuiter. Sed tantum abest, vt id scripto huic sit consentaneum, vt ne inscriptio quidem admittat. nihil enim de disciplina, quæ rationem ac voluntatem in functionibus ipsorum dirigit, attingit, quæue de rebus naturalibus disputat, penitus sunt imperfecta. nec in ope-

¹ adhortat, ad gentes p. 6.

re hoc manifeste tollitur sententia Platonis, ut existimat. IUSTINVS *martyr*, siquidem capite quidem secundo quinta essentia ponitur; sed sine vlla Platonis reprehensione. tertius testis esse debet APVLEIVS, qui præfatione libri sui de mundo dicat: *quare nos Aristotelem, prudentissimum & doctissimum philosophorum, & Theophrastum auctorem secuti, quantum possumus cogitatione contingere, dicemus de omni hoc caelesti ratione, naturas & officia complexi, & cur & quemadmodum moueantur, explicabimus.* quum igitur APVLEIVS librum græcum de mundo ad verbum prope modum in latinam linguam transtulerit, ipseque, quem secutus sit ducem, commemoraue-rit, ex hisce consequi putant, Aristotelem esse auctorem græci operis de mundo. sed tamen APVLEIVS profitetur, sequi se Aristotelem & Theophrastum, quapropter eodem iure concludere ex hoc possumus, quod Theophrastus conscripserit librum de mundo. verum neque Aristotelem neque Theophrastum illius esse auctores, aperte significant verba APVLEII, quod tantum interpretes fuerit, atque Aristotelem & Theophrastum, non se, sed auctorem secutum esse dixerit, nisi eundem, qui sequitur & quem sequitur, dicamus.

CAPITIS III.
DE
ATHEISMO ARISTO-
TELIS THEORETICO.

SECTIO II.
DE
OPINIONE ARISTOTELIS
AD PROVIDENTIAM DEI
SPECTANTE.

Σ Τ Ν Ο Ψ Ι Σ.

Dicendorum nexus cum superiori argumento § I. veterum philosophorum sententiæ de providentia diuina § II. loca afferuntur, ex quibus multi probare contendunt verum Aristotelis sensum de dei providentia §. III. contrarium demonstratur §. IIII. respondetur ad illa loca §. V. VI. VII. fit conclusio de hac doctrina cum atheismo coniuncta §. VIII. causæ, cur negetur providentia dei §. VIIII.

§. I. Qui deum esse profitetur, & providentiam simul esse concedit. nam quum notio dei complectatur quoque notionem sapientiæ, potentiæ & benignitatis, ita ut summum numen non solum possit, sed & velit providam omnium rerum curam tenere; nemo sane deum esse, providentiam tamen nullam, dicere potest. quapropter LACTANTIUS¹ dicit: *etenim si est deus, utique providens est, ut deus; nec aliter ei potest diuinitas attribui, nisi & præterita teneat & præsentia sciat, & futura prospiciat. quum igitur providentiam*

¹ de ira dei cap. 9.

sustulit (Epicurus) etiam deum negavit esse. quum deum esse professus est, & providentiam simul esse concessit: confer JO. FRANCISCVM BVDDEVM. ¹

§. II. Ex vero igitur sensu de deo vera quoque ipsius providentiæ cognitio gignitur, prout illos, qui aut omnem diuinam mentem negant, aut eiusmodi deum credunt, apud quem nihil est diuinitatis, error quoque tenet & miserabilis ignoratio providentiæ summi numinis. id quod exemplis philosophorum ex ætate vetusta possumus illustrare, quorum quisque ut sensit de dei indole & natura; ita quoque de ipsius provida rerum omnium mente existimavit. PLATO maximam deo libertatem adtribuit, ac credidit, mundum ex libero dei congressu cum materia extitisse, quo factum est, ut mundum ab æterno fuisse negare posset, sicque omnium, quos vetus græcia tulit, principum philosophorum sapientissimus iudicaret de deo. quapropter etiam mundum providentia ipsius regi atque administrari, est professus, ac primus nominavit in philosophia τὴν τῷ Θεῷ πρόνοιαν, *dei providentiam*, teste DIOGENE LAERTIO. ² præcipue autem opere de legibus ³ copiose de momento hoc disputat & probare contendit, deos dari, illos omnibus providere, ac tandem pro meritorum ratione decernere hominibus aut supplicia aut præmia. apud STOICOS deus erat mens mundi & quidem non *assistens*, sed *informans formam*, quippe qui cum materia connexus esset vinculo arctissimo ac necessario,

¹ thesib. de atheism. & superst. cap. VII. §. 1. ² lib. III. *legum*, 24. ³ lib. X.

quam

quam ob rem necesse erat, omnem tollere prouidentiam. equidem affirmabant, mundum regi & gubernari prouido dei animo; sed hac ratione contraria sibi docebant, quum putarent, deum esse animam mundi, & nihilo minus ipsi adtribuerent prouidentiam. quod bene obseruauit LACTANTIUS ¹ *interdum sic confundunt, ut sit deus ipse mens mundi & mundus sit corpus dei: quasi vero simul esse ceperint mundus & deus, ac non mundum fecerit: & paucis interiectis: ubi est ergo illud, quod iidem ipsi aiunt; & factum esse diuina prouidentia & regi? si enim fecit mundum, fuit ergo sine mundo. si regit, non utique sicut mens corpus regit; sed tanquam dominus domum, nauim gubernator, auriga currum. nec illorum doctrina de fato vllam admittit prouidentiam dei. omnia enim fato subiecerunt, quamuis ipsimet, quid fatum sit, non satis intellexerint, ut malignitatem fati Stoici solide demonstraui IACOBUS THOMASIVS; ² at vero si deus est pars mundi, quomodo a legibus fati potest esse solutus? si igitur deus vinculo fati adstrictus, omniaque per fatum sunt necessitate ineuitabili, omni plane libertate destituitur deus omnisque ipsius remouetur prouidentia. obseruamus quidem, Stoicos interdum fatum a prouidentia diuina discernere: hinc M. AVRELIVS ANTONINVS ³ dicit: *omnia sunt aut ἀνάγκη εἰμαρμένη, ἀπαράβατος τάξις, necessitas fatalis, atque ordo ineuitabilis; aut πρόνοια ἰάσιμος, prouidentia placabilis; aut Φυεμὸς εἰκαιότης καὶ**

¹ institut. diuin. lib. VII. cap. 3. ² de Stoica mundi exuss. diff. XIII. p. 166. ³ lib. XVI. §. 12.

ἀπεροσάτῃλος, confusio inanis & nullum habens rectorem. sed nondum clarum est, quod hic imperator providentiam a fato distinctam, ex sua aut Stoicorum, non aliorum philosophorum mente posuerit. finge vero, quod tamen non apertum est, differere illum secundum principia atque doctrinas Stoicorum, constat, tradidisse hos philosophiæ magistros non apta inter se & cohærentia, sed contraria sibi & repugnantia. ita ut verbis professi sint providentiam dei, quam re ipsa vero negauerint. plane impia & a doctrina religionis christianæ aliena est sententia IUSTI LIPSII,¹ quod ex providentia fatum sequatur, vel potius fatum sit ipsa providentia, nec per illud summi numinis libertas tollatur. EPICURVS credidit, mundum ex fortuita atomorum concursione factum esse; deos in intermundiis positos vitam agere beatam, qua diuinæ naturæ nihil sit conuenientius nec vitæ beatæ quidquam magis aduersum, quam curis & rerum aliarum administratione turbari. propter quas sententias necesse habebat, omnem negare diuinam providentiam, ita ut deus nihil agat, nullis occupationibus sit implicatus: nulla opera efficiat: sua sapientia, sua virtute gaudeat. hinc SENECA ex mente Epicuri: *itaque non dat deus beneficia, sed securus & negligens nostri, auersus a mundo aliud agit, aut (quæ maxima Epicuro felicitas videtur) nihil agit, nec magis illum beneficia, quam iniuriæ tangunt*² & alio loco³ *tu denique, Epicure, deum inermem facis. omnia illi tela, omnem detraxi-*

¹ *physiolog. Stoica lib. I. diff. XI.*² *de benefic. lib. II. c. 4.*³ *ibid. cap. 19.*

sti potentiam, & ne cuiquam metuendus esset, proiecisti illum extra mundum. hunc igitur in septum ingenti quodam & inexplicabili muro, diuisumque a contactu & a conspectu mortalium, non habes, quare verearis, nulla illi tribuendi, nec nocendi materiam est. in medio interuallo huius & alterius celi desertus, sine animali, sine homine, sine re ruinas mundorum, supra se circaque se cadentium euitat, non exaudiens vota, nec nostri curiosus: adde DIOGENEM LAERTIVM ¹ PETRVM GASSENDVM. ² *aliam quidem sententiam amplexus est IACOBVS RONDELLVS* ³ *qui existimat, Epicurum non plane negasse prouidentiam dei, sed tantum ea fuisse opinionem, quod deus nullam curam eorum effectuum, quibus producendis vires naturæ inditæ sufficiant, teneat; sed num hac ratione bonus causarum Epicuri patronus sit, nec ne? alii iudicent. satis superque apertum esse existimarem, philosophum hunc etiam ab humanis rebus remouisse prouidentiam, quoniam beatæ vitæ, qua deus fruatur, nec curas, nec iram, nec gratiam, quæ omnia in mortales tantum rationis participes cadunt, conuenire putauit.*

§. III. Quod ad Aristotelem adtinet, pii ipsius cultores penitus sibi persuadent, vere illum hac in re sensisse ac mundum vi prouidentiae diuinæ regi, gubernari, conseruari, adfirmasse. quam cognitionis laudem ut vindicent ipsi iure ac merito, ac illius causam tueantur diligenter, varia adferunt loca, quibus

¹ lib. X. *segm.* 77. ² *not. ad lib. X. Diog. Laertii tom. V. opp. p. 128. & physc. sect. I. lib. IV. cap. 6. p. 319.* ³ *libro de vita & moribus Epicuri.*

disputauerit de prouida omnium rerum mente dei. atque dicunt, ipsum adpellasse mundum τῶν ὅλων τάξιν τὴ καὶ διακόσμησιν, ὑπὸ Θεοῦ τε καὶ διὰ Θεὸν φυλαττομένην ordinem & digestionem vniuersorum. ¹ quia a deo & per deum asseruetur; & alii tradidisse, deos immortales curam habere rerum humanarum, & illis, qui fungantur muneribus menti consentaneis eamque colant, præmia persolvere gratiamque referre. quin immo expressis verbis dixerit Aristoteles: ἡδεμία δὲ φύσις, αὐτὴ καὶ ἑαυτὴν αὐτοῦ αἰσθητικῆς ἐρημοθεῖσαι ἵης ἐκ τῆς σωτηρίας, nullam naturam satis instructam ad salutem esse posse, quæ citra dei præsidium suæ ipsa demum tutela permissa sit. ² quumue alii sunt testati, quod philosophus hic male senserit de prouidentia dei, fuerunt quoque, qui causam ipsius dixerunt, existimantes, istum nulla dignum esse reprehensione, quoniam omnia per prouidentiam summi numinis sustentari adfirmauerit. quam in rem adhuc prouocant ad locum quemdam, ³ vbi ad similitudinem exercitus atque amplæ familiæ loquatur atque asserat, deum æque ac imperatorem & sedulum patrem familias curam rerum gerere, confer MARSILIVM FICINVM. ⁴ & quamuis ipse interdum secum dissideat, etiam de deo dicat repugnantia sibi; huius tamen rei liberalem mereatur excusationem per ingenii humani in cognoscendis rebus diuinis imbecillitatem, cuius sibi conscius libro de diuina sapientia fe-

¹ libro de mundo cap. 2. tom. I. opp. p. 465. ² ethic. ad Nicomach. lib. X. c. 9. p. 104. tom. II. opp. ³ de mundo cap. 6. p. 471. tom. I. opp. ⁴ lib. XII. cap. 10. met. p. 745. tom. II. opp.
⁵ de immortalis. anima lib. II. cap. 13.

cundum Ægyptios, ¹ si modo illius sit auctor, ita seipsum excuset, dum *quoniam eius (primi opificis) qualis ipsa in se est natura, explicare non possumus, neque attingere, atque quantulumcunque est, quod mens humana in illa intelligit, id abstractione quadam & huic quasi succenturiata negatione assequitur, gradatim ascendendo, donec defatigata conquiescat, ut imperfectissima.* confer GERH. 10. VOSSIVM. ²

§. IIII. Sed plane alia sumus opinione, atque affirmamus, Aristotelis doctrinam de providentia dei non solum absurdam esse; sed & impiam, quod partim per rationes, partim per testimoniorum auctoritatem confirmare, nobis est in animo. primum quod ad rationes attinet, satis verum esse existimamus, quod notio providentiæ divinæ dependeat a notione dei ac divinæ naturæ, ex quo, quum perspicuum sit ac manifestum; facili negotio possumus colligere, qualis sensus, qualis cognitio divinæ providentiæ fuerit apud Aristotelem? constat ex iis, quæ superiora disputauimus, neminem in deo Aristotelis aliquid de diuinitate posse suspicari, esseque deum omnis sapientiæ, benignitatis ac potentiæ expertem, qui vnde habeat providentiam, non videmus. nam si caret deus sapientia & potentia, minime omnibus rebus conseruandis, ea pulcritudine, eo ordine, eò fine, quo sunt constitutæ, sufficit: sique animus ipsius alienus a benignitate, nullum quoque erit studium, nulla voluntas prolixa rebus naturæ earumque salutis consulendi

¹ lib. XI. cap. 4.

² de orig. & progressu idololatr. lib. I.

cap. 40.

prospiciendique. id quod adhæc per testimonia corroborare possumus. sic DIOGENES LAERTIVS de Aristotele dicit: ¹ διατέμνει δὲ αὐτὸς τὴν πρόνοιαν μέχρι τῶν ἑραινῶν, *extendit providentiam dei ad celestia usque*: & apud CLEMENTEM Alexandrinum ² traditur, ad lunam usque eandem deduxisse; & PLUTARCHVS ³ testatur, illum existimasse, mundum providentia dei haud gubernari, id quod etiam apud alios legimus. nec Aristoteles vi principiorum suorum aliter sentire poterat, quam quod providentia dei, si & illam verbis admiserit, tantum spectet res celestes, quoniam ex ipsius sententia deus cælo supremo præsideat, ipsique adeo cura sit primi mobilis, quod veteribus est orbis stellarum fixarum, seu octava sphaera. secundorum autem mobilium intelligentiæ gerant curam, unde & sequitur, primum illum motorem, quem Aristoteles vocat deum, rebus, quæ sub luna sunt, nulla prospicere providentia.

§. V. Firmior adhuc nostra disputatio apparebit, si & illa argumenta, quæ in Aristotelis eiusque recti de diuina providentia sensus gratiam proferuntur, remouere instituamus. quapropter quod ad testimonia illa, quæ ex libro de mundo deprompta sunt, pertinet, iterum generatim monemus, quod ista nullum habere possint pondus, quoniam superioribus vi argumentorum probabili demonstrauimus, Aristotelem opus hoc minus conscripsisse. finge vero, quamuis id nequaquam specie quadam veritatis adfirmari queat, Aristotelem

¹ lib. V. *segm.* 32.
lib. II. *cap.* 9.

² *Stromat.* lib. V.

³ *de placit. phil.*

libri huius esse auctorem, testimonia sane, quæ ex illo sunt petita, omni, qua valere deberent, probandi virtute carent. namque primum hoc fuit: τῶν ὅλων τάξιν τε καὶ διακόσμησιν, ὑπὸ Θεῶν τε καὶ διὰ Θεὸν φυλαττομένην, mundum esse ordinem & digestionem uniuersorum, quæ a deo & per deum asseruetur, ¹ quem locum iam superioribus produximus, veluti argumentum, quod Aristoteles librum hunc de mundo minus confecerit, vt pluribus ostendit DANIEL HEINSIVS. ² iam vero obseruamus, quod scriptura vulgaris, quam & supra exhibuimus, sit corrupta καὶ διὰ Θεὸν φυλαττομένην, quam emendare ac scribere: διὰ Θεῶν φυλαττομένην, propter varias rationes necesse habemus. nam auctor libri de mundo principio capitis secundi duas mundi definitiones tradit, quarum altera hæc est: κόσμος ἐστὶ σύστημα ἐξ ἑρᾶν καὶ γῆς καὶ τῶν ἐν ταῖς περιεχομένων φύσεων, mundus celi & terræ constitutio est, earumque naturarum (vt APVLEIVS loquitur) quæ sunt vtriusque: qua posita, addit alteram his verbis: λέγεται δὲ καὶ ἑτέρως κόσμος, dicitur quoque aliter mundus ἢ τῶν ὅλων τάξις ἐστὶ καὶ διακόσμησις ὑπὸ Θεῶν τε καὶ διὰ Θεῶν φυλαττομένη. prior definitio est Peripatetica; posterior vero Platonica aut Pythagorica, quas auctor ipse per vocem ἑτέρως discernit, atque significat, posteriorem definitionem non sibi, sed aliis esse vindicandam, in quibus Platoni ac Pythagoræ eorumque principiis maxime conuenit. quæ & causa est, cur non solum legamus διὰ Θεῶν φυλαττομένην, sed & verba ὑπὸ Θεῶν referamus ad διακόσμησιν. nota enim est

¹ de mundo cap. 2. ² orig. p. 479. 599.

doctrina Pythagoræorum & Platoniorum de *dæmonibus*, quo nomine proprie illi adpellantur, qui inter deos & homines sunt positi, & de quibus multa ex Pythagoricis fragmentis, ex Platónico Timæo, conuiuio, Epinomide ac libris de republica. PLOTINO, PORPHYRIO, IAMBlichO, CHALCIDIO, MAXIMO TYRIO, PLUTARCHO, APVLEIO, MARTIANO CAPELLA, AVGVSTINO, MARSI LIO FICINO aliisque colligi possunt. officium horum dæmonum erat, vt humana ad deos, & diuina ad homines referrent, hominum quippe preces & sacrificia ad deos; & deorum leges & sacra instituta ad homines. APVLEIVS ¹ dicit: *dæmones sunt genere animalia, ingenio rationabilia, animo passiva, corpore aëria, tempore æterna*; & CHALCIDIVS: ² *dæmon est animal rationabile, immortale, patibile, ætherium, diligentiam hominibus impertiens*. quorum dæmonum iterum varii constituti sunt ordines variaque genera, quod argumentum solide persequitur GOTTFRIED OLEARIVS. ³ prout autem diuersas habuerunt adpellationes, sic quoque vocati sunt Θεοὶ ἁθρόαντοι principio *aureorum carminum*, item tantum Θεοὶ a PLATONE ⁴ PROCLO ⁵ PLOTINO ⁶ ANTONINO ⁷ MENANDRO ⁸ & aliis. atqui hi sunt, qui altera definitione de mundo, quando dicitur: καὶ διὰ Θεῶν φυλαττομένη probabili ratione indicantur, adeo vt integra definitio huius sit

¹ de deo Socrat. p. 78. ² ad Timæum p. 227. ³ de genio Socratis p. 130. ed. latin. Stanleii hist. philos. ⁴ in Tim. ⁵ theol. Platon. l. 24. ⁶ Enn. III. lib. V. cap. 6. ⁷ XII. 26. ⁸ apud Plutarch. Platon. quæst. 1.

senten-

sententiæ: mundus complexu suo omnia singulari ordine atque ornatu continet, quæ a supremo numine sunt constituta, a dæmonibus autem, ipsius administris conseruantur & custodiuntur. namque hi dæmones credebantur, quod non solum gentium aut urbium, sed hominum quoque essent præsides, quod actiones atque humanam vitam dirigerent, quod in potestate haberent astra, eorumque motum, quodue aliis rebus, imbris, tempestatibus, frugibus præfecti. sic dæmones administri erant summi numinis, & quemadmodum in sacris scripturis spiritus dei ministri adpellantur *angeli*, etiam *leitργικά πνεύματα*, ¹ sic dæmonibus quoque nomen *angelorum* adtributum fuisse,prehendimus, id quod ARISTIDEM, PORPHYRIUM, SIMPLICIUM vsurpasse, testis est MERICVS CAVSABONVS: ² conf. IO. ALBERTVM FABRICIUM. ³ ex his copiose a nobis disputatis efficiamus conclusionem, quod hoc testimonium primum, quum definitionem mundi aut Platoniam aut Pythagoricam continet, illis nullo adiumento esse possit, qui Aristotelem recte sensisse de prouidentia dei, per illud probare contendunt.

§. VI. Quod ad secundum testimonium adtinet, tantum abest, vt rueatur Aristotelem, vt ipsius animum ac mentem de vi ac potestate prouidentia diuinæ non obscure prodatur. namque dicit: *ἐι γὰρ τις ἐπιμέλεια τῶν ἀνθρωπίνων ὑπὸ θεῶν γίνεσθαι, ὥσπερ δοκεῖ. καὶ εἴη ἂν ἔυλογον χάριεν τε αὐτῆς τῷ ἀρίστῳ καὶ τῷ συγγενεσάτῳ*

¹ Hebr. I. v. 14. ² ad M. Anton. III, 4. ³ bibliograph. antiqu. cap. 8. §. 26.

τῷτο δ' ἂν εἴη ὁ νῆς, nam si dii immortales curam habent aliquam rerum humanarum, quemadmodum verisimile est: illud quoque probabile fuerit, eos re omnium optima sibi-que maxime cognata delectari, hæc autem mens fuerit. ¹ en cognitionem tam nobilissimæ veritatis huius, quæ apud Aristotelem fuerit! pronuntiat quippe, probabile esse, deos curam rerum humanarum habere, satis-que apertum indicium aut corrupti intellectus aut deprauatæ voluntatis profert in lucem. quod si enim certo ac firmo animo principalem comprehendisset veritatem, esse deum, auctorem totius vniuersi; atque omnium rerum, quas videmus, quæue sunt factæ, constantem eumque pulcerrimum ordinem diligenti ac sana meditatione cognouisset; pro-uidencia dei ipsi non venisset in dubium. adhæc verba testimonii huius, deos præcipue delectari mente, τῷ ἀρίστῳ καὶ τῷ συγγενεστάτῳ, *veluti re omnium optima sibi-que maxime cognata*, item quæ præmissa sunt, quando dicitur: ὁ δὲ κατὰ νῆν ἐνεργῶν καὶ τῷτον θεραπεύων, καὶ διακείμενος ἀρίστῳ καὶ θεοφιλέστατος εἰσιν εἶναι, *qui vero muneribus fungitur menti consentaneis & hanc colit, estque optime animo affectus, eum probabile est, deo carissimum esse*; aliquid doctrinæ Aristotelicæ de intellectu agente sapere mihi videntur, quam infra copiosius illustrare, induximus animum. multo minus tertio testimonio pretium aliquod statuere possumus, quoniam verba hæc: ἑδμεῖα δὲ φύσις, αὐτὴ κατ' ἐαυτὴν αὐτάρκης, ἐρημοθεῖσα

¹ ethic. ad Nicom. lib. X. c. 9.

τῆς ἐκ τῆς σωτηρίας, ¹ non ex principiis philosophiæ Aristotelicæ, sed Pythagoricæ explicari debere, probabili ratione existimamus. primum enim auctor libri huius paullo ante dixit: ἀρχαῖος μὲν ὁ τοῦ λόγου, καὶ πατέριος ἐστὶ πᾶσιν ἀνθρώποις, ὡς ἐκ θεῶν τὰ πάντα καὶ διὰ θεῶν συνέστηκε, *vetus igitur sermo est, a maioribusque proditus inter omnes homines, vniuersatum ex deo tum per deum constituta fuisse atque coagmentata*, iisque aperte significauit, hæc respicere ad vetustissimam doctrinam de dæmonibus, præcipue quum addit: διὸ καὶ τῶν παλαιῶν ἐπεὶ τινὲς προήχθησαν, ὅτι ταῦτά ἐστι πάντα θεῶν πλέα τε *quocirca veterum nonnulli eousque prouecti sunt, ut hæc omnia dictarent deorum esse plena*. etenim doctrinæ de dæmonibus ætatem a longinquo tempore repetere possumus, siquidem monumenta historiæ philosophicæ confirmant, quod ista primis philosophiæ temporibus fuerit tradita. si fides habenda est oraculis, quæ Zoroastris nomen præ se ferunt, compertum tenemus, Chaldæos non solum credidisse dæmones, sed & diuersos illorum ordines constituisse, quorum præcipui erant *hyperarchii*, *Azoni Dii*, *Zonai Dii*, *angeli*, *animæ*; munera autem. ut quidam ex illis totum mundum regerent; quidam regionis cuiusdam curæ præessent, etiam animas humanas, a corpore liberatas ad æternas transferrent sedes, vide THOMAM STANLEIVM. ² eodem modo varia dæmonum genera posuerunt Persæ, de quibus videre possu-

¹ de mundo cap. 6.
7. 8. sqq.

² histor. philos. orient. lib. I. sect. 2. cap.

T

mus

MUS THOMAM HYDE, ¹ si autem scholas græcorum philosophorum perlustramus,prehendimus in Ionica THALETEM *Mile-
sium*, de quo præter PLVTARCHVM ² testatur ATHENAGORAS, ³ quod tres spirituum classes fecerit, quarum prima *deos immortales*, secunda *dæmones* & tertia *heroes* complectatur; STOBÆVS vero tradit, ⁴ credidisse Thaletem, vniuersum aërem plenum esse dæmonum. cuius institutione quum vsus fuerit PYTHAGORAS, haussit quoque eandem doctrinam, & putauit, plenum esse πάντα τὸν αἶρα ψυχῶν, *omnem aërem animarum*, teste DIOGENE LAERTIO. ⁵ eandem sententiam secutus est PLATO & ex romanis doctissimus VARRO, de quo dicit AVGVSTINVS: ⁶ adiungit, mundum diuidi in duas partes, cælum & terram. & cælum bifariam, in æthera & aëra; terram vero in aquam & humum. e quibus summum esse æthera, secundum aëra, tertiam aquam, infimam terram. quas omnes partes quatuor animarum esse plenas in æthere & aëre immortalium, in qua & terra mortalium. a summo autem circuitu cæli usque ad circulum lunæ æthercas animas esse, astra ac stellas, easque cælestes deos non modo intelligi esse; sed etiam videri. inter lunæ vero girum & nimborum ac ventorum cacumina, aëreas esse animas, sed eas omnino non oculis videri & vocari heroes & lares & genios. quapropter censemus, & hæc verba ὡς ἐκ θεῶν τὰ πάντα καὶ διὰ θεῶν, quæ vulgaris est scriptura

¹ *histor. religion. veter. Persar. cap. 19. 20.* ² *de placit. philosoph. lib. 1. c. 8.* ³ *apolog. p. 25.* ⁴ *eclog. physic. p. 2.*
⁵ *lib. VIII. segm. 32.* ⁶ *de civitate dei lib. VII. cap. 6.*

ra, συνέστηκε esse emendanda, ita vt pro διὰ θεῶν legamus διὰ θεῶν, id est per dæmones, qua emendatione vox συνέστηκε respicit cum originem, quæ deo debetur, tum prouidentiam omnium rerum, qua fungantur dæmones. ita integra oratio, quæ libri huius de mundo capituli sexti principio extat, plane expedita est, nec illius sententia quadam obscuritate inuoluta, differit quippe auctor ex principiis veterum philosophorum apud Chaldæos & Persas, præcipue Pythagoræ & Platonis, quod mundus ope & consiliis dæmonum regatur, sine quorum tutela nihil firmum esse possit, hinc & nonnulli adfirmauerint, omnia plena esse dæmonum, qui singulis partibus mundi, singulis naturarum generibus præsideant. verum enim vero si adhuc ponamus, Aristotelem opus hoc conscripsisse, quod tamen non est, etiam ex illis, quæ subsequuntur, colligere possumus, adductum testimonium haud valere ad tuendam ipsius hac in causâ dignitatem. nam quum auctor ex sua mente instituit disputationem, angustioris prouidentiae diuinæ limites ponit, eiusque potestati cælum tantum subiicit.

§. VII. Tandem & locus ille, ¹ quo Aristoteles ad similitudinem imperatoris ac patris familias de prouidentia dei differit, nullum habet pondus, quem si penitus inspiciamus, manifestum erit, philosophum hunc non agere de benigna summi numinis cura. libri autem de *mystica Ægyptiorum philosophia*, ex quibus nonnulli Aristotelem excusare contendunt, quod in illis ingenii sui imbecillitatem in cognoscendis rebus diuinis ipse perceperit,

¹ metaphys. lib. XII. cap. 10.

non sunt Aristotelis, quamquam FRANCISCUS PATRICIVS¹ & ATHANASIVS KIRCHERVS² opus hoc ipsi adtribuunt. nam quum differitur de deo, λόγῳ, anima, vniuerso, rerumque principiis, auctor ingenium non Peripatetica, sed Platonica sapientia præditum prodit, id quod pluribus persequitur IO. ALBERTVS FABRICIVS.³

§. VIII. Sic igitur Aristoteles male existimauit de prouidentia dei, quod per illius vim cælum tantum regatur, adeoque omnem summi numinis prouidam rerum humanarum mentem negauit. quam doctrinam coniunctam esse cum atheismo, facileque quemdam in pestiferum errorem, nullum esse deum, coniicere posse, quisque, qui sana utitur ratione, fateri debet. quemadmodum atheus nullam admittit prouidentiam dei, id quod res ipsa docet; ita qui istam negat ac persuadet sibi, deum hominum saluti nec consulere nec prouidere ac prospicere, non multum differt ab atheo. nam si deum tantum ex admirabili, pulcerrimo & constanti ordine rerum naturalium cognoscimus, adeoque ex effectu efficiamus conclusionem ad causam primam; sane qui tollit prouidentiam dei, principem illius effectum remouet, quo constans ordo rerum naturæ nititur, eoque ipso impedit, quominus cognitionem dei, prout decet & naturæ diuinæ consentaneum est, quis sibi comparare queat. adhæc omnes, qui deum verum esse credunt, vti necesse habent, fateri ipsum consummata ac perfecta sapientia, benignitate & potentia esse

¹ prolegomen. ad suam edition. ² præfation. paranetic. ad Obelsic. Pamphil.
³ bibl. græca lib. III. cap. 6. §. 36.

præditum, id est dari providentiam diuinam, quæ dictis dei proprietatibus absoluitur; ita quisque, qui dei providentiam aut plane negat, aut ab illius vi res humanas excludit, non potest, quin dei naturæ maximam iniuriam inferat. saltem huiusmodi homo, qui in tali errore versatur, omne cultus diuini ac religionis fundamentum tollit. nam si remouetur providentia diuina, remouetur quoque timor atque amor dei, quem vtrumque adfectum gigni in mente nostra per meditationem cum potentiae, tum benignitatis dei infinitæ, satis est apertum. quum enim animus humanus sentit atque intelligit, quod deus partim illos, qui voluntati diuinæ sunt contrarii, & possit & velit grauissimā adficere pœna; partim mortales incredibili prosequatur amore; hac præceptione morus oriuntur in voluntate, timor quippe atque amor dei. si autem quis omnem timorem dei atque amorem abiiceret, quomodo posset religionem obsequii colere, eaque, quæ sanctissimis legibus cum præcepit, tum prohibuit, præstare aut omittere? quapropter bene dicit SAMUEL L. B. de PVFENDORF: *tertium est, deum tum in vniuersum mundum, tum in genus humanum regimen exercere, id quod ex admirabili & constanti ordine, qui in hoc vniuerso cernitur, liquido adparet. quoad effectum autem moralem perinde est, vtrum quis neget, deum existere, an ab eodem humana curari; cum vtrumque omnem religionem plane tollat. frustra enim metuitur aut colitur, vtut in se sit præ-*

1 de offic. homin. & civ. lib. I. cap. 4. §. 4.

stantissimus, qui nulla plane nostri cura tangitur & nihil boni malique in nos vult, aut potest conferre; & 10. FRANCISCUS BVD-DEVS: ¹ inter dogmata, quæ cum atheismo arctissimo quodam vinculo coniuncta sunt, primum merito præcipuumque locum tenet negatio prouidentiae diuinæ. quemadmodum enim atheus hanc non admittit, ita, qui eam negat, non multum ab atheo differt, saltem omne religionis cultusque diuini fundamentum tollit.

§. VIII. Superioribus de industria diximus, quod atheus prouidentiam dei non possit admittere, & qui istam neget, non multum differat ab atheo. qua sententia declaramus perspicue, nos minime illos pronunciare atheos, quod sua mente, suo animo nullum deum credant, qui in errore de prouidentia dei versantur, siquidem summum quoddam numen esse, sibi persuadere possunt, quamuis, id nullam rerum humanarum ac naturalium curam habeat. de cetero talis error facile viam ad atheismi vitium parare potest, ac caussa, ex qua oritur, ignorantia duplicis generis est. alia ignorantia est naturæ diuinæ, quum quamuis deum esse dicant, eiusmodi tamen deum animo & cogitatione fingant, apud quem nihil diuinitatis est, quoque omne prouidentiae fundamentum tollitur, vt exempla veterum philosophorum Aristotelis, Stoicorum, Epicuri id confirmant. alia vero ignorantia est diuinorum operum, cuius iterum variae sunt species, quum homines illorum partim naturam atque indolem, partim finem non eo modo, quo decet, cognoscant adeoque occasionem male de

¹ thes. de atheismo. & super 3. cap. III. §. 1.

prouidentia dei sentiendi, captent. primum igitur genus talis ignorantiae in eo positum est, quod putent, deum ita condidisse mundum, ut viribus naturae omnia permiserit; ipse autem nihil curet, quo errore contraria sibi & repugnantia statuunt. nam vires naturae eo ipso sunt vires naturae, quod a potentia diuina dependent, ac deus causa prima est motus, quem cessare, saltem perturbare necesse est, si deum nihil curare adfirmare velimus. virium autem naturae fundamentum est motus, cuius nulla vis inest materiae, quae quum adhuc sit bruta, motus autem definitus & ad certum finem directus, multo minus causam ac conseruationem motus sibi poterit vindicare. secundum genus ignorantiae est diuinæ intentionis, quam deus in producendis variis rerum naturalium speciebus animo sibi proposuit. dicunt quippe multa reperiri in hoc terrarum orbe, quae hominibus nullam adferant vtilitatem, ex quo sequi putant, talia omni carere fructu adeoque casu quodam fortuito originem habuisse, nec a deo omnium sapientissimo, curam omnium rerum gerente esse profecta. hinc TITVS LVCRETIVS CARVS, ¹ quum in eo est, ut ostendat

*nequaquam nobis diuinitus esse paratam
naturam rerum: tanta stat praeclata culpa,
exempli loco hæc adfert:*
principio, quantum cæli tegit impetus in-
gens
inde auidam partem montes, siluæque fe-
rarum

¹ lib. V. de rerum natura p. 154.

*possedere, tenent rupes, vastaque paludes,
& mare, quod late terrarum distinet oras;*

cuiusmodi argumentum aduersus prouidentiam dei satis est leue, ut ostendit IO. FRANCISCUS BVDDEVS. ¹ tertia ignorantia est verorum bonorum, quæ efficit, ut sæpe putemus bonum, quod malum est, sæpe malum id, quod bonum est. vera bona hominis sunt, ex quorum fructu vera illius felicitas nascitur, uti ratione corporis est sanitas, ratione intellectus veritas & ratione voluntatis virtus, quæ principem tenet locum; honores autem; diuitiæ & alia commoda ad voluptatem spectantia, sua natura neque sunt bona, neque mala; sed ut fiant aut bona, aut mala, id dependet ab illorum usu, prout aut rationi est consentaneus, aut illi aduersatur. quod quum ita est, sicuti est, facile iudicare possumus, quis ex mortalium genere vere sit felix? atqui homo sanitate, facultate verum ac falsum cognoscendi, virtutisque ornamento præditus multo felicior ducendus est, quamuis nulla fruatur dignitate honoris summaque afflictus sit paupertate, quam ille, qui omni honorum genere conspicuus, atque diuitiarum copia abundet; male autem se habet ipse aut corpus per morbos, aut intellectus per errores, aut voluntas per vitia & studium erga prauos mentis affectus. ita autem hæc tria eaque vera bona sunt comparata, ut alterum altero sit præstantius, & ex illis virtus principatum sibi vindicare debeat, quapropter dicere possumus, quod homines, qui virtutibus ac præcipue pietate animum su-

† thesib. de atheis. & superstition. cap. VII, §. 1, p. 548.

um exercent sedulo, omnium sint felicissimi, ac vera felicitate, id est animi tranquillitate perfruantur; alii contra, qui laudem suam in vitiorum studio ponunt adeoque tranquilla carent mente, non possint non esse miserrimi. ex quibus patet, quantum pretium statuendum sit illi argumento, quod improborum prosperitates secundæque res, piorum autem calamitates vim providentiæ diuinæ redarguant. quæ quæstio iam ab antiquissimis temporibus etiam sanctorum hominum animos ac philosophorum ingenia exercuit, prout ista pluribus exponitur libro IOBI, & SENECAE opere de providentia, qua disputat: *quare bonis viris mala accidunt, cum sit providentia?* quarta ignorantia est naturæ miraculorum; quum multi persuadeant sibi, deum facere miracula propter leuiore causas, hinc & mediocri incommodo afflictæ eiusmodi auxilium a supremo numine efflagitant, quo contra ordinarias vires naturæ agere necesse haberet. at vero quum illis deus non occurrit, neque in precibus, neque in optatis, neque in votis, male de ipsius providentia sentire eamque vocare in dubium instituunt, nec credunt, se tutela diuina satis esse munitos, si ipsis sint panis & aqua cum vilissimo corporis tegumento. quamuis enim nec ex indole miraculorum, nec ex cognitione naturali naturæ diuinæ pateat, num deus velit frequentiora, an rariora edere miracula? experientia tamen satis & super testatur, quod in rebus maximi momenti, exempli gratia in prohibendis bellis iniustis, hæresibus perraro vlla indubitata faciat miracula; hinc efficimus conclusionem, deum nisi

ob grauissimas causas, miracula non efficere,
confer ANDREAM RVDIGERVM. ¹ tan-
dem etiam ignorantia originis mali argumen-
tum aduersus dei prouidentiam suppeditat,
quod exposuit pluribus & confutauit feliciter
IO. FRANCISCVS BVDDEVS. ²

CAPITIS III.

DE

ATHEISMO ARISTO-
TELIS THEORETICO.

SECTIO III.

DE

OPINIONE ARISTOTELIS
AD NATVRAM ANIMAE HV-
MANAE SPECTANTE.

ΣΥΝΟΨΙΣ.

*Dicendorum summa §. I. sententia Aristotelis de
anima, ubi variae sententiae commemorantur de
entelechia §. II. explicatur ipsius definitio ani-
mae atque reuocatur §. III. speciatim Aristote-
lis opinio de intellectu agente §. IIII. quae
comparatur cum aliorum philosophorum senten-
tiis. §. V. VI. locus Aristotelis de spiritu vitae
attingitur §. VII. fit conclusio de impia hac
doctrina §. VIII.*

§. I. Merito perlustramus Aristotelis do-
ctrinam de anima humana, quoniam illius con-
sideratio cognitionem, quam per vires naturae

¹ *physic. diuin. lib. I cap. I sect. 5. §. 136.* ² *thes. de atheismo.*
& superstit. cap. III. §. 1. p. 246. cap. VII. §. 1. p. 549.

nobis

nobis comparamus de deo, adiuuare multum potest, adeoque etiam ad disputationem de atheismo Aristotelis illustrandam valet. hanc autem differendi sequamur rationem, vt primum philosophi huius sententiam de indole animæ humanæ generatim; deinde de intellectu agente speciatim exponamus, & quanta illi insit dignitas, explanemus.

§. II. Conscripsit Aristoteles tres libros de anima, quorum primo veterum philosophorum hoc de argumento sententias ad examen reuocat, postquam istos præcipue capite secundo commemorauerat, quod scilicet Democritus, Pythagoræi & Anaxagoras dixerint, animæ naturam absolui *motu*, Empedocles & Plato *cognitione*, alii *utroque*; item nonnulli istam in eo posuerint, quod *corporis sit expers*, vel quod sit *subtilissimum corpus*; Thalesque adfirmauerit, esse *rem quæ sese moueat*; Diogenes *aërem*, Heraclitus *exhalationem immortalemque substantiam*; Hippo *aquam*, sanguinem Critias. secundo autem libro tractat Aristoteles de anima sensitiua & tertio de anima rationali, confer IO. ALBERTVM FABRICIVM¹ & THOMAM STANLEIVM² quod ad ipsius sententiam de anima adtinet, ostendit ante omnia, quod sit substantia, & deinde dicit: διὸ ψυχὴ ἐστὶν ἐντελέχεια ἡ πρώτη σώματος φυσικῆς ζωῆς ἐχούσης δύναμει. ταύτην δὲ, ὃ ἂν ᾖ ὁργανικόν, ³ quæ definitio, præcipue autem vox ἐντελέχεια omni ætate philosophorum ingenio exercuit. siue enim respicias illius originem, siue scripturam, siue significationem,

¹ biblioth. grac. lib. III. cap. 6. §. 14. ² histor. philos. p. 466.
edit. latin. ³ de anima lib. II. cap. I. p. 426. tom. I. opp.

quod

quod princeps est momentum, ubique diuer-
 sitatemprehendimus opinionum. atqui
 CICERO ¹ de Aristotele scribit: *ipsum ani-*
imum ἐντελέχειαν adpellat nouo nomine, quasi
quandam continuatam motionem & peren-
nem, quæ interpretatio multis minime placet,
 vide CHRISTOPHORVM SCHEIBLE-
 RVN ² de HERMOLAO BARBARO relatum
 legimus, quod malum genium euocauerit, vt
 illius ope ad cognitionem vocis huius ἐντελέ-
 χεια perueniret, quam & iste per *perfecti ha-*
bia explanauerit; sed hæc indubitata est fabu-
 la, quam a BODINO profectam esse, confir-
 mat GABRIEL NAUDAEVS, ³ cuiusmodi
 quoque apud PLINIVM ⁴ deprehendimus,
 quod APPION *grammaticus* de patria Home-
 ri cognoscenda sollicitus dæmonem hunc
 consuluerit. SCALIGER ⁵ existimat, vo-
 cem hanc compositam esse partim ex *iv*, quia
 sit in omnes artus infusa, & ita pars compositi:
 partim ex *τέλος*, quia sit finis & perfectio; par-
 tim vero ex *ἔχειν* quia possit producere omnes
 operationes & motus, confer COELIVM
 RHODIGINVM. ⁶ nostra ætate GODOFRE-
 DVSGVILIELMVS LEIBNITIVS ⁷ de no-
 mine hoc disputauit, cuius notionem, qua
 actum permanentem seu *formam substantia-*
lem significet, non penitus esse abiiciendam
 putauit, quam & sententiæ, cui ipse de anima
 est addictus ⁸ adcommodauit, prout quoque

¹ Tusculan. lib. I. cap. 10. ² de anima part. I. p. 2. ³ apo-
 log. viror. mag. suso. cap. 13. ⁴ hist. nat. lib. II. c. 30. ⁵ exerc.
 80. sect. 3 307. sect. 12. 39. ⁶ antiquar. lectio. lib. II. c. 22.
⁷ libro essai de Theodicée part. I. §. 87. ⁸ in theoria motus
 abstracti apud hypothef. physie. nou. confer. Inquelot conformité de la
 foy avec raison p. 381. sqq.

hoc de argumento litteras conscripfit ad BŌ-
V VETIVM & PELISSONIVM. ¹

§. III. Id satis apertum est, quod Aristoteles intellexerit per *formam* principium agendi, quam & materiæ, cuius indoles fert, vt semper patiatur, opposuit; nec negari potest, ipsum adfirmasse, animam esse substantiam, siquidem dicit: ἀναγκᾶν, τὴν ψυχὴν εἶναι εἶναι, *necesse est, animam esse substantiam*, quæ substantia ex ipsius opinione est πρώτη ἐντελέχεια *primus actus*, vt hæc vox a plurimis explicatur, qui actus quum sit complementum potentia, de industria per hoc græcum vocabulum, quod perfectionem respiciat, significetur. ex quibus consequi putamus, Aristotelem hac definitione nihil aliud dixisse, quam quod anima sit quædam potentia, siue vt alii loquuntur, *vis quædam actiua*, a qua actiones corporum viuentium dependeant. excusent autem alii, aut defendant aut interpretentur, quacunque velint ratione Aristotelem; nos plane talem definitionem ieiunam, aridam & huiusmodi magno philosopho indignam esse iudicamus. primum enim ista pro more metaphysicorum est constituta, vt quidquid sentiamus de anima, cum illa possit conciliari, siue dicamus istam esse substantiam, siue accidens; siue corpoream, siue corporis expertem, siue compositam ex elementis, siue minus. hinc quoque talis anima, quæ est *primus actus corporis physici organici*, non solum homini & bruto, sed & plantis adtribui potest, siquidem & plantæ habent organa, quamuis valde simplicia, prout

¹ vid. miscellan. p. 113. 316. 351. 340.

ipse dicit: ¹ ὄργανα δὲ καὶ τὰ τῶν φυλῶν μέρη
 ἀλλὰ παντελῶς ἀπλά, *enimvero partes quoque
 plantarum instrumenta sine controuersia sunt,
 quamuis videantur penitus simplices esse.* se-
 cundo definitio hæc ita est comparata, vt de
 nullo alio spiritu, quam *incompleto*, vt in scho-
 lis metaphysicorum dicitur, intelligi queat,
 hinc & dicit: ² καὶ διὰ τὸ καλῶς ὑπολαμβάν-
 νασιν, οἷς δοκεῖ, μήτε ἄνευ σώματος εἶναι, μήτε σῶ-
 μά τι ψυχῇ, *idcirco recte admodum putant il-
 li, quibus anima neque esse sine corpore, neque
 corpus aliquod esse videtur, id quod quam
 alienum sit a veritate, quod anima debeat esse
 necessario in corpore organico, vel ex ipsius
 immortalitate patet.* tertium hæc, quæ Ari-
 stoteles de anima dicit, de sic dictis spiritibus
 animalibus, si corpus ratione mechanica mo-
 uent, dici possunt, vt pluribus ac solide de-
 monstrauit ANDREAS RVDIGERVS. ³

§. IIII. At fortasse dicis, Aristotelem cre-
 didisse, hominem præditum esse non solum
 anima, sed & mente, vt illam cum brutis ha-
 beat communem; hanc autem sibi propriam,
 ad eaque illa fungatur muneribus motus cor-
 poris conseruandi; hæc autem in cognoscen-
 dis rebus atque intelligendis versetur. ita se
 res omnino habet, quod philosophus inter
 ψυχὴν & νῦν, *animam & mentem* posuerit di-
 scrimen, quod explanare & inde conclusio-
 nem de impia hacce opinione conflare, indu-
 ximus animum. atqui omnes, quibus Ari-
 stotelis doctrina perspecta est, satis habent
 compertum, quod iste cum mentis, tum ani-

¹ de anima lib. II. cap. I. p. 486. t. I. opp. ² de anima lib.
 II. cap. 2 p. 488. ³ physis, diuin. lib. I. cap. 4. sect. 1.

mæ faciat mentionem atque alteram discernat ab altera. at vero id inprimis deductum fuit in disceptionem & controuersiam, num existimauerit, quod mens peculiaris substantia eaque diuersa ab anima, an facultas tantum ab alia eiusdem animæ facultate ratione potius, quam re ipsa distincta? quod posterius momentum ex philosophis æui recentioris ANDREAS RVDIGERVS ¹ adfirmat, existimans, Aristotelem per mentem non diuersam ab anima substantiam; sed intellectum ac præcipue iudicium vsu perpolitum intellexisse, atque vt placeret populo, de mente, quæ diuina sit, edisseruisse. a qua viri huius sententia non possumus, quin discedamus, grauioribus permoti argumentis. etenim quum disputat de mente atque anima, seu intellectu *agente & patiente*, ² confirmat atque perspicue profitetur, quod ille sit immortalis, isque solus: *μόνον τῷδ' ἐπὶ ἐστὶ, καὶ τὸ το μόνον ἀθάνατον καὶ αἰδίων*, solum quod est, atque id solum est immortale perpetuumque; hic autem mortalis. quod si ita est, sicuti est, sane vna eademque anima non potest esse ab vna parte mortalis; ab altera vero immortalis, vt adeo plane nobis persuadeamus, Aristotelis sententia mentem peculiarem eamque ab anima distinctam substantiam fuisse. verum enim vero de eo adhuc dispiciendum est, quid per mentem, seu intellectum agentem intellexerit Aristoteles? qua quæstione inprimis obseruandum esse putamus, quod intellectus hic ab Aristotele adpellatur *εἶδος εἰδῶν forma formarum*, ³ item

¹ *physic. diuin. lib. I. cap. 4. sect. 1 §. 8. 9.* ² *de anima lib. III. cap. 5. p. 504. r. 1. opp.* ³ *de anima lib. III. cap. 8.*

τόπος εἰδῶν locus formarum, seu specierum; ¹
 quodue alibi ² dicat: δῆλον δὲ ὥσπερ ἐν τῷ ὅλῳ
 θεός, καὶ πᾶν ἐν ἐκείνῳ. κινεῖ γὰρ πῶς πάντα τὸ
 ἐν ἡμῖν θεῖον. λόγος δ' ἀρχὴ ἔστω λόγος ἀρχαί τι
 κρείττον, patet autem sic esse, quemadmodum
 in vniuerso est deus, & vicissim cuncta in illo:
 mouentur enim omnia ab inexistente in nobis
 numine. rationis autem non ratio, sed præ-
 stantius quidpiam est principium. ad quorum
 verborum sententiam quum prouocasset IUL.
 CAESAR SCALIGER ³ summa ductus ad-
 miratione exclamat: quid ais diuine vir? est
 in nobis aliquid diuinum, quod sit præstantius
 ipsa ratione? quum homo sit rationalis per in-
 tellectum, eritne in intellectu quidpiam diui-
 nius? an tibi quoque fuerunt ipsi radii spiri-
 tus sancti, cuius pietate voluntas humana diri-
 gatur? atqui in eo plerique consentiunt, Ari-
 stotelem nomine intellectus agentis significasse
 quandam intelligentiam numero vnicam, quæ
 omnibus, quos terrarum orbis ferat, homini-
 bus id præstet officium, quod sol luce sua ad vi-
 dendum. Sed quæ nam sit illa intelligentia,
 in eo discrepant auctores suis sententiis. nam
 alii intelligunt primam intelligentiam, seu
 deum ipsum, prout græcorum interpretum
 facile princeps ALEXANDER Aphrodisien-
 sis ⁴ aperte professus est, hunc intellectum
 agentem esse deum; & SONERVS, ⁵ qui &
 magnum sibi fecit locum inter Peripateticos,
 contendit, istum a deo Aristotelis differre neu-
 tiquam. alii vero persuadent sibi, munus in-
 tellectus agentis obire intelligentiam, quæ or-

¹ ibid. cap. 4.² eod. lib. VII. cap. 14. tom. II. opp. p. 116.³ exerc. 307. §. 25.⁴ lib. II. c. 15. de anima & alibi.⁵ lib.

V. metaph. cap. 6.

bi lunæ præsit, quam opinionem fouet ALGAZEL; sic & sunt, qui intellectum agentem peculiarem intelligentiam eamque generi humano propriam esse dicunt. qua sententia intelligentia lunæ adhuc esset superior intelligentia intellectus agentis. confer FORTVNIVM LICETVM, ¹ IACOBVM THOMASIVM, ² IO. IACOBVM SYRBIVM. ³

§. V. Si igitur intellectus agens Aristotelis est intelligentia quædam; superioribus autem satis perspicue expositum, philosophi huius opinionem fuisse, deum supremo cælo, & reliquas intelligentias aliis orbibus præesse tantum per modum *formæ assistentis*; facile exinde iudicare possumus, & hunc intellectum seu animam generis humani esse *assistentem*. id quod ipse Aristoteles perspicuis verbis fateatur, quando dicit: ⁴ λείπεται δὲ τὸν νῦν μόνον θύραθεν ἐπεισιέναι, καὶ θεῖον εἶναι μόνον, restat igitur, ut mens (intellectus agens) sola forinsecus accedat, eaque sola diuina sit; quæ appellatio θύραθεν νῦς etiam apud alios ex sententia Aristotelis deprehenditur, ARISTIDEM QVINCTILIANVM, ⁵ GREGORIVM NAZIANZENVM. ⁶ ut autem omnia pateant clariora, ac imprimis cognoscamus, quo præcipue momento hac in re Aristoteles discesserit ab aliis philosophis, horum sententias breuiter attingere, non ab re esse ducimus. atqui non solum philosophiæ magistri apud paganos, sed & Ebræi & ex christianorum ordine quidam de hominis facultate intelligendi existimasse male dicuntur. quod ipsi Ebræi er-

¹ de intellectu agent. ² de Stoica mundi exustion. diff. XIII. § 154. ³ philos. prim. p. 435. ⁴ de generat. anim. lib. II. cap. 3. p. 819. t. 1. opp. ⁵ lib. III. de music. p. 134. edit. Meibom. ⁶ orat. de spirit. sanct. p. 210.

roribus de intellectu agente se admiscuerint atque implicauerint, ostendit IO. SELDENVS, ¹ qui quum obseruauerit, præcepta naturæ vocari AR. SIMEONE מִצְוַת שְׁלֹוּת *præcepta intellectiua*, addit: *nimirum ex debita intellectus humani operatione & assidua intellectus agentis (qualisnam is illis sit, statim ostendimus) opè & auxilio ea, quæ sic imperata sunt, seu naturaliter habentur obseruanda, ut & principia cetera omnia & conclusiones, circa quas versatur intellectus humanus, indicari, dignosci, & veluti intus legi (quatenus scilicet dignoscuntur) innuunt.* intellectus autem agens ipsis est aut summum numen, aut præcipue recentioribus Iudæis intelligentia omnium postrema, ita ut ipsum deum apud Ebræos; intelligentiam vero apud alios homines munere hoc fungi asserant, quæ intelligentia vi atque auctoritate a summo numine deriuata mentem humanam in actu intelligendi illuminet. de utroque intelligunt verba illa: *in lumine tuo videbimus lumen*, ² quæ MOSES MAIMONIDES ³ ita interpretatur: אשר ישפיע ממך רשפי אשך *per influentiam intelligentiæ, quæ a te fluit.* diuidunt autem Iudæorum Cabbalistæ ipsam animam in tres partes, quarum prima sit *Nephefch* f. *psyche*, secunda *Ruach* seu *spiritus*, & tertia *Neschamach* seu *mens*, quæ mens sit profecta ex natura diuina adeoque pars mentis diuinæ, vide KNORRIVM a ROSENROTH, ⁴ IO. GEORGIUM WACHTERVM, ⁵

¹ de iure nat. & gent. iuxta disciplinam Ebr. lib. I. cap. 9.

² Psalm. XXXVI, 9.

³ more neuoch. part. II. cap. 4.

⁴ Cabbal. denudat. tom. I. part. 2. p. 393.

⁵ elucidat. Cabbal. cap. 3. §. 4.

IO. ANDREAM EISENMENGERVM. ¹
 quod ad philosophos paganos adinet, pri-
 mum heic commemorantur Chaldaei, qui et-
 iam mentem ab anima distinctam esse volue-
 rint, ut pateat ex oraculis, ² quæ ZORO-
 ASTRIS nomen præseferant:

Σύμβολα γὰρ πατρικὸς νόος ἐσπείρεται ψυ-
 χᾷς

Ἐγὼ τε βαθεῖ ἀναπλήσας τὴν ψυχὴν,
 Κατέθετο γὰρ νῦν ἐν ψυχῇ, ἐν σώματι δὲ
 Ὑμέας ἐγκατέθηκε πατὴρ ἀνδρῶν τε θεῶν τε,
Symbola enim paterna mens seminauit in a-
nimabus,

amore profundo replens animam.
reposuit enim mentem in anima, in corpore
vero

vos deposuit pater hominumque & deorum;
 quam mentem ex dei natura atque essentia de-
 ductam esse crediderint. hinc PSELLVS ³
 dicit: *animarum humanarum duplicem caus-*
sam ponunt, e fonte perenni promanantem, pa-
ternam nempe mentem & animam fontaniam;
prodit autem ut illi volunt, particularis ani-
ma a fontana iuxta patris voluntatem, & ha-
bet essentiam per se generatam & animatam,
aliunde enim non mouetur. nam si, ut in ora-
culo fertur, ignis diuini pars est & ignis luci-
dus atque paternæ mentis conceptus, profecto
forma est materiæ expers & per se subsistens.
illa enim omnia cum natura diuina communi-
cant, cuius particula est anima: confer PLE-
 THONEM, ⁴ MARSILIVM FICINVM, ⁵

¹ in entdeck. iudenthum Part. I. cap. I. p. 54. p. II. c. I. p. 9.

² v. 217. sqq. ³ summ. expos. dogmat. Chaldaic. p. xii. ⁴ schol.
 in oracul. p. 89. ⁵ de immortalit. anim. lib. X. c. 8.

IVSTVM LIPSIVM, ¹ præter quos a nonnullis in societatem huius doctrinæ vocantur Pythagoras & Plato: de priore dicit CICE-RO ² *nam Pythagoras, qui censuit, animum esse per naturam rerum omnem intentum & commeantem, ex quo nostri animi carperentur*, (ita legit DAVISIVS, ³ quoniam hæc loquendi formula magis conueniat cum mente VELLEII, ac significet, mentes nostras numinis esse frustra quædam lacera particulasque vi quadam auulsa) *non vidit distractione humanorum animorum discerpi & lacerari deum*. adde LACTANTIVM, ⁴ MINVCIVM FELICEM, ⁵ PLVTARCHVM. ⁶ idem quoque sensit PLATO, quod mens humana ex deo emanauerit, adeoque sit particula essentiæ diuinæ. namque statuebat, tres esse deos, ex quibus primum locum teneat *deus summus*, secundum *mens*, tertium *anima*, per quam animam intelligebat spiritum huius vniuersi orbis, qui per oculos corporis nostri percipia-
tur. atqui hunc spiritum vniuersi credebat, fontem esse reliquarum animarum, vt perspicue ostendit NEMESIVS, ⁷ quando dicit: *Plato & vnā & multas animas adfirmat. vnā enim esse huius vniuersi animam, esse etiam alias rerum singularum, vt vniuersum vniuersi anima separatim animatum sit, itemque separatim res singulæ sua quoque anima sint præditæ. dicit enim, vniuersa naturæ animam porrectam esse a centro orbis terræ usque ad extremas oras celi, non equidem vt*

¹ physiol. Stoic. lib. II. c. 10. ² de natura deorum lib. I. cap. 11. ³ p. 27. ⁴ inst. diuin. lib. I. cap. 5. ⁵ Orlan. cap. 19. ⁶ de placitiu phil. lib. II. c. 13. ⁷ de natur. homin. cap. 2. fol. 576.

locum ista notet porrectio, sed extensionis quemdam modum, quem mens & ratio assequatur, atque hanc esse animam, quæ in orbem rerum vniuersitatem contorqueat, mundique corpus contineat atque constringat. hanc esse volunt animam, quæ gubernat vniuersa & singulas animas, quæ tamen iam antea a deo factæ sint, in corporibus includat, cum deus illi leges dederit, quibus hunc mundum administraret. sicque anima mundi Platonis erat ipsius essentia diuinæ, ex qua quum animæ rerum singularum tractæ sint atque haustæ, facile ex his colligere possumus, quod ex opinione Platonis quælibet anima fuerit depromta de mente atque natura diuina, vt pluribus demonstrarunt IO. BAPT. CRISPVS, ¹ IACOBVS THOMASIVS, ² IACOBVS BASNAGIVS ³ aliique, quorum supra iam fecimus mentionem. sed si speciatim doctrinam de intellectu agente respiciamus, neque de Pythagora, neque de Platone affirmari posse, existimamus, quod in talem sententiam fuerint ingressi. etenim Pythagoras, vt ex testimonio CICERONIS, superioribus producto adparet, tantum credidit animos humanos diuinos & quasi discerptos fuisse ab animo per naturam rerum omnem intento & commeante, quem animum adpellat DIOGENES LAERTIVS ⁴ *ætherem*, quod scilicet philosophus hic dixerit, animam esse ἀπόσπασμα αἰθέρος, *auulsionem ætheris*, etiam immortalem, quoniam id, a quo sit auulsa, immortale sit, quæ opinio a

¹ de eth. causæ legendis distr. 1. lib. 8. fol. 59 sqq. ² de Stoic. mundi exussion. dissert. XXI. ³ histor. des iuifs 1. III. liur. 4. chap. 3. sq. ⁴ lib. VIII. segm. 28.

sententia Aristotelis de intellectu agente plane diuersa est. nam Aristoteles mentem seu intellectum agentem distinguit ab anima atque asserit, illam esse immortalem, hanc vero mortalem, quorum neutrum in Pythagoræ philosophia deprehendimus. nec Plato quidquam doctrinæ de tali intellectu cum Aristotele commune habere videtur, quum præter animam, quam particulam essentiae diuinæ, etiam immortalem, quamuis pueruo sensu esse credidit, nullibi de huiusmodi spiritu aut anima, quæ officium intellectus agentis faciat, disputauit. equidem IO. SELDENVS¹ ipsum huc refert prouocatque ad locum quemdam,² ubi intellectum agentem diuinitus animas nostras illuminantem comparauerit cum sole, cuius verba latine tantum breuitatis causa proferamus: *solem quidem dicis, ut arbitror, iis, quæ videntur, non modo videndi præbere potentiam, verum etiam generationem, augmentum, nutritionem, quum ipse tamen generatio non sit. atque ita dicas, bonum iis, quæ cognoscuntur, dare, non modo ut cognoscantur; sed esse insuper & essentiam largiri; quum ipsum essentia non sit, sed supra essentiam dignitate ipsum & potentia superans;* sed tantum abest, ut his verbis quidquam præsidii contineatur, ut contrarium ex illis possit probari. quin etiam Aristoteles vnum intellectum agentem posuit, quem omnes mortales habeant communem; sed Plato singulis hominibus peculiarem vindicauit animam: quumue oracula Zoroastris, quæ a PLETHONE, PSELLO AC FRANCISCO PATRICIO

¹ cit. loc. ² lib. VI. de reipublic.

collecta sunt, dubiam fidem lubricamque auctoritatem præ se ferant, nihil certi de Chaldaeorum sententia definiri potest: ac quamvis minus negauerim, vestigia quædam philosophiæ orientalis ibi inueniri; illud tamen exinde tantum patet, quod mentem ab anima separauerint, eamque ex dei essentia emanasse sibi persuaferint. sed hæc duo momenta: num mens distincta ab anima sit essentiæ diuinæ? & num præter animam detur adhuc intellectus agens, minime sunt perturbanda.

§. VI. Restat, vt Stoicorum quoque intueamur sententias de anima, ac speciatim de intellectu agente, quippe quem philosophos hos hominibus vindicasse, multi existimant. cuius rei inter alios testem produciunt DIOGENEM LAERTIVM ¹ qui ex doctrinis Stoicorum referat, animam hominis esse φθαρτήν, corruptioni obnoxiam. τὴν δὲ τῶν ὅλων ἀφθαρτον, ἥς μέρη εἶναι τὰς ἐν τοῖς ζώοις. sed testimonium hoc rei probandæ minime sufficit, siquidem tantum doctrinam de anima seu spiritu mundi, qui est deus, & vnde anima humana auulsa sit, attingit, quæ opinio de spiritu mundi non plane eadem est ac sententia de intellectu agente. namque anima iuxta Stoicos est pars dei & totius mundi: hinc SENECA ² dicit: *animus deos æquat, illuc tendit originis suæ memor*: item: *quid est autem, cur non existimes, in eo diuini aliquid existere, qui dei pars est? totum hoc, quo continemur, & vnum est, & deus & socii eius sumus & membra*: confer IVSTVM LIPSIUM ³ & IACO-

¹ lib. VII. segm. 156.
 Stoic. lib. III. cap. 8.

² epist. 92. it. 102.

³ physic.

BVM THOMASIVM ¹ alii obseruant, Stoicos statuisse in homines præter animam quoque mentem, hinc ANTONINVS ² dicat: *τρία ἴσιν, ἐξ ὧν συνέστηκεν σωμαίων, πνευμάτων, νῆς, tria sunt, ex quibus constas, corpus, anima, mens.* sed nondum patet, num mens contineat intellectum agentem, quod nonnulli adfirmant, an deus ipse officium faciat huius intellectus, & menti lumina præferat, confer IO. FRANCISCVM BVDDEVVM. ³ quapropter plane mihi persuadeo, quod Stoicorum doctrina de anima neutiquam inter se cohæreat, quin etiam repugnantia sibi & contraria complectatur. esto autem: crediderunt intellectum agentem, siue hunc tribuamus menti siue deo; minus tamen sententia hæc ex Stoicorum scholis cum Aristotelica potest conciliari. etenim Stoicis deus erat mundi forma informans, Aristotelis autem forma assistens, ut ex superioribus adparet.

§. VII. Extat adhuc locus hic apud Aristotelem: ⁴ *γίνεσθαι δ' ἐν γῇ καὶ ὑγρῷ τὰ ζῶα καὶ τὰ φυτὰ, διὰ τὸ ἐν γῇ μὲν ὑπάρχειν ὑγρὸν, ἐν δ' ὕδατι πνεῦμα, ἐν δὲ τῷ παντὶ θερμότητα ψυχικὴν, ὡς τρόπον ἵνα πάντα ψυχῆς εἶναι πλήρη. generantur autem in terra humoreque animalia & plantæ, quoniam humor in terra, spiritus in humore, calor animalis in vniuerso inest, ita ut quodam modo plena sint animæ omnia; in quo nonnulli animam mundi Aristotelis se inuenisse, sibi videntur, eamque cum intellectu agente confundunt. at vero quæcunque sit illa*

¹ de Stoica mundi exustion. diss. XXI. §. 8.

² lib. XII. §. 3.

³ anatol. hist. phil. p. 137. sqq. parerg. hist. theol. p. 492.

⁴ de generat. animal. lib. III. cap. II. p. 845. t. 1. opp.

anima mundi, planetamen ab intellectu agente Aristotelis distinguenda est. etenim intellectus agens est ex numero intelligentiarum, veluti adfistens forma; *θεωμότης ψυχῆς* autem penitus insita est materiæ, veluti forma informans: & prout ille præest cogitationibus hominum; ita hæc regit ac gubernat viventium generationes, id quod pluribus persequitur IACOBVS THOMASIVS. ¹

§. VIII. En indolem animæ ab Aristotele expositam! primum miramur, Aristotelem virum acuta iudicii facultatē præditum, tam ieiuna tradidisse de natura animæ humanæ, quæ ita sunt comparata, ut ipsius indolem genuinam plane euertant. idem fere fuisset, ac si hominem omni anima destitutum pronunciaisset, præsertim quum intellectus agens, a quo cognitiones rerum pendeant, a nobis penitus sit seiunctus. adhæc vero, quum verior mentis nostræ cognitio magno nobis adiumento esse possit, ut veriora quoque de deo sentiamus, quis dubitaret, talem Aristotelis sententiam non penitus immunem esse impietatis? quisque saltem atheorum huiusmodi de indole mentis hominum doctrinam admittere potest, quamvis summum esse numen, neget præfractæ. nam Aristotelis anima nullo alio fungitur munere, quam ut efficiat motus, cuiusmodi etiam in animalibus, quæ rationis beneficio carent, item in plantis deprehenduntur, & facile a vi quadam materiæ insita deduci possunt. si mortalis cogitat, ac quidem pro ratione iudicii, id non ab animæ humanæ viribus, sed intellectus agentis ope proficiscitur,

¹ de *Stoica mundi exustion*, diff. XIII. § 169.

quippe qui extra hominem sit constitutus. sic discrimen inter hominem ac brutum animal remouetur, quod inprimis in iudicii potestate ac vi positum est, siquidem satis compertum habemus, esse quoque bestias, quibus natura præter sensum ac motum dedit memoriam atque ingenium: verum enim vero maiorem adhuc lucem rei huic adferamus, si & Aristotelis opinionem de immortalitate animæ explanemus.

CAPITIS III:
DE
ATHEISMO ARISTOTELIS THEORETICO.

SECTIO III.
DE
OPINIONE ARISTOTELIS
AD IMMORTALITATEM
ANIMAE HUMANAЕ
SPECTANTE.

Σ Τ Ν Ο Ψ Ι Σ.

Dicendorum summa §. I. variæ auctorum sententiæ proferuntur de Aristotele, quid senserit de immortalitate animæ §. II. probatur, ipsum hanc veritatem negasse §. III. illustratur hoc per exempla discipulorum ac sectatorum ipsius §. IIII. fit conclusio de impia hac sententia §. V.

§. I. Quum perspecta sit & cognita Aristotelis doctrina de indole animæ humanæ, etiam ex superioribus constet, quid sentiat de ipso deo;

deo ; facile ipsius opinionem de mentis nostræ immortalitate capere possumus. etenim vt anima nostra semper permaneat atque omnis expers sit corruptionis, id efficit partim dei voluntas, partim ipsius indoles, a qua pro ordinaria virium naturæ ratione omnis finis atque interitus longe abest. quæ veritas, quod anima sit immortalis, prout magni est ponderis; siquidem cultum nostrum erga deum multum potest iuuare & confirmare, ita male sana sententia in tam gratiissimo momento non mediocre adfert detrimentum & hominibus viam ad impietatem mentis parare potest. quapropter consultum esse duximus, etiam hac in re Aristotelis philosophiam reuocare sub censuram.

§. II. Æuo cum verustiori, tum recentiori disputatum fuit in vtramque partem : qua gloria, quauē fide in hac doctrina explananda se præstiterit Aristoteles? fuerunt, quorum reprehensionem philosophus hic minus effugere potuit. vt silentio dimittamus antiquiores, ATTICVM *Platonicum*, PORPHYRIVM, PLOTINVM apud EVSEBIVM¹ THEODORETVM² & alios veteris ecclesiæ doctores, IUSTINVM *martyrem*, ORIGINEM, GREGORIVM vtrumque; constat ex historiæ literariæ monumentis, quod PETRVS POMPONATIVS³ negauerit, immortalitatem animæ ex principiis philosophicis posse demonstrari, quo ipso adfirmavit, doctrinæ Aristotelis, cui vbique eo tempore sancta habebatur dignitas, nullam inesse vim ad probandam

¹ *prepar. euangel. lib. XV. cap. 9. 10.* ² *de cur. grac. affect. lib. V. p. 517.* ³ *de anima immortalitate Bonon. 1516.*

animæ

animæ immortalitatem: sed quum hoc pronuntiauerit, quid mirum, quod multorum odium grauissimum inuidiamque sibi conflauerit seque in controuersias animum deturbantes coniecerit. alii enim persuaferunt sibi, POMPONATIVM animæ interitum credidisse, ipsique inter atheos adsignarunt sedem, vti AVGVSTINVS NIPHVS, qui aduersus eum librum scripsit; DANIEL GEORGIVS MORHOFIVS ¹ & IOANNES WIERVS ² testatur, se non semel accepisse ab *Heli-dæo* Foroliuiensi, eum fuisse atheum. alii iudicarunt, Pomponatium saltem in eo a veritatis via aberrasse, quod iuxta Aristotelis mentem, animas mortales esse, docuerit, quum de ecclesiæ decreto ipsius sententia alia ratione sit explicanda, quo spectant CASPAR CONTARENVS, & qui de illo testatur THEOPHILVS RAYNAVDVS ³ quando dicit: *non absolute ac simpliciter, mortalem animam censuisse videtur Pomponatius, sed duntaxat, si ratio nuda consuleretur, vt liquet ex opere Contareni, Cardinalis, de immortalitate conscripto aduersus Pomponatium, ipsius quondam Contareni in philosophicis magistrum. nec aliud censuerim voluisse illos, eiusdem æui philosophos, damnatos a Lateranensi concilio sub Leone X. & alios longe ante a Stephano Parisiensi episcopo, anno 1277. vel potius 1227. in rescripto, quod extat t. V. bibl. Margarini p. 1319. æque damnatos, quod assererent, animam rationalem secundum fidem esse immortalem, at secundum philosophiam esse mortalem. id certum est, quod*

¹ polyb. tom. II. lib. I cap. II §. 4. ² de prestig. demon. lib. VI. p. 369. ³ de bonis & malis libris n. XLII. p. 25.

ex philosophiæ Aristotelicæ principiis immortalitas animæ non possit demonstrari, ut paullo post probare instituamus, qua in re adeo Pomponatius sensit recte; at vero sanæ rationi omnem momenti huius cognitionem, etiam probabilem abiudicare, eamque tantum ex scripturis diuinis peti posse, sibi persuadere, id temerarium esse putamus. de cetero causam mente nostra capere non possumus, cur quis ideo in atheorum ordinem adscribatur, quod immortalitatem animæ tantum ex oraculis diuinis cognoscendam esse, adfirmat, quod omnino fecit Pomponatius. primum quidem error de anima mortali cum atheismo est coniunctus; sed non sequitur, ut ille, qui in tali errore versatur, ipse sit atheus: deinde si quis asserat, animæ immortalitatem firmis rationibus ex sacro tantum codice posse probari; iste sane minime negat, animam esse immortalem. præter Pomponatium autem commemoramus ANGELVM ROCCAM, qui exercitationes de *animæ immortalitate* conscripsit, iisque istam interire probare, atque hanc sententiam auctoritate Aristotelis, quippe qui idem senserit, communire adlaborauit. sic & MOTTHÆVS VAYERIVS, ¹ PETRVS BÆLIVS, ² AVCTOR obseruat. Halens. ³ existimarunt, hanc veritatem grauissimam ex Aristotelis philosophia minus patere, ut de aliis taceamus. at vero non defuerunt, qui hac in re causam Aristotelis perorarunt. PETRVS DANIEL HVETIVS ⁴ dicit, extare in excer-

¹ vid. petit discours chrétien de l'immortalité de l'ame, dans le IV. tome des oeuvres de François Paris 1649. 12. ² diction. hist. & crit. sub voce Pomponace. ³ tom. VIII. obs. 10. §. 16.
⁴ quæst. Alnet. lib. II. cap. 8. §. 3.

ptis Photii vitam Pythagoræ incerti cuiusdam auctoris, vbi tradatur, Platonem atque Aristotelem docuisse, animos humanos post mortem permanere; & recentiori ætate præter alios, qui religiosi fuerunt Aristotelis sectatores, & grauiores Pomponatio aduersarii, ANTONIVS SIRMONDVS ¹ FORTVNIVS LICETVS CONTRA CREMONINVM, IO. NICOLAUS HARTSCHMIDIUS, ² PETRVS DANIEL HVETIVS ³ IO. PETR. LVDOVICI ⁴ aliique ipsius doctrinam aduersus adulationes tueri, diligenter instituerunt.

§. III. Sed ab omni auctoritatis studio alieni plane nobis persuademus, doctrinam Aristotelis partim de deo, partim de indole animæ humanæ ita esse comparatam, vt subinde nequiquam animæ immortalitas possit cognosci. quod si enim deum respiciamus, ipsius cum iustitia, tum benignitas efficit, vt mens mortalium immunis sit interitus; sed quum ex sententia Aristotelis summum numen nulla rerum humanarum cura tangatur, quomodo quæso, talis dei diuinitas nobis argumentum possit suppeditare, quo animi humani immortalitas eluceat? quodue ad ipsius animæ indolem adinet, posuit philosophus noster discrimen inter *animam* & *mentem* seu intellectum agentem, & aperte pronunciauit, *ψυχὴν* id est *animam*, a qua motus corporis pendeant, esse mortalem; *mentem* vero immortalem, vt ex superioribus constat. at vero, quum intel-

¹ de anima immortalitate. ² de immortalitate animæ humanæ ex philosoph. veter. & recentiorum argum. examinata & demonstrata. ³ cit. loc. ⁴ disp. de omnium fere gentium deuita æterna concert. p. 31.

ctus agentis officio fungi intelligentiam quamdam, adeoque extra hominem esse constitutam, satis superque probauerimus; non possumus perspicere, qua ratione per hanc Aristotelis opinionem possit confirmari animæ humanæ immortalitas? nam ex hoc consequitur, ut ista intelligentia, quæ munus intellectus administrat atque omnibus hominibus lucem præfert in cognoscendis rebus, ab interitu sit remota, quæ quum omnibus ex mortalium genere non solum communis; sed etiam ab anima iuxta Aristotelis opinionem plane sit distincta; nemo sanè ex his poterit efficere conclusionem, ut & singulæ hominum animæ sint immortales. quam distinctionem inter *animam* & *mentem* seu intellectum agentem quoniam plures minime obseruauerunt, etiam maiori industria nonnulla verba, quæ aliquid immortalitatis sapiant, quam ipsius Aristotelis mentem respexerunt, & adhuc nimia erga philosophum hunc religione fuerunt occupati, non mirum, quod ipsum de animæ immortalitate rectius sentientem defendere, sibi sumserint. quid multa? si Aristoteles animum aduertisset partim ad cogitationes intellectus, partim ad cupiditates voluntatis, facile deduci potuisset in cognitionem spiritus nostri, quod non solum peculiaris sit substantia eaque a corpore plane diuersa, sed & omnis corruptionis expers. nam quo pacto id, quod ex nullis partibus compositum est, pro constituta viriū naturæ ratione mori queat, ratio capere non potest: id quod etiam perspectum probe exploratumque habuit CICERO: ^a *quid*

^a *Caton, maior. cap. XXI.*

multa?

multa? inquit, sic mihi persuasi, sic sentio, cum tanta celeritas animorum sit, tanta memoria præteritorum futurorumque prudentia, tot artes, tanta scientiæ, tot inuenta, non posse eam naturam, quæ res eas contineat, esse mortalem: cumque semper agitetur animus, nec principium motus habeat, quia se ipse moueat, ne finem quidem esse habiturum motus, quia nunquam se ipse sit relicturus; & cum simplex animi natura esset, neque haberet in se quidquam admissum dispar sui, atque dissimile, non posse eum diuidi, quod si non possit, non posse interire.

§. II. Discipuli, auditores ac sectatores Aristotelis etiam hoc in momento nobis adferre possunt lumen, quæ ipsi fuerit disciplina de animorum immortalitate. atqui ætate antiquiori ALEXANDER Aphrodisiensis scripsit libros duos de anima, quam esse εἶδος τῆς σώματος ὁργανικῆς, καὶ ἐκ ὁρίων τινὰ αὐτῆς καθ' αὐτὴν disputat, etiam profitetur, ¹ se sententiam Aristotelis tradere, ipsumque ut in aliis argumentis, sic quoque in hoc de anima sequi. & alio loco ² dicit, se a quodam accepisse sententiam Aristotelis ita expositam, quod mens diuina, quæ est intellectus agens, extrinsecus adueniens per humanum corpus velut organum operetur: item aperte negat, animam esse mortalem, ac posse separari a corpore, ³ & ita quidem, ut temere dicat eos, qui immortalitatem animæ tribuant, perinde mentiri, ac si quis bis duo aiat esse quinque, ⁴ confer IO. ALBERTVM FABRICIVM. ⁵

¹ præf. lib. I. de anima.
picor. p. 77. 81. & alibi.
cap. 25. §. 1.

² lib. 2 p. 144.
⁴ p. 72. c. l.

³ ad lib. II. topicor.
⁵ bibl. græca lib. IV.

fic DICÆARCHVS *Messenius, Siculus*, Aristotelis discipulus acerrime contra animorum immortalitatem differuit, de quo CICERO ¹ dicit: *acerrime autem deliciae meae, Dicæarchus contra hanc immortalitatem differuit. is enim tres libros scripsit, qui Lesbiaci vocantur, quod Mytilenis sermo habetur, in quibus vult efficere, animos esse mortales: & paullo ante ² *sententiam ipsius ita proponit, nihil esse omnino animum, & hoc esse nomen totum inane, frustra que animalia & animantes adpellari; neque inesse in homine animum vel animam, nec in bestia: vimque omnem eam, qua vel agamus quid, vel sentiamus, in omnibus corporibus vivis æquabiliter esse fusam, nec separabilem a corpore esse, quippe quæ nulla sit, nec sit quidquam, nisi corpus vnum & simplex ita figuratum, ut temperatione naturæ vigeat & sentiat; & ATTICVS Platonicus apud EVSEBIVM ³ *commemorat de hoc Dicæarcho, quod τὴν ὅλην ὑπόστασιν τῆς ψυχῆς ἀνῆκε, totam animi naturam funditus sustulerit: in quam sententiam diligenter inquirat PETRVS BÆLIUS. ⁴ *seculo post servatorem nostrum natum XII. ex Peripatetica disciplina prodiit AVERROES, quem nonnulli crediderunt, ita Aristotelis mentem tenuisse perspectam & cognitam, ut ipsius animam dicerent esse animam Aristotelis. hic autem eodem modo, quo Aristoteles, intellectum agentem statuit, quem immortalem, animam vero mortalem esse adfirmavit; quam in rem dicit GERH. IO. VOS-****

¹ *quest. Tuscul. lib. I. cap. 31. cap. 9. præp. evangelic. pag. 1048. sqq.*

² *c. l. cap. 10.*

³ *lib. XV.*

⁴ *dict. hist. & crit. voc. Dicæarche*

SIVS. ¹ *bisariam iubet considerare hominis intellectum Aueroës, ut est intellectus & ut est forma: priori modo ait, eum a morte nostra superesse, quippe æternum, nec dari homini essentiam, sed vniri illi per operationem suam, phantasmatum interitu. & sane ea sententia scripturæ sacræ e diametro aduersatur, ut quæ suam cuique animam, sua etiam a morte præmia & pœnas adsignat: confer PETRUM BAELIVM ² & IO. FRANCISCVM BVDDEVM. ³ Non miramur, quod Aristoteles male senserit de immortali animo nostro, siquidem pro vi principiorum, quæ de ipsius indole tradiderat, aliter sentire non poterat. namque ut veritas gignitur ex veritate, & error oritur ex errore, sic veritas de immortalitate animæ multum dependet a veritate de ipsius indole. quapropter veteres philosophi quum assererent, animum nostrum emanare ex mente diuina, eiusque esse particulam, quamuis istum immortalem dicerent, potius adfirmarunt, non posse illum destrui, quam esse immortalem, ut adeo cum ratione cautioneque horum testimonia adhibere debeamus, quod præter alios HARTSCHMIDIVS ⁴ & PETRVS DANIEL HVETIVS ⁵ minime obseruarunt. de cetero qui sibi persuadent, animas hominum mortales esse, & una cum corpore interire, omnino in errore, cum atheismo coniuncto versantur. ac quamuis quis credere possit, esse deum, ac nihilominus im-*

¹ de orig. & progressu idolol. lib. III. cap. 42. ² diction. voce Aueroës p. 414. seqq. ³ chef. de atheism. & superst. cap. III. §. 2. pag. 261. ⁴ de immortalitate animæ humanæ. ⁵ quæst. Alenau, lib. II. cap. 8. §. 3.

mortalitatem hanc aut plane neget, aut in dubium saltem vocet; præcipuum tamen religionis cultusque diuini fundamentum tollit. namque qui huiusmodi opinioni addictus est, nullum locum neque præmiis, neque pœnis post hanc vitam relinquere potest, quibus tamen mortales vel maxime ad cultum erga deum eiusque religionem incitari solent. duo quidem momenta sententiæ huic obiici possunt: alterum est, quod ille, qui animam mortalem credat, intuitu præmiorum, quæ in hac vita hominibus dentur, deum cultu prosequi possit, quæ religio Sadducæorum fuisse traditur, vt a IO. LIGHTFOOT¹ obseruatum: *quenam ergo religio Sadducæi? orat, ieiunat, sacrificat, obseruat legem, & tamen non expectat resurrectionem, aut vitam æternam. quorsum hæc religio? vt obtineret scilicet bona temporalia, quorum solum promissionem obseruat ille factam in lege, nihil rimans ultra litteram.* alterum est, quod quis asserere possit, animos hominum esse mortales, sed cum corpore aliquando resuscitandos, vt adeo & pœnis & præmiis locus sit, quæ opinio fuit Arabicorum seculi tertii hæreticorum & nostra ætate GVILIELMI COWARDI; sed neutrum ad Aristotelis opinionem adplicari potest, aut quidquam ponderis habet ad excusandum ipsum, aut defendendum. adhuc si prius momentum, quod obiici poterat, respiciamus, ille sane non præstat officia religionis veræ atque integræ erga deum, qui spe bonorum vitæ huius ipsum colere instituit: posterior vero sententia omni caret vi ac funda-

¹ *her. ebr. ad act. apost. XXIII. 8. tom. II. opp. p. 787.*

mento, vt pluribus ostendit IO. FRANCISCVS
BVDDEVS. ^I

CAPITIS III.
DE
ATHEISMO ARISTOTE-
LIS PRACTICO.

SECTIO I.
DE
DOCTRINA MORVM ARI-
STOTELIS.

Σ Τ Ν Ο Ψ Ι Σ.

*Dicendorum summa §. I. scripta Aristotelis de mori-
bus breuiter recensentur §. II. Aristoteles negat
certitudinem doctrinae moralis & originem iu-
stitiae atque honestatis deducit a legibus ciuili-
bus §. III. quo spectet philosophia practica Ari-
stotelis, generatim indicatur §. IIII. qua de re
cum aliis antiquis philosophis comparatur §. V.
speciatim eius doctrina de summo bono exponitur
atque illustratur VI. VII. VIII. de virtutis in-
dole & diuersis speciebus §. VIIII. X. XI. varia
iudicia de hac philosophia Aristotelis §. XII.
conclusio ex hisce dictis de atheismo Aristotelis
§. XIII.*

§. I. Sic adhuc exposuimus sententias Ari-
stotelis de deo, prouidentia diuina, anima eius-
que immortalitate, atque ostendimus, quod
ipsius doctrina coniuncta sit cum atheismo.
nunc operis nostri ratio postulat, vt dispute-

I syntagm. dissertat. acad. p. 738, sqq.

mu

mus quoque de philosophi huius atheismo practico, ac probabilitatis vi probemus, ipsum fuisse atheum suaque mente nullum habuisse sensum de deo eiusdemque cultu, quo ipso duo dissertationis huius momenta sunt, quorum alterum respicit atheismum doctrinæ Aristotelicæ; alterum atheismum ipsius auctoris seu Aristotelis. de quo posteriori disseramus probabili ratione, ac conclusionum nostrarum argumenta partim ex monumentis, quæ de moribus scripsit, partim ex ipsa vitæ ratione, quam secutus est, petamus.

§. II. Protulit Aristoteles varia monumenta, quæ philosophiam actiones humanas spectantem complectuntur. extant enim libri decem *ethicorum ad Nicomachum*; libri duo *magnorum moralium*, quos cur auctor inscripserit *magna moralia*, quum reliquis sint breviores, ratio non patet; libri septem *moralium ad Eudemum*, quos Aristoteli veluti auctori adscribunt codices antiqui, SIMPLICIUS, FAVORINUS apud LAERTIUM, ¹ GEMISTVS PLETHO aliique: item fragmentum de *virtutibus & vitiis* seruatum ASTOBÆO; libri octo de *republica* & libri duo de *cura rei familiaris*, de quibus copiose disserunt IO. ALBERTVS FABRICIUS & GEORGIUS PASCHIVS. ² dissertationis huius rationem spectant præcipue libri ethicorum, quibus etiam Aristoteles doctrinam de moribus legitimo ordine tradere, & quæ ipsi disciplinæ huius fuerint principia, exponere instituit.

§. III. Inquiramus igitur in disciplinam

¹ lib. V. segm. 21. ² illa bibl. grac. lib. III. c. 6. §. 29. segg.
hic vero introductione in rem litt. mor. veterum cap. 2.

moralem Aristotelis, ut illa dilucide exposita, conclusionem de ipsius mente atque erga deum adfectu efficere possimus. antequam vero speciales illius doctrinas attingamus, non ab re erit, si generatim indicamus, qua fide quoue animo tradiderit hanc doctrinam, ut quod pretium illi sit statuendum, cognoscamus, qua opera duo nobis sunt proposita, ut partim ipsam disciplinæ formam; partim illius argumenta, quæ explanata sunt, consideraremus. atqui si inspectemus doctrinæ huius formam, constat, quod Aristoteles existimauerit, cognitionem tantum probabilem dari in disciplina de moribus, quæ ea de causâ nomen scientiæ minime possit tueri: hinc dicit: ¹ τὸ γὰρ ἀκριβὲς ἔχει ὁμοίως ἐν ᾗπασι τοῖς λόγοις ἐπιζητήριον, ὥσπερ ἔδὲ ἐν τοῖς δημιουργημένοις τὰ δὲ κατὰ καὶ τὰ δίκαια, περὶ ὧν ἡ πολιτικὴ σκοπεῖται, τοσαύτην ἔχει διαφορὰν καὶ πλάνην, ὥστε δοκεῖν νόμῳ μόνον εἶναι, φύσει δὲ μὴ, non enim in omni disputationis ac sermonis genere peræque accurata subtilitas requirenda est: quemadmodum nec in operibus manufactis. atqui in iis rebus, quæ honestæ quæque iustæ sunt, quas civilis scientia considerat, tanta est dissensio, tantaque in eis versatur erratio, ut lege tantummodo, non natura constare videantur. quibus verbis non solum aperte profitetur, quæ ipsi sit sententia de certitudine doctrinæ moralis; sed & causam, cur ita sentiat, non obscure significat, quod a lege civili honestatis origo sit repetenda, nec natura quidquam honestum ac iustum, quando addit: ὥστε δοκεῖν μόνῳ νόμῳ εἶναι, τῇ δὲ φύσει μὴ. quin etiam in eam ingressus

¹ lib. I. c. I. eth. ad Nicom. p. 4. t. II. opp.

est opinionem, quod non possit definiri, quid bonum quidue sit malum, siquidem dicto loco dicit: τοιαύτην δὲ ἵνα πλάνην ἔχει καὶ τ' ἀγαθὸν διὰ τὸ πολλοῖς συμβαίνειν βλάβας ἀπ' αὐτῶν. ἤδη γὰρ ἴνες ἀπώλοντο διὰ πλῆτον, ἕτεροι δὲ δι' ἀνδρείαν. ἀγαπήλὸν ἔν περὶ τοιούτων καὶ ἐκ τοιούτων λέγοντας, παχυλῶς καὶ ἴσῳ τ' ἀληθὲς ἐκδείκνυσθαι, eademque de bonis quoque controuersia est & idem error extitit, propterea quod ex his multi detrimentum capiant. aliis enim iam diuitiæ, aliis fortitudo corporis exitio fuit. ergo satis erit, si cum de rebus & ex rebus eiusmodi verba facimus, rudem quamdam veri formam adumbremus. quem recentiori ætate secutus est præter alios HUGO GROTIUS: ¹ verissimum est, inquit, quod scripsit Aristoteles, in moralibus non æque ut in mathematicis disciplinis certitudinem inueniri. sed quod disciplina moralis sua quoque munita sit certitudine, ibique demonstrationes, ut ex principiis certis, veris & clavis deducamus certissimas conclusiones, possint institui, adeoque sententia Aristotelis aliorumque, qui ipsum sequuntur, omni careat vi, argumentis sane grauissimis viri celeberrimi probarunt, ex quibus tantum SAMVELEM PVFENDORFIVM ² & IO. FRANCISCVM BVDDEVM ³ nominamus. quapropter non est, quod post nobilissimam horum virorum industriam idem agamus negotium ac veluti Iliadem scribamus post Homerum; sed sufficiat, obseruare quod huiusmodi homo, qui heic verosimilem tantum cognitionem admittit, viam ad scepticis-

¹ de iure belli & pacis lib. II. cap. 23 §. I. ² de iure natur. & gent. lib. I. cap. 2. ³ anal. hist. philosoph. p. 244. sqq.

mi vitium parare possit. adhæc facile illorum sententiæ accedimus, qui arbitrantur, Aristotelem eadem ratione, qua Epicurus, sensisse de origine iusti atque honesti. Epicurus enim existimabat, initio homines ferarum more transegisse vitam; exploratis autem incommotis periculisque, quæ talem viuendi rationem sequebantur, eos firmasse societatem pactis, constituisse ciuitates, iura sanxisse & leges, & ita a barbarie morum traductos fuisse ad cultum atque humanitatis sensum. sic philosophus hic nullum ius, nullam legem præter civilem agnouit, ad quam constituendam homines vtilitate adducti fuissent, quam sententiam eleganter tradit HORATIVS ¹ qua in re consenserunt *Cyrenaici*, duce & auctore *Aristippo*, qui asserunt apud LAERTIVM: ² μηδέν γ' ἐστὶ φύσει δίκαιον, ἢ καλὸν ἢ αἰσχρὸν, ἀλλὰ νόμῳ καὶ ἔθει, *nihil natura esse iustum aut bonum, aut turpe, sed lege & consuetudine*; nec Aristoteles ab hac opinione recessit, vt ex superioribus verbis: ὥς τε δοκεῖν μόνῳ νόμῳ εἶναι, τῇ δὲ φύσει μή, adparet. quod, quum ita est, in nouam suspicionem scepticismi Aristotelem deducit. si enim non aliis, quam legibus civilibus homines reguntur ac gubernantur, hæque ab arbitrio mortalium pendent, omnis sane iustitiæ atque honestatis ratio dubia erit, ac moralis scepticismus triumphabit vbique. sunt quidem, qui per hoc excusant Aristotelem, quod eiusmodi scripserit discipulis, qui pro ratione illius ætatis ad scientias mathematicas instituti fuerint, eosque mouerit, ne tales expectarent demonstrationes, quæ ἀκριβεῖαν

¹ lib. I. satyr. III. v. 96. sqq.

² lib. II. segm. 93.

mathematicam continerent, sed quales hæc materia posset suppeditare, vide SAMUELEM RACHELIVM,¹ sed ne hoc quidem ad excusationem Aristotelis legitimam instituentiam valet. primum enim in disciplina morali dantur omnino demonstrationes, quæ eiusdem sunt ponderis & dignitatis, ac mathematicæ: deinde quum philosophus noster sæpe alibi multum disputauerit de discrimine inter cognitionem certam & probabilem, facile ostendere potuisset, quænam argumenta philosophiæ moralis nitantur aut certitudine, aut tantum probabilitate, si veram ipsius indolem intueri ac bona fide agere voluisset.

§. IIII. Si igitur Aristoteles negat certitudinem disciplinæ moralis, originem iustitiæ atque honestatis deducit a legibus ciuilibus, & adhæc, vt ex superioribus patet, dei providentiam atque animæ nostræ immortalitatem tollere sibi sumit; facile ex hisce cognoscere possumus, quo ipsius integra philosophia moralis respiciat? qui antiquissimo errore adhuc persuadent sibi, ipsi fuisse in animo, viam ad felicitatem veram eamque mentis, quæ in suauissima tranquillitatis delectatione posita est, monstrare, magno detrimento decipiuntur. namque Aristoteli fuit propositum, rationem explanare, qua quis in hac vita se felicem reddere, sibi que comparare aut honores, aut opes, aut alia voluptatis commoda posset, cuius felicitatis virtutes, de quibus disseruit, partes; leges ciuiles vero, quas libris de republica exposuit, media esse existimauit. quapropter sectatores Aristotelis, quum tres partes disci-

¹ introd. in phisof. moral. Aristot. cap. 12.

plinæ ethices constituunt, & primum de fine; deinde de subiecto, tertium de mediis, quæ essent ipsæ virtutes, tractant, aduersus ipsius Aristotelis mentem sentiunt, ac eiusmodi tradunt disciplinam, quæ ab illius ingenio atque animo abest longissime. quod si ita est, sicuti est, omnes ipsius doctrinæ ac speciatim de summo bono, de natura virtutis eiusque variis generibus erunt claræ & perspicuæ, ita vt egregie cum auctoris proposito conueniant, id quod paullo post copiose explanare instituamus.

§. V. Quod si philosophiam moralem Aristotelis cum doctrinis Platonis, Stoicorum atque Epicuri comparamus, vltimum sane habebit locum atque apertum erit, quod Aristoteles inter omnes philosophos, quos vetus græcia protulit, quique ingenii gloria terrarum orbem impleuerunt, de doctrina morum minimam mereatur laudem atque existimationem. namque & Plato, & Stoici & Epicurus de felicitate interna erant solliciti, ac quæ tradebant præcepta, ad obtinendam illam accommodabant; Aristoteles autem id agebat, vt modum ad delicias rerum humanarum perueniendi ostenderet, adeoque nullam veræ eiusque internæ felicitatis siue tranquillitatis habebat rationem. sic *Plato*, cuius doctrinam ex vetustioribus *ALCINOVS*,¹ ex recentioribus ætate *MAGNVS DANIEL OMEISIVS*² exposuerunt, cum Pythagora censebat, vltimum hominis finem esse *ὁμοιωσιν τῷ Θεῷ*, & inter media ad istum perueniendi referebat quoque *καθάρσιν*, *purgationem*, vt affectus & prauæ cupiditates opprimerentur;

¹ de doctrina Platon. ² ethic. Platon. Aldorf. 1696. 8.

hinc

hinc & dixit, philosophiam esse μελέτην θανάτου, *meditationem mortis*; de qua legi merentur, quæ conlegit IUSTVS LIPSIVS: ¹ adde IO. FRANCISCVM BVDÆVVM. ² Stoici quoque in emendandis aliorum animis erant occupati, quorum morbis id est adfectibus omni studio adhibebant medicinam, vt isti ex mente exterminari atque expelli; pristina vero sanitas seu tranquillitas possent reparari: quam in rem nota est doctrina ipsorum, qua defendebant ἀπάθειαν, ex quibus diserte dicit SENECA ³ *utrum satius sit, modicos habere adfectus, an nullos? saepe quaesitum est. nostri expellunt: Peripatetici temperant: & alio loco: ⁴ non diminutionem malorum in bono viro intelligo, sed vacationem: nulla debent esse, non parua.* nec Epicurus aliter sensit, atque vltimum bonorum posuit in voluptate animi, quo non obscure significauit, ab hominibus omni cura & diligentia expetendam esse eiusmodi mentis felicitatem, vt nullos adfectuum atque cupiditatum impetus experiri debeat. quam ipsius Epicuri sententiam sectatores eius corruperunt, persuadentes sibi, extremum bonorum contineri in voluptate corporis, eoque ipso auctoritatem Epicuri per longum temporis tractum in magnum coniecerunt discrimen. tantum vero abest, vt philosophiam moralem Platonis, Stoicorum atque Epicuri probemus, vt istam multis iisque grauissimis erroribus plenam esse censeamus. namque fatemur ingenua mente, quod quamuis effata horum philosopho-

¹ manu ducit ad philosoph. Stoicam lib. II. cap. 2. ² analect. hist. philos. p. 369. seqq. ³ epist. 116. ⁴ epist. 85.

rum ad speciem splendida sint, ista tamen, si inspiciantur penitus, atque ad principia, vnde sint deducta, adplicentur, veritati pietatique maxime aduersentur. Pythagoras & Plato, quum de rebus morum differerent, eo principali errore sese implicuerant, quod anima nostra pars sit mentis diuinæ; Stoici autem dicebant, omnia necessitate fati fieri, & inde colligebant, omnia, quibus alios instituerunt, præcepta, etiam ἀπαθῆναι, & Epicurus eiusmodi sibi fingeat voluptatem animi, vt per illam præfracte tolleretur dei prouidentiam. quapropter quum existimemus, Aristotelem laude meritorum de doctrina morali aliis philosophis esse inferiorem, id tantum volumus significare, quod hi ipsum finem disciplinæ, quæ græca adpellatione *ethica* vocatur, verius cognouerint, id est felicitatem internam seu tranquillitatem animi, quamuis ipsis media, illam consequendi minus fuerint cognita. monet quidem J. O. SCHEFFERVUS, ¹ quod Aristoteles consentientia plane cum sententia Pythagoræ ac Platonis docuerit; & SIMPLICIUS ² ex versione SEBASTIANI FOSCARINI mentem ipsius ita exprimit: *utrique parti philosophiæ communis finis, quem homo assequi debet, ipsa extrema & perfectissima felicitas, de qua nihil excellens ac præstans alicui philosophorum, etiam eorum, qui ad extremum philosophati sunt, Aristoteles reliquit, quo illum attingere possent, immo nec hominem adpellandum esse. sed deum censuit, qui ad illam peruenisset.* sed ea, quæ

¹ de natura & const. phil. Italic. cap. 7.
tegor.

² prologom. in categor.

hunc

hunc in modum differit Aristoteles, respiciunt doctrinam de intellectu agente. quod si ita est, non possumus satis mirari hominum tot seculorum vel ignorantiam, vel nimium pietatis cultum erga Aristotelem, quod ex ipsius libris ethicorum ad Nicomachum compendia doctrinæ moralis conficere & ad ista iuuentutem instituere sibi sumserint, quoniam illis non disciplina ethices, sed prudentiæ eiusque politicæ continetur.

§. VI. Sed de momento hoc agamus distinctius ac speciatim in ipsas Aristotelis doctrinas inquiramus, demonstrando, quod omnes istæ felicitatem externam respiciant. ratio totius philosophiæ moralis in summo bono continetur, de quo inter veteres philosophos magna fuit diuersitas, vt patet ex Cicerone ¹ & Lactantio; ² quin etiam auctor est Augustinus, ³ Varronem ducentas octoginta & octo hac de re collegisse opiniones, quamuis facile cuique adpareat, quod magis verbis, quam re ipsa instituerint dissensiones. namque si spectamus celebriores philosophiæ magistros æui vetustioris, tria imprimis sententiarum de summa felicitate genera fuerunt: primum pertinet ad Stoicos, ex quibus Zeno Cittieus bonum vltimum esse dixit ὁμολογούμενος ζῆν *conuenienter viuere*; Cleanthes autem vocem naturæ addidit asseruitque, extremum bonorum vltimumque finem esse ὁμολογούμενος ἢ φύσει ζῆν, vel συμφάνως ἢ φύσει ζῆν *conuenienter*, vel conformiter naturæ viuere. nomine vero

¹ de fin. bon. & mal. item quæst. acad. ² lib. III. cap. 7. sqq.
³ de ciu. dei lib. XVIII. cap. 1.

naturæ designabant ipsum deum, per quem animam mundi materiæ alligatam, fato obnoxiam, & per cuncta corpora diffusam intelligebant, ut pluribus ostendit JO. FRANCISCUS BVDDEVS¹ secundum genus constituit opinio *Epicuri*, qui eum summe felicem esse censebat, qui præsentis mentis voluptate perfrueretur, consideretque se fruiturum aut in omni, aut in magna parte vitæ, dolore non interueniente, etiam nec mortem nec deos extimesceret. tertius est *Aristoteles*, cuius disputationem de summo bono penitus inspicimus. existimauit quippe, omnium aliorum perfectionem contineri in certo quodam munere atque operatione, quæ ipsorum naturæ sit propria, adeo ut quoduis animal perfectum sit; si opera sibi consentanea proferat; ac omne animalium membrum, si præstet id, ad quod a deo sit conditum, item omnis artifex existat perfectus, quando absolutum artis suæ edat opus. atque ita ἕκαστον κατὰ τὴν οἰκείαν ἀρετὴν ἀποτελεῖσθαι. ex his collegit, hominis quoque formam beatæ & felicitis vitæ consistere in munere quodam; quod ipsius indoli humanæ sit proprium, quumque mortales cum aliis animantibus habeant communes τὴν θρεπτικὴν καὶ αὐξητικὴν ζωὴν, vitam alendi augendique vi ac facultate præditam, item αἰσθητικὴν, vim sentiendi, reliquit illis πρακτικὴν ἵνα τῷ λόγῳ ἔχοντες, vitam actiuam partis animæ, quæ rationem habet, in quo summa hominis felicitas posita sit, & quidem τὴν κατ' ἐνέργειαν, quæ sit in ipsa operatione. quum autem singula κατὰ τὴν οἰκείαν ἀρετὴν ex propria virtute

¹ anal. hist. phil. p. 118. sqq.

perficiantur, putavit quoque Aristoteles *ψυχῆς ἐνέργειαν καὶ ἀρετὴν animæ operationem secundum virtutem* esse hominis summum bonum; ac quum plures sint virtutes, postulavit, ut operatio illa debeat esse *κατὰ τὴν ἀρετὴν καὶ τελειοτάτην ἀρετὴν, secundum virtutem optimam & perfectissimam, hancque ipsam ἐν βίῳ τελείῳ, in vita perfecta.* ¹ sic homo summe felix est, quando anima operatur secundum perfectam atque optimam virtutem, per quam Aristoteles nihil aliud intelligit quam *sapientiam*, hinc & alio loco ² dicit, optimam illam virtutem, quam heic adpellat *κρατίστην*, esse illius, quod in homine sit optimum, ibi teneat principatum, & notionem rerum honestarum & diuinarum habeat, cuius secundum propriam virtutem operatio, quæ omnino est contemplatio rerum honestarum diuinarum atque æternarum, seu *ζωὴ θεωρητικὴ*, absoluat perfectam felicitatem. quin immo quod Aristoteles per *ἀρετὴν ἀρετὴν* seu *κρατίστην* intelligat sapientiam, patet ex ipsius verbis ³ hisce clarissime: *ἡ δὲ τῶν κατ' ἀρετὴν ἐνεργειῶν ἡ κατὰ τὴν σοφίαν ὁμολογημένης ἐστὶ, iucundissima autem ex virtutis operationibus ea procul dubio est, quæ secundum sapientiam fit;* quibus, quam antea dixerat *ἐνέργειαν κατ' ἀρετὴν τὴν κρατίστην*, eam heic diserte pronunciat *ἐνέργειαν κατὰ τὴν σοφίαν*. præter hanc vero felicitatis in contemplatione positæ speciem adhuc aliam constituit, quæ vita virtuti morali seu civili consentanea contineatur, ⁴ & adhæc sibi persuasit, quod talia bona animi debeant esse coniuncta cum bonis corporis ac fortunæ,

¹ lib. 1. cap. 6. ethic. ad Nicom. ² lib. X. cap. 7. ad Nicomach.
³ ibid. ⁴ lib. X. cap. 8. eth. ad Nic.

quibus vere beatus & felix homo carere non possit. ¹ quarum alteram cum altera dum comparat, priorem felicitatem, quæ absoluitur contemplatione atque operatione menti consentanea, posteriori præfert adeoque existimat, summum bonum theoreticum nobilius esse ac præstantius summo bono practico. nec Aristoteles aliter sentire poterat pro vi principiorum, quæ antea posuit. namque animum tantum sibi induxerat, viam ad felicitatem externam præparare hominumque mores ad eiusmodi honestatem, quæ a lege civili pendet, conformare, quapropter duo esse media tradebat, per quæ quis in hac vita felix esse possit. alterum si quis se diligenter exerceat meditatione contemplationeque ac per huiusmodi studium philosophiæ laudem sibi comparet; alterum vero, quum homo vitam ad formam legum civilium adcommode ac præ se ferat honestatem, etiam deliciis opum, honorum voluptatumque perfruatur. verum satis habebat compertum atque exploratum Aristoteles, quam incerta sint talia bona, quamue fragilia & caduca, hinc melius esse iudicavit, sapientiæ negotiis operari ac per istam amplissimam nominis famam sibi conficere. quæ quum ita explanentur, omnia sane apta sunt inter se ac cohærent, ac principiis, quæ philosophus noster adhibuit, eleganter atque accurate respondent.

§. VII. Miramur igitur iterum, quod Aristotelis sectatores iique christianæ professionis huiusmodi doctrinam de summo bono in disciplinam ethices, qua de interna mentis feli-

¹ *ibid.* cap. 9.

citare differendum est, intulerint, qua omnino nihil continetur, quod rectum, sanum ac pium esset. nam si formam veræ beatæ vitæ, quæ tranquillam mentem efficere debet, spectamus, sanitas quidem corporis bonum est, sed bonis animi cum intellectus tum voluntatis multo ignobilius, adeoque nec absolutum nec perfectum. multo minus ea, quæ debemus fortunæ benigniori, dignitates, diuitiæ, commoda, iucunda ac suavia in censu verorum bonorum debent haberi, cuiusmodi res hominibus & adiumento & detrimento esse possunt, prout quisque illarum usum ad normam aut sanæ rationis, aut prauorum adfectuum accommodare instituat. in tanta autem hominum prauitate ac malitia talis doctrina, qualis ab Aristotele profecta est, magnam habet vim ad perditas mentis cupiditates rerum humanarum excitandas, alendas, fouendasque, eoque ipso aditum communit ad omnia perturbationum aliorumque motuum, qui mentem de sede tranquillitatis deiiciunt, genera. nec virtus moralis, in qua Aristoteles alterum bonum summum posuit, quidquam habet commune cum vera virtute, siue philosophica, siue christiana, quoniam, ut ex superioribus constat, omnis iustitiæ atque honestatis originem petiit a ciuili lege; quæue de altera perfectæ felicitatis specie eaque adhuc nobiliori, sapientia quippe differuit, vbique præ se ferunt crassissimum errorem de intellectu agente. quam ob rem dicit: τῷ ἀνθρώπῳ δὴ ὁ κατὰ τὸν νῦν βίος, εἴπερ μάλιστα τῷτο ἀνθρώπος. ὅτος ἄρα καὶ εὐδαιμονέστατος, homini ea est vita (ἀριστος, opti-

1 lib. X. cap. 7. extr. esth. ad Nicom.

ma) *quæ menti conuenienter traducitur, si quidem hac pars homo est maxime. hæc igitur vita est beatissima*; ac per mentem, quam distinguit ab anima, intelligit intellectum agentem: hinc etiam functiones, quæ virtuti morali consentaneæ sint, adpellat humanas, illas vero, quæ spectent ad intellectum, diuinas; ¹ & paullo post ² addit: ὁ δὲ κατὰ τὴν ἐνεργίαν, καὶ τῶν θεραπέων καὶ διακείμενος ἀρετῶν, καὶ θεοφιλέστατος ἔοικεν εἶναι, *qui vero muneribus fungitur menti consentaneis & hanc colit, estque optime animo affectus, eum probabile est deo carissimum esse.*

§. VIII. Ex his, quæ de Aristotelis sententia disseruimus, non obscure patet, quanta inter ipsum & alios philosophiæ doctores, quos ætas antiqua sibi vindicat, fuerit diuersitas. erant quidem Peripateticis disceptationes cum Stoicis, num habitus, an operatio & actio vltimum in bonis hominum absoluat? quæ controuersia nostra sententia, nullius dignitatis, nullius fructus fuit. namque mentis habitus per actiones sapius susceptas a nobis comparantur, qui acquisiti & in virtutum exercitiis occupati nunquam ab operationibus, quæ in lucem atque aliorum conspectum sese produnt, separari aut disiungi possunt. at vero, si rem ipsam, quæ hominem efficit vere felicem, spectamus, in ea dissensio omnino erat inter Aristotelem & Stoicos, quamuis interdum verborum similitudo apud illos esse videatur, quando quippe SENECA ³ dicit: *in homine optimum quid est? ratio: hac antecedit animalia, deos sequitur. ratio ergo*

1 *ibid.* cap. 8. pr.2 *cap.* 9. *ibid.*3 *epist.* 27.

perfe-

*perfecta, proprium hominis bonum est, cetera illi cum animalibus satisque communia sunt; & paucis interiectis pergit: quid in homine proprium? ratio. hæc recta & consummata felicitatem hominis implevit: item: homini suum bonum ratio est, si hanc perfecit, laudabilis est & finem nature sue attigit. namque effata Stoicorum, quibus deus erat veluti forma informans, de ratione humana aliter sunt explicanda, ac doctrina Aristotelis, qua idem persequitur argumentum, cuius opinionem de intellectu satis perspicue exposuimus, etiam quale hac de re inter ipsum ac Stoicos fuerit discrimen, ostendimus. quid multa? extremum bonorum apud Stoicos erat *secundum naturam vivere*, id est secundum deum, animam mundi, cum materia arctissimo coniunctam vinculo, & legibus fati subiectam vivere, à qua Aristoteles sententia longe abest, id quod inprimis contra IO. CHRISTFRIEDVM SAGITTARIVM¹ observamus.*

§. VIII. Sed prout generatim monuimus, quod Aristoteles philosophia sua morali rationem externæ felicitatis tantum habuerit; ita etiam huic instituto respondet ipsius doctrina de virtute, quod adinet cum ad eius indolem, tum diuerſas species, quas posuit. existimat quippe, virtutem absolui *mediocritate*, cuius definitio a Peripateticis recepta, quod virtus sit *habitus electius consistens in mediocritate*, frequenti bonarum actionum exercitio comparatus,² satis est nota. atqui de hac Aristotelis mediocritate multum fuit disputatum, nec defuerunt, qui huiusmodi definitio-

¹ Orio Ienensi p. 491. sqq.

² vid. lib. II. c. 6. eth. ad Nic.

nem ieiunam, etiam falsam pronuntiarunt, siue intelligatur mediocritas vitiorum, siue adfectuum. sic ex vetustioribus iam LACTANTIUS ¹ ita iudicauit. *quid tandem nobis ista mediocritas proderit? quero, utrumne sapienti letandum putent, si quid inimico suo mali videat accidere, aut utrumne letitiam frenare debeant, si victis hostibus aut oppresso tyranno libertas & salus ciuibus parta sit? nemo dubitat, quin & in illo exiguum letari, & in hoc parum letari, sit maximum crimen. eadem de ceteris affectibus dicere licet.* atque ex recentioribus HUGO GROTIUS ² copiose ostendere annitur, non omnes virtutes duo habere extrema, alterum in excessu, in defectu alterum: alii autem obseruant, quod partim virtus proprie & accurate dicta non adquiri possit bonarum actionum exercitio; partim mediocritas sequatur virtutem, non autem ipsius naturam efficiat, vide PHILARETVM, ³ & IO. FRANCISCVM BYDDEVM. ⁴ quibus etiam adiungere possumus ANDREAM RVDIGERVM. ⁵ hic enim monet, quod virtus moralis nihil aliud sit, quam modus aliquis affectuum, qui nobiscum nascantur, a recta ratione additus: quum autem affectus naturalis vel bonus sit, vel malus, vel indifferens, bonus semper stimulis tractandus, ut pietas & iustitia; malus semper frenis, ut odium & inuidia, indifferens vero & stimulis & frenis, ut cupiditas pecuniæ, quæ frenis coercenda, ne abeat in

¹ lib. VI. cap. 16. inst. diuin. ² proleg. de iure bell. & pac. §. 43. seqq. ³ et lib. I. part. post. cap. I. p. 141. ⁴ inst. theol. moral. part. I. cap. I. sect. 4. §. 126. not. ⁵ inst. etud. pag. 566.

auaritiā; sed & stimulis incitanda, vt maneat liberalitas: de quibus affectibus indifferentibus vera sit definitio Aristotelis. verum enim vero quamuis hæc omnia a viris celeberrimis accurate atque optime sint obseruata, ac definitio, quam dedit philosophus noster, magnam omnino mereatur reprehensionem, si istam virtuti, qualis in disciplina ethices proponi ac internam hominis felicitatem respicere debet, ad commodare velimus; attamen & hæc doctrina cum principali proposito Aristotelis bene cohærere nobis videtur, adeo vt mediocritatis Aristotelicæ *πρῶτον ψεῦδος* ita demonstremus. scilicet, vt iam sæpius obseruauimus, institutum fuit Aristoteli, in libris ethicorum viam monstrare, qua quis externam felicitatem consequi possit, adeoque in hac vita felix sit ac beatus; quod vt fieret, necessarium esse existimauit, bonis fortunæ frui & vitam virtuti politicæ consentaneam transigere, adeoque secundum normam legum ciuiliū speciem præ se ferre honestatis, qua sententia virtutem veluti partem; legem vero ciuilem vt medium huius felicitatis considerauit. sed quum constet, quod ille, qui aliorum fauorem ac beneuolentiam acquirere sibi ac illorum ope suam stabilire fortunam animum induxit, necesse habeat, partim seculi moribus sese accommodare, etiam verum & sollicitum genuinæ virtutis studium aduersari; partim actionibus, quamuis re ipsa sint impiæ, splendorem, honestamque speciem adhibere, ne aperte adfectuum vitiis se indulgere videatur, quid mirum? quod Aristoteles dixerit, virtutem consistere in mediocritate, id est hominem politi-

cum neque virtutem, neque libidinem animi tam grauiori studio sectari debere. en virtutem Aristotelicam! quis est igitur ex sententia Aristotelis iustus? ille nempe, qui partim non omnes iustitiæ partes explet, quod esset indicium cum ingenii artis politicæ rudis, tum mentis a seculi morum studio alienæ; partim non aperte quemdam lædit iniuste. quis est temperans secundum Aristotelis iudicium? ille quippe, qui edit, qui bibit iucunde, opipare, apparate, sed eiusmodi tenet modum, ne per ebrietatem se veluti insanum aliis exhibeat, eoque quidquam existimationis politicæ detrahat. atque hac ratione omnes virtutes, quas tradidit Aristoteles, faciliori negotio explanari atque intelligi possunt.

§. X. Sæpius quoque disputatum fuit, num Aristoteles species virtutis constituerit adæquate, nec ne? iam ætate antiqua docuerunt philosophi, virtutem, si ad ipsius naturam spectemus, esse vnam, vt de Menedemo & Aristone, sapientiæ magistris vetustissimis memoriæ prodidit PLUTARCHVS, ¹ atque Apollonphanes, Aristonis discipulus idem sensit, hancque vnam virtutem dixit *prudentiam*, vti PETRVS GASSENDVS ² obseruat. sic quoque vniuersa fere Stoicorum schola censuit, τὰς ἀρετὰς ἀντακολουθεῖν ἀλλήλας, καὶ τὴν μίαν ἔχοντα πάσας ἔχειν. *virtutes esse inter se copulatas, vt qui vnam habet, omnes habeat, & satis declarauit, se ab illorum opinione, quod vna sit virtus, non prorsus esse alienam, vide IUSTVM LIPSIVM.* ³ CICERO ⁴ autem

¹ de virtute morali p. 430.

² animaduers. in lib. X. Laert.

pag. 1437.

³ manuscript. ad philos. Stoic. lib. III. diff. 4.

⁴ parad. III.

adfirmat, bono viro non meliorem nec temperante temperantiorē, nec forti fortiorē esse, quia una virtus est, consentiens cum ratione & perpetua constantia. nihil huic addi potest, quo magis virtus sit; nihil demi, ut virtutis nomen relinquatur: & alio loco ¹ profiteretur, quod qui unam virtutem habeat, omnes habeat, quodque qui unam confessus fuerit, se non habere, nullam sit habiturus. confer SENECA. ² sed quamvis virtus sua natura sit una; pro diuersitate tamen materiæ, in qua versatur, diuerso modo considerari & variis nominibus potest notari, hinc & philosophi de speciebus virtutis iisque primariis, vnde aliæ pendent, constituendis fuerunt solliciti. Platonici posuerunt quatuor virtutum genera, ex quibus primæ vocabantur *politica*, quæ hominis, qua animal est sociale, sunt, ac per quas salus publica, communis societas, amor mutuus conseruatur; secundæ *purgatorie*, si homo animum suum ab omni corporis contagione purgat; tertiæ *animi iam purgati* & quartæ *exemplares*; singulis autem harum virtutum speciebus alias adhuc easque principales addiderunt, prudentiam, temperantiam, iustitiam & fortitudinem. quamvis & diuersitas hac de re inter Platonicos deprehendatur; id tamen clarum est ac manifestum, quod hæc Platonica disciplina de virtute eiusdemque generibus nitatur principiis illis, quod anima humana ex diuina mente emanauerit, quodue contagione corporis contaminata, ex ipsius vinculis liberanda ac cum Deo iterum sit coniungenda, confer JA-

¹ quæst. Tuscul. lib. III. cap. 32. ² epist. 65.

COBVM THOMASIVM ¹ MAGNV M DANIELEM OMEISIVM, ² GEORGIVM PASCHIVM, ³ MICH. GOTTLIEB. HANSCHIVM, ⁴ alii ac plures quidem censuerunt, virtutem contineri his quatuor generibus, *prudentia*, *iustitia*, *fortitudine* ac *temperantia*, quem numerum ita laudant ecclesiæ patres, & qui hos secuti sunt, scholastici doctores, vt virtutes ita diuisas *cardinales* dicant, quod, vt fores cardinibus, ita illis omnis vitæ honestas & sanctitas fulciatur. sic & nonnulli illas ad duas contrahunt *fortitudinem* & *temperantiam*, & huc illud EPICTETI ἀνέχῃ καὶ ἀπέχῃ referunt, confer JO. FRANCISCVM BVDDEVM ⁵ quod ad Aristotelem adtinet, differit quidem de variis virtutis generibus, ⁶ sed accuratius in ipsorum numerum inquisuisse, nunquamprehenditur. hinc alii enarrant vndecim virtutes Aristotelicas, quæ est vulgaris opinio, *fortitudinem* quippe, *temperantiam*, *liberalitatem*, *magnificentiam*, *modestiam*, *magnanimitatem*, *mansuetudinem*, *veracitatem*, *comitatem*, *urbanitatem*, *iustitiam*; alii vero commemorant tantum nouem, & JO. CALVINVS ⁷ exhibet succinctiorem ethicorum Aristotelis ad Nicomachum synopsis, qua obseruat, quod virtus moralis aut reipsa sit virtus, aut virtutis speciem habeat: vera vel sit erga eosdem, vel diuersos: erga eosdem autem tum eos, qui habeant atque exerceant virtutem, tum alios: quæ vsurpetur erga eos,

¹ orig. hist. phil. & eccles. pag. 100. ² ethic. Platon. pag. 40.
³ inuent. nou. antiquis p. 211. sqq. introd. in rem litterar. moral. veter. cap. I. §. 17. ⁴ de enthusiasmo Platon. sect. 7. §. 3. seqq.
⁵ instit. theol. moral. Part. I. cap. I. sect. 4. §. 137. not. ⁶ lib. II. cap. 7. ad Nicom. ⁷ propæd. pract. p. 119. sqq.

qui habeant, attingat vel corpus, vt *fortitudo* & *temperantia*; vel honores, vt *magnanimitas* & *modestia*; quæ autem vsurpetur erga alios, cernatur vel in pecuniis, vt *liberalitas* & *magnificentia*; vel in congressu cum aliis, quæ iterum versetur vel in ira, vt *mansuetudo*; vel in sermonum actionumque societate, ac quidem vel in veritate, vt *veracitas*; vel in vitæ iucunditate, vt *urbanitas* & *comitas*: virtus, quæ erga diuersos, scilicet cum eum, qui habeat, tum alios vsurpetur, sit *iustitia* & *amicitia*: ac tandem virtutis speciem habeant *verecundia* & *indignatio*.

§. XI. De his generibus virtutum, quæ posuit Aristoteles, multum est disputatum atque a multis obseruatum, quod numerus harum virtutum non sit admittendus. si enim virtutes principales sane cardinales tantum enumerandæ, numerus illarum esset amplior, quam res ipsa postularet; si sermo sit de omnibus virtutibus, longe plures, quam vndecim aut novem deberent constitui, prout quoque Aristoteles non solum virtutes eminentissimas ac præcipue pietatem hoc numero omiserit; sed & quasdam attigerit, quæ decorem tantum spectarent, confer MAGNUM ANIELEM OMEISIVM.¹ sed, vt iam mouimus, Aristotelis mentem non assequuntur, qui existimant, ipsum tradidisse virtutes moles, quæ mentem humanam meliorem reddat & tranquillam; siquidem quum instruat hominem politicum, commemorat civiles tantum virtutes. quod si ita est, vti est, mirum non est, ipsum nullam fecisse mentionem pietatis

¹ theatr. virtut. & vitior ab Aristotele omisso.

§. XII. Exposuimus itaque ea, qua fieri potuit, breuitate, summam doctrinæ moralis Aristotelicæ, atque ostendimus, quo spectet illa, quæue isti habenda sit dignitas. nec omnî ætate prospera fuit fortuna philosophiæ huic, quam tradidit Aristoteles de moribus inter Christianos homines. quod si enim vetustiora tempora repetamus memoria, doctores ecclesiæ, quum Platonis & Stoicorum philosophiæ, cuius præcepta internam mentis felicitatem spectarent, magnum statuerent pretium, de Aristotelis doctrinis iudicarunt sinistre, atque ex illis multas gigni hæreses, sibi persuaserunt, vide JO. LAVNOIVM ¹ ac quamuis æuo scholasticorum philosophus hic caput suum erigeret, omniumque admirationem cultumque animi in se conuerteret, hæc tamen fortuna, quam prospera etiam & florens fuerit, minus immota atque inconcussa extitit. namque quum LVTHERVVS diuinis auspiciis christianam doctrinam ab impurissimorum temporum fecibus repurgaret, bonæ quoque litteræ suam recuperare dignitatem cœperunt, ac posthac homines eruditione præditi ac studio præstantissimæ veritatis occupati censuerunt, summa ope niti, fontes aperire, ex quibus incorrupta philosophia, quæ partim recta ratione eiusdemque genuina cogitandi libertate nititur, partim res utiles continet, dimanare possit. quin etiam ipse LVTHERVVS ² censuit, libros Aristotelis ethicorum omnium esse pessimos, qui plane gratiæ diuinæ & virtutibus christianis ad-

¹ de varia Aristot. fortun. cap. 2. ² tom. A. Altenburg. p. 178. tom. XII. Wittenb. p. 22.

uerfentur adeoque digni fint, vt ab vfu ſcho-
larum atque academiarum remoucantur lon-
giſſime: confer CHRISTIANVM THOMA-
SIVM, ¹ GOTFR. ARNOLDVM, ² IO.
HENR. VON SEELEN. ³ quæ ſententia eo
tempore, quo Ariſtoteles philoſophiæ prin-
ceps adhuc habebatur, plerisque nimis dura
videbatur; hinc teſtatur IO. LAVNOIVS,
⁴ quod ordo theologorum Pariſienſium an-
no poſt natum ſeruatoreſtrem noſtrum MDXXI.
plures Martini Lutheri propoſitiones damna-
uerit, in quibus & duæ fuerint, quæ perti-
neant ad Ariſtotelem, quarum prior hæc fit:
*philoſophia Ariſtotelis de virtute morali, de ob-
iecto, de actu elicitato talis eſt, quæ nec in popu-
lo doceri poſſit, nec ad ſcripturæ intelligenti-
am utilis, quia continet duntaxat portenta
verborum, non niſi ad contentiones verborum
conficta. hæc propoſitio quantum ad omnes ſuas
partes loquendo de philoſophia Ariſtotelis, in
his maxime, in quibus a fide non diſcedit, eſt
falſa, & tanquam ab inimico ſcientiæ arro-
ganter & inſipienter aſſerta: poſterior vero:
theologi ſcholæſtici Ariſtotelis moralia prorsus
conuenire mentiti ſunt, cum Chriſti Paulique
doctrina. has propoſitiones impudenter & fal-
ſo ſcholæſticiſ imponit ſcriptor, quod non eſt ve-
rum: quamquam ſatis exploratum ſit, in mul-
tis moralia Ariſtotelis cum Chriſti Paulique
doctrina conſentire. ſic quoque PHILIPPVS
MELANCHTHON maxime amavit & ſectatus
eſt Ariſtotelem, cuius philoſophiæ genuinos*

¹ hiſt ſapient, & ſtult. p. art. 1. p. 12. ² bareſ. Part. 2. lib. 16.
cap. 10. §. 20. p. 114. ³ Luther. de ſcholiſ optime merit. p. 43.
⁴ de varia Ariſtotelis fortuna cap. 12. p. 238.

aperire fontes & ad istam iuuentutem instituere, adnissus est singulari studio, prout dixit: ¹ *Aristoteles de moribus ciuilibus adeo scripsit erudite, nihil ut de his requirendum sit amplius, quibus verbis librum Aristotelis recte adpellat opus de moribus ciuilibus. alio autem loco* ² *de philosophia Peripatetica ita iudicauit: scio quosdam mirari alias sectas. nam stoicos suspiciunt nonnulli tanquam semideos. Valla quum reliquos philosophos rabiose exagitet, Epicuro tamen non obscure plausum dat. ego vero qui has sectarum controuersias diu multumque agitavi, ἀντὶ καὶ κατὰ σφέτερον, ut Plato facere precipit, valde adhortor adolescentes, ut repudiatīs Stoicis atque Epicureis, amplectantur Peripatetica. nihilominus quo maiori studio successu temporis veram philosophiam adeoque etiam doctrinam moralem viri grauissimi tradere adlaborarunt; eo maiorem quoque impetum fecerunt aduersus Aristotelis libros ethicorum, quibus multa inesse, quæ christianis scholis indigna essent, demonstrarunt. recte sentit IO. OWENVS:* ³ *ausim dicere, non vnā verā virtutē vere & certe doceri in omnibus Aristotelis libris ad Nicomachum, neque quisquam vnquam ex eorum doctrina iustus, bonus aut certe σπυδαίος euadet, nec nisi larnatus hypocrita. confer CHRISTIANVM THOMASIVM.* ⁴ *equidem quod ad formam adtinet, quam in exponenda doctrina morali secutus est Aristoteles, negari non potest, quod mereatur laudem ob methodi rationem, quum ad certum ordinem*

¹ apolog. Augu². Confess. p. 62.

² prefat. philosoph. moralis.

³ theologumen. p. 65.

⁴ progr. de navis ethic. Aristotel.

meditationes suas dirigere primus instituerit. quando igitur HUGO GROTIUS ¹ dicit: *inter philosophos merito principem obtinet locum Aristoteles, siue tractandi ordinem, siue distinguendi acumen, siue rationum pondera consideres*; de laude obseruati ordinis, quæ Aristoteli vindicanda est, cum eo consentimus. namque primus fuit, qui logicæ disciplinæ operam dedit, eamque redegit in formam artis, quum ante Socratem illud αὐτὸς ἔφατ' atque insignis philosophorum auctoritas veluti norma veritatis haberetur; ipse autem Socrates, præclaris intellectus facultatibus a natura præditus sophistas exercens; id tantum efficeret, vt adpareret, dari quamdam ratiocinandi artem. ac quamuis præcepta, quæ in hac disciplina tradidit Aristoteles, suis iisque grauissimis laborent morbis, siquidem regulas ratiocinandi nimis generales posuit, modum tantum aliqua ratione verum & falsum diiudicandi, non autem inueniendi demonstrauit; genuinam probabilitatis indolem minus attigit, etiam breuiora de fundamento ac variis generibus ratiocinationum, quam par est, fecit præcepta; ipse tamen eo nomine dignus est laude, quod primus talis auctor extitit, atque animum ad doctrinam moralem methodo, vti dicitur, systematica conscribendam adpulit: confer GEORGIUM PASCHIVM. ² quapropter IO. BARBEYRAC ³ profiteretur, quod Aristoteles tractauerit de virtutibus *d' une manière plus*

¹ proleg. de iure belli & pacis §. 42. ² de variis modis moralia tradendi cap. 6. ³ præf. ad Pufend. de iure nat. & gent. pag. 93.

distin-

ma) *quæ menti conuenienter traducitur, si quidem hæc pars homo est maxime. hæc igitur vita est beatissima*; ac per mentem, quam distinguit ab anima, intelligit intellectum agentem: hinc etiam functiones, quæ virtuti morali consentaneæ sint, adpellat humanas, illas vero, quæ spectent ad intellectum, diuinas; ¹ & paullo post ² addit: ὁ δὲ κατὰ νῦν ἐνεργῶν, καὶ τῶτον θεραπέυων καὶ διακείμενος ἀρίστα, καὶ θεοφιλέστατος ἔοικεν εἶναι, *qui vero muneribus fungitur menti consentaneis & hanc colit, estque optime animo affectus, eum probabile est deo carissimum esse.*

§. VIII. Ex his, quæ de Aristotelis sententia differuimus, non obscure patet, quanta inter ipsum & alios philosophiæ doctores, quos ætas antiqua sibi vindicat, fuerit diuersitas. erant quidem Peripateticis disceptationes cum Stoicis, num habitus, an operatio & actio vltimum in bonis hominum absoluat? quæ controuersia nostra sententia, nullius dignitatis, nullius fructus fuit. namque mentis habitus per actiones sæpius susceptas a nobis comparantur, qui adquisiti & in virtutum exercitiis occupati nunquam ab operationibus, quæ in lucem atque aliorum conspectum sese produnt, separari aut disiungi possunt. at vero, si rem ipsam, quæ hominem efficit vere felicem, spectamus, in ea dissensio omnino erat inter Aristotelem & Stoicos, quamuis interdum verborum similitudo apud illos esse videatur, quando quippe SENECA ³ dicit: *in homine optimum quid est? ratio: hac antecedit animalia, deos sequitur. ratio ergo*

1 *ibid.* cap. 8. pr.2 *cap.* 9. *ibid.*3 *epist.* 27.

perfe-

perfecta, proprium hominis bonum est, cetera illi cum animalibus satisque communia sunt; & paucis interiectis pergit: quid in homine proprium? ratio. hæc recta & consummata felicitatem hominis implevit: item: homini suum bonum ratio est, si hanc perfecit, laudabilis est & finem naturæ suæ attigit. namque efflata Stoicorum, quibus deus erat veluti forma informans, de ratione humana aliter sunt explicanda, ac doctrina Aristotelis, qua idem persequitur argumentum, cuius opinionem de intellectu satis perspicue exposuimus, etiam quale hac de re inter ipsum ac Stoicos fuerit discrimen, ostendimus. quid multa? extremum bonorum apud Stoicos erat secundum naturam vivere, id est secundum deum, animam mundi, cum materia arctissimo coniunctam vinculo, & legibus fati subiectam vivere, à qua Aristoteles sententia longe abest, id quod inprimis contra IO. CHRISTFRIEDV M SAGITTARIUM¹ obseruamus.

§. VIII. Sed prout generatim monuimus, quod Aristoteles philosophia sua morali rationem externæ felicitatis tantum habuerit; ita etiam huic instituto respondet ipsius doctrina de virtute, quod adtinet cum ad eius indolem, tum diuerlas species, quas posuit. existimat quippe, virtutem absolui *mediocritate*, cuius definitio a Peripateticis recepta, quod virtus sit *habitus electiuus consistens in mediocritate, frequenti bonarum actionum exercitio comparatus*,² satis est nota. atqui de hac Aristotelis mediocritate multum fuit disputatum, nec defuerunt, qui huiusmodi definitio-

¹ Otio Ienensi p. 491. sqq.

² vid. lib. II. c. 6. etib. ad Nic.

nem ieiunam, etiam falsam pronuntiarunt, siue intelligatur mediocritas vitiorum, siue adfectuum. sic ex vetustioribus iam LACTANTIUS¹ ita iudicauit. *quid tandem nobis ista mediocritas proderit? quero, utrumne sapienti letandum putent, si quid inimico suo mali videat accidere, aut utrumne letitiam frenare debeant, si victis hostibus aut oppresso tyranno libertas & salus ciuibus parta sit? nemo dubitat, quin & in illo exiguum letari, & in hoc parum letari, sit maximum crimen. eadem de ceteris affectibus dicere licet. atque ex recentioribus HUGO GROTIUS² copiose ostendere annuitur, non omnes virtutes duo habere extrema, alterum in excessu, in defectu alterum: alii autem obseruant, quod partim virtus proprie & accurate dicta non adquiri possit bonarum actionum exercitio; partim mediocritas sequatur virtutem, non autem ipsius naturam efficiat, vide PHILARETUM,³ & IO. FRANCISCUM BYDDEVM.⁴ quibus etiam adiungere possumus ANDREAM RVDIGERVM.⁵ hic enim monet, quod virtus moralis nihil aliud sit, quam modus aliquis affectuum, qui nobiscum nascantur, a recta ratione additus: quum autem affectus naturalis vel bonus sit, vel malus, vel indifferens, bonus semper stimulis tractandus, ut pietas & iustitia; malus semper frenis, ut odium & inuidia, indifferens vero & stimulis & frenis, ut cupiditas pecuniæ, quæ frenis coercenda, ne abeat in*

¹ lib. VI. cap. 16. inst. diuin. ² proleg. de Iure bell. & pac. §. 43. seqq. ³ etib. lib. I. part. post. cap. I. p. 141. ⁴ instit. theol. moral. part. I. cap. I. sect. 4. §. 126. not. ⁵ instit. etud. pag. 566.

auaritiam; sed & stimulis incitanda, vt maneat liberalitas: de quibus affectibus indifferentibus vera sit definitio Aristotelis. verum enim vero quamuis hæc omnia a viris celeberrimis accurate atque optime sint obseruata, ac definitio, quam dedit philosophus noster, magnam omnino mereatur reprehensionem, si istam virtuti, qualis in disciplina ethices proponi ac internam hominis felicitatem respicere debet, adcommodare velimus; attamen & hæc doctrina cum principali proposito Aristotelis bene cohærere nobis videtur, adeo vt mediocritatis Aristotelicæ *πρώτον ψεύδος* ita demonstremus. scilicet, vt iam sæpius obseruauimus, institutum fuit Aristoteli, in libris ethicorum viam monstrare, qua quis externam felicitatem consequi possit, adeoque in hac vita felix sit ac beatus; quod vt fieret, necessarium esse existimauit, bonis fortunæ frui & vitam virtuti politicæ consentaneam transigere, adeoque secundum normam legum ciuiliū speciem præ se ferre honestatis, qua sententia virtutem veluti partem; legem vero ciuilem vt medium huius felicitatis considerauit. sed quum constet, quod ille, qui aliorum fauorem ac beneuolentiam acquirere sibi ac illorum ope suam stabilire fortunam animum induxit, necesse habeat, partim seculi moribus sese accommodare, etiam verum & sollicitum genuinæ virtutis studium aduersari; partim actionibus, quamuis re ipsa sint impia, splendorem, honestamque speciem adhibere, ne aperte adfectuum vitiis se indulgere videatur, quid mirum? quod Aristoteles dixerit, virtutem consistere in mediocritate, id est hominem politi-

cum neque virtutem, neque libidinem animi tam grauiori studio sectari debere. en virtutem Aristotelicam! quis est igitur ex sententia Aristotelis iustus? ille nempe, qui partim non omnes iustitiæ partes explet, quod esset indicium cum ingenii artis politicæ rudis, tum mentis a sæculi morum studio alienæ; partim non aperte quemdam lædit iniuste. quis est temperans secundum Aristotelis iudicium? ille quippe, qui edit, qui bibit iucunde, opipare, apparate, sed eiusmodi tenet modum, ne per ebrietatem se veluti insanum aliis exhibeat, eoque quidquam existimationis politicæ detrahat. atque hac ratione omnes virtutes, quas tradidit Aristoteles, faciliori negotio explanari atque intelligi possunt.

§. X. Sæpius quoque disputatum fuit, num Aristoteles species virtutis constituerit adæquate, nec nē? iam ætate antiqua docuerunt philosophi, virtutem, si ad ipsius naturam spectemus, esse vnā, vt de Menedemo & Aristone, sapientiæ magistris vetustissimis memoriæ prodidit PLVTARCHVS, ¹ atque Apollonphanes, Aristonis discipulus idem sensit, hancque vnā virtutem dixit *prudentiam*, vt PETRVS GASSENDVS ² obseruat. sic quoque vniuersa fere Stoicorum schola censuit, τὰς ἀρετὰς ἀντακολουθεῖν ἀλλήλας, καὶ τὴν μίαν ἔχοντα πάσας ἔχειν, *virtutes esse inter se copulatas, vt qui vnā habet, omnes habeat*, & satis declarauit, se ab illorum opinione, quod vna sit virtus, non prorsus esse alienam, vide IUSTVM LIPSIUM. ³ CICERO ⁴ autem

¹ de virtute morali p. 440.

² animaduers. in lib. X. Laert.

p. 92. 1437.

³ manuscript. ad philos. Stoic. lib. III. diff. 4.

⁴ parad. III.

adfirmat, bono viro non meliorem nec temperante temperantiorē, nec forti fortiorē esse, *quia vna virtus est, consentiens cum ratione & perpetua constantia. nihil huic addi potest, quo magis virtus sit; nihil demi, ut virtutis nomen relinquatur: & alio loco*¹ *profitetur, quod qui vnā virtutem habeat, omnes habeat, quodque qui vnā confessus fuerit, se non habere, nullam sit habiturus.* confer SENECA. ² sed quamvis virtus sua natura sit vna; pro diuersitate tamen materiæ, in qua versatur, diuerso modo considerari & variis nominibus potest notari, hinc & philosophi de speciebus virtutis iisque primariis, vnde aliæ pendent, constituendis fuerunt solliciti. *Platonici posuerunt quatuor virtutum genera, ex quibus primæ vocabantur politicae, quæ hominis, qua animal est sociale, sunt, ac per quas salus publica, communis societas, amor mutuus conseruatur; secundæ purgatoriæ, si homo animum suum ab omni corporis contagione purgat; tertiæ animi iam purgati & quartæ exemplares; singulis autem harum virtutum speciebus alias adhuc easque principales addiderunt, prudentiam, temperantiam, iustitiam & fortitudinem. quamvis & diuersitas hac de re inter Platonicos deprehendatur; id tamen clarum est ac manifestum, quod hæc Platonica disciplina de virtute eiusdemque generibus nitatur principiis illis, quod anima humana ex diuina mente emanauerit, quodue contagione corporis contaminata, ex ipsius vinculis liberanda ac cum Deo iterum sit coniungenda, confer JA-*

¹ *quæst. Tuscul. lib. III. cap. 32.* ² *epist. 65.*

COBVM THOMASIVM ¹ MAGNV M DANIELEM OMEISIVM, ² GEORGIVM PASCIVM, ³ MICH. GOTTLIEB. HANSCHIVM, ⁴ alii ac plures quidem censuerunt, virtutem contineri his quatuor generibus, *prudencia, iustitia, fortitudine ac temperantia*, quem numerum ita laudant ecclesiæ patres, & qui hos secuti sunt, scholastici doctores, vt virtutes ita diuisas *cardinales* dicant, quod, vt fores cardinibus, ita illis omnis vitæ honestas & sanctitas fulciatur. sic & nonnulli illas ad duas contrahunt *fortitudinem & temperantiam*, & huc illud EPICTETI ἀνέχῃ καὶ ἀνίχῃ referunt, confer JO. FRANCISCVM BVDDEV M ⁵ quod ad Aristotelem adtinet, differit quidem de variis virtutis generibus, ⁶ sed accuratius in ipsorum numerum inquisiuisse, nunquam deprehenditur. hinc alii enarrant vndecim virtutes Aristotelicas, quæ est vulgaris opinio, *fortitudinem* quippe, *temperantiam, liberalitatem, magnificentiam, modestiam, magnanimitatem, mansuetudinem, veracitatem, comitatem, urbanitatem, iustitiam*; alii vero commemorant tantum nouem, & JO. CALVINVS ⁷ exhibet succinctiorem ethicorum Aristotelis ad Nicomachum synopsis, qua obseruat, quod virtus moralis aut reipsa sit virtus, aut virtutis speciem habeat: vera vel sit erga eosdem, vel diuersos: erga eosdem autem tum eos, qui habeant atque exerceant virtutem, tum alios: quæ vsurpetur erga eos,

¹ orig. hist. phil. & eccles. pag. 100. ² ethic. Platon. pag. 40.
³ inuent. nou. antiquis p. 211. sqq. introd. in rem literar. moral. veter. cap. I. §. 17. ⁴ de entusiasmo Platon. scilicet. 7. §. 3. seqq.
⁵ instit. theol. moral. Part. I. cap. I. scilicet. 4. §. 137. not. ⁶ lib. II. cap. 7. ad Nicom. ⁷ propæd. præf. p. 119. sqq.

qui habeant, attingat vel corpus, vt *fortitudo* & *temperantia*; vel honores, vt *magnanimitas* & *modestia*; quæ autem vsurpetur erga alios, cernatur vel in pecuniis, vt *liberalitas* & *magnificencia*; vel in congressu cum aliis, quæ iterum versetur vel in ira, vt *mansuetudo*; vel in sermonum actionumque societate, ac quidem vel in veritate, vt *veracitas*; vel in vitæ iucunditate, vt *urbanitas* & *comitas*: virtus, quæ erga diuersos, scilicet cum eum, qui habeat, tum alios vsurpetur, sit *iustitia* & *amicitia*: ac tandem virtutis speciem habeant *verecundia* & *indignatio*.

§. XI. De his generibus virtutum, quæ posuit Aristoteles, multum est disputatum atque a multis obseruatum, quod numerus horum virtutum non sit admittendus. si enim virtutes principales sane cardinales tantum enumerandæ, numerus illarum esset amplior, quam res ipsa postulare; si sermo sit de omnibus virtutibus, longe plures, quam vndece aut novem deberent constitui, prout quoque Aristoteles non solum virtutes eminentissimas ac præcipue pietatem hoc numero omiserit; sed & quasdam attigerit, quæ decorem tantum spectarent, confer MAGNUM ANIELEM OMISSUM. ¹ sed, vt iam mouimus, Aristotelis mentem non assequuntur, qui existimant, ipsum tradidisse virtutes mores, quæ mentem humanam meliorem reddat & tranquillam; siquidem quum instruat hominem politicum, commemorat civiles tantum virtutes. quod si ita est, uti est, mirum non est, ipsum nullam fecisse mentionem pietatis

¹ theatr. virtut. & vitior. ab Aristotele omissor.

aliarumque maxime nobilium virtutum, quæ internam tantum animi stabiliunt felicitatem; etiam quasdam in numerum virtutum retulisse, quæ solis decori regulis nituntur. quapropter sectatores Aristotelis infeliciter multum consumserunt temporis, quum magistrum ac ducem suum defendere huncque numerum amplificare, atque ea, quæ omissa sunt, redintegrare sub quadam specie, quod ex mente Aristotelis vna virtus interdum etiam alias complectatur, sibi sumserint, vti præter alios

THEOPHILVS GOLIVS ¹ amoris & timoris erga Deum, id est pietatis iniicit mentionem. inprimis autem miramur, quod JO. FIDERICVS GRONOVIVS ² existimet non solum, quod virtus apud Aristotelem dicta *magnificentia* comprehendat cultum & pietatem deorum; sed & probare instituat, regionem positam esse in mediocritate. quod adrius momentum pertinet, observauit, veteres paganos persuasisse sibi, quod quo maiors sumtus facerent in rebus sacris, eo sanctiorem diis præstarent cultum, hinc & SALLVTIVS ³ dicat: *in suppliciis deorum magnifici, domi parci, in amicos fideles erant;* & IUSTINVS ⁴ de templo Delphico: *multa ritur ibi & opulenta regum populorumque visuntur munera, quæ magnificentia sua redantium vota, gratam voluntatem & deorum responsa manifestant.* at vero, quam ieiuna, quam arida, quam frigida talis est pietas! quæ in animos quidem plebeios ac rudes ca-

¹ *epit. doctrin. moral. ex decem libris ethicor. Aristot. ad Nicomach collect. lib. II cap. 6.* ² *not. ad Grot. de I. B. & P. proleg.*

³ *de bell. Catill. cap. 9.* ⁴ *lib. XXIII. cap. 6.*

dit;

dit; ab ingenio vero philosophi, ad veritatem cognoscendam exculto longissime abest. quod si enim Aristoteles disciplinam ethices conscribere, induxisset mentem, verumque de Deo eiusdemque natura percepisset sensum, omnino ad hanc cognitionem potuisset pervenire, quod deus cultum sibi & menti suæ divinæ consentaneum a mortalium genere postulet, id quod etiam alii pagani auctores tradiderunt. nec minus alterum momentum, quod observat GRONOVIVS, religionem positam esse in mediocritate, quidquam ponderis in se continet. nam quamvis discrimen ponat inter ipsam virtutem pietatis atque officia, per quæ pium nostrum animum erga deum demonstramus, atque adfirmet, officia admittere excessum, quum quis more hominum superstitioni deditorum plura præstet, quam ipse deus præcipiat, adeoque ex his efficiat conclusionem, quod religio medium sit ac fuerit inter superstitionis excessum & defectum impietatis siue atheismi; hæc tamen sententia nullo muniri potest fundamento. officia enim, quibus deo cultum exhibemus, accurate respondere debent ipsi affectui siue pietati, qui amore & timore erga summum numen absoluitur, ita ut qualis sit pietas, talia etiam debeant esse officia, quæ inde proficiuntur. at vero, quum pietatis veræ studium nunquam pro infinita dei excellentia ac corruptis hominum animis tam nimium esse possit, ut divinæ voluntati sit aduersum, sicque reprehensione dignum; sane ex his facile colligimus, quod etiam, officia ita sint comparata.

§. XII. Exposuimus itaque ea, qua fieri potuit, breuitate, summam doctrinæ moralis Aristotelicæ, atque ostendimus, quo spectet illa, quæue isti habenda sit dignitas. nec omni ætate prospera fuit fortuna philosophiæ huic, quam tradidit Aristoteles de moribus inter Christianos homines. quod si enim vetustiora tempora repetamus memoria, doctores ecclesiæ, quum Platonis & Stoicorum philosophiæ, cuius præcepta internam mentis felicitatem spectarent, magnum statuerent pretium, de Aristotelis doctrinis iudicarunt sinistre, atque ex illis multas gigni hæreses, sibi persuaserunt, vide JO. LAVNOIVM¹ ac quamuis æuo scholasticorum philosophus hic caput suum erigeret, omniumque admirationem cultumque animi in se conuerteret, hæc tamen fortuna, quam prospera etiam & florens fuerit, minus immota atque inconcussa extitit. namque quum LVTHERVS diuinis auspiciis christianam doctrinam ab impurissimorum temporum fecibus repurgaret, bonæ quoque litteræ suam recuperare dignitatem cœperunt, ac posthac homines eruditione præditi ac studio præstantissimæ veritatis occupati censuerunt, summa ope niti, fontes aperire, ex quibus incorrupta philosophia, quæ partim recta ratione eiusdemque genuina cogitandi libertate nititur, partim res utiles continet, dimanare possit. quin etiam ipse LVTHERVS² censuit, libros Aristotelis ethicorum omnium esse pessimos, qui plane gratiæ diuinæ & virtutibus christianis ad-

¹ de varia Aristot. fortun. cap. 2. ² tom. 2. Alsenburg. p. 178. tom. XII. Wissenb. p. 22.

uerfentur adeoque digni fint, vt ab vfu ſcho-
larum atque academiæ remoucantur lon-
giſſime: confer CHRISTIANVM THOMA-
SIVM, ¹ GOTFR. ARNOLDVM, ² IO.
HENR. VON SEELEN. ³ quæ ſententia eo
tempore, quo Ariſtoteles philoſophiæ prin-
ceps adhuc habebatur, plerisque nimis dura
videbatur; hinc teſtatur IO. LAVNOIVS,
⁴ quod ordo theologorum Pariſienſium an-
no poſt natum ſeruatoreſtrem noſtrum MDXXI.
plures Martini Lutheri propoſitiones damna-
uerit, in quibus & duæ fuerint, quæ perti-
neant ad Ariſtotelem, quarum prior hæc fit:
*philophia Ariſtotelis de virtute morali, de ob-
iecto, de actu elicitato talis eſt, quæ nec in popu-
lo doceri poſſit, nec ad ſcripturæ intelligenti-
am utilis, quia continet duntaxat portenta
verborum, non niſi ad contentiones verborum
conficta. hæc propoſitio quantum ad omnes ſuas
partes loquendo de philoſophia Ariſtotelis, in
his maxime, in quibus a fide non diſcedit, eſt
falſa, & tanquam ab inimico ſcientiæ arro-
ganter & inſipienter aſſerta: poſterior vero:
theologi ſcholæſtici Ariſtotelis moralia prorsus
conuenire mentiti ſunt, cum Chriſti Paulique
doctrina. hæc propoſitiones impudenter & fal-
ſo ſcholæſticiſ imponit ſcriptor, quod non eſt ve-
rum: quamquam ſatis exploratum ſit, in mul-
tis moralia Ariſtotelis cum Chriſti Paulique
doctrina conſentire. ſic quoque PHILIPPVS
MELANCHTHON maxime amavit & ſectatus
eſt Ariſtotelem, cuius philoſophiæ genuinos*

¹ hiſt ſapient, & ſtult. p. art. 1. p. 12. ² hæref. Part. 2 lib. 16.
cap. 10. §. 20. p. 114. ³ Luther. de ſcholu optimi merit. p. 42.
⁴ de varia Ariſtotelis fortuna cap. 12. p. 238.

aperire fontes & ad istam iuuentutem instituere, admissus est singulari studio, prout dixit: ¹ *Aristoteles de moribus ciuilibus adeo scripsit erudite, nihil ut de his requirendum sit amplius, quibus verbis librum Aristotelis recte adpellat opus de moribus ciuilibus. alio autem loco* ² *de philosophia Peripatetica ita iudicauit: scio quosdam mirari alias sectas. nam stoicos suspiciunt nonnulli tanquam semideos. Valla quum reliquos philosophos rabiose exagitet, Epicuro tamen non obscure plausum dat. ego vero qui has sectarum controuersias diu multumque agitavi, ἀνὰ καὶ κατὰ σφέδον, ut Plato facere præcipit, valde adhortor adolescentes, ut repudiat Stois atque Epicureis, amplectantur Peripatetica. nihilominus quo maiori studio successu temporis veram philosophiam adeoque etiam doctrinam moralem viri grauissimi tradere adlaborarunt; eo maiorem quoque impetum fecerunt aduersus Aristotelis libros ethicorum, quibus multa inesse, quæ christianis scholis indigna essent, demonstrarunt. recte sentit IO. OWENVS:* ³ *ausim dicere, non vnā verā virtutem vere & certe doceri in omnibus Aristotelis libris ad Nicomachum, neque quisquam vnquam ex eorum doctrina iustus, bonus aut certe σπυδαίος euadet, nec nisi larvatus hypocrita. confer* CHRISTIANVM THOMASIVM. ⁴ *equidem quod ad formam adtinet, quam in exponenda doctrina morali secutus est Aristoteles, negari non potest, quod mereatur laudem ob methodi rationem, quum ad certum ordinem*

¹ apolog. Augu². Confess. p. 62.

² præfat. philosoph. moralium.

³ theologumen. p. 65.

⁴ præf. de navis ethic. Aristotel.

meditationes suas dirigere primus instituerit. quando igitur HUGO GROTIUS ¹ dicit: *inter philosophos merito principem obtinet locum Aristoteles, siue tractandi ordinem, siue distinguendi acumen, siue rationum pondera consideres*; de laude obseruati ordinis, quæ Aristoteli vindicanda est, cum eo consentimus. namque primus fuit, qui logicæ disciplinæ operam dedit, eamque redegit in formam artis, quum ante Socratem illud *αὐτὸς ἕφα* atque insignis philosophorum auctoritas veluti norma veritatis haberetur; ipse autem Socrates, præclaris intellectus facultatibus a natura præditus sophistas exercens, id tantum efficeret, vt adpareret, dari quamdam ratiocinandi artem. ac quamuis præcepta, quæ in hac disciplina tradidit Aristoteles, suis iisque grauissimis laborent morbis, siquidem regulas ratiocinandi nimis generales posuit, modum tantum aliqua ratione verum & falsum diiudicandi, non autem inueniendi demonstrauit; genuinam probabilitatis indolem minus attigit, etiam breuiora de fundamento ac variis generibus ratiocinationum, quam par est, fecit præcepta; ipse tamen eo nomine dignus est laude, quod primus talis auctor extitit, atque animum ad doctrinam moralem methodo, vti dicitur, systematica conscribendam adpulit: confer GEORGIUM PASCHIVM. ² quapropter IO. BARBEYRAC ³ proficitur, quod Aristoteles tractauerit de virtutibus *d' une manière plus*

¹ proleg. de iure belli & pacis §. 42. ² de variis modis moralia tradendi cap. 6. ³ præf. ad Pufend. de iure nat. & gent. pag. 93.

distin-

distincte, plus étendue, & plus methodique, que n'avoit fait son maître. sed licet methodus sit optima, ab ista tamen ipsa operis cuiusdam præstantia minus tantum pendet, quippe quæ imprimis ab argumentorum ac rerum, quæ exponuntur, dignitate dimanat.

§. XIII. Sufficit, nos demonstrasse, doctrinam moralem ab Aristotele explanatam, ciuilem modo felicitatem spectare, quod etiam fateretur RAPINVS: ¹ *la morale d'Aristote est trop humaine, & trop renfermée dans les bornes de cette vie; il ne propose, presque d'autre félicité à l'homme, que celle de la vie ciuile.* quod si ita est, sicuti est, magna inde oritur suspicio, Aristotelem pietatem exuisse, ac mentem virtutibus, quæ animi felicitatem respiciunt, exercuisse minime. nam quis crederet, huiusmodi philosophum, qui magnam habebat auctoritatem, qui tam copiose de qualibet fere re disputauit, multosque libros etiam doctrinæ moralis protulit in lucem, quicquid philosophiæ penitus sese tradidit, nihil de cultu ac religione erga deum scripsisse, si ipsi pius quidam adfectus fuerit? sed quid mirum? Aristoteles, quum tam prauè de deo eiusdemque mente diuina, ac speciatim prouidentia senserit, non potuit, quin omne pietatis studium animo suo abiiceret, ac vitam ad leges ciuiles, quo in cœtu hominum felix esse posset, componeret. quod si enim pietas amore ac timore erga deum continetur; illi autem affectus per cognitionem diuinæ potentiæ, iustitiæ ac benignitatis in animis nostris excitantur; remota tali co-

¹ dans les réflex. sur la morale p. 346.

gnitione, affectus quoque remouentur. quo nomine officio doctoris morum satis fecisse sibi videbatur, si modum ostenderet, quo quis societatem ciuilem colens, eiusmodi viuendi rationem posset obseruare, vt quietem publicam tueretur atque opinionem boni ciuis sibi acquireret. sic philosophus hic male existimauit de indole diuina; sic negauit prouidentiam dei atque animæ immortalitatem, sic nulla præcepta virtutum moralium tradidit, sic nec pietatis fecit mentionem: & quis ex hisce momentis probabili ratione concludere dubitaret, Aristotelem mente sua nulum de deo habuisse sensum, præcipue si etiam prauæ & corrupte transegerit vitam, quam nunc contemplari, nobis est in animo.

CAPITIS III.

DE

ATHEISMO ARISTOTELIS PRACTICO.

SECTIO II.

DE

IPSIIS ARISTOTELIS MORIBUS.

Σ Τ Ν Ο Ψ . Ι Σ .

Dicendorum ratio §. I. character Aristotelis §. II. ipsius ambitio §. III. qua occasione ista inprimis fuerit excitata §. IIII. quod ambitio sit causa atheismi §. V. studium eius simulandi & dissimulandi §. VI. de ipsius voluptate §. VII. de mortis genere §. VIII. VIII. X.

Z

§. I. Nunc

§. I. Nunc ad alterum momentum quo nititur atheismus Aristotelis practicus, animum nostrum conuertimus. supra ¹ quippe obseruauimus, cognitionem de moribus auctorum magnam habere vim ad illorum atheismum diiudicandum; quod quum ita sese habeat, non ab re erit, breuiter adhuc de ipso vitæ genere, quod secutus est Aristoteles, disputare. qua opera muneris est, partim scriptores de vita Aristotelis consulere; partim obseruare, quodo momenta a nobis prolata animum philosophi huius significant, a sensu & cultu dei alienum. auctores, qui vitam Aristotelis scripserunt, sunt cum ex uetusta ætate, DIONYSIVS *Halicarnassens*, ² DIOGENES LAERTIVS, ³ ANONYMVS latinus, quem edidit PETRVS IO. NVNNESIVS, ⁴ ANONYMVS græcus, quem exhibuit atque obseruationibus illustrauit AEGIDIVS MENAGIVS ⁵ alique; tum ex recentiori, ANDREAS SCHOTTVS, ⁶ FRANCISCVS PATRITIVS, ⁷ GVARINVS *Veronensis* & LEONARDVS ARETINVS, ⁸ IO. IACOBVS BEVMERVS, ⁹ RENATVS RAPINVS, ¹⁰ vt de aliis taceamus, de quibus videre possumus IO. IONSIUM ¹¹ & IO. ALB. FABRICIUM; ¹² illorum autem, qui Aristotelem contra adcusationes defenderunt, varios commemorat LILIENTHAL. ¹³

¹ pag. 240. ² epistol. ad Ammaum. ³ libr. V. ⁴ addit. Anthonio latine edito. ⁵ ad Laert. t. II. opp. p. 201. ⁶ vita comparata Demostheni & Aristoteli. ⁷ lib. I. discussionum Peripateticarum. ⁸ de vita Aristotelis. ⁹ de vita Aristotelis. ¹⁰ compar. Platonis & Aristot. ¹¹ de scriptoribus histor. philosoph. ¹² bibl. græca lib. III. cap. 6. §. 39. ¹³ selectis histor. & litter. obseru. V. p. 114.

§. II. N o

§. II. Nobis haud est propositum, accuratius vitam Aristotelis tradere, sed ea tantum momenta attingere, quæ ratio disputationis nostræ postulat, ut subinde possit illustrari. quapropter inprimis respicere debemus Aristotelis indolem animi, in qua cognoscenda actiones ab eo susceptæ clarissimum nobis præferunt lumen & efficiunt facultatem, conclusionem de mentis ipsius conditione conflandi. nec dicemus quida veritate alienum, si in philosopho hoc partim ratione intellectus magnam iudicii vim, partim ratione voluntatis indolem ambitioni & voluptati dedicatam, ita ut studium gloriæ adhuc fuerit gravius cupiditate rerum ad voluptatem spectantium, notamus. patet enim satis manifeste ex ipsius monimentis, quæ in gratiam posteritatis sunt conservata, quod alios philosophos nominis quoque fama clarissimos iudicandi facultate superauerit, PYTHAGORAM & PLATONEM quippe, apud quos vis illa intellectus, quæ recipit rerum imagines, inprimis vigeat, atque efficiebat, ut multa ficta & commentitia, quorum ingenium ferax est, admitterent. cuiusmodi intellectus indoles, si adhuc cum mentis ambitione coniuncta est, facile viam ad atheismum parare potest, ut homines gloriæ studio incitati, nova proferre & in illis speciem gravissimi & magnifici iudicii demonstrare, adeoque præ aliis sibi famam acquirere elaborent, id quod multa atheorum exempla testatum faciunt. sic gloriam libere cogitantium sibi vindicant, quamvis re ipsa veram cogitandi libertatem cum licentia quidvis cogitandi prausque adse-

ſibus indulgendi de induſtria confundant, cuius rei exemplum habemus in ANTONIO COLLINO. ¹

§. III. Sed vero pro ratione argumenti noſtri, præcipue intueamur indolem, voluntatis Ariſtotelis, in qua principem tenuiſſe locum ambitionem, iam adfirmaviſimus. quam in rem dignis argumentis confirmandam quasdam illius actiones perluftrabimus, ut inde fiat apertum, honoris atque exiſtimationis ſtudio ſingulari occupatum fuiſſe philoſophum noſtrum. atqui primum ſua indole adductus litteris eiſmodi operam dedit, ut etiam tempus ſomno conſecrandum illis tradiderit, hocque vitæ inſtituto ſanitati ac fortunæ corporis magnam vim intulerit. hinc DIOGENES LAERTIVS ² dicit, tradere quosdam, ὅποτε κοιμῶτο, σφαῖραν χαλκὴν μάλλεσθαι αὐτῷ εἰς τὴν χεῖρα, λεκάνης ὑποκειμένης ἵν' ἐκπεσέσθης τῆς σφαίρας εἰς τὴν λεκάνην, ὑπὸ τῆς ψόφου ἐξέρχοντο, quum ſe ad quieſcendum compo-neret, aream ſphæram tenere in manu pelui ſubiecta, eo conſilio, ut cum e dormientis manu ſphæra area in ſubditum vas incidiſſet, ſono illius expergiſceretur. quod & Ariſtotelis diſcipulum Alexandrum magnum feciſſe commemorat AMMIANVS MARCELLINVS: ³ Alexander anea concha ſuppoſita, brachio extra cubile protento pilam tenebat argenteam, ut quum neruorum vigorem ſopor laxaſſet inſuſus, geſtaminis lapſi tinnitus abrumperet ſomnum. ac quamvis nimiam eruditorum induſtriam, qua litterarum ſtudia ſunt proſecuti,

¹ diſcuſſ. de libertate cogitandi.

² lib. V. ſegm. 16.

³ li-
bro XVI.

non omnem ex ambitione deriuemus; in Aristotele tamen ea deprehendimus momenta, quæ plane nobis persuadent, ipsius tanta in litteras studia manasse ex cupiditate gloriæ. sic porro ingrato animo erga præceptorem PLATONEM extitit, qui *regnare se non posse putauit, nisi more Othomannorum fratres omnes trucidaret suos*, ut dicit BACO VERVLAMIVS. ¹ hinc scribit DIOGENES LAERTIVS: ² ἀπέστη δὲ Πλάτωνος ἐτι περίοντος ὥστε Φασὶν ἐκείνον εἰπεῖν, Ἀριστοτέλης ἡμᾶς ἀπελάκτισε, καὶ ἀπερὶ τὰ πωλάρια γεννηθέντα τὴν μητέρα, *recessit a Platone, dum adhuc superuiveret. unde dixisse illum tradunt, Aristoteles in nos recalcitrauit, non secus atque in matrem pulli geniti.* de quo Aristotelis dissidio a Platone præclara quoque multa tradit AELIANVS, ³ & aperte significat, quæ indoles mentis ipsi fuerit, etiam alibi ⁴ ea, quæ DIOGENES commemorauit, confirmat, quod PLATO adpellauerit Aristotelem πῶλον, *pullum.* quemadmodum enim pullus lacte materno saturatus, calcibus petit matrem; ita quoque Aristoteles a Platone formatus & cognitione bonarum litterarum expletus, aduersus ipsum præceptorem pugnavit adeoque documenta animi beneficiorum haud memoris edidit. quamuis paullo aliter rem hanc referat HELLAIVS apud PHOTIVM: ⁵ Ἀριστοτέλης ὁ τῷ περιπάτῃ προσιάτης, ὑπὸ Πλάτωνος ἵππος ἐπωνομάζετο, ἐναντιῶσθαι δοκῶν τῷ διδασκάλῳ· καὶ γὰρ ὁ ἵππος τὸν ἐαυτοῦ πατέρα δάκναι, hisque significet,

¹ de augmentis disciplinarum lib. III. cap. 4. ² lib. V. segm. 2.

³ vbi histor. lib. III. cap. 19.

⁴ lib. IV. cap. 9.

⁵ biblioth.

p. 1589.

quod Aristoteles in comparisonem eum equo, qui & patrem soleat mordere, fuerit euectus. AMMONIVS quidem siue PHILOPONVS ¹ obseruat, falsum esse, quod Aristoteles ex odio erga Platonem instituerit scholam; nec iste magistro suo, sed ipsius haud genuinis interpretibus contradixerit; sed vero num AMMONII siue PHILOPONI in causis Aristotelis tanta sit auctoritas, vt ipsi debeamus habere fidem, quisque bonamente poterit iudicare.

§. IIIL. Nec defuit Aristoteli occasio, tantæ ambitioni atque arrogantiae tradendi animum. namque relicta academia anno ætatis XLII. venit ad regem Philippum atque ALEXANDRI magni tum annum quintum & decimum agentis studiis præfectus est, eumque litteris formauit per quinque annorum spatium. hinc IVSTINVS ² de Alexandro: *exacta pueritia per quinquennium sub Aristotele doctore inclyto omnium philosophorum creuit.* utriusque regis gratia vsus est singulari, ita ut PHILIPPVS ipsius precibus adductus, Stagiram patriam a se euersam instaurauerit, in cuius honorem, vt AMMONIVS siue PHILOPONVS obseruat, Stagiritæ singulis annis celebrarunt *Ἀριστοτέλεια*. sic & ALEXANDER magnus insignes sumtus fecit in Aristotelem, quo felicius ea, quæ in natura sunt arcana, eruere ac perquirere posset, vide PLINIVM. ³ qua fortuna quum vteretur philosophus, illa sane magnam vim

¹ vita. Aristotelis.
natural. lib. VIII. cap. 16.

² lib. XII. cap. 16. n. 8.

³ histor.

ad ipsius elatum ambitione animum adferre potuit, qui quo prosperiores sunt casus, eo maius capit incrementum. quumue huiusmodi homines magno studio sectentur adulationem, blanditias, assentationem; Aristoteles in id quoque vitium delabebatur, ita ut Alexandro maxime fuerit assentatus, hincque dictus apud LUCIANVM ¹ κολλάκων ἐπιτριπτότατος assentatorum omnium perditissimus.

§. V. Hominibus ambitioni deditis id primæ & maximæ curæ est, ut singulares foveant sententias, quibus se ab aliis eruditis distingui posse, sibi persuadent, hinc & soli sibi sapere videntur, reliquosque veluti vera sapientia atque eruditione destitutos parvi faciunt. quæ & causa est, cur tam proclives sint ad eius modi errores, quibus clarissimas veritates, etiam istam, quod sit deus, negent, saltem vocent in dubium, ne quid cum aliis commune habere videantur. idem a veteribus ecclesiæ doctoribus observatum est. IUSTINVS martyr, vel quisquis est auctor *question. & responsion. ad orthodoxos*: δηλοῖ εἶναι, ὅτι ἐκ φιλοδοξίας ἢ ἀντιπαθείας τῶν αἰρεσιγενῶν, πᾶσαι αἱ αἱρέσεις τὰς ἀφορμὰς ἐσχίσασαι τῆς συστάσεως αὐτῶν, manifestum est, omnes hæreses occasionem habuisse ex ambitione & mutua invidia hæresiarcharum: ² THEOPHYLACTVS: φιλαρχία τῶν αἱρέσεων μήτηρ, dominandi libido hæreseon mater est: ³ confer IO. GUILIELMVM BAIERVVM ⁴ & IO. FRAN-

¹ tom. I. opp. p. 292. ² quest. 4. p. 394. ³ in cap. V. ad Galatas p. 483. ⁴ dissert. de ambitione hæresium causa.

CISCVM BVDDVVM. ¹ quod si ita est, sicuti est, non mirum, Aristotelem tam prave sensisse de deo, rebus diuinis; nulla tradidisse praecepta de cultu dei, ex ipsa mente eiecisse sensum & pietatem erga summum numen, ut ambitione captus singulari se ab aliis philosophis seiungeret. equidem libenti fate-mur animo, quod errores ac speciatim atheismus etiam ex aliis causis possit gigni, nec quisque ambitione captus delabatur in tam crassam & pestiferam mentis conditionem, ut deum existere neget. deprehendimus enim quosdam ex ipsis antiquis philosophis, qui eodem animi vitio laborarunt, quamuis a plerisque immunes habeantur atheismi, ut ex exemplo PYTHAGORAE patet. namque si ipsius vitam inspiciamus penitus, multa sane indicia elati spiritu quodam philosophico animi obseruamus, quidquid alii dicant, de praeclara ejus humanitate & modestia; atheismus autem, cuius nonnulli illum adcurarunt, nullo nititur fundamento. sed vero quod ad Aristotelem adinet, ideo eius atheismum deriuamus ex ambitione, quod non solum constat, illum corrupisse mentem hocce vitio; sed etiam male iudicasse de deo ac doctrinam de ipsius cultu, quem & sana ratio iubet, reliquisse intactam.

§. VI. Solemnis est ars simulandi & dissimulandi hominibus ambitiosis, quod ita eleganter exprimi SALLVSTIVS: ² *ambitio*

¹ instit. theol. moral. Part. I. cap. 1. sect. 4. §. 60. de atheismo & superst. cap. 4. §. 1. ² de coniurat. catilin. cap. 10.

mul-

multos mortales falsos fieri subegit, aliud clausum in pectore, aliud promptum in lingua habere; qui & hæc habet de amicitia horum hominum; amicitias inimicitiasque non ex re, sed ex commodo æstimant, magisque vultum, quam ingenium bonum habent. idem fecit & Aristoteles, qui pectore suo nullum de deo habuit sensum, & quamuis nihil tradiderit de rebus diuinis, quod tanto ingenio esset dignum; in speciem tamen interdum contra atheos disputauit. sic insinuat philosophos sectæ Ionicæ, quod præter materiam nullum aliud principium rerum naturalium admiserint, ¹ quamuis exinde non pateat, quod & nullum deum, cuius haud fecerint mentionem, agnouerint. quapropter AUCTOR obseru. Hal. ² *dicit: prodidit autem Aristoteles in eo maxime animum suum ad atheismum pronum ac procliuem, quod tantos contra atheos clamores excitet, ostentando quandam nugatoriam de deo notitiam, quæ tamen ab intimiori cognitione & perceptione remotissima fuit: qui enim deum non agnoscunt & licet firmissime sibi persuadeant, se deum credere, ac subtilissime contra atheos disputare possint, nihilominus pro atheis iure optimo venditantur.*

§. VII. Obseruauimus quoque in Aristotele animum voluptati traditum, cuius rei testimonium exhibemus EX DIOGENE LAERTIO, ³ qui EX ARISTIPPI libro primo de

¹ lib. 7. cap. 3. metaphysic.

² tom. VIII. obs. 10. §. 11.

³ lib. V. segm. 4.

antiquis deliciis tradit, ἐραδοῦναι τὸν Ἀριστοτέλην παλλακίδος τῆς Ἑρμίας, *adamasse Aristotelem Hermiae concubinam.* qui & addit: τῆ δὲ συγχωρήσαντος, ἔγημέ τε αὐτήν, καὶ ἔδυνεν ὑπερχαίρων τῷ γυναικίῳ, ὡς Ἀθηναῖοι τῇ Ἐλευσινίδι Δήμητρει. τῷ τε Ἑρμείᾳ Παιᾶνα ἔγραψεν, *quam ille quum sibi permississet, duxisse eam, & gaudio elatum immolasse mulieri, ut Athenienses Eleusinae Cereri Hermiaeque pæana scripsisse.* quæ verba produnt omnino animum, in quo libido fuit non mediocris, siue pæana, siue carmen tantum panegyricum scripserit, de quo momento paullo post dicemus. atqui hæc indoles animi, quæ erat philosopho nostro, omnino fuit consentanea atheismo, atque efficit, ut modo formauerit se ad externam honestatis speciem; modo vero aperte pro corruptis animi studiis egerit.

§. VIII. Tandem ad vltima Aristotelis facta nos conuertamus, ex quibus nouum argumentum de moribus ipsius haud rectis, sed impiis petere possumus. sunt, qui ipsum adculant αὐτοχειρίας, cuius mortis autem, quam ipse sibi intulerit, duo eaque diuersa genera traduntur. alii Aristotelem cicutæ poculo hausto ex vita commigrasse dicunt, quo pertinent ex antiquis EVMELVS apud DIOGENEM LAERTIVM ¹ item HESYCHIVS, SVIDAS; ex recentioribus vero FRANCISCVS PATRITIVS, ² qui dicit; *perrexit ergo Athenis docere, usque ad sexagesimum secundum suæ ætatis annum, quo tempore ab Eu-*

¹ cit. loc. segm. 6.

² tom. I. lib. I. p. 9. discuss. Peripat.

Eurymedonte quodam hierophanta, vel sycophanta αἰετίας, i. e. impietatis. est accusatus, eo scilicet, quod *Hermia* eunucho iam olim, veluti *Apollini* pæana cecinisset, ac *Pythiadi* uxori tanquam *Cereri* sacrificasset. itaque metuens, ne sibi tunc, quod olim *Socrati*, accideret; solum vertit, *Chalcidemque Euboeæ* se recepit. dum vero *Chalcide* moratur, orationem in sui defensionem scripsit, eamque iudicibus transmisit. sed quum oratio ea ad iudices nihil profecisset, ad iudiciumque nihilominus vocaretur, cicutam bibere elegit, cuius succo XLIII. anno ante *Socrates* extinctus fuerat. cui adiungere possumus IVSTVM LIPSIUM: ¹ cum XIII. annos, inquit, docuisset a morte *Alexandri*, impietatis accusatus ab *Eurymedonte* sycophanta *Chalcidem* profugit & poto aconito vita aufugit. alii autem adfirmant, quod se in *Euripum* præcipitem dederit, quod naturam eius caussamque fluxus & refluxus assequi non potuerit. CAELIVS RHODIGINVS: ² legimus quippe virum hunc (*Aristotelem*) *Euripi* septies die ac nocte reciprocantis naturam admiratum, caussas altius secum librantem, quum minus voti compos euaderet, animi agritudine contraxisse morbum, ex quo non conualuerit amplius. sunt qui prodant in fretum dedisse præcipitem se præfatum elogium: quoniam *Aristoteles* non cepit *Euripum*, *Euripus* cepit *Aristotelem*. alii tantum tradunt *Aristotelem* magno pudore ac mentis mœrore, quod naturam *Euripi* cognoscere haud potuerit, occupatum e vita excessisse, ac momentum illud,

¹ ad Senecam de otio sapient. cap. 32. ² lection. antiqu. lib. XIX. cap. 8.

quod

quod se in mare coniecerit, haud adtingunt.
 sic IVSTINVS: ¹ ἡ δὲ τὴν τῷ Εὐρίπῃ φύσιν τῷ
 ὄντος ἐν χάλκιδι γινῶναι δυνειθεῖς, διὰ πολλὴν ἀδο-
 ξίαν καὶ αἰσχύνειν λυπηθεῖς μετέστη τῷ βίῃ, *quum*
neque Euripi Chalcidici naturam cognoscere
posset, unde propter ingens probrum & pudorem
in mærorem coniectus morte vitam commuta-
uit: & GREGORIUS NAZIANZENS ² ita
 adloquitur Iulianum: *laudas insuper in Ho-*
mero discendi amorem circa Arcadicam qua-
stionem & in Aristotele philosophiam & diuti-
nam moram ad reciprocos Euripi æstus, quibus
uterque occubuit.

§. VIIII. Sed vero nec defunt, qui Ari-
 stotelem facinoris huius absoluunt, ac probare
 contendunt, ipsum morte naturali esse defun-
 ctum, quam in rem varia proferunt testimonia.
 etenim dicat DIONYSIVS *Halicarnassens*: ³
post Philippi obitum, Euenato prætore, profe-
ctus Athenas Aristoteles scholas habuit duode-
cim annos in lyceo. decimo tertio autem, A-
lexandro mortuo, prætore Cephisodono, Chalci-
dem migravit, ibique ex morbo decessit, quum
tres & sexaginta vixisset annos: cui adiun-
gunt APOLLODORVM, qui tradat apud
DIOGENEM LAERTIVM, ⁴ Aristotelem
quum tredecim annos in lyceo docuisset, Chalci-
dem anno tertio Olympiadis centesima quarta
decima perrexisset ibique morbo periisse, quum
esset annorum fere LXIII. item CENSORIVM
⁵ *dicentem: Aristotelem ferunt naturalem sto-*
machi infirmitatem crebrasq; morbidum corporis

¹ cohort. ad gentes p. 34.

² orat. III. pag. 79. tom. I. opp.

³ epistola ad Animum.

⁴ lib. V. segm. 10.

⁵ de dia na-
 tals cap. XIII.

offensiones adeo virtute animi diu sustentasse, ut magis mirum sit ad annos LXIII. eum vitam pertulisse, quam ultro non protulisse. nec solum testimoniis hisce sese muniunt, quum Aristotelis causas perorent; sed & ipsas adcusationes remouere & quod illis nihil veri nec solidi quid insit, demonstrare elaborant. quod igitur ad priorem sententiam adtinet, Aristotelem cicutæ poculo hausto fuisse extinctum; obseruant, quod sua voluntate Athenis Chalcidem sese contulerit, nec statim tradiderit fugæ, sed posthac, quum defensionem suam nullum habuisse pondus, cognouerit. quo metu impulsus quum profugerit Athenis, ne a senatu cicutæ poculum bibere exemplo Socratis cogeretur, sane non esset simile vero, ipsum propria libidine incitatum hausisse venenum hacque ratione sibi adtulisse mortem: quid enim opus fuit solum vertere, & Athenis fugere, si voluntarie erat obiturus? annon ut in Eubæa, sic Athenis potare acorytum & vitam finire licebat? dicit GVARINVS Veronensis¹ adhæc monent, crimen, quo adcusatus fuerit, tanta pœna non esse dignum, siquidem veteres non solum in honorem deorum, sed etiam heroum & aliorum virorum pœanes scripserint, teste ATHENÆO: ² vnde miratur IVLIVS CAESAR SCALIGER: ³ quod Athenienses prosecuti iudicio sint Aristotelem, quoniam in Hermiam, qui esset mortalis, tanquam in deum pœana condidisset, quum tamen etiam viris fortibus daretur id. quin etiam Aristoteles in Hermiam non pœana, sed carmen tan-

¹ *vita Aristot. pag. 54.*

² *Deipnosoph. lib. XV. cap. 16.*

³ *poetic. lib. 1. cap. 44.*

tum panegyricum fecerit, auctore ATHE-
NAEO ¹ nec posteriorem sententiam gravio-
ris esse auctoritatis iudicant, quo de argumen-
to pluribus differuit LILIENTHAL: ² adde
THOMAM STANLEIVM. ³

§. X. Quod Aristoteles cicuta poculo hau-
sto se vita priuauerit, nulla veritatis specie ad-
firmari potest. num autem in mare se dede-
rit præcipitem, an minus, hac de re haud dis-
putabimus, id tantum probabili ratione ad-
firmantes, quod Aristoteles propter nimium
in cognoscendas res naturales studium vires
corporis fregerit, & singulari adfectus mœro-
re vita fuerit defunctus, confer PETRVM
BAELIVM. ⁴ atqui hoc mortis genus etiam
inter species *αὐτοχειρίας* potest referri. quid
multa? vixit Aristoteles, vt sensit. errores
ipsius sequebatur corruptio morum. sed hæc
sufficiant.

¹ cit. loco.
philos. p. 427.

² *selectus historicæ & litterar. p. 113.*

³ *histor.*

⁴ *pec. Aristot.*

DIATRIBE
DE
ENTHUSIASMO
VETERVM SOPHI-
STARVM ATQVE
ORATORVM.

Σ Τ Ν Ο Ψ Ι Σ.

Differtur de arte & natura, quæ efficiunt oratorem
 §. I. quid & quotuplex sit entusiasmus §. II.
 III. de entusiasmo poëtico §. IV. num eloquentiæ insit aliquid diuini §. V. exempla de entusiasmo veterum sophistarum in inuentione §. VI. quæ confirmantur per testimonia §. VII. & illustrantur ex adpellatione diuinitatem significante illorum §. VIII. de ipsorum entusiasmo in actione §. VIII. X. antequam instituitur iudicium de hoc entusiasmo, obseruatur primum, quod non omnes huic sententiæ addicti fuerint §. XI. deinde multi de oratoribus differentes formulis, quæ diuinitatem significant, veluti translati utantur §. XII. fundamentum entusiasmi demonstratur partim ratione ipsorum oratorum, quorum nonnulli ex animo per creditum cum demonibus commercium, talem sibi persuaserint §. XIII. XIII. XV. XVI. nonnulli autem simulate per fraudes & fallacias istum præ se tulerint §. XVII. XVIII. XVIII. partim ratione auditorum aliorumque, qui crediderunt, diuino adflatu esse incitatos oratores. hæc persuasio deducitur ex vi oratoria §. XX. partim ratione ipsarum orationum, per quas elaborarunt in intellectu admirationem §. XXI. XXII. XXIII. XXIII. in voluntate vero cum delectationem §. XXV. XXVI. XXVII. tum stuporem & vehementiam motus §. XXVIII. XXVIII. XXX. XXXI. XXXII. XXXIII. partim ratione indolis auditorum §. XXXIII.

IN vtramque partem disputatum fuit, num naturæ atque ingenii dotes, an artis præcepta magis valeant ad facultatem copiamque dicendi? quo momento quondam opinionum
 num

num diuersitatem fuisse deprehendimus. extiterunt quippe, qui benigniori naturæ eiusdemque muneribus, si non omnia, plurima tamen, quæ disertus atque eloquens homo præstat, accepta retulerunt, quæ sententia fuit ex vetustioribus SEXTO EMPIRICO, & qui ipsum sequitur ætate recentiori, ROLANDO MARESIO. qui quum opinionem hanc præcipue auctoritate exemplorum cum DEMOSTHENIS, tum ANTONII, qui eloquentiæ summam laudem & mirificam existimationem habebant, confirmauerit, illis commemoratis, hæc addidit: *itaque ut quis disertus euadat, non multum meo iudicio in istis rhetoricæ præceptis, quæ sunt infinita, se torquebit; sed quum erit communi illa eruditione imbutus, quæ in artibus ingenuis consistit, & philosophiam, præcipue moralem attigerit, quas Socraticas chartas appellat Horatius, tum demum frequenter se in dicendo & scribendo exerceat. exercitatio enim, quod potentissimum discendi genus vocat Quintilianus, sine multis præceptis aliquem eloquentiæ usum afferet ei, modo indolem habeat, & naturam ad eam idoneam, quæ præcipue hic multum valet.*¹ sic quoque nonnulli existimarunt, speciatim sublime dicendi genus, & id quod in oratione sit grande & magnificum, ad nullas artis regulas posse reuocari, auctore DIONYSIO LONGINO,² qui autem alio loco³ id tulit hac de re iudicium: *προσέχει δὲ, μεγαλοφύτας βοήθημα τῇ φύσει πορίζεσθαι τὴν τέχνην, præstat autem, uti ad persiciendam orationis grandita-*

¹ epist. philolog. lib. II. epist. 51. ² περὶ ὁψους sect. II. ³ ibid. sect. XXXIII.

tem ars natura succurrat. quumque poësis genus quoddam eloquentiæ constituit, huc quoque ea possunt transferri, quæ de ista eiusque cultura differit HORATIVS; ¹

natura fieret laudabile carmen, an arte?

quæsitum est. ego nec studium sine diuite vena,

nec rude quid profit, video, ingenium: alterius sic

altera poscit opem res, & coniurat amice;

quæ sententia suis munita est argumentis. prout enim omnis habitus, siue corporis sit siue animi, industria & actionibus sæpius susceptis a nobis comparantur; sic vt talis constans & facilis aliqua in re perfectio gignatur, necesse est, facultatem habitus a natura habere, adeo vt qui ingenio minus valet, nihil præclari in litterarum studiis possit præstare. varia autem scientiarum sunt genera, ad quas non quodvis ingenium promiscue aptum est, sed pro diversitate materiarum, in quibus versantur, sibi semper conuenientem intellectus humani indolem postulant, si ipsarum cultura suos ferre debeat fructus, quippe quæ facile ad eloquentiæ disciplinas possunt adplicari. ac quamuis minus negauerim, quod quis singulari ingenii excellentia conspicuus, per diligentiam assiduamque exercitationem, vel sine artis cognitione effici possit eloquens; huiusmodi tamen via ad suscipiendam studiorum eloquentiæ rationem multis circumsepta est difficultatibus. quapropter melius omnino consulunt sibi, qui quum mentem eloquentiæ consecrauerint, non solum ea, quæ beneficio naturæ

¹ de arte poetica v. 407. seqq.

bona habent, per doctrinam ac præcepta reddunt meliora, & quæ non optima, aliquo modo acuunt & corrigunt; sed & exercitia ad artis regulas, easque breues, perspicuas & firmas adcommodant. nam si genuinam ac veram eloquentiæ indolem, qua naturali cursu omnia fluunt, quæue cogitationes sensusque atque affectus animi accurate ac pro ratione materiæ & personarum eleganter sese produnt, spectamus, illa haud multa admittit præcepta, quin etiam id, quod in oratione quadam pulcrum est, multis regulis determinari ac definiri haud posse existimamus. nec iis de causis a sententia ROLANDI MARESII sumus alieni, quod exercitationi plurimum temporis atque industriæ sit relinquendum, si modo ingenium eloquentiæ natum ad breuia solidaque institutum fuerit præcepta, adeo vt si rem ipsam inspiciamus penitus, censeamus, disceptationem illam naturæ potius an arte constet dicendi facultas? esse nullius momenti, quoniam vtrumque coniungendum est. num autem aliquis, qui mentem suam litteris hisce excolit, generatim plus debeat naturæ, an doctrinæ vindicare? id per diuersitatem cum ingeniorum tum præceptorum curatius definiri non potest.

§. II. Sic natura & ars efficiunt oratorem. sed veteres artis oratoriæ magistri atque auctores θεῖον τι, *aliquid diuini* quoque eloquentiæ inesse crediderunt, ac persuaferunt sibi, deos quoque oratoribus, quum declamarent, præsto esse, eoque haud obscure significarunt, quod summa dicendi facultas ac laus non solum a benignitate naturæ ac doctrinæ elegan-

tia: sed & singulari diuina ope sit petenda. quo spectat veterum sophistarum atque oratorum enthusiasmus, cuius rationem ex antiquis monumentis explicare, etiam diiudicare, nobis est in animo, quod argumentum vt aperte exponamus, non ab re erit ea, qua fieri potest, breuitate de ipso enthusiasmo præfari. atqui vox *enthusiasmi* aliquid cæleste ac diuinum indicare videtur. ἐνθεος enim siue ἑνθεος eum significat, qui numine quodam agitur & recepto, vt SENECA dicit, furit deo, vide HENRICVM STEPHANVM: ¹ sic MOSES apud PHILONEM ² ἐνθεος αὐτίκα γίνεσθαι, προφητικῷ πνεύματι ἐπιφοιτήσαντος, numine corripitur illico, spiritu prophetico ipsum afflante; & ab EVSEBIO ³ Seruator noster vocatur ἐνθεος καὶ ἑρμῆς λόγος, Deo plenum & cæleste verbum; sancti autem prophetæ a THEOPHYLACTO ⁴ adpellantur ἐνθεοὶ προφῆται, Deo pleni prophetæ. hinc etiam SVIDAS ⁵ nomen hoc ita interpretatur: τεθεοφορημένος. ἐνθεσιῶν. συναλοιφῇ δὲ τῷ ἐνθεοῖ, a numine agitur, numine aliquo afflatus. fanaticus. per synalæphen vero ἑνθεος dicitur pro ἐνθεοῖ. * ab hac voce ἑνθεος ortum est verbum ἐνθεσιάζειν, diuino adflatu incitari, & hinc nomen ἐνθεσιασμός, adflatus instinctusque diuinus, cuius vsus apud PLATONEM eiusdemque sectatores frequens est, adeo vt vox *enthusiasmi* vi primæ originis bonam præ se habeat significationem. etenim notat adflatum & instinctum diuinum, per quem homo Deo plenus redditur; siue

¹ thesaur. grac. lingua tom. 1 pag. 1531. ² vita Mosi libr. 1. pag. 499. ³ histor. eccles. lib. 1. cap. 4. ⁴ comm. in 1. Cor. XII. confer SVICERVM thesaur. eccles. tom. 1. pag. 1117. ⁵ lexic. part. 1. p. 748.

generatim motum in mortalium animis, qui a vi quadam atque operatione diuina proficiscitur; speciatim vero modo tantum intellectus lucem diuinam, quo nomine etiam HESYCHIVS ¹ & SVIDAS ² hanc vocem explicant: ὅταν ἡ ψυχὴ ὅλη ἐλλάμπηται ὑπὸ τοῦ Θεοῦ, *quando tota anima illuminatur a Deo*; modo etiam simul motum voluntatis atque ipsius adfectuum. at vero quamuis notio hæc sit bona; vetustiori tamen, ac imprimis recentiori ævo voci huic eiusmodi quoque significatio adtributa fuit, vt aliquid mali contineat atque indicet. nam profani auctores interdum nomine hoc ea vtuntur sententia, vt significet insaniam, & ἐνθουσιάζειν idem sit ac μανίαν ἔχειν, id quod inde ortum esse, nonnulli existimant, quod paganorum vates, quum ederent oracula, quendam furorem præ se ferebant. ** ac quem fugiat, nostro tempore enthusiasum significare eiusmodi mentis vitium, quo quis facultate iudicii destitutus, magna autem vi imaginationis præditus varios diuinos motus cum in intellectu tum voluntate, quamuis aut fictitii sint ac commentitii, aut a causis in natura rerum stabilitis proficiscantur aut malo dæmoni suam debeant originem; sibi persuadet? quem motum animi interdum quoque corporis commotio sequitur, vt ex historiarum monumentis, quibus res ab enthusiastis gestæ traduntur, satis clare patet; etiam diuinis vatibus sub priori fœdere ita contigit, vt quum ipsorum animum ad saluberrimas doctrinas Deus instrueret, corpora quoque mœ-

¹ lexic. p. 329. ² lex. tom. I. p. 748.

tu adficerentur, cuius rei documento esse possunt SAVL ac DANIEL I ***

* vox ἔθε in scripturis sacris non deprehenditur, quamvis aliæ dicendi formulæ ibi sint, quibus idem significatur. sic de scriptoribus θεοπνεύταις dicitur, quod locuti fuerint φερόμενοι ὑπὸ πνεύματος ἁγίου 2. Petr. I. v. 21. de Elifabetha ἐπλήσθη πνεύματος ἁγίου, Luc. I v. 41. de Zacharia ἐπλήσθη πνεύματος ἁγίου καὶ προσφύτευσεν. v. 67. & de Stephano, quod fuerit πλήρης πνεύματος ἁγίου, act. VII. 55. ac PAVLVS pro Ephesiis ita precatur, ἵνα πληρωθῆτε εἰς πάντὸ πλῆρωμα τοῦ Θεοῦ, Ephes III. 19. vid. venerandi IO. FRANCISCI BVDDI instit. theol. moral. part. I. cap. I. sect. V. §. 17. not.

** apud scriptores & doctores ecclesiæ dicuntur homines vi mali dæmonis agitari ἰδυσιασται. vt patet ex adpellatione hæreticorum Messalinorum. de quibus legi possunt THEODOR. hist. eccles. I. III. c. II. & HARMENOPVLVS de sectis sect. 18. adde ADAMI RECHENBERGII hierol. reale. pag. 520.

*** disputatum est, num ecstasi enthusiasmi notio respondeat? sunt, qui has voces earumque significationes perturbant; alii vero inter ecstasin atque enthusiasmum magnum constituunt discrimen, ac per ecstasin intelligunt eiusmodi hominum conditionem, quum mente ita sint incitati, vt omnis sensuum externorum vis debilitata, fracta, immo penitus sublata videatur. nomen enim *ecstasens* a verbo ἐξίστασθαι, id est, *ex loco ac statione sua dimoueri*, ortum est. de cetero negari non potest, quod enthusiasmus interdum dicatur ecstasis, quodue etiam illi, quibus contingit enthusiasmus, in ecstasin rapiantur,

saltem rapi sibi videantur. confer MARTINVM SCHOOKIUM de ecstasi, & quæ præter alios collegit THOM. CRENIVS animadvers. philol. p. III. c. 3. §. 10.

§. III. Varia enthusiasmi genera ponuntur a scriptoribus cum profanis tum christianis. quod ad paganos attinet, PLATO inprimis ac PLUTARCHVS hac de re disputarunt, quorum ille ¹ quatuor constituit species, *μανίαν* *μαντικήν*, *furorem diuinatorium*, quem Apollini; *τελεσιικήν*, *bacchicum* siue *mysticum*, quem Dionysio; *ποιητικήν*, *poëticum*, quem musis & *ἔρωτικήν*, *amatorium*. quem *ἀγείσην* vocauit, Venerique atque amoris acceptum retulit: hic ² vero quinque genera commemorat, *diuinatorium*, *corybanticum*, *poëticum*, *bellicum* & *amatorium*. atqui inter auctores christianæ professionis præcipue est MERICVS CASAVBONVS, ³ qui quum enthusiasmum diuidere instituisset in *naturalem* & *supernaturalem*, de isto singulari industria tractat, atque octo illius genera ponit, quorum primum complectitur enthusiasmum *philosophicum*; secundum *rhetoricum*; tertium *poëticum*; quartum *supplicatorium*; quintum *musicum*; sextum *martialem* siue *bellicum*; septimum *amatorium*, & octauum *mechanicum*. HOORNBECKIVS ⁴ existimat, alium enthusiasmum esse *bonum*, qui originem suam trahat a virtute atque operatione diuina; alium vero *malum*, quem pessimus spiritus auctorque malitiæ hominum, vel propria mentis imbecillitas efficiant. præter quos adhuc mentionem facimus HENNINGII

¹ Phædro p. 352. ² amator. p. 758. ³ de enthusiasmo cap. I. pag. 12. ⁴ summ. controu. lib. VI. p. 378.

IO. GERDESII, ¹ qui diuidit entusiasmum in *verum & fictitium*: *verum* iterum in *naturalem*, qui fit hominis nunc sani, nunc morbo laborantis; *praternaturalem & supernaturalem*, vt de aliis taceamus. ac quamuis nobis haud fit in animo, in huiusmodi genera, num recte, bene & ex ordine sint posita, inquirere; illud tamen obseruamus, scriptores posteriores mentem ad ipsam vocis huius notionem haud aduertisse, quin etiam varias illius significationes simul admisisse. nam antequam de generibus entusiasmii dispiciamus, necesse est, vt momentum significationis, num bona, an mala esse debeat, sit expeditum, quo exposito, de firmo solidoque diuisionis fundamento sollicitum esse decet. sic alia ratione entusiasmii species constituere debemus, quando iste adflatum atque instinctum vere diuinum significat; alio vero modo, si talis adflatus haud cælestis, sed fictus est & commentitius, in quo numero omnia entusiasmii genera apud homines paganos celebrata habenda esse censemus, quæ iterum pro diuersitate rerum, in quibus versantur, etiam caussarum, a quibus pendent, in multas diffunduntur formas. sed tamen alienum esset a proposito dissertationis argumento, copiose atque vberius hac de re disputare, præcipue quum istam alii nobilissima atque amplissima industria iam sint persecuti, MERICVS CASAVBONVS, ² HENRICVS MORVS, ³ IO. LOCKIUS, ⁴ HENNINGIUS IO. GERDESIUS, ⁵ IO. FRANCISCUS BVD-

¹ de entusiasmo cap. I § 5. ² de entusiasmo. ³ de entusiasmo triumphato tom. II. opp. phil p. 188. ⁴ de intellectu humano lib. III. c. 19. ⁵ schediasf. de entusiasmo.

DEVS, ¹ MICHAEL GOTTLIEB HAN-
SCHIVS ²

§. IV. Sufficiat, breuiter ea attigisse, quæ dissertationi lucem quamdam præferunt, quibus expositis, ad ipsum argumentum explicandum conuertimur, id quod quum præstare instituamus, operæ pretium erit, enthusiasmum quoque poeticum, * inter quem & oratorium magna est similitudo, paucis ex antiquæ ætatis monumentis illustrare. ex scientiarum disciplinis, quibus veteres pretium aliquod posuerunt iisque excoluerunt mentes, poësis præcipue fuit, cui aliquid diuinitatis inditum esse, fabulosa credidit ætas, cuius auctores sæpe numero commercia cum diis, atque illorum adflatum animique cis & trans rationem vehementiorem impetum finxerunt. hinc NASO ³ canit:

*est Deus in nobis; & sunt commercia celi.
sedibus ætheriis spiritus ille venit.*

item: ⁴

*est Deus in nobis: agitante calescimus illo.
impetus hic sacræ semina mentis habet.*

& HORATIVS: ⁵

*quo me, Bacche, rapis tui
plenum? quæ in nemora, aut quos agar in
specus,
velox mente noua?*

quibus verbis satis aperte significat poeta, sibi esse propositum, Bacchi numine plenum ac mente concitatum Augusti laudes celebrare,

¹ instit. theol. mor. part. 1. c. 1. sect. 5. §. 17. sqq. thesib. de atheismo.
& superstit. cap. 11. §. 3. ² de enthusiasmo Platonico sect. 1. 2.

³ de arte amandi lib. III. v. 349. ⁴ lib. VI. v. 5. fast. ⁵ lib. III. ed. 25. v. 1. sqq.

ac quidem nouo carminis genere, lyrico quippe, quod excogitasse, ipse sibi gloriæ ducit, ex quo etiam patet, cur alio loco ¹ ita scribat:

male sanos

adscriptis Liber Satyris Faunisque poetas.
nec solum ipsi carminum auctores de tali instinctu diuino sunt gloriati; sed & alii pagani scriptores idem tradiderunt, siquidem quum APOLLONIVS RHODIVS ² principium operis sui his verbis facit:

Ἀρχόμενος σέο Φοῖβε, παλαιγενέων κλέα Φωίων
μνήσομαι,

*tuis Phæbe auspiciis viros veteres eosque
fama claros*

memorabo;

obseruat scholiastes: παραπλησίως γὰρ τοῖς μα-
νομένοις οἱ ποιηταὶ ἐνθουσιῶσιν, *ad exemplum fere
insanorum poëta diuinitus commouentur*: EV-
MOLPVs apud PETRONIVM ³ de arte poë-
tica differit, eiusque & hoc constituit præce-
ptum: *præcipitandus est liber spiritus, ut po-
tius furentis animi vaticinatio adpareat; &*
CICERO: ⁴ *sæpe audiui, poëtam bonum ne-
minem, (id quod a Democrito & Platone in
scriptis relictum esse dicunt) sine inflammatione
animorum exstere posse, & sine quodam
afflatu quasi furoris.* ** *hic poëtarum natio
diuinitus incitata credebatur, qui carmina sua
non sine cælesti aliquo mentis instinctu funde-
rent, nec solum ab Apolline musisque, sed &
Baccho ac Venere multa ad versus scribendos
haberent adiumenta. quumue PLATO, ut
ex superioribus constat, quatuor τῆς θεῆας μα-*

¹ lib. I. epist. 19. v. 3. ² argonaut. lib. I. v. I. ³ satir.
cap. 118. ⁴ de oratore lib. II. c. 46.

ulas constituit species, & primam quidem Apollini refert acceptam, ex qua vaticinia credit pendere; secundam Baccho, ex qua mysteria; tertiam musis, vnde poëticum accersit impetum; quartam denique Veneri, vnde vim amatoriam; hæc omnia furoris genera poëtæ sibi vindicant. namque per Apollinem & musas motus illi intelligi possunt, quibus adficitur animus ipsiusque facultas ad operationes sibi consentaneas excitatur, si quidem Apollo non solum fatidicis, vt existimat PLATO, sed & poëtis præsidebat, cuius fabulæ interpretationem HORATIVS¹ confirmat, qui se epico carmini minus aptum esse arbitratur atque ita disserit:

*Phæbus volentem prælia me loqui,
victas & vrbes, increpuit lyra:
ne parua Tyrrhenum per aquor
vela darem.*

Bacchum autem poëtæ in societatem suorum deorum ideo adscripserunt, quoniam præses erat vini. quod magnam vim ad ingenium poëticum, nunc excitandum atque inflammandum, nunc vehementius acuendum habere sibi persuadebant, vt testatur CRATINVS poëta comicus apud HORATIVM:²

*nulla placere diu, nec viuere carmina pos-
sunt,
quæ scribuntur aqua potoribus;*

& PROPERTIVS;³

*quod superest vitæ, per te & tua cornua vi-
uam,
virtutisque tuæ, Bacche, poëta ferar.*

¹ lib. III. ed. 15. v. 1. seqq.
III. theg. 15.

² lib. I. epist. 19. u. 2.

³ lib.

adde

addeANACREONTEM ¹ GYRALDVM.***

² ac tandem furor quoque Veneris carminum auctoribus attribuitur, quoniam nullum fere poëtam inuenimus, qui arti poëticæ satisfecisse sibi videtur, nisi ingenium in argumento amorem spectante exercuerit, quamuis ipsius animus a tali cupiditate ac libidine minus regatur. hanc igitur interpretationem fabularum si sequamur, enthusiasmus poëticus, quem veteres præ se tulerunt, plane corruit, nec quidquam, quando rem ipsam contemplamur, de religione & sacris paganis continet. sed tamen quod & hæc antiquiorum fuerit vna mens, id penitus affirmari non potest, quin etiam fuerunt, qui deorum adflatum atque instinctum sibi obtigisse, omnino existimarunt, id quod ex iis, quæ paullo post dicemus, apertum & manifestum erit. qui plura hoc de argumento desiderant, illi adire possunt PETITVM ³ CASAVBONVM, ⁴ GERH. IO. VOSSIVM, ⁵ GEORG. DANIEL. MORHOFIVM, ⁶ GISEBERTVM CVPERVM, ⁷ OLAVM BORRICHIVM, ⁸ MICHAELEM GOTTLIEBHANSCHIVM. ⁹

* hic enthusiasmus poëticus sæpius quoque appellatur *furor poëticus*, PLATO ipse enthusiasmum dixit *μανία*, *furorem*, quæ vox quamvis sit horridior, benefica tamen explicatione mitiganda: hinc etiam addidit: *θείαν*, adeoque significauit, non vnum esse furoris ge-

¹ od. 39. conf. interpretis galli LONGEPIERRE obseruat. p.200.

² de poëtar. hist. dial. VI. opp. t. II. p. 345. ³ dissert. de furore poëtic. præmiss. poëmat. selectu.

⁴ de enthusiasmo cap. 5. p. 134. ⁵ de arte poët. cap. 12. ⁶ orat. de enthusias. seu furore poëtico. in dissert. acad. n. III. p. 71. sqq.

⁷ obseru. lib. III. c. 12. p. 304. ⁸ dissert. seu orat. acad. part. I. n. 6. p. 247. ⁹ de enthusiasmo Platonis. sect. II. § 10. sqq.

nus. fatidici enim quive oracula edebant, ac poëtæ interdum speciem furoris præ se ferebant. sunt. qui furorem poëticum ita explicant, vt maxime ad ὄρμη ἐκστατικῇ adcedat; momenta autem enthufiasini atque ecstaseos non sunt perturbanda, etiam ex veterum sententia.

- ** huc quoque pertinent poëtatum formulæ inuocandi deos deasque, de quibus SCALIGER lib. V. 17. poëtic. differit. poëtæ christiani inuocabant spiritum sanctum, vt pater ex extremo præfationis IUVENCI:

ergo age, sanctificus adsit mihi carminis auctor

*Spiritus, & puro mentem riget anne canentis
dulcis Iordanis, vt Christo digna loquamur.*

- *** ob hanc causam poëtæ hedera ac lauro coronati fuerunt, vid BORREMANNSIUM de poëtis & proph. p. 24. seqq. exempla autem poëtarum recentioris ætatis, quos vinum maxime delectauit, collecta deprehendimus observationibus ad IO. BURC. MENCKENII declamat. de charlat. erud p. 139.

§. V. Ceterum hæc, quæ de enthufiasmo poëtico disputauimus, magnam lucem nobis præferre possunt, quum iam animum ad veteres sophistas atque oratores conuertere instituiamus. atqui si eruditæ antiquitatis monumenta perlustramus, nobis ista tradunt, quod multi non solum arti oratoriæ quidquam diuini insitum esse crediderint, sed & oratores quemdam numinis adflatum sæpius sibi adtribuerint, etiam ab aliis, veluti diuino concitati instinctu fuerint habiti. sic APOLLO-NIVS interrogatus a *Telesino*: τίς δὲ ἡ σοφία; quæ vero sapientia est? respondit: θεῖος μὲς, καὶ
ωσ

ὡς ἂν τις θεοῖς εὐχαῖο, καὶ δούκι, *diuinus instin-*
ctus, & ut diis fundendæ preces sacraque faci-
enda sint, docens, teste PHILOSTRATO. ¹ ac
 quamuis per hanc sapientiam intelligi posse
 videatur ipsum philosophiæ studium, præci-
 pue quum APOLLONIVS & alio loco a
 PHILOSTRATO ² dicatur, θεώτερον, ἢ ὁ Πυ-
 θαγόρας τῇ σοφίᾳ προσεδεῖν, artem tamen elo-
 quentiæ, cuius multa dedit documenta, et-
 iam hac sapientia contineri, probabili ratione
 adfirmamus. * nec recentiori ætate defue-
 runt, qui disciplinæ oratoriæ quidquam diui-
 ni inesse sibi persuaferunt, prout apud DA-
 NIELEM GEORGIVM MORHOFIVM ³
 hæc legimus: *quis non in oratoribus aliquid di-*
uini agnoscat? neque enim artem hanc e sophi-
starum palestris natam existimemus. maius
quid in illa elucet, erectum, gloriosum, quod
ipsos animos expugnet, præclarumque rebus di-
uinis suppedit instrumentum. non sunt e
magistris hominibus astimandæ artes: diuina
illa sunt, æterna, atque ex eodem fonte deriva-
tæ, unde olim in apostolorum animos effunde-
bantur: etsi hæc omnibus numeris absoluta.
præcepta, quæ a magistris successu seculorum
congesta sunt veritati & naturæ conformia,
hos natales loquuntur. quare ad diuinos vsus
adhibeamus, quæ diuina sunt, & quæ e verita-
tis quasi utero obstetricias, manus adinuen-
tes magistri in lucem protulere. verum illud
eloquentiæ ὄψος in spiritu & impetu est. quæ
opinio hominis christianæ professionis quam-
uis saniozem ac mitiozem admittat interpre-

¹ vita Apollon. lib. III. cap. 40.

² ibid. lib. I. cap. 2.

³ polyb. later. lib. I. c. 12. §. 9.

tationem, quam ista, cui pagani auctores erant addicti; suo tamen destituta est fundamento, ut ex dicendis patebit clarius.

* eloquentia etiam a græcis dicitur σοφία. sic PAVLLVS scribit epist. I. ad Corinth. I. v. 17. se non tradere doctrinam euangelii ἐν σοφίᾳ λόγου quæ verba ERASMVVS interpretatur per *sermonem fucatum*, & paullo post c. II. v. 4. dicit: ὁ λόγος μὴ κατὰ τὸ κήρυγμά μου ἢ καὶ ἐν πενδοῖς ἀνθρώπων σοφίας λόγοις, i. e. *in sermonibus eloquentiæ humanæ ad persuasionem compositis*, quæ respiciunt artem oratoriam veterum sophistarum, cuius finis erat τὸ πειθαιῶν, siue fucum facere.

§. VI. Quod ad ipsos sophistas atque oratores attinet, fuerunt, qui primum in inuentione & elocutione cum sibi ipsis, tum aliis videbantur adflatu diuino incitati. de AESCHINE scribit PHILOSTRATVS: ¹ τὸ θεῖως λέγειν ἔπω μὲν ἐπεχωρίασε σοφιστῶν σπευδῶν, ἀπ' αἰσχίνης δ' ἤρξατο, θεοφροσύνῃ οὐ μὴ ἀποσχεδιαζόντος, ὥσπερ οἱ τὰς χερσὶν ἀναπνέοντες, diuine dicere sophistarum dissertationibus adeo frequens non erat. ab Aeschine igitur initium duxit, qui diuino impetu extemporaneam orationem fundebat, perinde atque illi, qui oracula spirant; quibus verbis auctor minime significat, Aeschinem fuisse primum, cui laus orationis ex tempore recitata sit vindicata, sed primum hanc eloquentiæ rationem coluisse atque τὸ θεῖως λέγειν vsurpasse in ἀποσχεδίοις hinc & de eo SVIDAS: πρῶτος δὲ πάντων τὸ ΘΕΙΩΣ λέγειν ἤσκησε, διὰ τὸ σχεδιαζέειν ὡς ΕΝΘΟΥΣΙΩΝ. idem PHILOSTRATVS ² tradit

¹ de vit. sophistar. lib. I. n. 18. §. 3.

² de vit. sophistar. lib. I.

n. 25. §. 3.

de ANTONIO POLEMONE, ipsum orationis cuiusdam auspiciū fecisse ab eo, quod non sine numine hic, quo iam feratur, impetus sibi obtigerit: & LONGINVS ¹ de DEMOSTHENE producto quodam ipsius loco, ita scribit: καὶ ὁμοῦ ἐμπνευθεὶς ἐξαίφνης ὑπὸ θεῶ, καὶ οἷον ἐκ φοβερῆς γενόμενος, *tanquam derepente a deo inspiratus ac veluti adflatus Phœbi numine*; quumque de eiusdem oratoris consummata eloquentiæ virtute ac gravitate disputat, addit: ² ταῦτα φημι ὡς θεόπεμπτά τινα δωρεῖσθαι. ἢ γὰρ εἰπεῖν θεμιστὲν ἀνθρωπίνῳ, *hæc censeo tanquam diuinitus immissa quedam dona, humana enim dicere, nefas*. sic etiam AELIUS ARISTIDES, sophista apud Smyrnenſes disertus ac suavis ipse profitetur, se per somnia & diuinas voces sæpius repetitas inuitatum fuisse ad eloquentiæ studium, idque tanto cum succellu coluisse, vt omnes oratoris virtutes se vnum tenuisse, ³ etiam multis creditum, se Socratis, Platonis, Thucydidis & Demosthenis facultatem vel adsequi, ⁴ vel superare ⁵ ipse aperte fateatur: confer IO. ALBERTVM FABRICIVM. ⁶ at vero non solum vindicarunt sibi adflatum numinis cuiusdam generatim ac plerumque speciatim Phœbi, qui sapientiæ deus erat ac musarum præses; sed & gloriati sunt de instinctu quodam Bacchi, ac furorem Bacchicum, præ se habuerunt. quo nomine vox βακχεία interdum eiusdem est significationis, ac ἐνθουσιασμός, quamuis speciatim adflatum a Baccho βάνχοις & βάνχαις, si-

¹ ἐπὶ ὧν: *ſelt.* 15. ² *ib.* *ſelt.* 11. ³ *tom.* III. p. 706.
⁴ *orat.* 4. *ſacra tom.* I. p. 573. ⁵ *ib.* p. 576. ⁶ *bibl. grac.*
lib. III. c. 30. n. 4.

ue viris & mulieribus sacra ipsius, quæ *orgia* dicebantur, celebrantibus immissum significet. cuiusmodi instinctus exemplum exhibet NICE TES, sophista quoue præceptore vsus fuit PLINIVS iunior, siquidem de eo PHILOSTRATVS ¹ memoriæ prodidit: ἡ δὲ ιδέα τῶν λόγων τῷ μὲν αἰεταίᾳ καὶ πολιτικῇ ἀποβέβηκεν· ὑπόβαλλος γὰρ, καὶ διδυραμῶδης, eius porro dicendi genus ab antiquo ciuiliqve recessit: *Bacchi enim quasi numine agitur & dithyrambos canit.* namque solemne erat sophistis, verba adhibere ad tumorem non sine cura composita, cuiusmodi tumida oratione præcipue vsus est GORGIAS *Leontinus*, in quo dicendi genus maxime turgidum multi ex veteribus notarunt. neque vero non per poësin factum est, vt sophistarum dictio esset tam tumida, qui stilo poëtico diligenter erant dediti, eumque in oratione soluta in speciem splendidæ & diuinioris eloquentiæ adhibebant vitiose. ex quo tumore magnificis illis sonis & strepitu alia, quæ prorsus sunt contemnenda, consequebantur, compositiones quippe *dithyrambica*, quæ stilum tumidum & plenum numerorum, compositarum ac novarum vocum præ se habebant: idque est orationis vitium, quod CICERO vocat insulsi-
tatem, quamue velut insaniam sermonis reiicit, ad quod proxime accedit βακχεία & παρένθυρος, quam adpellationem adhibet THEODORVS apud LONGINVM, ² quia videlicet non cuiusvis est, thyrsus sumere, sed eius tantum, qui Bacchi numine instinctus rapiatur, vt TANAQVILLVS FABÉR ³ vocem hanc in-

¹ de vit. sophistar. lib. 1. n. 19. §. 1.
ad Longinum p. 262.

² scilicet, 2.

³ obseru.

terpretatur; confer IULIUM CAESAREM SCALGEREM, ¹ GERH. IO. VOSSIVM, ² LVDOVICVM GRESOLLIVM. ³ exemplum autem huiusmodi *Nicetæ βακχίας* commemorat PHILOSTRATVS, ⁴ quod Ionicus quidem adolescens, præsente sophista ISAEO, Nicetæ de Xerxe magnifice dictum hoc: ἐκ τῆς βασιλείας νηὸς Ἀργιναν ἀναδησώμεθα, laudauerit, ubi eleganter obseruat GOTTFRIED OLEARIVS, ⁵ quod Nicetès videatur declamatione quadam Xerxis in Salaminiano sinu descripsisse stationem, atque vt prætoriae navis ad Aeginam insulam molem veluti vastissimam, quamvis non adeo magna fuerit, proponeret, dixisse, *insulam naui esse alligandam*, quum alias alligetur navis insulae. adde exemplum THEMISTII ⁶ enthusiasmum quoque oratorium spectans.

§. VII. Sed præter hæc exempla, quæ attigimus breuiter, etiam testimonia, ex priscae ætatis monumentis deprompta proferre, atque per illorum auctoritatem adflatum numinis, quem veteres sophistæ persuadebant sibi, confirmare possumus. atqui hæc est virtus, quam PLATO ⁷ orationi virorum πολιτικῶν imprimis necessariam esse adfirmat, quos vult θεός τε εἶναι καὶ ἐνθουσιάζειν, ἐπίπνυς ὄντας καὶ κατεχομένους ἐκ θεῶ, ὅταν καλοῦσθωσι λέγοντες πολλὰ καὶ μεγάλα πράγματα. sic & CALLISTRATVS: ⁸ ποιητῶν καὶ λογοποιῶν πνεῖναι τέχνην, ἐπὶ τὰς γλῶττας ἐκ θεῶν θειασμὸν περὶ νότος, poetarum ὅ

¹ poëtic. lib. I. c. 46. ² Instit. orator. lib. VI. c. 4. ³ theatr. rhetor. lib. III. cap. 22. ⁴ de vit. sophist. lib. I. n. 20. §. 2. ⁵ observ. ad Philostrat. c. I. p. 513. ⁶ orat. I. & XIII. ⁷ in Menone p. 24. ⁸ in Baceb. statuat p. 891. ed. Olearii apud Philostrat.

*oratorum artes animantur, diuinitus in linguas quodam incidente adflatu: & SENECA*¹ *dicit: non potest grande aliquid & supra ceteros loqui, nisi mota mens. quum vulgaria & solita contempsit, instinctuque sacro surrexit excelsior, tunc demum aliquid cecinit grandius ore mortali. non potest sublime quidquam & in arduo positum contingere, quamdiu apud se est. desciscat oportet a solito & efferratur & mordeat frenos & rectorem rapiat suum coque ferat, quo per se timuisset ascendere. quæ verba aperte significant* ὀρμηὴν ἱεραλίην, *ad similitudinem fere Sibyllarum furoris, vt VIRGILIUS*² *de Cumæa scribit:*

*talibus ex adyto dictis, Cumæa Sibylla
horrendas canit ambages: antroque remugit,
obscuris vera inuoluens. ea frena furenti
concutit, & stimulos sub pectore vertit Apollo;*

num autem ipse SENECA tali opinioni de numinis adflatu fuerit addictus; an ipsius verba, quæ sublimia sunt atque excelsa, benigniorem habeant sententiam, id accuratius definiri haud potest, nisi affirmare velimus, Senecam animum ad Stoicorum doctrinam aduertisse, quod anima humana ex mente diuina emanauerit, atque in corpus veluti carcerem sit coniecta. atque ita cum exemplis, tum testimoniis probauimus, quod veteres sophistæ crediderint, se haud esse sine inflammatione animi atque aliquo adflatu diuino, eoque ipso eloquentiæ, cuius studio penitus erant consecrati, cælestem auctoritatem vindicare, summa ad nisi fuerint ope.

§. VIII. Quod momentum etiam adpel-

¹ de tranquillis, cap. 15.

² Aeneid. lib. VI. v. 98. seqq.

latio diuina, qua sophistæ ornati fuerunt, illustrare potest. etenim ut splendida sane & magnifica cognomina obtinuerunt, quæ satis ac super declarant, quantam dignitatis gloriam quantamue existimationem habuerint; ita dicti quoque sunt ΘΕΙΟΙ, *diuini*, ut est apud PHILOSTRATVM ¹ POLEMON Θεός ἀνὴρ, & APOLLONIVS Θεός, ² apud CLEMENTEM *Alexandrinum* ³ vero THEOCRITVS Θεός σοφιστής, nec non ΔΑΙΜΟΝΙΟΙ σοφισταὶ apud THEMISTIVM. ⁴ quo & spectant adclamandi formulæ Θεΐως & θεοφορέτως, *diuine, diuino impetu*, quas ξένος φωνᾷ nominat PLVTARCHVS ⁵ & auctor est, istas sua ætate in scholas fuisse receptas, a quo discedit PHILOSTRATVS, ⁶ quum tradat, primum Aeschini sophistæ hunc adclamationis honorem fuisse datum. namque quum veteres orationes suas recitarent, auditores modo per vocem, modo per gestum adclamarunt, atque ediderunt plausus; quo priori ritu varias adclamandi formulas adhibebant, in quibus τὸ Θεΐως & θεοφορέτως principem tenebant locum, velut plenæ maiestatis ac dignitatis diuinæ: confer LVDOVICVM CRESOLLIVM ⁷ & FERRARIVM. ⁸ nec dubitamus, quin hac adpellatione hisque plausus formulis adflatum diuinum, quo agitados se sophistæ dicebant, respexerint, quamvis alias Θεῶν & *diuinum* dicatur omne excellens & communem conditionem quadam in re excedens. *

¹ de vit. sophist. lib. II. n. 27. §. 3. ² lib. 1. c. 2. ³ adhort. ad gent. ⁴ orat. I. ⁵ de auditione pag. 45. tom. II. opp.
⁶ de vit. sophist. lib. I. n. 18. ⁷ theatr. rhetor. lib. III. cap. 20.
⁸ de adclamation. veter. lib. III. c. 14.

* ARISTOTELES ethic. ad Nicomach. lib. VII. cap. I. obseruat, Lacones, quos propter virtutes maxime mirarentur, *θεῖος* adpellasse. nec non HOMERO vsitatum est, homines præstantes quadam in re vocare *θεῖος*. quamvis veteres aliquid diuinitatis interdum adpellatione hac omnino significasse videantur, imprimis quum Pythagoram ac Platonem eiusque sectatores quosdam adpellauerint *θεῖος*. namque quando discipuli Pythagoram dixerunt *diuinum*, teste IAMBLICHO de vit. Pyth. cap. 35. ipsum, veluti deum diuinis honoribus adficere voluerunt, prout ipse hic philosophus obscurus sibi videbatur, nisi abdicata humana forte, in deorum ordinem adscriptus crederetur. sicque Plato a vetusta ætate habitus est filius Apollinis, ac præ aliis dictus *θεῖος*, cuius nominis autem rationem si quis reperere velit ab ipsius præstantissima ac veluti cælesti sapientia, illi repugnare nolumus. quin etiam *diuorum* nomen, quod AMMIANVS MARCELLINVS lib. XXX. extrem. christianis adtribuit, ita inualuerat, vt pars maiestatis imperatoriæ crederetur, quod num recte an inreligiose factum sit? nonnulli disputant, qui *diui* nomen ab vsu christianorum remouendum esse contendunt, quod cælites ac beati in primitiua ecclesia non *diui*, sed *sancti*, *beati* sint adpellati, ac paganus mos nostro demum seculo reuixerit, vt *diuus Paullus*, *diuus Nicolaus* & sic alii dicantur, conf. CHRISTOPH. CELLARII progr. pag. 244.

§. VIII. Sic veteres sophistæ eloquentiam suam in cælestibus numerarunt beneficiis, atque in inuentione elocutioneque diuinum crediderunt adflatum. sed vero vti superio-

ribus obseruauimus, nomen enthusiasmi non solum mentem, quæ singulari quadam ope diuina incitaretur, sed & corpus, quod cum animo arctissimis vinculis copulatum est, eiusdemque commotionem respicere; ita sophistæ quoque vocem & gestum corporis diuinæ mentis conditioni adcommodare, actionemque variam, vehementem, plenam animi, plenam spiritus adeoque enthusiasmo consentaneam præ se habere instituerunt. actio sophistarum alia erat remissa; alia vero commotionis plena & contentionis. in priori genere adhibebant frontem explicatam, oculorum hilaritatem ac remissionem, totius vultus suauitatem, gestum delicatum atque exquisitum, ut vis orationis eo esset suauior, etiam ad occupandos auditorum animos grauior. qua in re clarus extitit SCOPELIANVS sophista, qui διελέγετο ἀπὸ μὲν τῆ θρόνου ξὺν ἀβροτήτι, *e cathedra cum summa suauitate orabat*, ἔπαρχει ἐς τὰς δῆμους ἀνειμένῳ τῷ προσώπῳ, ἀνιέει αὐτὰς καὶ διαπραύρων τῇ ἰᾷ εἰδὸς εὐθυμίᾳ, *in concionem prodire solebat hilari facie, vultus tranquillitate auditores mitigans*, teste PHILOSTRATO. ¹ posterius vero genus actionis sophistarum erat vehementius feruidiusque, siquidem exsiliabant, supplodebant, quatiebant femur, toto commoueabantur corpore, in quibus celebris est POLEMON, de quo relatum legimus apud PHILOSTRATVM, ² αὐτὸν ἀναπῆδᾶν ἰὴ θρόνου περὶ τὰς ἀκμὰς τῶν ὑποθέσεων, τοσῶτον αὐτῷ περιεῖναι ὀρμῆς, *e cathedra ipsum, ubi maxime feruebat oratio, exsiluisse, adeo*

¹ de vit. sophistar. lib. I. n. 21. §. 5.
n. 35. §. 7.

² de vit. sophistar. lib. I.

*eum fuisse animo concitato, item κροαίνειν ἐν τοῖς τῶν ὑποθέσεων χωρίοις, ἃ δὲν μέγαν τῆ ἡρώικῃ ἵππῃ, non minus in campis rhetoricis solum pedibus pulsauisse, quam equus generosus; quæ verba elegantem sane continent comparationem. quemadmodum enim equi certaturi ungulis suis terram lapidesque concutunt, vehementius sese mouent; ita eadem ratione Polemon incitato animo commouebat corpus grauiter, seque in campis rhetoricis, exercebat, vbi PHILOSTRATVS per formulam χωρία ὑποθέσεων respicit omnino ad χωρία, in quibus equi solum quatiunt, ὑποθέσεις autem sunt argumenta, quæ tractabant rhetores. * præter POLEMONEM commemoramus iterum COPELIANVM, qui quamuis e cathedra orationes recitaret summa cum suauitate; recto tamen corporis statu quum peroraret, asperiores præ se ferebat species, ac robusto utebatur sermone, feriebat femur, quin etiam ἐλέγξο σείεσθαι μάλλον, ὥσπερ βακχεύων, dicebatur vsus motu vehementiore & gestu bacebantis more, auctore PHILOSTRATO. ¹ vt enim in inuentione & elocutione potest esse βακχεία, id quod superioribus a nobis fuit obseruatum; ita actio quoque oratoris talem admittit, atque effigiem hominis furentis ac insani prodit, ad similitudinem illorum, qui sacra Baccho consecrata celebrarunt. tertius sit ALEXANDER, qui nobis exhibet exemplum ὀρμῆς σοφιστικῆς, quando teste PHILOSTRATO ² ἀνεπήδησε τῆ θρόνῳ Φαιδρῶ τῷ προσώπῳ, e cathedra exsiliit vultu sereno; Seuerus autem vir con-*

¹ de vit. sophistar. lib. 1. n. 21. §. 5. ² de vit. sophistar. lib. II n. 5. §. 3.

sularis reprehendit¹ sophistam ADRIANVM, ὡς τὰς σοφιστικὰς ὑποθέσεις ἐμβαλχέοντα, *veluti debacchantem sophistica argumenta*, διὰ τὸ ἐρῶσαι πρὸς τὰς αἰγῶνας, quæ verba ita interpretes in latinam linguam transtulerunt: *quippe quum in certamine acieque forensi præpolleret*, & ipse felicissimus Philostratorum explanator GOTTFRIED OLEARIVS ista latine hoc modo exposuit: *eo quod in iuridicali genere magis esset exercitatus*. sed LVDOVICVS GRESOLLIVS² hasce interpretationes haud sanas esse pronunciat atque obseruat, quod αἰγῶν in historia sophistarum plerumque sit ἐπιδειξις siue *declamatio*, & αἰγῶν ζεῶσαι *declamare*, hinc & sophistæ fuerint adpellati αἰγωνισαὶ λόγων, *declamatores*, quod omnino ita sese habet. quamuis nec id negari possit, quod & hæ voces respiciant controuersias sophistarum, prout THEODOTVS dicitur αἰγωνισῆς apud PHILOSTRATVM,³ qui autem paulo post de eo tradit: τὴν δὲ ἰδέαν τῶν λόγων, ἀποχωρῶν καὶ τοῖς δικανικοῖς, καὶ τοῖς ὑπερσοφιστεύουσιν, *quantum ad dicendi formam tum iuridicali generi, tum vel maxime sophistico minime impar extitit*. **

* SALMASIVS pro τῷ ἡρωικῷ ἵππῳ legit τῷ Ομηρικῷ ἵππῳ, vt Sententia sit, quod Polemon veluti equus, qualem descripserit Homerus, pedibus solum concusserit, quæ scriptura OLEARIO p. 538. maxime videtur commoda, quoniam etiam alibi rerum imagines a veteribus ex Homero petantur, nec non eadem ratione DAMIANVS sophista comparetur

¹ Philostr. c. I. n. 10. §. 4.

² theatr. rhetor. lib. III. cap. 17.

³ de viis. sophistar. lib. II. n. 2.

cum equo Sophocleo a PHILOSTRATO lib.

II. de vitis sophistar. n. 23. § 4.

** tales dicendi formulæ deprehenduntur quodque apud PHILOSTRATVM in *heroicis*, *Protesilaos* §. II. δικαιότατος ἀθλητὴς τῶν κατὰ σοφίαν πραγμάτων, & in *Achille* §. 15. Hercules est ἀθλητὴς τῶν ποιητικῶν λόγων.

§. X. Accidit etiam subinde, vt vehementia actionis sophistis vocem intercluderet & spiritum, sicque PHILAGRO ἐσβίσθη τὸ φθέγμα ὑπὸ τῆς χολῆς, *bile vox interclusa fuit*, quum oratione quadam Aristogitonem exhiberet, adcusationem parantem aduersus Demosthenem, quod Medis, & Æschinem quod Philippo faueret, id quod & ipsi sibi mutuo obiecerant, in orationibus quippe π. παραπροσβείας & de corona, vt legimus apud PHILOSTRATVM. ¹ ac propter hæc dicti sunt oratores *fanatici*, vt patet ex THEMISTIO, ² item νυμφόληπτοι, latine *lymphati*, vti SOCRATES in laude amoris, quum more sophistarum vteretur dithyrambis, a PLATONE dicitur πολλάκις νυμφόληπτοις, id quod obseruat DIONYSIVS *Halicarnassens*. ³ *lymphatus* enim, item *lymphaticus*, quod nomen a *lymphe* & hoc ex græco νύμφη vnus litteræ mutatione, significans aquam, originem suam deducunt, idem est ac inianus, furore correptus, cuius caussa credita fuit conspectus nymphæ, id est spectri in fonte aut aquis. hinc & FESTVS: *lymphæ dictæ sunt a nymphis. vulgo autem memoriæ proditum est, quicumque speciem quamdam e fonte, id est effigiem nymphæ viderint, furen-*

¹ de vit. sophistar. lib. II. n. 8. § 2. ² orat. I. ³ epist. ad Pomp. p. 128. t. II. opp.

*di non fecisse finem. quos græci νομφολήπιδες, latini lymphaticos adpellant: vide HEINSIUM, ¹ & GISBERTVM CUPERVM. ² **

* sic sophistarum actio & pronunciatio prorsus erat singularis, a qua quisque ingenuus eloquentiæ cultor abhorreere debet. nam quamuis pars hæc artis oratoriæ præcepta eaque breuia admittat; illa tamen, si fructus suos ferre debeant, postulant præcipue dotes naturæ consentaneas eloquentiæ, adeo ut hoc momento dicere possimus, oratorem non fieri, sed nasci. duplici autem ratione actio oratoria potest esse vitiosa. altera species est, quando ista, licet pro diuersis cogitationum & adfectuum generibus instituat variorum; anxie tamen & contra naturam adsumpta nec satis temperata est, quæ auditorum animos magis ad indignationem, quam voluptatem commouet. quidquid enim adfectatum est, quum mentem sibi ipsi ac propriæ tantum delectationi deditam & a studiis aliorum alienam prodat, ingratum est ac maxime molestum. altera species nimis est libera atque etiam effrenatior, quam par est, quales oratores IO. BURCH. MENCKENIVS declam. de charlatan. erudit. p. 121. iure ac merito perstringit: *præcipue vero, ait, hic de saltatione rhetorica & rhetorisimo histrionico dicendum nobis videtur: quandoquidem hodie plerosque deprehendimus, mira vocis contentione, cultu multiformi, oculo vago & petulanti, iactatis brachiis, saltantibus pedibus, lasciuiuentibus lumbis ac variis motibus, inuersionibus, circumductionibus, resupinationibus, saltibus, gesticulante toto corpore, animi videlicet mobilitate ipsum*

¹ ad Horat. lib. I. sat. 5. v. 97.

² obseru. lib. III. cap. 12.

secum volente, ad populum proclamare. atqui ex his facile colligi potest, quantum pretium ponendum sit illorum studiis, qui veterum actionem reuocare, & ad illorum exempla iuventutem anxie instituere sibi sumserunt, quo spectat PETRI FRANCII *specimen eloquentiæ exterioris ad orationem Ciceronis pro Archia accommodatum*, Amstelod. 1697. 8. de cetero hanc doctrinam eloquentiæ exposuerunt LVD. CRESOLLIVS, qui edidit *tactiones autumnales*; MICHAEL LEFAUCHEVR, cuius liber de actione oratoria sermone gallico conscriptus elegantissimus est: IO. CLERICVS tom. I. Parrhaf. p. 122. seqq. vt de aliis taceamus.

§. XI. Exposuimus igitur enthusiasum veterum sophistarum ex historiarum monimentis, siue inuentionem atque elocutionem; siue actionem respiciamus, quapropter ratio ordinis atque argumenti dignitas postulat, vt de re ipsa videamus, & quid de tali oratorum adflatu diuino sentiendum sit, explanemus. qua opera animum ad veteres sophistas atque oratores tantum conuertimus, nec in præsens de ipso enthusiasmo oratorio generatim dispicere, nobis est propositum, quæ duo momenta quamuis inter se cohæreant, seiungi tamen possunt separatimque proponi, præcipue quum in sophistis ea obseruamus, quæ singulari industria adtingenda sunt & exponenda. atqui vt muneri ac negotio huic ea, qua decet, fide satisficiamus, monemus primum, quod non omnes eloquentiæ magistri atque auctores, quos verus tulit ætas, siue fuerint in numero sophistarum, siue minus, de numinis adflatu vna senserint mente, qui etiam extiterint, quibus

quibus hæc omnia vana videbantur & futilia. hinc QVINCTILIANVS ¹ dicit: *ut possimus autem plura scribere, etiam plura & celerius, non exercitatio modo præstabit, in qua sine dubio multum est, sed etiam ratio: si non resupini spectantesque lectum, & cogitationem murmure agitant, expectauerimus, quid obueniat, sed quid res poscat, quid personam deceat, quod sit tempus, qui iudicis animus, intuiti, humano quodam modo ad scribendum accesserimus.* & DIONYSIVS LONGINVS: ² *πολλαχῶς ἐνθουσιᾶν ἑαυτοῖς δοκῶντες, ἢ βακχεύουσιν, αἰῶνὰ παίζουσιν, quum videantur passim sibi ceu diuino correpti & incitati furore, non bacchantur, sed nugantur pueriliter; qui etiam quum voces ἐνθουσιασμός, βακχεΐα, φοιβόληπτος vsurpet, addit particulas ὥσπερ & οἰονοί, iisque significat satis, se neutiquam verum ac proprium adflatum diuinum admittere, prout inter alia de PLATONE tradit, ³ illum nonnullos infectari, quod sæpe ὥσπερ ὑπὸ βακχεΐας τινὸς τῶν λόγων, veluti a bacchante quodam verborum furore ad duriores metaphoras rapiatur: confer MERICVM CASAVBONVM. ⁴ quin etiam alii artis dicendi doctores, quorum ingenia tempore vetustiori fuerunt clara, de tali diuina ope, quæ eloquentiæ cultoribus esset necessaria, nihil differuerunt, sed omne, quidquid in facundia est præclarum, & naturæ benignitati & artis præstantiæ vindicarunt. ex quibus CICERONEM tantum nominamus, qui ex persona CRASSI ⁵ dicit: sic igitur censeo, naturam primum atque ingenium ad*

¹ institut. orator. lib. X. cap. 3. ² ἀπὸ ὕψους sect. II. ³ sect. XXVIII. ⁴ de enthusiasmo p. 97. ⁵ de oratore lib. I. c. 25.

dicen-

dicendum vim adferre maximam; neque vero istis, de quibus paullo ante dixit Antonius, scriptoribus artis rationem dicendi & viam, sed naturam defuisse. nam & animi atque ingenii celeres quidem motus esse debent, qui & ad excogitandum acuti, ornandumque sint vberes & ad memoriam firmi atque diuturni; & paullo post: neque hæc ita dico, ut ars aliquid limare non possit; neque enim ignoro, & quæ bona sint, fieri meliora posse doctrina, & quæ non optima, aliquo modo acui tamen & corrigi posse.

§. XII. Ad hæc obseruamus, quod multi ex veteribus, quum in laudes eloquentiæ veluti artis diuinæ ac cælestis beneficii effundantur, etiam oratores diuinos prædicent, his dicendi formulis, quæ aliquid diuinitatis complectuntur, vti translatis vtantur. iis enim significare voluerunt partim oratoris ingenii indolem ad illustrioris iplendidiorisque eloquentiæ vsum maxime aptam; partim id ipsum, quod orationem efficit sublimem, pulcram, ac magna vi ad animos hominum commouendos præditam. quo etiam spectant interpretationes, quibus supra explanauimus fabulas de enthufiasmo poëtico, quod per adflatum Apollinis musarumque intelligi possint motus illi naturales, per quos animus ad excogitandum non solum exciretur, sed & pro vi sibi indita aliquid efficiat præclari. ad quod illustrandum & hoc valet, quod animus humanus in veterum monumentis dicatur *dæmon* ac *deus*, quam in rem multa loca deprehendimus apud imperatorem ANTONINVM, qui sæpius τὸ ἰαυτῷ δαίμωτος facit mentionem, quo etiam respicere existi-

existimamus EPICETVM, ¹ qui quamvis fores sint clausæ fiantque tenebræ, nos iubet meminisse, quod non soli simus, quippe quum ὁ ἡμέτερος δαίμων præsens sit, conf. APVLEIVM ² & IAMBLICHVM. ³ quumue VOX ΔΑΙΜΩΝ latine exprimitur per nomen GENIVS, quod etiam græca ciuitate donatum esse ex DIONE, qui dixerit ΓΕΝΙΟΝ τῷ δήμῳ, testatur DESID. HERALDVS, ⁴ factum hinc est, vt mentem humanam etiam *genium* adpellauerint, quod patet ex APVLEIO. ⁵ & PLVTARCHVS ⁶ multis exemplis confirmat, animum hominis dici non modo *demonem*, sed & *deum*, * prout MENANDER: ὁ νῦν γὰρ ὑμῶν ὁ Θεός, & HERACLITVS: ἦδος ἀνθρώπων δαίμων, conf. GOTTFRIED OLEARIVM. ⁷ quæ oinnia hanc lucem nobis adferunt, quod quum veteres de mente mortalium propter ipsius excellentiam præstantiamque interdum formulas dicendi vsurpauerint, quæ diuinitatem significant; non sit mirum, cur excellentes litterarum auctores, culturæ ingenii summo studio deditos dixerint diuinos, eorumque doctrinas prædicauerint diuinas. nec est, quod quis hæc adpellationes earumque rationem petat aut ex doctrina Pythagoræorum, Platoniorum & Stoicorum, quod animi hominum ex mente diuina fuerint tracti, aut ex Aristotelis opinione de intellectu agente. namque si penitus inspiciamus philosophiam Pythagoræ ac Platonis de dæmoni-

¹ dissert. ab Arriano collect. lib. I. cap. 14. ² de Deo Socrat. pag. 79. ³ protrept. pag. 53. ⁴ in Arnob. lib. I. pag. 15.
⁵ dict. loc. ⁶ princ. quest. Platon. p. 999. t. II. opp. ⁷ de genio Socratis, § 3. p. 137. Stanl. hist. philos. ed. lat.

bus,

bus, quos hæc animæ humanæ adpellatio respicit, perspicue sane possumus obseruare, quod dæmones a mente nostra plerique plane distinxerint, vt paullo post pluribus id exponere instituiamus.

* hinc & APVLEIVS *de deo Socratis* librum inscripsit, quo de dæmone Socratis egit. ac sunt nonnulli, qui per genium ipsius nihil aliud intelligunt, quam ingenium eius ac prudentiam, vide GABRIEL. NAVDAEVM apol. pro vir. mag. suspect. cap. XII. §. 4. PETRVM GASSENDVM syntagm. philos. Epicur. P. II. sect. 2. cap. 6. auctorem libri: *Platonis sine dévoilé p. 56.*

§. XIII. Hisce ante positis, inquiramus in ipsum enthusiasmi veterum sophistarum fundamentum, quem quum ipsi oratores non modo sibi vindicarunt, sed & alii crediderunt, eosque diuino adflatu incitados habuerunt, de hisce duobus momentis distincte ac distribute dicere non ab re erit. quod ad ipsos sophistas atque oratores adtinet, iterum hoc loco duplex existit quæstio: altera est: num sophistæ ipsi sibi, siue per speciem quamdam rationum, siue minus, talem entusiasmum persuaferint? altera vero: num res ex fraude, mendaciis, fallaciis ad quæstum constare videatur? quod vtrumque certo modo adfirmare adeoque veteres cum erroris, tum prauæ voluntatis insimulare possumus. nam vt de priori dicamus, probabili ratione existimamus, quod quidam per doctrinam præcipue Pythagoræ ac Platonis de dæmonibus proprie sic dictis & de geniis in opinionem de instinctu diuino fuerint deduci. varia enim spirituum genera posue-
runt

runt veteres, ex quibus PYTHAGORAS quum apud DIOGENEM LAERTIVM ¹ iubet, θεὸς μὲν δαίμόνων προτιμᾶν, ἥρωας δὲ ἀνθρώπων, manifeste post deum quatuor spirituum classes constituit, in quarum prima *deos immortales*; secunda *dæmones*; tertia *heroas*; & quarta denique *homines*, qui aureis carminibus adpellantur δαίμονες καὶ ἀχθόνιοι, collocat, quam diuisionem in primis sequitur IAMBLICHVS. ² PLATO autem post deos immortales tres spirituum ordines posuit, quorum primus complectebatur *angelos*; secundus bonos *dæmones*, & tertius *heroas*, de quibus pluribus videri potest MARSILIUS FICINVS. ³ quod ad dæmones speciatim attinet, illorum indolem ac naturam APVLEIVS ⁴ ita tradit: *dæmones sunt genere animalia, ingenio rationabilia, animo passiva, corpore aëria, tempore aeterna*; & CHALCIDIVS, ⁵ *demon est animal rationabile, immortale, patibile, aetherium, diligentiam hominibus impertiens*, de quo momento copiose differuit GOTTFRIED OLEARIVS, ⁶ cui addas PETRVM DANIEL HVETIVM. ⁷ quum autem hoc officium administrare crederentur, vt ad deos humanas preces & sacrificia; ad homines vero deorum leges & sancta instituta referrent, ⁸ illorum fauorem conciliare sibi, ac cum istis habere commercium & consuetudinem elaborarunt, quo omnis veterum theurgia spectabat. adhibebant quippe varios

¹ lib. VIII. segm. 23. ² de myst. Aegypt. ³ comm. ad Plotin ennead. ⁴ de deo Socratis p. 78. ⁵ ad Timaeum p. 227.
⁶ dissert. de genio Socratis, ⁷ quest. Alet. l. II. cap. 4.
⁸ vid. Platon, conuiu.

ritus & ceremonias, quæ dicebantur τελεται, acinprimis in eo positæ erant, vt partim animum a labe & contagione, quam mens ex ipsorum sententia per coniunctionem cum corpore sibi contraxerat, purgarent, ipsumque ad consuetudinem cum dæmonibus & congressum cum diis redderent aptum; partim vt sacrificia in honorem dæmonum ipsisque grata & accepta facerent. cuius theurgiæ effectum esse dicebant diuinos adflatus, quos & theurgi præ se ferebant, vt testantur EVNAPIVS ¹ & IAMBLICHVS, ² cuius verba latine tantum adferamus: *ea vero alia non est, quam illuminatio ab ipsis vsque diis promanans spiritusque ab iis prouenientes, & obsessio, qua nos tenent plena & absoluta, quæ quidem omnes nostras facultates absorbeat, motusque & operationes humanas & sensum nostri prorsus exterminet: sermones proferens, quos tamen non intelligant, qui loqui videntur, sed furioso ore pronuncient, vt omnia prorsus, quæ nostra sint, occupantis dei potestati soli ministrent tantum & obsecundentur.* sic plena superstitionis opinio oppleuerat paganos homines, quod dæmones adspectum ac præsentiam exhibeant, id quod tam firma mentis persuasione crediderunt, vt mirati sint Pythagoræi oppido, si quis se denegaret, vnquam vidisse dæmonem, auctore APVLEIO. ³ vt autem varia talis deorum spirituumque præsentiae genera obseruamus in profanis veterum monumentis, de quibus legi possunt IAC. GOTHOFRE-

¹ Aedes. p. 74.
Socratis p. 83.

² sect. III. cap. 8. de myster.

³ de deo

DVS, ¹ IO. LOMEIERVS, ² EZECHIEL SPANHEMIVS; ³ sic inprimis celebris erat ἐπιφάνεια, quæ per ritus theurgicos fiebat, cuius iterum duæ præcipue species notæ sunt, αὐτοψία atque ἐποπτεία, qua de re pluribus differit IAMBLICHVS, ⁴ cui addas THOMAM GALE. ⁵ * atqui hos dæmones variis fungi muneribus in vtilitatem ac tutelam hominum, ipsisque multa adferre bona existimabant; hinc si animam humanam tantum respicere velimus, dicit SALLVSTIVS ⁶ ex ὑπερχοσμίους θεοῖς τὰς μὲν τὸν ΝΟΥΝ, τὰς δὲ τὰς ΨΥΧΑΣ ποιῆν· quæ anima ex doctrina IAMBLICHI ⁷ etiam per eorum βέλυσιν ἀγαθὴν καὶ τὴν ἀπ' αὐτῶν ἐνδιδομένην φωτὸς ἐκλαμψιν, πολλὰκις ἀνωτέρω χωρεῖσθαι, ἐπὶ μείζονά τε τάξιν τὴν ἀγγελικὴν, benignitatem *ἔ* infusam ab illis illuminationem saepe altius ascendit, *ἔ* in ordinem maiorem angelicum prouehitur: qui & alio loco ⁸ scribit: ὅσα λογιζόμεθα, αὐτὰ τὰς ἀρχὰς ἡμῖν ἐνδιδόντος, διανούμεθα, πράττομέν τε τοιαῦτα, οἷα ἂν αὐτὸς ἡμῖν ἐπὶ νῦν ἀγῆ, quæ cogitamus, ab eo (dæmone) principium habent, *ἔ* ea agimus, quæ nobis in mentem is induxerit; quodue etiam nobis ea suppeditent, quæ debeamus loqui, MAXIMVS TYRIVS ⁹ ex hisce HOMERI ¹⁰ probat:

Τηλέμαχ', ἀλλὰ μὲν αὐτὸς ἐνὶ φρεσὶ σῆσε
νοήσοις,
ἀλλὰ δὲ καὶ δαίμων ὑποθήσεται,

¹ dissert. de myster. pietat p. 105. ² de lustrationib. veter. gentil. cap. 16. ³ de usu *ἔ* prastant. numism. diff. V. pag. 197.
⁴ sect. II. integra de myster. ⁵ not. ad Iamblichum pag. 204. sqq.
⁶ de diis *ἔ* mundo cap. 6. ⁷ sect. II. cap. 2. de mysteriis Aegyptiorum. ⁸ sect. VIII. cap. 6. ⁹ diff. 26. ¹⁰ od. γ. v. 26.

*Telemache, alia quidem in mente tua per-
spicies,
alia vero & deus suggeret.*

* crediderunt, hos dæmones tanta celeritate adparere, vt sint τῶ ἰδ ταχέστεροι, qua formula apud græcos scriptores vlitata indicatur summa & mentis nostræ notiones superans celeritas. HESIODVS de Perseo scut. Herc. v. 222. ὁ δ' αὖς τε νέμει' ἰκονάτο, ipse autem velut cogitatio volabat. adde IO. CLERICVM in h. l. p. 170. vnde hæc dicendi ratio transiit ad latinos auctores, ex quibus CLAVDIANVS de rapt. Proserp. lib. II. v. 201. scribit, Plutonis equos tam celeres fuisse,

quantum

non leue sollicitæ mentis discurret acumen.

§. XIII. Hi dæmones, quum in hominum conciliationem consuetudinemque per theurgicas ceremonias essent deducti, ipsi GENIERANT, quorum plura genera a paganis fingebantur. namque crediderunt genios publicos locorum, regionum, ciuitatum, rerum publicarum, societatum, patriæ & inprimis imperantium principum, nec vllus tam fordidus fuit locus, cui non aliquem genium, tutelarem quasi deum adsignarent, quorum ordines & munera etiam secundum loca diuersa distribuerunt. primum vero genus eorum erat, qui genituræ præsiderent, hominisque vitam ab ipso nascendi principio ad extrema vsque fata tuerentur, de quibus differit CENSORI-
NVS: ¹ *genius est deus, cuius in tutela, vt quisque natus est, viuit; & paullo post: ge-*

¹ de die natal. cap. 3.

nus ita nobis assiduus obseruator adpositus est, ut ne puncto quidem temporis longius abscedat, sed ab utero matris exceptos ad extremum vitæ diem comitetur. quæ doctrina atque opinio de geniis apud veteres magna consensione erat confirmata, adeo ut CHALCIDIVS ¹ testetur, illam fuisse insitam animis barbarorum, græcorum ac latinorum, ex quibus præcipue schola Platonica ea de re erat celebris. nec est, quod existimemus, genium hominis fuisse mentem humanam, quos spiritus veluti diuersos plerique a se distinxerunt; ac quamuis apud nonnullos talis esset sententia, uti SENECA ² scribit: *sacer intra nos spiritus sedet, malorum bonorumque nostrorum obseruator & custos*; hæc tamen distincta eo nomine perturbant, quod mens humana interdum adpellata fuerit *dæmon* & *genius*: confer GYRALDVM, ³ IO. TAFFINVM, ⁴ GEORGIVM WONNAM ⁵ & alios, quos collegit IO. ALBERT. FABRICIVS. ⁶ *

* hæc sententia de angelis tutelaribus Iudæorum quoque fuit, qui hominum tutelæ præessent eosque perducerent ad variarum rerum cognitionem, uti cabbalistæ nominant præceptorem Adami Razielem, Semi Iophielem, Abrahami Zedekielem, Isaaci Raphaelem, Iosephi Gabrielem, Mosis Metatron, vide I. A. FABRICII codicem pseudepigraph. V. T. p. 4. & interpretes ad Matth. XVIII, 10. & Actor. XII, 15. nec omnes christiani primitivæ ecclesiæ ab hac opinione penitus fue-

¹ in *Timaum* p. 225. ² *epist.* 41. ³ *syntagm.* XV. de diis
⁴ de ludis secularibus cap. XIII. tom. VIII. GRÆVII thesaur.
antiq. roman. p. 132. sqq. ⁵ *dissertat. de geniis.* ⁶ *bibliogr.*
antiq. cap. VIII. §. 27.

runt alieni, vid. H VETIVM Origenian. lib. II. quæst. 5. & ex doctoribus IVSTINVS *martyr*, ORIGENES, BASILIVS *magnus*, HIERONYMVVS, EVSEBIVS, CHRYSOSTOMVS ita senserunt, singulis hominibus a tempore, quo editi sint in lucem, adesse genium.

§. XV. Hæc, quæ exposuimus de dæmonibus ac geniis bonis, * quos veteres pagani coluerunt, ac de quibus inprimis Pythagoras & Plato disputarunt, argumentum dissertationis nostræ illustrant multum, viamque monstrant, qua rationem enthufiasmi apud quosdam sophistas atque oratores exponere atque explanare possumus. vt enim altera veritas gignit alteram; sic homines quoque partim propter intellectus imbecillitatem, partim mentis procliuem ad id, quod a recto ac vero abit, indolem ex vno errore rapiuntur ad alterum, etiam ad varia non solum impia, sed & absfona atque absurda animi studia commouentur. quapropter quum pagani in tantis tenebris erroris atque inscitix de dæmonibus eorumque indole & natura versarentur, quid mirum, quod cultui rerum theurgicarum tradiderint sese penitus, quod superstitiones aniles omnino produxerint in lucem, quodue multa enthufiasmi genera sibi persuaferint? atqui si inde originem persuationis, quæ de adflatu diuino nonnullos sophistas occupauerat, repetamus, amplectimur sane sententiam, quæ rationibus haud contemnendis nititur, ac ipsi argumento clarissimum præfert lumen. nam primum nota sunt ea, quæ PLATO cum generatim de enthufiasmo eiusque diuersis generibus disse-

C c 3

ruit,

ruit, tum speciatim de adflatu cælesti oratorum sensit, ut ex superioribus constat. nec cuiquam, qui vel leuiore industria historiam litterarum philosophicarum persecutus est, obscurum esse potest, quam plena sint Platonis monimenta doctrinarum de dæmonibus ¹ ac geniis, ² in quibus tradendis copiosus sane fuit & diligens, exemplum Pythagoræ singulari secutus cura. ac quamuis ipse rebus theurgicæ non amplissimam daret operam; credidit tamen non solum commercia cum diis dæmonibusque, & inde in persuasionem de entusiasmo est deductus; sed etiam per doctrinas de variis spirituum ordinibus, deque mente humana, quæ ex natura diuina emanauerit, ac per corpus contaminata ex ipsius vinculis liberanda, cumque deo iterum coniungenda sit, sectatoribus largam fecit facultatem, qua se grauisimis erroribus vitiisque theurgicis admiscuerunt atque implicuerunt. qua in re præter PORPHYRIUM, ³ IAMBlichVM aliosque, inprimis PLOTINVS celebris extitit, qui plurimum temporis in acerrima cogitatione de spiritibus posuit, etiam sibi genium quendam ac spiritum familiarem adtribuit, quem non ex ordine dæmonum, sed superiorum, vel plane deum fuisse, ** adfirmat PORPHYRIUS. ⁴ at vero ut rem adhuc illustriorem faciamus, non alienum erit a proposito, præter PLATONEM etiam exemplum APOLLONII *Tyanensis*, ex vetusta ætate peritum adferre. hic enim, ut iam obseruauimus, fa-

¹ in *Tim. conuin. Epinomid. Librique de republic.* ² *Phædr.* p. 437. *Phædon* p. 616. *de republ. lib. X* p. 673. ³ *AVGVST.* d. C. D. lib. X. c. 9. 10. 26. 27. ⁴ *vita eius ap.* 2. 10.

prien-

pietiam adeoque etiam probabili ratione eloquentiam dixit *θεῖον*, *diuinum instinctum*; constat autem, quod magna opera se exercuerit in rebus magicis, & locum omnino inter illos, qui cogitationes ac studia ad congressus cum diis dæmonibusque contulerunt, adquisiuerit sibi non mediocrem, siue opera illa, quæ PHILOSTRATVS de eo commemorat, ficta sint ab hominibus paganis, vt eo facilius dignitatem miraculorum seruatoris nostri labefactarent; siue vera & producta per vires aut rebus naturalibus insitas, aut a malo dæmone suppeditatas, qua de re copiose atque erudite GOTTFRIED OLEARIVS ¹ disputat, cui addas maxime venerandum JO. FRANCISCVM BVDDEVM. ² quin etiam recentiore ætate extitit IVLIVS CAESAR SCALIGER, qui adesse sibi genium quendam credidit, cuius adflatu incitatus animum conferret ad descriptionem: *quæ causa est*, inquit, *vt ad descriptionem aut commentationem nunquam accingamur, nisi ab ipso genio inuitati, qui nobiscum intus loquitur, neque auditur, ostendens diuinitatis late patentes campos in animis nostris, quos ab officiis corporis suspensos atque abstractos aliis distinet functionibus: vt non penitus temere dixerit, qui Aristotelis intellectum agentem *** eundem cum Platonico genio existimauit.* ³ id quod exemplum iis de causis obseruamus, quod SCALIGER imprimis poësin, cuius magnam consecutus est laudem & gloriam, respiciat, etiam notum sit,

¹ pref. ad Philostr. de vita Apollon. ² thesib. de atheismo & superstition. cap. VIII. p. 701. & disert. de veritate relig. christianæ philosoph. gentiliū obrectat. confirmata §. 10. ³ poëtic. lib. III. cap. 25. p. 266.

esse similitudinem inter enthusiasmum poëticum **** & oratorium.

- * quæ adhuc de dæmonibus ex philosophia veterum paganorum disputauimus, intelligi debent de *dæmonibus bonis*. nam præter hos adhuc malos esse crediderunt, ac in monimentis vestigia cognitionis de lapsu angelorum reliquerunt, siue scientiam hanc ex operationibus spirituum pessimorum, siue ex traditione hauserint. sic mentionem facit PORPHYRIUS de abst. lib. II. p. 80. ἀγαθῶν καὶ φαύλων δαίμονων, IAMBLICHVS de mysteriis sect. II. cap. 7. ἀγαθῶν καὶ τιμωρῶν ἀγγέλων, IULIANVS orat. II. p. 90. φαύλων καὶ ἀνοήτων. bonus dæmon dicebatur quoque δαίμων δεξιὸς apud CALLIMACHVM hymn. in Cerer. v. 32. vbi EZECHIEL SPANHEMIVS p. 686. bene obseruat, quod δεξιὸς idem sit ac ἀγαθός, vt δεξιὸς ὄρεis de fausta ac bona aui, δεξιὰ φάσματα de faustis ostentis apud AESCHILVM Agam. v. 1443. quapropter P. D. HVETIVS quæst. Alnetan. lib. II. cap. 4. §. 3. p. 107. male interpretatur δεξιὸν *infaustum*. malus autem dæmon adpellatur δαίμων ἑταρῶν, quasi alter siue *sinister* dæmon apud PINDARVM Pyth. od. III. quam adpellationem veteres critici explicant per κακοποιὸν, quod & obseruat ERASMV SCHMIDIVS ad Pindarum p. 118. confer. RABENERI differt. I. de dæmonibus §. 17. discrimen hoc dæmonum bonorum & malorum non diserte a PLATONE, sed Platonicis quibusdam & christianis propositum fuisse, contendit FICINVS ad conuiuium Platonis, quam sententiam adprobat GOTTFRIED OLEARIVS de Socratis genio. §. 3. alii autem loca quædam ex Platone, quibus hanc dæmonum

monum diuersitatem perspicue tradat, adferre instituunt. saltem de ista PORPHYRIVS libris de abstinentia; CHALCIDIVS commentar. ad Platonis Timæum, PROCLVS in Alcibiadem Platonis; IAMELICHVS de mysteriis & alii clare edisseruerunt. pro his duobus dæmonum generibus duplicem etiam magiam coluerunt; alteram *theurgiam*, quæ respiciebat bonos; alteram *goëtiā*, quæ malos spectabat dæmones. atqui hoc nomine duplicem quoque genium, bonum malumue hominis statuerunt, de quo posteriori testatur SERVIVS ad VIRGILIUM Æn. lib. VI. v. 440. *ex duobus geniis, qui nobis addantur, alterum ad mala deprauare*, id quod exponit HERMES pœmandr. c. I. per *ὁπλίζεν εἰς ἀνομίαν*, & PINDARVS Pyth. od. III. per *εἰς κακὸν τρέπειν*.

- ** VICE PORPHYRIO cognoscimus, deus hic PLOTINI sub forma draconis sese repræsentauit, id quod indicat, illum fuisse APOLLINEM, qui hac figura adparere creditus est antiquitus, vnde etiam Æsculapii, filii Apollinis signum est draco, vid. SALOM. CELLARIVM antiq. medicis cap. II. §. 6. qua occasione obseruamus quoque antiquissimum morem, quo dæmones bonos sub specie serpentum fingeant, ac præcipue genium loci ita depingebant, id quod indicat VIRGILIUS Æn. V. v. 95. de serpente ex Anchisæ tumulo emergente dicens:

*incertus geniumne loci, famulumne parentis
esse putet:*

& duo serpentes picti in atrio alicuius loci indicabant, eum heroi cuidam siue deo consecratum esse, quod PERSIVS sat. I. v. 113. significare videtur:

*pinge duos angues: pueri, sacer est locus,
extra
meite.*

talis erat serpens Lanuvii, de quo PROPERTIUS lib. IV, 8. Bœoticus in Martis luco, de quo OVIDIUS metamorphos III, 28. sqq. quo etiam pertinet serpens nymphis, quæ aquis præsidebant, adiunctus in antiqua quadam pictura apud FABREYUM de aquæduct. diff. II. confer RABENERI differt. II. de dæmonib. §. 25. sed ut alii multi paganorum ritus ab Iudæorum religione originem aut occasionem habuere; ita non errauerit forsan, qui ab æneo serpente, salutis causâ in solitudine erecto crediderit ad gentes manasse, unde serpentes cultu prosequerentur religioso.

*** hic erat SCALIGER, siquidem dæmones & genii, de quibus disputavit PLATO, omnino diuersi sunt ab intellectu agente, quem finxit ARISTOTELES magna impietate, ut pluribus exercitat. historico-philosophica de atheismo Aristotelis cap. III. sect. 3. demonstrauimus. nisi dicere velimus, quod SCALIGER intelligat similitudinem muneris, quod præstat & genius Platonis, & intellectus agens Aristotelis.

**** præter SCALIGERUM sunt adhuc alia exempla illorum, qui de geniis suis sunt gloriati, GUILIELMI POSTELLI, de quo videas THOMAM ITTIGIUM opusc. var. p. 235. FACII CARDANI, de quo ipsius filius HIERONYMVS CARDANVS de varietate lib. XVI. c. 43. legi potest, THOMAE CAMPANELLAE, qui de suo genio testatur lib. III. c. 10. de sensu rerum JO. BODINI, vid. Patiniana p. 3. 4. & aliorum, confer. JO. ALBERTUM

BERTVM FABRICIVM bibl. græc. lib. III.
c. II p. 357 not.

§. XVI. Quamquam sententia nostra argumentis haud contemnendis sit confirmata; illi tamen adhuc quædam obiici posse videntur. etenim si quis modo nomen, modo rem ipsam enthusiasmi inspiciat penitus, forsani in nonnullam potest adduci dubitationem, num adflatus diuinos per commercia ac congressus cum dæmonibus crediderint? quorum omnis ratio potius in ipso deo, aut diis immortalibus sit quærenda. sed vero hæc sunt leuiores, & dubitatio illa facile potest conciliari & mitigari. nam quamuis dæmones dignitate inferiores diis immortalibus, qui proximum deo supremo locum tenebant, habiti fuerint; coluerunt tamen in illis insignem diuinitatem, siue eorum diuinum ortum, siue quæ hominibus diuinitus denunciarent, intueamur. existimabant quippe, dæmones ortum habere a diis, quapropter IULIANVS ¹ mentionem facit τῶν ἐκγόνων καὶ παίδων τῶν θεῶν βασιλέως, quibus intelligit dæmones, siquidem paullo post dicit, alios horum ἐκγόνων esse σωτῆρας καὶ ἐπικέρους τῆς ἀνθρώπινης φύσεως, alios vero vindices τῶν ἀδικημάτων, per βασιλέα τῶν θεῶν autem significat solem, eumque qui intellectu tantum percipitur & distinctus est a φαινομένῳ sic quoque ALCINOV ² illos vocat γεννητὸς θεός, quorum θεὸν facit παιτὴν ipsosque eius filios adpellat; quamuis fateri debeamus, fuisse quoque, qui dæmones ex animis corpore solutis oriri tradebant. nec est, quod quis adpellationem enthusiasmi, quæ cælestē ali-

¹ oratione II. p. 90.

² introd. in philos. Platonic. c. 15.

quid

quid ac diuinum significet, nobis obiiciat, quoniam ex antiquis monimentis PLATONIS, PROCLI, PLOTINI, ANTONINI & aliorum apertum est, quod dæmones dicti sint θεοὶ * & genii adpellati *dii*, quo spectare verba TERENCE ¹ existimamus:

memini, relinqui me deo irato meo;

per quem deum quamuis DONATVS intelligat *dominum*; alii tamen verius illum interpretantur per dæmonem aut genium, eumque malum, qui a PINDARO vocatur ἔτερος* quid multa? in eam ingreſſi erant ſententiam, quod dii nunquam inſtituerent congreſſum cum hominibus, ſed per dæmonum commercium omne inter deos homineſque fieret colloquium, ſiue vigilantibus id, ſiue dormientibus obtigerit. ex quibus ſaltem hæc efficitur conſuſio, quod veteres pagani ſibi perſuaſerint, ſe diuino afflatu incitari ope dæmonum, qui modo ſua virtute ſuaque voluntate tales motus excitant, modo vero deorum immortalium iuſſis ac ſingulari ipſorum vi inſtructi id fecerunt. atqui hac ratione momentum hoc, quod valde obſcurum ac difficile eſt, vt fieri poteſt, perſpicue ac breuiter explanauimus, atque ad explicandum enthuſiaſmum ſophiſtarum adtulimus.

* vt δαίμων & θεός ſæpe ſint eiſdem ſignificationis; ita etiam δαίμων & θεός, quæ voces apud DEMOSTHENEM, PLATONEM & alios frequenter coniunguntur. & PLUTARCHVS de audiendis poëtis p. 24. tom. II. opp. ὡς περ ἡμεῖς καὶ πράγματα, καὶ ἡθὴ καὶ τὴ δία λόγους καὶ ἀνδρας ἐκώδαμεν δαιμονίους καὶ θεούς

¹ Phorm. act. I. ſcen. 2. v. 24.

περαγομένειν, quomodo nos etiam res, mores ac orationes adeo hominesque soleamus dininos appellare; APOLLONIVS autem dicitur a PHILOSTRATO lib. I. cap. 7. vit. δαίμονι καὶ θῆτι.

§. XVII. Nunc de altera specie enthusiasmi veterum sophistarum atque oratorum, quæ ex fallaciis, fraude, mendaciis fuit composita, dispiciendum est, ad quam illustrandam antequam adgrediamur, non ab re erit, discrimen inter hæc duo adflatus diuini genera proponere distincte. prius genus, de quo adhuc disputauimus, idque ex doctrina de dæmonibus ac geniis deducendum duximus, inprimis numeramus in erroribus atque ea de re in paganis, qui talia sibi persuaferunt, notamus summam intellectus imbecillitatem; posterius vero, quod iam inspiciamus, praua mentis studia prodit, ac præcipue perditam voluntatis significat libidinem. equidem omnis entusiastmus apud paganos homines ex rebus falsis & fictis constabat, eo tamen discrimine, quod alius præcipue persuasione erroris plena, etiam impia nitebatur, siue sit profectus a causis naturalibus tantum, siue simul a vi quadam mali dæmonis; alius vero per summam fraudem & malitiam erat fictus. hinc & PORPHYRIUS ad ANEBONEM Aegyptium scripsit: ¹ *dubito, an non totum negotium theurgie mera sit animæ religiosæ phantasia, ex nihilo grandia sibi imaginantis?* vt verba latine tantum tradamus; & ex doctoribus ecclesiæ inprimis AVGVSTINVS ² impietatem artis huius ora-

¹ extr. ep. qua præmiss. I AMBLICHUS de myster. & de qua legi potest AVGVSTINVS de C. D. lib. X. cap. 11.

² de Civ. Dei lib. X. cap. 10.

tione grauiori expressit: *quis non videat hæc omnia fallacium dæmonum esse commenta: nisi eorum miserrimus seruus, & a gratia veri liberatoris alienus? nam si hæc apud deos agerentur bonos, plus ibi vtique valeret beneficus purgator animæ, quam malenolus impeditor. aut si diis iustis homo, pro quo agebatur, purgatione videbatur indignus, non vtique ab inuido territi, nec, sicut ipse dicit, per metum valentioris numinis impediti, sed iudicio libero negare debuerunt; & paullo post: O theurgia præclara! O animæ prædicanda purgatio! vbi plus imperat immunda inuidencia. quam impetrat pura beneficentia: immo vero malignorum spirituum cauenda & detestanda fallacia, & salutaris audienda doctrina. quod enim, qui has sordidas purgationes sacrilegis ritibus operantur, quasdam mirabilius pulcras, sicut iste commemorat, vel angelorum imagines, vel deorum tanquam purgato spiritu vident; si tamen vel tale aliquid vident, illud est, quod apostolus dicit, quoniam satanas transfigurat se velut angelum lucis. eius enim sunt ista phantasmata, qui miseras animas multorum falsorumque deorum fallacibus sacris cupiens irretire, & a vero dei cultu, quo solo mundantur & sanantur, auertere. erant omnino, qui se ipsos diuino adflatu incitados esse credebant eo facilius, quo maior fuit animæ facultas, quæ rerum imagines recipit, eaque adhuc cum indole melancholica coniuncta est, quamuis a studio tales diuinos motus simulandi ac fraudem quamdam fuscipiendi, essent alieni. qui prout in paganis hominibus extiterunt; ita nec defuerunt, qui per varias*

rias rationes adtribuerunt sibi instinctus diuinos, non ex animo, sed simulate, cuiusmodi fucum fecisse & hanc fallaciarum artem exercuisse nonnullos iam sua ætate, testatur PLATO. ¹ sic multi apud paganos legumlatores, vt legibus diuinam auctoritatem adliicerent, simularunt deorum consuetudinem, vt de Numma Pompilio ² præcipue notum est, id quod etiam adeo inualuerat, vt DIODORVS Siculus ³ non dubitauerit, præcipuis legum conditoribus huiusmodi προσποιήσαντες siue simulationem adtribuere. apud AVGVSTINVM ⁴ vero extat hoc VARRONIS effatum: *utile esse ciuitatibus, vt se viri fortes, etiamsi falsum sit, ex diis genitos esse credant, vt eo modo animus humanus, velut diuinæ stirpis fiduciam gerens res magnas adgrediendas præsumat audacius, agat vehementius, & ob hoc impleat ipsa securitate felicius.*

§. XVIII. Non ardua ac difficilis res est, talem malitiam ac fraudem, qua instinctus diuinos simularunt, in multis sophistis obseruare, quorum summa cogitationum & studiorum, quibus ducebantur, in eo posita erat, vt vix mediocriter docti, scientiarum autem opinione tumentes more circumforaneorum hominum agerent, & vt amplissimam nominis famam sibi acquirerent, per fraudes aliorum captarent adplausus. quapropter varias adceperunt adpellationes, quibus animus ipsorum ad huiusmodi prauitatem maxime procliuus indicatur, siquidem dicti sunt ΔΕΙΝΟΙ

¹ lib. II. de republ. ² vid. LIVIVM lib. I c. 1. PLV. TARCHVM vii. Num. VALER. MAXIM. lib. 1. c. 2.
³ bibliothec. histor. lib. II. c. 94. ⁴ de C. D. lib. III. c. 4.

ῥήτορες, vt testatur PHILOSTRATVS, ¹ quando scribit: κελῶσι δ' ἐν δεινῷ ῥήτορας, τὰς ἱκανῶς μὲν συνιέντας, ἱκανῶς δ' ἐρμηνεύοντάς, *versutia itaque terribiles oratores vocant, inuentione præstantes & elocutione qui fuerint; qui autem, vt existimationi sophistarum prospiciat, addit: ἐκ ἑυφημον ἐπωνυμίαν τιθέμενοι τῷ πλεονεκτήματι, parum honestum nomen statuentes virtuti: etiam de sophista ANTIPHONTE scribit: κατὰπτεται δ' ἡ κωμῳδία τῷ Ἀντιφῶντος, ὡς δεινὴ τὰ δικανικά, Antiphontem autem comædia quoque arrodit, quod in forensibus rebus versutia esset terribilis, quod & ΤΗΝΥCΥDIDES ² obseruat. * porro adpellati sunt ΓΟΗΤΕΣ, *prestigiarum auctores*, vti DEMOSTHENES dixit AESCHINEM δεινὸν καὶ γόητα καὶ σοφιστὴν, & LVCIANVS ³ commemorat ῥήτορα πανῆργον ἐν τοῖς λόγοις, & paullo post dicit: ὁρᾶτε μὴ ἔ φιλοσοφίαν ἔτος γε, ἀλλὰ γόητας ἀνδρας ἐπὶ τῷ ἡμετέρῳ ὀνόματι πολλὰ καὶ μισαρὰ πράττοντας, ἡγόρευε κακῶς. *videte ne, non philosophiam hic maledictis insectatus sit, sed prestigiatore viros, sub nostro nomine multa & fæda perpetrantes; item ΑΠΑΘΗΛΟΙ, ἀπατεῶνες, deceptores, hinc HESYCHIVS σοφιστῆς, ἀπατεῶν, διδάσκαλος, πανῆργος, vt de aliis hisce nominibus taceamus, quæ collegit & illustrauit LVDOVICVS CRESOLLIVS. ** 4 prout autem sophistæ diligenter fraudes & fallacias exercebant, sic quoque eodem vitio, quod ad entusiasmum pertinet, sese polluerunt, quam in rem exemplum POLEMONIS**

¹ lib. I. n. 15. §. 2. de vitis sophistarum.

² lib. VIII p. 600.

³ Piscalor. p. 394. & 398. tom. I. opp.

⁴ theatr. rhetor. lib. I.

cap. 13.

obseruamus, de quo dicit PHILOSTRATVS: ¹ ὑπέρφρων γὰρ δὴ τι ἔστως ὁ Πολέμων, ὡς πόλεσι μὲν ἀπὸ τῆς πρὸς ἑαυτὸν, δυναταὶ δὲ ἀπὸ τῆς μὴ ὑφαιμένῃς, θεοῖς δὲ ἀπὸ τῆς ἴσως διαλέγεσθαι, nempe adeo elato animo erat Polemon, ut cum ciuitatibus tanquam superior, cum principibus, ut nequaquam inferior, cum diis ut equalis conuersaretur. qui & paullo post tradit, quod quum ipsi ægrotanti adparuisset AESCVLAPIVS, ac ut frigidus potu abstineret, monuisset, Polemon dixerit: βέλτιστε, εἰ δὲ βῆν ἰθεράπευες; quid, optime, faceres, si bos tibi curandus esset? qui familiaris sermo ad deum, qualis creditus est Aesculapius, τὸ μεγαλόγνωμον viri huius satis ac super probat. at vero quum adhuc ex iis, quæ de sophistæ huius actione disseruimus, sit apertum, ipsum vindicasse sibi adflatus diuinos, haud obscure aliquis subinde potest colligere, quod hæc omnia plena fallaciarum simulauerit.

* voces δεινός & δεινότης sæpe in bonam partem sumuntur, ut δεινότης significet facultatem dicendi, eloquentiam apud ISOCRATEM, THUCYDIDEM; & δεινός idem sit ac peritus, prudens, magnus, vti PROTAGORAS dicitur a PLATONE σοφὸς καὶ δεινὸς ἀνὴρ, ob eloquentiam. sed & mala significatio vsitata est. ALEXANDER magnus DEMOSTHENEM vocauit δεινὸν ῥήτορα καὶ γένητα apud DIONEM CHRYSOSTOMVM orat. II. hinc & HESYCHIVS δεινὸν interpretatur per ἱστραμμένοι καὶ πανουργοί.

** variæ sunt ætates sophistarum, quorum & fortuna fuit varia. floruerunt illi magna auctoritate, ac arti, quam profitebantur, sum-

¹ de vitis sophistar. lib. I. n. 25. §. 4.

ma habita est dignitas. sed quum omnia referrent ad quæstum & ostentationem, cognitionem philosophiæ verioris disiungerent a ratione dicendi, elati regio quasi spiritu de quocunque argumento differere sibi fumerent, id princeps in arte sua ponerent, quo modo caussa inferior & iniusta fieri posset superior, & quæ alia illorum vitia erant; hæc omnino rectos sapientiæ æstimatores ad indignationem & odium erga sophistas commoverunt. quapropter non est, quod superiores adpellationes miremur.

§. XVIII. Grauis, licet inanis sophistarum arrogantia effecit, vt huiusmodi fraudes susciperent. QVINCTILIANVS ¹ sophistam nominat *tumidum ac sui iactantem & ambitiosum insitorem eloquentiæ*; & PLVTARCHVS: ² οἱ ῥητορικοὶ σοφισταί, τὸ θεῖως καὶ τὸ δαιμονίως καὶ τὸ μεγάλως ἐν ταῖς ἐπιδείξεσι προσδεχόμενοι, καὶ τὸ μετρίως καὶ τὸ ἀνθρωπίνως προσκοινοῦνσι, *oratores & sophista dum declamantes patiuntur sibi adclamari diuinitus, moderatorum & humanorum laudem amittunt.* quapropter proprio veluti nomine adpellantur ἀλαζόνες apud CLEMENTEM Alexandrinum, GREGORIUM NAZIANZENVM, PLATONEM, LVCIANVM aliosque, & PHILOSTRATVS ³ de HIPPODROMO dicit: παραλαβὼν τὴν τέχνην φίλαυτὸν τε καὶ ἀλαζόνα, *artem amplexus cum inordinato sui amore fastuque coniunctissimam*; prout quoque ἀλαζὼν interdum ponitur pro sophista,

¹ *insistit, orator, lib. XI. cap. I.* ² *de sui laude pag. 543. tom. II. opp.* ³ *de vitio sophistarum, lib. II. num. 27. §. 3.*

vide

vide LVDOVICVM GRESOLLIVM. ¹ ita gloriae studiosi erant sophistæ, vt *χαλὴν* non continerent, si plausus non sequeretur audientium, quos ideo EPICETVS apud ARRIANVM ² dicit *χάσκειν περὶ τὰς ἐπαινεύοντας*, *laudantium vocibus inhiare*; THEMISTIVS ³ autem vocat *ἀνδρας ἐπαινας θερέοντας*, *homines, qui laudes venentur*; & GREGORIUS NAZIANZENV ⁴ οἱ σοφισταί, inquit, τῶν δημοσίων θερένται κρότων, *sophistæ populares plausus studio inflammato venantur*, nec non illos TERTVLLIANVS & HIERONYMV adpellant *animalia gloriae & popularis auro vilia mancipia*. quo incredibili gloriae studio quum ducerentur, id vnice & dies & noctes cogitabant, quibus mediis cupiditati satisfacere possent, in quibus & hoc omnino princeps erat, quod adflatus cælestes simularunt seque diuinitus incitados iactarunt magnifice. nec fuit difficile, aliquid tale multitudini persuadere, quum & in ingenio rudis esset, & in mente studiis prauorum adfectuum traheretur, qua populi indole sibi omnino diuinam auctoritatem facile poterant conciliare. quo maior enim est hominum stultitia, eo feliciori fruuntur successu homines circumforanei, ac famam existimationemque efficere possunt auctiorem, id quod verbosius exponemus de causis nunc disputaturi, cur alii veteres sophistas atque oratores crediderint, instinctu diuino esse incitados.

§. XX. Haecenus igitur de enthusiasmo, quem ipsi sophistæ sibi adtribuerunt *modo ex*

¹ theatr. rhetor. lib. V. c. 1. 2. & lib. I. c. 12. ² lib. III. c. 11.
³ orat. I. ⁴ orat. XXVII.

animo per creditum cum dæmonibus commercium, quamuis re ipsa sit falsus atque aut ex caussis naturalibus tantum, aut simul a vi quadam mali dæmonis profectus; *modo* simulate, vt aliis facerent fucum ac summam auctoritatem sibi conciliarent. sed tamen obseruauimus quoque, quod & alii, audientes quippe sermones sophistarum atque oratorum, adflatus diuinos ipsorum sibi persuaferint, qua de re non solum appellationes, quibus illos ornaverunt, atque adclamandi formulæ; sed exempla etiam testantur, in quam persuasione eiusdemque fundamentum inquirere accuratius, muneris nostri esse ducimus. quæ vt exponamus distincte ac perspicue, non ab re erit, breuiter de vi oratoria disserere, per quam multos in opinionem de instinctu cælesti deductos esse existimamus, quibus expositis rem ipsam ex antiquis sophistarum monumentis illustrare elaborabimus. vis ista oratoria modo sua natura, modo quatenus in animis hominum exerceatur, potest considerari. priori modo pendet cum ab ipso oratore, cuius actio magnum pondus sermoni adiicere potest, tum ab orationis indole, quæ iterum pertinet partim ad intellectum, qui modo per veritatis argumenta ad illius cognitionem ducitur; modo per noua, inusitata atque incognita adficatur admiratione; partim ad voluntatem, quæ nunc per suauitatem, nunc per grauitatem pro diuersitate adfectuum commouetur. ea quæ orator præstat in cognoscenda veritate, habet communia cum philosopho; admirationem autem ac commotionem mentis excitare, proprium ipsius munus est, quod præcipue in tan-

ta peruerſitate hominum neceſſarium. poſteriori autem ratione, quum ipſa oratoria viſ debeat exerceri erga mortalium animos, obſeruandum eſt diſcrimen auditorum, quorum ratione ingeniorum & adfectuum magna eſt diuerſitas, vt quo magis oratio ad ipſorum indolem eſt compoſita, eo maior ipſius viſ ſeſe prodat. quam ob rem interdum poſtulat prudentia oratoris, ſi eloquentiam ſuam ad vſum transferre velit ciuilem, etiam rationes ad cupiditates hominum adcommoſatas adhibere, vt facilius ſe in ipſorum adfectus inſinuare, atque ad optatum peruenire poſſit finem. TITVS CASTRICIVS dicit apud GELLIVM: ¹ *aliter cenſor loqui debet, aliter rhetor. rhetori conceſſum eſt, ſententiis vt i falſis, audacibus, ſubdolis, captioſis, ſi modo veriſimiles ſunt & poſſunt ad mouendos hominum animos qualicunque aſtu irrepere; in quibus verbis quædam duriora adparent, quæ in vſu ſunt mitiganda.* QVINCTILIANVS ² autem ſcribit: *nobis ad aliorum iudicia componenda eſt oratio & ſæpius apud omnino imperitos atque aliarum certe ignaros litterarum loquendum eſt: quos niſi & delectatione allicimus & viribus trahimus, & nonnunquam turbamus affectibus, ipſa quæ iuſta ac vera ſunt, tenere non poſſumus. locuples & ſpecioſa vult eſſe eloquentia, quorum nihil conſequetur, ſi conſluſionibus certis & crebris & in vnâ prope formam cadentibus concifa, & contemptum ex humilitate & odium ex quadam ſeruitute, & ex copia ſatietatem, & ex amplitudine ſaſtidium tulerit.* atqui hæc, quæ diſputauimus,

¹ noſtib. Attic. lib. 1, c. 6.² inſtit. orat. lib. V. c. 14.

facile ad sophistas ac præfens argumentum, unde aliorum persuasio de adflatu diuino oratorum sit orta? possunt adplicari. sophistæ quippe id agebant vnice, vt audientium ingenia admiratione, animos vero delectatione & vehementiori motu adficerent, ac pro sua caliditate, qua propriæ tantum vtilitati consulebant, omnia ad ipsorum indolem adcommo- darent. sic ipsorum orationes magnam habebant vim, etiam ad opinionem de cælesti instinctu excitandam.

§. XXI. Sed distincte hæc ex historiarum monumentis sunt illustranda. primum igitur sophistæ elaborarunt, in audientium animis efficere admirationem, quam in rem varia media adhibebant. siue rationem, qua declamarent. siue ipsorum sermonum indolem respiciamus. in priori momento orationibus ex tempore recitandis amplissimam dederunt operam, hocque modo, quum celeres & acutos ingeniorum motus ad excogitandum atque explicandum; vberes quoque & copiosos ad ornandum proderent, facile audientibus adtulerunt admirationem. sic sophista LOLLIANVS ἐσχέδ' αὖτε κατὰ τὸν Ἰσαῖον, ἔ δὴ καὶ ἡκεῖνάειτο, *ex tempore dicebat iuxta Isæi indolem, cuius certe auditor etiam extitit*, teste PHILOSTRATO; ¹ sic POLEMON laudatur propter τὴν γλῶτταν αὐτοσχέδιον καὶ τὴν γνώμην, *quod ex tempore aliquid & inuenire & dicere potuerit*; ² sic ANTIOCHVS τὰς μελέτας αὐτοσχέδις ἐποιεῖτο, *ex tempore declamabat*; ³ sic QVADRATVS, qui præconfu-

¹ de vit. sophistar. lib. I. n. 23. §. 2.

² ibid. lib. I. n. 25. §. 6.

³ ibid. lib. II. n. 4. §. 2.

latum

latum Asiæ gessisse legitur apud ARISTIDEM,¹ qui & illum diserte adpellat ῥήτορα, vt obseruauit VALESIVS,² fuit αὐτοσχεδιάζων τὰς δετικὰς ὑποθέσεις, locos quippe communes,³ ex philosophia depromptos, de virtutibus, vitiis, exilio, paupertate, quod apud antiquos ad augendam eloquentiam genuserat exercitationis, vt refert QVINCTILIANVS.⁴ ex latinis quoque commemorantur, qui laudem subita ac fortuita orationis sibi adquisiuerunt. de ISAEO, cuius fama eloquentiæ magna Romæ erat, antequam ipse eo ex Asia, vt putatur, veniret, scribit PLINIVS: *summa est facultas, copia, vbertas, dicit semper ex tempore, sed tanquam diu scripserit*; cuius facundiam IUVENALIS quoque his verbis⁵ laudavit:

*Sermo
promptus & Isæo torrentior;*

quæ vetus scholiastes de hoc Isæo interpreta-
tur. quis auctor sit talis promptæ orationis?
de eo adhuc disputatur, siquidem laudem hanc
alii vindicant AESCHINI, alii PERICLI, a
quo σκεδίων δὲ πηγὰς λόγων ἐνῆναι φασιν, ex-
temporalis orationis fontes manasse nonnulli
dicunt, quod tradit PHILOSTRATVS,⁷ qui
& paucis interiectis addit, quosdam existima-
re, τὸ σκεδιάζειν τῷ Αἰσχίνῳ ἔνσημα, sed neu-
trum veritati est consentaneum. namque
quod ad PERICLEM adtinet, sententiæ huic
refragatur PLUTARCHVS, qui de eo: ⁸ ὁ Περ-

¹ orat. sacra IV. p. 597. ² ad Euseb. p. 71. ³ Philostrat.
lib. II. n. 7. de vit. sophistar. ⁴ lib. II. c. 1. institut. orat.
⁵ lib. II. epist. 3. ⁶ satyr. III. v. 74. ⁷ proam. de vit. sophist.
⁸ de educandis liberis p. 6. t. II. opp.

εὐκλῆς καλέμενος ὑπὸ τῆ δῆμῃ, πολλάκις ἔχ' ὑπὸ-
 κρισε λέγων αἰσύντακτος εἶναι, etiam alio loco ¹
 confirmat, DEMOSTHENEM in PERICLE
 probasse atque imitatum esse τὸ μὴ ταχέως, μη-
 δὲ περὶ παντὸς ἐν τῇ παρισταμένῃ λέγειν. nec de
 AESCHINE, veluti auctore huiusmodi dicen-
 di rationis quidquam commemoratum legi-
 mus, quamuis apud PHOTIVM ² dicatur
 πρῶτος τὰ πλάσματα καὶ τὰς μελέτας συνθεῖναι.
 sunt quoque, qui ANAXIMENEM *Lampsacenum*
 hanc orationis formam inuenisse di-
 cunt, PAVSANIAS ³ quippe, qui dicit: ἔμην
 εἰπεῖν τις αὐλοσχεδίως ἀναξιμένους πρότερος
 ἔστιν εὐρηκώς, ante Anaximenem quidem nemo
 subita oratione conatus est dicere, & qui
 ipsum sequitur SVIDAS. ⁴ * nec non alii
 verius existimant, GORGIAM hac in re fuisse
 principem, vt obseruat PHILOSTRATVS, ⁵
 quod primus in Atheniensium theatro ausus
 fuerit dicere: προβάλλετε, ** *proiicite*, hac-
 que voce significauerit, se scire omnia, ac de
 quocunque argumento promte posse differe-
 re. idem testatur PLATO, ⁶ & QVINCTI-
 LIANVS: ⁷ *Gorgias quoque summa senectutis id quæ-
 rere auditores, de quo quisque vel-
 let, iubebat; CICERO: ⁸ quorum e numero
 primus est ausus Leontinus Gorgias in con-
 uentu poscere questionem, id est iubet dicere,
 qua de re quis vellet audire.*

* huic ANAXIMENI tribuunt nonnulli rhe-
 toricam ad Alexandrum, quæ legitur inter
 Aristotelis scripta. confer MEVSIVM

¹ vit. Demosthenis. ² codic. LXI. ³ Eliac. poster. sine
 lib. VI. p. 496. ⁴ in Anax. ⁵ proem. de vit. sophist.
⁶ in Gorgia. ⁷ instur. orat. lib. XII. c. II. ⁸ de fin. bono
 & mal. lib. II. c. 1.

biblioth. p. 1218. MENAGIVM ad Laetrium
lib. VI. segm. 57. FABRICIVM bibl. græc.
lib. I. c. 23. §. 9.

** sic moris erat apud sophistas, vt dicerent
προβάλλετε, qua voce in hoc negotio vsus est
PLVTARCHVS de audiendis poet. ὅταν δὲ
τὰς ἀκούοντας ὁ λέγων ἰκνῶται καὶ προβάλλειν κε-
λεύσῃ, ubi vero is, qui dicit, auditores querere
et ponere, de quo disputetur, iusserit. CICE-
RO vsurpat vocem *ponere*, quando lib. I. cap.
4. Tusculan. quæstion. dicit: *ponere iube-
bam, de quo quis audire vellet: ad id aut sedens
aut ambulans disputabam.*

§. XXII. Si hisce exercitationibus mo-
dus quidam adhibetur, vtile est, etiam subito
dicere, atque audientibus præter admiratio-
nem magnam interdum adfert voluptatem.
hinc AVCTOR de causis corruptæ eloquen-
tiæ: ¹ *sed extemporalis audaciæ atque ipsius
temeritatis vel præcipua iucunditas est. nam
in ingenio quoque, sicut in agro, quanquam
aliæ diu servantur atque elaborentur, gratiora
tamen, quæ sua sponte nascuntur. quamvis
vtilius adhuc sit, bene excogitatam & cum cu-
ra studioque compositam adferre orationem,
vti iudicat CICERO: ² quam ob rem in istis
ipsis exercitationibus, etsi vtile est, etiam su-
bito dicere, tamen illud vtilius, sumto spatio
ad cogitandum atque accuratius dicere. sed
vero multi sophistæ inani gloriæ studio capti,
hac in re maiori temeritati atque audaciæ,
quam par erat. sese tradebant, præcipue quum
de quacunque re non solum promte & subito,
sed etiam in vtramque partem dicere sibi su-*

¹ cap. 6. §. 8. ² de orator. lib. I.

merent, quo factum est, ut talis differendi modus rectis eloquentiæ magistris atque auctoribus fuerit odiosus. CICERO ¹ quum commemorasset exemplum GORGIAE, addit: *audax negotium; dicerem impudens, nisi hoc institutum postea translatum ad philosophos nostros esset*; QVINCTILIANVS adpellat hanc exercitationem *extemporalem garrulitatem & circulatoria vere iactationis* esse adfirmat; PLVTARCHVS ² vero: οἱ δ' αὐτοχέδιοι τῶν λόγων πολλῆς εὐχερείας καὶ ῥαδιουργίας εἰσι πλήρεις, *orationes ex tempore habitæ plenæ sunt multæ leuitatis & vanitatis*: PETRONIVS: ³ *ingens scholasticorum turba in porticum venit, ut adparebat, ab extemporali declamatione nescio cuius, qui Agamemnonis suasoriam exceperat.* *

* exemplum theologi cuiusdam in ordinem Franciscanorum adscripti, qui præstitit eloquentia subita, commemorat ERASMVVS lib. XV. epist. 14. *rogatus a me in familiari colloquio, quibus modis præpararet animum suum iturus ad concionandum? respondit, se solitum in manus sumere Paullum & in eius lectione tam diu commorari, donec sentiret incallescere pectus. illic hærebat addens igneas ad deum preces, donec admoneretur, esse tempus incipendi. nonnunquam septies concionabatur una die, nec vnquam ei deerat sermonis eruditi copia, quoties de Christo loquendum erat. cuius exempli etiam mentionem habent MORHOVIVS polyhist. litter. lib. I. c. 12. §. II. PASCHIVS de inuentis nouantiquis cap. II. §. 22. p. 79. HANSCHIVS de entusiasmo Platonico sect.*

¹ de finib. bon. & mal. lib. 2. c. 1.

² de educandu liberis.

³ satyr. cap. 6.

II. §. 14. adde CRENIVM animaduersion. phil. & historic part. VII. c. 3. §. 8. p. 179. seqq. bene adhuc PETRVS BVRMANNVS ad Petronium p. 28. de hominibus, quibus scriptio-
ne occupatis omnia leuia videntur, iudicat:
quare ineptos illos oratores & poetas merito ri-
demus, qui cacatis suis chartis adscribunt tem-
poris spatium, intra quod euouerunt scripta,
vel loca minus apta studiis designant, & se vel
inter equitandum, vel nauigandum, vel aliis oc-
cupatos negotiis effutiisse sua statim moritura
verba iactant.

§. XXII. Atqui hoc primum fuit, per
quod sophistæ audientibus admirationem mo-
uerunt, cuius excitandæ quum maxime essent
studiosi, alia adhuc media in orationum in-
uentione & elocutione adhibuerunt, quibus
hanc vim effici posse existimarunt. quod ad
inuentionem adinet, in eo omne studium
omnemque operam posuerunt, vti adferrent
καινά, παραδόξα & τέρατα. primum elaborabant
vehementer, vt dicerent noua, & eiusmodi res,
de quibus nemo ante disseruerit, aut quæ sal-
tem non adeo fuerint cognitæ: hinc ISO CRA-
TES ¹ adfirmat, illos περί τέτων ζητεῖν λέγειν,
περί ὧν μὲν οἱ πλείονες ἔειπεν, *de rebus a nemi-*
ne prius tractatis dicere instituisse, de quo
etiam testimonium exhibet I V L I A N V S. ²
deinde sophistis solemnibus ac propria fuit πα-
ραδοξολογία, de quibus iam nominatus ISO-
CRATES ³ obseruat, quod inprimis de eo
fuerint solliciti, quomodo ὑπόθεσιν ἄτοπον καὶ
παραδόξον *argumentum absurdum & admira-*

¹ πανηγυric. ² stat. 1. p. 2. opp. ³ princ. laudat. Helen.
pag. 401. opp.

bile pertractarent. id quod etiam PHILOSTRATUS in variis sophistis speciatim notat, GORGIA quippe, qui ὁρμῆς τοῖς σοφισταῖς ἤρξε καὶ παραδοξολογίας, *contentionis in oratione sophistis auctor extitit & admirabilis dicendi generis*; ¹ & NICETE, de quo tradit: τὰς ἐννοίας ἰδίᾳς τε καὶ παραδόξως ἐκδιδῶσιν, ὥσπερ οἱ βακχεῖοι θυῖσσι τὸ μέλι, καὶ τὰς ἐς μὲς τῷ γάλακτι, *sententias proprias & admirabiles edit, non secus atque mel Bacchii thyrsi lactisque copiam*. ² tertium proferebant τέρατα, unde LIBANIVS ³ hos oratores disertē vocat σοφιστὰς τερατολόγους, confer LVDOVICVM CRESOLLIVM. ⁴

§. XXIIII. Nec solum hæc in inuentione, sed elocutione quoque sunt confectati. namque primum nouas rerum adpellationes nouasque voces confingebant, quo quum haud facile intelligerentur sophistæ, promiscua multitudo vertebatur in admirationem. LVCIANVS ⁵ per irrisiōnem dicit: ἐνίοτε δὲ καὶ αὐτὸς ποιεῖ καινὰ καὶ αἰχόκοτα ὀνόματα, καὶ ὀνοματοθέτει. τὸν μὲν ἐρμηνεύσαι δεινὸν ἔυλεξιν καλῶν, τὸν συνετὸν σοφόναν. τὸν ὀρχηστὴν δὲ χειρίσοφον, *nonnunquam etiam tu noua finge & monstrōsa vocabula*: vt interpretandi peritum ἔυλεξιν, & honestorum prudentem σοφόναν, saltatorem autem χειρίσοφον. sic PHOTIVS ⁶ de SOPHRONIO patriarcha testatur, quod pie quidem, sed nimis quam sophistice dicat: ἐννεώτερίζει, inquit, πανταχῷ ῥήμασι, *nouis ver-*

¹ de vit. sophist. lib. I. n. 9. §. 1. ² lib. I. n. 19 §. 1. de vit. sophistar. ³ declamat. XXXVII. ⁴ theatr. rhetor. lib. I. c. 15. lib. III. c. 22. ⁵ rhetor. præcept. p. 319. tom. II. opp.
 ⁶ codic. CCXXXI.

bis iuueniliter exsultabat; sicque DEMADES, sophista puberes adpellauit ἄρ τῷ δήμῳ, *ver populi*; muros ἐσθῆτα τῆς πόλεως, *paludamentum ciuitatis*; & tibicinem κοινὸν Ἀθηναίων ἀλέκτορα, *publicum Atheniensem gallum*, auctore ATHENAEO. ¹ qui DEMADES quamuis voces vsitatas adhibuerit, significationes tamen earumque compositiones pro sua libidine finxit, adeoque quum natura vocum vi sua significandi inprimis absoluitur, idem omnino commisit vitium. ex hoc studio nouarum adpellationum multa alia inepta atque incommoda consequebantur, quapropter valde illos ridet LVCIANVS, ² & recte monet, hæc noua fugienda esse, quippe quæ & castitati & perspicuitati, primis eloquentiæ virtutibus repugnent. quin etiam tales dictiones sæpius aut errores aut dissidia parere possunt, vti bene AVGVSTINVS ³ iudicauit: *nobis ad certam regulam loqui fas est, ne verborum licentia etiam de rebus, quæ his significantur, impiam gignat opinionem*: conf. GEORG. NICOL. KRIEGK. * ⁴ sed vero ab vno vitio, vt fit plerumque, delabebantur in eloquentia sophistæ in aliud, æque ineptum; & prout in inuentione ac sententiis παραδόξα proponere elaborabant; sic eodem studio in elocutione ac verbis ducebantur, cuius exempla clara habentur apud scriptores. PHILOSTRATVS enim de CRITIA dicit: ὁ καὶ τὸ παραδόξως μὲν ἐνδυμνηθῆναι, παραδόξως δ' ἀπαγγεῖλαι, Κρίτις ἀγών, *in admirabili item, tam in*

¹ de Deipno *sophist.* lib. 11. p. 44. lib. III. p. 99. ² *lexiphan.* p. 836. tom. I. opp. ³ de ciuit. Dei lib. 11. p. 48. ⁴ de *sophist. eloquentia* §. 36. sqq. ⁵ de vit. *sophistar.* lib. I. n. 16. §. 4.

sententiis, quam in elocutione exercitatissimus Critias est; quo & spectat παραδοξολογία NICETAE, quod dixerit, naui insulam esse alligandam, quum alias alligetur naus ad insulam. hinc etiam quum adolescens quidam dictum hoc Nicetæ laudaret, sophista ISAEVS καλαγελάσας πάλιν, effuse ridens dixit: ἀνοήτε, καὶ πῶς ἀναχθήσῃ, *stulte, quonam modo renauigabis?* aut vt rectius legit GOTTFRIED OLEARIVS: καὶ πῶς ἀναδήσῃ, *quomodo insulam naui alligabis?* ¹ tandem adhibuerunt quoque monitra & portenta verborum. A. GELLIVS ² mentionem facit duorum oratorum, quorum alter, *quum dicere vellet inopia quendam miseroque victu viuere & sursum panem esitare vinumque eructum & fætidum potare, hic, dixerit, eques romanus apludam edit & floces bibit;* adeoque vsurpauerit duas prisca voces, quæ omnibus fere erant incognitæ. alter vero quum aduersarius causam differri postularet, in hæc verba eruperit: *rogo prætor, subueni, succurre: quonam usque nos BOVINATOR hic demoratur,* atque ter quaterque magna voce clamauerit: BOVINATOR *est,* quod nomen significans hominem malitiosum deprehendebatur apud LVCILIVM. cuiusmodi portenta etiam notat SENECA ³ in rhetore MUSA, qui longissime a communi dicendi ratione sese disiungebat.

* necesse interdum est, noua recipere vocabula, vt pluribus demonstrauius historia critica latinæ linguæ cap. XIII. §. 9. p. 501. seqq.

¹ de vit. sophist. lib. I. num. 20. § 2. cap. 7. ³ pref. lib. V. controuers.

² mēt. Attic. lib. XI.

vbi etiam p. 507. not. auctores huc spectantes collegimus, quibus iam addimus JO. IEN-
SIVM, qui ferculo litter. p. 11 ita scribit:
*nulla lingua ab ullo extraneo purissime usurpa-
tur, nisi ab homine vnice se studio cultuique
linguæ alicuius extranea tradente; sed nec ab
eo quidem purissime, vbi in rebus suæ patriæ,
suæ nationi, suis sacris ac religioni propriis pe-
regrina lingua enarrandis versatur. quis exem-
pli gratia Batauis gallice res singulas Batau-
cas ita efferat, vt numquam cogatur Batauice
in lingua Gallica loqui; cuique linguæ suus ge-
nius, & in qualibet natione sunt multa, quæ
apud alias nationes vel prorsus non, vel aliter
comperiuntur. tum quia vocabula desunt, vbi
res desunt (scilicet vocabula sunt inuenta rebus
exprimendis; ergo vbi res aliqua ignoratur, vel
in vsu non est, etiam nulla ibi vox isti rei ex-
primendæ apta reperitur, nec desideratur) ne-
cessum est, vt ad res alienas ab ea lingua, qua
vtaris, exprimendas, vel fingas noua vocabula,
vel nonnihil istius linguæ vocabula detorqueas &
accommodes, atque ita qualicumque modo id,
quod velis, declares. sed tamen decet, haud
maiori, quam par est, vti licentia, contra
quod grauiter peccarunt sophistæ. nam vo-
cum auctoritas pendet ab vsu, qui non vnus,
sed saltem plurium eorumque politorum es-
se debet. auctoritate autem nititur signifi-
catio, quæ haud firma ac perspicua esse potest,
nisi per definitum vsum confirmata, vt adeo
nouæ voces, quibus aliquis pro sua volunta-
te vtitur, omnem sermonis finem, quo aliis
cogitationes declarare debemus, perturbent
atque euertant.*

§. XXV. Hæc de priori momento, quod
veteres sophistæ atque oratores magna studia
in

in eo posuerunt, ut partim per subitam declamandi rationem; partim singularem orationum earumque inuentionis atque elocutionis formam auditores deducerent in admirationem. quæ ut spectabant ad intellectum; ita voluntatem quoque ac mentem vi sua occupare eamque cum delectare, tum vehementiori motu adficere elaborabant, de qua re magnam curam ac diligentiam non solum in inuentione ac sententiis, sed & elocutione ac verbis adhibebant. ¹ dixerunt enim de rebus, quæ auditoribus pro ipsorum indole placebant, ac eiusmodi orationem, cui magnam inesse suauitatem existimabant, sæpius adtulerunt. multi profecto nihil habebant antiquius, quam floridum dicendi genus sequi, ac suauia eligere verba, quamuis haud ubique decus obseruarent, unde re ipsa omnem gratiam amittebant orationes. quo nomine LVCIANVS ² adpellat has voces ῥήματα πάντα ἑταιρικά, *verba per quam meretricia*, ex quibus existeret oratio fracta quidem, cuius tamen suauitas titillaret sensus atque ad animos adflueret; & alibi ³ talem oratorem dicit μύρων ἀποπνέοντα, *unguenta spirantem*. QVINTILIANS ³ autem: *quapropter eloquentiam licet hanc (dicam enim ut sentio) libidinofam resupina voluptate auditoria probent, nullam esse existimabo, quæ ne minimum quidem in se iudicium masculini incorrupti, ne dicam grauis & sancti viri ostendet.* * namque pro sua tantum libidine colligebant veneres, ac fingeant sibi sæpe venustatem, quæ veri

¹ piscat. p. 396. tom. I. opp. ² rhetor. praecept. p. 315. t. II. opp.
³ institut. orator. lib. V. cap. 12.

ac recti cultoribus non suavis ac iucunda; sed ingrata & molesta erat; nec rebus hîsce retinebant modum adeoque per nimium aures atque animos audientium offendebant. sic utebantur poeticis dictionibus, ut per suauem earum tinnitum efficerent delectationem, ad cuiusmodi dicendi formam inprimis se conuertit GORGIAS, ut testatur DIONYSIVS *Halicarnassens*: ¹ κατέφευγε εἰς τὴν ποιητικὴν φράσιν, μεταβολαῖς τε πολλαῖς χρῶμενος, & ARISTOTELES ² dicit: ποιητικὴ πρώτη ἐγένετο λέξις, οἷον ἡ Γοργία, qui etiam ³ exempla adfert ποιητικῶν ὀνομάτων ex GORGIA, qualia πτωχόμοσος κόλαξ, item χλωρὰ καὶ ἑναιμα τὰ πράγματα & alia, cuiusmodi & SOCRATES ⁴ commemorat. quumue cultores vocum poeticarum multis essent grati, ut testatur ARISTOTELES, ⁵ quod iuâ ætate tales homines sint existimati διαλέγεσθαι κάλλιστα, & alii exemplum GORGIAE sunt secuti, ex quibus præcipue clarus est ANTIPHON, cuius orationes plenæ fuerunt dictionum poeticarum. ⁶ quo stilo perperam sane utebantur in oratione soluta, inprimis durioribus translationibus, quæ poetarum ingenia interdum maxime delectant; orationi autem nullum adferunt decus. hinc recte dicit ARISTOTELES: ⁷ ἑτέρα λόγῳ καὶ ποιήσεως λέξις ἐστὶ, alia orationis, alia poësis elocutio est.

* est præstantissima ornati sermonis virtus *χαριστισμός*, quæ adpellatio deprehenditur apud DIONYSIVM *Halicarnassem* in *Isæo* p. III.

¹ iudicio de *Lyfia*.

² *rhetor. lib. III. cap. 1.*

³ *ibid. c. 3.*

⁴ apud *Xenophontem* in *conuiu.*

⁵ *lib. III. cap. I. rhetor.*

⁶ *HERMOGENES* de *fermis* lib. II. p. 80.

⁷ *cit. loc.*

& Isocrate p. 99. ac HERMOGENEM περὶ ἰδιῶν seu de *formis oratoriis* lib. II. cap. 5. significat eam orationis rationem, qua est elegans, venusta, nitida, mollis, delicata. hæc enim vox oritur ἀπὸ τῶν χαρίτων, χάρις autem apud græcos etiam significat quidquid in oratione vel quacunque re leporis, elegantiae ac venustatis est. quamvis hæc forma communis sit tribus dicendi generibus, sublimi, medio atque humili; maxime tamen in duobus posterioribus est conspicua. ob χαριεντισμὸν ex oratoribus ISOCRATEM commendant CICERO, QUINCTILIANVS, DIONYSIVS; necnon celebres sunt de hoc sermonis ornatu ex *historiarum auctoribus* ac quidem græcis, HERODOTVS & XENOPHON; latinis vero VELLEIVS PATERCVLVVS & IVLIVS CAESAR; ex numero poetarum epicorum HOMERVVS, HESIODVS, VIRGILIVS, OVIDIVS; tragicorum EVRIPIDES, SENECA, comicorum MENANDER, TARENTIVS, ac lyrici præ aliis suauitatem hanc sibi vindicant. quod enim in epicis gravitas, in bucolicis simplicitas, in elegiis mollities, comicis ioci, tragicis adfectus, satiricis acerbitas, epigrammatibus acumen, id in lyricis suauitas, cuius magnam laudem habent SAPPHO & ANAGREON. sed sophistæ quamvis venter eloquentiæ fuerint sectati, vt delectarent audientium animos; vim tamen veræ venustatis orationibus suis haud adrulerunt; ac magis libidinem animi, quam ingenii suauitatem prodiderunt.

§. XXVI. Sic porro sophistæ orationes, vt multum haberent delectationis, figuris ornabant rhetoricis, quas sermonem reddere posse ele-

elegantem atque ornatum, magnamque sæpe habere vim mouendi, haud negamus, * si modo istas non solum modice adhibeamus, sed & earum vsum temperemus cum iudicio, id quod sophistæ non semper obseruauerunt. etenim quum voluptati intersuissent, atque ostentationem propositam sibi haberent, id vnice cogitarunt, quomodo suaues sonos excitare, auresue adficere delectatione possent, & vbi-que hæc ornamenta exprimere instituerunt. primus illis vsus est GORGIAS, ante cuius tempora plerique dicebant proprie & plane, vid. DIODORVM *Siculum*¹ & DIONYSIVM *Halicarnassicum*:² quem alii sequebantur, atque inprimis studebant orationi concinnæ ac varia schemata vsurpabant, quæ ipsi pondus & gratiam conciliant. formæ enim quædam sunt, quæ ad sermonem festiuum & concinnum magnam vim adferunt, vt ipse CICERO³ testatur: *formæ vero quædam sunt orationis, in quibus ea concinnitas inest, vt sequatur numerus necessario. nam quum aut par pari refertur, aut contrarium contrario opponitur, aut quæ similiter cadunt verba, verbis comparantur: quidquid ita concluditur, plerumque fit, vt numerosè cadat.* scilicet obseruant artis oratorix doctores, tribus formis præcipue niti sermonis concinnitatem. prima est ANTIΘΕΣΙΣ, quum contrariis opponuntur contraria, quam adpellat QVINTILIANVS⁴ *contrapositum* eiusque tres constituit species: *contrapositum autem, inquit, vel vt quidam vocant, contentio non*

¹ lib. XII. p. 313.² de Thucydidis idiom. p. 135. seqq.³ de orator. c. 65.⁴ institut. orator. lib. IX. cap. 3.

uno sit modo. nam & fit, si singula singulis opponuntur, ut in eo, quod modo dixi: vicit pudorem libido, timorem audacia; & bina binis: non nostri ingenii, vestri auxilii est; & sententiæ sententiis, dominetur in concionibus, iaceat in iudiciis. cui commodissime subiungitur & ea species, quam distinctionem diximus: confer GERH. IO. VOSSIVM. ¹ secunda forma dicitur ΠΑΡΙΣΩΣΙΣ, per quam verba verbis quasi demensa & paria respondent, quod fit vel quum singula verba nullo vinculo coniuncta suis distinguuntur interuallis, e. g. inimicos inuidia, iniuriis, potentia, perfidia sustulisti: vel quum verbis coniunctis sententiæ proponuntur, id quod hoc pacto fieri oportet: perditissima ratio est, amorem petere, pudorem fugere, diligere formam, negligere famam. neque vero syllabarum numerus plane par & strictus requiritur, quod puerile est; sed tantum adfert vsus & exercitatio facultatis, ut animi quodam sensu par membrum superiori referre possimus. ² ARISTOTELES ³ dicit: παρίσωσις, εἰὰν ἴσα τὰ κῶλα, compar, si equalia sint cola, vnde etiam vocatur ἰσοκῶλον, vide GERH. IO. VOSSIVM. ⁴ tertia forma est ΠΑΡΟΜΟΙΩΣΙΣ, siue similitudo litterarum & vocum, cuius ARISTOTELES ⁵ quinque indicat genera, similitudinem vocum ab initiis, quo pertinet paronomasia & præcipue anaphora, quæ est repetitio eiusdem vocis in principiis; similiter cadentia atque desinentia, id est ὁμοίόπτωλα &

¹ instit. orator. lib. V. p. 402.

² AVCT. rhetor. ad Herenn.

lib. IV. cap. 20.

³ rhetor. lib. III. cap. 9. extr.

⁴ instit.

orator. lib. V. p. 312.

⁵ cit. loc.

ὁμοιοτέλευτα, porro verba eadem, sed diuersa flexione in fine repetita; eiusdem verbi in clausulis repetitionem, siue *epistrophēn* ac tandem similitudinem in pluribus syllabis. quod igitur ad sophistas adtinet, amarunt singulari voluptate ἀντιθετα, ἰσόκωλα, ὁμοιοπτώτα, ὁμοιοτέλευτα, iisque orationes suas mire illustrare summa adnisi sunt opera, quod probari potest ex GREGORIO NAZIANZENO: ¹ ἀντιθετα δὲ καὶ πάρισα καὶ ἰσόκωλα ἀπορρήψομεθα, *antitheta, parisa & isocola sophistis proiciemus*; & APOLLONIVS Tyanensis confirmat apud PHILOSTRATVM, solemne esse sophistis, ad orationes adhibere πάρισα καὶ ἀντιθετα. quarum figurarum amore singulari captus erat GORGIAS Leontinus, qui etiam a quibusdam auctor earum traditur, ut CICERO putat, quando ² scribit: *nam paria paribus adiuncta & similiter definita, itemque contrariis relata contraria, quæ sua sponte cadunt plerumque numerosè, Gorgias primus inuenit.* nec ipsius concinnitati, quam confectatus est, defuit vis, cuius ope auditores tenere, animos illorum capere, sibique non mediocrem efficere poterat dignitatem. quare exquisitis honoribus & laudibus vbique adfectus est, nec solum dies, quibus perorauit, sacros coluerunt, eiusdemque orationes dixerunt λαμπάδας, sed & schemata adpellarunt γόργεια & Thesialis γοργιάζειν idem fuit ac ῥητορεύειν. PHILOSTRATVS ³ enim ὅδε Θετταλοὶ σοφίας ἡμέλχον, αἱλλ' ἐγοργιάζον ἐν Θετταλίᾳ, μικραὶ καὶ μέγας πόλεις, ἐς Γοργίαν ὀρώσας

¹ epist. CCIX. ² de oratore cap. 52. ³ de vit. sophistar. lib. I. n. 16. §. 2.

τὸν Λεοντῖνον, ne Theſſali quidem ſapientiae ſtudia negligebant, ſed paruae magnaeque Theſſaliae ciuitates Gorgiſſabant, Gorgiam ſuſcipientes Leontinum; & alibi ¹ confirmat, quod apud graecos, qui fuerint in Theſſalia, γοργιάζειν idem eſſet ac ἐντροπίζειν; vnde non videmus, cur hanc vocis ſignificationem, etiam a PETA- VIO ² & GOTTFRIED OLEARIO ³ probatam impugnare ſibi ſumſerit KVHNIVS, ⁴ confer LVDOVICVM CRESOLLIVM ⁵ & GERH. IO. VOSSIVM. ⁶ at vero his formis uſus eſt GORGIAS intemperantius, quam ob rem CICERO: ⁷ Gorgias autem audior eſt generis eius & his feſtiuitatibus, (ſic enim ipſe cenſet) inſolentius abutitur; quas Iſocra- tes, (quum tamen audiuiſſet in Theſſalia adoleſcens ſenem iam Gorgiam) moderatius tem- perauit. cuiusmodi Iophiſtam PEDIVM et- iam perſtringit PERSIVS: ⁸

*fur es, ait Pedio. Pedius quid? crimina
raſis*

*librat in antithetis. doctas poſuiſſe figu-
ras*

laudatur.

* doctrina de figuris rhetoricis ieiune ac confuſe adhuc tradita eſt a magiſtris artis oratoriae, ſi- ue ipſarum genuinam indolem, ſiue verum uſum, qui ab earum natura pendet, reſpicias. figurae propriae ſunt oratoribus, quae quum conceptus mentis principales ac minus prin- cipales eleganter coniungant, quamdam ſer-

¹ *epiſt. XIII. ad Iuliam Auguſt.* ² *ad Synceſ. p. 81.* ³ *ad Phloſtrat de vit ſe; liſt. lib. I n. 9. S. 2.* ⁴ *ad Aelian. var. hiſt. lib. II. c. 21.* ⁵ *theatr. rhetor. lib. I. cap. 5.* ⁶ *inſtit. orator. lib. V. cap. 5. p. 327.* ⁷ *de oratore cap. 52.* ⁸ *ſatir. I. v. 85. ſeqq.*

monis pulcritudinem efficiunt. vis autem illarum spectat modo intellectum, modo voluntatem. quæ respiciunt *intellectum*, illæ continent voces illarumque compositiones aliis grauiores, & menti auditoris iniiciunt attentionem. quo pertinent *epizeuxis*, *anadi-plosis*, *anaphora*, *symploce*, quibus in argumento leuiori, nulla attentione digno haud locus relinqui potest. quæ pertinent ad *voluntatem*, illæ aut adferunt delectationem, vti *paronomasia*, ὁμοϊόπτων, ὁμοιοπλεον, *parechesis*, quæ adeo in re seria & tristiori haud adhiberi debent; aut mouent ad adfectus, vt *exclamatio*, *aposiopesis*, *prosopopoeia*. schemata igitur, quæ tantum inseruiunt amplificandæ orationi, relinqui possunt philosophis.

§. XXVII. Summum studium sophistæ in hisce ornamentis, quibus orationibus suis maius decus, maiorem voluptatem adicere volebant, posuerunt; nullam autem rationem habentes nec temporis, nec personarum. vbi-que, siue fuerint casus secundi siue aduersi, eandem ostentabant artem. sic HEGESIAS *Magnesijs*, * quum laudare institueret Alexandrum, occasione utebatur præsentis, incendio templi Dianæ Ephesæ, quumue Thebas euersas lugere vellet, adhibebat sententias magis deliciarum, quam luctus plenas, vid. GERH. IO. VOSSIVM. ¹ atqui hæc est causa, cur de hoc dicendi genere multi, qui veram ac grauiorem amabant eloquentiam, senserint finistre, & ab isto omni abhorruerint animo. nam *fides & grauitas oratoria minuitur his exor-*

¹ de historic. græcis lib. I. c. 12. p. 80. adde CICERONEM de claris oratoribus cap. 83. LONGINVM scilicet. 3. DIONYSIVM Halicarnass. περὶ συνδεσ. ὀνομάτων.

*nationibus frequenter collocatis: & non modo tollitur auctoritas dicendi, sed offenditur quoque in eiusmodi oratione auditor; propterea quod est in his lepos & festiuitas, non dignitas neque pulcritudo. quare quæ sunt ampla & pulcra, diu placere possunt: quæ lepida & concinna, cito satietate afficiunt aurium sensum fastidiosissimum. quo modo igitur, si crebro his generibus utemur, puerili videbimur elocutione delectari, ut recte iudicat AVCTOR rhetoricorum ad Herennium. ¹ A. GELLIVS ² autem adpellat hæc sophistarum ornamenta rancida, insubida, inertia, puerilia, etiam versus profert e quinto satirarum LVCILII, quibus tales oratores perstringit merito, confer LVDOVICVM CRESOLLIVM. ³ ex formis, quæ multum adiiciunt ad concinnitatem, suavis oritur sonus, si cum iudicio ac modice adhibeantur. contra quod quum peccarunt sophistæ, nouo vitio sermones suos polluerunt, quamuis aurium sensus iterum titillare vellent. etenim ipsis nihil erat prius, quam numerum oratorium anxie confectari, & cuiusmodi instituere coniunctionem verborum, ut fieret in oratione versus, id quod omnino veræ germanæque eloquentiæ repugnat. orator quippe sic illigat sententiam verbis, ut eam numero quodam complectatur & adstricto & soluto, id est, numerus oratorius debet esse exquisitus; sed ita dissimulatus & latens, ut tamen sentiatur & orationem iucundo sono incipiat, prouehat & concludat. ***

¹ lib. IV. cap. 23. ² noët. *Artic. lib. XVIII. cap. 8.*

³ *theatr. rhetoricum lib. III. cap. 24. & 25.*

* hic HEGESIAS haud confundendus est cum illo, qui Cyrenaicus fuit philosophus & dictus *ἡγεσίας*, de quo CICERO lib. I. cap. 34. Tuscul VALERIVS MAXIMVS lib. VIII. cap. 9. confer MENAGIVM ad LAERTIVM lib. II. segm. 86. pag. 114. tom. II. opp. noster enim, de quo dicimus, multo est iunior, vt discrimen hoc etiam notat FABRICIVS biblioth. græc. lib. IV. c. 32. p. 484.

** auctores sæpius in oratione soluta dixerunt versus per imprudentiam, quorum exempla collegerunt CASPAR BARTHIVS lib. II. c. 6. IV. 13. VII. 19. VIII. 21. XVII. 14. & aliis locis aduersar. SCIPIO GENTILIS lib. II. c. 31. parergor. GERH. IO. VOSSIVS instit. orator. lib. IV. c. 4. §. 3. MORHOFIVS de patavinitate Liuiana p. 200. id quod vitiosum esse, veteres pronuntiarunt ARISTOTELES lib. III. c. 8. rhetoricor. CICERO de orat. lib. III. QVINCTILIANVS lib. IX. c. 4. instit. orator. alii autem ideo hos versus excusant, quod & tales in sacris scripturis deprehendantur. VOSSIVS c. I. p. 75. mentionem facit ex GESNERI biblioth. libri cuiusdam, qui in bibliotheca Vaticana huius inscriptionis: *demetris in prosa* custodiantur; num autem versus aliorum, an ipsius auctoris complectatur, ei incognitum est.

§. XXVII. Sic explanauimus studia veterum sophistarum, quæ de delectatione in animis audientium excitanda adhibuerunt. restat igitur, vt etiam de altera vi oratoria ipsorum, per quam adfectus perturbarunt commoueruntque vehementius, dicamus, quæ vis a priori omnino diuersa est. nam vt discrimen hoc ex vtriusque, suauitatis ac grauitatis

indole patet, ita etiam in usu id obseruandum, qui interdum orationem quidem suauem, minus vero sublimem ac spiritus plenam admittit. hinc oratores extiterunt, quorum sermones suauitate sua omnibus sese commendauerunt; at si quid genere magnifico fuerit dicendum, aut præstiterunt nihil aut saltem exigua perorarunt laude, id quod exemplum testatum facit CRITIAE, de quo PHILOSTRATUS: ¹ τὸ τῆς λόγου πνεῦμα ἐπιπύσερον μὲν. ἢ δὲ καὶ λεῖον, ὥσπερ ἡ τῆς Ἑσφύρας αὐρα. *orationis spiritus saepe infirmior, suavis tamen & ut Zephyri aura lenis.* qui eadem quoque tradit ² de HERODE, quod ipsius orationi inesset suauitas, sed τὸ πνεῦμα ἢ σφοδρὸν, ἀλλὰ λεῖον καὶ καθεσυχές, *spiritus non vehemens, sed lenis, firmus tamen.* atqui multis sophistis id primæ & maximæ curæ fuit, ut apud auditores efficerent ἐκπληξιν, siue stuporem & magnam animi commotionem. sic de GORGIA scribit DIODORVS: ³ τῷ ξενίζοντι τῆς λέξεως ἐξέπληξε τὰς Ἀθηναίους, & DIONYSIVS *Halicanassens*: ⁴ κατεπλήξατο τὰς ἀκούοντας ἐν τῇ δημηγορίᾳ. de ADRIANO vero sophista relatum legimus apud PHILOSTRATVM, ⁵ quod aures ad ipsius orationes singulari voluptate, veluti ad cantum lusciniæ admouerint, τὴν εὐγλωττίαν ἐκπληττόμενοι, nisi hæc verba vertere: *elegantiam linguæ admirati*, & tantum ad suauitatem transferre velimus: confer LVDOVICVM CRESOLLIVM. ⁶

¹ de vitis sophist. lib. I. n. 16. §. 4.

² lib. II. n. 1. §. 14.

³ lib. XII.

⁴ in Lysia.

⁵ de vitis sophist. lib. II. n.

10. §. 5.

⁶ theatr. rhetor. lib. I. c. 15.

§. XXVIII. Stuporem hunc hancque animi commotionem duplici ratione considerare debemus, rationem habentes partim oratorum, qui tales motus excitant, partim auditorum, quorum animos hæc perturbationes affligerunt. ut dispiciamus de priori momento, iterum obseruamus, quod hæc sophistarum vis cum in ipsa oratione, cuius inuentio atque elocutio ad huiusmodi pondus erant compositæ, tum in actione fuerit sita. in ipsis orationibus adfectabant sublime ac magnificum dicendi genus, nec solum in verbis, sed & in rebus, de quibus dicebant, maiestatem præ se ferre adeoque animos audientium magna vi adgredi instituebant. tria enim sunt, quæ sermonem efficiunt sublimem, quorum primum est grauisimum argumentum; secundum, ut ipsius oratoris & cogitatio & adfectus ipsi argumento respondeant, ac tandem sublimia verba, quæ cum ipsis rebus, siue respiciant intellectum siue voluntatem, accurate conueniunt, confer SAMVELEM WERENFELSIUM. ¹ primum igitur declamarunt diligenter de momentis augustis ac splendidis, ac præcipue coniectati sunt orationes panegyricas, a quibus etiam dicebantur panegyristæ. laudabant deos & heroes, Herculem, Iouem, Minervam, Bacchum, Aesculapium & alios; nec minus magnos homines, reges, principes, duces, & claros viros, quos ad cælum vsque efferebant laudibus; & tandem illustres ciuitates. ex quibus inprimis prædicabant Athenas, quum ex illis tanquam ex vberissimo fonte

¹ *dissert. de meteoris orationis §. 3. seqq. qua addita est libræ de logemachis eruditorum.*

dimanarunt ad alias gentes disciplinæ omnesque bonæ artes, & inter has etiam eloquentia. hisce exercitationibus omnes facundiæ vires colligebant, eum tantum in finem, ut dicendi copiam ostentarent, atque hominum animos eorumque fauorem captarent. atqui hæc splendida argumenta, quæ excogitauerant, porro magnificis sententiis illustriora adhuc exhibere, omnia ita copiose narrare, ut coram spectari viderentur, ipsosque adfectus, quos mouere volebant, præ se habere singulari connitebantur studio. cuius rei elegantissimum exemplum deprehendimus in sophista SCOPELIANO, de quo PHILOSTRATUS¹ prodit memoriæ, quod sui excitauerit admirationem *περὶ τὰς ἀκμαιοτέρας τῶν ὑποθέσεων, καὶ πολλῷ πλεον περὶ τὰς Μηδικὰς, ἐν αἷς οἱ Δαρεῖοι τε εἰσι καὶ οἱ Ζέρξαι, argumenta tractans, in quibus aliqua vi dictionis opus esset, qualia Medica, in quibus Darii & Xerxæ.* hæc igitur argumenta, *Μηδικαὶ ὑποθέσεις*, erant omnino sublimia, quibus indolem ac maiestatem regum DARIÏ aut XERXIS expresserunt, ad quam descriptionem non quoduis, sed erectum atque elatum ingenium fuit aptum. quapropter adhuc de eo dicitur: *καὶ γὰρ φρόνημα ἐν αὐταῖς ὑπεκρίνατο, in iis enim & spiritus representauit magnos.* at contra quum POLEMON in sophistam lucanicas & manidas, viliaque obsonia coëmentem incidisset, ὃ λῶσε, dixit, *ἐκ ἑστὶ τὸ Δαρεῖς καὶ Ζέρξας, φρόνημα καλῶς ὑποκρίνασθαι, ταῦτα σιτημένῳ, amice, vix licet* Darii aut Xerxis indolem pulcrè exprime-

¹ de vitis sophistar. lib. I. n. 21 §. 4.

re, tali cibo pasto; ¹ hisque significauit, eum, qui propter paupertatem vili pastu se sustentare deberet, haud spiritus magnos concipere posse, nec aptum esse ad sermonis argumentum sublime.

§. XXX. Tandem magnifica quoque dictione utebantur sophistæ, ad quam plerique sua indole erant procliuēs. alii recte graue orationis decus ac sublimem dicendi formam complectebantur, hæcque lumina cum iudicio adferebant, rationem ipsarum rerum ac personarum habentes, ideoque magnam semper tenebant existimationem. sic de sophista LOLLIANO eiusdemque elocutione PHILOSTRATVS ² dicit: διαφαίνονται δὲ τῷ λόγῳ καὶ λαμπρότητες, λήγῃσαι ταχέως, ὥσπερ τὸ τῆς αἰσραπῆς σέλας; in eius autem oratione splendide quoque dicta elucent, fulgetri coruscantis ad instar micantia; quæ verba illustrat QVINCTILIANVS: ³ tamen & lumina illa non flammæ, sed scintillis inter fumum emicantibus similia dixeris, quæ nec adparent quidem, ubi tota lucet oratio, ut in sole sidera ipsa desinunt cerni. nec non de sophista CRITIA idem auctor ⁴ dicit: τὴν δὲ ἰδέαν τῷ λόγῳ δογματίας ὁ Κριτίας καὶ πολυγνώμων, στυμολογῆσαι τε ἱκανώτατος, ἢ τὴν διθυραμβώδη στυμολογίαν, ἣ δὲ καταφύγῃσαι ἐς τὰ ποιητικῆς ὀνόματα, ἀλλ' ἐκ τῶν κυριωτάτων συγκειμένην, καὶ κατὰ φύσιν ἔχῃσαι, genere vero dicendi Critias creber sententiis fuit & sublimis, atque ad grauitatem maxime compositus, non gra-

¹ Philostrat. de vitis sophistar. lib. I. n. 25. §. 9. ² de vitis sophistar. lib. I. n. 23. §. 2. ³ institus. orat. lib. VIII. cap. 5.

⁴ de vitis sophistar. lib. I. n. 16. §. 4.

vitatem ditthyrambicam tamen, neque ad poetica verba declinantem, sed vocabulis maxime propriis, quæ sit concinnata & plane naturalis: ¹ qui & paullo post tradit: ὥπερ ἀκτίνων αὐγαὶ τὰ Ἀττικὰ ὀνόματα διαφάνεται τῇ λόγῳ, *sicut radiorum fulgores Atticæ voces in oratione eius relucent*: adde exemplum POLEMONIS. ² alii vero sequebantur genus dicendi maxime tumidum atque inflatum, in quo nihil solidi, nihil amœni erat, ea tantum caussa, vt auditores obstupescerent sophistas magna dignitate existimationeque prosequerentur. quam ob rem negligebant propriam & perspicuam orationem, utebantur durioribus translationibus, amabant poetarum formulas, fingeant omniaque sollicito studio colligebant, quæ sermonem maxime efficiunt turgidum. in his exempli loco exhibere possumus GORGIAM, cui PHILOSTRATUS ³ adtribuit παραδοξολογίαν, πνεῦμα, & τὸ τὰ μεγάλα μεγάλως ἐρμηνεύειν, etiam de eo obseruat, quod poetica adhibuerit verba.

§. XXXI. Id, quod in oratione sublime est & magnificum, apud auctores græcos varias habet adpellationes. dicitur quippe πνεῦμα, vt patet ex PHILOSTRATO, ⁴ hinc etiam apud latinos *spiritus* idem est ac animi elatio, quæ vox & aliquando sumitur in bonam partem pro magnitudine mentis; quid autem sit πνεῦμα, id explanat HERMOGENES. ⁵ por-

¹ confer HERMOGENEM πρὸς τὸν, lib. I. c. 6 quem locum illustrat BOVHOVRS arte bene cogitanda dial. II. pag. 82.

² Philostratus de vitis sophist. lib. I. n. 25. §. 10. ³ de vitis soph. lib. I. n. 9. §. 7.

⁴ de vitis sophist. lib. I. n. 9. §. I. lib. II. n. 1. §. 14. n. 15. §. 1.

⁵ de inuent. lib. III. cap. 4.

ro adpellatur *θυμὸς*, quæ vox præcipue significat τὸ παθητικόν, quod continet oratio, prout sæpius nominatus PHILOSTRATUS¹ de DEMOSTHENE tradit, quod ISOCRATEM superauerit *θυμῶ καὶ ἐπιφορᾷ*, quæ posterior vox interdum notat sententiam, qua concluditur apte orationis pars, quali significatione istam posuit HERMOGENES; heic autem videtur pertinere ad vehementiam orationis, breuibz forte sententiis animum vrgentis, vti GOTTFRIED OLEARIVS² obseruat. tertium vocatur *μεγαλωφονία*, quod nomen non solum ad vocem, sed & ad dictionem atque *ἔννοιαν* pertinet; ³ sic & occurrunt voces *κρότος*, *ἦχος* siue *ἦχῶ*, quæ breuibz sunt illustrandæ. vtrumque nomen ejusdem significationis plerumque ad dictionem magnificam & sublimem verborum compositionem, etiam pronuntiationem refertur, quod LVDOVICVS CRESOLLIVS⁴ ita interpretatur: *is κρότος* existerat, *tum ex lectis verbis & sonantibus & genere ipso ἡς συνθήκης*, quæ propter exquisitam structuram, & membrorum atque periodorum plenam dignitatis coagmentationem dulcem quendam & magnificum habebat concentum, tum etiam ex linguae pulsu, & ipsius vocis conformatione atque magnitudine: quæ si omnia mirabiliter in vnum & eundem oratorem conuenissent, facile poterant audientes in admirationem rapti, qui plura hanc in rem collegit. interdum tamen vtrumque harum conjunctionum alte-

¹ de vitis sophistar. lib. I. n. 17. n. 1.² ad Philostrat. p. 304.³ Philostr. de vitis sophistar. lib. I. n. 26. §. 2.⁴ theatr. rhetor.

lib. III. c. 27.

ra ad compositionem; altera vero ad pronuntiationem refertur, ut PHILOSTRATVS¹ dicit de HERODE: κρότος σὺν ἀσφαλείᾳ καὶ Κριταΐζεσα ἤχῳ, ubi quum paullo post huic sophistæ tribuatur πνεῦμα ἢ σφοδρὸν, ἀλλὰ λεῖον, videtur κρότος pertinere ad compositionem; ἤχῳ vero ad pronuntiationem. clarius autem alio loco² discrimen hoc admittit, quum de sophista ADRIANO scribat: τὴν δὲ παρὰ σκευὴν τῶς λέξεως ἀπὸ τῶν ἀρχαίων σοφιστῶν περιβάλλετο, ἤχῳ προσάγων μᾶλλον, ἢ κρότῳ, *dictio- nis autem ornatum ab antiquis sophistis acceptum induit, voce sonora magis, quam tinniente usus*, ubi manifeste ἤχος spectat ad pronuntiationem, κρότος vero ad structuram. præter has adpellationes notum est nomen μέγεθος, quo usus HERMOGENES; item ὕψος LONGINI, quæ voces num sint eiusdem significationis, ut plerique existimant; an inter se differant, quæ est sententia TANAQVILLI FABRI & elegantissimi viri BOILEAV DESPREAVX, disputatur, * ut de aliis nominibus, qualia sunt σεμνολογία, ἐπικρότον, ὑψηλὸς taceamus.

* de inscriptione libri, quem debemus DIONYSIO LONGINO, disputatur. plerique istam verbis ΠΕΡΙ ΥΨΟΥΣ concipiunt. at P. MANVTII, G. LANGBAENII aliæque editiones eam ΠΕΡΙ ΥΨΟΥΣ ΛΟΛΟΥ exhibent. priores hoc specioso argumento sententiam suam muniunt, quod aliquis suspicari possit, fore, ut rhetor de non alia, quam sublimi forma orationis agat. sed vero si ratio hæc firma esse debeat, non videmus,

¹ de vitis sophistar. lib. II. n. 1, §. 14. ² lib. II. n. 10, §. 7.

cur CICERO libros suos rhetoricorum inscripserit de *inventione rhetorica*, vt patet ex QVINCTILIANO & PRISCIANO.

§. XXXII. Superioribus adfirmavimus, vim illam oratoriam, qua animi hominum commouentur vehementius, non solum pendere ab orationis inventione atque elocutione, sed ipsius quoque oratoris actione. quæ quum complectatur partim gestum motumque corporis, partim pronuntiationem, nos autem de priori supra iam disputauerimus; restat, vt de posteriori dispiciamus breuiter. nam QVINCTILIANVS¹ hæc habet: *pronuntiatio a plerisque actio dicitur, sed prius nomen a voce, sequens a gestu videtur accipere. namque actionem Cicero alias quasi sermonem, alias eloquentiam quandam corporis dicit. idem tamen duas eius partes facit, quæ sunt eadem pronuntiationis, vocem atque motum, quapropter utraq; adpellatione indifferenter vti licet.* decet bonum oratorem, omnia clare, accurate & iucunde efferre, quæ tres virtutes in pronuntiatione maxime sunt necessariæ. quarum prima intelligitur oratio; secunda linguæ moderatio pro diuersitate rerum instituitur, ac sermonis comparatur dignitas; tertia autem animus audientis adficitur delectatione. tria quoque sophistæ consecrati sunt in pronuntiatione studiosissime: linguæ ῥυθμὸν, ἢ χῶ τῇ φθέγμαλος, vt omnia voce, qua possent, & maxima & suauissima dicerent; & ὠδὴν, id est cantum, de quo momento copiose disseruit LVDOVICVS CRESOLLIVS.² alii ex illis obserua-

¹ insit, orator, lib. XI. c. 3.

² vacationib. autumnal.

bant dignitatem omniaque temperabant cum iudicio; at alii committebant multa ieiuna, atque ut existimationi suæ consulere, adfectabant magnificam & diuinitatis plenam pronuntiationem. neque pro rerum atque adfectuum; neque partium sermonis ratione varium sequebantur pronuntiandi modum; sed ut animo erant elati, ita ore quoque ac voce maiestatem ubique præ se ferebant, atque omnia verba singulari quadam grauitate emittebant.

§. XXXIII. Huiusmodi orationes & sententiis & verbis magnificæ magnum sæpe pon in hominum animis habuerunt. illi qui veram atque integram eloquentiam studiis suis complectebantur, sapientiæ quoque cultores virosque magnæ auctoritatis ac dignitatis capere atque animos illorum concutere poterant. sic C I C E R O Ligarium, quem Tubero filius confecto bello ciuili, adculauerat, quod contra voluntatem senatus Africam retinisset, defendit, etiam eo rem deduxit, ut teste P L V T A R C H O, ¹ Cæsar orationis vi expugnatus Ligarium, olim hostem iudicatum absolueret. sic grauis fuit dicendi facultas apud P E R I C L E M, qui quum contra voluntatem Atheniensium loqueretur pro salute patriæ, in eorum mentibus, qui audierant, quasi aculeos quosdam reliquit, auctore C I C E R O N E. ² nec solum tanta vi dixerunt, ac per actionem orationes suas effecerunt grauiore; sed & sermonibus scriptis, si quidam illos legerint, tale insitum fuit pondus, cuius rei exemplum

¹ vit. Ciceron. t. I. p. 880. ² de oratore lib. III, cap. 34. adde P L A T O N E M in Phædro p. 354.

habe-

habemus in DEMOSTHENE. DIONYSIVS enim *Halicarnassens* ¹ θυμόν ipsius describit, & postquam dixisset, se ISOCRATEM legentem πολὺ ἔχειν τὸ εὐσαφές τῆς γνώμης, subiungit: ὅταν δὲ Δημοσθένης τίνα λάβω λόγον, ἐνδοσιῶ τε καὶ δεῦρο κακῆίσε ἀγομαί, πάρος ἕτερον, ἐξ ἐτέρων μελαλαμβάνων, ἀπιστῶν, ἀγωνιῶν, δεδιώς, cetera. alii autem sophistæ, qui disciplinam oratoriam turpiter depravabant, apud multitudinem ac plebem magna vi dixerunt, quoniam sese accommodarunt ad populi errores ac prauos adfectus.

§. XXXIII. Copiose igitur disputauimus de summis studiis veterum sophistarum, quibus vim oratoriam consecrati, atque ope illius animos audientium expugnare elaborauerint. quæ omnia eo nomine collegimus, vt causæ atque occasiones paterent, quibus deducti fuerint in opinionem de instinctu diuino sophistarum. namque quum per admirationem & animorum commotionem vehementem adquirerent sibi auctoritatem, per eloquentiam autem delectationi consecratam multorum favorem conciliarent; facile ipsorum fallaciæ & fraudes, quibus cælestes adflatus simularunt, prosperos habere poterant successus. inprimis vero, quum dicerent ad populum, per quem anilis fere fusa erat superstitio & in quo proiecta adfectuum libido dominabatur, cui indoli inferuire, & per calliditatem vbique rebus suis consulere annitebantur sophistæ. quæ indoles erat præcipue Atheniensium, vt ex ipsis diuinis scripturis ² cognoscimus. PAVL-

¹ de admir. vi discendi in Demosth. §. 12. 7. 16. sqq.

² Actor, XVII.

LI enim, quem Athenis esset, πνεῦμα παρωξύνειο ἐν αὐτῷ, θεωρεῖν καλεῖδωλον ἥσαν τὴν πόλιν, quæ verba significant, quod apostolus hic cognouerit, urbem hanc KATEIDΩΛON. quam vocem dici ea forma adfirmat CASAVBONVS, qua a græcis κατὰ δένδρα dicuntur loci, vbi multæ sunt arbores, κατὰ δρυμοί loci siluosi, vt proinde KATEIDΩΛΟΣ πόλις vrbs sit, in qua magna statuarum copia, quibus dii dæue atque heroës repræsentantur. sic magna vi vrbs hæc a PAVLLO adpellatur KATEIDΩΛΟΣ *idolis quasi confita & referta*, quorum omnino singularis ibi erat multitudo, vt vetusta monumenta fatis testantur, vide ex antiquis PAVSANIAM; ¹ ex recentioribus IO. MEYRSIVM ² & eruditos loci huius interpretes ERASMVm, BEZAM, PRICAEVm, HAMMONDVm, GROTIUM, & alios. ad hæc de Atheniensibus diuinus auctor LVCAS ³ dicit: εἰς ἃδὲν ἕτερον εὐκαίρην, ἢ λέγειν ἰε καὶ ἀκχεῖν καινότερον, vbi siue vocem καινὸν explanes per ποιῶμι, siue per παράδοξον, quæ significatio etiam firma est, * vtrumque consentaneum est indoli huius populi. sed vero Athenis magna erat vbertas, magna copia sophistarum & oratorum, qui ibi vires eloquentiæ suæ explicare contendebant, vt adeo haud sit mirum, quod Atheniensibus & superstitioni deditis, & novarum rerum studiosissimis adflatus diuinos persvaserint.

* sic v. 19. doctrina PAVLLI dicitur διδασκὴ καὶ ἡ, id est continens παραδόξον τι, prout quoque καινὸν εὕρημα, mirabile inuentum est apud XENOPHONTEM.

¹ Attic. ² Athenis Atticis. ³ loc. cit. v. 21.

HISTORIA LOGICAE.

PROLEGOMENA
DE
HISTORIA ARTIS LO-
GICAE GENERATIM

ΣΤΝΟΨΙΣ.

De voce logicae §. I. de indole & natura logicae §. II. quomodo ipsius historia sit conscribenda, ostenditur §. III. de dignitate atque utilitate huiusmodi historiae §. IIII. auctores, qui huius artis fata illustrarunt, commemorantur §. V. opera huc spectantia promissa; minus autem edita recensentur §. VI. summa operis nostri indicatur §. VII.

§. I.

Nobis est propositum, historiam disciplinæ philosophicæ, quæ *logica* appellatur, tradere, eiusdemque fata ex monumentis probis commemorare; quam operam quum præstare instituamus, non ab re esse ducimus, de indole ipsius doctrinæ breuiter quædam disputare. nec vlli, qui vel leuiore græcæ linguæ valet cognitione, obscurum esse potest, quod vox *logica* originem suam trahat a nomine λόγος, quod quum non solum significet rationem; sed & sermonem, ut obseruant ERASMVVS SCHMIDIVS¹ & BALTHASAR STOLBERGIVS;² disputarunt philosophi, præsertim illi, qui dicuntur scholastici, quænam significatio in hac adpellatione valeat? alii existimarunt, dici hanc disciplinam *logicam* propter rationem &

¹ obseru. ad euangel. Ioann. cap. I. ² dissert. de λόγος et το πλατωνικο in libro de solacis finit. N. T. p. 126.

intel-

intellectum humanum, quem emendare & a vitiis purgare, proprium munus logicæ esset, alii vero vocem hanc respicere putant sermonem, siquidem cogitationes, quas producit intellectus, sibi veluti sermones internos præsentant, quam opinionum discrepantiam non magni esse momenti censemus. etenim utraque sententia eo spectat, quod logica versetur in rebus, quæ pertineant ad intellectum humanum, quamvis ipsius cogitationes proprie haud sint sermones interni. nonnulli ex antiqua ætate nomen hoc ea sententia usurpant, ut etiam theologiam, seu doctrinam de rebus diuinis significauerit, quod fecit PLATO; item grammaticam & rhetoricam, quæ amplior notio plane est singularis: confer GERH. IO. VOSSIVM ¹ & CHRISTIANVM THOMASIVM ².

§. II. Intelligimus autem per logicam illam philosophiæ doctrinam, quæ de veritatis indole agit, ac media demonstrat, quibus homo aptum se reddere potest ad cognitionem veri est falsi. qua definitione satis clare iudicamus, nobis haud esse in animo, de facultate naturali, quæ hominibus inest, cogitandi, veritatem percipiendi, etiam ex positis ante principiis deducendi consequentias disputare; quin etiam profiteamur, logicam illam naturalem. quam nonnulli produnt, haud vere dici posse *logicam*. namque nomen hoc respicit quamdam disciplinam ad formam regulamque artis compositam, adeo ut officii nostri esse ducamus, ex historiarum monimen-

¹ de natura & constitut. logic. cap. 1. cap. IV. §. 18. sqq.

² philosophia antica

tis philosophorum studia enarrare, quibus viam ad artem bene cogitandi ac sensum veri excitandi aliis demonstrare elaborauerint, primum quidem rudiori quadam opera; post-hac autem, quum litteræ philosophicæ magna caperent incrementa, plenior eleganti-
 rique. at vero si de dignitate disciplinarum merito velimus sentire, omnino ipsam ex illarum argumentis petere debemus, quæ quo excellentiora sunt, eo maius quoque pretium doctrinis ponendum esse censemus, quod quum ita est, non possumus, quin logicæ summam habeamus dignitatem atque existimationem. nec mirum est, quod C I C E R O ¹ logicam egregie laudauerit ac pronunciauerit, iuris ciuilis magnum vsum apud multos fuisse, artem in vno Servio Sulpicio: *quod numquam, ait, effecisset solius iuris scientia, nisi eam præterea didicisset artem, quæ doceret rem vniuersam distribuere in partes; latentem explicare definiendo, obscuram explanare interpretando; ambigua primum videre, deinde distinguere, postremo habere regulam, qua vera & falsa iudicarentur & quæ quibus positæ essent quæque non essent consequentia.* etenim tanta dignitas atque excellentia veritatis est, vt ex illius sensu magna vis ad bonos rectosque mores efformandos adeoque ad felicitatem hominum stabiliendam oriatur, quæ quum ope logices promoueat, nemo sane de præstantia doctrinæ huius dubitauerit. quin etiam si modo literarum studia, quæ iure ac merito semper media ad salutem mortalium adferre debent, respiciamus, siue rebus diuinis, siue

¹ Bruto.

legibus cognoscendis, siue arte medendi abfoluantur, ista nunquam ope logices carere possunt, nisi quis per memoriam tantum sine iudicio eruditionem sibi compasare instituat.

§. III. Quod si autem historiam logicæ tradere, induximus animum, pro historiarum indole necesse habemus, illius originem, progressum, fata, siue fuerint prospera, siue adueria, commemorare, ita vt non solum auctorum atque philosophorum, qui in hoc scientiarum genere extiterunt celebres; sed etiam ipsius disciplinæ eiusque doctrinarum rationem habeamus. namque ab eorum moribus atque institutis abhorremus plane, qui quum historias disciplinarum describere instituant, operi suo satisfecisse videntur, quando pro temporum ratione scriptores eorumque monimenta copiose enarrant; ipsa autem illorum studia, quibus disciplinas modo ornarunt; modo corruerunt, relinquunt intacta. nec cuiusvis ingenii indoles fert, accurate ac pro rei dignitate res gestas litterarum explanare. scilicet tantum abest, vt nuda auctorum ac librorum cognitio ope memoriæ adquisita sufficiat, vt necesse sit, doctrinam ipsam ac disciplinam, cuius fata explicanda quis habeat sibi proposita, exploratam tenere ac cognitam. multo minus illorum, qui historias scientiarum litteris consignant, rationem probare possumus, quum originem litterarum, etiam doctrinarum cuiusue generis repetunt a longissimo tempore, quin immo a prima mortalium ætate, ita vt de cognitione logicæ, quam pare-

res nostri primi habuissent, quoque edisserant. illo enim ævo litterarum studia ea facie eaque forma, quam posthac præ se tulerunt, etiam adhuc præ se habent, quum ad regulas artis sint accommodata, minus floruerunt; quamvis haud negauerim, naturam mortalibus illa tempestate indidisse non mediocrem vim, varias res cognoscendi. nec causas percipere possum, cur disciplinis litterariis tam nimiam vindicent antiquitatem, præsertim quum subinde haud maius pretium, aut dignitas quædam excellentior illarum possit oriri.

§. IIII. Magnum pretium historiæ philosophicæ quisque sapientiæ ingenuus cultor ponit, quippe quæ non solum in ipsis disciplinis, quas complectitur philosophia; sed & aliis superioribus clarissimum lumen nobis adferre potest, ita ut eius ope fata sapientiæ ac stultitiæ humanæ; fundamenta opinionum philosophorum; genuinam sententiarum ætatem, hæresium causas aliaque possimus intueri, qua de re legas EPHRAIM GERHARDVM¹ & C. A. HEVMANNVM². quod si ita est, sicuti est, nemo operam nostram, quam in conscribenda historia logices collocabimus, pronuntiabit inutilem, præsertim quum ab aliis, qui in hoc negotio iam versati sunt, multa nec leuiora momenta nobis fuerint relicta, quæ distinctius ac diligentius ex plananda atque illustranda esse censemus. Princeps enim nobis propositum est, non modo genuinam logicæ originem demonstrare, eiusdemque occasionem ex probis monumentis ostendere; sed & per varias ætates progressum illius ac

¹ introd. in *hister. philosoph.*

² *alt. philos. part. 1. pag. 1.*

fata ita proponere, vt tradamus partim quid philosophi hac in re docuerint; partim quo studio ipsi artem cogitandi veramque libertatem exercuerint. qua ratione necesse est, animum semper ad duplicem modum philosophiam tractandi, *sectarium* atque *eclecticum*, vt dicitur, aduertere: quo cognito, facile causas possumus obseruare, cur logica modo feliciori, modo aduersa sorte fuerit vsa. quod si enim philosophum quendam prauus adfectus & singulare studium auctoritatis occupauit, quid mirum, quod haud prosperiori successu logicam conscribendam adgredi queat? sic quamuis iam alii de hac historia exposuerint; restant tamen multa a nobis dicenda, vt ex ipso opere patebit.

§. V. Verum enim vero haud inconsumtum erit, scriptores illos, quibus in hoc historiarum genere aliquid debemus, commemorare, & in certas classes distribuere.

Auctores, qui de fatis & scriptoribus logices disseruerunt.

1) *generatim.*

PETRVS RAMVS, qui edidit *scholas in liberales artes*, Basil. MDLXXVIII. fol. quibus continentur scholæ *grammaticæ* lib. xx. *retoricae* lib. xx. *dialecticae* lib. xx. *physicae* lib. viii. *methaphysicae* lib. xiiii. *mathematicae* lib. xxi. primus autem liber scholarum dialecticarum agit de logicæ auctoribus, & complectitur octo capita, quorum primo de logica *primorum parentum*; secundo de logica *mathematicorum*, in primis *Pythagoreorum*; tertio de logica *physicorum*, siue philosophorum scholæ Ioni-

cz

cæ usque ad tempora Socratis, qui inprimis rebus naturæ cognoscendis operam derunt; quarto de logica *Socratis Pyrrhonis & Epicureorum*; quinto de logica *Antistheniorum & Stoicorum*; sexto de logica *academicorum*; septimo de logica *Peripateticorum*; octavo de logica *Aristotelicorum interpretum & præcipue Galeni* disputatur.

BARTHOLOMAEVS KECKERMANNVS, qui edidit *systema systematum*, cuius tomo primo etiam continentur *præcognitorum logicorum tractatus tres*, quorum secundus exhibet *historiam logicam*, ita ut disleratur capite secundo de factis logicæ *a principio mundi usque ad annum servatoris nostri* MD. tertio ab hoc tempore usque ad *etatem Petri Rami*; quarto de *Rami & Rameæ discipline proprietatibus*; quinto de *logicis a tempore Rami usque ad etatem auctoris*.

10. a WOWER, Hamburgensis, protulit in lucem opus de *polymathia*, quod prodiit MDCIV. 4. & cura IACOBI THOMASII Lipsiæ MDCLXV. 8. item tomo X. thesauri antiquitatum græcarum IACOBI GRONOVII. prout WOWER opere hoc in primis de studiis litterarum veterum erudite disputat; ita quoque capite XX. p. 184. de *dialectica* quædam profert, atque illustrat præcipue voces *διαλεκτική* & *λογική*, brevius quidem, quam argumenti dignitas & copia postulant.

GERHARDVS IO. VOSSIVS, cui debemus libros II. de *logices & rhetoricæ natura & constitutione*, Hag. Comit. MDCLVIII. 4. qui etiam inter opera VOSSII extant. liber de

de logices natura & constitutione complectitur capita XIII. quibus haud integram quidem logicæ historiam tradit; multa tamen adfert, quæ illam possunt illustrare, quum capite primo differat *de variis logicæ artis nominibus*; secundo *de genere logicæ*; octavo *de logices inuentore & per varios incremento*; nono *de logices divisione*; decimo usque ad vltimam *de scriptis logicis Aristotelis*.

PETRVS GASSENDVS, cuius opera omnia in sex tomos diuisa prodierunt Lugduni MDCLVIII. fol. quorum tomus primus continet *syntagma philosophicum*, cuius pars prima est *logica*, & complectitur præter *institutionem logicam* duos libros, quarum alter agit *de logicæ origine & varietate*, ac quidem capite primo *de origine & inuentione logicæ*; secundo de logica *Zenonis seu Eleatica*; tertio de logica *Euclidis seu Megarica*; quarto de logica *Platonis*; quinto de logica *Aristotelis*; sexto de logica *Stoicorum*; septimo de logica *Epicuri*; octauo de logica *Lullii*; nono de logica *Rami*; decimo de logica *Verulamii*; vndecimo de logica *Cartesii*.

RENATVS RAPINVS, qui scripsit *reflexions sur la logique*, quibus multa collegit, quæ fata logicæ cognoscenda illustrare possunt.

CHRISTIANVS THOMASIVS, qui *introductionem ad philosophiam aulicam* MDCLXXVIII. protulit, cuius editio secunda MDCCL. lucem aspexit: & in primis capite quarto p. 86. *de prudentia cogitandi & ratiocinandi* varia momenta ex historia philosophica attingit,

tigit, quæ artem logicæ eiusque fata possunt illuminare, quod & fecit *cautel. circa præcognit. iurispr. cap. x. p. 191.*

GEORGIUS PASCHIVS, quem heic ideo commemoramus, quoniam de *inuentis nouantiquis* cap. 11. differit de logica Aristotelis, Cartesii, de arte Lulliana, de variis disputandi modis.

IACOBVS FRIDERICVS REIMMANNVS, qui edidit *critisirenden Geschichts-Calender von der logica, darinn das Steigen und Fallen dieser hoch-vortrefflichen disciplin von Anfang der Welt bis auf das Jahr Christi 1600. entworfen*, Francof. ad Moen. MDCXCVIII. 8. qui auctor existimat, quod prima disputatio theologica habita sit in paradiso inter Euam & Diabolum. titulum libri huius IO. MOLLERVS præf. ad MORHOFII polyhistoris continuationem §. x. adpellat *ridiculum* atque *absonum*: hancque adpellationem, quod operis huius inscriptioni omnino conueniat, iterum tueretur epistola quadam aduersus REIMMANNVM, quæ legitur part VII. p. 690. diarii litterarii teutonici: *ausführlicher Bericht von allerhand neuen Büchern*; contra quas adcusationes sese defendere instituit præfatione *introductionis in historiam litterariam germanorum* part. III. sect. 2. cuius libri sectione 1. part. III. p. 446. etiam merita germanorum in artem logicæ speciatim commemorantur.

CHRISTIANVS IVNCKERVS, qui Altenburgi MDCCXIV. edidit *lineas primas eruditionis vniuersæ*, quarum pars posterior, quæ *lineas heraldicæ, rei nummarie & antiqui-*

tiquitatum exhibet, post fata auctoris vsui publico tradita est. quum huiusmodi rationem scribendi sibi elegisset, vt scientiarum traderet historias breuiter, paucis etiam parte secunda p. 2. de fati*s* logicæ disseruit.

IO. FRANCISCVS BVDDEVS, qui editioni *artis cogitandi* Hal. MDCCIIII. 8. præfationem præmisit, & ista disseruit *de fati*s* studii logici, eiusque vera indole, adminiculis & defectibus*.

IO. IACOBVS SYRBIVS, cuius *institutiones philosophiæ rationalis eclesiæ* Ienæ MDCCXVII. 8. in publicam emissæ sunt lucem, præfatione ornatæ, quæ fata quoque artis huius a prima ipsius origine vsque ad hæc tempora breuiter commemorat.

GOTTLIEB STOLLE, qui vt consuleret incrementis historiæ litterariæ, anno MDCCXVIII. edidit lingua teutonica: *Kurze Anleitung zur historie der Gelahrtheit*, cuius libri parte secunda eiusque capite secundo p. 115. deprehendimus historiam logicæ & metaphysicæ, quæ inprimis ipsius fata tempore recentiori nobis explanat diligenter.

ANDREAS RVDIGER, qui editioni tertię MDCCXVII. *institutionum eruditionis* præmisit præfationem, qua §. 9. sqq. breuissime de fati*s* harum litterarum disserit. nec silentio dimittere possumus

GEORGIVM WEGNERVM, qui edidit, disquisit. historico-philosophicam *de origine logices* MDCLXVII. 12. de qua eiusque auctore disserit VINCENTIVS PLACCIVS de scriptoribus anonymis p. 321. 1295.

PETRVM

PETRUM AVRIVILLIVM, *Geualiensem*, professorem logices & metaphysices, posthac græcæ linguæ & theologiæ in academia Vpsalienti, qui edidit orationem de *origine, antiquitate & priscis logica cultoribus*, cuius mentionem facit IO. SCHEFFERVS Suecia litterata p. 230. scriptores autem logicarum tantum recensent.

1 DANIEL GEORGIUS MORHOFIVS in polyhistore philos. tom. II. lib. 5.

BVRCARDVS GOTTHELF STRVVIVS bibliotheca philosophica capite IV. cui adiungas IO. HENRICI ACKERI, supplementa p. 40. seqq. qui STRVVIVS etiam scriptores logicarum iuris commemorat bibliothec. iuridic. cap. VIII. §. 2 p. 283. ut in præsentî de BOLDVANI, DRAVDII, LIPENII bibliothecis philosophicis, item SPACHII nomenclatore philosophico taceamus, quos auctores quisque consulere potest, si modo haud facile ubique ipsis adhibeat fidem.

2) *speciatim*

(a) *ratione variarum gentium & sectarum.*

CORNELIVS DIETERICVS KOCHIVS, qui Helmstadii MDCCX. edidit *initia polyhistoris logici*, quibus disputat capite primo de logica *diuina*; secundo de logica *angelica* & tertio de logica *heroica* siue *mythica*; anno MDCCXIII. autem ipsius studio prodiiit *incrementum polyhistoris logici*, quo adparet caput quartum de logica *patriarcharum*.

IO. FRANCISCVS BVDDEVVS, in cuius *introductione ad historiam philosophiæ Ebræorum*,

rum, quæ auctior multis accessionibus iterum Halæ Saxonum MDCCLX. 8. prodiit, multa deprehendimus, quæ studium logices apud Hebræos possunt illustrare.

IACOBVS FRIDERICVS REIMMANNVS, qui *historia litteraria ante diluuiana* p. 49. quædam obseruat de logica primorum parentum nostrorum, de qua paullo post differamus copiosius.

IACOBVS GVILIELMVS FEVERLINVS, cuius auspiciis Altorfii edita est dissertatio de *philosophia Adami putatitia* MDCCLXV. & alia de *Adami logica, metaphysica, mathematica, philosophia practica & libris* MDCCLXVII.

IO. IVLIVS STRVVIVS, cui debemus *rudimenta logicæ Ebræorum ex Iudeorum scriptis eruta exemplis copiose illustrata*, Ienæ MDCCLXVII. 4. quæ tribus dissertationibus in nostra academia publico eruditorum examini exposuerat. tradit auctor atque illustrat logicam Ebræorum eam, quam nonnulli dicunt *Talmudicam*, quoniam contineat præcepta per libros Talmudicos diffusa, quibus sacri codicis sententia recte inuestigari, & inde ex mente Rabbiorum veræ consequentiæ, quibus ipsorum Talmud nititur, deduci possent. præmio huius operis disseritur de logicæ Ebræorum origine, variis nominibus, ac scriptoribus; capite autem primo de *ipsis interpretandi & argumentandi regulis Ebræorum*; capite secundo traditur *logicæ Hebræorum methodica tractatio*; & caput tertium exhibet *quædam paralipomena*.

ION. CONRADINVS SCHRAMMIVS, qui scripsit *introductionem in dialecticam Cabaleorum methodo Peripateticorum potissimum conformatam*, Brunſuigæ MDCCIII. 8. caput primum demonstrat *veritatem etiam ab Hebræis & in specie ex ipsorum Cabala petendam esse*; capite secundo differit auctor de *discrimine exotericorum & acrosmaticorum apud Cabbaleos*; capite tertio de *sephirarum scopo & ordine*; capite quarto de *propositionibus cabbalisticis harumque compositione & examine*; capite quinto de *sylogismorum cabbalisticorum principiis, veritate ac natura*; capite sexto de *vitiis & fraudibus, quæ inesse solent argumentis cabbalistarum*. quamvis STRUVIVS & SCHRAMMIVS potius logicas Ebræorum atque auctorum Cabbalæ scripserint, quam ipsarum fata exposuerint; ex ipsorum tamen monumentis multa peti possunt, quæ historiæ harum litterarum non mediocrem adferunt lucem. nec defuerunt, qui scriptores logicarum ex gente Ebræorum collegerunt eosque enarrarunt, id quod præstiterunt auctores bibliothecarum Ebræorum, quos diligenter IO. CHRISTOPH. WOLFIVS præfatione bibliothecæ Ebrææ recenset.

THOMAS STANLEIVS, qui historiam philosophiæ, cuius elegantem interpretationem latinam GOTTFRIED OLEARIO debemus, edidit eaque ex antiquis monumentis multa collegit, quæ ad historiam logicæ apud veteres græciæ philosophos pertinent. etenim exhibet p. 326. *doctrinæ Platonis lineamenta auctore ALCINOÏ*, qui capite

pite IV. V. VI. dialecticam Platonis exponit; p. 443. sqq. differit de logica *Aristotelis*; p. 554. de dialectica *Stoicorum* p. 1952. de canonica *Epicuri*.

ADAMVS BURSIVS, cuius opus extat, quod inscribitur: *Ciceronis dialectica*, quam ex Stoicorum maxime sententia in scriptis dispersè reliquit, Samoscii MDCIIII. 4. quod opus dicit I. ALB. FABRICIVS biblioth. latin. lib. I. c. 8. p. 148. *præclarum ac raro certe obuium*, eiusque mentionem faciunt IVSTVS LIPSIUS centur. V. epist. 57. miscell. SCHILTERVS manu duct. philos. moral. ad iurisprud. cap. I. §. 9. & GERH. IO. VOSSIVS de logices natura & constitutione cap. VIII. §. 29. p. 40. de eo ita iudicat: *iccirco bonam operam nauauit Adamus Bursius Samosciensis academiae professor opere eo, quod dialecticam Ciceronis inscripsit. nam tres in eo personas inducit, Stoicum, Peripateticum, academicum; proque tribus istis trium sectarum logicam exposuit. interque cetera hoc commodi præstat, quod melius ex eo Cicero, & alii intelligantur.*

IO. ALBERTVS FABRICIVS, qui Lipsiæ MDCXCII. edidit disputationem de *cavillationibus Stoicorum*; anno MDCXCIX. Hamburgi *specimen historiae logicae elenchticum*; etiam *bibliotheca græca*, qua de antiquis philosophis atque illorum scriptis copiose & solide differit, haud cōtemnendam fecit facultatem, historiam logicæ accuratius scribendi atque ornandi. idem argumentum de *cavillationibus Stoicorum*, libro quodam se ex-

posuisse, testatur VOSSIVS de sēctis philosophorum cap. XI. §. 6. p. 66.

10. ANDREAS SCHMIDIVS, cuius disputatio de *Chrysippea brutorum logica* Ienæ MDCLXXXIX. prodit.

10. PETR. LVDOVICVS, Hal. Saxon. MDCXCIX. disputatione quadam inaugurali exposuit *historiam rationalis philosophiæ apud Turcas*. de cetero inprimis adhuc sunt tres, qui nostra ætate de Turcarum philosophia quædam tradiderunt: BAPTISTA DONATIVS *della letteratura de Turchi* Venet. MDCLXXXVIII. 12. SAMVEL SCHELWIGIVS oratione de *philosophia Turcarum* Gedan. MDCLXXXVI. ABRAHAM HINCKELMANNVS præfatione ad *Alcoranum* MDCXCIV. a se editum, qua ostendit, omnia philosophiæ studia florere in Arabia; artem logicæ autem silentio dimittit.

(b) *ratione variarum ad logicam spectantium doctrinarum.*

IACOBVS BRVCKERVS, auctor dissertationis, quæ inscribitur: *tentamen introductionis in historiam doctrinæ logicæ de ideis*, Ienæ MDCCXVIII.

10. FRIDEMANNVS SCHNEIDERVS, qui Halæ protulit in lucem *dissertationem de variis argumentandi methodis veterum & recentiorum*, qua disputat de methodis argumentandi generatim; de oratione continua; de dialogis; de inductione; de sorite; de methodo hypothetica; de variis veterum sophismatibus nostra ætate incognitis; de argumentatione actiua Diogenis Cynici; de argumentatione ab invidia; de methodo

Ra-

Ramistica; de methodo mathematica; de methodo syllogistica.

10. ANDREAS SCHMIDIVS, qui conscripsit *brevem disquisitionem de diuersis disputandi processibus*; inprimis apud Iudæos & græcos, ac speciatim de modo per dialogos Megarico, per syllogismos Cynico, mathematico. opere hoc auctor *logicam Ebraeorum & logicam nou-antiquam* promittere videtur.

10. CASPAR GVNTHER, cuius dissertationem de *modo disputandi Megarico* Ien. MDCCVII. habemus.

(c) *ratione diuersorum logicam tractandi modorum.*

11. IACOBVS GVILIELMVS FEVERLINVS, qui anno MDCCXII. Ienæ edidit dissertationem de *variis modis logicam tradendi, speciatim de logica symbolica*, ubi capite primo §.4. obseruat, logicam tradi posse vel ornate; vel nude sine ornamento quodam; ornatum autem peti vel ex loco similium; vel ex loco exemplorum; vel testimoniorum; ad logicam ex loco similium transferri *symbola, emblemata, hieroglyphica*. anno eodem Lipsiæ aliam scripsit de *logica hieroglyphica*; & anno MDCCXV. Altdorfii programma de *logicis paradigmaticis theologicis, iuridicis aliisque*.

§. VI. Auctores hosce commemorare, e re nostra omnino fuit, vt pateat, qua cura quoque studio culta atque ornata fuerit historia logices, quamuis hanc recensionem ita elaboratam esse, vt nulla fieri posset accessio, adfirmare nolim. sufficiat enim, principes huius-

modi scriptores annotasse, eosque inprimis, quos adhuc ipsi ad usus nostros contulimus, ex quo animum ad artis logicæ fata exponenda convertendi cepimus consilium. fuerunt quoque, qui idem propositum mente sua conceperunt, ut argumentum hoc explanandum sibi fumerent; sed modo per necessitatem mortis; modo per alias occupationes promissis ipsique voluntati suæ ac desideriis aliorum haud satisfecerunt. quo spectant

VINCENTIVS PLACCIUS, qui in catalogo librorum edendorum præter *bibliographiam logicam* etiam promisit orbi erudito *historiam logicam*.

IO. PETR. LVDOVICVS, qui extremo dissertationis *de philosophia rationali apud Turcas* supra commemoratæ *polybistorem logicum* se meditari, significat, eiusque novem libros constituit, ita ut liber primus disferat *de inuentione artis ratiocinandi vniuersim*; secundus *de inuentione dialecticæ græcorum*; tertius *de sectis logicorum apud græcos*; quartus *de logica Aristotelis*; quintus *de logica emendatoribus aut inuentoribus nouarum*; sextus *de logicis practicis*; septimus *de logicis aliarum gentium*; octauus *de bibliotheca logica*; nonus *de iudiciis logicarum*.

SEVERINVS LINTROPPIVS, qui in *reliquiis incendii Bergensis* p. 47. pollicitus est *historiæ logicæ breuiarium & schediasma historicum de fati metaphysicæ*.

IACOBVS FRIDERICVS REIMANNVS, qui *introductione ad historiam litterar. gener.* p. 59. testatur, se conscripsisse opus latinum

tinum de artis ratiocinandi primis auctoribus.

§. VII. Quod ad nostram operam adinet, quam historię artis huius describendę consecrabimus, per ordinis rationem exercitationem hanc distribuamus in tres libros:

LIBRI I. de origine artis logicę.

Caput 1. *de falsa ipsius origine.*

2. *de vera eius origine.*

LIBRI II. de progressu ac fatis logicę.

Capitis 1. *de progressu ac fatis artis logicę generatim per varios auctores.*

Sect. (1) tempore vetustiori.

Sect. (2) tempore medio.

Sect. (3) tempore recentiori.

Caput 2. *de origine, progressu & fatis doctrinarum logicę speciatim.*

Caput 3. *de variis modis logicam tradendi speciatim.*

LIBRI III. de varia existimationis logicę fortuna.

Caput 1. *de fortuna prosperiori.*

2. *de fortuna aduersa.*

qua ratione, quam nobis præscripsimus, quęuis momenta eaque præstantissima, quę observatione digna sunt, attingere elaborabimus, ita vt non solum respiciamus auctores ac doctrinas logicę; sed & vsum illius ac depurationem, quę fuit multiplex. atqui hæc omnia nunc distincte ac breuiter explanabimus.

LIBRI I.
DE
ORIGINE ARTIS
LOGICÆ.

CAPVT I.
DE
FALSA ILLIVS ORIGINE.

Σ Τ Ν Ο Ψ Ι Σ.

Num origo logicæ sit diuina §. I. II. sententia de logica angelica & mythica reiiicitur §. III. IIII. de logica Adami §. V. Caini, Abelis §. VI. Noachi, Abrahami, Iobi §. VII. de logica Moſis, Salomonis, item vrin & thummin §. VIII. hæc omnia confutantur atque cauſæ huius falſæ opinionis ostenduntur, quarum exponitur altera §. VIII. altera vero §. IX. X XI. XII. qualis cognitio veritatum hisce hominibus fit adſcribenda §. XIII. XIII.

§. I. **A**Ntequam veram logicæ originem demonſtramus, non ab re erit, in illorum ſententiam inquirere, qui iſtam partim a Deo, partim ab hominibus primæ ætatis petunt, ac quod robur illi inſit, explanare perſpicue. quod ad opinionem adtinet priorem, deum eſſe autorem logicæ, illi ſeſe, addixit CORNELIVS DIETERICVS KOCHIVS, qui de logica diuina, angelica & heroica ſiue mythica diſputauit, ea ſententia, quod origo logicæ Deo ſit vindicanda, prout nonnulli quoque in ſummo numine eiſdemque mente ſanctiſſima legum ac iuris originem quæſiuerint atque inuenerint. quapropter E-

viniciuſpolyſtoris logica.

bræi

bræi modo *sapientiam* חכמה Deo adtribuant; sed philosophi quoque græci ipsum dicant *mentem*, id quod THALES, PYTHAGORAS, ANAXAGORAS, SOCRATES, PLATO, ARISTOTELES fecerint, item λόγον *rationem*, prout Stoici summum Deum aperte ita vocauerint; nec non *veritatem*, qua appellatione vsi sint PYTHAGORAS, SOCRATES, PLATO. quam excellentiam quum in Deo cognouerint, non mirum sit, quod PLATO philosophiam dixerit *donum* & CICERO inuentum Dei, etiam BARTHOLOMAEVS VIOTTVS existimauerit, omnis demonstrationis prima initia nobis Dei beneficio inesse, & MALLEBRANCHIVS declarauerit, non esse aliam viam ad veritatem inueniendam, quam si homo Deo penitus addictus ideas rerum, veri omnis originēs in ipso Deo secum & cum sua mente arctissime coniuncto intueretur, quem & secutus fuerit PETRVS POIRETVS.

§. II. Sed pace clarissimi huius viri fiat, ut ea qua decet modestia accuratius in hanc sententiam inquiramus. quæstio igitur ponitur: num origo logicæ a Deo sit petenda, nec ne? quam neque adfirmare, neque negare possumus, nisi antea compertum sit, qua significatione vox *logicæ* valeat. etenim illi duplex vis inesse potest, ita ut partim tantum respiciat sanam & rectam rationem, per quam cognoscimus veritatem; partim vero formam logicæ, qua est disciplina ad artis regulas accommodata. priori ratione dici potest, Deum esse autorem logicæ, omnesque veritates, quas ope intellectus nostri cognoscimus, esse diuinas, quia Deus rationem siue intellectum

humanum veluti principium cognoscendi constituit, iisque viribus, quæ ad huiusmodi cognitionem sunt necessariae, ornavit. sed tamen plane aliud fundamentum diuinæ originis logicæ ponimus, quam clarissimus KOCHIVS, qui id ex diuina mente, ratione, sapientia deducit, quæ nisi mitiori sententia intelligentur, facile quemdam in errorem haud mediocrem conicere possunt, præsertim quum MALEBRANCHIVM & POIRETVM sententiæ suæ fauentes in medium proferat. nam quæ viri hi celeberrimi hac de re disputarunt, quam proxime accedunt ad enthusiasmum, vt ex illis, quæ infra dicemus, patebit clarius. nec testimonia philosophorum paganorum quoddam robur aut lumen adferre possunt, qui grauissimis erroribus de Deo eiusque mente diuina sese implicuerant, id quod in primis de Stoicis apertum est, qui Deum & naturam idem esse putarunt. quod si autem logica consideratur veluti disciplina quædam philosophica, neutiquam eius ortum ad Deum referre debemus, siquidem nititur regulis artis inuentæ ab hominibus & ab iisdem excultæ & perpolitæ. respicit logica morbos & imbecillitates intellectus humani, quibus mederi princeps logici munus esse debet; quis autem sibi persuadeat, huiusmodi logicam ex diuina sapientia, ratione ac mente deriuandam esse?

§. III. Adhæc clarissimus KOCHIVS capite secundo dictæ dissertationis de *initiiis polyhistoris logici* disputat de *logica angelica*, atque EX THOMA HYDE¹ obseruat, angelos

¹ de religione veter. Persarum, cap. 20,

inter se instituere disputationes, etiam ex eodem commemorat exempla disputantium angelorum, *Michaëlis* quippe Iudæorum & *Raphaëlis* Persarum angeli tutelaribus; ¹ item *Isfielis* & *Schamchafai*, quo & spectet disputatio *Michaëlis* & *diaboli* de Mosis corpore. nec desint, qui angelis magnam scientiam vindicent, etiam librorum, quos de cælo hominibus miserint, dona ferant accepta, quæ omnia quum copiose & erudite cl. KOCHIVS illustraverit, concludit, quod angeli logica forte non nisi naturali utantur, præsertim si omnia iam sciant nec discendo proficiant. sic ipse de logica angelorum quidquam definire haud sibi sumit; rectiorem autem sequamur viam, si ne quidem de logica angelorum quidquam cogitamus. nam primum magna est differentia inter rationem cogitandi apud angelos & apud homines, quum nos omnes ideas siue imagines rerum hauriamus ex sensatione, quæ apud angelos a corporibus plane separatos aliter fieri debet. præterquam discrepantiæ adhuc nobis haud compertum est, qua ratione in intellectu angelorum cogitationes oriantur fiantque, ita ut si quid de illorum logica a nobis sit dicendum, nihil præter nomen retinere possimus. nec tertium disputationes, quarum mentionem faciunt, quidquam habent poudëris, quoniam aliæ sunt fictæ & commentitiæ; aliæ vero, quæ fidem præferunt, ab illis, quum corpora adsumserint, sint institutæ, adeo ut istæ sententiam hanc minus possint confirmare. quid multa? logica ea significatione, quæ a plerisque, etiam

¹ Daniel. X, 13.

a nobis adhibetur, de angelis neutiquam dici potest.

§. III. Tandem cl. KOCHIVS capite tertio differit de *logica heroica* siue *mythica*, quo ex monumentis antiquæ fabulosæ ætatis exempla & nomina heroum singulari industria collegit, quibus veteres modo scientiam, modo inuentionem logicæ adtribuerunt. sic constat, quod PROMETHEVS *Iapeti* filius, pater *Deucalionis* Thessalorum regis tradatur, inuenisse plures artes & in his quoque logicam, vt refert PLATO, ¹ per illum diuinum munus hominibus adlatum esse *inueniendi, definiendi & dividendi scientiam*. sic fingitur HERCVLES Iouis filius vincum in Cau-caso Prometheum soluissse, id est interprete PLVTARCHO, ab eo accepissse *dialecticam*. sic proditur PROTEVS, Iouis vel Neptuni filius, se vertissse in quas vellet figuras, vt modo aqua, modo ignis, piscis, auis, leo, serpens, arbor fieret pro sua voluntate, quam fabulam SOCRATES apud PLATONEM ad sophistam adcommodat, qui quamuis formas argumentorum varias efficiat; ope tamen sapientiæ diuinitus comprehendatur aliquando, vt de aliis taceamus. sed tamen ne operam nostram collocemus in re maxime obscura ac dubia, hasce fabulas dimittamus silentio, quæ a poëtis ideo sunt fictæ, vt hominibus diuinitatem & singularem antiquitatem artium scientiarumque persuaderent.

§. V. Alii originem logicæ deducunt a primis hominibus, & scientiam huius artis vetustissimis mortalibus, quorum notitia per sa-

¹ *Phileb.*

crum codicem ad nos peruenit, adtribuunt. primum igitur differunt de logica ADAMI, utque taceamus de EVSEBIO, ¹ BARTHOLOMAEVS KECKERMANN ² dicit: *primos generis humani parentes & patriarchas non dubito cum reliquis disciplinis etiam hanc suis posteris tradidisse, praesertim quum origini omnium rerum propiores tanto praestantiorum intellectum habuerint nostro ingenio atque intellectu, quanto & vitae diuturnitate & valetudinis firmitate & denique aeris, victus ac rerum omnium et terra nascentium praestantia nobis, supra quam credi potest, fuerunt feliciores; & IO. IVLIVS STRVVS: ³ nemo autem, inquit, a me expectabit, ut nunc logicam protoplastorum tradere sustineam. nam quamquam eam in statu integritatis perfectissimam fuisse, tuto asseuerare possimus; nihil tamen de ea memoriae proditum superest, nisi forte accuratissimam nominum impositionem, quam Plato in Cratylo dialectico propriam esse dicit, cum Eusebio huc referre velis. eiusdem sententiae est REIMANNVS, ⁴ qui & putat, primam disputationem habitam fuisse inter Euam & pessimum spiritum atque auctorem malitiae; inprimis autem istam corroborare, summa ope adnititur CORNELIVS DIETERICVS KOCHVS, ⁵ qui in illius gratiam varias collegit rationes. obseruat quippe, quod Adamus animalibus imposuerit nomina, id quod ex sententia PLATONIS munus atque opus esset*

¹ lib. XI cap. 6. praparat. euang. ² *fractogn. logicor. tr. II. cap. 2. p. 10. opp.* ³ *rudimentu logica Ebraeor. p. 10.* ⁴ *critic. geschichts-Calender der logic, p. 1. sqq.* ⁵ *de incremento polyhist. logic. §. 1. 2.*

dialectici; quod ad imaginem Dei fuerit conditus, ex quo merito quis possit colligere, cognitam ipsum tenuisse artem ratiocinandi; quod & ingenio, & vitæ diuturnitate, & aëris salubritate præstiterit reliquis mortalibus, quæ omnia magnam habeant vim ad culturam doctrinarum; quod auctor extiterit litterarum atque ipsius sermonis; artem autem inueniendi vindicet sibi logica; quod Adamus atque alii humani generis principes adparatum librorum, scholas ac societates litterarias habuisse legantur; quod sine dubio de virtute atque illius exercitiis disseruerit solidaque adhibuerit argumenta, quod Euam
 2 וַיִּשָּׂא a viro denominans vsus sit loco, quem dialectici dicunt *topicum* & quidem *notationis*,¹ & aduersus Cainum dilemmate quodam,² quæ præter alia auctor fuisse exposuit & per testimoniorum auctoritatem confirmare elaborauit.

§. VI. Post ADAMVM refert KOCHIVS inter logicæ auctores CAINVM atque ABEL-EM, qui instituissent colloquium de extremo iudicio, quo Cain munere opponentis, Abel autem officio respondentis fuissent perfuncti. scilicet MOSES³ scribit: וַיֹּאמֶר קַיִן אֶל-הֶבֶל אָדָם & dixit Cain ad Hebel fratrem suum, quæ verba, si ita latine explicantur, interpretes multum exercent, quoniam videtur aliquid a Mose esse omissum. hinc versio LXX. καὶ εἶπε Καὶν πρὸς Ἀβελ, διέλθωμεν εἰς τὸ πεδίον, quod supplementum vulgatus interpres, codex samaritanus, targum IONATAN ben Vziel exhibent. targum autem Hierosoly-

¹ Gen. II, 23.² Gen. III, 6, 7.³ Gen. III, 7.

mitanum hanc disputationem verbosius ita refert: *Et dixit Cain ad Habel fratrem suum, veni Et exeamus in agri superficiem. accidit itaque, quum exiissent ambo ipsi ad agri superficiem, respondit Cain Et dixit ad Abelem fratrem suum: non est iudicium, nec iudex, nec est aliud seculum nec dabitur merces bona iustis, nec ultio sumetur de improbis, neque per miserationem creatus est mundus, neque per miserationem gubernatur. quare recepta est oblatio tua a te cum beneplacito, a me autem non est accepta cum beneplacito? respondit Abel Et dixit Caino: est iudicium Et est iudex Et est aliud seculum Et est donum mercedis bona iustis Et ultio sumi debet ab improbis Et cum miseratione creatus est mundus, Et cum miseratione gubernatur, verum iuxta fructus bonorum operum gubernatur, eo quod opera mea tuis sunt concinniora, recepta est oblatio mea a me cum beneplacito; a te vero non est recepta cum beneplacito. fueruntque ambo isti contendentes in superficie agri: confer IO. SELDENVM¹ AVGVST. PFEIFFERV² IO. ALBERTVM FABRICIVM.³ ex hisce igitur colligit KOCHIVS, Cainum fuisse primum sophistam, & adversus illum disputasse Abelem; id quod omnino ad incrementum logicæ pertinere existimat.*

§. VII. Præter alios patriarchas, quorum mentionem facit KOCHIVS, imprimis NOACHVS a nonnullis huc refertur, qui credunt, quod *Promethæus* fabulosis poetarum monumentis celebratus idem sit ac *Noachus*;

¹ de iure nat. & gentium iuxta disciplin. Ebr. lib. VII. cap. 4.

² exerc. de colloq. Caini & Abelis. 1. opp. philolog. p. 513.

³ codic. Pfendepigraph. V. T. p. 104.

quum-

quumque illi origo logices adtribuatur, exinde consequi putant, Noachum quoque scientiæ huius minus fuisse rudem. qua in opinione versatur BARTHOLOMAEVS KECKERMANNVS, ¹ quando dicit: *Prometheus ille, cui Plato in Philebo maximam inventorum & cælitus delatorum præceptorum logicorum laudem tribuit, vix dubito, quin Noachus, vel alius quis ex patriarchis fuerit: dicitur enim vixisse anno post conditum mundum 1600. confer PETRVM RAMVM. ² PETRVS DANIEL HVETIVS ³ autem existimat, Prometheus significare Moſen. Noachum sequitur ABRAHAMVS, qui ex sententia sæpius dicti Kochii ideo laudem logicæ inprimis meretur, quod superstitionem a vera religione discernere instituerit, ac scientiarum cognitione extiterit maxime ornatus, præsertim si testimoniis Iudæorum habenda sit fides. omnium autem fere princeps hoc in genere habetur IOBVS, de quo iam HIERONYMVS ⁴ ita sensit: *omnes leges dialecticæ, propositione, assumptione, conclusionem, determinat. quin & rationem soluendi vitiosa argumenta ostendit; & AMBROSIVS: ⁵ quanto antiquior illis dialecticis græcorum Iob, qui hæc primus reperit; & CASSIODORVS: ⁶ ubi sunt, qui dicunt: artem dialecticam a scripturis sanctissimis non cæpisse? singula in Iobo plena sunt enigmatibus, propositionibus & quæstionibus sacris. id quod etiam adprobant auctores**

¹ citat. loc. ² scholis dialect. lib. I. cap. 1. ³ demonstrat. euangel. propos. IIII. cap. 8. §. 7. ⁴ epistola ad Paulinum.
⁵ de officiis lib. I. cap. 12. ⁶ libro diuinarum lectionum cap. 6. p. 452.

ætatis recentioris, siquidem THEOPHILVS GALEVS¹ dicit: *Iobum profundum ac acutum philosophum fuisse, satis liquet; differit enim acutissime.* item: ² *probe notum est, disputationes inter Iobum & ejus amicos dialogis peractas fuisse; THOMAS STANLEIVS³ autem: apud Arabes fuisse disciplinarum peritos liquet, præsertim ex Iobi amicorumque eius disceptationibus; & PETRVS GASSENDVS: ⁴ deprehendere licet vel in una Iobi historia, homines in ea colloquenteis ita fuisse philosophatos, ut inuicem sibi obiecerint, quam quisque vellet præ ceteris videri callere disputandi artem: confer RAPH. VOLATERRANVM⁵ & IO. PETRVM LVDOVICVM.⁶ quum autem per varia argumenta satis sit perspicuum, Iobum fuisse Arabem, cujus sententiæ SPANHEMIVS⁷ multos commemorat testes; inde conclusionem efficiunt, nationem hanc coluisse quoque litteras philosophiæ.*

§. VIII. Quod si Noachum, Abrahamum, Iobum inter eos referant, qui laudem logicæ artis mereantur, quid mirum, quando etiam in illis numerant MOSEN, id quod per varias rationes probare contendunt. Primum provocant ad verba STEPHANI⁸ ad Judæos dicentis de Mose: *& eruditus est omni sapientia Aegyptiorum & erat potens in verbis & operibus suis; præter hæc autem observant, quod Mosi XIII. regula logica hermeneutica veluti auctori adscribantur, quippe quæ ar-*

¹ de progressu philosophiæ lib. 1. cap. 2. §. 9. ² ibid. lib. III. cap. 5. §. 1. ³ lib. III. cap. 2. philosoph. oriental. ⁴ de logica origine & varietate cap. 1. ⁵ lib. X. anthropol. p. 370. ⁶ de philosophia ration. apud Turcas & de philosophiæ causis legendis p. 18. ⁷ historia Jobi cap. IV. ⁸ Actor. VII. 22.

tem sacras litteras interpretandi ac ex principiis deducendi consequentias contineant. Credunt quippe Iudæi, quod Deus has regulas Mosi legem explicanti, dederit in monte Sinai, quæ post hæc sensim ac sensim peruenerint ad notitiam Iudæorum, etiam a R. ISMAELE collectæ, vnde & dicantur *Regula R. Ismaëlis*, de quibus videre possumus præter alios LEIDKKERVUM ¹ & IO. IULIUM STRUVIUM. ² ex his argumentis putant nonnulli consequi, Mosén quoque prædixisse fuisset cognitione logicæ artis, prout DAN. GUILIELMVS MOLLERVS ³ dicit: *præter adductas hætenus scientias & artes, Mosén logica quoque imbutum fuisse, verò videtur esse simile: item: atque ut paucis multa complectar, Mosén disciplina logica fuisse imbutum, ex Aegyptiorum, apud quos Mosés studuit, artes tractandi ratione non potest non liquere, quippe qui crebriore cæli contemplatione, ad leges quasdam de observationibus cælestibus faciendas instigati, modum in ratiocinando seruandum certis regulis comprehenderunt, talique modo dialecticæ studium introductum diligenter excoluerunt.* Quin etiam nonnulli sibi persuadent, logicam fuisse Iudæis *Vrim & thummim*, quoniam has hebraicas voces exposuerint auctores per לוֹיִיִּם. Hinc PETRVS RAMVS ⁴ dicit: *quid aliud profitetur illud pectorale in sacerdotis pectore, non solum auro & gemmis, sed duabus illustribus notis Vrim & thummim distinctum & ornatum? Vrim enim significat splendorem mentis lucenque ad cogitandum & perspicien-*

¹ de republica Ebraor. lib. XI. cap. I. ² rudiments. logic. hebraor. cap. I. ³ de Mosé philosophe §. 9. p. 21. ⁴ schol. dialect. lib. I. cap. I.

dum?

dum? *thumini* ordinis accuratorem & perfectionem ad integre incorrupteque iudicandum: unde & pectorale ipsum a Mose iudicii λογειον appellatur, tanquam in ullis hominum sophismatis inquinata, sed perfecta & omnibus numeris absoluta considerandi iudicandique logica λογειον illud esset: confer BARTHOLOMAEVM KECKERMANNVM, ¹ qui etiam SALOMONEM huc pertinere censet. Quum enim ipsius tempestate in more positum fuit, ænigmatum propositione & solutione dictisque argutis demonstrare ingenium; hac quoque Salomon arte excelluit ita, ut omnes in admirationem sui conuerteret. ² ex quo consequi putant, Salomonem quoque præclarum fuisse logicæ auctorem, eiusque ex conjectura REIMANNI ³ conscripsisse præcepta, siquidem ipse de se testetur, ⁴ quod de Sapientia חכמה triplici ratione egerit, quæ verba nonnulli de ipsius scriptis philosophiæ rationalis, moralis & naturalis interpretantur, confer PETRVM DANIELEM HVETIVM. ⁵

§. VIII. Sed tamen quidquid alii de logica Adami, Caini, Abelis, Noachi, Abrahami, Jobi, Mosis, Salomonis dicant; nos ab illorum opinione plane esse alienos profiteamur, existimantes, viros hoscæ in logices aut auctoribus, aut cultoribus haud posse numerari. Quam sententiam eo majori studio amplectimur, quo leuiore sunt rationes eorum, qui logicæ artis in hoscæ hominibus commendant maxime, etiam grauiora extant argumenta, quæ contrarium plane nobis peruadent. Alii enim ig-

¹ *pra. cognit. logic. tr. II cap. 2. §. 5. 6.* ² *1. Reg. X. 2. Paral. IX.* ³ *im Kalender der logic. p. 6.* ⁴ *Prov. XXII. v. 10.*
⁵ *demonstrat. euangel. p. 415. edit. Lipsf.*

norant, quid sit logica, & siue intelligant naturalem, siue artificialem, vti dicuntur, vtrinque a vero aberrant. Quod si intelligunt, logicam ad artem conformatam, nunquam sane probari potest, quod illa tempestate litterarum studia eam faciem præ se habuerint, quam posthac acceperunt, quum inuenta doctrina logices, ad certam formam fuerint composita, id quod cum ex personarum, tum temporis illius indole satis clarum est. Nam quamuis negari non possit, quod multarum rerum veritates sint affecuti, illæ tamen generales erant, quas adhuc per solam naturæ vim, minus autem secundum regulas artis cognouerunt. Immo quum præter lumen naturæ, quod tam grauissimis morbis haud corruptum erat, fruerentur reuelationibus diuinis, duplici hac luce omnia, quæ ad salutem erant necessaria, poterant cognoscere, vt adeo haud necesse fuerit, artes litterarias adhibere. Nec perspicere possumus, quo modo causas suas defendant, si logicam tantum naturalem respiciant, quippe quæ nomen logicæ haud potest tueri: quin etiam hac ratione omnes homines, quibus facultas benignitate naturæ inest, cogitandi, propositiones formandi & ex illis efficiendi conclusiones, inter logicæ cultores debent referri. Quid? quod rustici, quum inter se faciant contentiones, hanc gloriam, hanc logicæ laudem possunt sibi vindicare; sed quis quæso huiusmodi logicæ historiam conscribere instituat? sapius mirari solemus, quod patroni logicæ primorum parentum ac patriarcharum sibi non sumant definire, quales struxerint syllogismos, num fuerint ex primæ figuræ modis

dis *Barbara, Celarent, Darii, Ferio*; an ex secundæ *Cesare, Camestres, Festino, Baroco*, aut tertiæ; quale sophisma fecerit Cain aduersus fratrem Abelem, num fuerit *petitio principii*, an *ignoratio elenchi*; aut *fallacia non causse vt causse*?

§. X. Prout autem hi ignorant, quid sit logica; ita alii in hoc versantur errore, quod antiquissimis temporibus litterarum scientiæ ea ratione, qua nunc vigent, floruerint. Sic credunt, Adamum inuenisse litteras, & PETRVS LAMBEIVS¹ eo vsque progreditur, vt non tantum litterarum, sed etiam punctorum vocalium originem Adamo diserte adtribuat, quam in causam prouocant ad libros, quos ille scripsisse dicitur, cuius generis sunt *liber reuelationis Adæ, liber de filiabus Adæ, liber de pænitentia Adæ*; item *prophetiæ Eue, euangelium Adæ*, de quibus legi possunt PETRVS LAMBEIVS,² SCIPIO SGAMBATVS,³ IO. ANDREAS SCHMIDIVS,⁴ PETRVS BAELIVS,⁵ PAVLVS CHRISTIANVS HILSCHERVS⁶ IO. ALBERTVS FABRICIVS.⁷ sed hæc omnia sunt aperte ficta & commentitia, quibus nemo sanæ mentis adiungit fidem. Nec decet, patriarchis, qui post Adamum vixerunt, talem philosophiam, qualem hodie colimus, adscribere, quoniam plane alio modo, quam nos ad cognitionem rerum naturalium & moralium peruenerunt. Etenim ipsis erat sapientia, per quam cogno-

¹ *prodr. histor. litter. lib. 1. cap. 2.* ² *cit. loc. cap. 3.* ³ *arch. vet. testam. lib. 1. tit. 6.*
⁴ *pseud. testam. veteri p. 6.* ⁵ *dictionar. histor. voc. Adam.*
⁶ *sched. de biblioth. Adami.* ⁷ *codic. pseud. epigr. V. T. p. 1. sqq.*

cebant non solum bonum & malum; sed studio quoque tenebantur, bonum amplectendi; malum autem fugiendi. Quumve duplicem felicitatem hujus & alterius vitæ sibi haberent propositam; viam ad salutem æternam perueniendi cognoscebant ex reuelatione; modus autem in hac vita se felicem reddendi nitebatur benignitate ingenii naturalis, experientia atque traditione, per quas adquirebant sibi noticiam rerum naturalium, qualis ad felicitatem in hac vita stabiliendam sufficiebat. Sic erant viri sapientes, ac tenebant scientiam variarum rerum cum per singularem dei gratiam, tum per naturæ atque ingenii vires, cuius rei causa dici possunt philosophi, si modo vox hæc non ea significatione, qua nunc valet, sumatur. Qua propter, recte dicit IO. FRANCISCUS RVDDEVS: ¹ *quilibet facile intelligit, aliter hanc vocem (philosophiæ) capiendam esse, cum de recentiorum, aliter cum de veterum patriarcharum maxime, immo & generatim orientalium gentium philosophia loquimur: simul vero patet, in veterum Sapientia & philosophia delineanda sedulo cauendum, ne ex ista, quæ recentiorum est, notione illam æstimemus, adeoque talia iis tribuamus, quæ a temporum istorum conditione plane sunt aliena.* Quæ omnia quum ita sese habent, ea quæ de Noachi, Abrahami, Isaaci, Iacobi aliorumque logica differunt, aut ita debent intelligi, quod per vires naturales intellectus veritates cognouerint, aut, si ista ad logicam artificialem referantur, nequaquam sunt admittenda. Ipsa enim cognitio veri & falsi, aut res, ad quas spe-

¹ not. ad intr. ad phil. Ebraor. p. 3. ed. 2.

stant

stant veritates, nondum constituunt logicum; sed modus, quo veritates cognoscuntur partim inueniendo, partim diiudicando. Rustici quoque atque alii homines omnium litterarum plane expertes, ad notitiam perueniunt veritatum; sed quum ista gignatur per sensus tantum externos ac per memoriam; talis cognitio vulgaris est, a philosophica ac logica plane diuersa, quippe quæ ope iudicii dirigitur, ad cuius culturam præcipue spectat logica. De cetero non est mirum, quod propter errorem de præclara litterarum conditione tempore antiquissimo de logica disputent patriarcharum.

§. XI. At vero deducuntur in huiusmodi erroneam opinionem de re litteraria Adami, patriarcharum ac aliorum ex gente Ebræorum antiqua, partim per peruersam scripturas diuinas interpretandi applicandique rationem; partim per faciliorem fidem, quam fabulis Iudæorum adhibent. Quod ad prius momentum adtinet; multi fingunt sibi nimiam amplissimamque Mosis eruditionem, ac verba Stephani, quod institutus fuerit in sapientia Aegyptiorum ad conditionem rei litterariæ nostra ætate adcommodant, quum tamen de iis eruditionis partibus, quæ tum apud Agyptios floruerunt, sint intelligenda: confer 10. PRIDEAUX, ¹ CORNELIUM ADAMI, ² 10. FRANCISCUM BVDDEVM ³ quo posito, omnino debet ante demonstrari, quod ars logicæ ab Aegyptiis fuerit culta; quam per verba hæc Stephani adfirmari, Mosen quoque

¹ oper. Theol. p. 441. ² exerc. exegetic. exerc. II. p. 92. ³ histor. eccl. V. T. tom. I. p. 458.

disciplina arteque cogitandi fuisse excellentem. Sed quamvis NICOLAUS CAVSSINVS¹ existimet, dialecticæ quoque studia in gente Aegyptiorum floruisse; nullo tamen fide digno documento id potest probare, adeo ut de logica Mosis ne verbum quidem sacer codex nobis prodat. Nec aliter res se habet cum logica Caini & Abelis. Nam quum interpretes verba Mosis: וַיֹּאמֶר קַיִן אֶל אָבֶל אחי עֲדֹתִי exposuerint: *Et dixit Cain ad Abel fratrem*, deducti sunt in opinionem, quod heic aliquid desit, quum id, quod dixerit, non sequatur, quæ sententia peperit colloquium: & hæc fabula effecit, vt hi fratres adhuc recentiori ætate locum teneant inter logicæ auctores. At vero quid impedit, quo minus vocem: וַיֹּאמֶר ver-
tamus: *Et locutus est Cain*, qua interpretatione omnis illa difficultas tollitur? immo, siue desit aliquid, siue minus, quin etiam si ponamus, colloquium, quod refert Targum Hierosolymitanum, probatam præ se ferre auctoritatem, quis autem sanæ mentis inde conflare conclusionem instituat, hosce fratres exercuisse artem logicæ. Quid multa? quum in eam ingressi sint sententiam, vetustissimos Ebræos coluisse atque exercuisse logicam; omnes eorum fere cogitationes ac sermones, disputationes, doctrinas, veluti fructus disciplinæ huius cognitæ considerant. Sic Adamus dicitur inuenisse multa, docuisse liberos, proposuisse argumenta & propter hæc, vt & alia creditur logicus, quasi ista ex facultate naturali non potuissent gigni. Sic in Abrahamo laudatur peritia logices, quoniam falsam religionem a ve-

¹ de symbolica Aegyptiorum disciplina p. 107.

ra seiunxerit, quod omnino ope ratiocinationum fieri debuisset; quæ argumentandi ratio si quidquam ponderis haberet, sequeretur omnino, ut omnes pagani homines, ac Iudæi, qui puriorem doctrinam, diuina luce illuminati amplexi sunt, eodem iure locum quemdam inter logicæ cultores possint sibi vindicare. Sic Iobus ob disputationes cum amicis institutas laude dialecticæ adficitur, quæ tamen ita sunt comparatæ, vt a solis naturæ viribus, si earum formam spectamus, potuerint proficisci, quamquam negare nolumus, varia philosophiæ capita, etiam physica atque astronomica libro ipsius contineri. Hinc patet, quid sentiendum sit de RIVETO, ¹ qui opus hoc omni doctrina adeo plenum esse iudicat; *ut frustra in eius dictis omnibus explicandis sit operam positurus, qui poetices, dialectices, rhetorices, astronomia, physices denique non sit bene peritus.* Id quod etiam de Salomone pronuntiamus, cuius incredibilem sapientiam merito miramur; ipsi autem propter ænigmatum interpretationem logicæ vel inuentionem, vel incrementum adtribuere non possumus, quia ea tempestate multis solemne fuit, in hisce rebus ingenia demonstrare, nec præcepta logices ad illorum vsum explicationemque adhibere, necesse habuerunt, confer THOMAM BURNETIUM. ² prout ieiunas aridasque ex sacro codice deducunt conclusiones de logica Adami & aliorum virorum, qui prima ætate in cœtu viuientium versati sunt; ita quoque leuioribus omnino argumentis muniti alias

¹ isagog. ad scripturam sacr. cap. 27.
² isagog. p. 89.

philosophiæ partes in illis commendant. Ita dicunt, quod Adamus in arte physicæ fuerit versatissimus, quia animalibus ad ipsorum naturam dederit nomina; quod extiterit auctor mechanices, quia sibi effecerit vestes; quod habendus sit princeps experimentorum atque artis chemicæ, dum ignem excitavit ex silice; quod dicendus architectus, quia exstruxerit casam; eloquentiæ summus magister, dum liberos docuit præcepta religionis; astronomus, quoniam cœlum intuitus; œconomus, quia Cainum & Abelem agris colendis & pecoribus alendis adfuefecerit, & quæ alia huius generis deliramenta sunt, aduersus quæ merito disputat NICOLAUS HIERONYMVS GVNDLINGIVS. ¹

§. XII. Alterum momentum, quod observauimus, est, multos quamlibet fere fidem fabulis Iudæorum adiungere, quo fieri solet, vt tantis erroribus implicentur, sibi que subtilem ac ætati nostræ consentaneam philosophiam veterum Ebræorum persuadeant. multa enim isti ficta produnt de libris, scholis, societatibus litterariis Adami & patriarcharum, quæ si quis habet vera, saltim plane reiicere veluti fabulosa dubitat, sane non mirum est, quod incrementa logicæ in gente hac antiquissima quærat. Sic KOCHIVS ² commemorat ex GEDALIA historiam de Abrahamo, quod quum a patre Terach præfectus fuerit vendendis idolis; ira commotus ista idola confregerit, ac de cultu illorum habuerit disputationem, qua historia copiose recitata,

¹ *hist. philos. moral. cap. VII. p. 50.* ² *increm. polyhist. logic. §. XIII. p. 55.*

addit:

addit: *fabulosa forte hæc quidem disputatio; sed quæ tamen veri aliquid admixtum habet*; immo istam ea de causâ recenset vt exemplum atque documentum logicæ Abrahami proferat, siquidem antea dixerat: *hic (Abrahamus) in Chaldæa ex superstitiosis parentibus natus mature cepit veram religionem a falsa dignoscere, & hanc argumentis infirmare ac confutare.* regulæ illæ logicæ hermeneuticæ XIII, ex quibus scientiam logicæ Mosis demonstrari posse nonnulli existimant, sola Iudæorum auctoritate nituntur, quæ si esset summa, quamuis leuior sit & lubrica, minime tamen huiusmodi regulæ constituunt logicam, præcipue quum ipsi Iudæi profiteantur, Moïsen illas a Deo accepisse in monte Sinai. nugæ, quas prodidit ATHANASIUS KIRCHERVS, ¹ quod Adamus fuerit theologus, philosophus, medicus, astrologus, chymicus, mathematicus, ex fabulis rabbinorum dimanarunt, quos vt etiam samaritanum paraphrasten consuluit, quibus si addidisset adhuc SALIANVM ² & eos, qui adhuc de academiis, eloquentiæ sacræ arte Adami differunt; maior nugarum, quin etiam stultitiæ cumulus apparuisset.

§. XIII. Vt in summam redigamus, quæ iam copiose disseruimus; existimamus, quod Adamus, patriarchæ ac veteres Ebræi fuerint sapientes, id est omnia bona, quæ ad ipsorum felicitatem tum ciuilem, tum æternam promouendam spectabant, non solum diuina atque humana luce cognouerint; sed & studio ista

¹ Oedip. Aegypt. tom. II. part. I. class. I. p. 48. ² annal. tom. I p. 107.

sint complexi. lumen illis erat ac cognitio veritatum, sed plane simplex, nuda, haud subtilis, erudita aut ad praecepta logicæ conformata; id quod indoli harum personarum, etiam illius temporis consentaneum. perspiciebant mente sua, suo iudicio quoque naturali verum & falsum, quum duces sequerentur sensus externos, experientiam atque traditionem, ac per bonitatem intellectus adsequerentur multas consequentias. ad qualem veritatis sensum peruenire, omnino in viribus ingenii naturalis positum est, quamvis ope logicæ ac cultura philosophica haud politum sit atque ornatum, ut adeo duplicem veritates cognoscendi modum, alium vulgarem, alium eruditum siue logicum esse censeamus. philosophus enim cognoscit verum, certum ac probabile modo inueniendo illud, modo diiudicando: quum exempli causâ id inuenire instituat, sollicitus est de principiis, quæ in veritate certa deducit a definitionibus & diuisionibus, ex quibus format propositiones, ut inde conclusiones varia ratione efficiat. sic obseruat ubique praecepta artis, quæ quod veteres patriarchæ & Ebræi sint secuti, haud adfirmari, nec probari potest.

§. XIII. In illis, qui logicas Adami, patriarcharum atque antiquorum Ebræorum commendant, magis intellectus, quam animus reprehendendus videtur. bona enim mente interdum origines litterarum ex sacro codice deriuant, quod præcipue de doctoribus ecclesiæ christianæ constat, quibus princeps fuit propositum, dignitatem oraculorum diuinorum illustrare, atque ambitioni paganorum obuiam

obuiam ire. hinc ostendere elaborabant, omnia litterarum, de quibus pagani gloriabantur, magis pulciora ac veriora contineri sacris scripturis, quin etiam asserebant, omnia quæ utilia ac vera tradebant veteres philosophi, hausta fuisse ex litteris diuinis. TERTULLIANVS: ¹ *quis poëtarum, quis sophistarum, qui non omnino de prophetarum fonte potauerit? inde igitur philosophi sitim ingenii sui rigauerunt*; qua in re ipsum sequuntur TATIANSVS ² & EVSEBIVS. ³ quanquam doctores hi longius interdum, quam par erat, sunt progressi; ipsis tamen per temporis rationem facile possumus ignoscere, sed quod recentiori ætate, qua historia litteraria maxime culta est, multi eodem utantur instituto, id est, cuius nos occupat admiratio. Deus nobis aperuit fontes oraculorum diuinorum, ut inde viam ad salutem sempiternam perueniendi cognoscamus; minus autem, ut ex illis origines eruditionis humanæ deriuemus. hæc oracula continent effata diuina & Spiritus Sancti sermones, propter quam causam omnino maiestate cœlesti horum librorum indignum esse censemus, scientias ope hominum inuentas ac propagatas ad eos accommodare, aut speciatim seruatoris nostri orationes ad logicæ Aristotelicæ præcepta ac syllogismorum doctrinam examinare. hæc, quæ generatim monuimus, sufficiant, ut adeo haud necesse esse existimemus, ad singulas rationes, quas in gratiam logicæ Adami aliorumque Ebræorum veterum stabiliendæ proferunt, respondere.

¹ *apologetic. cap. 47.* ² *erat. contra grecos.* ³ *preparat. evang.*

LIBRI I.
DE
ORIGINE ARTIS
LOGICAE.

CAPVT II.

DE
VERA ILLIVS ORIGINE.
ET PRIMA AETATE.

ΣΥΝΟΨΙΣ.

De studio logices apud gentes barbaras §. I. de logica veterum græcorum, ac speciatim : num philosophi Ionici ac Pythagoras hanc artem coluerint. §. II. quid occasionem illam colendi dederit. §. III. num Parmenides, an Zeno Eleates illius sit auctor. §. IIII. V. de sophismatibus, inprimis Protagoræ. §. VI. de logica Democriti & Hippocratis §. VII. Socratis §. VIII. de prædicamentis Archytæ Tarentini §. IX. de dialectica scholæ Megaricæ, speciatim Euclidis §. X. de logica sophistica Ebulidis & aliorum huius sectæ §. XI. XII. XIII.

§. I. **C**onfutauius itaque illorum opinionem, qui logicam diuinam, angelorum mythicam, Adami, patriarcharum, veterum Ebræorum in historiis suis produnt, adeoque artis huius originem a prima, saltim antiquissima reperunt ætate. Quibus expositis, paganorum philosophiam ejusque monimenta contemplari necesse est, atque in eo quoque operam nostram collocare, vt veram ac genuinam disciplinæ huius philosophorum originem

nem deprehendamus. diuiditur autem philosophia gentium in barbaricam & græcam; illa iterum in *Asiaticam*, quæ est vel Chaldæorum, vel Persarum, vel Phœnicum, vel Sabæorum, vel Indorum; *Europæam*, & *Africanam*, ad quam pertinent Aegyptii, Lybii & Aethiopes. quæ nationes, a Græcis in censu barbarorum habitæ philosophiæ quidem studia coluerunt; sed inprimis vires naturæ perquirere, ac res obscuras absconditasque scrutari elaborarunt, experientia ac traditione muniti, nec de sublimi & logicæ consentanea ratione, ad verum perueniendi solliciti. Simplex fuit modus philosophiam tractandi apud has gentes, a qua indole ratio, quam sequebantur græci, plane abhorrebat. equidem IO. PETRVS LVDOVICVS ¹ censet, veteres Arabes artis huius fuisse studiosos, in cuius sententiæ argumentum adfert testimonium ABVLFARAI ², qui de antiquis Arabiæ incolis ita disserat: *eruditio autem Arabum, cuius gloria præcipue studiosi erant, hæc erat: linguæ suæ peritia; sermonis proprietas; carminum textura; orationum compositio; stellarum notitia.* ex quibus verbis clarissimus vir colligit, quod vetus Arabum gens se excoluerit dialectica, quæ *proprietate sermonis*, quam ABVLFARAIVS a grammatica & rhetorica distinguat, sit intelligenda. atqui inde IO. COTOVICVS ³ tradat, hodieque Arabes, qui a pristino viuendi ac docendi more haud discesserint, reliquis litterarum studiis neglectis attingere dialecticam & rhetoricam. sed minus

¹ de philosoph. ration. apud Turcas § 5. p. 12. ² dynast. IX. p. 101. ³ lib. IIII. itinerarij syriaci cap. XIII. p. 473.

inde

inde sequi putamus, quod existimauit LVDOVICVS, Arabibus fuisse studium dialectices. potuit enim linguæ proprietas pertinere ad accuratiorem illius scientiam, quam explanare philologi munus est. quod si etiam hec significari dialecticam, concedamus; leuius tamen esset argumentum, quod unico testimonio, eoque obicuro, cuius sensum coniectura tantum assequi liceat, niteretur. namque exemplum IOBI Arabis, quod adhuc a LVDOVICO vrgetur, probationi huic nullum pondus adiciere videtur, quoniam in ipsius libro nulla artis logicæ vestigia adparent, vt iam superioribus a nobis fuit obseruatum.

§. II. Magna fuerunt studia græcorum, quibus philosophiæ litteris clarum lumen protulerunt. easque sectati sunt. nonnullis solemne est, duas philosophiæ huius classes constituere, quarum altera est secta *Ionica*; altera vero *Eleatica*, quibus alii tertiam, *Italicam* quippe addunt, vide GERH. IO. VOSSIVM.¹ philosophi scholæ Ionicæ, auctor illius THALES *Milesius*, ANAXIMANDER *Milesius*, ANAXIMENES *Milesius*, ANAXAGORAS *Clazomenius* rebus naturalibus cognoscendis, operas suas traditione adiuti consecrarunt, in quibus philosophiæ studiis per solam naturalis ingenii vires ac traditionem sese exercuerunt. sectam *Italicam* condidit PYTHAGORAS, qui ambitiosus grauissimam auctoritatem sibi conficere elaborabat, atque eiusmodi docendi rationem habebat, qua vera cogitandi libertas non poterat non opprimi; etiam artis logicæ remoueri fundamentum. etenim omnis ipsi-

¹ de sectis philosophorum cap. 5.

us disciplina, quam informanda atque instituenda iuuentute obseruabat, ad propriam auctoritatem erat composita, vide SCHILTERVM¹ & IO. SCHEFFERVVM.² sic discipuli eius necesse habebant, duplex silentium, quod dicebatur ἐχεμυθία, obseruare sancte; quorum alterum erat perpetuum, ne arcanas præceptoris doctrinas illis, qui philosophiam eius haud sectarentur, facerent manifestas ac notas; alterum certo temporis spatio, ac quidem, ut plures censent, quinque annorum definitum. quamquam A. GELLIVS³ dicit: *eum, qui exploratus ab eo idoneusque fuerat, recipi in disciplinam statim iubebat & tempus certum tacere; non omnes idem, sed aliud aliis tempus pro æstimato captu solertia.* hisce institutis animos discipulorum sensim ac sensim commouebat ad praua auctoritatis studia; ut effata præceptoris veluti oracula diuina cohererent, omnia propter summam eius existimationem crederent & loco rationum. quibus aliquid erat probandum, adferrent αὐλὸς ἔφα atqui hoc αὐλὸς ἔφα illo æuo erat logica, quum paruus numerus excellentium in philosophia virorum tantam ipsis conciliaret auctoritatem, ut vix errare posse viderentur. PEIRVS RAMVS⁴ Pythagoras, inquit, circa sexagesimam olympiadem Italica philosophia princeps, mathematicas, physicas, medicas artes docuisse quidem dicitur; logicas (quod legisse meminim) docuisse non dicitur: magnumque ejus rei indicium est, de logicis artibus ab eo nil esse

¹ de disciplina Pythagorica. ² de natur. & constitut. philosoph. Italic. cap. XII. XIII XIV. ³ not. Ainc. lib. 1. cap. 9.
⁴ schol. dialect. lib. 1. cap. 2. p. 513.

institutum, quod quinquennii silentium discipulis suis imperavit, & ex omnibus logicæ argumentis, unicum illud expers artis tantum apud eius discipulos valuerit αὐλὸς ἔφα, ipse dixit: ipse vero Pythagoras erat. equidem sunt qui multa ad defensionem Pythagoræ, in quo exemplum singularis modestiæ atque humanitatis fuerit conspicuum, adferunt, prout quoque DIOGENES LAERTIVS.¹ illud αὐλὸς ἔφα alii cuidam Pythagoræ adtribuat. sed hæc leuiores sunt, quibus multa alia, haud contemnenda testimonia repugnant, quæ collegerunt AEGIDIUS MENAGIVS² & IO. ALBERTVS FABRICIVS.³

§. III. In secta *Eleatica* extitit ZENO, qui ex plurium sententia primus animum adpulit ad præcepta artis logicæ tradenda, de cuius incunabulis antequam dicamus, non alienum erit, quid occasionem dederit hanc philosophiæ disciplinam colendi, attingere. atqui hanc in causam bene obseruat PETRVS GASSENDVS,⁴ quod quum viri quidam habiti sapientes aliquid egregie fuissent meditati, ratio cinnatique, idque aut pronuntiaissent aut scriptis mandassent: tum ipsimet, vel alii imitationis studio, quale id fuisset, expenderint; qui unaqueque res cogitata, enunciata, deducta foret, attenderint, parem sibi esse in ceteris rebus procedendi modum seruandum censuerint: resuccedente regulas & confecerint & conscripserint, quæ sibi quidem monumenta, ceteris vero documenta forent, ut quum luberet, apposite,

¹ lib. VIII, segm. 46. ² obseru. a Lærtium d. l. ³ bibliotheca græc. lib. 11, cap. 12, p. 439. ⁴ de logica originis & varietatis, cap. 1.

recteque philosopharentur. namque quum philosophi instituerent iuuentutem, aut doctrinas consignarent litteris, sequebantur quidem primum solas naturalis ingenii vires, successu autem temporis obseruabant, quum adcuratius ad ipsas meditationes aduerterent animum; quod certo modo gignatur veritas, quod quadam in re ista sit posita, quodue inter se cohæreant cogitationes, atque his obseruationibus aut potius experientia incitabantur, vt de arte logices conscribenda cogitare inciperent. neque vero tantum experientia ista adtulit occasionem; sed posthac quoque scepticismus, cui quum alii philosophi sese obliicerent, recte beneque existimantes, esse certitudinem quamdam in veritate cognoscenda; necesse omnino habebant, modum ac fundamentum demonstrare, quo ad certam veri & falsi notitiam peruenire quis possit, quoue certitudo ista nitatur; atqui hæc est causa, cur sensim ac sensim philosophi maiori studio ac cura artem hanc perpolire, ornare ac propagare elaborauerint.

§. III. Rudimenta igitur ac prima initia logicæ ad artem compositæ multi adtribuerunt ZENONI *Eleati*. sic apud DIOGENEM LAERTIVM ¹ ARISTOLES auctor est, Zenonem hunc inuenisse dialecticam, quod & ipse LAERTIVS ² testatur; & SVIDAS: τῶν φασιν εὐρετὴν εἶναι διαλεκτικῆς, ὡς Εμπεδοκλέα τῆς ἐρησιππῆς, quum disserat de Zenone, quibus veterum testimoniis nonnulli ex recentiori æuo sunt commoti, vt merita inuentæ

¹ lib. IX. *segm.* 25. *add.* Sextum Eripiotic, *aduersus mathem.* lib. VII. p. 193. ² *protreptic.*

dialectices vindicauerint quoque Zenoni, PETRVS RAMVS, ¹ GERHARDVS IO. VOSSIUS, ² PERVS GASSENDVS. ³ fuit autem ZENO *Eleates*, *Parmenidis* auditor & *Melissi*, præceptor *Leucippi* ac *Periclis*, clarus circa olympiad. LXXIX. de cuius vita & scriptis. quæ olim ferebantur, videri possunt interpretes DIOGENIS LAERTII, ⁴ THOMAS STANLEIVS, ⁵ PETRVS BAELIVS, ⁶ IO. ALBERTVS FABRICIVS. ⁷ quod speciatim ad ipsius logicam adtinet, obseruat PETRVS GASSENDVS, ⁸ illius tres partes fuisse, *consequutionum*, *dialogorum*, & *contentionum*. prima ars erat *consequutionum*, qua tradidit regulas ac varios modos consequutionum deducendarum, quorum XXIV. numerat PROCLVS. ⁹ hæc prima dicitur a nonnullis *dianoetica*, siue bene cogitandi ars; secunda fuit ars *dialogorum*, qua scite rogandi respondendique dedit præcepta, ad colloquia bene instituenda apta atque vtilia, quæ a quibusdam adpellatur *dialectica*, quasi *dialogica* siue dialogistica. nam, vt DIOGENES LAERTIVS ¹⁰ observat, *διαλόγους παρὶ πρώτον γράψαι Ζήνωνά τὸν Ἐλεάτην*, *dialogos primum Zenonem in Eleatem scripsisse ferunt*, id quod LAERTIVS in vita huius Zenonis haud adnotauit nisi quum ex Aristotelis testimonio referat, Zenonem inuenisse artem dialectices, ad hanc *dialectices* vocem etiam *dialogos* refer-

¹ Schol. dialect. lib. 1. cap. 3. ² de nat. & constitut. log. cap. VIII. § 2. ³ de origine & variet. logic. cap. 1. ⁴ lib. IX. segm. 25. ⁵ histor. philos. p. 881. edit. latin. ⁶ dictionar. hist. cris. voc. Zen. ⁷ bibl. grac. lib. II c. 23. §. 29. p. 324. ⁸ cit. loc. cap. 2. ⁹ in Platon. Parmenid. ¹⁰ lib. III. segm. 47.

re velimus. ex quibus patet, quod pretium ponendum sit illorum opinioni, quibus PLATO primus dialogos introduxisse visus est, quod scribendi genus eum ornasse ac maiori cura sectatum esse, nemo dubitabit, confer CAROLVM SIGONIVM ¹ & GEORGIVM PASCHIVM. ² tertia Zenonis ars dicitur *ἐπιστήμη*, quam ipsi AELIANVS aliique adtribuunt; quamvis LAERTIVS autorem *εἰσφύλακτα* esse PROTAGORAM adfirmet, vt paullo post pluribus obseruabimus.

§. v. Sic ZENO *Eleates* creditur auctor logicæ artis. Sed tamen legimus apud DIOGENEM LAERTIVM ³ de PARMENIDE, quem audiuit ZENO, quod existimauerit, duplicem esse philosophiam, alteram ex veritate; alteram ex opinione, cuius rei ALDOBRANDINVS ⁴ collegit testimonia alia; item quod PHAVORINVS testetur, Parmenideni inuenisse argumentationem, quæ adpellatur *Achilles*. in primis autem doctrina, qua maxime clarus extitit, ea est, quam de ideis proposuit, a PLATONE explicata dialogo, quem inscripsit *Parmenidem*, cuius summam exhibet THOMAS STANLEIVS. ⁵ quæ si quis expendat diligenter, facile in dubitationem adduci potest, num in ZENONIS meritis inuenta dialectica debeat numerari, nec ne? quin etiam, si BESSARIONI, ⁶ qui opus Parmenidis de veritate & opinione commemorat, fides habenda sit, sine vlla dubitatione Parmenidi laus hæc de prima dialectices cura vindi-

¹ lib. de dialogo. ² diatrib. de vñtā vñtū exemplo ratione tradendi per dialogos. ³ lib. IX. segm. 22. ⁴ not. ad Laertium p. 561. ⁵ histor. philos. p. 377. edit. latin. ⁶ contra calumniatorem Platonis lib. II. cap. II.

canda erit. at vero quum veteres scripta eius physica tantum laudent, etiam probabile sit, quod philosophus hic de diuersitate veritatis atque opinionis modo differuerit; minus autem præcepta quædam hoc de argumento configuauerit litteris; saltim Zeno primus haberi potest, qui de doctrina logicæ cogitare, eiusque quædam dare præcepta instituerit. quidquid sit, satis apertum esse putamus, quod in schola Eleatica philosophi primam curam ad artem hanc contulerint, siue Parmenides, siue Zeno operi huic primus admouerit manus. sunt quidem, qui inuentionem logicæ tribuere videntur PLATONI, vt PHAVORI-
NVS apud LAERTIUM, ¹ quoniam antiquissimi philosophi a Pythagora ac Thalete vsque ad Socratem naturæ tantum inquisitioni fuerint dediti; Socrates autem primus adiecerit doctrinam de moribus; ac post hunc Plato dialecticem, qui & ipse multa argumenta ad artem hanc spectantia explanauerit. sed si verba LAERTII inspiciamus diligenter,prehendimus, quod Plato verius doctrinam hanc maiori cura expolire, eam ad partes philosophiæ referre, ac quæ ex disciplina atque institutione Socratis hauserat, ad publicum transferre usum instituerit, quod ex ipso Platone potest confirmari, qui inuentionem artis huius Zenoni, aut si velis, etiam Parmenidi tribuit. nec ad illorum opinionem accedere possumus, qui Socratem, auctorem logicæ adferunt, quippe quem a definiendi & diuidendi gloria commendat ARISTOTELES; ² si-

¹ lib. III. *segm.* 24.

² *metaphys.* lib. XIII. *cap.* 4.

quidem

quidem CHRISTIANVS THOMASIVS ¹ recte dicit: *Socrates videtur initia iecisse logica vtendi ad inquisitionem veritatis & Aristoteli commendatur tanquam gnarus definiedi & diuidendi.*

§. VI. Rudimenta hæc erant logicæ, cuius præcepta, quæ philosophi hi tradebant, neque integro operi de veritate cognoscenda sufficiebant, neque singularem adferebant vtilitatem. facile quidem successu temporis doctrina hæc ad maiorem elegantiam ac perfectionem peruenire potuisset; nisi prauis adfectibus & malitia hominum feliciori progressui intulissent moram atque impedimentum, quo minus prosperiora cœperit incrementa. nam vix philosophi cogitauerant de ratione cogitationes dirigendi, ac via ad cognitionem veri at falsi monstranda, quum logica, quæ fallaciis struendis inseruit, hominum ingenia ac mentes occuparet. ante PROTAGORAM nota erat argumentatio dicta *Achilles*, & eo respiciebat, vt negaretur motus; cuius adpellationem multi inde deriuant, quod vt Achilles, non possit superari aut solui, id quod veritati repugnat. nam nomen hoc ortum est a tali adsumptione: *num Achilles currendo testudinem adsequi potest? ad modum. atqui si motus est, Achilles testudinem non adsequetur: non est igitur motus.* argumentum hoc ab ARISTOTELE ² & DIOGENE LAERTIO Zenoni; ³ a PHAVORINO vero apud LAERTIVM ⁴ Parmenidi adtribuitur, vide AEGIDIVM MENAGIVM ⁵ & PETRVMGAS-

¹ philoz. aulic. cap. IV. § 6. ² physicoz. libr. VI. cap. 14.
³ lib. IX. 29. ⁴ lib. IX. segm. 23. ⁵ not. ad Laert. II. segm. 108. p. 123. lib. IX. segm. 23. p. 402.

SENDVM. ¹ PROTAGORAS *Abderites*, σοφία dictus & λόγος, quum & philosophiæ & eloquentiæ operam dedisset, viam paravit sophismatibus, siquidem non solum scripsit teste LAERTIO ² τέχνην ἐριστικῶν *artem contentionis*, item duos libros ἀντιλογικῶν, *contradictionum*, quum profiteretur primus, duas esse rationes de quacumque re oppositas sibi, iuxta quas etiam instituit quæstiones; sed & ipse huiusmodi fallacias adhibuit easque proposuit. in primis notum est ipsius argumentum, a græcis dictum ἀντιστρέφον, quo vñs aduersus discipulum Euathlum fertur, id quod pluribus commemorant A. GELLIVS, ³ APVLEIVS, ⁴ LAERTIVS; ⁵ simile autem quid refert SEXTVS EMPIRICVS ⁶ de *Corace*, qui rhetor fuit Sículus & Protagora antiquior, vt patet ex QVINCTILIANO. ⁷

§. VII. Magnum splendorem scholæ Eleaticæ effecit DEMOCRITVS, qui teste Aristotele ⁸ primus ostendisse traditur, quod rerum naturæ dari possint definitiones, ideoque a nonnullis inter logices cultores refertur, præcipue a IACOBO FRIDERICO REIMMANNO. ⁹ sed testimonia illa, quæ hanc in causam proferuntur, & apud PETRVM RAMVM ¹⁰ legi possunt, admodum leuia sunt, hinc & BARTHOLOMAEVS KECKERMANN ¹¹ ea de re adhuc dubitat, quum dicit: *Democritus, anno maior Socrate, etiam forte*

¹ d' origin. & variet. logic. cap. 2. p. 39.

² lib. IX. segm. 55.

³ noct. Attic. lib. V. cap. 10.

⁴ florid.

⁵ lib. IX. segm. 36.

⁶ aduersus mathematic. p. 81.

⁷ lib. III. cap. I.

⁸ de par-

tib. arum lib. 1. cap. 1.

⁹ critif. geschicht. - Calender der logic. p. 8.

¹⁰ schol. dialect. lib. 1. cap. 3. p. 316.

¹¹ præcognit. logic. 17. 11.

cap. 2. §. 9.

aliquid

aliquid logicum dedit, si ita ex titulis librorum, quos Laërtius recenset, coniectare velimus. nam quamuis DEMOCRITVS dixerit, quid sit frigidum, quid sit calidum, quod de eo obseruauit ARISTOTELES, id tamen nondum probat, DEMOCRITVM versatum fuisse in disciplina logicæ. inter discipulos eius a quibusdam refertur HIPPOCRATES, quamuis alii hoc dubium esse censent, & obseruant, quod non prius cognitus Hippocrati videatur fuisse Democritus, quam quum ad illum curandum vocaretur Abderam, præcipue si vera sint, quæ habeat AELIANVS ¹ de cetero HIPPOCRATIS merita celebrantur in logicam, quæ refert PETRVS RAMVS: ² Hippocrates medicus, horum ætate paullo inferior & inuentionis & dispositionis partes proposuit: similitudinem & dissimilitudinem commendauit: vitia diuisionis in veteribus, (vt Galenus ait) studiose reprehendit: immo vero effectorum, adiunctorum, una cum methodica & artificiosa dispositionis forma locum comprehendit.

§. VIII. Nunc conuertimus nos ad SOCRATEM, cui genuina & germana logicæ disciplina multum debet. nam quamuis ipse nullam habuerit scholam, nec quidquam scripserit, quod adfirmant CICERO, PLUTARCHVS, ARISTIDES, DIO Chrysostomus, LAËRTIVS & alii, & ex recentioribus GOTTFRIED OLEARIVS ³ aduersus LEONEM ALLATVM ⁴ solide probauit; singulari tamen iudicii virtute præditus erat, quam etiam

¹ var. histor. lib. III. cap. 20. ² citat. loc. ³ de scriptis Socratis p. 198. edit. lat. Stanlei histor. philos. ⁴ de scriptis Socratis.

ad eruendam veritatem adhibuit, forti animo disputauit contra sophistas hisque exercitiis viam monstrauit ad maiorem logicæ culturam philosophisque vehementiores admouit stimulos. CICERO magnificis laudibus ornat SOCRATEM, quando dicit; ¹ *Socrates primum philosophiam deuocauit de cælo & in urbibus collocauit, & in domos etiam introduxit & coëgit de vita, & moribus rebusque bonis & malis querere: item* ² *quorum princeps Socrates fuit, is qui omnium eruditorum testimonio, totiusque iudicio Græciæ cum prudentia, & acumine, & venustate & subtilitate, tum vero eloquentia, varietate, copia quam se cumque in partem dedisset, omnium fuit facile princeps. nec desunt, qui adfirmant, Socratem artem quoque logicæ habuisse explanatam ac cognitam, quoniam per temporis rationem audire potuerit Zenonem, & ex ipsius disciplina hæc adiumenta colligere; quin etiam de eo testetur ARISTOTELES, ³ ipsi deberi artificium definiendi, siue vt alii interpretantur, inductionis; cuius cognitionis documenta ad hæc Platonis dialogi exhibeant. quapropter PETRVS RAMVS ⁴ dicit; *Socrates vniuersos vnus non tantum ethica, sed hac logica philosophia longissime superauit; qui tametsi magister in schola nunquam fuit, nunquam artis cuiusquam professor ac doctör videri voluit, immo litteram nullam scriptam reliquit; e discipulorum tamen atque inprimis Platonis sermonibus, satis constat, omnium philosophorum**

¹ Tuscul. quæst. lib. V. cap. 4.

² de oratore lib. III. cap. 16.

³ lib. XIII. cap. 4. metaphys.

⁴ scholæ dialecticiæ lib. 1.

cap. 4.

superiorum non solum natura, sed arte & usu λογικῶν fuisset.

§. IX. In hanc ætatem ARCHYTAS Tarentinus incidit, cuius seruus fuit Plato, emtus a Polide navarcho, cui ipsum vendidit Dionysius tyrannus, ut TZETZES ¹ tradit. sub ipsius nomine adhuc exstat *περὶ τῶ πάντων Φύσις* libellus, dorice scriptus, quo primus uniuersa in decem classes, quas vulgo *categorias* siue *predicamenta* vocamus, Archytas distribuit: prodit græce, & latine Venetiis MDLXXI 8. & græce cura IOACHIMI CAMERARII Lipsiæ sine temporis nota 8. librum hunc commemorant SYRIANVS, ² SIMPLICIUS, ³ BOETHIUS, ⁴ AMMONIUS ⁵ DEXIPPUS ⁶ qui Iamblichi discipulus, litteris consignauit libros quæstionum in categorias. THEMISTIVS vero negat, Architam, qui de decem prædicamentis scripsit, fuisse Pythagoricum illum antiquum; sed quemdam iunio-rem Peripateticum, qui veteri nomine nouo operi conciliare voluerit auctoritatem, vbi & obseruandum esse putamus, quod ea, quæ SIMPLICIUS ex Archyta assert, in libello, qui eius nomen præ se habet, haud reperiantur. est adhuc alius liber Archytæ *περὶ τῆς δεκάδας*, quem eundem esse cum libro *περὶ τῶ πάντων* ceniet IO. ANDREAS SCHMIDIUS, ⁷ sed præter veritatis speciem. nam in illo de natura & proprietatibus numeri egerat, quod in hoc *περὶ πάντων* minime facit, confer GERH. IO. VOSSIUM ⁸ & IO. ALBERTVM FA-

¹ XI. hist. 362. X. hist. 359. ² in Hermogenem. ³ in categorias. ⁴ arith. II. 41. ⁵ in quinque voces Porphyrii. ⁶ lib. I. cap. 6. lib. III. cap. 1. ⁷ dissert. de Archyta Tarent. ⁸ de nat. & constitut. logic. cap. VIII. §. 3. p. 28.

BRICIVM. ¹ quod si Archytas hic fuerit Pythagoricus ille, capere possumus coniecturam, quod hac doctrina explanare voluerit *denarium Pythagoricum*, nisi potius eo respiciat liber περὶ τῆς δεκάδος. at vero siue Archytas Pythagoricus; siue alius quidam Peripateticus exposuerit decem categorias, genuina tamen ars cogitandi per hanc doctrinam haud accepit incrementa, quoniam istae tantum notionες sunt mente separatæ, nec accuratius in suas distributæ classes.

§. X. Discipulus Socratis fuit EVCLIDES Megareus, conditor disciplinæ Megaricorum, qui postea ἐριστικοί, siue contentiosi, ac exinde a nonnullis διαλεκτικοί, quia se se in dialecticis exercerent, dicti sunt, quos ita primus Dionysius Carthaginiensis ideo adpellavit, quod interrogando ac respondendo sermones librosque componerent, vt habet DIOGENES LAERTIVS. ² ZENO quidem *Eleates* a quibusdam dicitur auctor eristicæ disciplinæ, vt ex libro historię philosophicæ, qui inter GALENI scripta legitur, iam obseruarunt viri docti; sed GERH. IO. VOSSIVS ³ recte dicit: *facile hæc conciliantur. primi enim Parmenides eiusque discipulus Zeno Eleates quædam mouere circa dialecticē. Euclides autem Megaricus Parmenidis librorum imprimis erat studiosus, vt Laërtius est auctor. quare credibile est, in dialecticis secutum esse Parmenidem eiusque discipulum Zenonem. alii igitur Zenonem fecere auctorem sectæ eristicæ, quia is primus contentiones dialecticas mouit; alii Eu-*

¹ bibl. grac. lib. 11. c. 13. p. 394.

² lib. 11. segm. 106.

³ de

statis philos. cap. XI. §. 3. p. 65.

clidem, quia is promouit atque auxit. quod ad EVCLIDEM speciatim adtinet, DIOGENES LAERTIVS ¹ de eo scribit: *ταῖς ἀποδείξεσιν ἐνίστατο, ἔκατ' ἀλήμματα, ἀλλὰ καὶ ἐπιφορὰν*, quæ verba plerumque latine ita transferuntur: *utebatur probationibus non his, quæ per assumptiones, sed quæ per conclusiones fiunt; item: insistebat demonstrationibus non his, quæ per propositiones, sed quæ per conclusiones fiunt.* sed si iudicium atque auctoritatem CICERONIS sequi velimus, ἀπόδειξις significat *argumenti conclusionem*; & ἀλήμματα *sumtiones*, quando dicit: ² *sed demus tibi istas duas sumtiones: ea quæ ἀλήμματα appellant dialectici: sed nos latine loqui malumus; item: ³ itaque argumenti conclusio, quæ est græce. ἀπόδειξις ita definitur: ratio, quæ ex rebus perceptis ad id, quod non percipiebatur, adducit.* qua propter existimamus, DIOGENEM LAERTIVM significare, quod moris fuerit apud Euclidem, aliorum sententias ac conclusiones confutare non per contraria principia; sed per conclusiones, quæ continebant varia incommoda. adhæc de eo tradit LAERTIVS, quod disputationem, quæ fiat per similitudinem, sustulerit, dicens: illam aut ex similibus consistere, aut ex dissimilibus. si ex similibus consistat, circa ipsa potius, quam quibus sint similia, versari rationem debere; sin autem ex dissimilibus, superuacaneam esse comparisonem.

§. XI. EVCLIDEM audiuit EVBVLIDES, præceptor Alexini & rhetoris Demosthenis, qui reprehendit Aristotelem, vt IO. IONSVS

¹ citat. loc.
acad. lib. II. c. 8.

² de diuinatione lib. XI. cap. 53.

³ quæst.

¹ obseruauit. hic varia argumenta captiosa adhibuit, quæ commemorat DIOGENES LAERTIVS, ² illustrant autem PETRVS GASSENDVS, ³ AEGIDIVS MENAGIVS, ⁴ THOMAS STANLEIVS. ⁵ non ab re erit, heic quoque ista argumenta adtingere breuiter:

I. ΨΕΥΔΟΜΕΝΟΣ; *mentiens*, vt vocatur a CICERONE, ⁶ quæ argumentatio a materia hanc adpellationem habet, quoniam exempli causa sumitur is, qui *mentitur*, hac ratione: *num mentitur is, qui mentiri se dicit?* cui si respondeas *mentiri*; colligitur, *non mentiri, quoniam vere dixerit, se mentiri*. quod sophisima tanti habitum fuisse, testatur SENECA, ⁷ vt haud pauci libri de eo sint conscripti, id quod LAERTIVS ⁸ de Chrysippo commemorat; ATHENAEVS ⁹ autem & SVIDAS ¹⁰ produnt memoriæ, Philetum Cœm propter nimium studium in eo soluendo positum contraxisse phthisin & illius vi correptum, excessisse e vita. mentionem illius facit quoque ARISTOTELES. ¹¹

II. ΔΙΑΑΝΘΑΝΩΝ, *fallens*, quod sophisima hoc modo struitur: *nossti patrem tuum? noui. nossti hominem illum, qui latet? non noui. ergo patrem tuum non nossti: nam ille pater tuus est.*

III. ΗΛΕΚΤΡΑ, *Electra*, quod argumentum nomen habuit ab Electra, Orestis sorore, quæ in trægœdia Sophoclis Orestem fratrem

¹ de scriptoribus hist. philos. passim. ² lib. 11. segm. 108.
³ de origin. & variet. logic. cap. 111. ⁴ not. ad Diog. Laërt. p.
122. ⁵ hist. philos. p. 265. ⁶ de diuinat. lib. 11. cap. 4.
acad. question IV. 30. ⁷ epist. 45. ⁸ lib. VII. 196. ⁹
lib. IX. p. 467. ¹⁰ voc. φούξιο. ¹¹ lib. VII. cap. 3. ad
Nicum.

suum nouit & non nouit. scilicet Electra cognitum habebat quod Orestes sit frater; sed ipsi erat incognitum, quod ille, cum quo diserebat, sit frater Orestes, quod sophisma commemorat LVCIANVS. ¹

IV. ΕΤΚΕΚΑΑΤΜΕΝΟΣ, *coopertus*, quæ argumentatio etiam hanc adpellationem accepit a materia. exemplum illius exhibet LVCIANVS ² hac ratione; CHRYSIPP. *responde mihi, nostine patrem tuum?* MERCATOR, *maxime*, CHRYSIPP. *quid igitur, si prope te statuerem opertum quempiam atque interrogarem, nostine hunc? quid diceres?* MERC. *scilicet me non nosse.* CHRYS. *atque hic tuus erat pater, itaque si istum non nosti, palam est, patrem tuum non nosse.* ex quo patet, quod sophisma hoc cum superiore, quod dicebatur δ.αλανθάνων, conueniat.

V. SORITES, quem CICERO ³ adpellat *acerualem*, quoniam per hoc sophisma quis cogatur fateri, quod acruus, græce σωρὲς efficiatur vno addito grano, aut nunquam acruus sit futurus. quaeritur enim: *num vnum vel duo grana sint acruus, nec ne.* si hoc negatur, additur vnum: *num tria sint acruus?* quæ multiplicatio semper fit, donec quis fateatur, esse acruum; quo facto, alter inde colligit conclusionem: *ergo acruus efficitur vno grano addito.* præter CICERONEM huius argumentationis etiam mentionem faciunt LAERTIVS, LVCIANVS, SENECA, QVINCTILIANVS, VLPIANVS.

VI. ΚΕΡΑΤΙΝΗ, siue ΚΕΡΑΤΙΣ, id est cor-

¹ *visar. auctior.* ² *cit. loc.* ³ *de diuinat. lib. II. cap. 4.*

nutus, quod *sophisma* etiam nomen sortitum est ab exemplo, hac ratione: *habes, quod non amisisti; non amisisti cornua, ergo habes cornua.* SENECA¹ recte iudicat: *ceterum qui interrogatur, an cornua habeat, non est tam stultus, ut frontem suam tentet, nec rursus tam ineptus aut hebes, ut non habere se nesciat, quod tu illi subtilissima collectione persuaseris. sic ista sine noxa decipiunt; quomodo praestigiatorum acetabula & calculi, in quibus fallacia ipsa delectat*: adde A. GELLIVM²

VII. ΦΑΛΑΚΡΟΣ, cuius etiam DIOGENES in EUBVLIDE meminit. MENAGIVS³ autem hæc obseruat: *exemplum huius argumentationis non memini me legere: neque unde dicta sit, noui. forte ab hoc exemplo: qui non habet pilos in capite, caluus est. rasus non habet pilos in capite. ergo rasus caluus est.*

Atqui hæc sunt *sophismata*, quæ LAERTIVS notat in EUBVLIDE.

§. XII. Quod si heic reliquos philosophos disciplinæ Megaricæ persequi liceret, nihil aliud de illis commemorare possemus quam quod logicam sophisticam singulari studio propagauerint. Euclidem quoque audiebat CLINOMACHVS THVRIVS, de quo refert LAERTIVS, ⁴ quod primus scripserit περί αξιωμάτων καὶ κατηγορημάτων καὶ τῶν λογιστῶν; item STILPO Megarensis, de quo idem LAERTIVS⁵ tradit: ἀνὴρ καὶ τὰ εἶδη, καὶ ἔλεγε τὸν λέγοντα ἀνθρώπον εἶναι, μηδέν. ὅτε γὰρ τόνδε λέγειν, ὅτε τόνδε γὰρ μάλλον τόνδε ἢ τόνδε; ὅτε ἄρα τόνδε, species quoque

¹ *epist.* 46. ² *lib.* XVI. *cap.* 2. ³ *ad Latit.* p. 123.
⁴ *lib.* II. *segm.* III. ⁵ *lib.* II. *segm.* 119.

tollebat, dicebatque qui hominem diceret, neminem dicere. non enim hunc aut illum dicere. quidenim hunc magis, quam illum? non igitur hunc; quæ verba maxime sunt obscura. quod si autem per τὰ εἶδη intelligamus illa vniuersalia, siue prædicabilia, quæ in scholis traduntur, & post verbum εἶναι, addamus εἶπέν aut λέγειν, videtur STILPO hoc significasse, quod illa vniuersalia re ipsa haud reperiuntur, sed quæcumque sensibus nostris percipiamus, sint singulæia, qua interpretatione sententia hæc haud reiicienda erit. legi autem adhuc potest liber PLVTARCHI πρὸς κολῶϊν, quo opinionem Stilponis adfert, eamque contra Colotem tuetur. nihilominus deditus erat cauillationibus, quarum exempla suppeditat LAERTIVS. ¹ Eubulidis institutione vfi sunt ALEXINVS, APOLLONIVS CRONVS, cuius auditor fuit DIODORVS CRONVS, de quo LAERTIVS: ² ἦν καὶ ὅλος διαλεκτικός, πρῶτος δόξας εὐσηκέναι τὸν ἐγκεκαλυμμένον καὶ κρυπτὴν λόγον κατὰ Ἰνας, erat & iste dialecticus, primusque inuenisse a quibusdam existimatus est inuolutum & cornutum differendi genus.

§. XIII. Cognoscimus igitur ex his, quæ iam differuimus, quam rudiora fuerint artis huius initia; & quam frequens ab ipsius incunabulis extiterit eius deprauatio. nam plerique, præsertim in schola Megarica dialecticæ litteris eum in finem operabantur, vt promte disserere, ingenia ostentare, & per malitiam mentis incitati, aliis fraudes ac fallacias facere possent. sed videamus de progressu huius disciplinæ, quum maior & splendidior philosophiæ lux in græcorum gente exoriretur.

¹ lib. 2. segm. 116. ² lib. 2. segm. 111.

LIBRI II.
DE
PROGRESSV AC FATIS
LOGICAE.
CAPITIS I.
DE
PROGRESSV AC FATIS AR-
TIS LOGICAE GENERATIM PER
VARIOS AVCTORES.
SECTIO I.
TEMPORE ANTIQVO.

Σ Τ Ν Ο Ψ Ι Σ.

Dicendorum summa §. I. *de dialectica veterum* (1) ante natum Christum, ac quidem a) paganorum, primum graecorum, ubi differitur de dialectica Platonis §. II. III. IV. Platoniorum §. V. de logica Aristotelis §. VI. VII. VIII. IX. ejus discipulorum §. X. de dialectica Stoicorum XI. XII. XIII. XIV. XV. de canonica Epicuri §. XVI. XVII. XVIII. deinde romanorum §. XIX. XX. β) iudæorum §. XXI. (2) post natum Christum, ubi differitur de interpretibus Aristotelis graecis §. XXII. latinis §. XXIII. de logica Galeni §. XIV. Porphyrii §. XXV. quorundam patrum ecclesiae: §. XXVI.

§. I. **H**Actenus de origine ac prima ætate artis huius, cuius progressus ac fata iam contemplabimur, ordinem temporis obseruantes. quapropter primum vetustiora tem-

temporâ ab ætate Platonis vsque ad seculum sextum post natam generis humani salutem illustranda nobis proponamus, ita vt quid effecerint philosophi pagani, iudæi ac Christiani, videamus. ex gentibus græci inprimis clarissima nomina a se dederunt propter philosophiæ litteras, apud quos post Socratem quatuor præcipue sectæ, *Platonica, Aristotelica, Stoica & Epicurea*, excelsæ floruerunt, quarum studia in artem hanc, accuratius commemorare operæ pretium esse ducimus. quæ si exposuerimus, transeamus ad gentem romanorum, vt quæ fortuna logicæ apud illos fuerit, cognoscamus.

§. II. Secta Platonica originem ac nomen suum debet PLATONI, cuius dialecticam perspicue exponere, res omnino difficilis est atque ardua. ipse enim nunquam integram logicæ doctrinam ex instituto tradidit; sed quæ hac in re sensit, in ipsius dialogis, *Sophista, Phædone, Menone Phædro*, item de republica Cratylo fusa deprehendimus nec APVLEIVS atque ALCINOVS, qui operam suam in recensendis philosophiæ Platoniciæ argumentis posuerunt, nobis satisfacere possunt. namque ille animum quidem induxerat, triplicem Platonis philosophiam explanare, quod etiam ratione doctrinarum de natura ac moribus præstitit; rationalem vero disciplinam minus attigit, id quod etiam fere de ALCINOVS adfirmare licet. dialecticam quippe Platonis ad rationem formamque logicæ Aristotelicæ adcommodavit, ac eiusmodi tradidit momenta, quæ ipsi partim minus sunt propria; partim vero cum eius philosophia

haud cohærent. quantum ex dialogis Platonis cognoscimus, vocem *dialectica* duplici significatione adhibuisse videtur. primum intellexit per dialecticam ipsam sapientiam, siue eiusmodi cognitionem rerum diuinarum ac spirituum, inprimis summi boni, per quam ingenia feliciora & multa scientia exercitatione neque exulta satis istas res cognoscant vere & pure, sine imaginibus. scilicet quatuor cognitionis nostræ gradus statuit PLATC, quorum primus sit ἐπιστήμη, *scientia*, secundus διὰ νοία, *ratio*, tertius πίστις, *fides*, quartus εἰσαγωγή, *assimilatio*. primum & vltimum vindicat dialecticæ: ¹ confer IO. IACOBVM SYRBIVM. ² versabatur Plato in summo errore, quod animæ rerum singularum adeoque hominum haustæ sint ac tractæ ex anima mundi, quæ quum esset essentiæ diuinæ, credebatur quoque, mentem humanam emanasse ex Deo, vt supra ³ pluribus id a nobis expositum est. quo errore, quæ veræ mentis nostræ indolis ignoratione ductus, porro sibi persuadebat, intellectum nostrum esse scientem omnium rerum, quarum ideas illum continere, veluti ipsam ideam siue typum omnium formarum, quæ imprimantur rebus. at vero quum crederet, materiâ fontem esse omnis mali, inde efficiebat conclusionem, quod anima cum corpore coniuncta, fuerit deprauata, ac speciatim intellectus contraxerit sibi tenebras & venerit in obliuionem rerum omnium, quas antea, quum adhuc animo mundi, siue suo

¹ lib. VI. de republ. p. 511. lib. VII. p. 533. ² de philosophia prima in locum & honorem suum restituenda §. XV. p. 19. adda Vossium de natur. & consuet. logic. cap. XII. §. 1. ³ pag. 308.

principio fuerit iuncta, habuerit cognitae, quapropter existimabat Plato, mentem humanam, veluti in specum tenebrarum plenam detrusam excitari per formas seu species rerum, quæ sensibus percipiuntur, ut sensum ac sensim per varios reminiscentiæ gradus pristinum lumen recuperet, ac ad ipsius solis, id est, primi entis, primi principii, nec non formarum, specierumque intellectu tantum percipiendarum, hoc est idearum notitiam perueniat. atqui in eo positum esse finem dialecticæ censebat, ut illius ope mens purgetur a pravis opinionibus, ac germanam scientiam primi entis, rerum materiæ expertum, formarum, quæ per intellectum tantum cognoscuntur, recuperet. nam tradit, quod illarum rerum, quæ in sensus cadant, cognitio in opinione consistat, siquidem non solum sensus sint fallaces, sed res ipsæ quoque fragiles & caducæ. antequam vero conitamus ad hanc scientiam, iubet Plato, mentem præparare litteris mathematicis, ut conceptus ac rationes a rebus ipsis separatas capere, deque illis cogitare adsuescat.

§. III. Deinde Plato nomine *dialectices* complexus est scientiam de via ad ipsum finem perueniendi, ut hac significatione muneris sit dialectici, viam monstrare, qua mens ex oblivione ad priorem notitiam & lucem deduci possit. hinc dialecticæ officium esse docet, analysi quadam dirigere mentem ad primum verum, quæ quum ad hoc fuerit euecta, possit se iterum conuertere ad res sensibus cognoscendas, illasque diligenter expendere, ita tamen ut ad ipsum primum reuertatur & in eo denique conquiescat. ALCINOVS tres ana-

Iyfeos species obseruat ex Platone. prima est quæ considerat res singulares siue sensuum, & inde ascendit ad res, quas ratione atque animo videmus, vt si a pulcro, quod corporibus inest, ad id, quod animorum est, ab hoc ad aliud in vitæ officiis, ab hoc rursus ad aliud, quod continetur legibus & ad ipsum tandem mare illius immensum adscendimus, adeo ut quod reliquum est, ipsum pulcrum per se denique adiequamur. secunda analysis est, qua ex demonstratis primas & quæ medio carent, propositiones colligimus, quod hoc modo fit. quæstione posita: *num animus sit immortalis?* quæritur: *num idem semper moueatur?* quo demonstrato, alia quæstio instituitur: *num id quod mouetur semper, per se moueatur?* iterumque hoc demonstrato: *num quod per se ipsum mouetur, motus principium sit?* & post hoc: *num origine careat principium,* quod vt certissimum ab omnibus admittitur, ita quoque hoc: *quod ingenitum est, interitus quoque esse expers.* a quo, quum sit perspicuum, demonstratio hac ratione colligitur; *si principium originis expers, erit & interitus: at quod per se mouetur, motus est principium: per se autem anima mouetur: expers ergo & interitus & originis, & immortalis est anima.* tertia analysis est, quæ ex suppositione ad ea, quæ sine suppositione sumuntur, pergit principia, hac ratione. qui aliquid quærit, illud primo ipsum supponit, deinde quid ex supposito sequatur, aduertit; tum vero si ipsius suppositionis reddenda sit ratio, alio supposito, quærit, num id, quod prius fuerat suppositum, rursus ad aliam sequatur suppositionem, idemque
sem-

semper obseruat, donec ad illud, quod non ex suppositione sumitur, peruenerit principium, uti has species explicat ALCINOVS. ¹ ut autem mens rectius his resolutionis generibus utatur, necessariam esse existimat Plato *diuisionem*, quo genera in species & totum in partes distribuat, ac cum diuisione etiam *definitionem*, ut illius ope rei cuiusdam indoles cognoscatur. tandem commendauit *inductionem*, disputandi viam & rationem, quæ vel a simili ad simile, vel a singulis transeat ad vniuersa, ut idem ALCINOVS habet: confer PETRVM GASSENDVM, ² qui hæc philosophiæ Platoniciæ momenta inter omnes clarissime exposuit, quem & secuti sumus, adhibentes simul ALCINOVM. DANIEL GEORGIUS MORHOFIVS ³ dicit: *Plato ad dialecticam omnem reuocauit methaphysicam*, & commemorat ad hanc rationem conscriptam *dialecticam Platoniam*, Ludou. de Morainuillier de Orgueuille, qui liber editus sit anno MDCCL. 8. Maclouii, hac inscriptione: *examen philosophiæ Platoniciæ*.

§. IV. Prior dialectica Platonis ipsius ingenio ac philosophiæ consentanea est, quæ quum erroneis atque impiis opinionibus nitatur, ac consequentias contineat absurdas, quisque sanæ mentis plane ab ista abhorret. ad hæc viam parauit ad scepticismum, quod sibi sensus fallaces esse persuaferit, quorum certitudo si remouetur, non potest non continua oriri dubitatio. atqui hæc ipsa sententia for-

¹ *lineament. doct. Platon. cap. V.* ² *de origin & variet. logic. cap. IV.* ³ *polyb. tom. II. lib. V. §. 7. p. 515. add. Fabricium bibl. græc. lib. III. cap. I. p. 41.*

san dedit occasionem dissensus, qui inter ipsos Platonis sectatores fuit de certitudine nostræ cognitionis, inprimis si adhuc obseruamus, quod Socrates professus sit, se nihil scire, ipsique fuerit familiare magis interrogare, quam respondere. quo instituto quum Socrates vteretur, factum est, vt effectum eius minus intelligentes, omnia haberent promiscue dubia, saltim dari certitudinem cognitionis negarent. Posterior Platonis dialectica prodit varia momenta, quæ ad meditationem analyticam, vt dicitur, spectant: ac quamuis turbatim sint proposita, nec rei ipsi sufficiant; maiorem tamen artis huius lucem, quam ista antea in scholis philosophorum fuit, præ se habent. Plato auditor fuit Socratis, qui acer veritatum investigator atque amator erat; vt inde capiamus coniecturam, quod hæc dialecticæ doctrina hausta ex disciplina Socratis. apertum enim est, quod ingenii vis fuerit maior in Platone, quam iudicii, quo si quis destitutus, haud aptus erit ad genuinam vtilemque logicæ artem ornandam.

§. V. Qui Platoniam secuti sunt philosophiam ex paganis, illorum variæ classes constituuntur, quum de certitudine cognitionis nostræ discrepant sententiis, erit nobis occasio, de scepticismo, eius variis ætatibus, generibus, cultoribus disserendi, qua simul in philosophiam ac placita academicorum breuiter inquiramus. quapropter tantum hec mentionem facimus XENOCRATIS *chalcædonii*, qui post *Speusippum* academix præfuit per annos quinque & viginti. CICERO ¹

¹ *acad. quest. lib. 1. cap. 4. sqq.*

quando disputat de schola Platonica, in primis laudat hunc Xenocratem & Aristotelem & paulo post dicit: *fuit ergo iam accepta a Platone philosophandi ratio triplex: una de vita & moribus; altera de natura & rebus occultis; tertia de differendo & quid verum & quid falsum; quid rectum in oratione prauumue; quid consentiens; quid repugnet, iudicando.* scripta ipsius multa refert LAERTIUS, ¹ inter quæ sunt nonnulla argumenti dialectici, quod quum tractaret, initium fecit a *φωνῆς*, siue vocis consideratione, quo nomine reprehensum narrat PORPHYRIUS. ²

§. VI. Peruenimus ad ARISTOTELEM, principem philosophorum, quos vetus græcia habuit, in primis laude ac meritis logica. natus est Stagiris Macedonia olympiad. XCIX. I. ante natum Seruatorem nostrum CCCLXXXIIII. ac patrem habuit Nicomachum, medicum Amyntæ regis; præceptorem vero Platonem, a quo discessit & ipse condidit scholam. quod ad ipsius scripta logica, quæ exstant, adtinet, ista diligenter recentient GERH. IO. VOSSIVS ³ & IO. ALBERTVS FABRICIVS. ⁴ atqui huc spectant.

I. ΚΑΤΗΓΟΡΙΑΙ, *Categoriæ* siue *prædicamenta*. non desunt, qui librum hunc ab Aristotele haud scriptum esse putant; sed ab *Andronico*, vt cum CAELIO SECVNDO CVRIONE existimat auctor Snellio-Ramæi philosophiæ syntagmatis a GUCLENIO ⁵ editi: *Simplicius cum categorias explicat, Andronicæ*

¹ lib. IIII. segm. II. sqq. ² ad musicæ Ptolemai p. 193. ³ de natur. & constitut. logica cap. 10. sqq. ⁴ bibliotheca græca t. III. cap. 6. p. 109. ⁵ pag. 110.

paraphrasin citat multis locis: quæ ubique ferre cum his, quas habemus, categoriis congruit: ut nulli iam dubium esse possit, hæc nostras categorias ad Andronicum, non ad Aristotelem pertinere. IO. IONSIUS¹ dicit: *auctor libri de categoriis, quicumque Platoniorum vel Pythagoricorum is demum fuerit; & ante eum LVDÖVICVS VIVES*² *fatetur, librum illum sibi videri esse vel Pythagorici vel Megarensis. ac quamuis Archytas Tarentinus, Pythagoricus etiam de decem scripserit prædicamentis, ut supra a nobis fuit obseruatum; veterum tamen clara testimonia SIMPLICII, AMMONII, LVCIANI, quæ collegit VOSSIVS,*³ *pro Aristotele pugnant.*

II. ΠΕΡΙΕΡΜΗΝΕΙΑΣ, *de interpretatione, qua voce intelligitur λόγος ἀποφαντός oratio enunciata.* librum hunc ex veteribus Aristoteli abiudicauit *Andronicus Rhodius*, testibus AMMONIO & BOETHIO; sed illum vindicant ei contra Andronicum *Alexander Aphrodisæus, Ammonius, Boëthius*, atque alii Peripatetici. dicitur opus hoc a RAPINO⁴ *une espece de grammaire raisonnée.*

III. ΑΝΑΛΤΤΙΚΩΝ προτέρων βιβλία β', υστερων βιβλία β', *analyticorum priorum libri duo, & posteriorum libri duo.* prioribus agit de syllogismo; posterioribus vero de demonstratione. hinc GALENVS⁵ innuit, veram & antiquam inscriptionem analyticorum priorum fuisse περὶ συλλογισμῶν, quod etiam confirmat BOETHIVS;⁶ posteriorum autem

¹ de scriptorib. histor. philosoph. lib. 1. cap. 1. p. 5. ² de corruptarum artium lib. 3. p. 99. ³ cit. loc. cap. X. §. 3. p. 56. ⁴ reflex. sur la logique p. 735. ⁵ de libris propriis tom. III. p. 253. ⁶ II. de interpretat. edit. prima p. 253.

analyticorum antiquum titulum fuisse *περὶ ἀποδείξεως*, de demonstratione, idem GALENVS indicat. ἀπολύειν enim est resolvere quæstionem ad propriam causam, quod colligimus ex THEMISTIO, ¹ vt adeo ἀναλυτικὴ sit ars probandi quæstionem per rationes rei subiectæ proprias.

IV. ΤΟΠΙΚΩΝ βιβλία ἡ. de locis, vnde argumenta probabilia petuntur libri VIII. atqui hæc est *dialectica*, quæ opponitur *analytica*, vbi obseruamus, quod vox *dialectica*, varia sumatur significatione. sic PLATO, vt ex superioribus constat, per dialecticam intelligebat ipsam sapientiam; Stoici, Cicero & alii hoc nomine comprehendebant integram logicam. Peripatetici autem opponunt analyticæ, quæ ad demonstrationem spectet, dialecticam vt sit ars ex probabilibus differens. at vero adhuc monent, quod dialectica quum sit ars disputandi ex probabilibus, ac aliquid vel vere sit probabile, vel eiusmodi adpareat; laxè dialectica vtramque partem comprehendat; Stricte autem ac κατ' ἐξοχὴν sic dicatur, quæ verè probabilia tractet adeoque doceat, de rebus vere probabilibus differere, bene interrogando apteque ad interrogata respondendo, vsque dum eliciatur, quod verum vel vero proximum sit.

V. ΠΕΡΙ ΣΟΦΙΣΤΙΚΩΝ ΕΛΕΓΧΩΝ, βιβλία β', de *sophisticis Elenchis*, siue argumentationibus lib. II. σοφιστικὴ apud Peripateticos est altera pars dialecticæ, ac tractat de fallaciis, siue eo, quod probabile videtur, nec est.

¹ lib. 1. poster. analyt.

obseruant, quod hæc pars discatur non ad insidias struendas, sed vitandas, vt adeo sophista aliquis sit προαιρέσει, sed dialecticus δυνάμει. hilibri a LAERTIO laud commemorantur; quod autem ab Aristotele libris topicis sine subiecti, colligit SAMVEL PETITVS ¹ ex capite ultimo libri posterior. elenchor.

§. VII. Hæc scripta Aristotelis logica, quæ commemorauimus, iuncta edi solent sub titulo ORGANI, cuius inscriptionis ratio hæc est, quod Aristoteles logicam suam vocauerit ὄργανον καὶ χεῖρα φιλοσοφίας, *instrumentum & manum philosophiæ*, vide IO. NELDELIVM ² & GERH. IO. VOSSIVM. ³ vnde & in quibusdam academiis, ut Lipsiensi, qui rationalem profitentur disciplinam, dicuntur *professores organi*. quodsi autem accuratius de hoc organo velimus iudicare, obseruandum est *primum*, quod opus hoc non omnia Aristotelis scripta, ad logicam spectantia complectatur, siquidem plures libri, argumenti logici perierunt iniuria temporum, qua de re præter alios videre possumus IO. ALBERTVM FABRICIVM, ⁴ qui scripta Aristotelis deperdita digesta secundum ordinem litterarum enarrat diligenter. quin etiam monumenta illa, quæ continet organum, non satis integra esse videntur. etenim LAERTIVS ⁵ memorat priorum analyticorum libros octo, vel nouem, vt PATRICIVS, vel decem denique, vt HENR. STEPHANVS in codice suo reperit, & ἀναλυτικῶν ὑσέρων μεγάλων libros duos. quid

¹ obseru. lib. II. cap. 2. ² de usu organ. Aristotelic. pars. 1. cap. 3. ³ de natur. & constitut. logic. cap. VI. §. 4. ⁴ bibl. grac. lib. III. cap. 7. p. 185. ⁵ lib. V. segm. 23.

quod

quod AMMONIVS ¹ testatur, tempore Ptolemæi Philadelphi repertos fuisse in bibliotheca Alexandrina quadraginta libros analyticorum. *deinde* adnotare e re est, quod libri, ex quibus organum compositum est, neque eo ordine, neque eo fine conscripti ab Aristotele videantur, quo nunc adparent, quemue iam præ se ferunt, id quod vel ex eo colligere possumus, quod Aristoteles ipse prioribus analyticis ² mentionem faciat τοπικῶν. ex quo nihilominus ANDRONICVS Rhodius illos in eum ordinem, qui posthac a Peripateticis probatus est, digessit, græci omnes interpretes vsque ad AMMONIVM, & PHILOPONVM SIMPLICIVM que ipsius discipulos eam ordinis causam dixerunt, quod quum logica sit philosophiæ adeoque veritatis inueniendæ instrumentum, ac subiectum eius argumentum sit ipsa demonstratio, cuius ope ad veritatem possimus peruenire, ideo *posterioribus analyticis* agatur de *demonstratione*. quoniam aurem demonstratio sit *syllogismus*, nec qualis sit syllogismus, intelligi possit, nisi generatione de ipsius indole tradantur præcepta, ea de causa de isto agatur *prioribus analyticis*. omnis syllogismus constet ex *propositionibus*; & omnis propositio ex *simplicibus vocibus*, quæ sit ratio, cur libris ἀναλυτικῶν præmittatur opus de *interpretatione*, siue de enunciatione; & huic illud de *decem categoriis*. denique quia demonstratio vna sit syllogismi species, quæ nitatur principiis ac propositionibus necessariis, ac sint præter hanc duæ aliæ, quarum altera fiat ex probabilibus, dicta ab Aristotele *syl-*

¹ in *categor.* p. 13.

² lib. I. cap. I.

logis-

logismus dialecticus; altera ex fallacibus appellata *sophisticus*, ea de causa ut demonstratio intelligatur perfectius, posterioribus analyticis *topici*, libri subiiciantur, quibus de syllogismo dialectico; & istis libri elenchorum, quibus de sophistico differatur: confer PETRVM GASSENDVM. ¹ equidem THOMAS STANLEIVS ² præter alios diuersa est sententia, quando dicit: *omnium interpretum consensu primum categoriæ locum occupant, neque dubito, reliquos etiam secundum genuinam Aristotelis methodum dispositos esse*; & prouocat ad ipsius Aristotelis testimonia, qui initio analyticorum priorum ³ scribat: *de syllogismo agendum, antequam ad demonstrationem accedamus, quoniam magis generalis syllogismi ratio est*: item de elenchis sophisticis: ⁴ *de syllogismo, qui ad docendum valeat & demonstrandum, iam dictum est in analyticis. de dialecticis vero & iis, quæ ad faciendum tentamen spectant, in proxime præcedente libro; ad agonisticum itaque genus atque eristicum nobis iam erit accedendum*. sed ex testimoniis hisce tantum sequitur, ut Aristoteles prius scripserit analytica priora, quam posteriora; quodue libris *τοπικῶν* subiecerit illos de elenchis sophisticis, id quod genuinum ab Aristotele constitutum ordinem omnium librorum organi nondum probat. quid multa? nemo poterit firmis rationibus confirmare, quod Aristoteli fuerit in animo, integrum logicæ opus eo ordine, quem ipsa argumenta huius disciplinæ naturali nexu inter se coherencia postulant,

¹ de origine & varietate logic. cap. V. p. 44. ² histor. philos. p. 443. edit. latin. ³ lib. 1. cap. 3. ⁴ lib. 1. cap. 2.

conscribere. *tertium* obseruamus, quod facile in dubitationem deduci possimus, num genuini Aristotelis libri ad nos sint propagati, præcipue si duriora fata, quæ isti subierunt, diligenter expendamus mente. nam Aristoteles apparatus librorum, quem comparauerat sibi, etiam illorum, quos suo ingenio excluderat suaque manu exarauerat, Theophrasto reliquit, a quo posthac thesaurus hic peruenit ad Neleum, Aristotelis discipulum, qui hanc bibliothecam, Alexandriam transferendam vendidit Ptolemæo Philadelpho, conseruato sibi exemplo quodam illorum librorum, quorum auctor erat Aristoteles. hos transmisit posteris suis, hominibus litterarum cognitione haud ornatis, qui quum sensissent Attalicorum regum studia, bibliothecam Pergami amplissimam struendi, istos in fossa quadam occultauerunt; tandem vero tineis & situ corruptos Apelliconi Teio magno precio vendiderunt. erat autem Apellicon librorum magis cupidus, quam sapientiæ. itaque quum exempla noua horum librorum describenda curaret, nec ipse philosophiæ esset peritus; factum est, vt prodirent isti corrupti atque vitiorum pleni. quo defuncto Sylla Athenis potitus, illos Romam transtulit, vbi eorum copia Tyrannioni grammatico, qui Aristotelis erat studiosus, facta, a quo nactus est illos Andronicus Rhodius, ac primus in publicam lucem emittendos curauit, quæ fata STRABO¹ & PLVTARCHVS² prodiderunt memoriæ.

¹ lib. XIII. p. 609. ² Syllap. 468. adde. Ammonium vita Aristoteli. Suidam in superiorem de quo egit quoque BÆLIYS.

hinc

hinc PETRVS RAMVS ¹ dicit: *de peripateticis philosophis iam Laërtio nihil habemus, immo de tam multis artis logicæ peripateticis monumentis nihil habemus, præter Porphyrium & septendecim libros Aristotelis, si tamen sunt Aristotelis. nec enim fluminis illius aurei in tot libris vlla gutta cernitur; nec vetus ille singulorum librorum & titulus & numerus a Laërtio propositus præsentititulo numeroque conuenit, ut ex comparatione potest intelligi. & Strabone & Plutarcho planum est, eos sicuti reliquos eiusdem philosophi libros valde corruptos & deprauatos esse.* quod ad interpretes Aristotelis, eosque veteres græcos adinet, illorum mentionem facit PHILIPPVS LABBEVS; ² prout quoque indices interpretum deprehendimus in editionibus græcolatinis Aristotelis, præcipue *du Valliana*; POSSEVINO, ³ PAVLLO BOLDVANO, ⁴ MARTINO LIPENIO, ⁵ HENDREICHIO, ⁶ quamuis haud accurate nec distincte sint conscripti, quorum principes & nos paullo post commemorabimus. optima editio organi est græcolatina, quæ ex IVLII PACII a Beriga recensione cum ipsius versione & scholiis prodiit Francofurti apud hæredes A. Wecheli anno MDXCVIII. 8. ad quam ornandam vsus est quinque codicibus Palatinis, vide IO. ALBERTVM FABRICIVM. ⁷ organo huic præmittitur PORPHYRII isagoge in categorias.

¹ *scholæ dialecticæ lib. I cap. 7.* ² *brevi conspectu Aristotelis & Platonis græcorum interpretum typis editorum Paris. 1657.* ³ *bibliothec. selectæ XII 4.* ⁴ *biblioth. philos. p. 440* ⁵ *bibl. philos.* ⁶ *pandectis Brandenburg.* ⁷ *bibl. græc. lib. 3. cap. 6. p. 117.*

§. VIII. Quod si ex veritate de meritis philosophi huius in artem ac disciplinam rationalem velimus iudicare, omnia prauorum adfectuum studia, siue sint amoris, siue odii, remouere debemus, vt neque nimis præclare, neque abiecte de eo sentiamus. quod vt faciamus, necesse est, Aristotelis logicam duplici ratione considerare, partim ratione ætatis vetustioris, partim recentioris, qua disciplina hæc purgata, culta ac prout ipsius indoli consentaneum est, proposita. si respiciamus tempora antiquiora, atque Aristotelem cum aliis philosophis, qui tempestate illa artem hanc tradiderunt, velimus comparare, magna omnino in doctrinam hanc merita contulit. ante eum cultus artis huius haud nitidus aut elegans fuit, siquidem ea, quæ philosophi scholæ Elcaticæ proposuerunt, breuia erant præcepta, minus inter se cohærentia; nec Plato tam feliciori successu, tam singulari studio opus hoc adgrediebatur, quam Aristoteles. etenim primus logices *σύνετα* molitus est eamque redegit in formam artis, etiam plurima scripsit inter antiquos philosophos, quæ ad rationalem hanc disciplinam pertinent, prout magis elucerent ipsius merita, si quæcunque composuit, adhuc seruata essent. deprehendimus vbique vestigia grauioris iudicandi facultatis, qua Aristoteles valuit maxime, atque obseruamus, quod ipse instituerit meditationes, haud tantum in magistrorum præceptis adquiescens, ac quod omnino admiratione dignum censemus per temporis illius rationem, non solum de meliore ac pulcriore logicæ cultura fuerit sollicitus; sed alias quo-

que philosophiæ partes explanauerit, cogitationesque suas ad certum ordinem adcommodauerit. multi quidem ipsum iis de causis reprehendunt, quod secutus sit in organo genus scribendi obicurius; quam censuram autem leuiorem esse arbitramur, si expendamus, quod in multis argumentis atque exemplis habenda fuerit ratio græcæ linguæ: confer GEORGIVM PASCHIVM. ¹ post Aristotelem vsque ad felicem illam ætatem, qua litteræ philosophicæ meliorem induebant faciem, illo nemo fuit superior, siquidem omnem logicæ doctrinam ex ipsius monimentis hauriebant; quid quod interdum ea, quæ magister hic tradiderat, corrumpabant, ac disputationibus inutilibus efficiebant, vt hæc Aristotelica ars multum de dignitate sua amitteret. cuiusmodi duriori sorte ista nobilissima disciplina adfecta fuit tempore scholasticorum, qui meliorem philosophiæ viam fuissent ingressi, etiam bonis litteris maiora intulissent incrementa, si genuinum ac purum Aristotelis fontem vidissent eumque fuissent sectati. sic philosophus hic summus logicæ magister extitit, si merita eius certo temporis spatio determinamus.

§ VIII. At vero tantum abest, vt operi huic satisfecerit, atque isti expoliendo supremam addiderit limam; vt multa adhuc recentioribus philosophis emendanda atque augenda reliquerit, id quod generatim indicabimus. etenim obseruamus *primum*, quod maxime necessaria atque vtilia momenta, sine quibus genuina ars logicæ haud consistere

¹ de inuentis non-antiquis cap. II. §. 7.

potest,

potest, minus attigerit atque explanauerit, quo spectat

- (1) quod metaphysica ratione logicam scripserit, id est subsidia ratiocinandi nimis generalia dederit, id quod vitium commune est Peripateticis. quo specialiores regulæ disciplinarum esse possunt, eo maiorem adferunt utilitatem.
- (2) tradidit quidem modum quemdam, verum & falsum diiudicandi; sed quomodo veritas possit inueniri, id minus attigit. logica igitur ipsius est analytica, minus autem synthetica; vti philosophi dicunt. syllogismus enim haud usurpauit veluti medium inueniendi verum; sed diiudicando illud.
- (3) prætermisit præstantissimam doctrinam de vera indole deque variis speciebus probabilitatis. nam quamuis libris *τοπικῶν* argumentum hoc explicandum sibi proposuerit; misere tamen illud tradidit. existimat quippe, quod probabilitas posita sit in opinione aliorum, quæ tamen in ipsa re quærenda est, adeoque istam confundit cum furo oratorio, cumque eo, quod fieri potest.
- (4) doctrinam de definitione ac diuisione non ea ratione, prout decebat, proposuit nec ostendit fundamenta artis, qua definitiones ac diuisiones, quibus inter alia nititur demonstratio, sint struendæ.
- (5) copiose differit de syllogismo; alios autem modos, qui varii adhuc sunt, conclusiones ex principiis deducendi, ac

certo verum inueniendi minus obseruauit.

secundum generatim obseruamus, quod multa admiserit inutilia, quæ cum bona logica nullum habent commercium, nec merentur præcepta, quo pertinet doctrina de fallacibus argumentationibus; de prædicamentis, quæ adhuc minus accurate in suos ordines distributa sunt; de propositionibus, quum istas veluti grammaticus proposuit, nec verum ostendit fundamentum affirmationis ac negationis, quod in indole idearum siue notionum mentis quærere debemus. ac quam multa ipsius disciplina de definitione ac demonstratione continet, quæ ad nullum vsum possunt transferri?

§. X. Sed dimittamus ARISTOTELEM. discipuli ipsius numero tam multi, fama adeo illustres fuerunt, vt NICANDER Alexander integrum librum *περί τῶν Ἀριστοτέλους μαθητῶν* memoriæ eorum consecrauerit, cuius copia si adhuc nobis esset, sine dubio accuratius Peripateticos possemus recensere. de cetero hoc in negotio diligentiam suam probarunt IO. ION-
SIVS,¹ FRANCISCVS PATRICIVS,² THOMAS STANLEIVS,³ & inprimis IO. ALBERTVS FABRICIVS.⁴ primus ex illis commemoratur THEOPHRASTVS, qui addiderit doctrinam de syllogismis hypotheticis, teste BOETHIO⁵ *nam quum categoricorum syllogismorum amplissime notitiam percepisses, de hypotheticis syllogismis saepe quærebas, in*

¹ de scriptorib. hist. philos. lib. III. §. 27.

tom. I. lib. 10.

³ hist. philos.

p. 476.

² discuss. Peripat.

⁴ lib. græca lib.

III. cap. II.

⁵ de syllogismis hypotheticis ad Symmachum p. 606.

quibus ab Aristotele nihil est conscriptum. Theophrastus vero omnis doctrina capax rerum tantum summas exequitur. AMMONIVS tradit, quod discipuli Aristotelis EVDÆMVS, PHANIAS, & THEOPHRASTVS æmulatione præceptoris scripserint categorias, & de interpretatione & analyticam: confer GERH. IO. VOSSIVM. ¹

§. XI. Conuertamus nos ad sectam Stoicam, cuius auctor extitit ZENO Cittieus, in qua logicæ studia floruerunt maxime. arbitrabantur Stoici, sine hac arte neminem esse sapientem, teste LAERTIO ² qui & alio loco ³ dicit: καὶ τοῖσδε μὲν ἐν τοῖς λογικοῖς οἱ Στωικοί, ἵνα μάχιμα κεραιύνωσι διαλεκτικὸν αἰεὶ εἶναι τὸν σοφόν, ac huiusmodi sunt in logicis Stoici, ut maxime asserant dialecticum solum esse sapientem; quamvis & dicerent, solum poetam, oratorem, iurisperitum esse sapientem: confer IVSTVM LIPSIVM. ⁴ Stoici posuerunt etiam dialecticam inter virtutes, ut est apud CICERONEM, ⁵ PLVTARCHVM, ⁶ STOBÆVM: ⁷ quin etiam *dialectici* sunt vocati, quam adpellationem ab Euclideis acceperunt, quare eos ad differentiam Stoicorum *veteres dialecticos* SENECA ⁸ videtur adpellare: confer AEGIDIVM MENAGIVM. ⁹ ZENO, qui hanc scholam condidit, multos libros reliquit, etiam nonnullos argumenti logici, quibus iudice LAERTIO, ¹⁰ ita differuit, ut

¹ de natura & constit. logic. cap. XI § 3. p. 70. ² lib VII. segm. 46. sqq. ³ lib. VII. segm. 83. ⁴ mamudult. ad phil. Stoic. lib II. diff. 11. 12. 13. 14. ⁵ lib III. de finib. ⁶ lib. I. de placitis philosoph. ⁷ collect. Stoicorum dogmatum. ⁸ epist. 117. ⁹ ad Laert. II. segm. 108 p. 122. lib. VII. segm. 83. p. 296. ¹⁰ lib. VII. segm. 4.

nemo post eum Stoicorum. successor ipsius in porticu Atheniensi erat CLEANTES, magister Chrysippi, qui argutis disputationibus indulgit, vt ex SENECA atque aliis patet, vnde *spinas Cleanthis & contorta Chrysippi* coniunxit HIERONYMVS. ¹ scripta ipsius recensent interpretes LAERTII, MEYRSIVS, ² THOMAS STANLEIVS, ³ IO. ALERTVS FABRICIVS. ⁴ CHRYSIPPVS successit Cleanthi, cuius acumen non satis admirati sunt, vnde nonnulli dixerunt, Deos ipsos si dialectica vterentur, vsuros haud alia esse, quam Chrysippea. atqui apud veteres auctores traditur princeps huius scholæ. CICERO: ⁵ *Chrysippum, qui fulcire putatur porticum Stoicorum*; AGELLIO ⁶ dicitur *Stoicæ princeps philosophiæ*; ab ATHENÆO ⁷ τῆς Στοικῆς ἡγούμεν, vt de aliis taceamus. quod ad ipsius dialecticam adtinet, testatur LAERTIVS, ⁸ quod conscripserit dialectica volumina CCCXI, quo in numero a veritate aberravit BARTHOLOMAEVS KECKERMANN, ⁹ dum existimat Chrysippum scripsisse libros logicos CCCLXXI, quo errore etiam REIMANNVS ¹⁰ forsân KECKERMANNVM secutus sese implicuit. ipsa philosophi huius dialectica composita erat ad faciendas fallacias ac fraudes, nihilque continebat, quod vim quamdam ad veritatem cognoscendam haberet, vt paullo post demonstraui. quapropter iam veteres, quorum mens ab huiusmodi nugis abhorrebat, de

¹ I. in Rusn. ² bibl. grac. ³ hist. philos. p. 645. ⁴ lib. III. cap. XV. p. 395. bibl. grac. ⁵ quest. acad. lib. IV. ⁶ lib. VI. cap. 2. ⁷ lib. VIII. ⁸ lib. VII. segm. 198. ⁹ prac. ag. tr. II. cap. I. §. 14. ¹⁰ geschichts-calender der logic. p. 17.

eo senserunt sinistre: quid quod IUPITER apud LUCIANVM ¹ syllogismos Chrysippi pronuntiat esse frigidos. Chrysippi auditor fuit DIOGENES *Babylonius*, qui & ipse extitit dialecticus, item ipsius discipulus ANTIPATER *Sidonius*, conf. GERH. 10. VOSIVM ². sed tamen quamvis Stoici summa studia, summamque gloriam in dialecticæ cultura posuerint; nihilominus fuerunt, qui artem hanc nulla cultura dignam esse, arbitrati sunt. sic ARISTO *Chius*, Zenonis Citiei discipulus, philosophiam ac logicam e philosophorum scholis eiiciebat, censens, physicam esse supra nos; logicam vero ad nos nihil pertinere, dialecticas argumentationes dicebat similes esse araneorum telis, quæ quamvis videantur præ se ferre emolumentum quoddam; reipsa tamen omni careant utilitate, vide DIOGENEM LAERTIVM, ³ STOBÆVM. ⁴ sic quoque celeberrimi Stoici SENECA, EPICETVS, M. ANTONINVS imperator haud singulare pretium statuerunt dialecticæ, quod autem inprimis de dialectica stoica intelligendum est.

§. XII. Videamus nunc breuiter de præcipuis momentis dialecticæ stoicæ, in quibus exponendis diligenter versati sunt PETRVS GASSENDVS ⁵ & THOMAS STANLEIVS. ⁶ Stoici existimabant, logicam partem esse philosophiæ, peculiarem a reliquis distinctam, qua sententia discrepabant a Peripateticis, qui censebant, logicam esse instrumen-

¹ tom. II. opp. p. 205. ² de natur. & constitut. logicæ. VIII. §. 12. sqq. ³ lib. VII. segm. 160. ⁴ ferm. LXXX. ⁵ de origine & variet. logic. cap. VI. p. 49. ⁶ histor. philos. p. 554.

tum, quamuis reipsa hæc nulla fuerit opinio-
num diuersitas, siquidem aliquid potest esse
& pars & instrumentum, vide GERH. 10.
VOSSIVM. ¹ plerique statuebant, tres esse
partes philosophiæ, & tribuebant primum lo-
cum *logica*; secundum *physica*; & tertium
ethica. CLEANTHES putabat. logicam sex
partibus absolui: *dialectica*, *rhethorica*, *mo-
rum doctrina*, *ciuili scientia*, *naturali*. & deni-
que *theologica*, teste LAERTIO. ² alii vero
obseruant, has partes non esse logicæ; sed
ipsius philosophiæ, quæ controuersia in eo est
posita, quomodo fumatur vox logicæ? qua-
propter plerique censent, logicam diuidi pos-
se in duas disciplinas, quarum altera sit *rheto-
rica*; altera vero *dialectica*, quibus nonnulli
adiiciunt partem tertiam *desinientem*, quæ
agat de regulis ac iudiciis. rhethorica apud
Stoicos fuit ars bene dicendi de iis, quæ copio-
sam requirant orationem, ad persuasionem
apta. *rhethorica* constituerunt tres partes, ut
alia sit *deliberatiua*; alia *iuridicialis*; alia *de-
monstratiua*, ad quas singulas pertineant *in-
uentio*, *elocutio*, *dispositio* & *pronunciatio*; ora-
tionis autem rhethoricæ partes sint *exordium*,
narratio, *confutatio*, *epilogus*, vide LAER-
TIVM. ³ quod ad Stoicorum dialecticam adti-
net, qua voce plerique etiam partem *desinien-
tem* complectuntur, inprimis obseruamus,
quod philosophi hi, quum duo syllogismo-
rum genera, alterum *absolutorum*, alterum *hy-
potheticorum* traduntur; maximam temporis
partem in posteriore specie consumserint,

¹ de natura & constitut. logic. cap. VI. ² lib. VII. segm. 41.
³ lib. VII. segm. 42. 43.

prout Aristoteles tantum de priore differuit. SIMPLICIUS ¹ dicit: τῶν ὑποθετικῶν συλλογισμῶν οἱ Στωϊκοὶ τὴν τεχνολογίαν ἐλεπίεργησαν, *hypotheticorum syllogismorum artificium Stoici usque ad minutias sunt persecuti.* persuadebant enim sibi, syllogismos absolutos concludere sine via atque ordine, ut testis est ALEXANDER *Aphrodisæus*, ² quam disciplinam GERH. IO. VOSSIUS ³ deducit a ZENONE *Eleate*. equidem PETRVS GASSENDVS ⁴ putat, illos forte ideo posse excusari, quod ut nullus est syllogismus absolutus, qui hypothetice proponi non valeat, ita nullus sit hypotheticus, qui absolute efferri non possit, ac regula adeo de his tradita accommodari illis valeant, quo pacto excusari Aristoteles etiam posset, qui cum de illis tradiderit, de istis tamen ne verbum quidem. sed heic GASSENDVS duo momenta confundit: num propositio categorica & hypothetica sint eiusdem indolis & eodem modo sese habeant ad veritatem? quod nunquam potest adfirmari; ac num exercendi ingenii causa propositio categorica hypothetice; & hypothetica categorice efferri possit? id quod minime negamus, existimantes autem, quod hoc salva veritate eiusque ratione minime fieri possit. antequam vero Stoici differant de syllogismis, duos locos, uti dicunt, præmittunt, alterum de voce *significante*; alterum vero de *re significata*, quod ex LAERTIO, EMPIRICO, SENECA patet. occasione vocis tradunt doctrinam grammaticæ atque edisserunt, quid sit vox, quid dictio, quid oratio;

¹ in *Epicteti enchiridion*. ² in lib. I. *analyt. prior.* ³ de natura & constitut. *logic. cap. VIII. § 14.* ⁴ *cit. loc.*

quæ & quotuplices litteræ, quæ orationis partes. simul tamen agunt de definitione, de diuisione, de genere de specie, de ambiguis. quod ad *res significatas* adtinet, intelligunt res prout sunt in anima, ac ab ista ope sensuum percipiuntur. docent quippe, quidquid sit in mente, per sensus transire, aut *incurfione sui*, vt Socratem, qui visui occurrat; aut *similitudine*, vt Platonem ex effigie; aut *proportione*, vel amplificando, vt gigantem; vel extenuando, vt pygmæum; aut *translatione*, vt humeroculos; aut *compositione*, vt hippocentaurum; aut *contrario*, vt mortem; aut *priuatione*, vt mutilum. deinde res in anima existentes duplici ratione considerarunt: altera quatenus sint impressiones quædam in principe parte, hoc est ipsa mente atque intellectu factæ, quas dicebant *phantasias*; altera vero quatenus mente efferantur, vnde copiose agunt de *dictis*.

§. XIII. Dicta dividebant in *perfecta*, in quibus principem locum teneant *axiomata* & argumenta; & in *imperfecta*, quo pertineant prædicata. axioma dicitur, quod vel verum sit, vel falsum, & iterum in varias species diuiditur. argumentum autem, quod adpellatur λόγος, *ratio*, etiam *argumentatio*, consistit ex sumptione, assumptione & illatione v. g.

si dies est lux est,

sed est dies

Ergo est lux

sumtio

assumptio

illatio

differt autem Stoicorum λόγος a syllogismo Aristotelis tribus modis: primum syllogismus Aristotelis saltem duas præmissas requirit: λό-

γος vero vnica contentus est: e. g. *viuis E. respiras*; secundum in syllogismis aliud quid conceditur in conclusione, quam in præmissis erat; sed in λόγῳ Stoicorum conclusio eadem esse potest cum præmissarum vel vtraque, vel vna: e. g.

*si dies est, dies est
atqui dies est
E. dies est
vel dies est, vel nox est
sed dies non est
E. dies non est*

denique in syllogismis conclusio sequitur rationem præmissarum: contra Stoici tria habent genera λόγων, in quibus tale non accidit. argumentorum autem duo ponuntur genera, *concludentia* & *non concludentia*. concludentia considerantur ratione materiæ, & sunt vel vera, vel falsa; ac ratione formæ, qua concludunt vel syllogistice; vel minus. syllogismi, quo nomine comprehendunt Stoici tantum hypotheticos, sunt trium generum, vel *connexi*, vel *disiuncti*, vel *coniuncti*, quæ omnia pluribus exposuit THOMAS STANLEIVS. ¹

§. XIII. Tandem quædam dicamus de sophismatibus, quæ vsurparunt Stoici philosophi. appellarunt ista ἀπόρητες λόγοις, *inexplicabiles rationes*. argumentationum harum varia erant genera, quarum nonnullas communes habebant cum Megaricis, *mentientem*, *fallentem*, *electram*, *conuelatum*, *Soritem*, *cornutum*, de quibus supra diximus; quædam vero ipsis erant propriæ, quas breuiter explicabimus.

I. ΚΡΟΚΟΔΕΙΔΟΣ, *crocodilus*: quæ argumentatio nomen accepit ab hac fabula Ægyptia. mulier quædam quum sentiret puerum circa Nili ripas ambulantes ablatum esse a crocodilo, rogat, ut sibi redderet filium. crocodilus respondet, se redditurum, si diceret verum, illa igitur dixit: *non mihi reddes*; crocodilus autem: *sive verum dixisti, sive falsum, non reddo tibi puerum.* nam si verum dixisti, quomodo possum reddere? si falsum, legi meæ non satis fecisti. mulier hæc inuertit: *sive verum dixi, sive falsum, puer mihi a te reddatur.* si enim verum dixi, sane ex pacto mihi debes; falsum autem esse non potest, nisi a te mihi reddatur. huius argumentationis mentionem faciunt LVCIANVS ¹ & CLEMENS *Alexandrinus.* ²

III. ΘΕΡΙΖΩΝ, *metens*, quam argumentationem explicat AMMONIVS, ³ dum aduersus fatum disputans proponit illorum rationem, qua ipsum *fortasse*, siue contingentiam tollebant, atque adstruebant, omnia ex necessitate euenire, hoc modo: *si messurus es, non, fortasse metes, fortasse non metes; sed metes omnino. ac pari modo, si non es messurus, non, fortasse metes, fortasse non metes; sed prorsus non metes. atqui ut vel metas, vel non metas, ex necessitate euenturum est. quare ipsum fortasse perit tolliturue: cum neque in metendi, neque in non metendi oppositione locum obtineat.* atqui sic ratio adpellationis huius patet. quapropter ALDOBRANDINVS ⁴

¹ *vitæ. auction.*² *Stromat. lib. IIII.*³ *in libr. Aristotelis regi ipseius scilicet. II. cap. 10.*⁴ *ad Laërtium lib. VII. segm. 35. p. 380.*

errat, quando existimat, quod sophilma hoc eo nomine sit appellatum, quasi qui eo vteretur, is aduersarium videretur deiicere, quoniam *Σερίξεν* sit *καταβάλλεν*, vt obseruet SVIDA S. quanto in pretio argumentum hoc apud Stoicos fuerit, ex eo colligere possumus, quod ZENO, quum vellet discere septem illius species, dialectico obtulerit ducentas minas, poscenti tantum centum, teste LAERTIO.
 1 meminit illius LVCIANVS. 2

III. ΑΓΡΟΣ ΛΟΓΟΣ, *ignaua ratio*, cui si pareamus, nihil omnino agamus in vita. sic enim interrogant: si fatum tibi est, ex hoc morbo conualescere; siue medicum adhibueris, siue non, conualesces. item, si fatum tibi est, ex hoc morbo non conualescere: siue tu medicum adhibueris, siue non, non conualesces. & alterutrum fatum est. medicum ergo adhibere, nihil adinet. CICERO 3 hanc argumentationem commemorat ac bene dicit: *recte genus hoc interrogationis ignauum atque iners nominatum est, quod eadem ratione omnis e vita tolletur actio.*

III. ΚΤΡΙΕΤΩΝ, *dominans*, quod argumentum ideo hac ratione nominatum videtur, quoniam ibi mentio fiat dominii, veluti si quis e. g. arguat Themistoclis filium, & non dominari, & dominari græcis. non dominari enim, quia neque illis imperat, neque de imperando cogitat; dominari vero, quia imperat matri, quæ imperat Themistocli, qui imperat græcis: quamuis apud veteres auctores nullum huius argumenti deprehendatur exemplum, vide PETRVM GASSEN-

1 lib. VII. segm. 25.

2 *vitar. auersione.*3 *de fato cap. 12.*

DVM. ¹ mentionem faciunt illus PLVTARCHVS, ² ARRIANVS ³ THEMISTIVS ⁴ quorum testimonia collegit AEGIDIVS MENAGIVS. ⁵

V. ΟΤΤΙΣ, *nullus*, quod fallaciarum genus nomen habuit ab HOMERI ⁶ versibus, vbi interrogatus Polyphemus, cui Vlysses antequam ei effoderet oculum, persuaserit quod ipse nominetur ΟΤΤΙΣ, respondet: ὅτις με κτείνει δόλω, ἰδὲ βιῆφι. quæ verba dubiæ sunt significationis, siquidem ὅτις significare potest & *nemo* & nomen quoddam proprium. LAERTIVS adhuc alia harum argumentationum genera recenset, quæ omnia heic distincte exponere, spatii ac temporis ratio haud permittit.

§. XV. Ex his colligere possumus, quid sentiendum sit de dialectica Stoicorum. scilicet philosophi hi hanc doctrinam neque solide, neque distincte tradiderunt, quid quod inutilia atque aliena, inter se perturbata ipsos delectarunt, quumque vinculis prauorum adfectuum capti tenerentur, vnice operam suam in struendis fallaciis consumserunt. sic illustris hæcce ars in Stoicorum scholis a prospectiori sorte remota, nulla accepit incrementa; quin etiam malo fato factum est, vt fere data fuerit obliuioni. BARTHOLOMAEVS KECERMANNVS ⁷ hæc vitia in dialectica Stoicorum notauit:

(1) *quod nullum certum logicæ finem definiunt,*

¹ cit. loc. ² de sanitate tuenda & lib. I. sympos. ³ ad Epictetum lib. II. cap. 19. ⁴ orat. II. ⁵ ad Laërtium lib. II. segm. 108. p. 123. ⁶ odyss. IX. ⁷ princ. logicæ, tr. II. cap. 2. §. 15.

runt,

runt, idcirco omnia ad ostentandum disputando ingenium contulerunt.

- (2) praecepta quaedam de syllogisticis formis ac captionibus pauca habuerunt. unde Cicero, Stoicorum alias sectator aperte dicat, Stoicos indicandi partem diligentius persecutos; de inuentione non multa docuisse.
- (3) methodice artem non construxerunt ullam.
- (4) insignes & pueriles sophistae circa vocabula fuerunt, & ut a reliquis sectis, inprimis Peripateticis differre viderentur, nouos excogitarunt terminos.
- (5) Stoicorum logica chaos fuit confusum ex syllogisticis formis & mirificis argumentandi speciebus.

§. XVI. Nunc dicamus de EPICURO eiusque dialectica siue potius canonica. natus traditur anno tertio olympiad. cVIII. & vita defunctus anno secundo olympiad. cXXCII. qui magno studio philosophiae sese tradidit, quamuis nonnulli sint, qui Epicurum dialecticam parui fecisse credunt. sic de eo dixit CICERO: ¹ iam in altera philosophiae parte, quae est querendi ac differendi, quae λογική dicitur, iste vester, plane, ut mihi quidem videtur, inermis ac nudus est. tollit definitiones, nihil de dividendo ac partiendo docet: non quomodo efficiatur concludaturque ratio, tradit: non, qua via captiosa soluantur, ambigua distinguantur, ostendit. iudicia rerum in sensibus ponit: quibus si semel aliquid falsi pro vero probatum sit, sublatum esse omne iudicium verum & falsi putat: item: dum dialecticam, inquit,

¹ lib. I. cap. 7. de finib.

contemnit Epicurus, quæ una continet omnem
 & perscrutandi quid in quaque re sit, scientiam,
 & iudicandi quale quidque sit, ac ratione ac
 via disputandi, ruit in dicendo, ut mihi qui-
 dem videtur, nec ea, quæ docere vult, vlla arte
 distinguit, ut de aliis locis ¹ taceamus, quibus
 Epicurum hac de causa perstringit. DIOGE-
 NES LAERTIVS, ² quum de Epicureis lo-
 quitur, dicit: τὴν διαλεκτικὴν ὡς παρέλκυσαν
 ἀποδοκιμάζουσιν, *dialecticam*, ut *superuaca-*
neam repudiant. PLUTARCHVS apud A.
 GELLIVM ³ pronuntiat, *imperfecte atque*
præpostere atque inscite syllogismo esse usum
Epicurum. sed tales censuræ omnino æquo
 ac iusto sunt grauiorcs. quod Epicurus non
 plane a studio logicæ fuerit alienus, quin et-
 iam meliora hac in arte tradiderit, quam alii
 philosophi, qui singularem dialectices glo-
 riam adfectabant, ex dicendis paullo post pa-
 tebit. quapropter merito censemus, quod
 Epicurus dialecticam Stoicorum, quæ tan-
 tum fraudibus ac vanis disputationibus infer-
 uiebat, reiecerit; etiam quum magistri huius
 sectæ nomen *dialecticorum* ac *dialectica* veluti
 iure quodam proprio sibi vindicarent, ipsam
 hanc adpellationem remotam esse voluerit.
 id quod satis confirmat SEXTVS EMPIRI-
 CVS, ⁴ & HIERONYMVS ⁵ dicit: *quoniam*
Stoici dialecticam sibi vendicant, & tu huius
scientiæ deliramenta contemnis, in hac parte
Epicureus es, quæ verba satis fauere causæ E-
 picuri videntur; A. GELLIVS autem ⁶ ipsum

¹ lib. II. de finib. lib. IV. acad. quæst. lib. III. & V. Tuscul.

² lib. X. segm. 31. ³ noct. Attic. lib. II. cap. 8. ⁴ aduer-
 sus mathematic. p. 140. ⁵ aduersus Rufinum, ⁶ cit. loc.

defendit aduersus PLUTARCHVM. existimabat quippe, naturam veritatis cognoscendæ optimam esse magistram, quæ si vlla arte esset adiuuanda, indigere paucis regulis atque obseruationibus: confer PETRVM GASSENDVM. ¹

§. XVII. Iam dispiciamus de ipsa logica Epicuri, qui istam dixit *canonicam*. teste LAERTIO, ² quoniam paucis canonibus siue regulis rationem declarabat, qua mortalium intellectus possit conformari ad cognoscendum verum, vt quamuis artem suam neque dialecticam, neque logicam adpellauerit, rem ipsam tamen retinuerit. at vero existimauit, omnem quæstionem in philosophia posse institui aut *de re*, aut *de voce*. in quæstionibus *de re* duo momenta, partim ipsa *veritas*, partim *criterium* eius, essent obseruanda. veritatem aliam esse dicebat *existentiæ* siue existentiae; aliam vero *enunciationis*, siue iudicii. *veritas existentiae* sit ea, qua unaquæque res in ipsa rerum natura existens sit id ipsum, quod sit, nihil aliud, cui veritati nulla opponatur falsitas. *veritas autem enunciationis* siue iudicii sit conformitas enunciationis ore factæ aut iudicii mente peracti cum ipsa enunciata seu iudicata re, cui opponi possit falsitas. quod ad *criterium veritatis* adtinet, obseruauit. quod res, cuius veritas quæretur, aut ad solam speculationem; aut ad vitæ actionem spectet. res naturæ percipiantur aut sensu aut mente; & res morales ipso affectu siue adpetitu; sic tria veritatis criteria constituit:

¹ de vita & moribus Epicuri lib. VIII. cap. 4. & 10. ² lib. X. *sepm.* 30.

ex parte sensus *sensionem*; ex parte mentis *prænotionem* siue *anticipationem*; & ex parte affectus *affectiōem* siue *passionem*. singulis criteriis posuit canones, etiam quæstionibus de voce institutis.

I. *Canones ad quæstiones de re spectantes.*

(1) primi criterii siue *sensionis*.

- a) *sensus nunquam fallitur; ac proinde omnis sensio, omnisque phantasia seu apparentiæ perceptio vera.*
- β) *opinio est consequens sensum, sensionique superadiecta, in quam veritas aut falsitas cadit.*
- γ) *opinio illa vera est, cui vel suffragatur, vel non refragatur sensus euidentiæ.*
- δ) *opinio illa falsa est, cui vel refragatur, vel non suffragatur sensus euidentiæ.*

(2) secundi criterii, siue *prænotionis*,
anticipationis.

- a) *omnis quæ in mente est anticipatio, seu prænotio dependet a sensibus idque vel in-
cursione, vel proportionem, vel similitudine,
vel compositione.*
- β) *anticipatio est ipsa rei notio, siue definitio,
sine qua quidquam quærere, dubitare, opi-
nari, immo & nominare non licet.*
- γ) *est anticipatio in omni ratiocinatione prin-
cipium; quasi nempe, id, ad quod atten-
dentes inferimus, vnum esse idem aut di-
uersum, coniunctum, aut disiunctum ab
alio.*
- δ) *quod ineuidens est, ex rei euidentiæ antici-
patione demonstrari debet.*

(3) ter-

(3) tertii criterii, siue adfectionis,
passionis.

α) ea voluptas, quæ nullam habet adnexam molestiam, amplectenda est.

β) ea molestia, quæ nullam habet adnexam voluptatem, fugienda.

γ) ea voluptas, quæ aut maiorem voluptatem impedit, aut grauiorem molestiam parit, fugienda.

δ) ea molestia, quæ aut maiorem auertit molestiam, aut vberiore voluptatem creat, amplectenda.

II. Canones ad quæstiones de voce spectantes.

α) dum loqueris, delige voces communes & perspicuas, ne aut ignoretur quid velis, aut interpretando tempus frustra teras.

β) dum audis, id enitere, vt vim subiectam vocibus teneas, ne te aut præ obscuritate lateant, aut præ ambiguitate deludant.

in his canonibus explicandis atque illustrandis præcipue diligens fuit PETRVS GASSENDVS: ¹ adde THOMAM STANLEIVM ² & CHRISTIANVM THOMASIVM. ³

§. XVIII. Hæc canonica Epicuri breuior quidem est, nec ad logicæ finem siue intellectum ad sensum veri & falsi aptum reddendum sufficit; continet tamen non solum vtilis; sed & solidas meditationes, quas alii philosophi, etiam æuo recentiori haud assecuti sunt, vt adeo in primis ratione temporis vetu-

¹ part. I. *synagm. phil. Epicur. de origine & variet. logic. cap. VII. & alibi.* ² *hister. philos. p 913.* ³ *philos. aulic. cap. V. §. 18. § 99.*

stioris nunquam satis laudari possit. generatim laudem meretur, quod sollicitus fuerit de criteriis veritatis, quod inter recentiores CARTESIVS quoque fecit, quamvis Epicurus, adhuc melius ac rectius hac de re senserit, quam CARTESIVS. nam si animum aduertimus ad ipsius meditationes ac doctrinas speciatim, *primum* præclare docuit, quod sensus, recte scilicet se habentes, nunquam fallaces sint, quodue ab ipsa sensatione distinguenda sit opinio hominum, quæ oriatur a iudicandi facultate ac sensationem sequatur. quo momento sensit melius, quam Plato ac Cartesius, qui quum certitudinem sensuum tollerent, viam planam atque expeditam aperuerunt scepticismo, cui tamen viribus genuinæ logicæ iure ac merito resistere debemus. *deinde* canon quintus insignem continet veritatem, quod omnis idea ortum suum habeat a sensatione, quæ doctrina etiam in scholis Peripateticorum celebris extitit, quod nihil sit in intellectu, quod non prius fuerit in sensu; recentiori autem ævo a Cartesio ista sine ratione oppressa est, aduersus quem solide ANDREAS RVDIGER disputauit. ¹ *tertium* canones sextus & septimus edisserunt eleganter de definitione, quod omnis idea, quæ existat in mente, per definitionem sit explicanda, vt inde perueniamus ad solidum rationationis fundamentum. etenim omne argumentum deducitur ex propositione, siue aliquid adfirmet; siue neget; propositio autem componitur ex definitione & diuisione idearum,

¹ *disputat. de eo. quod omnes idee oriantur a sensatione, Lipsia 1704.*

quarum indoles si nobis perspecta est, facile cognoscere possumus, num ideæ inter se cognitione quadam sint coniunctæ, an diuersæ, adeoque etiam pro ratione illarum aut adfirmare; aut negare. ceterum tantum abest, ut Epicurus omnia effecerit perfecte, ut multa momenta maxime necessaria atque utilia reliquerit intacta, etiam tradiderit quædam emendanda. sic non solum speciales regulas cognitioni veri & falsi inservientes minus attingit; sed & veritatis metaphysicæ & logicæ species inter se perturbavit, quum existimet; veritatem aliam esse *existentiæ*, quæ spectat ad metaphysicam; aliam *enunciationis*, quæ logicæ propria est. nec plane probare possumus ipsius criteria veritatis tria, sensationem, anticipationem & affectionem, siquidem partim criterium primum cum secundo confundit; partim vero aliquid habet veluti criterium veritatis, quod re ipsa non est. nam id satis exploratum esse putamus, quod sensio sit primum principium & ultimum criterium omnis veritatis, quidquid alii dicant; prænotio autem, anticipatio, idea est veritatis in genere principium secundum & criterium proximum, & quod ad affectionem siue appetitum adtinet, illam inter criteria referre haud possumus. voluntatis enim, ad quam pertinet hæc affectio, indoles tantum fert, ut cupiditate bonum adpetat; malum vero fugiat, siue sit vere bonum ac malum, siue speciem tantum quamdam præ se habeat; fundamentum autem cognitionis, num amplexi simus bonum verum, nec ne; aut nos a malo vero, nec ne abstineamus, haud in voluntate;

sed in intellectu quærere debemus, quippe qui sentit, qua tranquillitate fruatur mens, hacque sensatione cognoscit, num bene sese habeat in desiderio rerum appetendarum; & odio fugiendarum. res moralis duplici ratione potest considerari: primum num sit bona, an mala; deinde num sit vere bona ac vere mala, nec ne? priori ratione spectat ad voluntatem; posteriore vero ad intellectum ac quidem iudicium. quod si igitur Epicurus adfirmat, adfectionem siue appetitum esse criterium veritatis, aberrat a vero, hocque modo præter causam voluntati adtribuit sensationem. equidem ANDREAS RÜDIGER¹ observat, quod hæc doctrina Epicuri non solum sit vera; sed & adæquata satis, si per *sensationem* intelligamus sensationem externam, per *passionem* internam; per *anticipationem* definitionem realem ac per *φαντασµαὶς ἐπιβολὰς τῆς διανοίας* siue *arbitrarias mentis impositiones*, quas posterius addiderunt, definitiones nominales. sed quamvis hæc doctrina tali interpretatione inter se cohæreat; probari tamen non potest, quod ista cum mente conueniat Epicuri.

§. XVIII. Haftenus de studiis veterum græcorum, qui ante reparatam salutem coluerunt artem logicæ. *romani* succedunt, de quorum cultura disciplinæ huius iam dispiciamus. veteres romani minus sine philosophia fuerunt, neque tamen primis temporibus ita culta est, ut ab ætate Ciceronis, qui ipse² dicit: *sapientiæ studium vetus id quidem in*

¹ *philosoph. synthet. p. 24. edit. 3.*
esp. 3.

² *Tuscul. quest. lib. IIIL.*

nostris: sed tamen ante Lælii ætatem & Scipionis non reperio, quos appellare possim nominatim: & alio loco ¹ philosophia iacuit usque ad hanc ætatem, nec ullum habuit lumen litterarum latinarum. quumque primas curas conferrent in eloquentiam, qua ut & poësi politiores literæ maxime concludebantur, philosophiam præcipue ad artem oratoriam adhibuerunt, ad quam ipsius studia magnam habere vim merito existimabant. quapropter etiam faciebant profectioes litterarias in Græciam, ut non solum rhetorum; sed & philosophorum scholas frequentarent ac sapientiæ colligerent opes, cui multi magnum habebant pretium. CICERO ² quid est enim per Deos optabilius sapientia? quid præstantius? quid homini melius? quid homine dignius? hanc igitur, qui expetunt, philosophi nominantur: nec quicquam aliud est philosophia, si interpretari velis, quam studium sapientiæ. sapientia autem est, ut a veteribus philosophis definitum, rerum diuinarum & humanarum causarumque, quibus hæ res continentur, scientia. cuius studium qui vituperat, haud sane intelligo quid nam sit, quod laudandum putet. sic philosophiam græcorum intulerunt ve teri Latio atque inprimis Romæ, quorum alii maxime sectati sunt Stoicos; alii Epicureos; alii academicos; alii Aristotelem. præcipue illam philosophiæ partem colebant, quæ agit de moribus atque officiis, cuius usum cum in eloquentia; tum vita honeste instituenda habebant perspectum, quod argumentum

¹ lib. I, Tuscul. cap. 3.² de officiis lib. II. c. 2.

pluribus periequitur PAGANINVS GAY-
DENTIVS. ¹

§. XX. Quæ cultura fuerit veterum roma-
norum artis logicæ, id accurate definire haud
possumus, quamvis magna veri specie liceat
adfirmari, quod artis huius a græcis acceptæ
non penitus rudes fuerint, eamque saltem in
disputationibus vsurpauerint, etsi simile sit
quoque vero, quod istam neq; in scholis, neq;
scriptis tradiderint, adeoque nihil effecerint,
quo illa magis potuisset ornari, ac post græco-
rum curas meliori studio perpoliri. colligi-
mus id ex his TVLLII ² verbis: *didicisti
enim non posse nos Amasaniï aut Rabirii simi-
les esse, qui nulla arte adhibita, de rebus ante
oculus positis vulgari sermone disputant: nihil
definiunt, nihil partiuntur, nihil apta interro-
gatione concludunt, nullam denique artem esse
nec dicendi, nec differendi putant. nos autem
præceptis dialecticorum & oratorum sic paren-
tes, ut legibus, verbis, quamquam nouis cogi-
mur uti.* ALEXANDER SARDVS ³ putat,
quod dialectica primum a M. VARRONE la-
tinitate donata fuerit; cuius rei fides sit pe-
nes ipsum. saltem ex recensione librorum
Varronis huius deperditorum, quam diligen-
ter fecit IO. ALBERTVS FABRICIVS, ⁴
haud videre possumus, quod iste scripserit lo-
gicam, nisi istam libro de *philosophia* aut libris
disciplinarum expositam fuisse dicere veli-
mus. BARTHOLOMAEVS KECKERMANN
⁵ huc refert CICERONEM, quando dicit:

¹ de philosophia apud romanos o. origine ac progressu. ² lib. I. cap.
³ acad. quæst. ⁴ de rerum inventoribus lib. I. c. 3. p. 4. ⁵ bibl.
lat. lib. I. cap. 7. §. 4. p. 79. ⁶ præcogn. logic. tr. II. c. 2. §. 18.

primus inter latinos Cicero fuit, qui logicam ederet latinam; & paullo post: is incidit in secula illa oratoria, idcirco rerum contemplator usquequaque subtilis non fuit, nec potuit esse ob practicas siue politicas occupationes. non ergo logicam ad proprium finem direxit, & primarium, sed minus principalem, usum videlicet forensem: proinde non mirum, si sine obliquo constituto præceptorum etiam systema peccet: cui tamen plurimum debemus vel hac sola de causa, quod nobis Aristotelis reales locos & inuentionem medii realis (quam in hodiernis eius topicis ne quicquam habemus) voluit exprimere; atqui ipsum sequitur IACOBVS FRIDERICVS REIMMANNVS.¹ nec negamus, quod Cicero peritus fuerit dialecticæ, ac in primis sit secutus præcepta Stoicorum, id quod obseruat GERH. IO. VOSSIVS,² quibus & meliora facile potuisset excogitare, si pro singulari per naturam sibi indita vi hac de re cogitasset intentius. sed tamen quod in gente romana primus logicæ auctor extiterit eiusque præcepta consignauerit litteris, id est, quod firmioribus argumentis debet muniri. nam Ciceronis elegans liber *topicorum* præcipue vsui eloquentiæ est consecratus, quem si dialecticam velimus adpellare, & aliorum rhetorum opera, quæ de inueniendis argumentis disserunt, huc referre debemus. aliud est, ex proposito conscribere logicam; aliud vero, partem quamdam illius ad eloquentiæ institutiones adhibere, eiusque vtilitatem in hoc litterarum genere demon-

¹ kritisirender geschichts-calender der logic p. 20.
ac, const. logic. cap. VIII. §. 22, 23.

² de natura

COBI FRIDERICI REIMMANNI ¹ haud accedere possumus, qui etiam in studio logicæ artis Phariseos cum Stoicis; Sadduceos cum Epicuræis & Essæos cum Cynicis contendere instituit. nam neque de Sadduceorum, neque Essæorum logica quidquam legimus relatum; qua in re præcipue debet probari, quod ea tempestate in gente Iudæorum hæ litteræ floruerint, nec iussit, causam suam solis coniecturis munire. quid quod perspicere haud possumus, cur clarissimus REIMMANNVS ex eo, quod Sadducæi disputandi artem haud felici successu exercuerint, efficiat conclusionem, illos in dialecticæ studio sectatos esse Epicurum, quasi philosophus hic omnem abiecerit disputationem, quum tantum ab ea, quæ in scholis Stoicorum erat recepta, abhorruit; ipse autem veræ ac genuinæ logicæ exitit æstimator. quod Pharisei more Stoicorum struxerint sophismata, ac sæpius disputando aduersus seruatorem nostrum fecerint fallacias ac fraudes, id satis clarum ex scripturis diuinis adparet. HIERONYMVS ² obseruat, quod ad speciem argumentationum Eubuldiis dictam *negativè* pertineat argumentum, quod Pharisei obiecerant Christo: *de Galilea*, inquit, *venerat ad Iudæam, idcirco Phariseorum scribarumque factio interrogat eum: vtrum licet homini dimittere uxorem suam qualibet causa? ut quasi cornuto teneant eum syllogismo & quodcumque responderit, captioni pateat. si dixerit: dimittendas esse uxores qualibet ex caus-*

¹ *calender der logic. p. 18. 19.* ² *lib. III. in Matth. cap. 19. tom. VI. opp. p. 39.*

sa & ducendas alias, pudicitia prædicator sibi videbitur docere contraria. *si autem responderit*: non omnem ob causam debere dimitti, quasi sacrilegii reus tenebitur & aduersus doctrinam Moysis ac per Mosen Dei, facere iudicabitur. *igitur Dominus sic responsionem temperat, ut decipulam eorum transeat scripturam sacram adducens in testimonium & naturalem legem, primamque Dei sententiam secundam opponens, quæ non voluntate Dei, sed peccantium necessitate concessa est.* sed illi, qui fallaces argumentationes proferre vult, non opus est arte quadam, si modo ingenii quadam vi valet, quam per prauam mentis indolem ad talia argumenta adhibere potest. quid igitur de dialectica Phariseorum sit sentiendum, ex dictis patet.

§. XXII. His explanatis, fata quoque logica a nato seruatore generis humani vsque ad seculum sextum perlustrare, ordinis ratio iubet. quo temporis tractu fortuna disciplinæ huius haud prosperior fuit, siquidem philosophi Aristotelem tantum sequebantur, ac satisfecisse operi videbantur sibi, quum ipsius scripta logica obseruationibus ac commentariis illustrarent, etenim notum est, Peripateticorum alios esse *textuales*; alios vero *methodicos*, uti vulgo dicuntur. illi sunt, qui verba Aristotelis interpretantur eaque explanant commentariis; hi autem, qui ad certam tractandi rationem Aristotelis sententias adcommodant. priores καὶ ἐξοχὴν adpellati interpretes præcipue hac tempestate floruerunt, quos quamuis BARTHOLOM. KECKER-

CKERMANN, ¹ GERH. IO. VOSSIVS, ² DANIEL GEORGIUS MORHOFIVS, ³ IO. ALBERTVS FABRITIVS ⁴ aliique ⁵ commemorauerint; non ab re tamen erit, principes quoque illorum heic recensere. sunt illi vel *græci*, vel *latini*. ad græcos pertinent

I. ALEXANDER *Aphrodisiensis*, sic dictus ab Aphrodisiade Cariæ vrbe, qui audiuit Herminum & Aristoclem Messenium, peripateticos. scripsit commentarium in *primum priorum analyticorum*, qui prodiit græce Venetiis MCCCCLXXXIX. apud Aldum fol. etiam posthac tæpius; latine autem interprete IO. BERNARDO FELICIANO. porro composuit commentarium in octo *topicorum libros*, quem diserte ipsi quoque tribuit SVIDAS, quod contra FRANCISCVM PATRICIVM obseruandum, cuius obiectiones remouet IO. ALBERTVS FABRICIVS. ⁶ græce editus est ab Aldo Venet. MDXIII. latinam autem eius interpretationem fecerunt GVILELMVS DOROTHEVS, ac meliori cura IO. BAPTISTA RASARIUS; libri autem septimi MVRETVS. tandem scripsit commentarium in *elenchos sophisticos*, qui Venetiis MDXX. apud Aldum prodiit in lucem; latinis autem versionibus operam dederunt GVILELMVS DOROTHEVS, IO. BAPTISTA RASARIUS, GASP. MARCELLVS. præter hos editos commenta-

¹ præcogn. logic. tr. II. c. 2. §. 21 seqq. ² de natura & cons. sit. logic. cap. 10. seqq. ³ polyhistor. t. II. lib. I. cap. 9. seqq.
⁴ bibl. græc. varus locis. ⁵ vid. supra §. VII. ⁶ bibl. græc. lib. III. cap. 25. p. 67.

rios, adhuc alios elaboravit, qui partim perierunt; partim vero adhuc extare dicuntur, scilicet commentarium in Aristotelis *κατηγορίας* in librum *περι ἑρμηνείας*, in librum secundum analyticorum priorum & in libros analyticorum posteriorum. magnum nomen fuit inter Peripateticos, quem posteriores plerique libenter sunt secuti, nec solum græci, THEMISTIVS, AMMONIVS, PHILOPONVS, OLYMPIODORVS, SIMPLICIVS, MICHAEL *Ephesus*; sed & latini, vt BOETHIVS, quid quod Arabes, vt AVERRHÖES. quapropter ab aliis peculiari ratione adpellatur *ἐξηγητής*, *explanator*. BARTHOLOMAEVS KECKERMANN¹ dicit: *in philosophia Peripatetica magnum atq; illustre nomen habuit toto orbe terrarum usque adeo, vt nemo olim Aristotelei nomen consequi potuit, qui Alexandrus non haberetur.*

II. AMMONIVS, præceptor Simplicii, Io. Philoponi, & aliorum. ex ipsius monumentis quædam sunt conseruata atque in lucem edita, quæ huc spectant: *ὑπόμνημα* quippe in categorias Aristotelis, item in librum *περι ἑρμηνείας*, quorum commentariorum editiones, vt & aliorum diligenter recenset FABRICIVS.² interpres hic non tam sancte adhæsit Aristoteli, vt ab eo interdum discedere, sibi duxisset religioni, si, quidem etiam probat Platonis doctrinas, quem cum Aristotele conciliare conatus est. qualem autem interpretem Aristotelis oporteat esse, his verbis, quæ latine tan-

¹ *us. loco.* ² *bibl. græc. lib. III. c. 26. p. 163.*

tum adferamus, tradit: ¹ *qui explicare Aristotelis libros velit, eum decet, neque benevolentia adductum dare operam, ut falsas sententias defendat, neque eas perinde accipere, ac si ab Apollinis tripode manarent: neque ut quæ vere ac recte dicta sunt pro peruersis per odium capiat, sed incorruptum esse eorum, quæ dicuntur, iudicem, ac primum quidem auctoris debet explicare sententiam, & quæ illi probantur interpretari, deinde de eisdem ferre iudicium; quod monitum haud contemnendum est.*

III. THEMISTIVS, magnus quoque inter Peripateticos philosophus, qui præcipue scriptis, quæ obscuriora videbantur, Aristotelis operam dedit, ut ista per paraphrasim redderet clariora. inter omnia ipsius monumenta eminet paraphrasis in *posteriora analytica*, quam IACOBVS ZABARELLA omnibus aliorum operibus præfert.

III. SIMPLICIVS, Ammonii Hermæ & Damascii discipulus natione Cilix. extat ipsius commentarius in *κατηγορίας*, qui imprimis elaborauit, sententias tam Aristotelis, quam aliorum, qui ab eo discedunt, diligenter enarrare.

V. IOANNES Philoponus, cuius extat commentarius in *priora analytica & posteriora*, de quo dicit KECKERMANN ² Simplicius eum acerbè nimis insectatur, cum tamen certum sit, Philoponum in logicis commentariis suis Simplicio magis sæpe perspicuum esse &

¹ *comment. ad categ. p. 5.*

² *cit. loc. §. 27.*

planiorē. interim systematicum & methodicum etiam nihil in logicis reliquit.

antequam vero hos græcos interpretes Aristotelis dimittamus, non possumus, quin etiam mentionem faciamus PLOTINI, qui doctrinam Aristotelis de prædicamentis censuræ suæ subiecit, ad cuius obiectiones respondit DEXIPPVS, Iamblichi discipulus, libristribus quæstionum in prædicamenta Aristotelis, libro maxime secundo & tertio.

§. XXIII. Inter latinos interpretes principem locum tenet ANICIUS MANLIUS TORQUATUS SEVERINUS BOETHIUS, scriptor seculo post Christum natum sexto ineunte. scripsit in *Aristotelis categorias*; in librum de *interpretatione*; *analytica priora & posteriora*; in libros *topicorum*, & *elenchorum sophisticorum*, item *introductionem ad categoricos syllogismos*, libros duos de *syllogismo categorico*; librum de *diuisione* & alium de *definitione*, nec non libros quatuor de *differentiis topicis*, qui cum aliis Boethii scriptis ad logicam disciplinam spectantibus prodierunt Venetiis MDLVIII. fol. & Parisiis MDX. MDXI. fol. vide IO. ALBERTVM FABRICIVM.² ceterum heic obseruari debet, quod interpretes græci Aristotelis omnibus sint præferendi, quoniam græcæ linguæ, sine qua heic nihil præclari effici potest, erant periti ac sententias Aristotelis percipiendi, largiorem habebant copiam; quum contra latini, posteriores præsertim, Peripateticam doctrinam corruerint vehementer, quia ob inscitiam linguæ

¹ *ernand. VI. lib. I.*

² *bibl. latm. lib. XII. cap. 15. p. 648.*

græcæ ipsum Aristotelem adire haud poterant.

§. XXIIII. Sic floruit logica Aristotelis, quam sunt interpretati, minus autem emendarunt nec auxerunt. equidem si multis credimus, hoc quoque temporis tractu disciplinæ hujus facta sunt incrementa. namque laudant & commendant GALENUM, qui non solum Aristotelis libros logicos explanauerit, & opere, quod composuerit *ἀποδείξεις*, omnes ipsius demonstrationes, quæ in libris physices essent, examinauerit; sed etiam scripserit *περὶ ἀρίστης διδασκαλίας*, de optima doctrina contra Fauorinum & alios, qui *κεκτήριον* veritatis tollebant; & adhuc monumentis medicis demonstrauerit fati, quam peritus fuerit artis logicæ. inprimis autem creditur, quod præter tres figuras syllogismi, quas commendauit Aristoteles, quartam adhuc excogitauerit, quæ etiam ab ipsius nomine adpellatur *Galenica*, id quod tradit AVERRHŒS, ¹ cuius fides si pondus quoddam haberet, omnino per hoc GALENVS incrementum quoddam logicæ effecisset. nam quamuis scholastici aliique religiosi Aristotelis sectatores hanc quartam figuram reiecerint; ob ieiunas tamen rationes id factum est, quoniam modus ratiocinandi omnino distinctus est a tribus illis figuris, & producit elegantissimas conclusiones, quapropter AVCTOR artis cogitandi ² & ANDREAS RVDIGER ³ iure ac merito ipsi priorem dignitatem restituere elaborarunt. sed tamen alii dubitant, num GALENVS medicus figuræ huius sit auctor,

¹ Lib. I. prior. analyt. c. 8. ² part. III, cap. 8. p. 169.

³ philos. synthet. p. 127. ed. 3.

Nn

quia

quia in ipsius scriptis hac de re nihil deprehendatur, ac modo istam Arabi cuidam, modo Scoto adtribuunt, vide ROETENBECCIVM¹ & IO. CHRISTIANVM LANGIVM.² ceterum non negamus, quod GALENVS artem medendi coniunxerit cum philosophia, prout ex instituto opus quoddam litteris consignauit de eo, ὅτι ἀριστος ἰατρός καὶ φιλόσοφος, quod *optimus medicus sit quoque philosophus.* nec ex ipsius monumentis patet obscure, quod disciplinam logicam coluerit, ac in scriptis Aristotelis versatus sit diligenter, vnde etiam obseruante PETRO PETITO apud AEGIDIUM MENAGIVM³ dicitur a THEMISTIO Ἀριστοτέλης ἐξελασθήs. quid quod obseruat PETRVS RAMVS,⁴ quod GALENVS Aristoteli haud vnice addictus, ex omnibus optima ac rationi consentanea collegerit atque ea probauerit, quæ sibi viderentur meliora: itaque, inquit, *nulli sectæ se præcipue addixit, neque academicus, neque Aristotelicus, neque Stoicus, neque Epicureus esse voluit; sed electius tantum, ut e singulis eligeret, quæ placerent.*

§. XXV. Præter GALENVM nonnulli quoque inter eos, quibus quædam logicæ incrementa debeantur, referunt PORPHYRIUM. scripsit quippe librum, qui organo Aristotelico vbique præmittitur, περὶ γένους, καὶ εἶδους, καὶ διαφορᾶς, καὶ ἰδίας, καὶ συμβεβηκότος, vt istum commemorat SVIDAS; BOETHIVS autem commentariis suis vocat librum de *generibus, speciebus, differentiis, propriis & accidentibus,*

¹ de modis syllogismorum indirectis sect. III. §. 17. ² nucleus logica Weisian. p. 236. ³ ad Laert. lib. III. segm. 44. p. 208. ⁴ schol. dialect. lib. I. cap. 8. p. 331.

vnde

vnde plerumque adpellatur *ἑισαγωγή*, siue libellus *περὶ τῶν πέντε φωνῶν*, de *quinque vocibus*, siue de *quinque prædicabilibus*, *uniuersalibus*, vti dicuntur in scholis. existimant igitur Porphyrium primum esse auctorem horum prædicabilium, qua in opinione versatur IACOBVS FRIDERICVS REIMMANVS; ¹ sed nullo fundamento hæc sententia nititur. nam bene obseruat LVDOVICVS VIVES, ² quod ab Aristotele hæc prædicabilia iam tradita sint in topicis. ceterum Porphyrius scripsit quoque in *Aristotelis categoriarum expositionem per interrogationem & responsionem*, quæ edita est; item *commentariorum in categorias libros octo ad Gedalium*, quos commemorat SIMPLICIVS; BOETHIO autem memoriam debemus *expositionis libri Aristotelis de interpretatione*; & *commentariorum in Theophrasti librum de affirmatione & negatione*: confer LVCAM HOLSTENIVM ³ & IO. ALBERTVM FABRICIVM. ⁴

§. XXVI. Sunt quoque, qui quosdam ecclesiæ doctores, quos dicunt patres, veluti cultores logicæ speciatim nominant, ac primum quidem AVGVSTINVM, qui non solum libros ad dialecticam spectantes scripserit; sed & Cresconium grammaticum logicæ hostem, & academicos confutauerit. hinc BARTHOLOMAEVS KECKERMANN ⁵ dicit: *is ut omnium post apostolorum tempora theologorum præstantissimus habetur, ita logicus etiam (nemo enim vnquam magnus theologus, cui logica*

¹ *Geschichts-Calender der Logik* p. 24. ² lib. III. de corrupt. art. ³ de vita & scriptis Porphyrii cap. VII. ⁴ *bibliothec. græca* lib. II. cap. 27. ⁵ loc. citat. §. 24.

non est magna) fuit præstans profecto & excellens. vix XX. annorum iuuenis Aristotelis categorias exposuit publice, nec vnquam tota sua vita logicam desit magnificere. hinc passim multa logica præcepta inspergit, passim logicam laudibus deprædicat summis. cui adiungunt HIERONYMVM, qui hanc disciplinam quoque magnis adficiat laudibus, ac de se ipse testetur, quod fuerit *philosophus, rhetor, dialecticus, ebraus, græcus, latinus, trilinguis*:¹ sic & tradit, ² se vertisse latine commentarios ALEXANDRI *Aphrodisiensis* in scripta logica Aristotelis, cuius verba adfert etiam RVFINVS contra Hieronymum disputans: *frustra ergo Alexandri verti commentarios, ne quidquam me doctus magister per ἱσαγωγῆν duxit in logicam.* idem RVFINVS: *sic tibi Alexandri tui commentarii profuere, sic Porphyrii ἱσαγωγῆν?* at vero si monimenta horum ecclesiæ doctorem aliorumque euoluamus diligenter, animum aduertentes ad eorum rationem tractandi proponendique materias; aliquid probandi, efficiendi conclusiones, errores confutandi, quæ omnia sine ope logicæ haud accurate fieri possunt; obseruabimus sane, artis cogitandi studia apud illos non adeo floruisse, quos maiori cura declamandi facultatem interdum sectatos esse, constat. ex quibus efficimus conclusionem, hæc christianorum sacrorumque cœtuum capita litteras logicæ aut planè non coluisse, aut quod maiorem præ se habet veritatem, a magistris eiusmodi dialecticæ præcepta hausisse, quæ nullam

¹ *apolog. adversus Rufin.*
² *epistol. XXXII. ad Domnionem.*

² *epistol. XXXII. ad Domnionem.*

vim ad cogitationes rite formandas ac proponendas habuerint. pro qua temporis illius ratione, pro qua logicæ fortuna illius ætatis haud mirum est, quod hi doctores non distincte, nec ordinate omnia disposuerint; quod regulas, quibus ratiocinatio nititur, haud semper obseruauerint, ac interdum ieiunas effecerint conclusiones attulerintque rationes. mirum autem est, quod nostra ætate sint, qui quum laudem in eo ponant, vt hisce doctoribus multa errorum genera exprobrent, discrimen studii logicæ illa & nostra ætate menti suæ haud proponunt. etenim si viri hi nostro vixissent tempore, quo ratio litterarum est expedita, quoque cogitandi ars præclare culta ac in maius meliusque prouecta, non dubitaremus, quin multo meliora effecissent, etiam errores, quos aduersus genuinæ logicæ præcepta admiserunt, euitassent. illorum quidem institutum haud probare possumus, qui nimio erga tales doctores amore occupati, illos contra quasuis adcusationes defendere, ac veluti errorum immunes habere sustinent; sed mediam tenere viam, optimum esse existimamus. sic pro veritatis amplificandæ tuendæque dignitate decet, errores modeste obseruare; pro bona mente autem, quæ viris his inerat, illos magis excusare, quam perstringere. quod speciatim ad AVGVSTINVM adtinet, libri dialecticæ, qui ipsi adtribuuntur, haud genuini sunt fetus.

LIBRI II.
DE
PROGRESSV AC FATIS
LOGICAE.

CAPITIS I.
DE
PROGRESSV AC FATIS AR-
TIS LOGICAE GENERATIM PER
VARIOS AVCTORES.

SECTIO II.
AETATE MEDIA.

ΣΤΝΟΨΙΣ.

Dicendorum summa §. I. *De Io. Damasceno, Mich. Psello, Georg. Pachymerio eorumque scriptis logicis* §. II. *De dialectica Arabum* §. III. IIII. *Judaeorum* §. V. VI. VII. *Scholasticorum* §. VIII. VIII. X. XI. XII. *Raymundi Lullii* §. XIII. XIII.

§. I.

Disputauimus igitur de progressu ac fatis logicæ ætate vetustiori, ita ut historiam hanc à tempore Platonis vsque ad sextum seculum post reparatam generis humani salutem perfecimus. qua operis parte ad finem perducta, nos conuertamus ad ætatem mediam, qua imprimis doctores illi, quos dicunt scholasticos, capita sua extollebant, ac fere summam imperii tenebant philosophici.

§. II. Antequam vero ad historiam logi-

cæ

cæ scholasticorum adgrediamur, breuiter ea, quæ ante illorum ætatem in hac disciplina sint acta, attingere, muneris nostri esse censemus. IO. igitur DAMASCENVS scripsit opus de *dialectica*, quo ingenium quidem philosophia Aristotelis excultum demonstrauit; ipsam autem artem nouis bonarum meditationum accessionibus haud iuuuit nec amplificauit. inter græcos Aristotelis interpretes locum quoque tenet MICHAEL PSELLVS, *iunior*, qui vt veterum philosophorum monimenta diligenter euoluit, cuius rei documento sunt ipsius liber περὶ ἐνεργείας Δαιμόνων, de *operatione demonum*; item *expositio in oracula chaldaica*; sic operam quoque suam in doctrinarum Aristotelis cognitione locandam esse putauit. LEO ALLATIVS ¹ commemorat Pselli huius *paraphrasin in Aristotelis librum περὶ ἑρμηνείας*, de *interpretatione*; nec non compendium *in quinque voces Porphyrii & Aristotelis predicamenta*; *introductionem in sex philosophiæ modos*; IO. ALBERTVS FABRICIVS autem, qui hanc diatriben LEONIS ALLATII bibliotheca sua græca recudi curauit & animaduersionibus illustrauit auxitque, obseruat ² adhuc Pselli huius σύνολον εἰς τὴν Ἀριστοτέλους λογικὴν, quam edidit græce & latine ELIAS EHINGERVS, distributam in quinque libros, monens, quod PETRI HISPANI summula ex hoc Pselli opere sit petita, id quod etiam BARTHOLOMAEVS KECKERMANN³ significauit. addunt quoque GEORGIVM PACHYMERIVM, qui philosophiæ

¹ diatr. de Psellu §. XXXVI. ² pag. 35. ³ citat. loc. §. 29.

Aristotelis perfecit epitomen, cuius inter alia hoc laudari solet pronunciatum: ἔδεν συμβεβηκὸς ἑστῶν ἀπεργάζεται, quod magnam utilitatem adferre in *disputatione de operibus artificialibus, an sint referenda ad ordines substantiarum, an vero ad qualitatum categoriam*, dicit KECKERMANNVS: CONFER LEONEM ALLATIVM ¹ & DANIELEM GEORGIVM MORHOFIVM. ²

§. III. Quum hac tempestate philosophiæ studia apud Arabes floruisse videantur, paucis quoque attingamus, quæ ratio fuerit dialecticæ in hac gente, quo in momento IO. PETER LVDOVICVS ³ nobis clarissimum lumen præfert. scilicet obseruat, quod Arabes coluerint græcam linguam, ac philosophia e Græcia migrauerit in Arabiam; quibus expositis, varios commemorat dialecticæ laude excellentes. atqui huc refert principem dialecticorum IACOBVM ALCENDIVM, de quo ABULFARAIIVS: ⁴ *Iacobus vero medicinae, philosophiæ, arithmeticae, dialecticae, musicae, geometriæ & Astronomiæ peritus fuit, ac in plerisque harum scientiarum libros celebres & tractatus longos composuit: nec fuit inter Muhamedanos, qui philosophiæ studio adeo claruit, ut philosophus nominaretur, præter istum Iacobum*; item eo parum inferiorem KOSTAM, THABET, scriptorem dialecticæ; MATTHÆVM, filium Yunesi, adpellatum ob excellentem artis hujus scientiam *dialecticum*; ALPHARABIVM, & vt de multis aliis tacea-

¹ diatrib. de claris Georgiis p. 366. ² polyhist. tom. II. lib. I. cap. 9. 6. 9. ³ histor. ration. philos. apud Turcas. ⁴ dynest. VIII. p. 179.

mus, quos recenset, etiam AVICENNAM & AVERRHOEM, notissimos scriptores. ille, cuius nomen rectius scribitur ABU ALI AL-CHASIN IBN ABDALLA IBN SINA, vide NICOLAVM ANTONIVM, ¹ credidit, diuinitus ipsi datam fuisse scientiam logicæ, siquidem apud ABULFARAIIVM ² de se ipso dicit: *deinde per sesquiannum libris legendis sedulo incubui. & quoties aliqua in questione perplexus essem, aut medium syllogismi terminum non inuenirem; ad templum me recepi & ad omnium creatorem preces supplex effudi, donec aperiretur mihi in eo, quod abstrusum & conditum erat. noctu domum meam reuersus, lucerna coram me posita, legendo & scribendo operam dedi; & quandoque inuasit me somnus, aut debilitatem aliquam sensi, acceptum vini poculum bibi, donec ad me redirent vires; deinde ad legendum reuersus sum. quodsi me occuparet vel leuissimus somnus, de ipsis illis questionibus somniabam adeo, ut multarum ex ipsis rationes mihi per insomnia notæ factæ fuerint. nec ita facere destiti, donec solidam dialectices & physices cognitionem acquisiuissem: de cuius scriptis, in quibus etiam logica est, videre possumus LEONEM AFRICANVM, ³ IO. HENRICVM HOTTINGERV, ⁴ PETR. DANIEL. HVETIVM ⁵ aliosque, quos collegit clarissimus IO. CHR. WOLFIVS ⁶. AVERRHOES autem, siue rectius AVENRVSHD,*

¹ bibl. hispan. vet. tom. II. p. 6.

² dynast. VIII. pag. 230.

³ de viris quibund, illustrib. apud Arabes p. 260. Hottinger. biblioth. quadrupart.

⁴ hist. ecclési. seculi XI. p. 461. & anal. p. 295.

⁵ de clar. interpret. p. 228.

⁶ bibl. Ebr. p. 11.

Cordubensis, philosophus & medicus celebris fuit, qui vt Aristoteli maxime erat consecratus; ita quoque in ipsius scripta logica composuit commentarios, in categorias, de interpretatione, in priora & posteriora analytica, topica, item isagogen Porphyrii; nec non introductionem in logicam Aristotelis, de quo pluribus legere possumus NICOLAVM ANTONIVM, ¹ PETR. BAELIVM, ² BARTH. HERBELOTVM, ³ IO. HENRIC. HOTTINGERVM. ⁴ præter hos clarus est fama nominis ABV ACHMED ALGAZALI, qui scripsit etiam logicam, translata in linguam ebræorum, item *destructionem philosophorum*, cui AVERRHOËS opposuit *destructionem destructionis*, de quo videas LEONEM AFRICANVM ⁵ & POCOOCKIVM ⁶ aliosque.

§. III. Vt autem pateat, quæ ratio logica fuerit apud Arabes, non ab re erit, breuiter de ipsorum philosophia edisserere generatim. erant primum inter Arabes Muhammedanos christiani, græcæ philosophiæ periti, ac quamvis plura essent impedimenta, quo minus & Arabes Muhammedani scientiæ huius & græcæ linguæ fierent participes; ista tamen sensim ac sensim fuerunt remota, ac litteræ hæ benignius sunt susceptæ. id quod inprimis sub *Al-Mamone* chalipha accidit, qui ipse litteris doctus erat, teste ELMACINO; ⁷ *didicerat*, inquit, *egregie astronomiam Almamon, & ventorum stationes. unde & inter peritos huius scientiæ*

¹ bibl. Hisp. vet. tom. II. p. 240. ² dictionar. hisp. p. 414.
³ bibl. orient. variis locis. ⁴ bibl. quadrup. p. 272. ⁵ apud
Hottinger. bibl. quadr. p. 262. ⁶ ad portam Mosi p. 118.
⁷ hister. Saracen. lib. II. cap. 8.

etiam

etiam nunc notus est ventus Almamonis; atque homines græcorum philosophiæ addictos magnis adficiebat beneficiis, vti scribit IO. GRAVIVS: ¹ Almamon septimus in Abbasidarum familia Califa inter maximos principes ob doctri-
nam & insignem in viros eruditos munificentiam, iure celebrandus. is fuit, qui accersitis undique hominibus eruditione illustribus & emtis e græcorum bibliothecis libris præstantissimis, eisque in Arabicam linguam traductis, breui bonas artes apud Arabes, prius armis magis, quam litteris addictos ad summum fastigium perduxit. cuius auspiciis debemus, quod adhuc multi e prisca Græciæ sapientibus, de quibus iamdiu inter ipsos Græcos conclamatum est, inter Arabes supersint. nec non magnum librorum adparatum ex Græcia inprimis colligendum, & multos in arabicam linguam transferendos curavit. hinc LEO AFRICANVS ² dicit: tunc Mamon desiderio immortalis desiderabat intelligere antiquorum scientias, quoniam tunc nulla erat scientia arabice descripta; adeoque dictus Mamon congregavit ingentem numerum doctorum diuersarum linguarum & interrogavit auctorum nomina atque librorum, quæ scripta fuerunt in artibus lingua Græca, Persica, Chaldaea, atque Aegyptia, adeoque multorum nominata sunt volumina. misit tunc multos ex familiaribus suis in Syriam, Armeniam, atque Aegyptum, vt illos emerent libros, de quibus sarcinas infinitas & tulerunt & conduxerunt. tunc segregati sunt boni & utiles, sicut in medicina, in physica, in astronomia, in

¹ præfatione ad tabulas geograph. Abulfeda Ismaëlis princip. Ham. p. 6. ² apud Heusinger, biblioth. quadripartito. p. 248.

musica,

musica, in cosmographia, & chronica descriptis
& posuit supra traductionem linguae graecae Io-
annem, filium Mesuah praedictum, quoniam in
illo tempore christicola graecis studebant litteris.
posuit etiam supra traductionem graecam alios
quam plures sub eodem Ioanne, & supra lin-
guam Persicam Mahan, dictumque Mesuah, qui
traduxerunt librum Galeni in medicina; post
quae omnia opera Aristotelis arabice traduxe-
runt, multis etiam aliis magistris auxiliantibus.
 sic cognoscimus ex hisce verbis, quod in his
 libris fuerint quoque opera Aristotelis, quae
 tum in arabicam linguam sint translata, quod
 quum acciderit tempore Almamonis, cuius
 aetas spectat ad annum Christi 1000. Aui-
 cenna vero & Auerrhoës post annum miliesi-
 mum a nato seruatore nostro clari extiterint,
 inde quoque colligere possumus; quod his
 viris gloria translatae graecae philosophiae in
 arabicum sermonem haud vindicanda sit. at-
 qui hac ratione Arabes addicebant sese philo-
 sophiae Aristotelis, in qua cognoscenda, ex-
 plicanda atque illustranda summam colloca-
 bant operam, id quod simul significat nobis,
 quam coluerint logicam. sequi scilicet prae-
 cepta Aristotelis elaborabant, praecipue Auin-
 cenna & Auerrhoës, qui magnis quidem stu-
 diis erga philosophum hunc trahebantur, si
 modo veras Aristotelis sententias adsequi po-
 tuissent. etenim neque rerum philosophiae;
 neque graecorum linguae cognitionem tene-
 bant, qua inscitia occupati in interpretationi-
 bus haud felices progressus facere poterant,
 quid quod genuinam Aristotelis doctrinam
 perturbabant maxime. CAELIVS RHODI-

GINVS

GINVS ¹ de AVERRHÖE scribit: *cur commentator* (Auerrhoës) *tam saepe ab Aristotelis sui sententia videatur deuius, inde factum volunt, quod is in Hispania natus & Arabum idiomate imbutus, quum græcæ litteraturæ ne apices quidem imbibisset, Aristotelis libros in barbarum sonum non translatos quidem, sed mutilatos, decurtatos peruersosque quum leſtitaret, in iis, quæ altioris sunt scientiæ & interioris sensus, auctorem eminentissimum studio breuitatis ita saepe concisum, vt sensuum acumina sudantes philosophos disſineant diu multumque, minus minusque conſequi valuit: in primis autem studia hæc, quibus Arabes Aristotelem sunt ſectati, ac bonas philosophiæ litteras in discrimen adduxerunt, magno dolore conqueritur* LVDOVICVS VIVES. ² quum igitur Aristotelem ducem suum eligerent, illi præcipue philosophiæ parti operam dederunt, quæ dicitur λογική, ita vt verborum studiosi essent maxime; de cognoscenda autem ipsarum rerum indole parum solliciti. quapropter *periti siue domini sapientiæ verborum*; passim quoque *הרריים* vocantur, qua de re conferre possumus IO. HENR. HOTTINGERVM ³ & POCKOCKIUM; ⁴ ADAMVS TRIBBECHOVIVS ⁵ autem quum præcipua philosophiæ arabicæ momenta exposuerit, hæc addit: *ex hac philosophandi ratione tria potissimum consecuta, vt scilicet omnia terminis & conscriptis notionibus suis inuoluerent, tum quoque certis his consequentiis & principiis qualibet demon-*

¹ lect. antiqu. lib. III. c. 2. ² de corrupt. artib. lib. V.

³ hist. orient. lib. II. cap. 7. ⁴ not. ad Abulfarai. p. 194.

⁵ de doctoribus scholastic. cap. III. p. 124.

strarent,

strarent, deinde vero hac ratiociniorum trutina in utramque partem res ipsas expenderent. de AVERROË & AVICENNA adhuc legi potest IAC. GADDIVS. ¹

§. V. Sic logicæ fata in Arabum gente duriora fuerunt, quum Aristotelem, cuius doctrinam sequi instituebant, haud intelligerent & adhuc multa erronea atque inutilia adderent. ceterum hoc philosophiæ genus *Arabico-Aristotelicum* multis Iudæis in Africa & Hispania degentibus sese probavit, qui excitati ad litteras philosophiæ colendas mentes conrulerunt. alii scribebant observationes in scripturas diuinas; alii studio talmudis sese tradebant; alii inquirebant in res absconditas artis kabbalisticæ; alii autem in philosophia Aristotelica locabant operam suam, vide IO. FRANCISCUM BVDDEV. ² quam diligenter in philosophia Aristotelis sint versati, ex multis constat documentis, siquidem non solum libros philosophi huius, atque Arabum ad sapientiæ huius studia spectantes in linguam transtulerunt ebræam; sed & commentariis atque adnotationibus illustrarunt, quorum auctorum notitiam petere possumus ex IULIO BARTOLOCCIO, ³ IO. HENRICO HOTTINGERO, ⁴ IO. BVXTORFIO, ⁵ IO. IULIO STRVVIO, ⁶ IO. FRANCISCO BVDDEO, ⁷ IO. CHR. WOLFIO. ⁸ ut & hæc momenta attingamus, ac fata logicæ inter ebræos hac tempestate illustremus, libros ac

¹ de scriptoribus non ecclesiasticis, tom. I. p. 50. seqq. ² introd. ad histor. phil. Ebr. p. 169. ed. 2. ³ bibl. rabbinic. tom. I. p. 480. sq. ⁴ bibl. orient. cap. I. class. XI. p. 47. ⁵ bibl. rabbinic. p. 64. ⁶ rudim. logic. Ebræor. p. 10. ⁷ cit. loco p. 201. ⁸ bibl. Ebr. passim.

scriptores huc spectantes ea, qua decet breuitate, recensere instituamus. primum igitur fuerunt, qui scripta logica Aristotelis verterunt. sic testatur BARTOLOCCIVS, exstare MSS.

המאמרות 'ס *librum categoriarum*, interprete ignoto in B. Vatican. 4.

המליצה 'ס *de interpretatione*, interprete anonymo in B. Vrbinat. 4.

ההקש 'ס *librum analyticorum* per anonymum in B. Vatican. 4.

המופת 'ס *librum topicorum*. ibid.

ERPENIVS, vt patet ex catalogo ipsius librorum manu exaratorum, habuit *logicam Aristotelis cum isagoge Porphyrii & quibusdam commentatoribus arabicis lingua hebraica*. 4t. LAMBECIVS¹ autem recenset codicem Tenggagelium, quo continentur compendium logicæ Maimonide: Porphyrii isagoge in quinque voces cum expositione Auerrhois: categoriæ Aristotelis cum commentariis Auerrhois; Abu Nezar Alpharabi, philosophi arabis de syllogismo demonstratiuo lib. I. & II. cum commentariis Auerrhois, quæ omnia a R. IACOB. fil. Simson ANTOLI Hispano conuersa sunt, qui vixit seculo XIII. nec non MAIMONIDES testatur epistola ad R. Iehudam Aben Tibbon, quod R. ISAAC filius CHONAIM scripta Aristotelis verterit, quamuis nondum ex eo sit apertum, num in logica quoque monimenta eandem contulerit diligentiam.

§. VI. Non solum autem ipsa scripta Aristotelis; sed & Arabum commentarios, quibus philosophum hunc illustrare elaborauerant,

¹ tom. I. commentar. Vindebonenf. p. 183.

ac libros logicos transtulerunt Iudæi in linguam suam.

AVICENNAE opera, quæ etiam logicam complectuntur, a MAIMONIDE, vt titulus fert, hebraice conuersa Bononiæ ostendi, testis est BERNHARD. de MONTFAUCON. ¹

AVERRHOIS scripta logica hebraico sermone exposita, quæ ad illustrandum Aristotelem pertinent, diligenter commemorat IO. CHR. WOLFIUS. ²

ABVACHMED ALGAZALI, philosophus arabs scripsit logicam, quæ cum commentariis MOSIS *Narbonensis* hebraice extat manuscripta in bibliotheca Bodleiana. ³ WOLFIUS ⁴ clarissimus putat, hanc logicam eandem esse cum חזקת החנין *de utilitate logices*, in quem tractatum magister VITALIS TOLOSANVS commentarios scripsit, hebraice a R. MOSE *ben Iosua Narbonensis* translato, qui manu exarati cum scholiis exstant in bibliotheca Vaticana.

ABVNASAR ALPHARABI, magnus inter Arabes philosophus habitus, atque inprimis a Maimonide probatus. hic scripsit librum *de elenchis sophisticis* constantem partibus tribus, quarum prima introductionem; secunda fallacias in dictione & tertia fallacias extra dictionem tradit: atqui hoc opus hebraice manu scriptum extat in bibliotheca Vaticana, vt de aliis taceamus.

§. VII. Verum Hebræi in eo adhuc posuerunt operam suam, vt & ipsi conscriberent logicas, quas a voce חנה *meditari*, plerumque

¹ cap. XXVII. p. 402. *diarii Italic.* ² *bibl. hebr. p. 18.*

³ *vide catalogum illius n. 3720.* ⁴ *bibl. hebraea p. 3. n. 6.*

הגין vocant, quia præcipue ad meditationem spectare debent. quo pertinent

R. ABRAHAM f. MEIR ABEN ESRA, qui seculo XII. post natum Christum vixit, atque cum inter iudæos, tum alios magnam consecutus est auctoritatem, siquidem illi κατ' ἑξοχὴν חכם ipsum adpellant; a BAR-TOLOCCIO¹ autem vocatur *excellens philosophus, astronomus, medicus, poëta, grammaticus, kabbalista & S. Scripturæ famosus interpres*. ipsius הגין 'ב *liber logices* manu conscriptus reperitur in bibliotheca Vaticana.

ELIAS BESCHITZI, *Karus filius Mosis*, qui CPoli vixit, vnde & *Byzantini* adpellationem accepit, seculo XV. inclinante, cuius logicam illam, quæ in catalogo bibliothecæ Leidensis² recensetur, esse suspicatur WOLFIVS.³

R. IOSEPH f. CASPI seculo XIII. clarus, cuius logicam manuscriptam commemorat HOTTINGERVS;⁴ & WOLFIVS⁵ tradit, esse commentarium in X. prædicamenta Aristotelis.

R. LEVI filius GERSCHOM siue *Gerson*, qui philosophiæ Aristotelis consecratus erat, variis erroribus de æternitate mundi deque naturali diuinationum dono occupatus. BVXTORFIVS⁶ commemorat ipsius logicam Venetiis editam, quem sequitur IO. IVLIVS STRVVIVS;⁷ rectius autem WOLFIVS⁸ monet, illum scripsisse expo-

¹ *biiblioth. rabbinic. rom. I p. 36.* ² *p. 289. n. 54.* ³ *cit. loc. p. 150.* ⁴ *bibl. orient. p. 47.* ⁵ *cit. loc. p. 543*
⁶ *biiblioth. rabbin. p. 64.* ⁷ *rudim. logic. Ebr. p. 11.* ⁸ *cit. loc. p. 729.*

sitionem breuem in Auerrhoëm in logicam, siue X. prædicamenta Aristotelis, libros de interpretatione, analyticorum, de syllogismo, quod opus MS. extet in bibl. Vrbinat. vt adeo BUXTORFIVS per logicam Venetiis editam sine dubio intelligat eius notas in Auerrhois expositionem Aristotelis Venet. MDLII. lat. edit. 4.

R. MOSES filius MAIMON, qui Cordubæ in Hispania anno Christi MCXXXI. natus, & magnam ingenii atque doctrinæ laudem sibi peperit, præcipue quum & litteris philosophiæ operatus sit diligenter. certe in monumentis suis mentionem facit Aristotelis, Platonis, Galeni, Themistii, atque aliorum & ipse præfatione mischnæ testatur, quod *perlegerit omnes libros philosophicos*. sic libro, qui inscriptionem habet *doctoris perplexorum* multa attingit argumenta philosophica, atque Aristotelis Arabumque vestigia premit, etiam more Aristotelicorum docet, ad sublimem rerum diuinarum notitiam nemini patere aditum, nisi in logica ac metaphysica probe animum atque ingenium exercuerit. RICHARD SIMONⁱ de philosophia huius doctoris ita censet: *Rabbi Moses cognomine Maimonides seu Maimonis filius magnam existimationem sibi peperit, nedum apud Iudæos, sed & apud Christianos, qui in suis operibus vnum ex eius libris, cui titulus: moreh neuochim, frequenter citant. huius auctoris præcipuus scopus est, quæ in scripturis difficillima insunt, elucidare omniaque æquiuoca in iisdem occurrentia tol-*

ⁱ histor. crit. veteris testamenti lib. III. cap. 4.

lere. plurimi Iudæi in methodum eius illico insurrexerunt, & hoc scriptum damnant, quia suo ratiocinandi more gentis suæ patrum traditionem euertere videbatur. ac sane R. Moses philosophum censeri nimis affectavit, ac quoddam ex Aristotelis & scripturæ principiis miscellaneum parauit, quod omnium palato sapere non potest. eius metaphysica nimium subtilis est, & in sua plurimarum hebraicarum vocum genuinæ significationis investigatione satis peritus grammaticus non videtur. præterea fere semper quæstiones decidit ex propriis præiudiciis, quæ quidem religionis, quam profitebatur, axiomatibus quandoque conformia sunt; sed sæpius etiam accidit, ut Arabum philosophorum, quorum libros euoluerat, opinionibus mens eius imbuta sit. inter alia scripsit quoque logicam, quæ in quatuor & decem capita distincta & manu exarata exstat in bibliotheca Vaticana, ubi etiam reperiri compendium eiusdem a R. MOSE BEN TIBBON, qui floruit anno Christi MCCLXX. sub inscriptione: *מלחמת הגיון* opus logicum, testatur BARTOLOCCIVS, quale compendium logicum etiam deprehenditur in bibliotheca Vindobonensi, ut cognoscimus ex NESSELIO. ¹ extat adhuc opus quoddam sub titulo: *מלחמת הגיון*, de distinctionibus logicis, quod Maimonidi tribuitur, cum duplici commentario utroque ἀναλυτικῶς editum Venet. anno Chr. MDL. Cremonæ MDL. & MDLXIII. quem postremum librum *מלחמת הגיון* a logica illa & compendio

¹ catal. n. 71.

logices distinguit BARTOLOCCIVS. sed clarissimus WOLFIUS¹ merito suspicatur, esse vnum eundemque librum, quia & ille in XIII. capita distinctus sit, quibus *logica* illa absolui dicatur; *compendium* vero, quod dicitur מלחמת הגיון ex titulo ipso מלחמת הגיון videtur ei adpellatum. BVXTORFIVS,² HOTTINGERVVS,³ STRVVIVS⁴ commemorant *logicam* R. SCHIMEONIS, quæ latine versa & punctis vocalibus illustrata a Munstero & excusa Basileæ per Frobenium prodierit anno MDXXVII. sed RICHARD SIMON⁵ probat, logicam illam esse Maimonidæ, quod obseruat quoque WOLFIUS.⁶

Atqui hæc sufficiant. quæ omnia aperte significant, magna quidem fuisse auctoritate Aristotelem in gente ebræa; minus autem prosperiora logicæ fata. etenim sequebantur Arabes, qui ipsi Aristotelem haud intelligebant, & præcepta rationis cum scripturis sacris ac traditionibus adeoque summa imis permiscebant; quin etiam corruptis affectibus, qui prauas gignebant opiniones, trahebantur. quam infeliciter interdum peripateticam philosophiam coniunxerint cum diuinis oraculis, MAIMONIDES suo exemplo demonstrare potest. de verbis enim MOSIS⁷ disputans: *Et sub pedibus eius erat velut opus albedinis lapidis sapphiri*, ista interpretatur de materia prima Aristotelicorum: ⁸ *dico ergo, inquit, sub pedibus*

¹ cit. loc. p. 862. ² biblioth. rabbinic. p. 64. ³ bibl. orient. p. 47. ⁴ rudiment. log. Ebr. p. 11. ⁵ biblioth. critic. tom. IV. p. 48. ⁶ cit. loco p. 863. ⁷ Exod. XXIII. 10. ⁸ mor. neuoch. p. I. c. 28.

ejus, idem esse ac ex caussa ipsius, hoc est per eum & propter eum, sicut explicuimus. quod autem apprehenderunt, fuit ipsa materia prima, quæ est a Deo benedicto (immediate scilicet) cuiusque ipse caussa est efficiens. nam obseruandum est, quod dicat, sicut opus albedinis sapphiri: si enim voluisset denotare colorem vel speciem externam, simpliciter dixisset, sicut albedo sapphiri. verum addit, sicut opus, quia materia, ut nosti, natura sua semper recipit formas & patitur, nunquam vero agit, nisi per accidens, sicut forma semper agit per se, nunquam autem patitur, nisi per accidens, quemadmodum ista in libris physicorum explicantur. ex quo modo tractandi philosophiam, facile cognoscere possumus, quæ fortuna logicæ fuerit apud illos, quæ vñ genuino rationis humanæ, solido atque vnico fundamento nititur. de logicis talmudicis, quas vocant, heic nihil adinet dicere, de quibus si in censum horum librorum verius venirent, supra fuisset disserendum: ceterum videre possumus IO. HENR. HOTTINGERV¹ & IO. IVLIVM STRVVIVM, cuius rudimenta logicæ Hebræorum rationem argumentandi talmudicam exponunt, inprimis ex libro Halichoth Olam.

§. VIII. Quum Saraceni gens arabica magnam Africæ partem occupassent, & in Hispaniam transissent, hac ratione philosophiam arabico-Aristotelicam intulerunt in Europam, ac fundamentum *philosophiæ scholasticorum* posuerunt, solent tres classes scholasticorum

¹ bibl. orient. p. 13.

constitui. prima incipit a **RVCELINO**, vel ut alii putant a **PETRO LOMBARDO**, atque extendit sese usque ad tempora **ALBERTI magni**, qui ingenio nituit circa medium seculi XIII. secunda ætas deducitur ab **ALBERTO magno** usque ad **DVRANDVM de S. Portiano**, id est initium seculi XIII. qua ætate præcipue **THOMAS de AQUINO**, **IO. DVNS SCOTVS** famam sibi adquisiuerunt. tertia ætas, quæ durauit usque ad Christianæ doctrinæ reformationem, inprimis tulit **GVILJELMVM OCCAM** & **GABRIEL BIEL**, quas ætates constituit **ALSTEDIVS**, ¹ quod iam ante eum quoque fecit **DANAËVS**, ² & in quas accuratius inquiri **IACOBVS THOMASIVS**. ³ qui obseruat, quod si historiam scholasticorum a **RVCELINO**, cuius ætas incidat in annum **MXCI**, usque ad reformationem deducamus, hæc scholastica doctrina complectatur quatuor secula cum vno fere quadrante; quamuis aliter sit pronuntiandum de illis, qui theologiæ scholasticæ originem deriuant a **LANFRANCO**, quippe qui **ABELARDVM**, discipulum **RVCELINI**, integro seculo antecessit. nec de his ætatibus omnibus vna eademque sententia est, ac inprimis disputant de prima origine atque auctore philosophiæ ac theologiæ scholasticæ. alii hanc gloriam vindicant **LANFRANCO**; alii **PETRO LOMBARDO**, in quibus est **ADAMVS TRIBBECHOVIVS**; alii **ABELARDO**, item **RVCELINO**; & **IACOBVS THOMASIVS** ⁴ existimat, **RVC-**

¹ thesaur. chronolog.

² prolegem. in lib. 1. Lombardi.

³ de doctribus scholasticis. §. XIII. seqq.

⁴ disp. de doctribus scholasticis.

CELINVM esse auctorem philosophiæ scholasticæ; ABELARDVM vero theologiæ scholasticæ, quamvis ipsius discipulûs PETRVS LOMBARDVVS maiorem nominis famam magistro suo fuerit adsecutus. quam controuersiam componere, ac quæ vera sit sententia, declarare, res omnino ardua est, in primis quum ista quæstio, de qua disputant, varia ratione potest considerari. quod si enim respiciamus adpellationem & vocem *scholastici*, illius vsus iam ante frequens fuit, qua æuo medio significabant hominem litteris ac bonis artibus excellentem; posthac præcipue virum, qui doctoris ac professoris munereungebatur, qualis persona eo tempore lumen quoddam orbis eruditi habebatur, ut CHR. AVGVSTVS HERMANNVS¹ obseruat. si autem ad rem ipsam aduertamus animum, omnino discrimen inter philosophiam & theologiam scholasticorum ponere debemus, ac ratione philosophiæ respicere modum, quo ista ad exemplum Arabum culta fuerit; ratione theologiæ autem prima studia, quibus istam non solum publice sunt professi, sed &, quod princeps est momentum, ieiunam, aridam, inutilem, etiam impiam philosophiam coniunxerint cum ista, quorum quis primus fuerit, propter inopiam monumentorum historicorum definiri haud potest. ceterum si quæstionem ita ponamus, quis primus singulari studio & applausu ita genus hoc litterarum, præcipue theologiæ tractauerit, vt clarissimum nomen a se dederit; magna veri specie gloriam istam meretur LOMBARDVVS, qui facile celebritatem Abelardo

¹ *præf. ad Tribbeck, tr. de doct. scholasticis.*

magistro suo præripere poterat, quoniam ille nomine *hereticarum opinionum* suspectus erat.

§. VIII. Quod speciatim ad scholasticorum dialecticam adtinet, illius historiam distincte tradere possumus, si primum auctores, qui in hac disciplina sunt versati; posthac autem ipsam rationem dialecticæ scholasticæ commemoramus atque exponimus. ex scholasticis igitur philosophiæ, etiam dialecticæ operati sunt

10. RUCELINVS, quem alii scribunt ROSCELINVM, & Henricus Gandauensis¹ RVZCELMVM, quod & rectius fieri, existimat IACOBVS THOMASIVS.² traditur primus nominalis, aut nominalis doctrinæ in logica Aristotelis inuentor: hinc OTTO *Frisingensis*³ dicit: *habuit* (Abelardus) *primo præceptorem Rozelinum quemdam, qui primus nostris temporibus in logica sententiam vocum instituit; & intelligit per sententiam vocum doctrinam nominalium.* noti quoque sunt versus in Rucelini doctrinam, qui leguntur apud AVENTINVM: 4

*quas Ruceline doces, non vult dialectica
voces,*

*iamque docens de se non vult in vocibus
esse,*

res amat, in rebus cunctis vult esse diebus.

PETRVS ABELARDVS, Rucelini discipulus, qui philosophiæ laude clarus fuit, hinc Io. *Sarisberiensis* passim eum vocat nomine *Petripatetici Palatini*, quoniam sequebatur

¹ cap. V. de scriptorib. ecclesiast. part. I. eccles. bibl. Mirai p. 163.

² de doctribus scholast. §. 6.

³ de gestis Fridrici Barbarossa lib. I.

cap. 47.

⁴ lib. VI. anal. p. 498.

Aristotelem & in monte Genouefæ, vbi erat insigne palatium, docebat, vide IACOBVM THOMASIVM. ¹ dialecticam quoque coluit, vnde ipsum dictum esse *dialecticum*, testatur HORNIVS. ² vitam eius exposuit nominatus THOMASIVS. ³

ALBERTVS magnus, qui philosophiæ Aristotelicæ maxime deditus erat, adeo vt adpellatus fuerit *Simia Aristotelis*: hinc dicit LANGIVS: ⁴ *ob amplitudinem omnifariæ doctrinæ magnus dictus, fuit in omni philosophia peripatetica peritissimus. hinc & a plerisque simia Aristotelis adpellatus est, qui & nimium vino secularis scientiæ ebriatus sapientiam humanam, ne dicam philosophiam prophanam diuinis litteris copulare ausus est, quique dialecticam contentiosam, spinosam & garrulam sacratissimæ & purissimæ non pertimuit permiscere theologiæ, nouum & philosophicum modum sacras docendi & explanandi litteras suis tradens sequacibus: theologistarum sectæ, quæ ab eo Albertistarum dicitur, dux & monarcha excellens. scripsit hic Albertus in omnes libros, quos complectitur organon Aristotelis, commentarios, in quibus logicæ artis peritiam magnam ostendit, vt ait BARTHOLOMAEVS KECKERMANN.* ⁵

THOMAS AQUINAS, qui a cultoribus philosophiæ & theologiæ scholasticæ magnis ac diuinis fere laudibus adficitur. dicitur *doctor angelicus, plus quam Salomon, interpres*

¹ de doctorib. scholastic. §. VIII.

² hist. philos. lib. VI. cap. 2.

³ vide Christiani Thomasi. histor. sap. & stultitia tom. I. p. 75.

⁴ chron. Citizens. ad annum 1258.

⁵ præ logic. tr. II. c. 2. §. 33.

diuinæ voluntatis, matutinus lucifer, quasi luna plena sapientia & moribus & veluti sol oriens mundo. scripsit commentarios in vniuersum Aristotelis organon, item summulam logicam de quatuor oppositis, de demonstratione, de fallaciis, de modalibus, de natura generis, de natura accidentis, de natura syllogismorum, a quibus quantum *ars logica incrementi capere possit, ii possunt experiri, qui cum iudicio sine præiudicio tenellarum aurium hæc talia ignei vere ingenii monumenta lubenter legunt,* vti dicit KECKERMANN. ¹ RENATVS RAPINVS ² existimat, quod AQUINAS primus arabicam philosophiam tractandi rationem obseruauerit.

PETRVS HISPANVS, qui conscripsit *summulas dialecticas*, quas, vt supra monuimus, MICHAELI PSELLO debebat. opus hoc tantam consecutum est auctoritatem dignitatemque, vt vsus illius in omnibus fere scholis fuerit frequens, ac insignis illorum copia extiterit, qui id obseruationibus ac commentariis illustrandum curarunt.

10. DVNS SCOTVS, vir subtilis ingenii, cuius ope abstrusas quæstiones, quæ nullius sunt vtilitatis, proposuit, etiam auctor sic dictarum *hæceitatum* extitit, cuius indolem nemo elegantius expressit, quam 10. BALAEVS, ³ quando dicit; *Ioannes Duns natione Scotus, doctor subtilis adpellatus, portentosus artifex, ac litigiorum patriarcha, imposturarum labyrinthos ingenio de-*

¹ cit. loco.
Anglic.

² compar. de Plat. & d' Arist.

³ de script.

dalino excogitauit contendendi formulas nouas verbis intricatis subtiliter adinuenit, & monstrifica conflictationum vocabula formauit, de suppositionibus, obligatoriis, insolubilibus, hæccetibus, formalitatibus, modis intrinsecis, atque aliis sophistarum chimæ, ut Christus in contentione prædicaretur ac innumeris superstitionibus in ecclesia vestiretur. Stultior enim est ea sententiariorum papisticorum theologia sacra, ex centaurorum bisformi conflata genere, quam sunt scripta fabulosa Hesiodi & Orphei theologorum gentilium. qua ingenii indole quum esset, ac nimis subtili cogitatione omnia expendere elaboraret, quid mirum, quod monimenta sua effecerit maxime obscura, ita ut de eo dicere possimus: quia non vult intelligi, non debet legi: ob quam causam adpellatus quoque est tenebrarum magister. scripsit questiones in logicam; de vniuersalibus, de prædicamentis; in postiora analytica Aristotelis.

GVILIELMVS OCCAM, qui heic ideo commemorandus est, quod sectam nominalium instaurauerit: composuit *summam totius logicæ, maiorem summam logicæ*, quibus illi, qui nugis scholasticorum delectantur, summum habent pretium, adeo ut **MARCVS DE BENEVENTO**, qui *Occami* opera edidit, præfatione testetur, quod si apud deos nexus logicæ inuenirentur, nullius nisi *Occami viri doctissimi* solutione uti dignarentur:

De quibus ut & aliis, quos de industria silentio præterimus, pluribus videri possunt **ADAMVS**

TRIB.

TRIBBECHOVIUS,¹ DANIEL GEORGIUS MORHOFIUS,² IO. IACOBVS A RYSSSEL,³ & illi, qui de scriptoribus ecclesiasticis egerunt, quorum notitiam debemus IO. ANDRÆAE BOSIO & THOMÆ ITTIGIO.

§. X. Breuiter commemoratis principibus scholasticis, instituamus quoque, indolem logicæ scholasticæ perspicue exponere, quippe quam plenius intueri ac cognoscere possumus, si de ipsa philosophiæ huius ratione videamus generatim. quisque igitur, qui genuinæ sapientiæ & ingenio & mente operam dat, merito censet, illam scholasticam cum vera philosophia nihil habere commune. videamus, quid efficiat verum, rectum ac genuinum philosophum, id quod in duobus momentis positum est, prout omnes disciplinæ, adeoque etiam philosophia duplici ratione possunt considerari; partim ratione rerum, de quibus tractant; partim vero ratione formæ, qua disciplinarum naturam præ se habent. quod ad res adtinet, philosophus tales proponere debet, quarum cognitio vim habet ad felicitatem nostram, siue internam, siue externam; siue huius, siue alterius vitæ promouendam, adeoque eius muneris est, se abstinere a momentis inutilibus, quæstionibus disputationibusque vanis ac ieiunis. sed vero quem fugiat, quam plenissimæ scholæ horum doctorum ineptiarum fuerint, & quam cumulatissima monimenta illorum quisquiliis sint? ERASMVVS⁴ notat hæc portenta scholasticorum: *illa demum,*

¹ De doctoribus scholasticis. ² polyhist. tom. II. lib. I. c. 13. 14.
³ continuat. Voss. de selectis philos. cap. VIII. ⁴ moria encyclo-
 pædis pag. 178.

inquit,

inquit, magnis & illuminatis theologis digna putant; ad hæc si quando incidunt, expergiſcuntur ſcholastici, num quod inſtans in generatione diuina? num plures in Chriſto filiationes? num poſſibilis propoſitio: pater odit filium? num Deus potuerit ſuppoſitare mulierem, num diabolum, num aſinum, num cucurbitam, num filium? tum quemadmodum cucurbita fuerit concionatura, editura miracula, figenda cruce? & quid conſecraſſet Petrus, ſi conſecraſſet eo tempore, quo corpus Chriſti pende-
bat in cruce? & num eodem tempore Chriſtus homodici potuerit & num poſt reſurrectionem edere aut bibere fas ſit futurum? iam nunc famem ſitimque præcauentes. ſunt innumera-
biles λεπτιλεσχλαι his quoque multo ſubtiliores, de inſtantibus, de formalitatibus, de quidditatibus, hæceitatibus, quas nemo poſſit oculis aſſequi, niſi tam lynceus, vt ea quoque per altiſſimas tenebras videat, quæ nuſquam ſunt. abſurdas quoque quæſtiones propoſuerunt, quumque de iſtis acriter in vtramque partem diſputarint, ſæpius non ſolum ieiuna; ſed & impia, quæ maieltati ſcripturarum diuinarum aduerſa ſunt, ſua ſibi fecerunt, id quod ADAMVS TRIBBECHOVIVS ¹ in hac quæſtione: ſi mus aut aliud quodcumque brutum hoſtiam conſecratam arrodat vel comedat, quid de corpore Chriſti fiat? copioſe demonſtrauit. atqui eadem ratione veram ac genuinam philoſophiam, cuius veritates nobis aditum ad felicitatem patefacere debent, corruerunt, quin etiam proſcripſerunt, ſuaque ingenia ac pecto-

¹ De doctõribus ſcholastic. p. 152.

ra impleuerunt nugis, quisquiliis, ineptiis, quorum disputationes ac certamina de vocibus tantum instituebantur, atque erant λογολαχίαι, vt ostendit SAMVEL WERENFELSIVS.¹ quodsi autem philosophiam consideramus ratione formæ, qua ad artem disciplinæ adcommodata complectitur genuina principia & inde deductas consequentias, ille nomen ac laudem veri philosophi tueri potest, qui partim ratione intellectus libertate cogitandi eo, quo decet, iure vitur; partim voluntatem ab affectuum vinculis liberat, vt non solum prospiciat hac ratione intellectui; sed & studia & voluptas veritatum, item animus istas aduersus impetus prauæ sentientium defendendi fortiter, gignantur. quodsi ita est, sicuti est, scholasticos ne vllam philosophicæ laudis partem tenere posse, merito censemus. namque si ipsorum spectamus *intellectum*, quem excolere & ad formam sanæ rationis, qua omnis nititur philosophia, redigere debuissent, iste plane corruptus, ac in tetras tenebras inscitæ, falsarum opinionum, atque errorum deductus erat, qua conditione rebus philosophiæ haud consulere poterant. *primum* enim nimio studio auctoritatis cum Aristotelis, tum ecclesiæ romanæ tenebantur, hocque morbo laborantes haud apti erant ad veritates propagandas; sed fidem quamdam philosophicam, quæ omnem veram philosophiam frangit atque euellit, introducebant. Aristoteles tum eligebatur perpetuus dictator philosophicus, ac veluti Papa ecclesiæ philosophi-

¹ De logomach. trad. p. 24. 36. sqq.

cæ, cuius auctoritate omnia metiri solebant, adeoque propriam iudicandi facultatem penitus opprimi patiebantur. quin etiam ista ætate bonæ litteræ sepultæ iacebant ac tanta linguæ græcæ inscitia erat, vt Aristotelem græcum haud intelligerent; sed vt versionem sacri codicis latinam habebant pro norma; sic Aristoteles quoque latinus, a græco multum discrepans erat, quem veluti oraculum philosophicum sequebantur. erant autem scholastici homines sacri & maximam partem monachi, quos tanta superstitio, tanta cæca erga pontificem romanum pietas occupauerat, vt quidquid postularet commodum atque ambitio Papæ, pro perfectissima haberent veritate, sicque & hæc auctoritas omnem cogitandi libertatem tolleret. *deinde* discrimen inter lumen gratiæ ac naturæ haud obseruarunt, ac scripturas sacras cum philosophia perturbauerunt, quod iterum duplici ratione fiebat, partim *obiectiue*; partim *formaliter*, vt his metaphysicorum vocibus utamur. *obiectiue* dum egerunt in philosophia de eiusmodi rebus, quas tantum sacer codex sibi vindicat, nec vllus homo naturalibus intellectus viribus cognoscere potest, quales sunt mysteria fidei christianæ, etiam momenta philosophica in disciplinas theologiæ intulerunt. *formaliter* vero philosophiam cum theologia confunde-
bant, quum istam theologiæ ancillam esse existimauerint adeoque in doctrinas theologiæ haud inquisuerint ac placita ecclesiæ, abiecto lumine rationis, promiscue vera habuerint, id quod plane absurdum est. nam si theologiam consideramus veluti disciplinam in formam
artis

artis redactam, quæ nitatur suis principiis ac contineat conclusiones, subest quoque legibus philosophiæ, inprimis artis logicæ, siquidem theologus de veritatibus cognoscendis, probandis, defendendis sollicitus esse debet, quæ sine beneficio logicæ haud præstare potest. aliud est sacer codex; aliud vero theologia; ille dependet ab auctoritate diuina & plane errorum immunis est; hæc vero efficitur ingenio humano, atque omnino periculo errandi exposita est, ut theologus quoque pariter ac philosophus in errore versari possit, nec errores theologici ac philosophici sua natura differant. quapropter putamus, quæstionem illam: num philosophia sit domina, an ancilla theologiæ? nullius esse momenti, siquidem philosophia est eruditio generalis, cuius species sunt theologia, iurisprudentia & medicina, si theologia ut disciplina arte humana concinnata consideratur. quæ duriora fata philosophiæ quum euenirent, atque omne studium veritates cognoscendi esset abiectum, quid mirum, quod *voluntas* scholasticorum sedes fuerit prauarum cupiditatum ac perditissimorum affectuum, quæ corrupta mens semper sequitur corruptum intellectum, pro ut omnis virtus nititur veritate, atque omne vitium errore. qui hanc miserrimam scholasticæ doctrinæ faciem vberius cognoscendi desiderium habet, ille legere potest ERASMV ROTERODAMVM ¹ LVDVICVM VIVEM ² FRISCHLINVM ³ ADAMVM TRIBBECHOVIVM ⁴ SAMVELEM PVFENDOR-

¹ *Encom. moria.* ² *de causis corruptar. artium.* ³ *Pri-
siano vapulante.* ⁴ *de doctōribus scholasticis.*

FIVM, ¹ CHR. AVGVST. HEVMANNVM ² aliosque. nemo autem operi huic ita, vt decet, adhuc satis fecit, siquidem omnes generalia tantum vitia doctrinae scholasticae eorumque causas indicarunt, ac multum operæ in historia eorum litteraria consumserunt; in ipsas autem eorum doctrinas speciales, earumque inter se nexum nemo inquisiuit, quale studium omnino esset oprandum. etenim hac ratione posset demonstrari, quod scholastici non solum in inutilibus fuerint versati; sed & impiis sententiis, quæ accedunt ad atheismum, qui manifeste in illorum monumentis deprehenditur.

§. XI. Scholastici dialecticæ summum statuerunt pretium, quoniam obseruabant, se non posse carere hoc instrumento, quum doctrinas sacras defendere atque cum aliis disputare instituerent. Ob quam causam multi quoque Arabum ad culturam huius artis sunt excitati, de quibus verba ABVLFARAI ³ memoria digna sunt: *cætus doctorum Basoræ subsistentium dixit: religionem pollutam esse & mixtam erroribus nec ablui ac mundari posse, nisi philosophiæ ope; asserentes, ubi coniuncta fuerit philosophia græcanica & religio arabica, tum demum consecuturam perfectionem.* qualis autem fuerit scholasticorum dialectica, facile ex iis, quæ de eorum philosophia diximus generatim, colligi potest. sequebantur Aristotelem male intellectum, nec adhibebant vires proprias intellectus, præcipue iudicii, sine quo nihil præclari in hac disciplina effici

¹ Introd. in histor. Europa cap. XII. §. 34. ² præfat. ad Trib-
bechonium. ³ dynast. VIII. p. 218.

potest. sic errores ac defectus Aristotelis haud emendabant; sed augebant, quum multas ipsius bonas meditationes minus assequerentur, ac magis vocabulis horridis, quam rebus delectarentur. namque abstractionibus nimio studio dediti erant, quas sæpius adeo subtiles fecerunt, vt præter nomen nihil concipere potuerint, quo factum est, vt eorum logica scripta plenissima sint vocabulorum inanum ac brutorum, quibus nulla inest vis significandi. disputabant multum ac copiose de prædicamentis, prædicabilibus, de principio indiuiduationis, de radice futuritionis, de suppositualitate, personalitate & aliis huiusmodi infinitis nugis. quas mentis notiones, si modo quid mente sua concipere potuerunt, proponebant barbaris, obscuris ac portentosis vocabulis, qualia sunt *passionabilitas, ampliaciones, coëssentiationes, futuritiones, potentionabilitates, virtualitates, femineitates, bestieitates, equeitates, petreitates*. perstringit illos iure ac merito IO. BURCHARDVS MENCKENIVS,² quando dicit; *quis ferat tot vanas & inutiles digladiationes: de formalitatibus, hæcceitatibus, quidditatibus, intentionibus, suppositionibus, exponibilibus, reduplicatiuis, particularisationibus, suppositis, mediatis & immediatis, complexis & incomplexis, breuiter, tot intolerandis subtilitatibus, cum quibus si Cleanthis aut Chrysippi argutiæ una cum Daphitæ, Euthydemii, Dionysiodori circumuentiunculis componantur, penitus crassæ rusticaneque futuræ sunt. atqui talis philolopia, quæ inanum abstractio-*

² Declam. de charlat. aruditor. p. 149.

num portentis, obscuris vocabulis ac durioribus verbis absoluebatur, salutem ecclesiæ romanæ satis erat accommodata, quum errores maiori specie defendere ac propagare; plebi autem fucum facere possent. quid multa? talis erat scholasticorum logica, ut ista nihil aliud, quam doctrinam de syllogismis ad vsum præberet, in qua dies noctesque ingenia sua exercebant, ac in variis figuris modisque syllogismorum grammaticam quamdam delectationem quærebant. BARTHOLOMAEVS KECKERMANN¹ hæc notat vitia logicæ scholasticæ, quod

- 1) *finem & partitionem logicæ regulatam non ponant;*
- 2) *plenum & methodicum systema non formant theorematum & præceptorum necessariorum & perspicuorum, sed semper quæstiones inanes & fructu cassas vel super Aristotelis textu vel Hispani summulis in infinitum moueant.*
- 3) *in ipsa logica logicam negligant, metaphysica multa & sæpe physica admisceant.*
- 4) *præcepta inania consingant de suppositionibus, amplificationibus, restrictionibus, appellationibus distributiuis, de incipit & definit, de differt & infinito, de ita & sicut, de ascensu & descensu, in quibus omnibus parum sit boni succi, nec aliunde hæ inanissimæ præceptiuncularum inanum farragines natæ sint, quam quod otiosa ingenia nec præcepta nec vsum loquendi habuerint.*

¹ *præcogn. logic. tr. II. cap. 2. §. 40.*

§. XII. Speciatim doctrina de *vniuersalibus* magna atrocique bella inter scholasticos excitauit, qui præcipue in duas sectas *nominalium* & *realium* sese diuiserunt. *nominales* putabant, vniuersalia illa genus, speciem, differentiam, proprium & accidens non existere nec in re ipsa habere fundamentum, cuius opinionis auctor creditur RUCELINVS, qui vniuersalia nihil esse, quam *flatum vocis* docuit. quam causam præceptoris discipulus PETRVS ABELARDVS egit, nisi quod pro *flatu vocis* ista adpellauerit *conceptus significatos*, ita vt duo nominalium fuerint genera, quorum alterum vniuersalia non nisi *flatum vocis*, hoc est nomina esse contendit; alterum ea mentis potius, quam linguæ sermone absolui existimat. atqui hinc explicandi videntur, qui a *nominalibus* distinguunt *conceptuales*, ac ista adpellatione prius genus; hac autem posterius indicant. posthac GVILIELMVS OCCAMVS sectam hanc renouauit atque instaurauit, cui vtrumque, vniuersalia esse & conceptus & nomina, placuit, qui & a sectatoribus suis ob hanc causam dictus est *venerabilis inceptor*. nec solum adpellati sunt *nominales*; sed & *verbales*, *terministæ*, *connotatistæ*, *moderni*, *recentiores Peripatetici*, *noui lycei doctores*, *noui philosophi*, *tirones*. anno salutis christianæ M CCCCLXXIII. Ludouicus XI. edicto publico damnauit omnium nominalium doctrinam, cuius copia producitur a GABRIELE NAVDAEO; ¹ illi autem, qui post OCCAMVM sectæ huic addicti fuerunt, com-

¹ addition. ad histor. Ludouici XI. p. 703.

memorantur a DANIELE GEORGIO MORHOFIO. ¹ *reales* affirmabant, vniuersalia existere ac in re ipsa habere fundamenta, qui post Abelardum soli tenebant imperium nec nisi post Albertum magnum diuidebantur in Thomistas, qui dominicani ordinis, & Scotistas, qui Franciscani erant. IACOBVS THOMASIVS ² singulari industria demonstrare elaborat, quid nominalibus & realibus commune fuerit cum Platone, Aristotele & Stoicis. Plato enim ideas suas produxit, velut eorum, quæ sensu percipimus, exemplaria, quæ essent tanquam vniuersalia ante res; contra quas disseruit Aristoteles, ac ipsa vniuersalia quasi rebus immersa tradidit; stoici autem existimarunt, vniuersalia tantum ab operationibus intellectus dependere, quorum veterum doctrinæ varia ratione comparantur cum sententiis modo nominalium; modo realium, confer STEPHANVM CHAVVINVM. ³ quod si ea, quæ de hac controuersia sentiamus, liceat exponere, neque sectæ nominalium, neque realium plane fauemus. etenim in vniuersalibus, de quibus disputant, considerari debet partim ipsorum natura; partim fundamentum. natura sua sunt abstractiones mentis, nec ita, vt mente concipiuntur, in ipsa re existere possunt; fundamentum autem illorum in rebus singularibus positum est, id quod ex indole omnium abstractionum patet, quam si scholastici habuissent perspectam, tam grauissimas haud excitassent lites.

§. XIII. Antequam historiæ huius mediæ

¹ Polyhist. tom II. lib. 1. cap. 13.

² de doct. scholast. §. XVIII.

³ lexic. philos. p. 704. ed. 2.

ætatis ultimam imponamus manum, non ab re erit, breuiter adhuc de RAYMUNDO LULLIO, qui seculo quarto & decimo floruit, differere. *dialectica* ipsius siue *logica noua*, quam vocauit, scholasticum prodit ingenium, siue ipsas doctrinas; siue tractandi rationem; siue scribendi modum respiciamus; ista autem, quæ de *arte sua magna*, cuius compendium exhibet, in *parua*, nec non de *auditu Kabbalistico* pollicitus est, noua quidem sunt; exiguam autem præ se habent utilitatem, adeo ut si rem ipsam inspiciamus penitus, logica illius studio nulla accepit incrementa. atqui ob hanc causam haud dubitamus, LULLIUM æuo scholasticorum adiungere, nec ab isto initia logicæ reformatæ petere. ex ipsius sententia utraque ars & magna & parua est disserendi siue inquirendi ac respondendi de omnibus rebus, unde & ipse dixit *generalem scientiam ad omnes scientias, per quam aliæ scientiæ facile possint acquiri*. ars illa complectitur partes tres & decem, quarum

- I. inscribitur *de alphabeto*. delegit nouem litteras B. C. D. E. F. G. H. I. K. sub quibus disposuit senos ordines rerum ac conceptuum nouem. *primus* ordo continet prædicata *absoluta*, quæ sunt bonitas, magnitudo, æternitas siue duratio, potestas, sapientia, voluntas, virtus, veritas, gloria; *secundus relatiua*, qualia sunt differentia, concordantia, contrarietas, principium, medium, finis, maioritas, æqualitas, minoritas; *tertius* complectitur *nouem questiones*, ad quas ceteræ omnes referantur, scilicet: *utrum? quid? de quo? quare? quantum? quale? quando?*

quando? ubi? quomodo & cum quo?
quartus nouem *subiecta*, quæ sunt deus, angelus, cælum, homo, imaginatiuum, sensitiuum, vegetatiuum, elementarium, instrumentatiuum; *quintus* nouem *virtutes*, vti sunt iustitia, prudentia, fortitudo, temperantia, fides, spes, charitas, patientia, pietas; *sextus* nouem *vitia*, quæ sunt auaritia, gula, luxuria, superbia, acedia, inuidia, ira, mendacium, inconstantia.

II. pars agit de *quatuor figuris*, quarum prima vocatur A, quod littera A illius centro sit inscripta, & eo tendit, vt intelligamus, qua ratione prædicata fieri possunt subiecta & de se inuicem prædicari, hoc modo: *bonitas est magna; magnitudo est bona; bonitas est durans; duratio est bona; secunda* figura adpellatur T ob litteram hanc centro quoque adscriptam, quæ eo spectat, vt per cuspidem differentię intelligamus, quo modo differat sensuale a sensuali, vt lapis ab arbore; sensuale ab intellectuāli, vt corpus ab anima; intellectuāle ab intellectuāli, vt angelus a deo. *tertia* figura ex prima & secunda componitur, quatenus eadem litteræ vtrisque nouem prædicatis respondentes inseruiunt; & eo spectat, vt prædicata omnia non modo absoluta; sed etiam relatiua & subiecta fiant & de se inuicem prædicentur ac plures rationes ad probandam eandem rationem adducantur; qui finis positus quoque est *quarta* figuræ.

III. pars est de *definitionibus*, qua definiuntur prædicata & absoluta & relatiua hoc modo:
bonitas est ens, cuius ratione bonum agit bo-

num; & sic bonum est esse & malum non esse. magnitudo est id, ratione cuius bonitas, duratio & cetera sunt magna, ambiens omnes extremitates essendi. duratio est id, ratione cuius bonitas, magnitudo durant.

III. pars est de regulis, quæstionibus quippe, quæ in alphabeto. docet regulam *utrum* habere tres species, dubitativam, affirmativam, negativam: regulam *quid* quatuor; *quid est?* *quid habet in se coessentialiter?* *quid in alio est?* *quid in alio habet?*

V. pars est de tabula, quam sequuntur aliæ;

VI. quippe de euacuatione tertiæ figuræ;

VII. de multiplicatione quartæ figuræ;

VIII. de mixtione principiorum & figurarum;

IX. de nouem subiectis;

X. de applicatione;

XI. de quæstionibus;

XII. de habitatione;

XIII. de doctrina, quippe quam artem Lullianam pluribus recenset PETRVS

GASSENDVS.

§. XIII. Multi fuerunt, qui artem hanc commendarunt, commentariis illustrarunt, emendare atque augere elaborauerunt, quos studiose commemorat DANIEL GEORGIUS MORHOFIVS, ¹ qui ipse de illa sentit honorifice: adde THOMAM POPE-BLOUNT. ² neque tamen defuerunt, qui iudicarunt sinistre ac censuram aduersus Lullium fecerunt, quo pertinent BACO de VERVLAMIO, ³ BARTHOLOMAEVS KECKERMANN, ⁴ BERNEGGERVS, ⁵ IO. BAPTISTA du HAMEL, ⁶ quo-

¹ De orig. & variet. logic. cap. VIII. ² poljh. litterar. lib. II. cap. V. p. 380. ³ censura celebr. auctar. p. 420. ⁴ de augment. scientiar. lib. VI. cap. 2. ⁵ pracogn. logic. tr. II cap. 2. §. 39. ⁶ erat de paranda doctrina modis illegitimis. ⁷ de mente humana lib. III. cap. 2. §. 3.

rum omnium, quæ aduersus hanc artem dicta sunt, summam ad hæc capita reducit MORHOFIVS: ¹ *quod omnium scientiarum principia misceantur, quæ ad illam generalitatem non possint reduci; quod loci communissimi sint, quorum non sit adequatus in dicendo usus, quum in qualibet oratione ea rem consiciant, quæ e propioribus argumentis petuntur; quod ordo non sit accuratus, & in multis ille concinnior dari possit.* nec negare possumus, quod hæc ars magis composita sit ad sermonis fecunditatem; quam veritatum cognitionem, ad quam ista nihil adferre potest; sed ingenia veri ac falsi cognoscendi studiosa perturbat, adeo ut nunquam satis possimus mirari, nonnullos nugis hisce existimationem quamdam habuisse. quod si voluptas animum cuiusdam occuparet, artem hanc cognoscendi, necessaria esset fere diuina memoria, quasi etiam omnes terminos, omnes figuras teneret; illis tamen haud peruenire posset ad cognitionem rerum, quoniam sunt conceptus abstracti ex omnibus disciplinis inter se perturbati. id saltem ex tota hac arte colligere possumus, Lullium fuisse hominem secundo ingenio præditum, facultate autem ac vi iudicii destitutum, id quod vel inde cognoscimus, quod de diuina reuelatione, ut operi suo maius auctoritatis pondus adiiceret, se iactauerit. GABRIEL NAUDAEVS ² locum quemdam ex PETRO MONTVO ³ profert, quo Lullius plagii aperti crimine notatur, quippe qui sua omnia Arabi Abezebron debeat, id quod relinquimus in medio. hæc

¹ cit. loco §. 11. ² apol. vir. mag. suspector. cap. 14.

³ de viuis legu auctoritate lib. V. cap. 5.

sufficiant de fatis artis logicæ ætate media, qua omnino duriora fuerunt, quorum necessitate factum est, vt magis sit corrupta, quam culta atque ornata.

LIBRI II.
DE
PROGRESSV AC FATIS
LOGICAE.
CAPITIS I.
DE
PROGRESSV AC FATIS AR-
TIS LOGICAE GENERATIM PER
VARIOS AVCTORES.
SECTIO III.
TEMPORE RECENTIORI.

Σ Τ Ν Ο Ψ Ι Σ.

Dicendorum summa §. I. Differitur primum de illis, qui reformanda logicæ fundamenta posuerunt, quorum alii se opposuerunt Aristoteli, præcipue scholasticis §. II. In quibus princeps fuit Ramus, de cuius logica eiusque fatis copiose disputatur §. III. IIII. V. VI. VII. VIII. Alii logicam Aristotelis a nugis scholasticis purgarunt §. VIII. X. Alii vero vnice sectati sunt Aristotelem, reiecta doctrina scholastica §. XI. XII. Deinde differitur de ipsa reformatione logica generatim §. XIII. Speciatim de Bacon. de Verulamio §. XIII. De Cartesio §. XV. XVI. XVII. Cartesii sectatoribus §. XVIII. Petro Gassendo aliisque §. XVIII. De logicis mathematicis §. XX. De aliis scriptoribus logicæ recentioribus eclecticis. §. XXI. XXII. XXIII. XXIII.

§. I.

§. I.

Accedimus ad ista tempora, quibus logica ars feliciori musarum fortuna sensim ac sensim a scholasticis sordibus purgata, ad pristinam dignitatem euecta, ac tandem ita culta atque ornata est, vt munera sua, quibus viam ad cognitionem veritatum monstrare debet, nunc præstet successu prosperiori. primum extiterunt viri grauissimi, qui præclaris studiis ac meritis fundamenta artis huius reformatæ posuerunt, quibus deinde alii, quum eclectica, vt dicitur, philosophiam tractandi ratio firmiores caperet vires, opus ipsum, siue felicissimam logicæ reformationem superstruxerunt. illi, quum cognoscerent, quam misere litteræ philosophicæ per scholasticos fuerint corruptæ, illarum saluti operam dederunt variis studiis, quum alii arma ferrent aduersus Aristotelem, præcipue doctores scholasticos; alii doctrinam Aristotelis ac scholasticam a labe tantum, quam iniuria temporis sibi contraxerat, purgarent; alii denique ipsos ac genuinos Aristotelis fontes, vnde pristina ac vetusta logica ars hauriri posset, aperire elaborarent. quæ omnia distincte explanare, e re esse censemus.

§. II. Quum felix sidus bonarum atque elegantiorum litterarum oriretur, vt istæ ad pristinam revocarentur pulcritudinem; musæ quoque philosophicæ, quæ adhuc per secula oppressæ & deprauatæ fuerant, ex tenebris in lucem prodire cœperunt. illi, qui philosophiæ, etiam dialecticæ purgandæ emendandæque operam suam addixerunt primi, politiorum atque elegantium artium singularem laudem

dem tenebant, quam adhuc ampliorem effecerunt, quum sapientiæ studiis ingenia sua consecrarent, sicque ostenderent, vtrumque doctrinarum genus ita copulatum fructus ferre amplissimos. namque si a cultura elegantium litterarum studia philosophiæ separamus, facile viam illi vitio, quod peregrina voce adpellatur pædantismus, parare possumus; quemadmodum cultus ille philosophiæ, qui cum politiori litteratura nihil habet commune, haud difficulter barbariem potest promouere, quæ incommoda per talem coniunctionem remouentur. atqui hac ratione de logica bene meritos laudare debemus LAVRENTIVM VALLAM, RVDOLPHVM AGRICOLAM, LVDOVICVM VIVEM, MARIVM NIZOLIVM, PETRVM RAMVM, de quibus accuratius ac plenius edisseramus.

LAVRENTIVS VALLA, qui barbariem propulsare summa adnifus est ope, ac præcipue dialecticam scholasticam perstrinxit, editis hunc in finem *dialecticis disputationibus*, quibus multa dixit in Aristotelem ac scholasticos. PETRVS GASSENDVS¹ dicit: *Laurentius Valla conscriptis tribus dialecticarum disputationum libris licere ostendit ab Aristotele dissentire ac ipse in multis re ipsa dissensit.* etenim omnes categorias ad substantiam, qualitatem & actionem retulit, etiam figuram tertiam syllogismorum reiecit; quæ emendatio non adeo bene quidem instituta est, siquidem nec Vallæ diuisio prædicamentorum legitimo nititur fundamen-

¹ de orig. & variet. logic. cap. VIII.

to, ac figura syllogismorum¹ tertia præter rem proscribitur; demonstrat tamen Vallæ studium fortemque animum, quo ea tempestate Aristoteli, qui Papa erat ecclesiæ philosophicæ, sese opposuit. multi id in eo reprehendunt, quod æquo audacior ac vehementior fuerit, quapropter LVDOVICVS VIVES² dicit: *monet in quibusdam neutiquam praeue, etsi ea sunt perpanca; in plerisque labitur, ut fuit vir ille vehemens & ad faciendum iudicium præcipitatus. nec solum in re dialectica falsus est; sed & in philosophia. nam hanc quoque attingit, & quod magis mirere, in præceptis latinæ linguæ.* sed ERASMVVS³ illis, qui ob hunc adfectum Vallam eiusque obseruationes parui faciunt, bene respondet: *verum esto, mordacior æquo fuerit. num ideo falsum dixit, quia verum mordacius dixit? usque adeo nobis odio est ista mordacitas, ut eius odio tam multa scitu digna necessariaque detestemur?*

RVDOLPHVS AGRICOLA, vir, cui bonæ litteræ multum debent, quo Cisalpinus orbis nihil vnquam, ERASMO³ iudice, omnibus litterariis dotibus absolutius produxit. nulla, pergit ERASMVVS, erat honesta disciplina, in qua Agricola non poterat cum summis artificibus contendere: inter græcos græcissimus, inter latinos latinissimus: in carmine Maronem alterum dixisses, in oratione Politianum quemdam lepore referebat, maiestate superabat. oratio vel extemporalis adeo pura, adeo germana, ut non Frisium quempiam,

¹ de causis corrupt. artium lib. III. p. 331.

² lib. VII. epist. 3.

³ in adag. chrl. I. centur. 4. p. 116.

sed

*sed urbis romana vernaculum loqui contenderes. eloquentia tam absoluta parem adiunxerat eruditionem. philosophia mysteria omnia penetrauerat: confer IACOBVM BURCKHARDVM.¹ atqui hic Agricola scripsit tres libros de inuentione dialectica, quos IO. MATTH. PHRISEMIUS observationibus illustrauit. opposuit sese in primis nugis scholasticorum, ac verum vsum dialecticæ, quam præcipue eloquentiæ adplicauit, demonstrauit, nec sine feliciori applausu, quem & sua ætate in hoc litterarum genere consecutus est amplissimum. BARTHOLOMAEVS KECKERMANN² dicit: *hi libri apud omnes semper in admiratione fuerunt, & merito quidem, ita ad vsum sunt accommodati loci, quos tradit. Ciceronem in plerisque secutus est, & idcirco rhetoricum finem diligentius intendit, quam vere logicum; tertius liber totus est rhetoricus, de affectibus mouendis.* & DANIEL GEORGIUS MORHOFIUS³ Rudolphus Agricola, ait, *vir suo tempore maximus & primus litterarum in germania restaurator, in libris suis de inuentione quasdam hypotheses ponit, quæ Ramisticis illis ita similes sunt, vt ex illo quasi depromsisse videatur.**

10. LVDOVICVS VIVES, qui edidit libros XX. *de disciplinis*, ex quibus tertius agit de corrupta dialectica, quo grauitè atque eleganter disserit aduersus scholasticos. opus hoc, quod non solum inter ipsius monimenta; sed & seorsim prodiit, diuisum est in tres

¹ *comm. de fatiis lat. lingu. in germania p. 177.* ² *præcogn. logic. tr. II. cap. 2. §. 42.* ³ *polyb. tom. II. lib. II. c. 12. §. 1.*

partes ac complectitur alia scripta logica, siquidem de *explanatione cuiusque essentiae*; de *censura veri*, de *instrumento probabilitatis*, de *disputatione* tractauit, etiam peculiarem librum in *pseudo-dialecticos* edidit. erat vir non solum elegantioribus litteris maxime cultus, quarum summam sibi acquisiuit laudem; sed philosophiæ quoque magnus extitit auctor, quam in rem adhuc testatur ipse liber de *initiiis, sectis & laudibus philosophorum*.

MARIUS NIZOLIVS, magno animo Aristotelem & philosophiam scholasticam aggressus est, quum ipsi lites essent cum M. ANTONIO MAIORAGIO. CALCAGNINVS scripserat *disquisitiones in M. T. Ciceronis de officiis libros*, aduersus quem MAIORAGIVS defendit Ciceronem atque edidit: *decisiones XXIII. quibus M. T. Ciceronem ab omnibus C. Calcagnini liberat criminationibus*, ideo a NIZOLIO maxime laudatus. sed quum ipse Maioragius posthac contra Ciceronis paradoxa antiparadoxa edidisset, multa in Ciceronem dixisset acerbius, singulari atque incredibili erga Tullium amore excitatus NIZOLIVS ipse egit causam atque epistolam contra Maioragium acerbam conscripsit, qua commotus Maioragius *libros reprehensionum II. aduersus Nizolium* composuit. tandem Nizolius, ut rueretur auctoritatem Ciceronis, omnem philosophiam Aristotelis ac scholasticorum euellere atque infringere elaborauit, atque hunc in finem protulit in lucem librum huius inscriptionis: *Marii Nizolii Brixellensis*

sis de veris principiis & vera ratione philosophandi contra pseudo-philosophos libri IIII. in quibus statuuntur ferme omnia vera verarum artium & scientiarum principia, refutatis & reiectis prope omnibus dialecticorum & metaphysicorum principiis falsis, & præterea refutantur fere omnes M. Antonii Majoragii obiectiones contra eundem Nizolium, usque in hunc diem editæ, Parmæ MDLIII. quo opere nihil aliud continetur, quam logica quædam reformata & ad puram propriamque loquendi rationem reuocata, si quidem Nizolius deditissimus erat Ciceroni, ex cuius librorum assidua lectione comparauerat sibi magnam elegantis stili vim ac dignitatem, ita vt ex hoc opere inprimis modum cognoscere possimus, quo & philosophorum doctrinæ eleganter proponendæ sunt. nam si rem ipsam inspiciamus penitus, ibi tantum acerbiores adcusationes ac censuras deprehendimus, quibus Aristotelem, eius sectatores ac scholasticos perstringit vehementissime. anno MDCLXX. illustris LEIBNITZIVS noua facie indutum librum hunc exhibuit, cui dissertationem præmisit de alienorum operum editione, de scopo operis, de philosophica dictione, de lapsibus Nizolii; item epistolam ad exquisitissimæ doctrinæ virum de Aristotele recentioribus reconciliabili: confer DANIEL. GEORGIVM MORHOFIVM, ¹ 10. IACOBVM a RYssel, ² 10. CHRISTOPH. DORNIVM. ³

¹ *polyb. lett. lib. I. cap. 25. §. 26. tom. II. lib. I. cap. 13. §. 13.*
² *contin. Voisii de sectis cap. VIII. §. 23.* ³ *add. ad consuetudinem lib. III. cap. 22. §. 9. 10.*

§. III. Sed hi grauisissimi viri LAVRENTIVS VALLA, RVDOLPHVS AGRICOLA, IO. LVDOVICVS VIVES, MARIVS NIZOLIVS erant grammatici, qui magnam elegantioris doctrinæ tenebant existimationem, id quod pro hominum opinione effecit, vt ipso-
rum animaduersiones ac censuræ in philosophiam, etiam dialecticam Aristotelis ac scholasticorum tam prosperiori successu haud fruerentur, quasi ingenium quoddam tam felix esse haud possit, vt & humanitatis & philosophiæ studia capiat. ceterum colimus horum merita, quod in tanta superstitione philosophica, in tanta litterarum barbarie, in tantis sapientiæ tenebris reformationi maxime necessariae admouerint animos, ac suis exemplis libertatem cogitandi ab impetu vindicandam esse, demonstrauerint, quamuis interdum per motus prauorum adfectuum aliquid humani fuerint passi. sed tamen maiores concitauit controuersias, ac maiori successu sese opposuit Aristoteli PETRVS RAMVS, quum de re ipsa præcipue esset sollicitus. mirifice consecrauerat sese studio logico, quumue organon Aristotelis cupiditati ipsius haud satisfaceret, nec vsum quemdam in aliis litterarum disciplinis id præstare putaret Ramus, aliam viam ad dialecticæ cognitionem demonstrare, adeoque Aristotelis auctoritatem labefactare instituerat. quem in finem edidit quoque anno MDXLIII. libros *institutionum dialecticarum*, item *scholas dialecticas*, quæ libris XX. absoluuntur, hiæque dialecticam non solum alia ratione, quam adhuc fecerant philosophi, tradidit; sed Aristotelem quoque eiusque

placita impugnanda est adgressus. etenim dixit, dialecticam esse *artem bene differendi*, eiusque duas partes constituit, *inventionem* quippe & *dispositionem argumentorum*. priore igitur parte tractauit de argumentorum inuentione, ac censuit, quod argumentum *ad aliquid arguendum affectum sit* idque debeat diuidi in *artificiale*, quod in locis dialecticis sit quærendum, & *inartificiale*, id est testimonium. posterior autem pars de dispositione argumentorum, siue ut ipse dicit, de *iudicio* tradit, quod diuiditur in *axiomaticum* siue axioma, & *dianoëticum* siue dianoëam. axioma idem est ac enuntiatio, quod RAMVS definit *dispositionem argumenti cum argumento, qua esse aliquid, aut non esse iudicatur*; dianoëa vero idem, ac syllogismus ac methodus. *syllogismus* dicit esse, quo *questio cum argumento, ut posito antecedente, necessario concludatur*; *methodus* vero sit *dianoëa variorum axiomatum homogeneorum, pro naturæ suæ claritate præpositorum, unde omnium inter se convenientia iudicatur memoriaque comprehenditur*, quæ omnia poetarum, oratorum & historicorum exemplis illustrat RAMVS, unde veluti profutura eorum scriptis recte intelligendis atque explicandis ista commendat CHYTRAEVS: ¹ confer CHRISTIANVM THOMASIVM, ² & PETRVM GASSENDVM. ³ atqui hac ratione multa, quæ Aristoteles tradiderat, reiecit, ut doctrinam de prædicamentis, de propositionibus modalibus, syllogismis mixtis, demonstratione, elenchis sophisticis, item de prædi-

¹ de ratione discendi p. 74. ² philosoph. aulic. cap. I. §. 74.
³ de origin. & variet. logic. cap. VIII.

cabilibus, & adhuc multa alia Aristoteli exprobrauit, quod nullum ordinem seruauerit, dixerit multa inutilia ac falsa, easdem res sæpius repetere instituerit: quia etiam ipsi erat propositum, Aristotelem penitus e scholis eiicere. BARTHOLOMAEVS KECKERMANNVS copiose refert momenta logicæ Ramæ & inter alia eum plagii adcusat, ¹ quod a libris 10. LVDOVICI VIVIS de disciplinis sua sit mutuatus, ac ne nomen quidem ipsius commemorauerit, quum tamen cuique auctori suum sit tribuendum. at vero quamuis alter idem sentiat cum altero, id tamen talem accusationem non efficere potest iustam atque æquam; sed adhuc alia sunt necessaria, quæ de Ramo haud affirmari possunt.

§. IIII. Præuæ opiniones, quæ ab auctoritate aliorum pendent, sæpe firmissimis radicibus in animis hominum sunt defixæ, vt istas euellere ac veritatum promouendarum rationem habere, arduum sit negotium. Aristoteles ad summum existimationis fastigium euectus, adeo mortalium mentes occupauerat, vt quisque ex ipsius disciplina sapere, sibi gratularetur, eumque summo pietatis cultu, veluti oraculum philosophicum ac sapientiæ humanæ deum ac præsidem coleret. quæ lues quum esset illius seculi ac inprimis quoque Parisiis sedem suam haberet, quid mirum, quod hæc reformatio Ramo, auctori suo tam grauiissima adtulerit incommoda ac tandem ipsum in vltimum coniecerit discrimen? id quod etiam aliis posthac, qui philosophiam purgandam curauerunt, euenit. namque atro-

¹ *prac. logic. tr. II. cap. 4. extr.*

cissimæ ortæ sunt controuersiæ ac insignes excitati tumultus. sectatores Aristotelis religiosi non solum contra Ramum disputarunt, exclamantes: *scelus hoc igne expiandum esse*; sed & ad tribunal prætorium academici nomine traxerunt Ramum, accusantes ipsum, quod disputationibus aduersus Aristotelem in sacras disciplinas atque alias artes earumque dignitatem esset iniurius. atqui hic modus, aliis odia atque inuidiam conflandi multis est solemnis, vt illos, contra quos controuersam causam suam haud possunt tueri, sub specie quadam sacra de corrupta theologia suspectos reddere, multis fraudibus, fallaciis, etiam magna mendaciorum copia instituant. quapropter res Rami delata est ad senatum curiæ Parisiensis, & hinc ad Franciscum I. regem, quumue GOUEANVS adusatoris partes susciperet, ambo & Ramus & Goueanus a rege iussi sunt, eligere viros græcæ latinæque linguæ, etiam philosophiæ laude claros, vt iudices præessent certamini. Petrus igitur Danesius & Franciscus Vi-comercatus a Goueano; Io. Quintinus vero & Io. de Beaumont a Ramo lecti sunt, quibus rex quintum Io. de Salignac adiunxit. multis diebus disputationibus de definitione & diuisione dialecticæ consumtis, tandem contra omne ius atque æquum libros Rami damnarunt, & hanc sententiam anno MDXLIII. d. i. mart. aduersus ipsum tulerunt: *Ramum temere, arroganter, & impudenter fecisse, qui receptam apud omnes nationes logicæ artis rationem, quam ipse præsertim non teneret, damnare, & improbare ausus fuerit. ea autem, quæ in Aristotele reprehendat, huiusmodi esse, vt hominis cum*
igno-

ignorantiam & stuporem, tum vero improbitatem & malitiam arguant, cum & multa, quæ verissima sint, criminetur & pleraque tribuat Aristoteli, quæ is nunquam senserit. denique in libro toto præter mendacia mera & scurrilem quamdam maledicentiam nihil contineri: ut reipublicæ litterariæ plurimum sententia sua interesset videatur, librum omniratione suppressi, unaque librum alterum dialecticarum institutionum, quod is quoque aliena multa & falsa contineat. quam sententiam deferunt ad regem, qui edicto regio sigillo munito ac per omnes amplissimi regni prouincias promulgato istam adprobat ac Ramus ne posthac doceat librique eius ne imprimantur, vendantur, aut ullo modo publicentur, mandat seuerissime: confer IO. LAVNOIVM ¹ BVLAEV M ² & illos, qui vitam ac fata Rami ex instituto exposuerunt, IO. THOMAM FREIGIVM, NICOLAVM NANCELIVM, THEOPHILVM BANOSIVM, PETRV M BÆLIVM aliosque, de quibus heic copiose, differere ratio dissertationis nostræ haud permittit.

§. V. Sic RAMVS adfligebatur fortuna du-
riori, quem ipsi aduersarii exercebant vehe-
menter, inprimis dictus ANTONIVS GO-
VEANVS, IO. PERIONIVS, IACOBVS
CARPENTARIVS; nec ex germanis desue-
runt, qui ipsius philosophiam ac speciatim
dialecticam destruendam penitusque proscri-
bendam sibi proposuerunt, ita ut hac de re gra-
vius bellum quoddam fuerit concitatum. in
academia Tubingensi Ramum confutare IA-

¹ de varia Aristotel. fortun. cap. XIII.
rijens. p. 387.

² histor. academ. Pa-

GOBVS SCHEGKIVS; Argentoratenſi DASYPODIVS; IuliacORNELIVS MARTINI, IO. CASELIVS, CONRADVS HORNEIVS, CALIXTVS, Altdorffina SCHERRIVS ſibi ſumſerunt: ac quamvis in academia Lipſienſi M. IO. CRAMERVVS, phyſicæ doctrinæ profeſſor publicus anno MDLXXVIII. Rami opiniones recitationibus ſuis & publicis & privatis tradere inſtitueret; illi tamen, qui in ordinem philoſophorum adſcripti erant, omnes vires ſuas in id contulerunt, vt hanc Ramæam luem, quæ tum putabatur, eiicerent. quapropter inter alia philoſophiæ candidatos de Ramæis doctrinis ſuſpectos compulerunt promittere, vbi inſignia ac priuilegia doctoris philoſophiæ impetrauerint, ſe nolle quidquam tradere, quod a philoſophia Ariſtotelica ſit alienum. cuius obligationis formula ea fuiſſe videtur, quam orationibus duabus MATTHÆI DRESSERI de dialectica PHILIPPI MELANCHTHONIS cum reſponſione ſua edita Francofurti ad Moenum anno MDLXXXVIII. adiecit M. THOMAS HAN, ſcholæ Iſlebiensis rector. ſed diſtinctius de illis, qui aduerſus Ramum arma ſua tulerunt, diſſerere, conſultum eſſe cenſemus: quam ob rem congreſſus eſt cum Petro Ramo

IACOBVS SCHEGKIVS, cui Ramus quatuor epistoſtis reſpondit, a Schegkio in hyperaſpiſta anno MDLXX. edito Tubingæ conſutatis. DANIEL GEORGIVS MORHO-FIVS. ¹ dicit: *cum Iacobo Schegkio ipſi quoque res fuit, in primis in dialecticis diſputationibus.*

¹ polybſtor. tom. II. lib. 1. cap. 12. §. 1.

NICOD. FRISCHLINVS, qui edidit *dialogum contra P. Rami sophisticam pro Aristotele*, Francof. MDXC. 8.

CORNELIVS MARTINI, qui Aristotelem eiusque philosophiam aduersus Ramum acerrime tueri instituit, quippe quem disputatione de *subiecto & fine logica*; item *analisi logica* vehementer perstringit. hinc scribit MORHOFIVS: ¹ *Helmstadio continuis quasi disputationibus eam (hæresin Ramæam) in exilium misit Cornelius Martini pene vnicus tum temporis partium Aristotelicarum aduersus nouatores illos adsertor.*

CONRADVS HORNEIVS, qui diserte scribit: ² *quapropter etiam nos tanquam cynosuram doctrinam Aristotelicam sequemur, & ad eius principia ceterorum dogmata potissimum exigemus.*

PHILIPPVS SCHERBIVS, qui edidit disputationem pro philosophia Peripatetica aduersus Ramistas, quam adpellat MORHOFIVS: ³ *adeo breuem, nervosam, elegantem, neque sine flore eloquentiæ, vt vel vasto libro accuratius aliquid scribi non posset; vt de nonnullis aliis taceamus.*

§. VI. Neque tamen defuerunt, qui causas egerunt Petri Rami eiusdemque philosophiam aduersus Aristotelem ac sectatores eius defendere ac propagare, summa adnisi sunt ope. inerat philosophiæ Rami vis quædam, qua in multorum animos se insinuare poterat, ita vt breui tempore multos sibi conciliaret in gallia, scotia, germania, qui istam aduersus

¹ *cit. loco.* ² *philos. moral. lib. 1. cap. 1.* ³ *polyb. tom. II. lib. 1. cap. XI. §. 30.*

aliorum impetus tuerentur. quod ad germaniam adtinet, dicit IO. HERMANNVS AB ELSWICH: ¹ *in illam, si non primus, saltem inter primos philosophiam Rameam intulit Fabritius Marcoduranus. is namque motus celebritate nominis Ramæi ad Ramum in galliam abiit, ut ab eodem coram philosophiam addisceret. atque hanc post aliquot annos in germaniam redux in schola dusseldorpiana, cui regenda erat admotus, cum discipulis communicavit, quorum opera latius per germaniam, sigillatim vero Westphaliâ disseminata est. atqui in Westphalia multi extiterunt, qui præcepta dialecticæ ex Ramo haurire, eumque magna profectui existimatione contendebant, id quod significat HERMANNVS NICEPHORVS. ² postquam enim quædam de studio philosophiæ Rameæ in scholis Westphalicis commemorauerat, addit: sed quorsum nunc res scholasticæ nostræ prolapsæ sunt? nescio, quo fato iam pridem in antiquum tenebrarum chaos omnia ruere videantur. irrepunt enim in scholas passim cum applausu logici libelli (ne dicam de aliis) nugarum pleni, expellentes e possessione sua contra ius fasque logicam Rameam optimam, pulcerrimam, & simul usum eius ut amplissimum, ita accuratissimum: quæ verba quum dolorem de inclinante ad interitum philosophia Ramea prodant, simul quoque significant, quæ existimatio ipsi habita fuerit. sic quoque CORNELIVS MARTINI, qui Ramum penitus eiicere ex societate philosophorum elaborabat, nactus est aduersarios FRI-*

¹ sched. de Arist. fortun. in schol. protestant. p. 55.
² libr. de analysi logica.

DERICVM BEVRHVSIVM, CONRADVM HODDAEVM, HEIZONEM BVSCHERVUM, qui Martini dissertationem de *subiecto ac fine logicae* confutarunt; ex superioribus vero constat, quod etiam Lipsiæ nonnulli sint sectati Ramum. sed principes illorum secundum ordinem litterarum diligentius commemorare instituiamus, qui modo Ramum illustrarunt, modo defenderunt, modo ad ipsius mentem composuerunt compendia dialecticæ. quo pertinent

FRIDERICVS BEVRHVSIVS, scholæ Tremonianæ rector, qui scripsit *padagogiam logicam*, in tres partes distributam, quibus præcepta Rami explicat, eorum vsum ostendit, dignitatemque aduersus obiectiones vindicat; nec non *defensionem dialecticæ Rameæ*.

HEIZO BVSCHERVS, qui præfuit scholæ Hannoueranae, ac Ramum aduersus accusationes Cornelii Martini defendit; de solvendi ratione sophismata ex Rami logica scripsit, etiam operam posuit in conciliandis Philippo Melanchthone ac Ramo, de quo studiorum genere paullo post dicamus copiosius.

GEORGIVS DOVNAMVS, qui conscripsit commentarios in Rami dialecticam, persuadens sibi, *ante Ramum neminem fuisse, qui præcepta exemplis in usu primum sensu perceptis, tum observatione notatis, deinde inductione collectis, postremo experientiæ calculo approbatis, concinnata, ad exactissimas veritatis, iustitiæ ac sapientiæ leges, exegerit & pro naturæ suæ claritate disposuerit.*

10. THOMAS FREIGIVS, qui ipsius Rami institutione usus, ac posthac eiusdem philosophiam quoque sectatus est, prout scripsit *quaestiones dialecticas*, quæ Rameam doctrinam haud obscure produnt. BARTHOL. KECKERMANN¹ existimat quidem, quod suis quaestionibus expresserit doctrinam Aristotelis; sed satis apertum est, quod FREIGIVS disciplinam Rami coluerit, cuius quaestiones KECKERMANN haud legisse videtur. en iudicium FREIGII² de organo Aristotelis; *organum Aristotelicum nihil aliud, quam chaos logicæ artis est: tantum abest, ut methodus appellari possit: ex quo si duos libros posteriorum, in quibus utilitas immensa & generalissimus usus, & leges ad artium fines regendos sacratissimæ continentur, sustuleris, reliqua certe parum utilia & miris tautologiis & sophisticis elenchis plena reperies.*

ANDREAS KRAGIVS, professor physicæ ac artis medicæ doctor Hafniensis, qui edidit *scholam Rameam*, vel *defensionem P. Rami aduersus Georgii Liebleri calumnias*: etiam scripsit de *elenchis sophisticis Aristotelis*.

ANTONIUS NOTHOLDVS, qui contra dissertationem dictam Cornelii Martini edidit de Rameæ institutionis principiis & naturæ logicæ considerationem, a philosophia Rameæ studiosis in illustri academia Iulia institutam: quod licet falsum fuerit, certum tamen est, eo tempore in hac academia fuisse sectatores Rami. quum Cornelius Martini

¹ *Præogn. logic. tr. II. cap. V. §. 21.*

² *orat. p. 486.*

his philosophiæ Rameæ cultoribus programma quoddam opponeret anno MDXCVII. id Notholdus cum responsione & animadversionibus suis iterum edidit, quibus accessit anno MDXCVIII. eiusdem diatriba philosophica, qua doctrina de definitione & diuisione dialecticæ, de notionibus primis & secundis, de argumentis inventionis & prædicabilibus, de analysi logica Rameorum, de metaphysica & prædicamentis ad Philippi & Rami documenta iudicatur.

CASPAR PFAFFRADVS, cuius industriæ debemus commentationem de *studiis Rameis & legibus optimæ institutionis*; qua haud obscure animum philosophiæ Rameæ deditum significauit & istam præ Aristotelica & scholastica commendauit diligenter.

10. PISCATOR, cuius studio prodierunt in *P. Rami dialecticam animadversiones*, exemplis sacrarum litterarum passim illustratæ, Franc. MDLXXX. quibus auctor explicat, illustrat, atque emendat, nec non interdum confutat Ramum, de quo iudicium 10. STURMII præmissum est, id quod dignum censemus obseruatione: *virum bonum, inquit, illum esse iudico: & hominem bene litteratum & iudicio expolito præditum: qui hac vita, ut vocant, scholastica & illius stipendio contentus ampliores opes aut honores non requirit. nam quod alios offendit, me non lædit: quoties liberius iudicat de Aristotelicis præceptis: alium in iis ordinem & viam requirens: quædam etiam desiderans,*
quæ

quæ de esse videntur. fecit idem Aristoteles is, qui ante ipsum scripserunt, dialecticis, rhetoricis, philosophicis scriptoribus. & scholæ ipsæ in academiis, quas defendunt reprehensores Rami & ordinem immutarunt Aristotelicum & multa præterierunt multaque de suo addiderunt: & Rudolphus Agricola istud ius sibi etiam arrogavit, & non idem, quod Aristoteles, sentit & tradit de locis inueniendi.

HENNINGVS RENNEMANNVS, qui edidit *enodationem totius philosophiæ Rameæ*; item *philosophiæ Rameæ insuperabile scutum*, quod opposuit Philippo Scherbio, & in illo ostendit fata quoque huius philosophiæ.

THOMAS RHAEDVS, qui in academia Rostochiensî philosophiam hanc propagare elaborauit, contra quem vindicias secundum veritatem pro Aristotele & sanioribus quibusque philosophis edidit Henningus Arnifæus.

GVIL. AD. SCRIBONIVS, cuius amor erga Ramum eiusque doctrinam patet ex *trumpho logicæ Rameæ*, quem ipse scripsit. præfatione censet auctor, Petrum Ramum in *militia philosophiæ logicæ optime absolutissimæque cuncta perfecisse palmanque in cunctis obtinentem solum præ vniuersis aliis verissime ornatissimeque triumphare*; quæ cum illis haud consentanea sunt, quibus aduersus Beurhusium contendit, Rami logicam adhuc emendari atque accessione auctiorem effici posse.

SEVER. SLVTERVS, cui debemus *anatomem logicæ Rameæ & comment. in Rami dialecticam*.

RYD. SNELLIUS, qui protulit in lucem *commentarium in Rami dialecticam*, per modum dialogi; ac *prælectiones* in eandem dialecticam, quarum appendice obseruat errores logicæ Philippi Melanchthonis. ceterum auctor in hoc philosophiæ genere magnam consecutus est existimationem, dum præcepta Rami accuratius explicat, illustrat ac vindicat.

AVDOMARVS TALAËVS, cuius *prælectiones* in Rami dialecticam multis sese commendarunt, quoniam clarum lumen præceptis Rami adferunt.

HIERON. TREVTLERVS, cui debemus rudimenta dialecticæ P. Rami, vt de aliis taceamus, quos collegit MARTINVS LIPE-
NIVS. ¹ extremo adiiciamus versus quosdam, qui in laudem Rami scripti sunt:

Ramus odorifera curuatus ab arbore veri:

arboris est virtus inclyta summus apex.

*Arboris vt possis conscendere culmina, Ra-
mum*

appendas manibus docta iuuenta tuis.

*te feret aërias ad culmina summa per au-
ras*

sacrum vbi virtutis est penetrabile situm.

§. VII. Sed tantam auctoritatem philosophia Ramea haud consequebatur, vt Aristotelis doctrinam de dignitatis sede penitus dei-

¹ *biblioth. philosoph. p. 1283.*

cere potuisset, quæ nihilominus sese tuebatur & incrementa capiebat haud leuiora. quod quum obseruarent sectatores Rami, & asseclæ Aristotelis ac Philippi Melanchthonis proba multa nec contemnenda in Rami monumentis inuenirent; excitati sunt ad studium conciliandi Ramum cum Aristotele ac Philippo Melanchthone, qui grauis auctoritatis Aristotelicæ defensor ac custos erat. nec solum studebant conciliationi, siue vt dicitur syncretismo philosophico, sed quoque ex vtriusque cum Aristotelis, tum Rami σύστημα aliquod conficiebant, qui posteriores dicebantur *mixti philosophi*. sic habemus PAVLLI FRISII *comparationes dialecticas*; BILSTENII *syntagma Philippo-Rameum liberalium artium*; BVSCHERI *harmoniam logicæ Philippo-Rameæ*; POLANI *syntagma logicum Aristotelico-Rameum*; LIBAVII *collationem dialectices Melanchthonis & Rami*, vt de aliis taceamus. inter mixtos philosophos refertur quoque BARTHOLOMAEVS KECKERMANN, cuius scripta philosophica sub *systematis systematum* inscriptione in summam redacta prodierunt cura IO. HENR. ALSTEDII, Hanou. MDCXIII. nam quamuis existimauerit, *solam sectam Peripateticam Deum hac gloria & honore dignari voluisse, vt quæ Plato & alii confuse sine methodo & ordine semiplena, imperfecta per flosculos metaphorarum & fabularum inuolucra tradidissent, ea Aristoteles naturæ miraculum & auctor Peripateticæ familiæ primus humani generi traderet sub forma methodi dextra, regulatæ & quoad partes omnes plenæ, id est vt cum logicæ, tum philosophiæ reliquæ*

*liquæ ordinata, methodica, acroamatica, atque ad intellectus humani vsum informata systemata diuino artificio conformaret;*¹ multa tamen in logica Peripatetica emendanda esse observauit, ac doctrinas Rami cum Aristotelicis coniunxit, quapropter a Peripateticis vocatur *Semi-Rameus*. ceterum IO. SCHARFFIVS² de mixtis his philosophis ita iudicat: *binc alia Ramistarum secta orta est, quæ vocatur mista, seu mixta: scilicet nomine fatali. miscet enim omnia in vnum chaos, Aristotelem transformat in ramenta falsarii sui Petri, hoc est lucem in tenebras, calum in terram, arborem in ramos, ut suo loco demonstratur;* & ABRAH. CALOVIUS.³ *Rameis, ut & mixtis ne deleantur, si Peripatetica logicæ informatione gaudere possint, quod consilium quam salubre sit, ipsi tum agnoscent, cum discernere poterunt, quid distent æra lupinis;* sed quis non videt, quod hæc iudicia profecta sint ab animo, Aristoteli maxime consecrato? CHRISTIAN THOMASIVS⁴ discrepantiam logicæ Ramæ a dialectica Philippi Melanchthonis his momentis notat: (1) *quod Ramus duas logicæ partes faciat, inuentionem & iudicium, ab inuentione incipiendo;* Philippus contra methodum syntheticam secutus a iudicio ad inuentionem progrediatur: (2) *Ramus omisit prædicamenta;* prædicabilia vero alienis locis & sparsim iniecit ac parum sollicitus fuit de conditionibus bonæ definitionis & diuisionis. (3) *Ramus replet omnia solis poëticis & oratoriis ex-*

¹ *præcogn. logic. tr. II. cap. 2. §. 15.* ² *instit. logic. pag. 41.*

³ *pad. theolog. p. III.* ⁴ *philosoph. analit. cap. IIII. §. 16.*

emplis:

emplis; at Philippus exempla adfert ex omnibus artibus & disciplinis.

§. VIII. Quodsi controuerfiam hanc Ramorum cum Aristotelicis accuratius contemplari ac de ista sentire velimus, necesse est inter Ramum & sectatores eius ponere discrimen, nec de illis iudicare promiscue. Petrus Ramus non omnia quidem effecit perfecta; quin etiam existimamus, ipsum multa maxime necessaria atque vtilia logicæ momenta reliquisse intacta, quo inter alia spectat doctrina de definitione & diuisione, quibus omnis certa veritas nititur; nec non de diuersis veritatis generibus, demonstratione & probabilitate, de variis ratiocinandi modis; item ea, quæ tradiderit, adhuc posse emendari, etiam nonnulla momenta adtulisse, quæ sua carent utilitate. attamen vel ideo singulari dignum habemus laude, quod primum seruituti philosophicæ sese obiecerit fortiter suoque demonstrauerit exemplo, veram philosophiam haud pendere ab auctoritate aliorum, qua si philosophiam tractandi rationem metiri velimus, ista tollit libertatem cogitandi, ruetur & propagat aliorum errores atque impedit, quo minus veritates inueniri, ac falsa remoueri possint. deinde Ramus in eo meliora præstitit, quod disciplinam logicæ ex elegantioribus litteris illustrauerit adeoque ipsius vsum declarauerit verius, quam scholastici, quorum dialectica semper in tenebris cogitationum erat defixa nec quidquam ad alias scientias aut vitam adferebat. quod si hoc modo recentiores quidam GERH. 10. VOSSIVS, ¹ DA-

¹ De natura & constitut. logica cap. XII. §. 7.

NIEL GEORGIUS MORHOFIVS,¹ GEORGIUS PASCHIVS² aliique Rami studia in purganda logica collocata considerassent, nec tam multum affectui erga Aristotelem dedissent; benignius sane de meritis huius philosophi iudicassent. nam quamvis hac feliciori philosophiæ tempestate haud necesse sit, Ramum defendere ac commendare, aut censuram quandam in ipsum facere, quum vera philosophiæ doctrina ita culta & in aperto posita est, ut sectam Rameam iterum stabilire, aut impugnare, nefas fere haberetur; æquitas tamen postulat, cuique meritam laudem adtribuere, nec pro quavis adfectuum libidine quemdam perstringere. sufficit, Ramum idem ius ac eandem libertatem cogitandi habuisse atque usurpasse, quam adhibuit Aristoteles, quum multa a præceptoribus tradita emendaret, ac propria iudicii facultate inquireret in veritates? ceterum neutiquam probamus, quod Ramus, præcipue ipsius sectatores studio prauorum adfectuum interdum abrepti, a veritatis via aberrauerint, nec solum fecerint *λογομαχίας*, sed & defenderint errores, nec quæ in Aristotele bona sunt, videre voluerint. at vero hæc a Peripateticis haud iure quodam Rameis obiici possunt, siquidem iisdem vitiis, etiam adhuc grauioribus laborauerint, quum disputarent contra Ramum & philosophiam ipsius: confer SAMVELEM WERENFELSIVM.³

§. VIII. Hactenus differuimus de illis, qui

¹ Polyhistor. tom. II. lib. I. cap. 12. §. 1. ² de inuentis nou-
antiquis cap. II. §. 16. ³ de logomach. erud. cap. III. §. 6.
pag. 60.

Aristoteli, præcipue scholasticis se opposuerunt ac logicam inprimis a barbaralabe, quam contraxerat iniuria temporis, purgare adnisi sunt summa ope. quos subsequuntur isti, qui tuendæ Aristotelis auctoritati addicti dialecticam ex antiquis fontibus iterum hauriendam, adeoque vetustiore renouandam atque instaurandam esse existimarunt, qui in certas ætates accurate haud distribui possunt, quum modo tempore Rami modo ante, modo post illum floruerint. duplex eorum genus fuit. alii sectati sunt doctrinam vulgarem eamque scholasticam, atque ex Aristotele aliisque antiquis dialecticis istam emendarunt, illustrarunt & ad veriore adcommodarunt vsum; alii vero a scholasticorum nugis plane abhorrentes, vnice Aristotelem eiusque græcos interpretes secuti, germanam Peripateticam dialecticam in pristinum dignitatis fastigium collocare omnibus adnitebantur viribus. prioris generis multi sunt, FRANCISCVS TITELMANNVS, IODOCVS WILLICHIVS, PHILIPPVS MELANCHTHON, IO. STURMIVS, IACOBVS ZABARELLA, AVCTORES collegii Conimbricensis, STAHLIVS, BECHMANNVS & plures alii, quorum nomina & scripta copiose recensere, non necesse est, præcipue quum KECKERMANNVS & bibliothecarum scriptores munus id præstiterint. quapropter sufficiat, breuiter adnotasse, quo studio PHILIPPVS MELANCHTHON dialecticam in altius prouehere contenderit, & quam multi alii per ipsum sint excitati ad culturam dialecticæ Peripateticæ. PHILIPPVS quippe MELANCHTHON

THON logicæ magnum statuebat pretium, quam in rem testimonia collegit IACOBVS MARTINI;¹ ac ducem sequebatur Aristotelem, quem quondam faciebat magni. at locis communibus, siue hypotyposibus theologicis multa leguntur, quæ animum a philosophia Aristotelica alienum prode- re videntur, siquidem, si consulamus pri- mam editionem editam MDXXI. inter alia hæc legimus: *nam perinde atque his postero- ribus ecclesiæ temporibus Aristotelem pro Chri- sto sumus complexi, ita statim post ecclesiæ au- spicia per Platoniam philosophiam christiana doctrina labefactata est: item: Aristotelis do- ctrina est in vniuersum quedam libido rixandi, vt eum in paræneticæ philosophiæ scriptoribus ne postremo quidem loco numerare conueniat; nec non: id vt conueniat cum Aristotelis phi- losophia non laboro; quid enim ad me, quid sen- serit ille rixator? sed tamen quum forsan post- hac MELANCHTHON cognosceret, rem lit- terariam sine philosophia haud posse consiste- re; & persuaderet sibi, haud consultum esse li- bertatem philosophicam cuiusuis ingenio permittere, quamdam sectam ex vetustiori ætate reuocare instituit. ea tempestate præ aliis eminebant Platonica & Aristotelica, quam posteriorem priori præferebat PHILIPPVS variis de causis, præcipue quoniam existima- bat, Platoniam deducere homines ad enthu- siasmum, nec quidquam solidi ex dialectica scientia continere; etiam aduersarii, a quibus tum vocabantur in disceptationem, haud le-*

¹ im Vernunft-Spiegel lib. II. cap. 14. p. 847.

vioire industria peripateticæ philosophiæ invigilabant. id certum est, quod eo tempore finistre iudicauerint de philosophia Platonica. IO. VELCVRIO, ¹ postquam commemoraverit placita Platoniorum de virtutibus, addit: *Platoniorum vana somnia recensui ob id tantum, ut haberemus fere summam Platonicæ theologiæ, quam vocant, & ostenderem, quam fide dignis scilicet & iustis de causis quidam vaniloqui persuasi, Platoniam philosophiam ausint comparare christianismo, quum reuera simiarum animi ac mores corporaque sint hominibus similiores, quam hæ quadruplices Platoniorum virtutes commentitiæ, aliquantillam christianismi veri exprimant umbram.* quid igitur mirum, quod posthac MELANCHTHON magnificerit Aristotelem, ipsius philosophiam professus eamque propagauerit atque effecerit, ut accessione non levis incrementi reddita fuerit splendidior, cuius rei testimonia ex ipso MELANCHTHONE collegit IO. HERMANNVS ab ELSWICH. ² atqui eundem ducem, Aristotelem quippe secutus est in arte logica, cuius dialecticam laudat & commendat mirifice, siquidem dicit: ³ *philosophia Aristotelica recte describit genera doctrinarum, dialecticen, physicen, ethicen, & dialecticen habet veram, incorruptam, integram: qua laude haud dubio, omnibus aliis sectis antecellit.* alio autem loco perstringit Petrum Ramum: ⁴ *quod autem gallus quidam, inquit, contendit, ne tabulas quidem ex illo Ari-*

¹ Comm. physic. lib. III. c. 39. ² schetiasm. de varia Aristotelis in scholis Protestantium fortuna p. 36. sqq. ³ Dialect. lib. III. ⁴ orat. de Aristotele.

Aristotelis naufragio vllas receptas esse, ac prorsus amissos esse dialecticos libros: deinde hos, qui hoc titulo circumferuntur, rudera continere, non artis integræ exstructionem, seu vt ita dicam ædificium, illum hoc suo somnio delectari sinamus. nos hæc monimenta, cuiuscunque sint, etsi Aristotelis esse multæ sunt & graues coniecturæ, amemus & eis fruamur. & hinc veram methodi formam in omni disputatione sumendam esse sciamus. primus sub reformationem doctrinæ christianæ libros quatuor erotematum dialecticorum scripsit, quæ sæpius MDXXVIII. & imprimis recognita ac dedicata IO. CAMERARIO, Ioachimi filio MDXLVII. Lipsiæ prodierunt: confer BARTHOLOMAEVM KECKERMANN. ¹

§. X. PHILIPPVS MELANCHTHON magister erat multorum discipulorum, qui magna copia ad ipsum, vt institutione eius vterentur, confluebant, ac posthac scholis præfecti philosophiam hanc longe lateque per Germaniam, Daniam, Sueciam, Hungariam disseminabant. hac ratione Aristoteles magna capiebat incrementa, præcipue quum multi instituta academici Witebergensis obseruarent & ad exemplum illius conderentur aliæ academici. in academia Lipsiensi constitutus est professor, qui adhuc organon Aristotelis publice debet interpretari, quo munere iam fungitur L. CHRISTIANVS LVDOVICI, cuius logicæ Peripateticæ vestigia ab orthodoxis theologis innocue vtiliterque pressa & in publicis dissertationibus lustrata, prodierunt Lipsiæ

¹ præogn. logic. tr. II. cap. V. §. 2.

MDCCXIII. qua occasione IO. NELDENVS librum conscripsit de *usu organi Aristotelici*; sic & exstat constitutio academiæ Lipſienſis & Witebergenſis ab Aug. an. MDLXXVI. edita, qua iubentur ſecundus profeſſor philoſophiæ, nec non ſeptimus, octauus & nonus *ſolius Ariſtotelis libros in dialecticis, phyſicis, et hiſcis, & politicis prælegere, diſputationes item & examina promouendorum ex Ariſtotelis libris inſtituere*: vide HVLSEMANNV. ¹ ſic & in aliis academiis ac ſcholis hæc dialectices ratio erat ſolemnis, qua ſequebantur Philippum, ac re ipſa, quum paſſim conficerent compendia, Ariſtotelis monimenta negligebantur, quod & in academia Witebergenſi accidit, vbi maior ratio habita eſt librorum Melanchthonis, quam Ariſtotelis. id quod confirmat POLYCARPVſ LYSERVſ: ² porro, inquit, *vt quoque de Ariſtotelis philoſophorum principis ſcriptis quid ſentiam, ſcribam, tantum abeſt, vt illa ex ſcholis releganda eſſe ſtatuam, vt nunquam diſſimulauerim, me mirari, qui fiat, quod in hac ſchola noſtra, quæ cum reliquarum in Germania academiæ quæſi communis mater eſſe ſtatuatur, tantum compendia philoſophiæ ſtudioſe iuuentuti prælegantur, Ariſtotelis autem libri proſus negligentur. ego omnino iudico D. Ph. initio compendia philoſophiæ ſaltem pro incipientibus ſcripſiſſe, idque non hoc conſilio ſeciſſe, vt Ariſtotelis libros ex manibus diſcentium proſus excuteret; ſed tantum vt eosdem ad legendum ipſum Ariſtotelem introduce-ret & quaſi viam ſterneret. iam vero dum Ari-*

¹ præf. ad dialect. pag. 13. ſqq.
pag. 287.

² vid. ſyllog. epiſtol. Lyſer.

*oteles ab aliis negligitur, ego insimulor, quasi
us libros cen inutiles reiiciam. cum statuam
& dignitate academiaram esse, ut in illis iunio-
es a compendiis ad fontes ipsos adducantur.*
ed tamen non defuerunt, qui in id confere-
bant studia sua, ut genuinos Aristotelis fontes
aperirent, quo inde vera philosophia adeo-
que dialectica vnice posset hauriri. atqui hi
sunt posterioris generis, de quibus dissera-
mus.

§. XI. Alterum igitur genus est illorum,
qui excitati cupiditate genuinam Aristotelis
philosophiam cognoscendi, animos suos ad
ipsius monimenta conferebant, & abiecta omni
scholasticorum doctrina, vnice admittebant
Aristotelis placita. atqui talem purum atque
incorruptum Aristotelem reducere multi el-
aborarunt, ex quibus Itali quidam maxime il-
luxerunt, ANDREAS CAESALPINVS, CAE-
SAR CREMONINVS, PETRVS VICTO-
RIVS, CYRIACVS STROZZA, ALEXAN-
DER & FRANCISCVS PICCOLOMINAEI;
quorum exemplis germani quoque ad huius-
modi studia commoti sunt, inter quos emi-
nent CORNELIVS MARTINI, PHILIP-
PVS SCHERBIVS, MICHAEL PICCARTVS,
ERNESTVS SONERVS, CHR. DREIERVS,
MELCHIOR ZEIDLERVS, HERMANNVS
CONRINGIVS, IO. 3 FELDEN & alii. cu-
iusmodi ingenia maxime erant splendida, non
solum splendore philosophiæ; sed & elegan-
tioris ac præcipue græcæ doctrinæ, quam pru-
dentissimo consilio ac felicissimo instituto
coniungebant cum sapientiæ studiis, sicque
faciliori atque expedita via ad penetralia phi-

lophiæ Aristotelicæ perueniebant. nec obscure subinde colligi potest, quantam vim adferat politior litteratura ad culturam philosophiæ, quam coniunctionem quum viri illi gravissimi facerent, multa sane præclara atque utilia, quæ bonas litteras iuuant atque ornant, præstiterunt. in ipsis enim philosophiæ doctrinis multo iucundiores atque utiliores sunt scholasticis, ita vt exiguus *γνῶσις* cuiusdam Aristotelici liber meliora contineat, quam decem volumina scholasticorum magnæ molis. ac quamuis nostra tempestate nec pura Aristotelis doctrina quidquid ponderis habeat, quum feliciora philosophiæ sidera exorta sint; horum tamen monimenta nobis in historia philosophica clarissimum lumen præferre possunt, id quod vel vnicum exemplum summi viri IACOBI THOMASII confirmat, cuius laus de hoc historiarum genere comes erit æternitatis.

§. XII. Quod speciatim ad dialecticam adinet, illam quoque puriorem ex Aristotele restituere conati sunt hi vere Aristotelici. atqui huc pertinent

BARTHOLOMAEVS VIOTTVS, cuius libri quinque exstant de demonstratione, qui prodierunt primum Parisiis; posthac autem anno MDCLXI. istos recudendos curavit ANDREAS FROELINGIVS in academia Iulia logices professor, & hanc secundam tertiam editio secuta est Brunsvigæ MDCLXXXV. 4. cura HENRICI WIDEBVRGII, qui in margine præcipua operis analytici loca obseruauit & extremo

mo quoque adnotationes quasdam adiecit. HERMANNVS CONRINGIVS ¹ de opere hoc ita iudicat: *ea propter quum iuueni mihi in Batauorum academia degenti anno abhinc tricesimo secundo forte fortuna Bartholomei Viotti de demonstratione inscripti libri in manus inciderent, dici non potest, quantopere latatus fuerim. sed nec fefellit me omnis expectatio. reperi enim in hoc volumine iusta serie & perspicue tradita, quæ in Aristotelico sparsim & perobscure docentur; haud pauca etiam, quæ in Aristotelico desunt, utilia tamen, immo necessaria scientiam certam affectantibus. quamuis cum Aristotelica nonnulla tum & alia ad apodicticam pertinentia heic etiam prætermissa sint.* BARTHOLOMAEVS KECKERMANN ² censet, reperiri in his libris quidem errores non paruos nec paucos; tamen non deesse etiam utilia & proba. ceterum VIOTTVS scripsit quoque de balneorum naturalium viribus.

IACOBVS SCHEGGIVS, cuius iam supra fecimus mentionem, quum exposuerimus historiam logicæ Rameæ, cui sese opposuit. penitus animum tradiderat philosophiæ Peripateticæ, cuius singularem consecutus est laudem: hinc FECHTIVS ³ de eo scribit: *philosophiam Peripateticam perpetuo tamquam ἑγρον persecutus, ut e tenebris scho-*

¹ Epist. præmissa ad Frøbingium.

² præc. logic. tr. II. cap. V. §. 7.

³ schediasm. sacr. exercit. II. p. 448.

lasticorum iterum crueretur, illiusque usus in omnibus disciplinis incomparabilis toti orbi pateret, legendo inque publicum meditationes suas edendo vnice operam suam impendit. scripsit libros XV. de demonstratione, item obseruationes in prædicabilia, prædicamenta, librum de interpretatione, priora analytica, topica, quæ monimenta ab illis, qui doctrina Peripatetica delectantur, in magno habentur pretio: confer MELCHIOREM ADAMVM. ¹

10. BAPTISTA MONLORIUS, qui in libros priorum analyticorum commentarios scripsit, *quo opere omnes veterum & recentium operas in illos Aristotelis libros ita superauit, ut qui iam post Monlorium in hac parte aliquid aggrediuntur, post Homerum Iliada scribere videantur*, iudice KECKERMANNO. ²

SIMON SIMONIVS, Italus qui ob religionem patria exul Lipsiam se contulit & magno studio philosophiæ Aristotelicæ tradidit, hinc MORHOFIVS ³ dicit: *Lipsiam concessit, ubi academiam illam docuit ἀριστοτελῆν ac exemplo suo & præceptis ad solidiorem philosophiam analyticam viam monstravit*; quamuis iam alii ibi fuerint, qui sectati sunt Aristotelis doctrinam. ipsi fuerunt controuersiæ cum Iacobo Schegkio, aduersus quem scripsit *questiones dialecticas*, iisque probare contendit, *eum in commentariis logicis non subiectum, non ordinem; non*

¹ vitæ medicor. germanor. p. 290. seqq.

² cit. loco §. 15.

³ polyb. t. II. hb. I. cap. XI. §. 28.

finem, non naturam logicæ artis, quæ ab Aristotele traditur, explicasse.

ORTVNATVS CRELLIVS, qui edidit *isagogen logicam*, qua quum non omnibus satisfecerit, ac censuram quoque expertus, quod tam multa deberet Zabarellæ, obscuram de demonstratione doctrinam exemplis non satis illustraret, etiam religioni suæ nimis deditum se exhiberet; **HENNINGVS ARNISAÆVS** per obseruationes suas morbis his medelam adferre voluit.

O. NELDELIVS, Glogouia vrbe Silesiæ oriundus, philosophiæ Aristotelicæ doctor & in academia Lipsiensi professor, quiue anno **MDCXII.** mortalitatem suam finiuit. opus ipsius de *usu organi Aristotelici* magnam consecutum est existimationem, quod invito & inscio auctore anno **MDCVII.** sub hac inscriptione prodierat: **PRATVM LOGICVM organi Aristotelici septis inclusum iucundisque passim viridariis adeoque flosculis conspicuum: siue praxis & usus organi Aristotelici genuinus in omnibus artium & facultatum disciplinis ex ore D. IO. NELDELI, academiae Lipsiensis professoris Aristotelici celeberrimi exceptus & non absque autoris comprobatione (quod falsum est) publici iuris factus.** quæ editio quum multis vitiis maxime esset corrupta, **M. HENRICVS CRELLIVS** meliorem anno **MDCLXVI.** Helmstadii exhibuit, cui præmissæ sunt epistola **HERMANNI CONRINGII** ad **IACOBVM THOMASIVM**, qua iudicat de **NELDELIO**, item **SIMONE**
SIMO-

SIMONIO; NECNON GVERNERI ROLFINGII ad CRELLIVM, qua scribit: *organum Aristotelicum intellectu difficile est. Neldelius nucem frangit & cortice nudata nuce lectori apponit mellitissimos medullæ globulos. organum Aristotelicum tenebris est inuolutum, tyronibus remoram iniicientibus. has discutit Neldelius ordinis & methodi subsidiis & alis euectus in altum & radiis dilucidæ explicationis dubia resoluit.*

IVLIVS PACIVS, qui non solum summe meritus est de organo Aristotelis, quod bene transtulit in latinum sermonem ac commentariis illustravit; sed etiam *logicas institutiones* edidit, quibus doctrinæ Aristotelicæ momenta tradidit feliciter.

PHILOSOPHI ALTDORFINI, qui magnam famam de philosophia Peripatetica, cui purgandæ singulari studio se se tradiderant, consecuti sunt, scilicet PHILIPPVS SCHERBIVS, ERNESTVS SONERVS, MICHAEL PICCARTVS, viri hoc litterarum genere nunquam satis laudandi. primus scripsit disputationem pro philosophia Peripatetica aduersus Ramistas, cuius supra fecimus mentionem; Helmstadii autem MDCLIX. prodierunt ipsius *theses philosophicæ in vnum corpus redactæ*, quibus inter alia agitur de *libris Aristotelis acroamaticis & exotericis; de differentiis analytices & dialectices; logices & dialectices; rhetorices & dialectices; de genere syllogismi; de definitione definitionis; de differentiis definitionum; de categoriis.* MICHAELIS PICCAR-

CAR-

CARTI autem *organon Aristotelicum in quaestiones & responsiones redactum* lucem vidit Lipsiæ MDCXIII. breuiores illorum disputationes in summam redactæ sub inscriptione: *philosophia Altdorfina* cura & studio IO. PAULLI FELWINGERI prodierunt. ac quem fugiat, quid præstiterint Regiomontani DREIERVS, ZEIDLERVS, HEDDIO; Helmstadienses HERMANNVS CONRINGIVS, CORNELIVS MARTINI, IO. A FELDEN, alique, quorum omnium nomina ac scripta si distinctius recensere vellemus; opus magnæ molis quidem, sed haud singularis emolumenti conscribere necesse esset. quapropter sufficiat, nos ipsa logicæ fata attigisse ac principes viros, qui hac tempestate clarum præ aliis nomen a se dederunt, commemorasse.

§. XIII. Differuimus itaque de illis, qui reformandæ artis logicæ posuerunt fundamenta. restat, vt videamus, quomodo ipsa reformatio sit subsecuta, ex quo eclectica philosophia, vti adpellatur, introducta; auctoritas autem præcipue Aristotelis magnum sensit detrimentum. quæ mutatio non vno temporis momento; sed sensim ac sensim euenit, ita vt in dies facta sit ars hæc ornatior ac pulchrior, postquam extiterint grauisissimi viri, qui ipsi magis adhuc expoliendæ curas suas adhibuerunt. sic alii viam pararunt ad huiusmodi logicam, qui nulla auctoritate, sed libertate cogitandi nititur; alii vero posito semel fundamento opus ipsum struxerunt, quorum iterum varia sunt genera, siue propagationem, siue digni-

dignitatem, siue modum doctrinæ, quam in gratiam veritatis cognoscendæ tradiderunt, respiciamus. namque quod ad propagationem adtinet, quorundam præcepta consecuta sunt tantam auctoritatem, ut multi ista veluti diuina coluerint adeoque iterum effecerint sectam, quod exemplo Cartesii eiusque sectatorum patet; ratione dignitatis autem non omnes pari successu opus hoc adgressi sunt. alii enim maxime alieni ab Aristotele, prorsus ipsius doctrinam reiecerunt, etiam interdum bonas meditationes, quas quum non satis maturæ essent, magis expolire & ad veriores scientiarum usum transferre potuissent. id quod patet ex doctrina de figuris & modis syllogismorum, quæ quum maxime a scholasticis esset deprauata, omnem amisit gratiam ac posthac a plurimis recentiorum philosophorum penitus abiecta, veluti momentum, cui nulla inest dignitas, quod tamen si bene & recte tradatur, varios modos ratiocinandi suppeditat. alii contra omnem affectum erga Aristotelem, erga scholasticos abiicere, a se impetrare haud potuerunt, quapropter interdum retinuerunt doctrinas, quas eiicere, nec propagare debuissent. sic & fuerunt, qui momenta maxime necessaria, de definitione, diuisione, de variis modis conclusiones efficiendi, de probabilitate vel minus, vel leuiore industria attigerunt, nec quod in primis obseruandum est, discrimen inter ratiocinationem philosophicam & mathematicam, quod pro diuersitate obiecti & philosophiæ & matheseos itemque diuerso modo utramque cognoscendi maxime clarum est, posuerunt. tandem modus quo-

quoque ac ratio, qua doctrinam logicæ proposuerunt, fuit diuersa, siquidem alii ex natura ac variis operationibus intellectus humani præcepta sua deduxerunt; alii vero considerarunt ipsum obiectum logicæ, quod est veritas generatim, item finem, siue cognitionem veritatis & ad vtrumque adcommodarunt ordinem doctrinarum. sed de his dispiciamus nunc distinctius.

§. XIII. Ille, qui fundamenta logicæ ecclæ posuisse plerumque traditur, est FRANCISCVS BACO de VERVLAMIO, cuius opera prodierunt anno MDCLXV. fol. inter quæ extat quoque *nouum organon*, quod primum in lucem emissum est anno MDCXX. atqui hoc libro elaborat commonstrare nouam logicæ rationem, quæ inprimis ad doctrinam rerum naturæ adplicatur & tribus momentis a vulgari logica diuersa, *sine* quippe, *ordine demonstrandi*, & *inquirendi initis*. finis ipsius logicæ propositus est, vt artes, non argumenta inueniantur: *huic nostræ scientiæ*, inquit, *finis proponitur, vt inueniantur non argumenta, sed artes; nec principis consentanea, sed ipsa principia; nec rationes probabiles, sed designationes & indicationes rerum.* ad ordinem vero demonstrandi non adhibet syllogismum, sed inductionem, quæ a singularibus gradatim procedat ad generalia: hinc ita disputat contra vulgarem syllogismum: *atque cum huiusmodi sine conueniunt demonstrationum ipsarum natura & ordo. in logica enim vulgari opera fere vniuersa circa syllogismum consumitur. de inductione vero dialectici vix sero cogitasse videntur.*

dentur; leui mentione eam transmittentes, & ad disputandi formulas properantes. at nos demonstrationem per syllogismum reiicimus, quod confusus agat, & naturam emittat e manibus. tametsi enim nemini dubium esse possit, quin quæ in medio termino conueniunt, ea & inter se conueniant (quod est mathematicæ cuiusdam certitudinis) nihilo minus hoc subest fraudis, quod syllogismus ex propositionibus constat, propositiones ex verbis, verba autem notionum tessera & signa sint. itaque si notiones ipsæ mentis, (quæ verborum quasi anima sunt & totius huiusmodi structuræ ac fabricæ basis) male & temere a rebus abstractæ & vagæ nec satis definitæ & circumscriptæ, denique multis modis vitiosæ fuerint, omnia ruunt. reiicimus igitur syllogismum; neque id solum quoad principia, (ad quæ nec illi eum adhibent) sed etiam quoad propositiones medias, quas educit sane atque parturit utcunque syllogismus; sed operum steriles & a practica remotas & plane quoad partem actiuam scientiarum incompetentes. tandem in inquirendi initiis auctor principia in dubium vocat, ac inprimis falsa ac prius, quam par est, facta iudicia remouere contendit, quæ vocat *idola mentis* & in quatuor distribuit classes. prima complectitur *idola tribus*, quæ fundata sint in ipsâ quasi tribu siue gente ac natura humana vniuersè spectata; secunda *idola specus*, quæ habeantur ex natura singulari; ipsâ enim quasi quædam cauerna obliuret impresiones, quæ aliunde adueniant ob errores generales contractos ex consuetudine, lectione, auctoritate; tertia *idola fori*, quæ oriantur ex commercio cum plebe, ac quarta

quarta *idola theatri*, quæ ex philosophorum doctrinis ac peruerfis demonstrationum legibus habeant originem, quæ omnia copiose recenset PETRVS GASSENDVS. ¹ nisi post Verulamium alii philosophi manus suas emendandæ logicæ admouissent, ac feliciori successu opus hoc fuissent persecuti; sane novum ipsius organon tantum ponderis minus habuisset, quantum ad destruendam Aristotelicæ logicæ auctoritatem erat necessarium. iam præcepta ipsius neutiquam fini logicæ respondent, turbatim sunt proposita nec meliorem produnt obscuritatem, quod non aliter poterat euenire, quum auctori id esset somne, ut obscuros mentis conceptus adhuc clavis atque obscuris verbis exprimeret. ceterum tantum abest, ut hoc summum litterarum locus honorifica existimatione minus colamus; ut ipsius studia, quibus libertatem cogitandi in altius fastigium prouehere admissus est, magnificis laudibus digna esse censeamus. sufficit, quod in Verulamio deprehendamus mentem libertatis philosophicæ maxime studiosam; a seruitute vero, quæ cum bonis litteris nihil habet commune, alienam. Verulamii vestigia secutus est IO. BAYERVS, qui ceo Eperienti præfuit, ac logicam compositionis huius inscriptionis: *filum labyrinthi, vel nosura seu lux mentium vniuersalis cognoscendis, expendendis, & communicandis vniuersis rebus accensa*, Castilouiæ MDCLXIII. infer IO. FRANCISCVM BVDDEVM. ²

¹ de origine & vatiet. logicae cap. X. ² introd. ad hist. phil.
aer. §. XXXVI. p. 311. ed. 2.

§. XV. Quum defuncti simus hoc labore, ordinis ratio nos iubet, nos ad RENATVM CARTESIVM conuertere. PETRVS GASSENDVS ¹ dicit de eo: *is Verulamium ea in re imitatus est, quod nouam quoque philosophiam a fundamentis excitaturus, omne omnino præiudicium exuere, imprimis voluit; ac invento subinde quopiam principio solidissimo, ipsi ut fundamento super extruere totam molem. non eandem tamen viam est, quam Verulamius ingressus, sed quum Verulamius auxilia a rebus ad perficiendam intellectus cogitationem petierit, ipse omnirerum cogitatione ablegata, censuit in ipsa cogitatione satis esse præsidii, ut intellectus possit vi sua in omnium rerum, etiam abstrusissimarum, hoc est non modo corporum, sed dei etiam ac animæ notitiam perfectam venire.* Scripsit autem CARTESIVS dissertationem de methodo recte utendi ratione & veritatem in scientiis inuestigandi; meditationes de prima philosophia, quæ multa argumenti logici continent, cuiusmodi res aliis quoque monumentis passim attigit. quæ fata philosophia Cartesii generatim subiit, iisdem quoque exposita fuit ipsius logica, quum alii istam laudarunt, expoluerunt, illustrarunt, & quomodo possit propagari, studiose sunt meditati; alii vero varias easque grauiores censuras in illam exercuerunt. posterioris generis imprimis est PETRVS GASSENDVS, qui edidit *disquisitionem metaphysicam seu dubitationes & instantias aduersus Renati Cartesii metaphysicam & responsa*, ², quo opere tantis

¹ de origine & variat. logic. cap. XI.

² tom. III. opp. Gassendi, p. 279.

viribus aggressus est Cartesium, ut neque Cartesius, neque alius ex sectatoribus ipsius istas opprimere seque rueri potuerint. hinc etiam GERHARDVS DE VRIES¹ hortatur Cartesii assecclas: *confutandis tandem se accingant, si quid valeant, Gassendi instantiis.* PETRVS POIRET² quoque Cartesii dissertationem de methodo & meditationes confutare, errores demonstrare instituit, quæ censura multa præclara prodit ac significat, Poiretum in refutandis aliis esse feliciorum, quam in veritatibus ac præceptis suo ingenio expromendis. nec non PETRVS DANIEL HVETIVS³ multa hoc doctrinæ genere observavit aduersus Cartesium, ut de aliis, qui ei sese opposuerunt, taceamus, quæ de re scriptores de vita ac fatibus Cartesii eiusque philosophiæ legi possunt, IO. TEPELIUS, ⁴ PETRVS BORELLVS, ⁵ ADRIAN. BAILLET. ⁶

§. XVI. Duo præcipue Cartesius sibi proposuit explicanda: alterum est, ut demonstraret viam, qua quis errores generales euellere atque vitare posset, quam in rem dubitationem commendauit maxime. ita enim de se ⁷ loquitur: *animaduerti iam ante aliquot annos, quam multa ineunte ætate falsa pro veris admiserim, & quam dubia sint, quæ istis postea super extruxi; ac proinde funditus omnia in vita esse euertenda, atque a primis fundamentis denuo inchoandum, si quid aliquando firmum & mansurum cupiam in scientiis stabilire.* ut

¹ dissertationcul. de Cartesii meditation. a Petro Gassendo impugnata
§. 41. ² part. III method. inueniendi verum p. 89. de erud. triplic.
³ censura philosophia Cartesii. ⁴ histor. philos Cartesiana.
⁵ compend. vita Cartesii. ⁶ dans la vie de Mr. Descartes.
⁷ meditatio 1. de prima philosoph.

autem dubitandi rationes ostenderet, istas a sensuum fallacia & somniorum ludificationibus deduxit, siquidem ita dixit: ¹ *nunc itaque cum tantum veritati quarendæ incumbamus, dubitabimus inprimis, an vllæ res sensibiles aut imaginabiles existant: primo, quia deprehendimus interdum sensus errare, ac prudentiæ est, numquam nimis fidere iis, qui nos vel semel deceperunt: deinde quia quotidie in somnis innumera videmur sentire aut imaginari, quæ nusquam sunt: nullaque sic dubitanti signa apparent, quibus somnum e vigilia certo dignoscatur. quum vero præter hæc, quæ cadunt in sensus externos, dantur adhuc principia, quæ omnino vera habentur, qualia sunt mathematicorum, & de illis dubitari posse existimauit Cartesius, quoniam aut deus hominem & in his rebus ad errores procliuem condere atque effingere potuerit, aut si hoc diuinæ sapientiæ ac benignitati repugnaret, quis facile sibi posset persuadere, esse genium quemdam malum, qui fraudes faceret, hominesque deduceret in errores, vt falsa haberent maxime vera & certa. en verba Cartesii: ² *nam siue vigilem, siue dormiam, duo & tria simul iuncta sunt quinque, quadratumque non plura habet latera, quam quatuor; nec fieri posse videtur, vt tam perspicuæ veritates in suspensionem falsitatis incurrant. verum tamen infixæ quædam est meæ menti vetus opinio, deum esse, qui potest omnia & a quo talis, qualis existo, sum creatus: unde autem scio, illum non fecisse, vt nulla plane sit terra, nullum cælum, nulla res extensâ, nulla figura, nulla magnitudo, nullus locus, & tamen**

¹ *princ. philosoph. part. I. §. 4.*² *meditat. 1.*

hæc omnia non aliter, quam nunc mihi videantur existere? immo etiam quemadmodum iudico, interdum alios errare circa ea, quæ se perfectissime scire arbitrantur, ita ego ut fallar quoties duo & tria simul addo, vel numero quadrati latera; vel si quid aliud facilius fingi potest? at forte noluit deus ita me decipi, dicitur enim summe bonus; sed si hoc eius bonitati repugnaret, talem me creasse, ut semper fallar, ab eadem etiam videretur esse alienum permittere, ut interdum fallar, quod ultimum tamen non potest dici. ac paucis interiectis: supponam igitur, non optimum deum fontem veritatis, sed genium aliquem malignum eundemque summe potentem & callidum omnem suam industriam in eo posuisse, ut me falleret: putabo, calum, aerem, terram, colores, figuras, sonos cunctaque externa nihil aliud esse, quam ludificationes somniorum, quibus insidias credulitati meæ tetendit. quum igitur hac ratione omnia incerta, ac falsa secum reputaret, id vnicum certum ac verum ipsi videbatur, quod quum dubitaret, necesse sit, se cogitare, quumue cogitaret, inde sequatur necessario, se existere, quia alias cogitare haud posset. quapropter putabat, principium hoc: ego cogito, ergo sum, esse maxime solidum ac prima veritas, quæ possit opponi dubitationi. alterum, in quo CARTESIVS singularem operam posuisse sibi videbatur, est doctrina de demonstratione, quam quatuor regulis¹ tradidit. prima illarum est: ut nihil unquam veluti verum admitteres, nisi quod certo & euidenter verum esse cognosceres; hoc est ut omnem præcipitantiam

¹ differt. de methodo.

atque anticipationem in iudicando diligentissime vitares, nihilque amplius conclusione complecteris, quam quod tam clare & distincte rationi tuæ pateret, ut nullo modo in dubium posset reuocare. secunda: ut difficultates, quas esses examinaturus, in tot partes diuideres, quot expediret ad illas commodius resoluendas. tertia: ut cogitationes omnes, quas veritati quaerendæ impenderes, certo semper ordine promoveres: incipiendo scilicet a rebus simplicissimis & cognitu facillimis, ut paulatim & quasi per gradus ad difficiliorum & magis compositarum cognitionem ascenderes; in aliquem etiam ordinem illas mente disponendo, quæ se mutuo ex natura sua non præcedunt; quarta: ut tum in querendis mediis, tum in difficultatum partibus percurrentis, tam perfecte singula enumerares & ad omnia circumspiceres, ut nihil a te omitti esses certus.

§. XVII. Quamuis fateamur ingenue, **CARTESIO** magnam laudem iis de causis esse tribuendam, quod diligenter non solum sit meditatus, quo modo nimia auctoritatis studia, quæ cum vera philosophia eiusque prosperiori progressu nullum habent commercium, euellantur; sed & ipse libertatem cogitandi, quæ propria est philosopho, usurpauerit. qua ratione id effecit, ut ab eius ætate musæ hæc maiora felicioraque ceperint incrementa; etiam alia ingenia grauissima sint excitata ad meliorem artis logicæ culturam promouendam. nam ipse **CARTESIVS** disciplinæ huic haud multa præclara adtulit, siue præcepta, quæ præcepit, siue propriam exercitationem, quam in cognoscenda demonstrandaque veritate

ritate adhibuit, respiciamus. regulæ eius ac præcepta iusto sunt breuiora nec ingenium quoddam possunt aptum reddere ad sensum veri & falsi, præsertim quum nimis sint generalia, cuius rei eo maiori admiratione tene- mur, quo largior ipsi fuit occasio, logicæ Aristotelicæ vitia emendandi, modo per summam auctoritatem, quam dialectica Peripatetica longo temporis tractu tenebat; modo per ipsius apertos defectus atque errores; modo per proprii ingenii excellentiam ac modo denique per studium gloriæ philosophicæ, quo trahebatur CARTESIVS. sic nihil tradidit deratione verum inueniendi, de probabilitate, de definitionis legitimæ indole, de variis ratiocinandi modis, nec quod inprimis obseruare decet, discrimen inter ratiocinationem philosophicam & mathematicam cognouit, quin etiam vitium hoc auxit maximo opere. scholasticorum quidem malorum stirpem, id est nimium auctoritatis Aristotelicæ studium excindere elaborauit, quum de omnibus rebus dubitare iuberet; sed veræ ac sanæ dubitationis modum tenere haud poterat, quam cum negatione confundebat quumque certitudinem sensuum tolleret, viam scepticismo aperiebat. en dubitationem Cartesianam: *facile quidem*, inquit, ¹ *supponimus, nullum esse deum, nullum cælum, nulla corpora; nosque etiam ipsos non habere manus, nec pedes, nec denique vllum corpus, quæ non indicant dubitationem, sed negationem.* nam primum dubitare decet de argumentis ac probationibus, quæ si firmæ sunt, absurdum est, de re ipsa du-

¹ *princ. phil. part. I. §. 7.*

bitare, quod tum fieri potest ac debet, si deprehendimus, adhuc adlata argumenta nullum habere pondus nec vim quamdam probandi. nec ista, quæ tradit de criterio veritatis, quod positum sit in clara & distincta idea, recte sese habent, quoniam neque ad existentias rerum, quæ etiam ex idea confusa probari potest, neque ad probabilitatem applicandum est, ut taceamus de eo, quod conceperit obscure claram ideam. namque dicit: ¹ *perceptionem claram voco illam, quæ menti attendenti præsens & aperta est; sicut ea clare a nobis videri dicimus, quæ oculo intuenti præsentia, satis fortiter & aperte illum mouent*; qua definitione explicat claram ideam mathematicam, quæ omnes quoque ideæ fictæ sunt claræ, quibus autem in philosophia nullus est locus. ipse sæpius contra regulas artis bene cogitandi peccavit, ac quamvis de omnibus dubitandum esse existimauerit; in doctrina tamen rerum naturæ maxime dubia posuit veluti vera & summe certa, quum optimo iure instituere potuisset dubitationem.

§. XVIII. CARTESII philosophia adeoque etiam ipsius opiniones, quæ ad logicam pertinent, nactæ sunt sectatores, qui non solum eius dissertationem de methodo ac meditationibus; sed & alia monimenta, præsertim principia philosophiæ euoluerunt, ex illis præcepta collegerunt & ista ad certum artis ordinem adcommodata vberius interpretati sunt atque illustrarunt. alii studia sua contulerunt ad integram philosophiæ doctrinam, ac simul cum reliquis disciplinis tradiderunt logicam;

¹ princip. part. I. §. 45.

alii vero speciatim artem cogitandi explicandam sibi proposuerunt, quorum principes recensere instituamus, ut qui progressus logicæ Cartesianæ fuerint, pateat. atqui huc pertinent

ANTONIUS LE GRAND, cuius *institutio philosophiæ secundum principia Renati des Cartes noua methodo adornata & explicata*, prodiit MDCLXXXIII. ac diuisa est in decem partes, quarum prima continet logicam ad mentem Cartesii propositam. anno MDCCVIII. Vitembergæ prodiit *examen succinctum artis recte cogitandi Antonii le Grand*, auctore M. IO. IACOBO FERBERO.

IO. CLAVBERGIVS, cuius opera omnia philosophica cura IO. THEOD. SCHALBRVCHII Amstelod. MDCXCI. 4. prodierunt. inter hæc extat quoque *logica vetus & noua, modum inueniendæ ac tradendæ veritatis in genesi simul & analysi facili methodo exhibens*; ac quidem ex tertia editione primæ partis, & secunda reliquarum, quæ lucem vidit anno MDCLVIII. huic accessere prolegomena de causis errorum & imbecillarum humanæ mentis & logica ipsa multis locis emendata fuit, cuius præfatione scribit: *meliolem fortassis logicam scripsissem, nisi veteris & nouæ coniunctionem hæc tempora postulassent*. diuidit CLAVBERGIVS logicam in partem *geneticam*, quæ mentem humanam ducat ad rectam genesin cogitationum; & *analyticam*, quæ ducat ad analysin cogitationum alienarum. vtramque iterum diuidit: *geneticam* in cogitantem,

quæ doceat, quomodo ipse homo quiduis rite debeat cognoscere; & *loquentem*, quæ dirigat hominem ad alios, ut cum illis de cogitationibus possit communicare; *analyticam* vero in *interpretantem* & *iudicantem*: confer CHRISTIANVM THOMASIVM.¹ hæc Claubergii logica in epitomen sub inscriptione: *logica contracta* redacta est, quæ etiam in operibus eius deprehenditur: nec non anno MDCLXXXVIII. prodiit in lucem: Io. Claubergii *specimen logica Cartesianæ seu modus philosophandi*; ubi certa Cartesianorum veritatem inueniendi via ostenditur & in quibusdam nouæ introductionis in philosophiam aulicam veritas examinatur: studio Pauli Michaëlis Rhegenii, quod scriptum cur dicatur: *Claubergii specimen logica Cartesianæ*, non patet, quum neque Claubergius ipsius sit auctor, nec illius præcepta in breuius compendium contracta exhibeat. ceterum contra illustri THOMASII introductionem in philosophiam aulicam disputatur, cui censuræ autem THOMASIVS solide respondit ac satisfecit.²

PETRVS SYLVANVS REGIS, cuius *cursus integer philosophicus siue systema generale secundum principia Cartesii*, continens doctrinam logicam, metaphysicam, physicam & moralem prodiit Amstelodami ad exemplum Paritinum MDCXCI. 4. constans tribus tomis. in logica ordinem sequitur, qui ad quatuor mentis operationes accommodatus est, quales sunt perceptio, iudi-

¹ Phil. aulic. cap. III. §. 25.
² *Phil. aulic. cap. III. §. 25.*

² *Phil. aulic. cap. III. §. 25.*

cium,

cium, ratiocinatio ac methodus, atque existimat, partem hanc doctrinæ philosophicæ AVCTOREM *artis cogitandi* tam solide tradidisse, ut nulla accessio momenti cuiusdam fieri possit.

AVCTOR *artis cogitandi*, quod opus primum prodiit lingua gallica hac inscriptione: *la logique ou l'art de penser: contenant outre les regles communes, plusieurs observations nouvelles, propres a former le iugement*, ex editione secunda Parisiis MDCLXIII. 12. quam plures aliæ editiones lingua hac subsecutæ sunt, & iam accessionibus auctæ. posthac vero logica hæc translata est in sermonem latinum a variis, cuiusmodi versio edita est Trai. ad Rhenum MDCLXVI. hoc titulo: *logica siue ars dirigendi cogitationes, continens præter regulas vulgares plurima noua, quæ iudicio formando inseruiunt, ex gallico traducta per CORNELIVM ACKERSDYCK.* sed istam valde mendosam esse, obseruat VINCENTIVS PLACCIVS; ¹ ac omnino probabile est, quod ex priori gallica editione minus perfecta fuerit translata. præter hanc adhuc aliæ sunt ornatae editiones latine, Lond. MDCLXXIV. Lugduni Batavor. MDCXCIV. MDCCII. Amstelodam. MDCCVIII. ex quibus, ut de pluribus aliis taceamus, inprimis commemoramus versionem latinam, quæ Halæ Magdeburgicæ anno MDCCIII. & MDCCXVIII. prodiit. auctor illius est IO. CONRAD BRAVN, quæ prioribus

¹ *theatro anonym. p. 603.*

multum

multum præstat, quoniam accessiones editionum gallicarum, in versionibus illis latinis omissæ heic quoque latine sunt additæ. de auctore libri huius disputatum est multum. plerumque Messieurs du PORT ROYAL dicuntur, opus hoc composuisse; quis autem speciatim heic industriam suam locauerit, id non satis apertum est. alii existimant, auctorem logicæ illius esse de TRIGNY, cui debemus *grammaticam generalem*; alii vero putant, opus hoc vindicandum esse ANTONIO ARNALDO, ut illustri LEIBNIZIO litteris ad PLACCIVM conscriptis significauit, quod & publice professus est præfatione ad NIZOLII *antibarbarum*.¹ sunt quoque, qui auctorem libri esse le BON, item NICOLE credunt; in qua sententiarum diuersitate multi nihil definiunt, ac nonnulli obseruant, eum fuisse ex Iansenii discipulis, romanæ ecclesiæ sacris imbutum ac voluisse religionis, quam fuerit secutus, vestigia hoc ipso in libro exstare. præmissæ sunt libro ipsi duæ dissertationes, quarum altera *nouæ huius logicæ conscribendæ consilium explicatur*; altera vero *iis obiectionibus occurritur, quæ contra hanc logicam factæ sunt*. pro diuersis mentis operationibus diuersas logicæ huius partes constituit, quumue illarum præcipue commemoret *apprehensionem, iudicium, discursum & dispositionem*, in quatuor quoque partes librum hunc diuisit, quarum *prima* proponitur doctrina de ideis; *secunda* de iudiciis & propositionibus; *tertia* de

¹ pag. 27.

discursu & ratiocinatione & quarta de methodo. nec negari potest, quod scriptor multa vtilia præcepta dederit, & in magnis tenebris, quibus ars hæc oppressa erat, clarum adtulerit lumen, quibus de causis etiam non mediocri ornatus est laude. PETRVS BÆLIVS¹ adpellat auctorem hunc *un très grand maître dans l'art du raisonnement*; DANIEL GEORGIUS MORHOFIVS² dicit: *quisquis ille (auctor huius logicæ) sit, vir sane doctissimus fuit, plus-que ingenii & iudicii ad hanc rem attulit, quam ceteri nouatores omnes*; GEORGIUS PASCHIVS³ nominat librum hunc *egregium tractatum*, cuius auctorem NICOLE esse censet. præter hos IO. FRANCISCVS BVDDEVS⁴ egregie quoque de hoc scriptore sentit, quando dicit: *procul ab horum errore abest auctor artis cogitandi, qui ubique in omnibus doctrinæ partibus, in omni vitæ genere consuetari verum, fugere errorem, & præceptis & exemplis egregie conducet: & paullo post: sed ut cetera in compendium mittam, laudandum maximopere auctorem censeo, quod tam sollicitè vtilia ab inutilibus, a superuacuis necessaria discernendo, exemplis selectis, iucundis, aptissimis præcepta illustranda, vsui certissimo cuncta accommodando, summa perspicuitate rebus cetera quodammodo obscuris lucem & claritatem affundendo, veri philosophi & prudentis pariter viri nomen impleuerit. nec præter-*

¹ Repens aux quest. d' un Prævinc. t. II. p. 293.
² lib. V. §. 3. ³ de inuentis non-antiq. p. 35.
 artem cogitand.

² polyb. tom.
⁴ præfat. ad

mitten-

mittendum, quod ad ipsam naturam subinde cogitandi modos reuocando, longe felicius ostenderit, quæ sit ratio a recto prauum discernendi, quam ab ullo huc usque factum.

CHRISTIANVS THOMASIVS ¹ iudicat, eo nomine auctorem hunc logicæ cultoribus commendandum esse, quod doctrinam de ideis proposuerit distincte & morbos intellectus, id est præiudicatas opiniones indicauerit. ceterum quamuis præclare in hoc instituto sit versatus; ipsi tamen operi non ita satisfecit, vt omnia essent perfecta nec quidquam posset desiderari. Cartesii sectator fuit, quo studio occupatus multa retinuit, quæ a veritate sunt aliena, quum exempli causa neget, quod omnes ideæ oriantur a sensu. nec discrimen inter ratiocinationem mathematicam & philosophicam obseruauit, multisque exemplis mathematicis, quæ frequentiora adhibuit, obscuriora interdum reddidit præcepta. multi id in eo reprehendunt, quod nimium studium posuerit in multiplicandis figuris syllogismorum, quam censuram non magni esse momenti, censemus. quod si enim auctor veram indolem ratiocinationis tradidisset, & ad illam figuras ac modos syllogismorum legitima ratione adcommodasset; hæc momenta omnino potuissent suppeditare varios modos ex principiis efficiendi conclusiones; at vero reipsa multis parauit viam, qua posthac cultum disciplinæ huius effecerunt meliorem. IO. SPERLETTE ²

¹ Cautel. circ. præc. in præf. cap. X. §. 9.

² Logic. nou. pag. 12.

iudicat, quod IO. CLERICVS & PETRVS SYLVANVS REGIS, ille latino, hic gallico sermone logicas suas ex hoc auctore conscripserint, vt ipsi, quidquid boni in illis deprehendatur, acceptum referendum sit.

ARNOLDVS GEVLINX, qui edidit *logicam fundamentis suis, a quibus hactenus collapsa fuerat, restitutam*, Amstelodam. MDCXCVIII. 12. quæ logica in quatuor partes diuisa est, quarum *prima* agit de affirmatione & negatione deque affectionibus terminorum; *secunda* de enunciationibus earumque affectionibus; *tertia* de argumentis & *quarta* de instrumentis logicis.

REGNERVS A MANSVELT, cui debemus *rectæ ratiocinationis elementa*, quæ prodierunt Lipsiæ & Coburgi MDCXCIX. 12. pars *prima* tractat de distincta cognitione eiusdemque expressione; *secunda* de iudicio; *tertia* de discursu & *quarta* de methodo, qui liber conscriptus est per quæstiones & responsiones.

NICOLAÛS MALEBRANCHIUS, cuius libri *de la recherche de la verité* omnibus, qui vel leuiore industria philosophiam eiusque historiam coluerunt, noti sunt. anno MDCLXXIII. edidit primum volumen huius operis, quod anno MDCLXXIII. secundum & tertium sequebatur. variæ sunt editiones operis huius, siquidem prodiit Amstelodami MDCLXXXVIII. item Parisiis MDCC, quæ editio quinta; & sexta Parisiis MDCCXII. quatuor voluminibus 12. quæ

quæ postrema omnium optima iudicatur. celeberrimus L'ENFANT opus hoc in latinum sermonem transtulit. complectitur sex libros, quorum *primus* de erroribus sensuum; *secundus* de imaginatione, *tertius* de intellectu puro; *quartus* de propensionibus; *quintus* de affectibus animæ & *sextus* de methodo agit. quibus omnibus expositis, additæ sunt quædam illustrationes & responsiones ad proposita dubia, quæ continentur tomo tertio. IO. GEORGIUS PRITIVS scripsit dissertationem de *Malebranchii entusiasmo*; alias autem controversias, quæ in primis inter ipsum & ARNALDVM agitatæ fuerunt, infra historiam doctrinæ de ideis explanaturi commemorabimus. atqui hæc sufficiant de logicis Cartesianorum, quibus adhuc LVDOVICVS de la FORGE, PETRVS IENS aliique addi possunt.

§. XVIII. Nos conuertimus ad virum magni ingenii PETRVM GASSENDVM, cuius merita in artem logicæ non mediocria sunt. scripsit primum opus de *origine & varietate logicæ*, quo historiam disciplinæ huius a prima ipsius ætate vsque ad CARTESII tempora diligenter persecutus est; quod sequitur liber de *logicæ fine*, quo exponit criteria veritatis atque ex antiquis monumentis illustrat historiam scepticismi. præter hos libros ipsi quoque debemus *institutiones logicas*, diuisas in quatuor partes, iuxta vulgarem methodum, quarum prima disserit de *simplici rerum imaginatione*; secunda de *propositione*; tertia de *syllogismo* & quarta de *methodo*, quæ tractandi ratio

ratio a multis obseruata est, qui persuaferunt sibi, quod ad methodum peculiaris intellectus humani facultas sit necessaria. sectator fuit EPICVRI, ad cuius imitationem canones quoque posuit, iisque ea, quæ videbantur vtilia præcepta logicæ, breuiter explanauit. at vero longe grauiora sunt merita, quæ in salutem artis huius contulit, quum contra ARISTOTELEM eiusque assēctas & aduersus CARTESIUM disputauerit grauissime, atque illorum errores confutauerit feliciter, quo factum est, vt multi, qui auctoritate horum virorum capti, facile a via veritatis potuissent aberrare, accuratius in res ipsas atque earum momenta inquirere instituerint. sæpius enim accidit, vt quis in refutandis aliorum opinionibus erroneis multo felicior existat, quam in excogitandis suo studio veritatibus, ac illarum dignitate stabilienda, quum heic interdum affectus cum iudicio sese coniungant. edidit autem GASSENDVS *exercitationes paradoxicas aduersus Aristoteleos*, quibus integram Aristotelis philosophiam censuræ submittit, non instituto vulgari, quum tantum peculiare philosophi huius sententias examinent, nulla ratione habita principiorum, per quæ doctrinæ eius inter se cohærent. etenim libro primo inquit in doctrinam Aristoteleorum vniuerse & ostendit exercitatione

I. quod homines Aristotelei ex germana philosophia sophisticen effecerint :

II. quod immerito Aristotelei libertatem sibi philosophandi ademerint.

III. quod rationes nullæ sint, quibus secta Aristotelis videri potest præferenda.

Tt

III. quod

IIII. quod maxima sit incertitudo librorum doctrinaeque Aristoteleae.

V. quod apud Aristotelem innumera deficiant.

VI. quod apud Aristotelem innumera superfluant.

VII. quod apud Aristotelem innumera fallant.

VIII. quod apud Aristotelem innumera contradicant.

libro autem secundo singulari studio PETRVS GASSENDVS examinat dialecticam Aristoteleorum ac demonstrat exercitatione

I. quod nulla sit necessitas utilitasque dialectica.

II. quod in vniuersalibus seu predicabilibus tradendis varie peccetur.

III. quod inepte categoriae, vt rerum classes distinguuntur.

IIII. quod futiliter multa proponantur de propositionibus.

V. quod demonstratio non exstet, qualis vulgo depingitur.

VI. quod nulla sit scientia & maxime Aristoteleae.

atqui hac ratione opus hoc contra Aristotelem & eius sectatores tam solide & erudite persecutus est, vt ingenii magnitudinem GASSENDI, quæ in eo conspicua est, nunquam satis admirari possimus, ac omnino fateri debeamus, neminem præter GASSENDVM tam grauitè atque accurate aduersus Aristotelem disputasse. optandum esset, vt opus hoc eo consilio atque instituto, quod propositum sibi habebat GASSENDVS, fuisset perductum ad finem.

finem. namque ipsi erat animus, septem libros aduersus Aristotetem eiusque cultores scribere, ac libris tertio, quarto & quinto philosophi huius physicam; sexto metaphysicam & septimo doctrinam moralem accuratius examinare. at vero caussa, cur haud propositum fuerit exsecutus his verbis extremo libri secundi additis indicatur: *si queras, beneuole lector, cur hac exercitatio ad umbilicum perducta non fuerit; curue libri quinque ceteri, quorum praefatio spem facit, non sequantur, scito, commonesactum ab amicis auctorem, stomachari non parum Peripateticos, propter prioris libri editionem, idemque fere argumentum a Francisco Patricio in Peripateticis suis disquisitionibus, quarum tunc primum copia ipsi facta, prius pertractatum; hunc secundum librum ulterius persequi, & absolvere noluisse, ipsumque, ne delibatis quidem aliis, in musæoli sui recessum cum blattis & tineis pugnantiem ab anno MDCXXIV. qualem iam habes, abieciisse atque neglexisse.* DANIEL GEORGIVS MORHOFIVS¹ de his libris minus bene sentit, quum dicat: *meras sane cauillationes in exercitationibus illis deprehendas, dum vel methodum incusat, vel contradictiones aliquas venatur, qualia sunt repertu facillima in omnibus scriptoribus; atque obseruat, quod MICHAEL WATSONIVS, quondam professor academix Kiloniensis reliquerit manu exaratum apologeticum pro Aristotele aduersus has exercitationes.* sed tamen quid mirum, quod illi, qui auctoritate Aristotelica adhuc capti

¹ Polyh. tom. II. lib. I. cap. 11. §. 3.

sunt, GASSENDO, quum tanto philosopho bellum indixerit, eiusque existimationi minus faueant? prodierunt hæ exercitationes seorsim, ac quidem earum liber primus MDCXLIX. 8. & anno MDCLVI. Hag. Comitum; liber vero secundus MDCLIX. 4. etiam inter opera GASSENDI edita Lugduni MDCLVIII. in sex tomos diuisa, quorum tomo tertio p. 95 -- 210. hæ exercitationes existant. idem iudicii acumen quoque prodidit GASSENDVS in disputationibus contra CARTESIVM, cuius *disquisitio metaphysica* opus plane consummatæ eruditionis, quæ in philosophum cadere potest, esse censemus. ipsi adiungimus THOMAM HOBBSIVM, qui etiam composuit logicam sub inscriptione *computationem*, quippe quæ extat inter opera ipsius edita Amstelodami MDCLXVIII. 4. continet logica hæc sex capita, quorum primo disseritur de *philosophia ipsius sine, utilitate, subiecto, partibus*; secundo de *vocabulis*; tertio de *propositione*; quarto de *sylogismo*; quinto de *erratione, falsitate & captionibus* & sexto de *methodo*, quæ omnia proponuntur breuiter, nec singularis sunt dignitatis. tandem heic mentionem facimus THOMAE CAMPANELLE, qui quum seruitutem Aristotelicam ferre non posset, factum est, vt de Aristotelis doctrina dubitare, ipsum philosophum & interpretes eius adgredi atque alia via ad veram philosophiæ cognitionem peruenire instituerit, quam in rem ipse testatur: ¹ *quum doctores mei argumentis satisfacere non pos-*

¹ De libris propriis cap. I. art. I.

sent,

sent, quæ contra ipsorum lectiones promebam; statui ipse libros omnes percurrere Platonis, Plinii, Galeni, Stoicorum & Democriticorum, præcipue vero Telesianos ac cum mundi codice primario conferre, ut ex originali & autographo, quid veri exemplaria habent, & quid falsi, agnoscerem. edidit philosophiam rationalem quatuor partibus, quibus deinde quoque quintam addidit, hisque tradidit logicam, rhetoricam, poëticam, historiographiam & grammaticam. logicæ tres partes constituit definitiuam, enunciatiuam & argumentatiuam, ac plura disseruit subtili ratione, pro ingenii indole, quam vera atque vtilia.

§. XX. Fuerunt quoque, qui præcepta ex principiis mathematicis deduxerunt, istaque exemplis ad mathesin spectantibus illustrarunt, in eam adducti opinionem, quod mathesis optima atque promptissima remedia ad colendum intellectum humanum eumque ad veritatis cognitionem aptum reddendum adferat. atqui certo modo locum heic merito tenent CARTESIVS & eius sectatores, de quibus bene dicit IO. FRANCISCVS BVDDVS: ¹ *sed quia Cartesius in physica fere tantum, non autem in reliquis doctrinæ partibus emendandis ingenii sui vires periclitari voluit, discipuli eius magistri exemplo ceterarum fere rerum rudes & imperiti tantum ad naturalem doctrinam atque mathesin (modo & ad hanc) animum adiecerunt: parumque absuit, quin & ipsi in eam ingrederentur sententiam & alios inducerent, has demum doctrinæ partes dignas*

¹ *Præf. ad artem cogitandi.*

*esse, in quibus veri & falsi confinium discernere-
tur. præter hos heic pertinent:*

ERHARDVS WEIGELIVS, cuius opera
prodiit *analysis Aristotelica ex Euclide resti-
tuta, genuinum sciendi modum & nativam
restaurata philosophiæ faciem per omnes di-
sciplinas & facultates ichnographice depin-
gens*, len. MDCLVIII. 4. quod opus diui-
sum est in tres sectiones, quarum prima agit
de *definitione & subiecto demonstrationis*;
secunda de *principiis demonstratiuis* & ter-
tia de *praxi demonstratiua*, quæ complecti-
tur duo membra, quorum alterum de *praxi
demonstrationum simplicium*; alterum ve-
ro de *praxi demonstrationum coniunctarum*
differit.

EHRENFRIED WALTHER & TSCHIRN-
HAYS, cuius studio prædiit *medicina men-
tis* cum medicina corporis Amstelædami
MDCLXXXVII. & Lipsiæ MDCXCV. quæ
posterior editio priore auctior est. illustri
auctori fuit propositum, tradere scientiam
generalem, qua quis probe instructus omne
incognitum, quod assequi potest suis viri-
bus intellectus humanus, certa & constanti
methodo inueniat. quam scientiam genui-
nam esse philosophiam censet, cuius munus
sit, non solum mortalium morbos & animæ
& corporis ostendere; sed & illis adhibere
remedia. prima parte demonstrare ela-
borat, quod in studio cognoscendæ verita-
tis posita sit omnium maxima hominum fe-
licitas; parte secunda vero tradit ipsam me-
thodum veritatem inuestigandi, his inni-
xam fundamentis, quorum certitudinem
quis-

quisque in se ipso per experientiam possit explorare; 1) *se variarum rerum conscium esse*, quod principium primum & generale nostræ cognitionis sit; 2) *se bene a quibusdam, a quibusdam male affici*, quod principium sit cognitionis boni & mali; 3) *quædam a se posse concipi*, siue cogitatione apprehendi; *quædam autem a se nullo modo posse concipi*, quod principium sit primum verum a falso discernendi; 4) *se varia sensuum externorum itemque imaginum internarum & passionum ope aduertere*, quod principium sit primum, vnde omnia, quæ experientiæ debeamus, emanent. quibus expositis, fuse tradit methodum mathematicam, etiam attingit impedimenta, quæ inquisitionem veritatis perturbant, ac tandem parte tertia commendat studia matheseos & physicæ. cuiusmodi summam, quamvis copiosius libri huius exhibent AVCTORES *afforum eruditorum* ¹ & DANIEL GEORGIVS MORHOFIVS. ² censor ipsius extitit, isque grauissimus illustris CHRISTIANVS THOMASIVS, ³ quamvis ingenue fateatur, quod liber hic effecerit occasionem, accuratius de cognitione veritatis acquirenda meditandi, id inprimis in TSCHIRNHAVSIO reprehendit ANDREAS RVDIGER, ⁴ quod ratiocinationem mathematicam perturbauerit cum philosophica, atque existimauerit per integrum librum erronea opinione, quod veritas philosophica

¹ Ann. 1695. p. 230. ² polyh. litter. lib. II. cap. 7. §. 25.

³ in Monat - Gespr. 1688. mens. mart. ⁴ de sensu veri & falsi lib. II. c. 4. §. 7. §. 99.

eodem modo cognoscatur ac mathematica. atqui hoc est princeps momentum, quo integrum opus nititur.

GOTTFRIED GVILIELMVS LEIBNIZIVS, cuius observatio de *cognitione, veritate & ideis* deprehenditur *actis eruditorum*.¹ existimat hic illustris vir, quod cognitio sit vel obscura vel clara; clara vel confusa vel distincta; distincta vel inadæquata vel adæquata; item vel symbolica, vel intuitiva. *obscura* sit notio; quæ non sufficiat ad rem repræsentatam agnoscendam; *clara* vero, quum habeam, vnde rem repræsentatam agnoscere possim, quæ rursus sit vel confusa, vel distincta. *confusa*, quum non possim notas ad rem ab aliis discernendam sufficientes separatim enumerare, licet res illa tales notas atque requisita reuera habeat, in quæ notio eius resolui possit: ita colores, odores, sapes aliaque peculiaria sensuum obiecta satis clare quidem agnoscamus & a se inuicem discernamus, sed simplici sensuum testimonio, non vero notis enuntiabilibus. at *distincta notio* sit, qualem de auro habeant docimastæ, per notas scilicet & examina sufficientia ad rem ab aliis omnibus corporibus similibus discernendam. in notionibus autem compositis, quia rursus notæ singulæ componentes interdum clare quidem; sed tamen confuse cognitæ sunt, vt grauitas, color, aqua fortis aliaque, quæ auri notas ingrediantur, hinc talis cognitio auri licet distincta sit, *inadæquata* sit tamen, cum vero id omne, quod notitiam distin-

¹ Ann. 1684. p. 537.

etiam ingrediatur, rursus distincte cognitum sit, seu cum analysis ad finem vsque producta habeatur, cognitio sit *adequata*. hisce traditis iudicat LEIBNITZIVS de dignitate argumenti pro existentia dei ab ipsius idea deducti, etiam extremo attingit controuersiam: num omnia videamus in deo?

CHRISTIANVS WOLFFIVS, celeberrimus Halensium mathematicus, qui an. MDCCXIII. lingua teutonica edidit logicam hac inscriptione: *vernünftige Gedancken von den Kräfften des menschlichen verstands vnd ihrem richtigen Gebrauche in Erkentnis der wahrheit*. opus hoc, quod plane mathematicis principiis superstructum est, continet capita quinque & decem, quorum primum disserit de *ideis*; secundum de *usu vocum*; tertium de *propositionibus*; quartum de *experientia*; quintum de *inventione propositionum ex definitionibus*; sextum de *rationatione*; septimum de *scientia, fide, opinionibus & erroribus*; octauum de *explorandis & propriis & aliorum facultatibus intellectus*, num sufficiant ad veritatem erudendam; nonum de *diiudicandis & suis & aliorum inventionibus*; decimum de *scriptis diiudicandis*, quæ & alia capita de ratione cum fructu libros legendi, de interpretatione scripturarum diuinarum; de arte disputandi, cetera, subsequuntur.

atqui multi tantam dignitatem habuerunt mathesi, ac speciatim geometriæ & algebræ, vt in eam ingressi sint sententiam, quod disciplinæ hæc promptissima remedia ad intellectum perficiendum adferant; ita vt per studium hoc ad

conceptus mentis, qui cum rebus materiæ nihil habeant commune, formandos apte ac digne fingeretur. ad hæc plenior animi consensione sibi persuadent, quod ratio cognoscendi veritates a mathematicis obseruata tam præclare se habeat, vt præcepta logicæ, quæ ex fonte matheseos hauriantur, maxime sint solida ac firma. varii quidem fuerunt, qui mathematicis nonnulla opposuerunt, ex quibus posset cognosci, quod eorum methodus non plane consummatæ perfectionis sit, nec ita comparata, vt ad omnia veritatum genera, in quibus cognoscendis noster intellectus versatur, possit adplicari, quo spectant HENRICVS CORNELIVS AGRIPPA, ¹ BAGO de VERVLAMIO, ² IO. CLERICVS, ³ & ipse AVCTOR *artis cogitandi*, ⁴ quorum adulationes ac dubia remouere; matheseos autem dignitatem tueri, instituit IO. FRIDERICVS WEIDLERVS. ⁵ inter recentissimos, qui contra matheseos insignem auctoritatem ac vniuersalem vtilitatem, quam multi produnt, disputarunt, est illustris CHRISTIANVS THOMASIVS; ⁶ & IO. FRANCISCVS BVDDEVS ⁷ hac de re ita iudicat: *at quod per mathesin intellectum tam insigniter perfici, vt ad eam solam tandem res redeat, dicunt, id vero cum grano salis accipiendum puto. non abnuo, posse algebræ & geometriæ studio ita subigi velut ingenia, vt per illud ad conceptus quosdam sublimiores & cum rebus corporeis nihil commune habentes, formandos longe reddantur*

¹ de vanitate scientiarum cap. XI. ² de dignitate & augmentis scientiarum lib. III. cap. 6. ³ logic. part. III. c. 12.

⁴ part. III. cap. 4. seqq.

⁵ in disput. de vindiciis mathematicarum.

⁶ cautel. circa præcogn. usurp. c. XI.

⁷ præfat. artis cogitandi. promtio-

*promptiora. hoc autem, si recte ponamus calculum, quantumcunque est, non tam algebrae aut geometriæ, quam exercitationi est tribuendum, mirificeque meam confirmat sententiam, exercitationem utramque in rationali philosophia facere paginam. nemo autem grauius aduersus methodum mathematicam disputauit, quam ANDREAS RVDIGER, quippe qui obseruauit, mathesin & philosophiam diuersas esse disciplinas, ita ut in his diuersa quoque ratio veritates cognoscendi locum teneat, & alia sit veritas mathematica; alia philosophica, hincque duplex esse debeat logica, alia mathematica; alia philosophica, cuius diuersitatis fundamentum deducit inprimis a diuerso obiecto matheseos & philosophiæ. alii heic monent, quod controuersia hæc facile possit componi, si modo ratio methodi mathematicæ recte intelligatur. nam ista haud diuidenda sit ex obiecto matheseos, quasi tantum propria sit rebus quantitatum; sed sit methodus quædam generalis inueniendi veritatem, quæ ad varia obiecta possit adplicari, ac pro diuersitate obiectorum diuersa ratione debeat adcommodari, ut adeo adpellatio, quod dicatur *mathematica*, non ab ipsa mathesi eiusque obiecto; sed vsu ipsius frequentiori apud mathematicos sit deriuanda.*

§. XXI. Peruenimus ad 10. LOCKIVM, summum logicæ auctorem, quippe qui insignem existimationem ac dignitatem comparauit sibi, ex quo opus de *intellectu humano* in incrementa artis cogitari publico tradidit vsui. nobis largissima esset copia, de libro hoc differendi, atque ex monumentis historiæ litte-

litterariis fata eius commemorandi verbosius; nisi tale institutum a proposita dissertationis nostræ ratione alienum esse iudicaremus, etiam clarissimus IO. GOTTLIEB KRAVSIUS¹ argumentum vberius explicandum illustrandumque sibi elegisset. quapropter id tantum observamus, quod LOCKIUS, antequam ipsum opus in publicam emitteret lucem, recensione illius fecerit, istamque ope IO. CLERICI in gallicum sermonem transferendam & *bibliotheca vniuersali*, diario gallico² edendam curauerit. quod quum factum esset, anno MDCXC. ipse liber prodiit Londini in fol. sub hac inscriptione: *an essay concerning humane vnderstanding, in four Books*, id est, *tentamen circa cognitionem humanam, quatuor libris comprehensum*. quid autem occasionem dederit, talem librum conscribendi atque accuratius vires intellectus humani explorandi, ipse indicat præfatione his verbis: *si tibi exponere haud ridiculum esset, quid tentamini huic scribendo occasionem primum dederit, dicerem equidem quinque aut sex amicos meum apud museum conuenientes, & rem tractantes huic valde absimilem, in difficiles se nodos incidisse. statim deprehenderunt, quos soluere neutiquam poterant. cum nos post multum super eare & perplexum valde sermonem implicati adhuc erroribus essemus, in cogitationem hanc incidi (quam cum iis statim communicavi) rectam nos haud methodum inuenisse; verum oportuisse, vt priusquam eiusmodi disputationes ingrederemur, vires expenderemus animorum*

¹ in Bucher-histor. t. I. p. 1. & tom. II. p. 206.
² P. 49. seqq.

2 tom. VIII.

nostrorum & videremus, quibus disquisitionibus pares, quibus impares sint. annuere omnes & inter nos conuentum est, vt prima hæc inquisitio esset. præpropæra quedam & incompõsita cogitata, quorum argumentum nouum prorsus erat, & quæ in proximum nostrum conuentum scriptis ego tradidi, tentamini huic ortum dederè: quod casu hoc modo inceptum aliorum rogatu, horis subsæciuis carptim & per interualla in maius auxi & tandem solitudinem nactus, quam incommoda valetudo desiderauit, ad eam, qua nunc est, molem redegei. cuius primæ editionis exempla breui temporis spatio distrahebantur, ita vt LOCKIUS de noua sollicitum esse necesse haberet, quæ etiam auctior atque emendatior anno MDCXCIII. prodiiit, siquidem nouum caput de *identitate & diuersitate* adiciebat. anno MDCXCV. tertia editio facta est nullis accessionibus aucta, quibus autem quarta MDCXCIX. ornata fuit atque amplificata, dum caput XXXIII. libri secundi de *idearum consociatione*; & caput XVIII. libri quarti de *enthusiasmo* addidit. atqui hæ sunt editiones, quibus ornandis ipse LOCKIUS operam dedit. at vero post fata illius vltima, quæ anno reparatæ salutis nostræ MDCCIII. euenerunt, quinta editio obseruationibus quibusdam, quas manu sua LOCKIUS adnotauerat, illustrata anno MDCCVI. in lucem emissæ est publicæ, quumue MDCCXIII. omnia monimenta LOCKII cura & studio KINGII, cui *historiam symboli apostolici* debemus, collecta & coniuncta ederentur, opus hoc de *intellectu humano* primum obtinuit locum. præter has multiplices editiones libri huius

huius institutæ quoque sunt versiones, ex quibus haud obscure possumus colligere, quantum dignitatem ac quantum pretium operi huic habuerint philosophiæ cultores. sic PETER COSTE id in gallicum sermonem transtulit, quo labore functus est, singulari fide atque ingenio rerum philosophicarum maxime perito, quam versionem, quæ Amstelædami MDCC. prodiit, vel eo nomine magnifacere decet, quod istam LOCKIUS, antequam publico vsui tradebatur, curatius perlustrauit ac effecit, vt omnia bene ac recte exponerentur. opus autem latinæ versionis tardius, quam multi optabant, prodibat in publicum aliorum conspectum, id quod ex penuria magna illorum eueniebat, qui & philosophiæ litteris fatis culti, LOCKII opiniones accurate adsequi, easque recte intellectas latine eleganter ac bene poterant exprimere. tandem vero spes adfulgebat, fore vt expectatio diuturni desiderii, quo multi tenebantur, expleatur, quum BVRIDGE operæ huic admoueret manus, ac versionem latinam anno MDCCI. orbi traderet erudito, hac inscriptione: *de intellectu humano. in quatuor libris. auctore IO. LOCKIO, armigero. editio quarta aucta & emendata & nunc primum latine reddita, Londini MDCCI. fol.* quæ versio latina multo inferior est gallica, siquidem auctor interdum ab opinione LOCKII aberrauit, multaue dixit obscure, quæ facile potuissent emendari, si LOCKIUS eadem industria, quam in gallicam contulit, hanc latinam voluisset perlegere. iuxta hoc exemplum noua editio Lipsiæ MDCCIX. 8. facta est, quæ a vitiiis operarum

n exemplo Londinenſi occurrentibus ſummo
 tudio purgata quidem traditur; ſed multis
 aliis erratis iisque nouis corrupta prodiit.
 quum autem nonnulli exiſtimarent, conſul-
 tum eſſe, opus hoc LOCKII in breuius con-
 trahere ac redigere, in illorum præcipue gra-
 tiam, quibus id integrum perlegendi, haud
 data ſit facultas; WYNNE compendium or-
 nauit atque anno MDCXCVI. edidit, quippe
 quod BOSSET gallice reddidit tanta induſtria
 ac fide, vt in verſione hac nihil poſſit deſide-
 rari. ipſum opus LOCKII de *intellectu hu-
 mano* quatuor abſoluitur libris, quorum *primo*
 oſtendit LOCKIUS, quod nulla principia no-
 bis naturæ munere innata ſint; *ſecundo* agit de
 idearum origine, natura, variis ſpeciebus;
tertio de orto ex ideis ſermone, vocum, ter-
 minorumque proprietate & affectionibus;
quarto de cognitione humana, diuerſis eius
 gradibus, de veritate, probabilitate, ratione,
 fide & aliis argumentis, quæ huc pertinent.
 non eſt, quod momenta libri huius copioſe re-
 cenſeamus aut ipſius dignitatem multum præ-
 dicemus, quoniam vtrumque cultoribus phi-
 loſophiæ genuinæ haud obſcurum eſſe poteſt.
 ex quo LOCKIUS fetum hunc ingenii excluſit,
 multi omnino iique grauiffimi viri inde colle-
 gerunt merito; ipſum hominem eſſe maxime
 acutum, ac iudicarunt, egregia eum dixiſſe,
 quibus doctrina hæc de intellectu humano
 præclare augeatur, ornetur ac in maius melius-
 que promoueatur. nec negari poteſt, ſi rem
 ipſam inſpiciamus penitus, illum de ratione
 intellectus noſtri, ipſius viribus, variis cogi-
 tandi modis diſputaſſe grauiter ac meditatio-
 nibus,

nibus, nulla aliorum auctoritate captum scrutatum fuisse summo labore argumenta hæc. at vero non omnia plane perfecta sunt, quæ præstitit LOCKIUS, ac siue res ipsas, siue tractandi rationem respiciamus, deprehendimus, quæ emendari ac meliora fieri possunt. nam quod ad res ipsas adinet, ea, quæ tradidit, nimis sunt generalia & a vero logicæ fine longe absunt, qui quo specialiora sunt præcepta, eo facilius potest obtineri, id quod saltem ex hoc intelligi potest, quod de variis modis ratiocinandi, deque variis probabilitatis speciebus nihil præceperit. adhuc multa argumenta persecutus est copiose, quæ non singularem vim ad veritatem cognoscendum adferunt, ut de ipsius opinione, de principiis innatis ac de discrimine inter intellectum & voluntatem, item de libertate voluntatis taceamus, quæ quam sana sit ac veritati consentanea, iam alii eruditissimi viri exposuerunt. nec modus, quem in explanandis argumentis hisce observavit, vitiis caret, dum partim multa, quæ iam dicta fuerant, repetiit, eaque, quæ breviter dicenda, verbose proposuit, id quod lectoribus efficit tædia; partim vero præcepta haud illustravit per clara exempla, horumque neglectu ista reliquit obscuriora. sed tantum abest, ut iniquus censor LOCKIUS existam, ut ipsius merita, quæ nunquam satis mirari ac laudare possumus, prout decet, magnificiam. quapropter talis censura per studium veritatis semper observandæ instituitur, ita ut modestiæ rationem habeamus, nec virum quemdam, qui tam præclara, tam utilia effecit, perstringamus, sed potius propter ingenii humani indolem,

indolem, quod nihil consummata & perfectæ virtutis producere potest, excusamus. in *opusculis posthumis* LOCKII reperitur quoque scriptum quoddam huius inscriptionis: *recueil de remarques touchant la conduite de l'esprit, dans la recherche de la verité.*

§. XXII. Ex quo CARTESII sectatores, ac præcipue AUCTOR *artis cogitandi* ac IÖ. LOCKIUS, qui CARTESIVM haud secutus est, disciplinæ logicæ emendandæ atque ornandæ operam dederunt, magnus omnino illorum prouentus extitit, qui compendia logicarum scripserunt, ea, quæ ab illis bene erant tradita, retinuerunt, nouis auxerunt accessionibus ac diuersis proposuerunt modis. minus nobis est propositum, omnes huiusmodi scriptores recensere; sed tantum partim principes eorum, partim recentissimos commemorare. atqui huc pertinent

CHRISTIANVS WEISIUS, qui præter monumenta artis oratoriæ, libros quoque philosophiæ composuit & in illis varia scripta logica, cuiusmodi sunt dissertationes de *curiosis logicis*, Zittau. MDCLXXVIII. item de *logica nobilium & politicorum*, ibid. MDCLXXXVII. nec non *doctrina logica*, Zittau. MDCLXXXI. 8. Lipsiæ MDCXCV. & MDCXCIX. *nucleus logicæ* MDCXCI. ac *curiöse fragen über die logic*, Lipsiæ MDCXCVI. & MDCC. 8. equidem libri hî tantæ dignitatis non sunt, vt inde solida ac vera præcepta de sensu veri & falsi consequendo possint hauriri; per rationem autem temporis, quo istos WEISIUS, qui &

Uu doctrina-

doctrinas Peripateticas perspicue ac distincte poterat tradere, composuit, laudem quandam merito illis adtribuere debemus. GOTTLIEB GERHARDVS TITIVS in arte cogitandi multa aduersus WEISIVM disputauit.

SAMVEL GROSSER, cui duplicem logicam debemus: altera latine scripta hanc inscriptionem præ se habet: *Pharus intellectus siue logica electiua methodo neo-veterum præceptis & sanæ rationis vsui sano congrua ad captum iuuentutis scholastica digesta*, Lipsiæ ann. MDCXCVII. quæue MDCCIII. MDCCX. MDCCXIII. noua facie prodiit. altera teutonico sermone composita est, quamue auctor ita inscripsit: *gründliche anweisung zur logica vor adliche oder andre iunge leute, die sich ibres standes oder künfftigen profession wegen nicht in alle tieffsinnige subtilitäten stecken können, in deutlichen fragen vnd richtigen antworten vorgetragen*, Görlic. MDCCIII. 8. & MDCCXXI. præter hæc monimenta etiam huc referri potest ipsius *introductio ad eruditionem solidam*, teutonice scripta, quippe qua per modum dialogi præcepta omnis philosophicæ doctrinæ adeoque etiam logicæ exhibet.

10. CLERICVS, vir magni nominis, cui litteræ philosophicæ multum omnino debent. primum scripsit *logicam, ontologiam & pneumatologiam*, quæ editæ sunt MDCXCII. Amstelædami, & *logicam* consecrauit ROBERTO BOYLEO, quamuis hic fato functus fuerit, antequam exemplum hoc ad ipsum

ipsum perferretur; cetera autem duo opera, *ontologia* quippe & *pneumatologiam* IO. LOCKE, cui posthac tria hæc inscripsit anno MDCXCVII. quum iterum ederentur. atqui hac secunda editione adiecit THOMAE STANLEII *historiam philosophiæ orientalis*, quam anno MDCC. ex anglica lingua translata seorsim ediderat notisque atque indice philologico auxerat. anno MDCXCV. edendam quoque seorsim curauit *physicam*, quæ duabus sequentibus editionibus partem tertiam & quartam operum philosophicorum absoluit, quorum quarta Batava, quæ prodiit anno MDCCX. omnium est optima & quod ad res ipsas attinet, amplissima. nam quamvis opera hæc philosophica anno MDCCX. Lipsiæ ornata præfatione, qua de vita & scriptis CLERICI disseritur, cura GOTTL. FRID. IENICHEN in lucem sint edita; paullo post tamen, anno quippe MDCCXI. prodiit opusculum de vita & operibus IO. CLERICI, ipsius operibus philosophicis subiiciendum, quo multo curatius & copiosius fata ac merita celeberrimi viri huius recensentur, quam præfatione, quæ editioni Lipsiensi præmissa est, quæ omnia eo nomine obseruamus, ut inde noticia de variis editionibus logicæ huius possit hauriri. quod autem ad logicam ipsam pertinet, ipsius elegans præfatio disserit de *origine, natura, usu & diuisione logices*; ac ipsum opus continet quatuor partes, quarum *prima* de ideis; *secunda* de iudiciis; *tertia* de methodo ac *quarta* de argumentatione agit. quod vsus

fuerit aliena opera in hoc logicæ opere conscribendo, ipse aperte fateatur, præsertim dedicatione ad LOCKIUM, cui se multum debere, grata agnoscit mente, quando dicit: *quum maxime vsui tua mihi scripta fuerint hæc scribenti, & facem in obscurissimis questionibus saepe prætulerint; fateri in limine huius opellæ, per quem profecissem ingenui, vt ille ait, pudoris esse duxi. molienti mihi opuscula, quibus studiosæ iuuentuti ad philosophiæ cognitionem via sterneretur, nihil commodius ac felicius accidere potuit aurei tui operis lectione: vnde innumeras in rem meam eximias obseruationes deriuare poteram. multa itaque hic videbis, quæ tibi deberi senties & nos ultro profitemur.* ac præfatione ad lectorem dicit: *ne in ingenuitatem peccemus ingratiue animi peccatum admittamus, eximio libro anglice scripto, cui tentamen de intellectu modestissimus, idemque acutissimus scriptor IO. LOCKIVS titulum fecit, plurima nos debere profitebimur.* quapropter non videmus, cur P. BUFFIER, ¹ minus honorifice sentiat de logica CLERICI atque affirmet, quod omnia hauserit ex LOCKIO eiusque præcepta tradiderit breuiora. nam quamuis negari haud possit, quod CLERICVS multa LOCKIO, nonnulla quoque AVCTORI artis cogitandi & MALEBRANCHIO debeat; vbique tamen partes philosophi, qui sectatur philosophiam eclecticam, expleuit, siue auctores, qui ipsi fuerunt adiumento; siue res ipsas; siue scribendi modum respiciamus. inge-

¹ *princ. du raisonnement, p. 453.*

nue professus est, quod multa ex aliorum scriptis deriuauerit; multaue momenta, ab aliis aut silentio transmissa; aut leuiore pertractata industria diligenter est persecutus, vt patet ex doctrina de *methodo disputandi Socratica* item dissertatione elegantissima addita de *argumento theologico ab inuidia ducto*. quid? quod tale obseruauit scribendi genus, quod perspicuum est, quam in rem bene CHRISTIANVS THOMASIVS¹ dicit: *Clericus Lockii doctrinas utilissimas ex specimine eius de intellectu multo clarius proponit, quam ipse celeberrimus auctor*. recte enim CLERICVS censet, quod elegans ac perspicua scribendi forma magnum decus afferat philosopho, qui etiam, vt scriptor vitæ ipsius² testatur, *si quid noui didicit ab aliis, continuo emendauit, quæ plus, quam oportebat, dicta videbantur, vel sua inde auxit; si quid minus recte expressum fuerat, id melius exprimere conatus est. quæ in re perspicuitatem potissimum spectauit, nec stili elegantiam captauit, nisi quia veterum latinorum constans ac certa dictio scholastica incerta ac varia proxime præteritorum seculorum multo clarior est. ceteroqui voces omnes & loquutiones vsu consecratas adhibuit nec mutandas censuit, cum nullæ aliæ æque perspicuæ in antiquiore lingua latina essent*. obseruari quoque decet, quod CLERICVS editioni tertiæ ac quartæ præmiserit præfationem, qua quorundam opinionem, qui volebant mathematicas disciplinas logicæ loco esse oportere nec logica vlla

¹ cautel circa præf. c. X. §. 13. ² p. 69.

opuseffe, confutauit. SEBASTIANVS EDZARDVS edidit *examen logica Io. Clerici*, Hamburg. MDCXCIX, quod autem non magni ponderis est.

CHRISTIANVS THOMASIVS, vir illustris ac de philosophia maxime meritus, qui etiam hanc disciplinam purgauit, auxit atque ornauit. edidit enim *introductionem ad philosophiam aulicam, seu lineas primas libri de prudentia cogitandi & ratiocinandi, ubi ostenditur media inter præiudicia Cartesianorum & ineptias Peripateticorum veritatem inueniendi via*, Lipsiæ MDCLXXXVIII. & Hal. MDCCII. 8. complectitur opus XVI. capita, quorum 1) de philosophorum sectis; 2) de philosophia in genere, 3) de homine & humanæ mentis essentia; 4) de prudentia cogitandi & ratiocinandi, 5) de veritate & eius criteriis, 6) de præiudiciis veritatis inquisitionem impredientibus eorumque extirpatione & primis cognoscendi principiis; 7) de obiecto ratiocinationis, 8) de modis ratiocinandi, 9) de mediis ratiocinandi, 10) de methodo & ordine ratiocinandi, 11) de prudentia meditandi, 12) de prudentia cogitata proponendi 13) de prudentia aliorum mentem intelligendi, 14) de prudentia iudicandi, 15) de prudentia contradicendi, 16) de pædantismo disseritur, extremo addita est VLRICI HUBERI elegans oratio de *pædantismo*. multa proposuit THOMASIVS, quæ historiam philosophiæ ac speciatim logicæ illustrent, atque nugas scholasticorum & errores Cartesii eiusque sectatorum reiecit & confutauit.

quibus

quibus de caussis haud mirum, quod pro ratione ætatis illius, quum libertas cogitandi magnis tenebris adhuc esset oppressa, multorum odium atque inuidiam sibi contraxerit, præsertim quoniam aduersus philosophiam christianam, quæ tum Lipsiæ a quibusdam magni habebatur, quoque disputauit. duo fuerunt, qui aduersus aduersiones THOMASII dignitatem philosophiæ Cartesii tueri voluerunt, quorum alter est PAUL MICHAEL RHEGENIVS, qui edidit: *Io. Claubergii specimen logicæ Cartesianæ, seu modum philosophandi, ubi certa Cartesianorum veritates inueniendi via ostenditur, & in quibusdam nouæ introductionis in philosophiam aulicam veritas examinatur*, MDCLXXXVIII. alter vero est REALIS de VIENNA, siue GABRIEL WÄGNER, qui protulit in lucem: *discursus & dubia in Chr. Thomasi introd. ad philosophiam aulicam, in quibus de natura & constitutione philosophiæ differitur, de ratione studiorum iudicatur & in quo consistat vera sapientia, ostenditur*, Ratisb. MDCXCI. 8. de priori disserit THOMASIVS præfatione introductionis ad philosophiam rationalem; posterior autem, cuius ingenium verioris philosophiæ ac logicæ haud capax & animus ab omni modestia remotus, nulla responsione dignus merito habetur. anno MDCCX. hæc *introductio ad philosophiam aulicam* germanice prodiit, quanquam versio hæc nec elegans est nec satis accurata. GOTTLIEB GERHARD TITIVS arte co-

gitandi ¹ varia quoque aduersus hanc introductionem dixit. præter istam edidit THOMASIVS *Einleitung zu der vernunftlehre*, item *Ausübung der vernunftlehre*, Hal. MDCXCI. MDCXCIX. MDCCV. MDCCXI. 8. qui libri latine quoque sub inscriptione: *introductio ad logicam, praxis logices*, Hal. MDCXCIV. prodierunt. atqui hæc logica plane aliena est a nugis scholasticis, veriore ostendit viam perueniendi ad sensum veri & falsi satisque declarat, quod illustris THOMASIVS multam operam dederit meditandi studiis, nullius philosophi, ne ipsius celeberrimi patris auctoritate occupatus. quod si rationem temporis illius accurate cogitemus animo, atque expendamus, quæ philosophiæ facies, quæ illius fortuna fuerit in natione nostra germana, non possumus, quin THOMASIO summas habeamus gratias ac merita hac in re veneremur, quod primus fortiter philosophiæ Aristotelicæ ac Cartesianæ earumque progressui obuiam iuerit, ac primus viam demonstraerit, ex philosophica seruitute euergendi sibiue restituendi veram atque antiquam libertatem cogitandi.

PETRVS POIRET, qui edidit *veram methodum inueniendi verum*, diuisam in tres partes. *prima* exhibet sex methodi ad veritatem leges, quarum sit prima, *ad veritatem detegendam ordinem seruandum esse*; *secunda*, *mentem sinceram esse debere*; *tertia*, *quemlibet debere incipere a se & in se ipso*; *quarta agnoscendam esse unicuique corru-*

cap. XVIII.

ptionem

ptionem suam; quinta, sanationem mediis aptis esse nunc quidem ante omnia quærendam; sexta, mentem ad incolumitatem recipiendam, agnita & deplorata aegritudine, impotentiaque sua, abstinere debere ac quiescere ab actibus intellectus sui, quem offert Deo passivum, solo desiderio sanitatis a Deo impetranda agentem, nec non firmiter decernentem se in posterum, si restituta fuerit, non recturam amplius facultates suas ad placitum proprium; sed ad voluntatem entis summi iuxta ordinem & proportionem, quæ debeat esse aterna inter & caduca, spiritualia & corpora, interna & superficiaria, necessaria & accessoria, realia & umbratilia, diuina Dei placita & pessima proprii amoris se pro scopo statuentis cupita. pars secunda exhibet varias quæstiones & difficultates de intellectus impotentia, quiete, passiuitate, de Dei in illo actione & lumine deque eius statu diuiniori & medio ad illum proximo; pars tertia ostendit, ob neglectum superiorum regularum Cartesium cum suis in multa incidisse errata. hæc methodus inueniendi verum præmissa est POIRETI libris de eruditione triplici, qui auctiores prodierunt Amstelæd. MDCCVII.

4. POIRET est philosophus mysticus, qui trinitatis clarissimam imaginem in mente humana quærit atque existimat, quod nulla alia sit via ad sapientiam, quam diuina illuminatio. nec negari potest, quod ipse complexus doctrinarum POIRET optime inter se cohæreat, ita ut positis ipsius principiis, omnia inde veluti conclusiones recte

efficiantur. quibus de causis ille, qui cupiditate tenetur, doctrinas eius bene intelligendi, necesse habet, integrum systema diligenter atque accurate sæpius perlegere atque animum semper ad principia advertere. quod quum perpauci obseruauerint, haud mirum est, quod multi in confutandis POIRETI opinionibus feliciori destituti fuerint successu, quod non fieri potest, nisi principales opiniones solide destruantur, quæ quum sint ab omni ratione alienæ ac viam parant ad entusiasmum, merito reijciuntur. atqui ex his facile colligi potest, quod pretium ipsius *methodo inueniendi verum* sit habendum, quæ eam tantum lectoribus adfert vtilitatem, vt inde varios errores cognoscant. aduersus POIRET disputauit GOTTLIEB GERH. TITIVS, contra quem defensionem adiecit dictæ editioni librorum de *triplici eruditione*, quæ omnino magis digna est oratore sacro, quam genuino ac germano philosopho.

10. FRANCISCUS BVDDEVS, qui vir summe venerandus edidit *elementa philosophiæ instrumentalis*, anno MDCCIII. quorum editio secunda MDCCVI. tertia MDCCIX. quarta MDCCXII. & post hac adhuc aliæ prodierunt. continent hæc elementa quatuor partes, quarum prima de *ratione inueniendi verum*; secunda de *ratione veritatem ex aliorum scriptis eruendi*; tertia de *ratione veritatem cum aliis communicandi* & quarta de *notitia terminorum philosophi-*

1 arte cogit. c. XIX. §. 26. sqq.

corum agit. sic prima pars speciatim logicam complectitur, quæ methodo medica, quam & in aliis disciplinis philosophicis servavit, conscripta est. præcepta illius germanice proposuit MARTIN MVSIG parte prima *des Lichts der Weißheit*; & anno MDCCXV. IACOBVS GVILIELMVS FEVERLINVS edidit *medicinam intellectus sine logicam e venerandi Buddei logica suisque in eam prælectionibus academicis in theses breues redactam*. nec est quod copiose merita venerandi BVDDÆI in philosophiam commemoremus, de quibus vel ipse applausus, quem monumenta ipsius philosophica, quæ in plerisque academiis recitationibus explicantur, satis testari potest. venit quidem logica in varias reprehensiones iis de causis, quod venerandus BVDDÆVS sua hauserit ex CLERICO, nec auctores, qui ipsi opem tulerunt, nominauerit, cuiusmodi accusatio sane nullius est momenti, nec pectus ingenuum & a pravorum affectuum sensu alienum decet. non solum ex CLERICO; sed aliis quoque, AVCTORE *artis cogitandi*, LOCKIO, THOMASIO, TITIO ea, quæ veritati consentanea esse deprehendit, deriuavit pro munere illius philosophi, qui eclecticam sequitur philosophiam. quando enim philosophus apud alios quædam deprehendit, quæ vera, etiam necessaria esse sentit; non potest non illa in librum suum transferre, quoniam vna tantum est veritas; quæ autem non ab aliorum auctoritate; sed propria sensatione dependet. qua propter talis philo-

losophus eo ipso præclare suo fungitur munere, quum ex variis ea possit colligere, quæ sunt vera atque vtilia; nugas autem ac falsa reiicere. quid multa? ipse CLERICVS eandem secutus est rationem, ac multa doctrinarum momenta ex IO. LOCKIO, item AVCTORE *artis cogitandi* sua sibi fecit, quod adhuc de aliis, qui ad huiusmodi ieiunas ac malesanas reprehensiones, praua quadam animi libidine incitati procliuēs sunt, probare possemus, si id instituti nostri forma permetteret. quid? quod venerandus BVDDVS propriam sibi elegit tractandi methodum, multa suo ingenio suisque meditationibus inuenta, examinata ac probata adiecit, ac tale scribendi genus seruauit, quod elegans ac perspicuum. cur autem CLERICVM haud nominauerit, quando ex isto quædam retinuit, id consilio factum est. præfatione elementorum philosophiæ instrumentalis ipse dicit BVDDVS: *nomina autem illorum indicare, instituti ratio & conditio elementorum non permittit: quibus accedit, quod ipsis prælectionibus commodius hæc reseruentur.* præter hæc elementa præfationem elegantem præmisit *artī cogitandi*, quæ Halæ prodiit MDCCIV. item MDCCXVIII. quippe qua de fati studii logici, eiusque vera indole, adminiculis & defectibus edisserit. in plerisque, qui in studio logicæ versati sunt, hos defectus notat, quod *primum* nullam adiecerint medicinam, nec viam certam, planam & facilem indicauerint, qua exui prauī affectus & cum affectibus peruersæ opiniones possent;

possent; *deinde* quod non serio ostendant, inchoandum in veritatis inquisitione a voluntatis emendatione esse; *tertium* quod tam ieiuna, tam friuola sint, quæ de intellectus facultatibus & operationibus tradant, modo aliquid tradant; *tandem* quod de vera ratione illarum facultatum infirmitatibus medendi nihil præcipiant, quod trahat momentum.

GOTTLIEB GERHARD TITIVS, qui Lipsiæ anno MDCCII. edidit *artem cogitandi* 12. de qua auctores diarii Parisiensis ¹ ita iudicant: *on trouuera plus de bon sens dans cet ouvrage, que n'en promet le icu de mots, qui paroît dans le titre. c'est un logique assez raisonnable, par rapport à celles, qui s'enseignent dans l'école, mais qu'on ne jugera peut-être pas fort nécessaire.* interdum felicior existit in confutandis aliorum sententiis, quam suo ingenio tradendis logicæ solidis præceptis, quamquam haud negari potest, quod sæpius de verbis, quam ipsa re aduersus alios disputauerit. varia contra TITIVM observauit EPHRAIM GERHARD. ²

IO. FRIDEMANN SCHNEIDERVS, qui edidit *fundamenta philosophiæ rationalis ad recentiorum philosophorum mentem propo- sita*, Hal. MDCCIII. & ex editione secunda aucta atque emendata MDCCVIII. complectitur liber hic sequentia capita 1) de natura & constitutione philosophiæ rationalis, 2) de veritate eique opposita falsitate &

1 1704. p. 144. 2 *delin. phil. rational.*

fictione, 3) de veritatis impedimentis seu præiudiciis, 4) de adminiculis consequendæ veritatis & imprimis de definitione. 5) de diuisione, 6) de demonstratione; 7) de methodo, 8) de meditatione; 9) de interpretatione & 10) de disputatione. scripsit quoque SCHNEIDERVS dissertationem de *logica non otiosa*; item de *variis argumentandi methodis veterum & recentiorum*.

IOACHIMVS LANGIVS, cuius *medicina mentis*, sæpius prodiit, etiam apud Anglos recusa est. pars *prima* continet historiam philosophicam a mundo condito vsque ad nostra tempora; *secunda* agit de mentis ægritudine; *tertia* de ægræ mentis sanatione; *quarta* de sanæ mentis vsu in veritate inuestiganda; *quinta* de sanatæ mentis vsu in veri cum aliis communicatione & *sexta* de eruditione ac sapientia. varias expertus est liber hic censuras, ac multi id in eo notarunt, quod maiori studio, quam deceat, sectatus fuerit POIRETVM, nec discrimen inter naturam & gratiam, ac inter philosophiam & theologiam obseruauerit, ac præcepta dederit, quæ christianum formare possent logicum.

EPHRAIMVS GERHARDVS, cuius *delineationis philosophiæ rationalis variis obseruationibus illustrata, siue de intellectus humani vsu atque emendatione* libri duo prodierunt Ienæ MDCCIX, & iterum MDCCXVII. 8. liber *primus* tractat de conceptibus logicis communibus, ac speciatim quidem de eruditione, philosophia generatim, philosophia

phia rationali, intellectu humano, cognitione, ignorantia, veritate & certitudine, falsitate, verosimili & dissimili, obiecto cognitionis, cognitionis impedimentis. liber autem *secund.* differit de negotiis logicis specialibus, ac quidem de impedimentorum remotione; de experientia, meditatione, ratiocinatione, lectione & auscultatione, interpretatione, opinionum diiudicatione, de vercommunicatione generatim, de communicatione veri, quæ ore tenus fit, de libris scribendis, ac de arte disputandi & confutandi. atqui hæc omnia argumenta GERHARDVS perspicue exposuit & eiusmodi illustravit observationibus, quæ lucem in historia logicæ interdum nobis præferre possunt. præfatione fatetur, quod ex antiquioribus Aristotelis atque Epicuri præcepta haud neglexerit, etiam scripta recentiorum logicorum ad usum suum transtulerit, ita ut semper eligeret sibi, quæ probata videbantur. præter hanc delineationem scripsit quoque GERHARDVS dissertationem de *principiis sapientiæ impedimentis*, Ienæ MDCCV. quæ logicæ addita fuit; item *unuorgreiflichen Begrieff vom Verstand und Willen des Menschen und derselben Ausbesserung*, Hal. MDCCVIII. 8. & Ienæ MDCCXVII. *cogitationes logicæ de veritatis cognoscendæ principio & criterio*, Ien. MDCCIX. 4. MDCCXV. 8. *prolusionem academicam de ratiocinatione Ictorum*, Ien. MDCCXI. 4.

10. CHRISTIANVS LANGIVS, qui edidit CHRISTIANI WEISII *nucleum logicæ* additamentis interpolationum textualium

& formularum germanicarum, maxime vero adnotationum ita auctum atque illustratum, vt prout titulus libri huius loquitur, *vera hic & solida logica Peripatetico-Scholastica purioris fundamenta detegantur & ratione mathematica per varias schematicas praefigurationes ad ocularem euentiam deducta proponantur*, Gissæ MDCCXII. 12. præfatione logicam Peripatetico-Scholasticam puriorem contra adcusationes tueri instituit, & in additamentis omnino multam operam collocavit in momentis doctrinæ huius explicandis atque illustrandis, præcipue quod ad syllogismum adinet, ita vt opus hoc non possit non cultoribus Aristotelicæ ac scholasticæ philosophiæ magnam adferre voluptatem. auctores *actorum eruditum*¹ id commemorarunt, nec satis honorifice de industria a LANGIO adhibita senserunt, non obscure significantes, quod placitis Aristotelicorum & scholasticorum non magnum statuendum sit pretium, siue eorum necessitatem, siue vtilitatem; siue veritatem respiciamus. qua censura per-motus LANGIVS de defensione cogitare cœpit, quumue anno MDCCXIII. ederet *inuentum nouum quadrati logici vniuersalis: in trianguli quoque formam commodè redacti*, adiecit *dissertationem apologeticam pro logica Aristotelica genuina maxime logica*, qua id omnibus viribus egit, vt dignitatem atque auctoritatem logicæ huius a contemtu variisque adcusationibus liberaret forti-

¹ 1713. p. 367.

terque tueretur. haud negamus, quod clarissimus LANGIVS significauerit ingenium subtile, vsuque meditationum exercitatum; sed num verum logicæ finem sibi propositum habuerit, hacque ratione viam rectam atque expeditam ad sensum veri & falsi demonstrauerit, id aliorum iudiciis permittimus. rectius opus hoc logicum inter Aristotelica scripta, de quibus supra differuimus, locum suum tenere potest, idque ideo heica nobis commemoratur, quod paullo ante mentionem fecimus CHRISTIANI WEISII.

IO. P. de CROVS AZ, qui lingua gallica edidit *système de reflexions*, Amst. MDCCXII. cuius editio 2. quoq; multo auctior prodiit. pars *prima* considerat varias mentis facultates, & naturam ac diuersitatem idearum partim ratione obiectorum, partim ratione modorum, quibus istæ a nobis concipiuntur, tribus sectionibus. pars *secunda* agit de iudiciis & propositionibus, qua quum propositiones diuise fuerint in veras & falsas, certas, incertas & probabiles, etiam differitur de scepticismo. pars *tertia* complectitur doctrinam *deratiocinatione* ac *quarta* de methodo, quæ omnia distincte atque eleganter sunt proposita, vt non mirum sit, quod logica hæc non mediocrem sibi comparauerit existimationem. nam quamuis, si rem ipsam respiciamus; multa ex logica vulgari retinuerit, quæ emendari atque augeri potuissent; modus tamen tractandi, quem obseruauit, maxime elegans est ac vim habet ad animos lectorum capiendos.

NICOLAUS HIERONYMVS GVNDLINGIVS, qui edidit *viam ad veritatem*, cuius pars prima continet *artem recte ratiocinandi, id est, logicam*, Halæ MDCCXIII. 8. diuisa est in tres partes. partis *primæ* caput 1) agit de intellectu & logica speciatim considerata; 2) de cognitione & ideis, quæ sunt illius fundamenta; 3) de ignorantia eiusque causis; 4) de nominibus; 5) historia logicæ vulgaris ac speciatim partis primæ. partis autem *secundæ* caput 1) de iudiciis; 2) de propositionum veritate & falsitate; 3) de principiis, præsumtis opinionibus, de vero simili & falso simili; 4) de propositionibus vniuersalibus & particularibus; 5) de propositionibus aperte & latenter compositis, vt & complexis seu incidentibus; 6) de diuisione; 7) de definitione; 8) de verbis ac particulis; 9) historia libri secundi logicæ vulgaris. partis *tertiæ* caput 1) de methodo eiusque diuisionibus; 2) de methodo analytica in specie; 3) de methodo synthetica in specie; 4) de pseudomethodis; 5) de syllogismis in genere eorumque vñu; 6) de syllogismis eorumque speciebus. 7) de vera methodo conuincendi ac confutandi dissentientes, 8) de dialogo; 9) de methodo legendi aliorum scripta eaque interpretandi; 10) de methodo soluendi sophismata; 11) historia logicæ vulgaris in parte tertia. de *salebris*, quas quidam in hac celeberrimi GVNDLINGII logica demonstrare voluit, non est, quod dicamus, præsertim quum a quodam auditorum ipsius responsio bene composita fuerit data.

P. BVFFIER, cuius *principes du raisonnement exposez en deux logiques* prodierunt Parisiis MDCCXIII. 8. quibus continentur multæ obseruationes ac præcepta vtilia. extremo quoque auctor iudicium tulit de variis logicarum scriptoribus.

IO. IACOBVS SYRBIVS, qui an. MDCCXVII. Ienæ edidit *synopsin philosophiæ rationalis*; & eodem anno *institutions philosophiæ rationalis eclecticæ*, quarum pars prior agit de veritate cognoscenda; posterior vero de veritate adplicanda. præmissa est præfatio, qua historia logicæ breuiter exponitur.

præter hos, quos iam commemorauimus, adhuc alios possemus recensere. quo spectant *essay de logique, contenant les principes des sciences & la maniere de s'en seruir pour faire de bons raisonnemens*, qui liber, cuius auctor est MARIOTTE, prodiiit Paris. MDCLXXVIII. & inter opera scriptoris huius edita Lugdun. Bataur. MDCCXVII. 4. item *ars cogitandi erotematica cum præludio philosophiæ*, Basileæ MDCCXV. 8. quam composuisse ZWINGERS dicitur; nec non IO. HENR. ACKERI *scrutinium opinionis & scientiæ*, Rudolstadii MDCCXV. qui ordinem vulgarem ac vetustum seruauit; in tractatione vero ipsa vetera cum nouis coniunxit, vt de aliis taceamus. at vero præcipue nobis est propositum, varias periodos historiæ logicæ distincte indicare, ac principes tantum scriptorum huc spectantium commemorare, inprimis quum neque sit vtile, neque per ingenii humani conditionem fie-

ri possit, vt talis historia ad summum perfectionis perducatur.

§. XXIII. Verum enim vero heic adhuc commemorare debemus ANDREAM RVDIGERVM, cuius merita in logicæ artem omnino sunt amplissima, siue aliorum errores, quos solide confutauit; siue accessiones, quibus disciplinam hanc auxit, respiciamus. anno MDCCIV. edidit disputationem philosophicam *de eo, quod omnes ideæ oriuntur a sensu*, qua Cartesianorum nugæ de ideis innatis erudite demonstrauit; eodem anno aliam dissertationem *de nouis ratiocinandi adminiculis* protulit; anno MDCCVII. *philosophiam syntheticam* in publicam emisit lucem, qua iam multorum logicorum vitia non solum obseruauit; sed etiam emendauit, cuiusmodi sunt, quod ipsorum præcepta sint nimis generalia; quod examen veri aliquo modo tradiderint; inuentionem autem veritatis haud attigerint; quod genuinam probabilitatis indolem haud proposuerint; quod de ratiocinio, quomodo deberet examinari, nihil dixerint, nec de multis ratiocinandi modis quidquam obseruauerint. anno MDCCIX. prodiit ipsius liber elegantissimus nec satis laudandus *de sensu veri & falsi*, quo hæc omnia copiosius & clarius explanauit, etiam discrimen inter ratiocinationem mathematicam & philosophicam tradidit, nec non præcepta definiendi, ac de ratiocinio grammatico disseruit. de quo discrimine inter ratiocinationem philosophicam & mathematicam posthac in *physica diuina*, quæ prodiit MDCCXVI, multo verbosius egit. quum anno MDCCXI. *philosophia synthetica* iterum

iterum prodiret, adiecit *rationium a minori ad maius & a maiori ad minus*; & tertiæ editioni anno MDCCXVII. philosophiæ huius accesserunt necessaria duo ratiocinandi genera, *ratiocinatione causalis & practica*. qui ingenio valet philosophico, RVDIGERI monumenta logica diligenter legit, nec studio prauorum affectuum corrupti erga se ipsum amoris, inuidiæ atque odii tenetur, ille non potest non merita ipsius in logicam magnificare ac laudare. sed quam multi sunt, qui de eo sentiunt sinistre, quamuis aut scripta eius haud legerint, aut lecta minus intellexerint; aut cognita eorum præstantia ac dignitate, prauis tamen affectibus abrepti, istam publice profiteri recusent. persuadent enim sibi, se esse statores ac præsidia artis logicæ, cui creditæ existimationi magnum imminere periculum putant, quando RVDIGERVM laudare, commendare instituerent. sed tamen philosophum haud decet, corruptæ mentis libidini prauisque propensionibus indulgere. melius est, ignorantiam suam profiteri, & aliorum ope peruenire ad veritatum cognitionem, quam per inuidiam eorum præcepta necessaria atque vtilia negligere, sicque inscitiam atque errores tueri.

§. XXIII. Antequam parti huic vltimam imponamus manum, breuiter mentionem facere BENEDICTI SPINOZAE, non ab re erit. prodierunt enim ipsius *opera posthuma* Amstelædam. MDCLXXVII. quibus extat quoque tractatus de *emendatione intellectus*, qui brevis nec per impedimenta auctoris ad perfectionem venit, siquidem hæc admonitio

ad lectorem præmissa est: *tractatus*, quem de intellectus emendatione imperfectum hic tibi damus, beneuole lector, iam multos ante annos ab auctore fuit conscriptus: in animo semper habuit eum perficere: at aliis negotiis præeditus & tandem morte abreptus, ad optatum finem perducere non potuit. hæcenus bene. at vero ea, quæ subsequuntur: quum vero multa præclara atque utilia contineat, quæ veritatis sincero indagatori non parum e re futura esse, baud quaquam dubitamus, te iis priuare noluimus; cautionem quamdam postulant, siquidem multa huic libro insunt, quæ a vero sensu & affectu pietatis sunt aliena. ipsius scriptor ABRAHAMVS IOANNES CVFFELERS edidit *specimen artis ratiocinandi naturalis & artificialis ad pantosophiæ præcepta manu ducens*, Hamburgi, vt titulus præ se fert, MDCLXXXIV. 8. cuius libri caput 1) agit de nomine; 2) de propositione, 3) de syllogismo; 4) erroribus, qui circa præcedentia committi possunt & 5) de methodo recte ratiocinandi. aperte satis significauit, quod SPINOZAE impias sententias sit amplexus, dum statuit, mundum in ipsa essentia diuina contineri. ac quamuis inter deum & mundum hoc discrimen constituat, quod ad essentiam mundi non pertineat existentia necessaria, quæ tamen ad dei essentiam requiratur, reuera tamen hoc discrimen nullum est. adhæc vehementer laudat SPINOZAM, veluti philosophum longe præstantissimum, vt pluribus demonstrat IO. FRANCISCVS BVDDEVS. hæc

1 de atheismo & superstitione, p. 174.

igitur

igitur sufficiant pro proposita dissertationis forma, qua nostrum tantum est institutum, auctores recensere, quibus opera logica debemus, & magis res ipsas, quam librorum fata litteraria respicere, quæ omnino vberius ac copiosius potuissent illustrari, si id proposito nostro fuisset consentaneum. scriptores, qui argumenta logica specialia seorsim sunt perlecti, commemorabimus capite, quod iam subsequetur, qui sunt multi generis.

LIBRI II.

DE

PROGRESSV AC FATIS

LOGICAE.

CAPVT II.

DE

ORIGINE, PROGRESSV ET
FATIS DOCTRINARVM LO-
GICAE SPECIATIM.

Σ Τ Ν Ο Ψ Ι Σ.

Dicendorum summa §. I. traditur historia doctrinae de natura & diuisione logica §. II. III. IIII. de intellectu humano §. V. -- XII. de principiis & criteriis veritatis cognoscenda §. XIII. XIII. de ideis §. XV. -- XX. de definitione §. XXI. de diuisione §. XXII. de variis ratiocinandi modis §. XXIII. -- XXVIII. de demonstratione §. XXX. XXXI. XXXII. de probabilitate §. XXXIII. -- XXXVII. de præiudicatis opinionibus §. XXXVIII. XXXIX. de dubitatione §. XL. XLI. XLII. de arte disputandi §. XLIII. -- XLVII. de methodo §. XLVIII. -- LII.

§. I.

Perlustrauimus igitur illorum studia, qui operam suam in arte logica tradenda, emendanda & in meliori statu collocanda posuerunt, quorum notitia si & plenissime a nobis esset exposita, historiæ tamen disciplinæ huius haud omnes expleret partes. etenim non sufficit, scire auctores, aut copiosam scriptorum recensionem instituere, si quis historiam disciplinarum accuratius cognoscendi flagrat cupiditate; sed doctrinarum quoque fata explanare, e re est, atque aperire modos, quibus quisque momenta artis exposuerit. at qui heic tria necessaria sunt, vt expendamus, quis admouerit animum disciplinæ cuidam litterariæ promouendæ; quid suo studio ac cura præstiterit ac quam tractandi rationem sit securus, quæ auctoribus huiusmodi historiarum ante oculos proposita esse debent. quapropter cultoribus harum litterarum non ingratum fore, putamus, si elaboramus, vt hoc modo historiam hanc persequamur accuratius, ac per meliorem ordinis rationem parte prima exposita, ad secundam nos convertamus, atque doctrinarum fata ex historiarum monimentis illustremus. nobis autem est propositum atque animi sententia, nobiliora momenta attingere, ac tantum adumbrare, sicque aliis viam parare, qua opus hoc perfectius efficere ac quæ defunt, redintegrare possunt, quoniam per varias causas studio tenemur breuitatis.

§. II. Logica, cuius fata iam exponamus breuiter, duplici ratione potest considerari: *partim* sua indole, qua est disciplina artis; *partim*

tim ratione materiarum, de quibus tractat. ratione indolis, qua est disciplina artis, duo momenta ex historiarum rebus possunt illustrari, quorum est: *quid sit logica?* alterum vero respicit ordinem tractandi ac complectitur *diuisionem illius*. dispiciamus igitur de priore momento: *quid sit logica?* quo cum nomen & alias illius adpellationes; tum ipsam rem debemus considerare. quod ad nomen *logica* adtinet, id dicitur ἀπὸ τῆς λόγῃς, quæ vox significat & rationem & sermonem, hinc disputarunt, quænam significatio heic sit admittenda, num ars hæc dicatur logica a ratione; an a sermone? plerique tuentur priorem significationem; qui autem posteriori fauent, iterum inter se discrepant, num intelligendus sit sermo internus, an externus? quamuis illi, qui notari putant sermonem internum, a prioribus non multum differant, si quidem sermone interno significant cogitationes, siue operationes atque actiones intellectus. quis primus vsurpauerit vocem *logica*? id non apertum est. ARISTOTELES nomine hoc haud vsus; voce vero λογικῶς, quam opposuit ἀναλυτικῶς, ideoque teste BOETHIO veteres peripatetici hanc adpellationem introduxerunt, vt observat GERH. IO. VOSSIVS. ¹ præter hoc nomen & alia sunt, quibus cum veteres, tum recentiores philosophi artem hanc adpellarunt. vetustiori ætate dicebatur *dialectica*, *canonica*, *critica*. vox *dialectica* a veteribus præcipue triplici significatione adhibita est: primum sententia ampliore pro ipsa sapientia ac cognitione rerum diuinarum a PLATONE; deinde

¹ de natura & consis. logic. cap. I. §. 2.

pro integra logicæ disciplina a Stoicis, & tandem pro ea logicæ parte, quæ agit de argumentis probabilibus, ab ARISTOTELE & Peripateticis, qui dialecticam opponunt analyticæ siue doctrinæ de demonstratione, vide CHRISTOPHORVM SCHEIBLERVM¹ & GERH. IO. VOSSIVM,² IO. WOWERVM.³ *canonica* dicta est ab EPICVRO, teste DIOGENE LAERTIO,⁴ quoniam tradebat *canones*, iisque præcepta de cognoscenda veritate exhibebat. PETRVS GASSENDVS⁵ dicit: *non desunt, qui hanc artem canonicam vocent; quod sit quasi canon siue regula ad bene cogitandum instituta. quia enim potest mens facile inter cogitandum errare, seu a vero desciscere, ideo errores suos agnoscens præcauereque ipsos volens, quemadmodum regulam faber, sic ipsa sibi artem hanc parat, qua opus suum, hoc est proprias operationes dirigat easque errore immunes reddens, ipsam veritatem seu scopum, ad quem collineat, assequatur.* tandem adpellata est κριτική propter munus, quod in cognitione veritatis vis iudicandi præstare debet, cuius adpellationis exempla inuenimus apud ATHENÆVM & LVCIANVM, vt VOSSIVS⁶ obseruat. recentiori tempore disciplinæ hæc philosophiæ præter *logicæ* nomen adhuc aliis notata est adpellationibus, quæ modo vtilitatem, quam reliquis litterarum scientiis adfert; modo res, de quibus differit, ac finem ob quem ipsius cultura suscipienda est, respiciunt. nonnulli enim logicam considerarunt commercii

¹ *logic. part. I. cap. 2.*² *cit. loc. cap. XII. §. 1. 2. 3.*³ *polymath. cap. XX. p. 184.*⁴ *lib. X. segm. 30.*⁵ *instit.**logic. pref.*⁶ *cit. loc.*

causâ, quod cum aliis eruditionis partibus habet, in quarum emolumenta instrumenti fungitur munere, ideoque istam adpellarunt *philosophiam instrumentalem*, id quod fecit IO. FRANCISCUS BVDDEVS, vbi adnotare decet, quod logica ARISTOTELIS vocatur non solum *ὄργανον*, sed quoque *ὄργανον ὀργανῶν*, *instrumentum instrumentorum*, quam inscriptionem alii ipsi ARISTOTELI; alii vero eius interpretibus vindicant, saltim ista ex Aristotelicâ doctrinæ fontibus hausta videtur multorum opinione, vide IO. NELDELIVM ¹ & GERH. IO. VOSSIVM. ² quum autem Peripatetici censerent, instrumentum esse logicam; partem philosophiæ istam absolueri negabant, cuius rei alia sententia placebat Stoicis, qui artem hanc veluti philosophiæ partem æstimabant. ex recentioris ævi auctoribus est adhuc BACO DE VERVLAMIO, qui scripsit *novum organum* ad Peripateticorum exemplum, quo logicæ præcepta exhibet. alii quum meditarentur, quo modo opera sua logica inscribereint, fundamenti loco posuerunt cum obiectum, tum finem logicæ. sic adpellata est

PHILOSOPHIA RATIONALIS, quæ aptam reddere debet rationem humanam ad cognoscendam capiendamque veritatem, ad quod genus referri debent IO. FRIDEMANNI SCHNEIDERI *fundamenta philosophiæ rationalis ad recentiorum philosophorum mentem proposita*; EPHRAIMI

¹ de usu organi Aristot. Part. I. cap. I. ² cit. loc. cap. VI. §. 4.

GERHARDI *delineatio philosophiæ rationalis*; IO. IACOBI SYRBI *institutiones philosophiæ rationalis*.

ARS COGITANDI, sic adpellata ab auctore haud nominato, cuius *ars cogitandi* peperit sibi nultum existimationis; item a GOTTLIEB GERH. TITIO, cui quoque logicam debemus, quæ inscripta est *ars cogitandi*, quoniam logica viam monstrare debet, qua quis cogitationes suas ita dirigere ac formare possit, vt percipiat verum ac falsum.

MEDICINA MENTIS, quam inscribendi rationem adhibuerunt EHRENFRIED WALTHER & TSCHIRNHAYS & IOACH. LANGIVS, quoniam princeps logicæ munus esse debet, vt intellectum humanum a vitiorum sordibus purget ac morbis ipsius medeatur, antequam fiat idoneus ad veritatum cognitionem.

CYNOSVRA MENTIS, quam inscriptionem IO. BAYERVS logicæ suæ constituit.

SENSVS VERI & FALSI, quam adpellationem præ se habet logica ANDREAE RVDIGERI ita nominata, quoniam logicæ finis propositus est, vt cultores veritatis formet aptosque ad sensum veri & falsi reddat.

INTRODVCTIO AD PHILOSOPHIAM AVLICAM, quæ inscriptio placuit CHRISTIANO THOMASIO in primis propter tractandi modum, quapropter ipse præfatione dicit: *inscripsi vero hunc librum meum introductionem ad philosophiam aulicam, quia non tam ipsa præcepta ratiocinandi continuo nexu trado; (quæ admodum pauca futura essent, & vix plura, quam quæ Epicurus in*

in sua canonica iam obseruauit) quam ipsos errores qua Cartesianorum, qua Peripateticorum ostendo. adeoque volui simul falsitatem doctrinae communis perspicue deducere & ita introductionem hanc meam primario in usum docentium dirigere, ut cognoscant, me non sine grauibz rationibus a doctrina consueta recessisse, neque adeo ex studio innovandi hanc operam suscepisse. discendum enim & maxime aulicorum tanti non interest, scire errores aliorum, si modo ipsi in vera doctrina recte informentur, unde poterit facile quis praecepta pauca a controuersis separare & paruo temporis spatio prudentiam ratiocinandi, in qua alias multiplici modo sudare cogitur iuuentus, auditoribus suis inculcare. de aliis inscribendi modis taceamus.

§. III. Dispiciamus de re ipsa atque breuiter exponamus, quo modo logica definita fuerit a philosophis. ARISTOTELES nullam dedit definitionem, cuius rei causa controuersia quoque erat inter Peripateticos & PETRVM RAMVM; quum multum diuque disputarent, num & qua ratione possit definiri logica? ceterum quamuis Aristotelis sectatores assererent, logicam esse artem, veritatem & opinionem inueniendi; multas tamen contentiones de definitionis huius partibus, inprimis de genere fecerunt, siquidem praecipue scholastici vehementer acriterque disputarent, num logica sit ars, an facultas, an scientia, an habitus instrumentalis? vide CHRISTOPHORVM SCHEIBLERVM¹ & GERH. IO. VOSSIVM.²

¹ introd. logic. cap. 1. gn. 1.

² de natura & consis. cap. 2.

cuius-

cuiusmodi disputationem nullius esse momenti censemus, quoniam logica varia ratione considerari adeoque etiam varia genera in definitione ipsius possunt admitti, vti ostendit ANDREAS RVDIGER. ¹ PETRVS RAMVS dicebat, logicam esse artem bene differendi, qua interpretatione a proprio logicæ sine discescit, atque vsum tantum, quem logica in eloquentiæ studiis præstat, ante oculos sibi proposuit. quo & spectat definitio PHILIPPI MELANCHTHONIS, quod sit ars siue via recte, ordine & perspicue docendi. recentiori ætate propius philosophi ad indolem artis huius accesserunt, quod ista spectet ad cognitionem veritatum, atque rationem de cognitis veritatibus communicandi cum aliis, qui quamuis verbis inter se discrepent; re ipsa tamen siue differentia logicæ, quæ eo absolvitur, quod sit doctrina de veritate in genere, quum aliæ philosophicæ disciplinæ expromant veritates speciales, plerumque conueniunt, nisi quod interdum alter altero clariorem dederit definitionem & ad intellectum; alter vero ad ipsam veritatem eiusque cognitionem respexerit. hinc AVCTOR artis cogitandi ² dicit: *logica est ars, bene vtendi ratione in rerum cognitione acquirenda tam ad sui ipsius, quam aliorum institutionem*, quæ definitio quidem vera est; sed nec satis clara, nec adæquata, quod & dicere possumus de definitione. IO. CLERICI, ³ quod logica sit *ars bene ratiocinandi*, quoniam non omnis veritatis cognitio sola ratiocinatione absolvitur. nam veritas est vel certa, vel probabilis: certa nititur vel sola sensuum per-

¹ *instit. erudit.* p. 16, ed. 3.² *praf.*³ *praf. logic.* §. 10.

ceptione; vel idearum natura, quæ ope iudicii cognoscitur, quæ posterior autem absoluitur modo enunciatione; modo ratiocinatione, quarum illa pendet a definitione & diuisione idearum; hæc autem ab indole enunciationis, siue principii, vnde deducitur conclusio. vtramque autem veritatem & certam & probabilem cognoscimus duplici ratione cum inueniendo, tum diiudicando verum & falsum. ex quibus patet quoque, quid sentiendum sit de definitione, præcipue in scholis scholasticorum celebrata, quod logica sit *ars conficiendi syllogismum*, præsertim quum syllogismus non synthetice, veluti medium veritatem inueniendi; sed analytice, vti modus aliquid ratione quadam probandi consideratur. IO. BAYERVS¹ existimat, logicam esse *instrumentum quoddam vniuersale, modum monstrans menti res quascunque cognoscendi, expendendi & communicandi*; & IO. FRANCISCVS BVDDEVS² dicit: *prima pars philosophiæ instrumentalis, quam logicam dicere moris est, intellectus vitiis medetur cumque aptum reddit ad veritatem inuestigandam & inueniendam*. EPHRAIM GERHARDVS³ censet, *logicam esse disciplinam cognoscendi, diiudicandi & communicandi veritatem*, qua definitione id tantum monemus, quod auctor sine caussa videatur distinguere rationem cognoscendi a ratione diiudicandi veritatem, quum cognitio sit idea generalis, quæ completitur & inuentionem & iudicium veri & falsi. ANDREAS RVDIGER⁴ hanc tradit

¹ *cynosur. ment. pr. §. 2. p. 1.*

² *part. I. phil. instrum. c. 1. §. 1.*

³ *dein. phil. rat. lib. I. c. 111. §. 20.*

⁴ *institut. erud. p. 14. ed. 3.*

defini-

definitionem: *logica est doctrina rectæ rationis, de veritatis in genere natura & indole & hinc consequendo sensu veri & falsi; ut de aliis taceamus, quas omnes recensere, opus esset superuacaneum, præsertim quum ex his, quæ dicta sunt, liceat cognoscere, quod recentiori ætate indoles huius disciplinæ in aperto posita fuerit verius.*

§. III. Nunc videamus de *diuisionibus logicae*. ARISTOTELES nullam diserte exhibuit diuisionem, nec eo ordine scripta logica, quo organo continentur, composuit, quamvis inter cognitionem veritatis, certam & probabilem posuerit discrimen. interpretes ipsius ac sectatores, quum de meliori disciplinæ conditione cogitarent, instituerunt diuisionem; sed non vna eademque ratione. alii enim, præcipue PHILOPONVS & SIMPLICIVS diuidunt logicam in ἀναλυτικὴν & διαλεκτικὴν, vtramque autem artem comprehendunt communi nomine συλλογιστικῆς. sed antequam hæc discatur, debeat præmitti pars logicæ σοιχολογική, quæ comprehendat categoriarum librum & de interpretatione. analyticam autem & dialecticam habent pro diuersis artibus, quarum illa sibi proponeret verum; hæc autem simile vero, qua in re peccarunt contra diuisionis regulam, quoniam vtrumque & certo verum & probabile veluti species veritatis vno comprehenduntur genere, id quod ex incertitia demonstrationis & probabilitatis, quam minus recte posuerunt in opinione, ortum est. quodsi veritas logica, quæ a cogitationum conuenientia cum sententia pendet, non aliter diuidi potest, haud videmus, cur doctrinam de demon-

demonstratione a doctrina de probabilitate plane diuersam statuamus, quum tantum ratione gradus differant. vtraque doctrina vnā constituunt disciplinam, quamuis distincte propter diuersum cognoscendi modum proponendam esse, omnino fateamur, quo labore omnium felicissime functus est ANDREAS RVDIGER. cum hac diuisione conuenit illa GERH. IO. VOSSII,¹ quod logica diuidi possit in στοιχειολογικὴν & συλλογιστικὴν: συλλογιστικὴ in ἀναλυτικὴν & διαλεκτικὴν: ἀναλυτικὴ in προτέραν καὶ ὑστέραν: διαλεκτικὴ in τυπικὴν καὶ σοφιστικὴν. alii ex Peripateticis fundamentum diuidendi petunt a diuersis intellectus operationibus, quæ sint simplex perceptio, iudicium & ratiocinatio, ad quas etiam libros logicos Aristotelis accommodant, ita vt agant *primum* de prædicamentis, prædicabilibus, definitione ac diuisione; *deinde* de enunciatione & *tertium* de syllogismo ratione cum formæ communis, tum triplicis materiæ. cum qua diuisione consentit illa, qua logica diuiditur in partem communem, quæ absoluat generatim libris de syllogismo; & propriam, quæ speciatim tractet de syllogismo demonstratiuo, topico & sophistico. ex quibus Peripateticorum diuisionibus iterum cognoscere possumus, quod omnes curas ac meditationes logicas contulerint ad struendum syllogismum. STOICI duas logicæ partes constituebant *rhetoricam* & *dialecticam*, quibus nonnulli tertiam addiderunt *definitiuam*: SENECA² dicit: διαλεκτικὴ διuiditur in duas partes: in verba & significationes: id est res quæ dicuntur, & vocabula, quæ

¹ de natura & constit. log. cap. IX. § 12.² epist. LXXXIX.

bus dicuntur, quæ quod dicantur ex mente Stoicorum, patet EXDIOGENE LAERTIO.¹ quam diuisionem haud probare possumus, quamuis recentiori ætate quidam existimaauerint, eloquentiam partem logicæ absoluere. non negamus, quod logicæ magister iure ac merito agere possit ac debeat de terminis, item demonstrare, quo quis suas meditationes aliis possit proponere, quæ omnia autem philosophica ratione debent fieri. scilicet terminos, qui considerari possunt modo grammaticæ, modo philologicæ, modo oratorie, modo philosophicæ, explicat veluti philosophus ratione idearum; in doctrina autem, quomodo veritas cognita proponenda sit aliis, considerat tantum talem expressionem, quæ cogitationibus nostris respondeat accurate, & talem demonstrationem, quæ methodo auditori & rei recte adcommodata nitatur. nec negamus, quod sine philosophia nemo veram eloquentiæ laudem consequatur; at vero iis de causis doctrinam oratoriæ, quæ pro sua propria indole peculiarem in litteris humanioribus disciplinam constituit, ad logicam referre, esset incongruum. verus philosophus de eo sollicitus est, vt cogitationum communicatio per sermonem fiat clara & adæquata; orator autem adhuc ornatum quemdam sectatur, quo & animos auditorum capere, commouere ac delectare possit, atqui id constituit eloquentiam. philosophus respicit intellectum aliorum; orator non solum intellectum; sed & voluntatem; philosophus & rebus earumque ordi-

¹ Lib. VII, *seçm.* 41.

ne & verbis adstrictior, quam orator, cui utroque maior est licentia. recentiori tempestate philosophi varias quoque logicæ diuisiones fecerunt. PETRVS RAMVS duas logicæ partes *inventionem & dispositionem argumentorum* siue *iudicium* constituit, quam diuisionem habet quoque CICERO, ¹ & illustrat GERH. IO. VOSSIUS. ² quum enim RAMVS persuaderet sibi, logicam esse artem differendi, adeoque disciplinam hanc inprimis ad eloquentiæ vsum adplicaret, illius quoque in hac diuisione habuit rationem. multi retinuerunt Peripateticam diuidendi rationem pro diuersis mentis operationibus, quarum tres, ideam, iudicium & ratiocinationem statuunt; alii vero adhuc quartam, methodum siue dispositionem addunt, & hinc quoque logicæ quatuor constituunt partes, quo pertinent AVCTOR *artis cogitandi*, IO. CLERICVS, PETRVS GASSENDVS, J. P. de CROVSANZ & alii. quam viam secutus quidem vir venerandus IO. FRANCISCVS BVDDEVS, ac secundum operationes facultatesque intellectus doctrinam de cognitione veritatis proposuit; sed uti integras philosophiæ disciplinas ad medicorum methodum adcommodauit; ita eandem in arte logica obseruauit, quapropter egit capite primo de *intellectu humano eiusque operationibus & facultatibus*; capite secundo de *intellectus humani vitiis & imbecillitatibus*; tertio de *intellectus humani sanitate virtutibusque* ac quarto de *mediis emendandi intellectum sanitatique restituendi*. ac quamuis ex

¹ Princ. topicor. ² de natura & constitut. logie. cap. IX.
S. 2. seqq.

antiquioribus iam PHILO, discipulus CLITOMACHI teste STOBÆO philosophum similem esse medico dixerit, vide THOMAM STANLEIVM; ¹ ex recentioribus vero VINCENTIVS PLACCIVS in doctrina ad mores spectante eundem tractandi modum sit secutus; venerandus tamen BVDDÆVS istum multo magis ornauit, atque ad omnes philosophiæ partes adplicauit. alii ipsam logicæ doctrinam eiusque finem fundamenti loco posuerunt, ac diuiserunt istam in logicam *theoreticam* & *practicam* quarum illa tradat præcepta de veritate cognoscenda; hæc autem ostendat, quomodo præcepta cum in meditatione, tum communicatione veritatum debeant adplicari: atqui hæc diuisio placuit CHRISTIANO THOMASIO & RVDIGERO. hic enim *parte theoretica* disserit de modis inueniendi & iudicandi verum, eamque iterum diuidit in duas sectiones, quarum altera naturam *demonstrationis*; altera *probabilitatis* persequitur; *parte practica* autem agit de meditatione synthetica & analytica. adhæc illustris THOMASIVS in *introductione ad philosophiam aulicam* prudentiam ratiocinandi diuidit in *partem communem*, quæ exhibeat doctrinas ad omnes eius partes speciales pertinentes; & *propriam*, quinque ratiocinationis momenta considerantem *meditandi*, *proponendi*, *intelligendi*, *iudicandi* & *contradicendi*. quam diuisionem instituerit IO. CLAVBERGIVS, iam superioribus ² exposuimus.

¹ *Hist. philos. p. 408.* ² *lib. II, cap. 1. sect. 3. §. 18.*

§. V. Placet nobis illorum diuisio, qui logicam diuidunt in partem *theoreticam* & *practicam*. *theoreticam* autem iterum diuidimus in duas partes, quarum altera est *generalis*, ac tradit partim doctrinam de veritate generatim; partim media omni veritati, siue sit certa; siue probabilis, cognoscendæ necessãria, quo spectat doctrina de *recta ratione* veritatis subiecto; de *sensione*, veritatis in genere primo principio atque vltimo criterio; ac de *idea*, veritatis in genere principio secundo & criterio proximo; vel *specialis*, quæ ostendit modos speciales inueniendi & diiudicandi verum cum *certum*, quo spectat doctrina de definitione ac diuisione, de enunciationibus, de variis modis ratiocinandi; tum *probabile*. ad partem *practicam* autem pertinet doctrina de meditatione ac ratione veritates proponendi. instituemus igitur, has doctrinas ex historiarum monimentis illustrare, atque initium capere a doctrina de *intellectu humano*, de quo plerique logicorum nec sine rationibus agunt. intellectus autem humanus duplici ratione debet considerari: *primum* secundum indolem suam naturalem, qua est tantum facultas cogitandi; *deinde* secundum institutam per regulas atque exercitationem culturam, qua est facultas bene cogitandi & dicitur *recta ratio*, quod vtrumque hac historia respiciamus. quod ad prius momentum adtinet, quum intellectus humanus consideratur vt lumen naturale, duplex quæstio illustranda, quarum altera est: *quid sit hic intellectus?* cuius indoles quum sit spiritui propria, ex eius operationibus patet, quibus cognitis, apertæ quoque

fiunt ipsius facultates, a quibus operationes pendent. quapropter dispicere necesse est, quid de utroque senserint philosophi, id quod haud diligenter a doctoribus logicæ antiquis fuit expositum. nec pro sua opinione, in quam de indole animæ humanæ ingressi fuerant, quidquam bene ac recte poterant cogitare, aut meditationibus adferre, quod ad ornandam iuvandamque disciplinam logicæ robur haberet quoddam, quum animum humanum ex mente diuina haustum tractumque; corpus autem ac materiam mali fontem esse existimarent. quæ opinio animis præcipue Platoniorum ac Stoicorum erat insita; ac Aristoteles eiusmodi sententiam de intellectu agente fouebat, quæ impietatis plenissima ac tam magno philosopho penitus indigna. plerumque tres operationes intellectus numerantur, *simplex apprehensio, iudicium, syllogismus* siue *discursus*, quibus alii addunt quartam, *methodum*, siue *dispositionem*; nec desunt, qui & hunc numerum amplificant, quæ controuersia nullius est momenti, ac ideo a multis agitata, ut rationem tractandi logicam tuerentur. rectius itaque sentiunt, qui omne id, quod in intellectu fieri solet, cum *passione* siue *sensione*; tum *actione* siue *cogitatione*, modo *memoriæ*, modo *ingenii*, modo *iudicii* absolui putant. notum est, quod SCHOLASTICI triplicem animam *vegetatiuam*, *sensitiuam* & *rationalem* esse sibi persuaferint, ac putauerint, quod *media* fungatur *sensione* externa atque interna, ad quam posteriorem pertineant *sensus communis*. *phantasia* & *memoria*, qua doctrina perturbant actiones & passionem intellectus, siquidem

dem phantasia & memoria non sunt passionēs, qualis est sensio; sed actiones intellectus. memoriæ autem duplex officium adtribuunt, *ut species omnes sensibiles iudicatas atque cogitatas, tanquam depositum recondat & seruet, easque, quum opus fuerit, expromat*; ac phantasiā vocant, *quæ species a sensu communi perceptas vel a se formatas diutius retineat, ac diligentius examinet*. tandem sensus communis ipsis est, *qui omnium exteriorum sensuum species adprehendit, a se inuicem discernit & cognoscit*, quæ definitio satis declarat, quam obscure sibi & perturbatim mente sua proposuerint sensum communem, compositum ex sensione & iudicio. animam *rationalem* a vegetatiua & sensitiua ita distinguunt, quod ita instrumentis corporis haud vtatur, cuius intellectus sit *facultas animæ species intelligibiles intelligens, cognoscens atque diiudicans*. recentiores philosophi quum obseruarent, quam male, obscure ac confuse doctrina hæc sit tradita, siue voces hæc scholasticorum diuerſas substantias, siue diuerſas facultates debeant significare; pro officii sui ratione istam reiecerunt ac de alia, quæ maiorem veritatem vtilitatemque præ se haberet, cœperunt cogitare. atqui labore hoc functus est **CARTESIVS**, quamuis haud feliciori successu, quando de indole animæ, ac speciatim quoque intellectus ita sensit, vt grauissimis atque apertis erroribus, etiam si accuratius istos inspiciamus, impiis opinionibus se implicuerit. namque primum putauit, naturam mentis humanæ contineri in cogitandi viribus; ¹ dein-

de vero posuit duo cogitationum genera, quarum alie sunt actiones animæ, id est cupiditates voluntatis; alie vero passionem, per quas ipsum intelligit intellectum: ¹ quin etiam persuasit sibi, omnes actiones animæ nostræ esse voluntatis, siquidem dicit: ² *cupere, auersari, affirmare, negare, dubitare sunt diuersi modi volendi.* cuius confusionis summa in eo sita est, quod cogitationem perturbauerit cum sensatione & motibus voluntatis, siquidem ita ³ scribit: *sed quid igitur sum? res cogitans; quid est hoc? nempe dubitans, intelligens, affirmans, volens, nolens, imaginans quoque & sentiens,* quæ verba magnam produunt confusionem. etenim si vox *cogitare* apud Cartesium notat & passionem & actionem, est nomen duplicis significationis, quod Cartesius, quum naturam mentis absolui cogitatione existimat, minus potuit adhibere, nisi ipsum essentiam animæ æquiuocam statuisse dicere velimus, id quod esset absurdum. sic igitur cogitatio significat aut *actionem*, ex quo sequitur sensationem, quæ passio est, haud speciem esse cogitationis; aut *passionem*, hinc etiam ex Cartesii sententia cupiditas voluntatis minus referri potest ad cogitationem, siquidem existimat, actionem animæ tantum pertinere ad voluntatem. quid multa? quisque vi sensationis atque experientie certior reddi potest de Cartesii errore, quod intellectus semper patitur; voluntas vero agat, nosque non intellectu; sed voluntate iudicemus de rebus. atqui constat ex superioribus, quod Cartesius iudicium

¹ De passionib. part. 1, art. 17.

² princ. part. 1. §. 32.

³ medit. 11.

retulerit ad voluntatem, quod etiam ipsius sectatores fatentur disserte. 10. CLAVBERGIVS¹ dicit: *vulgo iudicium referunt ad intellectum; sed male*; LVDOVIGVS de la FORGE:² *ut bene distinguamus duarum harum primarum & principalium potentiarum, intellectus & voluntatis, notemusque quousque se extendant fines earum ac limites, attende, quod quando concipimus rem aliquam, e. g. cogitationem, conceptus, quem de ea habemus, est actus nostri intellectus, hoc est potentiae, quam habemus percipiendi: verum quando porro ex omnibus illis, quae in ea percipimus, assentimur, cogitationem non esse extensam, assensus ille, quem damus, est actus nostrae voluntatis, non minus, quam quum indicamus, rem aliquam esse bonam aut malam, nosque propterea in animum inducimus, eam sequi aut fugere: adde ANTONIVM le GRAND,³ PHILARETVM,⁴ WITTICHIVM,⁵ aliosque philosophiae Cartesii aestimatores. quam falsa sit haec sententia, aperte ex iudicii indole, propriaensione atque absurdis conclusionibus, quae inde sequuntur, patet, ut non necesse esse putemus, multam operam in confutanda ista consumere. id autem nos deducit in admirationem, quod magistri philosophiae Cartesii logicam morbis ac vitiis intellectus euellendis consecrent ac fateantur, quidquid arte hac contineri, ad intellectum, non ad voluntatem pertinere; at tamen de iudicio quoque hac disciplina tra-*

¹ Not. ad Cartes. princ. p. 1. §. 32. p. 501. opp. ² de mente humana cap. 8. §. 4. cap. 11. §. 17. ³ instit. philosoph. part. I. pag. 59. ⁴ ethic. cap. 111. §. 1. ⁵ theol. pacific §. 47. anti-spirit. part. 2. prop. 35.

ſunt. ſic ANTONIVS le GRAND quatuor logicæ partes conſtituit, quarum prima de ideis; ſecunda de iudicio ſiue propoſitionibus; tertia de diſcurſu ac quarta de methodo agit: & IO. CLAVBERGIVS in *logica contraſta* tres logicæ gradus facit, quorum primus intellectum ab obſcuritate & confuſione; ſecundus iudicium a dubitatione & errore, ac tertius memoriam ab obliuione liberet.

§. VI. Non poſſumus, quin mentionem faciamus IO. CLERICI, qui ^r putat, ſeptem præcipuas mentis facultates eſſe, *intellectum*, *voluntatem*; *ſentiendi facultatem*; *libertatem*, *phantafiam*, *memoriam*, *habitudinem*, ac per intellectum intelligit *eam mentis facultatem*, *qua res prorsus incorporeas intelligat*; ac voluntati iudicia quoque adtribuit, aliaque a communi opinione aliena tradit. at vero clariffimus vir plures ſpecies præter neceſſitatem conſtituit, ac quum intellectum opponat phantaſiæ ac memoriæ, voce hac aliena vtitur ſignificatione, ſiquidem alias phantaſia & memoria habentur ſpecies facultatum intellectus. nec videmus, cur *habitudinem* inter mentis facultates, veluti peculiare earum genus referat, quum ille eiſmodi facultatum ſtatum ſignificat, quo per culturam exercitationemque aptiores ad efficiendum aliquid facilius ſunt redditæ, adeo vt nullus habitus eſſe poſſit ſine facultate naturali. adhæc *libertatem* quoque vt peculiarem facultatem conſiderat, quod & IO. LOCKIVS fecit, & inde deduxit conſuſionem, iſtam non poſſe vindicari voluntati, quæ & ipſa ſit facul-

1 *Pneumatol. ſect. I. cap. 3. & 4.*

tas, nisi dicere velis, facultatis dari facultatem, quod risu sit dignum. ¹ sed venerandus IO. FRANCISCVS BVDDEVS ² bene hæc obseruat: *at id sibi sumit LOCKIVS, non temere illi concedendum a quibusuis, libertatem esse facultatem seu potentiam distinctam a voluntate. est enim proprietates quædam voluntatis, in eius operationibus conspicienda.* nec silentio dimittere possumus sententiam PETRI POIRETI ³ de mente humana eiusque facultatibus, quippe quas in diuinas & inferiores diuidit. *diuinarum numerat modo tres, desiderium infinitum, intelligentiam, quam & appellat intellectum passiuum, & adquiescentiam; modo quatuor & addit libertatem; modo septem hoc ordine: desiderium tenebrosum; agitationem inquietam; sensum viuendum ac discruciantem; impetum cum ardore; intelligentiam, adquiescentiam; subsistentiam animæ perfectam, quibus facultatibus fundamenti loco ponit fundum animæ, de quo dicit: ⁴ & hic quidem est ille animæ fundus tantopere nonnullis celebratus, quem nulla creatura, nec vero ipsamet creata mens, non modo replere, sed nec quidem mouere aut attingere possit: locus ideis vacuus, thronus Deo æterno sacer, eiusque solius æternas impressiones suscipere aptus.* facultatum vero inferiorum tres statuit species, *rationem, imaginatricem, ac facultates sensibiles, cuiusmodi doctrinam relinquimus POIRETO, nec forsan sine rationibus existimamus, quod neque ingenium Poireti germanam*

¹ De intellectu human. lib. II. cap. 21. ² in stat. theol. moral. p. I. c. I. f. 4. §. II. not. ³ æcon. diuin. lib. I. cap. 15. 20. 23.
⁴ de erudition. lib. I. p. 4. §. 4. p. 147.

philosophiam; neque germana philosophia Poirati ingenium capiat. vulgaris philosophorum opinio est, quod intellectus humanus præditus sit triplici virtute, memoriæ, ingenii ac iudicii, quarum diuersitatem experientia, fidelis solidaque multarum rerum magistra confirmat. obseruamus enim, esse homines, qui grauiori pollent iudicio; in rebus autem memoriæ aut ingenii nihil præstare possunt præclari; quum contra alii aut memoria aut ingenio, aut vtroque valent multum; sed in eiusmodi negotiis, quæ iudicii vim postulant, prosperiori destituuntur successu. anno MDCCXVII. prodiit *tractatus metaphysico-physicus de rationis natura, incremento, maturitate, decremento aliisque affectionibus* auctore FRIDÉRICO MVZELIO, quo multa momenta continentur, quæ doctrinas logicas possunt illustrare; num autem auctor argumento huic satisfecerit, nec ne? id aliis iudicandum relinquimus.

§. VII. Nec defuerunt, qui singulas intellectus facultates speciatim explicare, atque in istas inquirere instituerunt, ad quam operam nonnulli *memoriæ causa* præcipue sunt adgressi. memoria diuiditur in *naturalem* & *artificialem*, quæ quum interdum sit infirmior, cogitare cœperunt de variis mediis modo medicis ac phisicis; modo arte quadam paratis, quibus istam excitari ac firmari posse, sibi persuaserunt. atqui sunt, qui huiusmodi mediorum varia recensent media, qualia sint logica, rhetorica, ethica, politica, & mnemonicæ speciali ratione sic dicta, quam in rem multi conscripti sunt libri, quos commemorant DA-

NIEL

NIEL GEORGIUS MORHOEIVS ¹ & GEORGIUS PASCHIVS. ² recentissimus argumenti huius auctor est MARIUS D' ASSIGNY, qui gente angulus opus breuius de arte memoriae composuit, quod etiam in teutonicum sermonem nostrum translatum atque observationibus fuit illustratum. alii de *imaginatio- nis* indole ac viribus explicandis extiterunt solliciti, quæ a plerisque quoque græca voce adpellatur *phantasia*, quamvis accuratius ac verius *imaginatio* ipsam facultatem; *phantasia* ipsius effectum significat, de qua mentis vi non vna eademque philosophis fuit opinio. PLATO duas facultatis huius posuit species, quarum altera sit *εικασική*, quæ veras efficiat similitudines; altera vero *φαντασική*, quæ in fictionibus versetur. STOICI quum differerent de rebus, quæ sint in anima, illas duplici ratione considerarunt, ac quidem vno modo quum sint impressiones quædam in principe parte, hoc est ipsa mente atque intellectu factæ, quas dixerunt *φαντασίαις*, ac per *phantasmata* intellexerunt *visa*, cuiusmodi sint ea, quæ in somnis aut per animi furores adpareant. qua ratione fiat phantasie impressio, hac de re discrepant sententiis; omnes autem facile inter se consentiunt, dari quamdam præcipuam phantasiam, quam *καταληπτικήν*, *comprehensionem* dicunt, quæue sit vna & veritatis regula: confer PETRVM GASSENDVM, ³ & THOMAM STANLEIVM. ⁴ PERIPATETICI putant, phantasiam esse *sensum internum*, qui

¹ Polyb. litt. lib. II. cap. 6. ² de inuentis nou - antiquis cap. II. §. 33. ³ de orig. & varietate logic. cap. VI. pag. 30.
⁴ hist. philos. p. 556,

Species siue ideas a sensu communi oblatas vel etiam a se diutius retineat ac diligentius examinet. CARTESIANI quum animam diuiderent in *puram* atque *impuram*, factum inde est, ut animæ impuræ tres facultates, *imaginatio*, *appetitus sensitivus* & *memoria sensualis* a multis constituerentur, qui per imaginationem intelligunt facultatem mentis, imagines per sensus externos ope spirituum animalium impressas percipiendi, considerandi, separandi, componendi, dirigendi, aliaque ratione circa eas versandi: confer AVCTOREM *artis cogitandi*, ¹ IO. CLERICVM, ² IO. FRANCISCVM BVDDEVV. ³ ceterum quum CARTESII sectatores actionem soli tribuunt voluntati, mirum non est, quod MALEBRANCHIVS ⁴ adfirmaverit, imaginationem dependere a voluntate. ANDREAS RVDIGER ⁵ existimat, quod ad memoriam pertineat *imaginatio*, quæ nihil sit aliud, quam receptio idearum ex visu enatarum; non confundenda cum phantasia, quippe quæ ingenii sit operatio: nec cum imaginatione magica, quæ sit imaginatio memoriæ cum firma persuasione de successu intentionis. atqui experientia satis confirmat, esse quamdam occultam abditamque imaginationis vim, quam vehementem multi non solum in anima; sed corpore quoque perceperunt, qua de re egerunt FRANC. PIC. MIRANDVLA, ⁶ THO-

¹ Part. I. cap. I. ² pneumatol. sect. I. cap. 4. ³ phil. pract. p. I. cap. 2. sect. 2. §. 4. seqq. theolog. moralium part. I. cap. I. sect. 5. ⁴ de inquirenda veritate lib. 2. c. I. §. 2. ⁵ de sensu veri & falsi lib. I. cap. 2. §. 27. add. physicam diuinam pag. 182. ⁶ tr. de imaginat.

MAS FIENVS, ¹ HONORATVS FABRI, ² CAESAR CREMONINVS, ³ GERH. IO. VOSSIUS, ⁴ GOTTL. FRIDERICVS SEELIGMANN, ⁵ IO. FRANCISCVS BVDDEVS, ⁶ LVDOVICVS CHRISTIANVS CRELLIVS, ⁷ IO. IACOBVS SYRBIVS. ⁸ quæ doctrina de occulta vi imaginationis haud spectat ad logicam, quibus de caussis non est, quod argumentum illustremus copiose.

§. VIII. Quibus viribus quamuis cuiusque intellectus sit præditus; non vna tamen eademque virtus illarum apud omnes deprehenditur, ita vt modo memoria ingenio; modo ingenium iudicio; modo iudicium ingenio, aut memoria suo vigore sint superiora. atque inde gignitur diuersa indoles ingeniorum, quam & *temperamentum intellectus* dicere ac tria illius genera, *temperamentum corporis, intellectus ac voluntatis* ponere possumus. fuerunt quoque, qui operam suam in exponendis ingeniorum diuersis speciebus consumserunt cum generatim, quo spectant ANTONIVS ZARA, ⁹ IO. BARCLAIVS, ¹⁰ IO. CHRISTIANVS LANGIVS; ¹¹ tum speciatim ratione habita culturæ litterarum, vt ostenderent, quænam ad istam sint idonea, quænam minus apta, cuiusmodi sunt IANVS HVARTVS, ¹² EDMVNDVS RICHERIVS, ¹³

1 De viribus imaginat. 2 de homine lib. III. 3 de sensibus rr. II. lib. 4. 4 de idololatr. gent. lib. I. c. 8. 5 exercit. acad. n. XL. 6 thes. de atheismo & superst. cap. X. pag. 778. 7 disp. de imagin. in mentem corpusque imperio. 8 philos. prim. pag. 445. 9 anatomia ingeniorum & scientiarum. 10 icone animorum. 11 protheoria erudit. human. cap. IV. quæst. 40. 12 scrutinio ingeniorum cap. II. 13 obfetrice animor. cap. IV. §. 7.

NEVHVSIUS, ¹ DANIEL GEORGIVS MORHOFIVS, ² IO. FRANCISCVS BYDDEVS. ³ nobilissimum est argumentum ac dignum, quod vberius ac pro rei dignitate explanetur, quum ex cognitione huiusmodi indolis magna pars prudentiæ adeoque felicitatis pendeat. diuersitas autem ingeniorum duplici modo debet considerari: primum generatim, vt obseruemus, quot illorum sint species, ac quænam naturalis bonitas sit æstimanda, quam non ex vigore facultatum; sed voluntate ac fine diuino debemus metiri. etenim Deus ideo beneficium rationis in nos contulit, vt illius ope veritates cognoscere harumque luce viam ad felicitatem inuenire possimus: quapropter iudicii virtus inter alias summa eminet dignitate, cui memoria, etiam in probabilitate ingenium inferuire, atque auxilium ferre debent. ex quibus colligimus merito, illum naturali eaque vera bonitate esse præditum, qui ad iudicandas res aptum se esse deprehendit, quum contra nimius vigor facultatum memoriæ & ingenii, quando iudicium debilius est, partim *confusionem*; partim vero *stultitiam* gignat. deinde vero hanc ingeniorum diuersitatem speciatim per culturam litterarum, quæ quum diuersi sint generis, varia quoque postulant ingenia, si feliciore euenire debeat successus, exponendam esse censemus, cuius rei causâ præcipue scholarum magistrorum officium suum deberent obire, vt ingenia candidatorum musarum explorarent studiose. nobis obiicere quis posset, argumentum hoc

¹ *theatro ingenii humani lib. I. cap. I.* ² *polyhistoræ litterar. lib. II. cap. I.* ³ *de cultura ingenii cap. II. §. 8. sqq.*

de ingeniorum indole nullum habere commercium cum disciplina logica, nosque ideo attingere aliena a proposita dissertatione. sed quid respondeamus, iam habemus. nam quamuis logicæ doctores hac de re nihil fere adhuc disputauerint; meliorem ac præstantiorem tamen hac accessione effecissent doctrinam, si saltim demonstraſſent, quod ingenium ad philosophiæ culturam sit aptum, quæue genuina ac salubris cogitandi libertas. multi sane auctores logicarum eam tractandi rationem obseruauerunt, vt etiam de eruditione generatim disseruerint, qua occasione commode argumentum hoc attingere atque explanare potuissent. si quis autem materiam de eruditione eiusque cultura a logicæ disciplina separare atque opera singulari cum de hoc argumento, tum de diuersitate ingeniorum disputare, consultius esse putaret, ei quidem repugnare nolumus: quin etiam fatemur, doctrinam de ingeniorum generibus varia ratione posse considerari, modo per cultum scientiarum; modo per prudentiam viuendi, si modo logicæ doctor exponat, quodnam ingenium aptum sit ad philosophiæ culturam.

§. VIII. Illustrauimus igitur doctrinam de natura intellectus humani. nunc videamus, *quomodo* ille a philosophis fuerit *diuisus*, quod est alterum momentum heic obseruandum. scilicet triplex illius diuisio in multorum doctorum scholas recepta est. *prima* est, qua diuiditur in intellectum *actiuum* & *passiuum*, quæ si mitiori ac sana sententia explicatur, ita vt actius respiciat cogitationem; passius vero sensationem, haud reicienda est, siquidem

intellectus mouetur ac sese mouet. at vero quam male senserint veteres philosophi, id superioribus ¹ a nobis expositum est copiose. *secunda* diuisio est, quod intellectus sit vel *purus*, vel *impurus*, cuius fundamentum in eo plerique ponunt, quod anima agat modo instrumentis corporis adiuta; modo sine iisdem, hincque eius facultates diuidunt in puras & impuras siue mixtas, quas posteriores *imaginatio* & *adpetitus sensitivus* constituent. *tertium* intellectum vel *theoreticum* vel *practicum* esse dicunt, quorum ille res ad contemplationem tantum spectantes; hic vero momenta vitæ atque actionum humanarum consideret. atqui multi sunt, quibus hæ diuisiones sese commendarunt; nonnulli autem duas posteriores haud magnificerunt, iis de causis adducti, quod minus solido nitantur fundamento, cuius singularem rationem habere debeamus, ne pro arbitrio; sed pro veritate cognoscenda inueniendaque, cuius medium est diuisio, res diuidamus in partes ac species. namque dicunt, neque commercium corporis cum anima, propter quod diuiditur in puram atque impuram; neque diuersitatem rerum, cuius causa dicitur modo theoreticus, modo practicus, intellectus diuersitatem efficere; sed semper esse vnum eundemque intellectum. at vero, si inter membra diuisionis ne vlla quidem differentia essentia illius rei, quæ diuiditur, est, ista sane diuisio nullam habet vim ad cognitionem veritatis, id quod præcipue aduersus scholasticos decet obseruari: confer

ANDREAM RVDIGERVM ² & EPHRAIM

¹ pag. 302. seqq.² de sensu veri & falsi lib. I. cap. 9. §. 33.

GERHARDVM. ¹ nam vltimum diuisionum genus PERIPATETICI in primis tradiderunt; secundum vero CARTESIANI, ac primi ipse ARISTOTELES dedit occasionem.

§. X. Haftenus de intellectu humano secundum indolem naturalem, quem quum sit facultas cogitandi, logica ad veritatum cognitionem formare & effingere debet, huncque in finem non solum præcepta de vero ac falso cognoscendo; sed & modum doctrinam applicandi seque in meditatione exercendi tradit, vt inde gignatur *recta ratio*, siue facultas bene cogitandi. cuius solius ope ad sensum veritatis eruditæ ac philosophicæ peruenimus, quem vt cultores sapientiæ capiant, necesse est, in disciplina logicæ demonstrare partim *vsu rectæ rationis ac veram cogitandi libertatem*; partim doctrinam de *meditatione* explanare diligenter, ac viam ostendere, qua quis rectam assequatur rationem. quid senserint philosophi de priori momento, siue de vsu rectæ rationis legitimo, iam breuiter quidem exponere, ac primum quidem ipsum illius vsu generatim; deinde vero speciatim ratione sacrarum scripturarum, siue luminis gratiæ respicere vellemus; nisi vtrumque momentum a plerisque logicarum scriptoribus, non sine artis huius atque inde sperandæ utilitatis detrimento silentio dimissum fuerit, quod quum obseruaret ANDREAS RVDIGER, ² quædam de *carceribus rationis* edisseruit. extitit quidam natione anglus ANTONIVS COLLINVS, auctor libri de *libertate cogitandi*, qui

¹ delim. phil. rat. lib. I. cap. 4. § 57.
lib. I. c. 5. §. 16. seqq.

² de sensu veri & falso

primum Londini MDCCXIII. lingua anglica;
 posthac gallica MDCCXIII. Londini & ite-
 rum MDCCXVII. Amstelædami sub inscrip-
 tione: *discours sur la liberté de penser* pro-
 diit, quippe quo COLLINVS maximo erga
 theologos odio occupatus id agit vnice, vt de
 industria omnem veram certisque limitibus
 circumscriptam cogitandi libertatem euertat,
 eamque cum licentia praua quiduis sentiendi
 confundat. sic illustre hoc argumentum, quod
 iure ac merito vindicat sibi logica, peruerse
 exposuit, ac vt improbitatis suæ atque aliorum
 ageret causas, sectari se libertatem cogitandi,
 videri voluit; re ipsa autem fontem aperuit,
 vnde errores atque impiæ opiniones proma-
 nant. quapropter non immerito libidinem
 hominis huius in ipsa Anglia. profligarunt,
 præcipue SAMVEL PYCROFT in breui dis-
 quisitione de libertate philosophandi in re-
 bus ad religionem spectantibus, Cantabrigiæ
 MDCCXIII. RICHARD BENTLEIVS sub
 nomine PHILALEVTHERII LIPSIENSIS
 in animaduersionibus in nuperum discursum de
 cogitandi libertate, Londini MDCCXIII.
 præter quos aduersus ipsum disputarunt I. P.
 CROVSZ in exam. du traité de la liberté de
 penser, Amstelodami MDCCXVIII. & ex
 germanis IO. FRANCISCVS BVDDEVS
 commentatione de libertate cogitandi, Ienæ
 MDCCXV. GOTTLIEB SAMVEL TRE-
 VER disputatione de limitibus libertatis cogi-
 tandi, Helmstadii MDCCXIII. CORNELIVS
 DIETERICVS KOCHIVS disquisitione philo-
 sophica de sententia media in dissertationem
 nuperam de libertate cogitandi, Helmstadii
 MDCCXIII.

MDCCXIII. CHR. MATTH. PFAFFIVS
dissertatione priore de præiudiciis theologicis
 §. XXIII. not. (i) quamvis autem præter PY-
 CROFTIVM & BENTLEIVM non solum in
 Anglia voluntatis divinæ interpretes aduersus
 librum hunc dixerint grauiter; sed viginti
 quoque scripta & adhuc plura a diuersis aucto-
 ribus composita contra COLLINVM in publi-
 cam emissâ sint lucem; fuerunt tamen, qui
 causas ipsius tueri ac in dissertationibus de-
 fendere instituerunt. ipse liber diuisus est in
 tres partes, quarum prima continet definitio-
 nem libertatis, *quod sit licitus mentis nostræ*
usus, quo elaboremus, sententiam cuiusuis pro-
positionis aperire, considerando rationes, quæ
istam aut confirmare aut infringere possent, vt
de ea feramus iudicium pro dignitate argumen-
torum. secunda parte commonstrare vult,
 quam necessaria sit cogitandi libertas; ac ter-
 tia obiectiones remouet ac varios commemo-
 rat, qui libertatem hanc vsurpassent, SOCRATEM
 quippe, PLATONEM, ARISTOTELEM, EPICVRVM,
 PLVTARCHVM, VARRONEM, MARCVM CATONEM,
 CICERONEM, CATONEM *Vti censent*, SENECAM,
 SALOMONEM, PROPHETAS, IOSEPHVM
historicum; ORIGENEM; MINVTIVM FELICEM;
 SYNESIVM, BAG. de VERVLAMIO, HOB-
 BESIVM, TILLOTSONIVM. ex definitione, quam
 adtulimus, haud obscure quis potest colligere,
 qualem libertatem cogitandi COLLINVS mente
 sua formauerit, quippe quæ ita comparata est,
 vt cum licentia quidem quiduis sentiendi;
 minus autem cum vera cogitandi libertate
 conueniat. quam si

demonstrare ipsi fuisset animus, hæc inprimis momenta fundamenti loco debuisset ponere, primum *quod ratio nostra sit finita*, id est quum velit cogitare, debeat incipere a certis principiis, ac quum cogitauerit, in certo criterio adquiescere, ex quibus differentia intellectus diuini ac humani patet; deinde *quod deus talem cogitandi modum constituerit, ut absque ideis nulla cogitatio fieri possit, quodue omnes idee oriantur a sensu*; tertium *quod sensus pendeat ab eo, quod deus nobis aliquid naturale aut morale manifestum fecerit*; quartum, *quod hoc fieri possit ratione modo existentiae; modo essentiae rerum.* ex quibus consequitur, deum intellectui humano posuisse terminos; quorum gradus ex natura sensationis & idearum; harum autem gradus ex conditione reuelationis diuinæ siue per naturam, siue scripturam diuinam factæ dependere. qualis igitur reuelatio diuina; talis sensus; qualis sensus, talis idea; qualis idea, talis cogitatio; qualis cogitatio, talis meditatio & inde pendens libertas cogitandi. quæ si ad res ipsas adplicantur, ostendi potest, quod detur partim *ignorantia* sine culpa, quo spectant mysteria cum rationis, tum scripturarum diuinarum; partim *cognitio probabilis*, in quibus intellectus noster debet adquiescere, qui si quid supra vires suas per meditationem velit assequi, facile documenta stultitiæ prodere potest.

§. XI. Ad hanc doctrinam de usu rectæ rationis pertinet quoque illa disputatio specialis: *num sit pugna inter lumen naturæ & gratiæ?* quam etiam logicæ doctor attingere potest, quamuis id iterum a plerisque fuerit neglectum.

glectum. nonnulli tantam pugnam inter rationem & fidem prodiderunt, vt summam vim aut rationi, aut religionis christianæ doctrinæ inferre necesse habuerint. alii, vt pugnam istam euitarent, rationis imperii longiores, quam par est, fines posuerunt, eique subiecerunt fidem, quod Socinianis, IO. LOCKIO, IO. TOLANDO, ANTONIO COLLINO aliisque solemne est, qui religionem christianam expertem esse mysteriorum putant. sunt quoque, qui vsum rationis nimis deprimere ipsique in doctrinis diuinis ac christianis nulum locum relinquere instituerunt, quo spectare videtur præcipue PETRVS BÆLIVS, ideo inprimis a doctissimo I A Q V E L O T I O vocatus in disceptationem. etenim scripsit contra BÆLIVM librum gallica lingua: *conformité de la foi avec la raison*, ad quas objectiones ibi propositas quum responderet BÆLIVS in libro: *réponse aux questions d'un Prouincial*; iterum edidit *examen de la theologie de Mr. Bayle*; ac quum & BÆLIVS multa aduersus ipsum acerbius dissereret in libro: *entretiens de Maxime & de Themiste*; composuit *réponse aux entretiens*. sic & illustris GOTTFRIED GVILIELMVS LEIBNITZIVS disputatione de *concordia rationis & fidei*, quæ ipsius libro: *essais de Theodicée* præmissa est, contra BÆLIVM solide disseruit, quod adhuc alii fecerunt, inter quos PETRVS POIRET¹ de ipso eiusque sententia bene iudicat: unde, inquit, dum rationem videtur suppressimere velle, vt fidei soli detur locus, hanc potius pudendum in modum derisit & proculcauit,

¹ pref. libr. fides & ratio collata p. 30.

ut alteram omni molimine in altum eueheret. ceterum hanc in rem legi possunt PETRVS DANIEL HVETIVS, ¹ IO. MVSAEVS, ² HERMANNVS WITSIVS, ³ IACOBVS BERNARDVS, ⁴ IO. FRANCISCVS BVD-DEVS, ⁵ GEORGIUS WOLFFGANGVS WEDELIVS ⁶ alique.

§. XII. Antequam historię doctrinæ de intellectu humano ultimam imponimus manum, vnicum tantum momentum, quod de industria referuauimus ad extremum, attingere, non ab re esse ducimus. disputatum est: *num intellectui humano peculiaris vaticinandi facultas possit adtribui?* quod argumentum commercium habet quoddam cum doctrina logicæ, in qua recta ratio, ut subiectum veritatis consideratur, ac ostendi debet generatim, quibus modis veritas possit cognosci. voces: *facultas diuinandi siue vaticinandi* non vna sententia sunt adhibitæ, siue res, siue fundamentum diuinationum respiciamus. ANDREAS RVDIGER ⁷ diuidit spiritum hominis in mentem & animam, quam posteriorem vi diuinandi præditam esse censet; eam autem tantum ad præsentia extendit. plerique contra vocem *diuinationis* ita vsurpant, ut respiciat ad futura, eaque arcana & abdita plane, cuiusmodi cognoscendi ac prædicendi num insit vis quædam naturalis? disputatur. ex vetustioribus STOICI adfirmabant, homines tali naturali virtute pollere, quæ modo in iplis

¹ quæst. Alnetan. ² de usu principiorum rationis & philosophiæ in controversiis theologicis. ³ de usu & abusu rationis p. 11. n. 8. miscell. ⁴ de l'excell. de la religion. ⁵ instit. theol. moral. part. 1. cap. 1. sect. 2. ⁶ diatr. de usu rationis in sacris. ⁷ physic. diuin. lib. 1. cap. 14. sect. 4. §. 43. 46. 47.

dormientibus, modo furore concitatis, accidentibus præsertim causis vim hanc excitantibus, se proderet. eadem sententia fuit PERIPATETICIS, ac ipse ARISTOTELES rationes, cur Sibyllæ ediderint vaticinia, deduxit ex calore, quæ opinio quoque tribuitur AMMONIO, auctoritate PLUTARCHI; ¹ quamvis IO. IACOBVS SYRBIUS ² moneat, argumenta inde collecta non esse AMMONII; sed PLUTARCHI ipsius. sic probauerunt diuinationem præter XENOPHANEM atque EPICVRVM, de quibus testatur CICERO, ³ etiam alibi id de EPICVRO confirmat, quando dicit: ⁴ *nihil tam irridet Epicurus, quam prædictiones rerum futurarum*; item ⁵ *doleo, Stoicos nostros Epicuræis deridendi sui facultatem dedisse; non enim ignoras, quam ista derideant*: confer PETRVM GASSENDVM. ⁶ plerique negant, hominem vi quadam naturali prouidere ac prædicere posse futura; alii autem multorum exemplorum dignitate commoti hæc inter arcana & abdita animæ humanæ referunt, præcipue quum in aperto sit positum, diuinationes neque a Deo, neque a malo spiritu esse profectas. alii hominem per naturam accepisse peculiarem facultatem reuelationem a Deo, aut a genio quodam profectam recipiendi, asserunt, MOSES quippe MAIMONIDES, ⁷ BENEDICTVS SPINOZA, ⁸

² De defect. oracul. 1. 11. opp. p. 419. ³ phil. prim. pag. 453.

³ de diuinat. lib. 1. ⁴ de natura deorum lib. 11. ⁵ lib. 11. de diuinat. ⁶ syntagm. philos. Epicur. sect. 11. cap. VI. ⁷ more nenoch. part. 11. cap. 35. 36. 37. ⁸ tract. theol. polit. cap. 11. pag. 18.

PETRVS PETITVS, ¹ quos confutauit IO. FRANCISCVS BVDDEVS. ²

§. XIII. Hactenus de intellectu humano ac recta ratione, subiecto veritatis, cuius doctrinæ historiam quum breuiter simus persecuti, varia quidem momenta attigimus, quæ vel minus, vel breuiore industria a scriptoribus logicæ sunt tradita; sufficit tamen, ista cum arte hac summum habere commercium, inprimis quum simul demonstrare nobis sit animus, quibus doctrinarum accessionibus disciplinam hanc posse augeri atque emendari. iam conuertimus nos ad doctrinam de *principiis ac criteriis veritatis cognoscendæ*, quæ quum ab omnibus fere philosophis distincta habeantur; de illis quoque differamus separatim. quod ad *principia* adtinet, multum disputatum est, quodnam sit primum principium cognoscendi? per quod intelligunt eiusmodi propositionem, quæ sit vera, vniuersalis, euidens, nec possit demonstrari. PERIPATETICI putant, talem propositionem esse illud: *impossibile est, idem simul esse & non esse*, quos plerique philosophorum recentiorum sunt secuti: confer ARISTOTELEM ³ & CHRISTIANVM THOMASIVM. ⁴ GOTTLIEB GERH. TITIVS vero ⁵ non solum negat, daritale principium vniuersale, quod omnes conclusiones veritatum specialium contineat; sed existimat quoque, hanc a Peripateticis at-

¹ De Sibyll. lib. I. cap. 9. ² dissert. an naturali homines polleant ratiocinandi facultate: adde theses de ath. & superstis. pag. 281. histor. eccles. V. T. tom. I. p. 787. ³ lib. III. cap. 3. metaphys. & iurispr. diuin. lib. I. cap. 3. §. 18. philos. aulic. cap. VI. ⁵ arce cogit. c. III. §. 75. sqq.

que ab aliis commendatam propositionem neque vniuersalem, neque vtilem esse, aduersus quem EPHRAIM GERHARDVS ¹ disputat. Iudæi traduntur, quod huius propositionis veritatem negent, ac statuunt, idem simul posse esse, & non esse, vide IO. FRISCHMUTH, ² cuius opinionis quoque sunt asseclæ pontificis romani. PAVLLVS SARPIVS ³ adfirmat, Patauii multa scripti cuiusdam exempla inuenta fuisse, cuius regula decima tertia hæc fuerit: *credendum ecclesiæ hierarchicæ, etsi nigrum esse dixerit, quod oculis album videtur*: GREGORIUS DE VALENTIA ⁴ dicit: *quandoque potest contingere, vt quis teneatur conari ad eliciendum ad sensum fidei supernaturalem circa id, cuius contrarium verum est*. quam in rem adhuc illustre exemplum proferamus. disputatur quippe: *num Maria soror Lazari a Maria Magdalena fuerit diuersa?* quæ quæstio in primis FRANCISCVM TURRIANVM grauiter exercuit. quum enim constitutiones apostolicæ, ⁵ quas habet genuinas, Mariam Lazari sororem a Maria Magdalena distinguant; & tamen breuiaria romanæ ecclesiæ utramque esse vnam eandemque dicant; pro veritatis ratione habuisset necesse, aut officium ecclesiæ romanæ; aut constitutiones apostolicas insimulare erroris. sed vtrumque per superstitionis ac stultitiæ morbos, quibus laborabat, ipsi nimis durum videbatur. quapropter ex apostolicis constitutionibus Ma-

¹ Delen. philos. rational. lib. 1. cap. 7. §. 34. ² dissert. an Ebræi statuunt, idem simul posse esse & non esse. ³ lib. II. p. 48. histor. interd. Venet. ⁴ tom. III. disp. 1. quæst. II. ⁵ ab. III. cap. 6.

riam Lazari sororem eandem esse cum Maria Magdalena negat; attamen se non errare putat, si cum ecclesia pie adfirmet, Mariam Lazari sororem eandem esse cum Maria Magdalena, quamvis sit falsum, quod dicat ecclesia: vide THOMAM ITTIGIVM, ¹ cui addas TAVRELLVM, ² & IACOBVM THOMASIVM. ³ alii, nonnulli quippe scholastici atque inprimis SCOTI hoc principium probauerunt: *ens est ens*, quæ propositio quidem vera, etiam clara; sed quomodo inde aliæ veritates ac conclusiones possent deduci, haud videmus. sunt quoque, quibus hoc: *quodlibet est, vel non est*, placuit, aduersus quod varia monet IO. IACOBVS SYRBIVS; ⁴ nonnulli autem hoc cum illo: *impossibile est idem simul esse, & non esse* coniungunt: confer STEPHANVM CHAVVINVM. ⁵ ex recentioribus RENATVS CARTESIVS ⁶ principium hoc: *ego cogito, ergo sum*, commendauit, quod neque sua indole principium demonstrationi inseruiens est, neque ab ipso Cartesio tale habitum. etenim tantum sibi persuadebat, hanc esse primam eamque certam veritatem, qua quis contra dubitationem ac scepticismum se munire posset: id quod ex ipsis Cartesii verbis colligere possumus, quando dicit: *sic autem reiicientes illa omnia, de quibus aliquo modo possumus dubitare, ac etiam falsa esse fingentes: facile quidem supponimus, nullum esse Deum, nullum cælum; nulla corpora; nosque*

¹ Opuscul. variu p. 328. ² triumph. philosoph. ³ prefat. n. XLII. pag. 237. ⁴ insit. phil. ration. part. 1. cap. III. §. 2. ⁵ lexic. philosoph. pag. 519. ed. 2. ⁶ princ. philosoph. part. 1. §. 7. & meditat. II.

etiam

etiam ipsos non habere manus, nec pedes nec denique ullum corpus; non autem ideo nos, qui talia cogitamus, nihil esse: repugnat enim, ut putemus, id quod cogitat, eo ipso tempore, quo cogitat, non existere. ac proinde hæc cognitio: ego cogito, ergo sum est omnium prima & certissima, quæ cuilibet ordine philosophanti occurrat. quapropter mirum est, quod GEORGIVS PAVLLVS ROETENBECCIVS scripserit dissertationem huius inscriptionis: principii Aristotelici: impossibile est, idem simul esse & non esse, & Cartesiani: cogito, ergo sum, amica methodoque eclectica conformi collatio, principii simpliciter & absolute primi dignitatem ab utroque remouens; atque demonstrare instituerit, quod inter vtrumque principium miræ quædam sit similitudo. P. BVFFIER¹ putat, primum principium esse hanc propositionem: quodlibet est id, quod est, nec aliud quid, persuadens sibi, esse adhuc clariorem ac priorem illa: impossibile est, idem simul esse, & non esse, quod autem sine causâ adfirmari videtur. nam ipsa hæc propositio, quam principii loco ponit, probari debet & potest per illam, quod non possit fieri, ut idem simul sit & non sit. NICOL. HIERONYMVS GVNDLINGIVS² existimat, huiusmodi principii vim inesse huic enunciato: quidquid sensibus ac definitioni rerum, id est ideis nostris congruit, verum est; & vicissim, quidquid non congruit, repugnat; quidquid repugnat, falsum est, aduersus quam sententiam disserit IO. IACOBVS SYRBIVS.³

¹ princ. du raisonnement, logiqu. 2. art. 21. p. 304.

² via ad veritatem part. I. p. 50.

³ instit. phil. ration. p. 40.

§. XIII. Per *criterium veritatis* intelligunt notam certam atque indubitatam cognitionis cuiuslibet veræ, cuius doctrinæ historiam iam illustravit CHRISTIANVS THOMASIVS.¹ antiquioribus philosophis non vna fuit sententia de criterio veri, quæ discrepantia inde oriebatur, quod alii sensus fallaces esse, sibi persuadebant atque in sola mente fundamentum veritatis quærebant, id quod fecit PLATO; alii autem etiam sensus simul cum mente eiusque ideis admittebant, vt PERIPATETICI & STOICI. nemo autem tam sollicitus fuit de criterio veri, quam EPICVRVS, qui tria criteria *sensionem, anticipationem & passionem* posuit, de quibus iam supra disseruimus ac iudicauimus. recentiori tempestate eodem labore functus est CARTESIVS, qui notam veritatis in eo quærit, si quid percipiat *clare & distincte*,² quæ sententia quamuis multorum iudicio sit probata; criterium tamen hoc Cartesii non in omni veritate officii partes explere potest. namque id neque ad existentias rerum, quæ etiam ex obscuris & confusis ideis verè cognoscuntur, neque ad probabilitatem, quæ cum claris ac distinctis ideis nihil habet commune, potest adplicari. ceterum TSCHIRNHAVSIUS³ principii, siue potius criterii loco ponit, *nos quædam posse, quædam vero nullo modo posse concipere*, quo fundamento in cognoscenda veritate si quis niti velit, rebus suis haud bene consulat, siquidem tantum diuersitatem rerum, quomodo se se ratione sensationis nostræ habeant, indi-

¹ *Philos. aulic. cap. 5. part. II. sect. I. p. 37.*

² *medit. IIII.*

³ *medic. ment.*

cavit: alia quæstio est. num obiectum quoddam perducì possit ad *sensionem*? quæ huc non pertinet; alia vero: vnde cognoscatur, quod hoc verum, illud vero falsum, quæ duo momenta maxime distincta haud perturbanda sunt: confer THOMASIVM. ¹ plerique recentiorum existimant, criterium veritatis positum esse in *evidentia*. ANDR. RVDIGERVS varia tradidit momenta, quæ a vulgari doctrina discedunt. discrimen illud inter principium & criterium, quod sibi persuadent, haud admittit atque existimat, quod principium sit in metho synthetica, id esse criterium in metho analytica. proinde rectius atque accuratius de diuersitate principiorum, quæ modo veritatem generatim, modo illius species certam & probabilem respiciunt, cogitauit, ideoque loco principii primi & criterii vltimi posuit *sensionem*, a qua oriantur omnes ideæ, quæ etiam *evidentia*, quam veluti criterium alii commendant, nitatur, qua ratione necesse habebat, vocem *principii* alia significatione vsurpare. heic quoque doctrinam de *certitudine sensuum* ac *scepticismo* adtingere possemus; de qua autem infra disputabimus commodius.

§. XV. Sequitur doctrina de *ideis*, quæ in primis recentiori tempestate culta atque exposita fuit, ita tamen vt siue earum originem, siue naturam, siue species, siue coniunctionem respiciamus, vbique fere sententiarum diuersitatem deprehendamus. ex priscis seculis primum nominare decet PLATONEM, qui

¹ *Philosoph. aulic. cap. VI. §. 28. sqq.*

multa quidem de ideis disputauit in Timæo & Parmenide; sed obscure. CICERO¹ dicit: *has rerum formas adpellat ideas ille non intelligendi solum, sed etiam dicendi grauissimus auctor & magister Plato: easque gigni negat & ait semper esse, ac ratione & intelligentia contineri: cetera nasci, occidere, fluere, labi, nec diutius esse vno & eodem statu.* scilicet PLATO ideas duplici ratione considerauit: priori retulit istas ad Deum, persuadens sibi, quod Deus istas ex sua mente produxerit, quod sint ab intellectu diuino separatae, æternæ, haud possint mutari, ad quarum exemplar summum numen ea, quæ videmus sensibusque percipimus, condiderit. posteriori modo de ideis animæ humanæ disseruit, in eam ingressus sententiam; quod mens nostra ex diuino animo ipsoque Deo tracta ideas illas adeoque omnium rerum naturas cognouerit; ex quo autem tempore mens venerit in commercium ac societatem corporis, obliuionem harum idearum contraxerit. proinde iudicabat, intellectum humanum similem esse tabulæ rasæ, quod imagines, quas antea continebat, in eodem iam essent deletæ; atque in eo præcipuum philosophiæ munus atque officium ponebat, vt homo pristinas ideas reminiscendo sensim ac sensim recognosceret. ex quibus colligimus, hanc doctrinam magis propriam esse metaphysicæ, quam logicæ, quamuis re ipsa non solum absurda sit; sed & impia: conferri possunt ALCINOVS,² IACOBVS THOMASIVS,³ SCIPIO AGNELLVS,⁴

¹ De orator. num. 3. ² delin. doctrin. Platonie. cap. I X.

³ orat. de Platonie. ideis exemplar. num. XIII. orat. & præfation. pag. 275. ⁴ disceptationib. de ideis trib. lib. Ven. MDCXV. 4.

GEORGIUS PASCHIVS, ¹ omnesque illi, qui de trinitate Platonica disputarunt, quos commemorat 10. ALBERTVS FABRICIVS; ² ex vetustioribus etiam SENECA; ³ de ideis ex mente Platonis differit. a PLATONE eiusque doctrina de ideis plane discessit ipsius discipulus ARISTOTELES, siue ideas Dei, siue hominum respiciamus. nam primum ideas Platonicas ipse reiecit, ⁴ deinde aperte plane ab illis aliena tradidit; ex principiis autem doctrinarum, quæ sequitur, adhuc possumus colligere, quod Platonis placita haud probauerit. sic credebat, mundum extitisse ab æterno, deumque tantum supremo cælo præsidere, cum qua opinione ideæ Platonice haud cohærent, quas Plato quidem admittere poterat, quum censeret, mundum ex libero Dei cum congressu extitisse, vt supra ⁵ copiose obseruauimus. de ideis autem intellectus humani sentiebat, illas esse immersas rebus singularibus, quas mentem separare & sensum sibi effingere posse credebat, adeo vt nihil sit in intellectu, quod non prius fuerit in sensu. quapropter quum Plato intellectum cum *tabula rasa* compararet; Aristoteles contra illum *tabula nuda* similem esse pronunciauit. ⁶ in qua quum eiusmodi imagines nunquam fuerint depictæ, nec deleri deinde potuerint. atqui hac ratione bene quidem sensit, si modo hæc doctrina partim aliis ipsius opinionibus de anima atque intellectu agente accuratius re-

¹ Introd. ad rem litter. mor. vet. cap. I. §. 16. qua addit. libro de variis modis moralia tradendi p. 553. ² bibl. græca lib. III. c. I. pag. 39. ³ epist. 58. & 65. ⁴ lib. I. cap. 7. metaphys. § pag. 260. ⁵ lib. 3. cap. 4. de anima.

sponderet, siquidem Aristoteles sæpe plane sibi contraria & repugnantia tradidit; partim in scriptis logicis diligentius esset explanata. etenim neque idearum indolem ac species; neque illarum conditionem, quam propter veritatem cognoscendam habere debent, considerauit; sed vti sæpius grammaticorum; non philosophorum more agit; ita & hoc momentum de ideis proposuit grammatice nec de ipsis rebus & notionibus mentis; sed ipsarum signis ac vocibus fuit sollicitus, id quod patet ex eius libro *κατηγορίας* inscripto, etiam *περὶ ἑρμηνείας*, de interpretatione. STOICI quoque disputarunt de ideis. verum istas neque cum Platone rebus ipsis habuerunt antiquiores; neque cum Aristotele rebus immerfas crediderunt; sed eas nihil aliud esse tradiderunt, quam rerum in animo nostro notionem atque resplendentes & impressas intelligentiæ imagines. IACOBVS THOMASIVS¹ inde obseruat, quod Stoicis vniuersalia fuerint ἔτινα, id est, *nulla* atque ex hoc deducit appellationem sophismatis dicti ἔτις, in quo scilicet ἐκ τῆ τινὸς πρὸς τὸν ἔτινα, hoc est a singulari ad vniuersale perperam progredetur argumentatio. plerique hac in re discrepantes fuisse Peripateticos & Stoicos sententiis existimant, quam diuersitatem non tanti esse momenti, quin etiam posse conciliari censemus. etenim ideæ considerari possunt partim ratione rei, siue obiecti, quod repræsentant; & heic bene tentit Aristoteles, quod positiæ sint in rebus singularibus, id quod etiam

¹ De doctribus scholasticis §. XVIII. not.

inde confirmatur, quoniam omnes ideæ oriuntur aensione; partim ratione ipsius formæ atque indolis, quæ sunt ideæ & a sola mentis operatione dependent, quod adfirmarunt Stoici.

§. XVI. Quod ad SCHOLASTICOS adtinet, differuerunt quidem de ideis diuinis; sed ieiuna ratione; nec meliora effecerunt, quum operationes intellectus humani considerarent, quo labore sequebantur Aristotelem & acerbissimas excitabant controuersias de *uniuersalibus*, quas supra attigimus, vt adeo haud necesse sit, istas heic iterum recensere. quam ob rem conuertamus nos ad tempora recentiora, quibus philosophi non solum censuram aduersus doctrinam Aristotelis fecerunt; sed & ista proscripserunt, meliorem de ideis disciplinam tradere elaborarunt. pars igitur illa logicæ Aristotelicæ, quæ primam mentis operationem respicere debet & complectitur doctrinam de *predicabilibus*, *antepredicamentis*, *predicamentis* & *postpredicamentis* illis, qui adhibuerunt libertatem philosophicam, haud sese commendauit. sic GOTTLIEB GERH. TITIVS ¹ existimat, doctrinam de *predicabilibus* nullum habere nexum cum genuina ac solida cogitandi arte; CHRISTIANVS THOMASIVS ² ita de ista iudicat: *quamuis mihi quidem confusissima videatur doctrina de tribus ultimis, quam proprio competat definitio accidentis & sit saltem nobilissima accidentis species, ac præterea nullum habeamus distinctum conceptum differentie ullius sine conceptu*

¹ *Arte cogitanda*, cap. XVIII. §. 3. 4.
² *cap. VII. §. 44.*

² *introd. ad phil. aule.*

accidentium a Peripateticis commemoratae non sufficiunt ipsis rebus, quoniam discrimen ponendum est inter illa, quæ essentiam rei constituunt; & ea, quæ ad propriam indolem haud pertinent; tandem hanc doctrinam metaphysica maiori iure sibi potest vindicare, quam logica, in qua nullam præstat utilitatem.

§. XVII. Quum de prædicamentis Aristotelicorum edisserere instituerimus, pauca adhuc, quæ historiam hanc illustrare possunt, adiciamus. scilicet PLATO quinque entis genera numeravit, *essentiam, idem, alterum, statum & motum*: STOICI duplicem rerum classem constituebant, quarum altera complectebatur corpora; altera res materiæ expertes, *enunciatum, vacuum, locum & tempus*: EPICVRVS dicebat, vniuersum constare ex *corpore & vacuo*, quæ pluribus exponit CHRISTIANVS THOMASIVS. PETRVS RAMVS peripateticam de prædicamentis disciplinam faciebat nihili ac *locis topicis*, vti dicuntur, auctoritatem conciliare adlaborabat, de quibus vtraque ætate diuersis iudiciis senserunt philosophi. ARISTOTELES scripsit octo libros *topicorum*, de quibus iam supra disputauimus; PETRVS RAMVS autem quum discederet ab hoc philosophiæ doctore ac maiori studio sectaretur CICERONEM, alio instituto hos commendauit locos, atque effecit, vt eloquentiæ magistri per longum temporis tractum illis artem suam dicendi superstruxerint, quamuis doctrina hæc non vno modo a logica

1 dodec, q. i. est. promisc. q. i. est. 1. §. 2.

& rhetoricæ disciplinæ auctoribus fuerit tradita, qua de re legere possumus IO. CHRISTIANVM LANGIVM.¹ aduersus quos locos topicos, veluti causas eloquentiæ corruptæ disputauit NICOLAVS HIERON. GVNDELINGVS,² quos contra tales adulationes tueri voluit CHRISTIANVS IVNCKERVS;³ & ANDREAS RVDIGER emendauit.⁴ Speciem quamdam prædicamentorum præ se ferre videntur decem classes principiorum oppositorum, quas hoc ordine exhibet CASPAR KNITTELIYS:⁵ pro metaphysica *unum, plura; bonum, malum*: pro physica *lumen, tenebræ; motus, quies; masculinum, femininum*: pro mathematica *dextrum, sinistrum; par, impar; quadratum, oblongum; rectum, curuum; finitum, infinitum*. de arte RAYMVNDI LVLLII, qui etiam certas constituit classes substantiarum, principiorum, superioribus egimus. CARTESIVS eiusque sectatores septem rerum siue modorum genera ponunt, qualia sunt *mens*, seu substantia cogitans; *materia* seu substantia extensa; *mensura*, id est magnitudinis partium ratio; *positura*, seu partium ad se inuicem situs; *figura*; *motus*; *quies*.

§. XVIII. Non solum recentiores philosophi de doctrina Peripatetica iudicarunt, obseruantes illius vitia; sed meliorem quoque de ideis disciplinam excogitarunt, quamuis non ubique eandem amplexi sint sententiam.

¹ Addit. ad nucleum logica W'eisian. p. 541. sqq. ² obseru. Hial. tom. I. obseru. 17. p. 231. ³ dissertationib. apologeticis pro locis topicis. ⁴ de sensu veri & falsi lib. IIII. cap. 4. §. 6. sqq. ⁵ via reg. part. IV. n. 15.

primum solliciti fuerunt de *natura ideæ* explananda. ex recentioribus CARTESIVS primus vocem *ideæ* adhibuit; nunquam autem clare definire istam instituit, quod solide in ipso PETRVS GASSENDVS ¹ reprehendit; quin etiam AVCTOR *artis cogitandi* ² dicit: *ideæ nomen est ex eorum numero, quæ adeo clara sunt, ut ulterius explicari per alia non possint, quia alia non habentur vel clariora, vel simpliciora.* sed latet anguis in herba. ideo enim definitionem ideæ dare noluit, ne illius originem aensione admittere sicque propriam de innatis ideis opinionem labefactare cogantur. ceterum plerique amplexi sunt definitionem IO. LOCKII, ³ quod *ideæ sit id obiectum, quod immediate menti nostræ observatur, dum cogitat, siue imaginationi subiiciatur; siue ab omni symbolo corporeo sit commune*, quamvis haud sit adæquata, dum indolem & naturam haud exponit, etiam complectitur diuisionem idearum, quod est contra regulas bonæ definitionis. rectius igitur & accuratius observat ANDREAS RVDIGER, ⁴ quod *ideæ* vox sumatur sententia modo ampliore, ut significet omnem intellectus actionem & memoriæ & ingenii & iudicii, sicque opponatur sensione; modo strictiore pro sola actione memoriæ, ut adeo *ideæ sit actio intellectus, speciatim memoriæ, quæ impressiones sensuum sine affirmatione & negatione, ut oblatæ fuerunt, concipit.*

§. XVIII. Nunc videamus, quomodo *ideæ* a philosophis diuisæ fuerint in suas species? quod quum diuersa ratione sit factum, princi-

¹ *disquisit. metaphys. p. 171.*
² *intellectu humano lib. II. cap. I.*

³ *part. I. cap. I.*

⁴ *instit. erudit. p. 26. seqq.*

pes tantum diuisiones obseruare. nobis est propositum. *primum* ideæ diuisione *ratione subiecti*, in quo gigni putantur, ac quidem 1) in ideæ *sensibiles & intelligibiles*, quæ diuisione solemnis est peripateticæ scholæ doctoribus, quumueniatur doctrina & falsa & confusa de intellectu agente & patiente, cuius sit pretii, facile præuidere possumus. scilicet persuadent sibi, quod obiecta, quæ in sensus cadant, species seu imagines sui emittant: quas species a sensibus externis perceptas sensus communis adprehendat, a se distinguat & cognoscat; phantasia vel a sensu communi perceptas, vel etiam a se formatas diutius retineat, ac diligentius examinet, a qua facultate adpellantur phantasmata: quas species sensibiles siue phantasmata intellectus agens illustret, in gradum specierum magis subtilem euehat, & faciat intelligibiles, quas deinde intellectus patientis recipiat & cognoscat: confer IACOBVM THOMASIVM. ¹ ratione subiecti porro ideæ diuise sunt 2) in *innatas & adquisitas*, multumque de prioribus est disputatum, siue illarum essentiam, siue existentiam respiciamus. CARTESIVS hanc doctrinam produxit atque existimauit, triplex in nobis esse idearum genus, quarum aliæ sint *aduentitiæ*, cuiusmodi idea solis, quam ex conspectu solis quisque habeat; aliæ *factitiæ*, cuiusmodi idea solis, qualem rationibus suis inueniant astronomi; aliæ nobis *ingenitæ*, cuiusmodi sint ideæ dei, mentis naturarum, quæ essentiæ vocantur, formarum geometricarum, axiomatum, quibus vtantur mathematici, aliarumque rerum simi-

¹ *physic. cap. XLIX.*

lium. ¹ quid autem sint ideæ innatæ, id CARTESIVS numquam declaravit diserte, quin etiam sibi ipse repugnat, dum illam dicit esse modo facultatem cogitandi; modo formam quamdam cogitationum. ² quibus de causis multi hæc ficta a Cartesio confutarunt, quo pertinent AVCTOR *obiectionum quintarum*; ³ PETRVS GASSENDVS; ⁴ PETRVS DANIEL HVETIVS; ⁵ IO. LOCKIVS; ⁶ IO. CLERICVS, ⁷ ANDREAS RVDIGER, ⁸ FRIDERICVS MVZELIVS, ⁹ aliique. ¹⁰ quum autem CARTESIVS ad innatam ideam de deo prouocauerit, ipsum existere demonstraturus, hanc fecit ratiocinationem: *est in me idea entis summe perfecti & infiniti, idea huius entis non potest esse aliunde, quam ab ente summe perfecto & infinito: ergo datur ens summe perfectum*; cuiusmodi ratiocinandi ratio plane ieiuna est. primum enim prior propositio maxime falsa; deinde non necessario sequitur, ideam entis perfectissimi, quam mente mea concepi, esse ab ipso deo eiusque probare existentiam, quoniam talem ideam ex idea entis finiti quis sibi potest fingere. quamobrem fuerunt quoque, qui grauiter contra hanc probandi rationem dixerunt, MASTRICHT ¹¹ quippe, SAMVEL WERENFELS, ¹² IO. FRANCISCVS BVDDEVS. ¹³ quas ideas in-

¹ medit. III. tom. II. epist. 54. ² tom. I. epist. 59.
³ in med. III. ⁴ disquisition. metaphys. p. 155. ⁵ in censura philosoph. Cartes. c. III. §. 9. ⁶ de intellectu humano lib. 1. c. 2. 3.
⁷ pneumatol. sect. I. c. 5. §. 16. ⁸ de sensu veri & falsi lib. I. c. 2.
⁹ de rationis natura sect. I. ¹⁰ vide diarium Parisiense 1710. mens. febr. p. 234. ¹¹ gangran. nouit. Cartes. p. 198. ¹² in indicio de argum. Cartes. pro exist. dei ab eius idea petito.
¹³ selectu iur. natur. p. 205. thesibus de atheismo & superst. p. 369.

natas Cartesii quamuis plerique proscripserint, qui in schola ipsius haud educati sunt; nonnulli tamen istas admiserunt; alia vero ratione, ac Cartesius istas formauerat animo suo. sic EPHRAIM GERHARDVS¹ putat, dari vnicam tantum ideam connatam, ideam quippe *contradictionis* siue *contrarietatis*, ex qua gignatur axioma illud: *nihil posse simul esse & non esse*, cui sententiæ haud fauere possumus. nam ista idea, vti dicitur contrarietatis menti haud inesse potest, nisi quis antea res a se diuersas per sensus cognouerit atque inde hanc ideam collegerit. alii contendunt, inditam esse menti humanæ propensionem quamdam, quibusdam principiis statim præbendi assensum, quo sensu posse admitti ideas & principia innata, quod pluribus demonstrant IO. MVSÆVS noster,² & IO. FRANCISCVS BVDDEVS³ contra IO. LOCKIUM, quibus addas ZACHARIAM GRAPIVM.⁴ hætenus de prima classe idearum, quam sequitur secunda, qua considerantur ratione *obiecti* ac diuiduntur 1) *in ideas puras & impuras*, quarum illæ ad res materiæ expertes; hæ vero ad corpora spectent & coniunctam habeant quamdam imaginem, cuiusmodi diuisionem CARTESII spectatores diligenter tradunt atque existimant, quod ideæ puræ sint clariores impuris, quorum sententiæ accedere videtur GOTTLIEB GERH. TITIVS;⁵ repugnat autem IO. FRANCISCVS BVDDEVS,⁶ adfirmans,

¹ delin. *philos. ration. lib. I. cap. 5. §. 6.* ² *introd. in theolog. cap. II. §. 19.* ³ *theol. moral. part. II. cap. 2. §. 5. not.*

⁴ *theol. recens controu. t. I. c. I. qu. 3.* ⁵ *arte cogitandi c. II. §. 9.*
⁶ *elem. phil. instrum. P. I. cap. I. §. 46.*

ideas impuras maiorem præ se ferre lucem, quam puras: quin etiam CHRISTIANVS THOMASIVS¹ plane negat, esse vere ideas puras. porro 2) diuiduntur in ideas *substantialium* & *modorum*, vbi obseruandum, quod recentiores philosophi adhibuerint vocem *modus* pro *accidens*, quoniam sit dubiæ significationis: quibus generibus nonnulli addunt tertium, idearum quippe *relationum*; cui autem alii nullum relinquunt locum. namque monent, quod fundamentum relationum positum sit in modis, quibus istæ non possint opponi; sed rectius debeant diuidi in modos absolutos & relatiuos. 3) in *ideas adequatas*, & *inadequatas*, cum qua diuisione quidam & hanc coniungunt, quod sint vel *vera*, vel *falsa*, quas species alii iis de causis haud admittunt, quoniam in prima mentis operatione neque veritas, neque error detur. quam controversiam EPHRAIM GERHARDVS² credit, posse remoueri per distinctionem inter veritatem mentis, quæ cadat in ideas, & propositionis, quod bene se haberet, nisi hac ratione veritas metaphysica cum logica confundi videretur. 4) in ideas *singulares*, *particulares* & *vniversales*, vbi tantum obseruare decet, quod nonnulli logici recentiores occasione idearum vniversalium Peripateticorum prædicabilia explicent, deque illis differant. tandem tertia clasfis complectitur ideas consideratas *ratione modi*, quæ diuiduntur 1) in *ideas claras* & *obscuras*. CARTESIVS³ adfirmat,

¹ introd. ad phil. aulic. cap. III. §. 3. 4. philof. ration. c. III. §. 24.

² delin. philof. rational. lib. I. cap. 7. §. 3. ³ princip. philof. part. I. §. 45.

ideam esse claram, *quæ menti attendenti, præsens & aperta est, sicut ea clare a nobis videri dicimus, quæ oculo intuenti præsentia satis fortiter & aperte illum mouent.* ANDREAS RVDIGER¹ autem monet, Cartesium claritatem idearum mathematicam perturbare cum philosophica: quum igitur philosophus hic poneret criterium veri & falsi in clara & distincta idea, quid mirum, quod etiam ideas fictas veluti veras admiserit in philosophia? præcipue quum claram & distinctam ideas esse vnam eandemque, existimaverit. P. BVFFIER² putat, nullam ideam sua natura esse obscuram & confusam, quæ affectio ab aliis causis externis proficiscatur. 2) in *ideas simplices & compositas*: cuius diuisionis fundamentum plerique deducunt ex diuersitate obiectorum, quod aliud sit simplex, materiæ expers; aliud vero compositum ac constans ex variis partibus; nonnulli autem discrimen positum esse in diuersa forma, qua tales ideæ concipiuntur, putant.

§. XX. Si historiam doctrinæ de natura ac variis generibus idearum illustrauimus: quapropter conuertamus nos ad aliud momentum, ac quid philosophi de origine notionum mentis senserint, videsmus breuiter. *prima* sententia est Peripateticis & scholasticis, quod ex obiectis ipsis manent quædam simulacra iis similia, quæ ab illis adpellantur *species impressæ*, quia ab obiectis imprimantur sensibus externis, vnde deferantur ad sensum communem, & hinc ad intellectum agentem & patientem.

¹ *instit. arudit.* p. 42. edit. 3.

² *princip. du raisen* p. 428.

sponderet, siquidem Aristoteles sæpe plane sibi contraria & repugnantia tradidit; partim in scriptis logicis diligentius esset explanata. etenim neque idearum indolem ac species; neque illarum conditionem, quam propter veritatem cognoscendam habere debent, considerauit; sed vti sæpius grammaticorum; non philosophorum more agit; ita & hoc momentum de ideis proposuit grammatice nec de ipsis rebus & notionibus mentis; sed ipsarum signis ac vocibus fuit sollicitus, id quod patet ex eius libro *κατηγορίας* inscripto, etiam *περί ἑρμηνείας*, de interpretatione. STOICI quoque disputarunt de ideis. verum istas neque cum Platone rebus ipsis habuerunt antiquiores; neque cum Aristotele rebus immerfas crediderunt; sed eas nihil aliud esse tradiderunt, quam rerum in animo nostro notionem atque resplendentes & impressas intelligentiæ imagines. IACOBVS THOMASIVS^r inde obseruat, quod Stoicis vniuersalia fuerint ἔτινα, id est, *nulla* atque ex hoc deducit appellationem sophismatis dicti ἔτις, in quo scilicet ἐκ τῆ τινὸς πρὸς τὸν ἔτις, hoc est a singulari ad vniuersale perperam progredetur argumentatio. plerique hac in re discrepantes fuisse Peripateticos & Stoicos sententiis existimant, quam diuersitatem non tanti esse momenti, quin etiam posse conciliari censemus. etenim ideæ considerari possunt partim ratione rei, siue obiecti, quod repræsentant; & heic bene tentit Aristoteles, quod positiuæ sint in rebus singularibus, id quod etiam

¹ De doctoribus scholasticis §. XVIII. not.

inde confirmatur, quoniam omnes ideæ oriuntur a sensatione; partim ratione ipsius formæ atque indolis, qua sunt ideæ & a sola mentis operatione dependent, quod adfirmarunt Stoici.

§. XVI. Quod ad SCHOLASTICOS adtinet, differuerunt quidem de ideis diuinis; sed ieiuna ratione; nec meliora effecerunt, quum operationes intellectus humani considerarent, quo labore sequebantur Aristotelem & acerbissimas excitabant controuersias de *uniuersalibus*, quas supra attigimus, ut adeo haud necesse sit, istas heic iterum recensere, quam ob rem conuertamus nos ad tempora recentiora, quibus philosophi non solum censuram aduersus doctrinam Aristotelis fecerunt; sed & ista proscripta, meliorem de ideis disciplinam tradere elaborarunt. pars igitur illa logicæ Aristotelicæ, quæ primam mentis operationem respicere debet & complectitur doctrinam de *predicabilibus*, *antepradicamentis*, *pradicamentis* & *postpradicamentis* illis, qui adhibuerunt libertatem philosophicam, haud sese commendauit. sic GOTTLIEB GERH. TITIVS ¹ existimat, doctrinam de *predicabilibus* nullum habere nexum cum genuina ac solida cogitandi arte; CHRISTIANVS THOMASIVS ² ita de ista iudicat: *quamuis mihi quidem confusissima videatur doctrina de tribus ultimis, quam proprio competat definitio accidentis & sit saltem nobilissima accidentis species, ac praterea nullum habeamus distinctum conceptum differentia vllius sine conceptu*

¹ *Arte cogitanda*, cap. XVIII. §. 3. 4. ² *introd. ad phil. aulic.*
cap. VII. §. 44.

accidentis, ne quidem in ipso homine, quippe quum cogitatio actualis sit accidens hominis, quæ abest in profunde dormiente; facultas autem cogitandi denotat conceptum confusum. ac IO. CLERICVS ¹ pronuntiat, hæc vniuersalia nullum nobis ad veritatem cognoscendam deducendis adferre præsidium, vt de aliis taceamus, qui huiusmodi instituerunt censuras. equidem cum IO. CHRISTIANO LANGIO ² hæc Peripateticorum placita omni ex parte bene se se habere, haud adfirmamus; penitus autem reiicere iis de causis haud possumus, quoniam si meliori emendantur cura & ad cognitionem veritatis rite adplicantur, non mediocrem nobis suppeditant vtilitatem. etenim vniuersalia non tantum debent considerari ratione rerum, multo minus rerum naturalium solum; sed adhibenda sunt in gratiam veritatis, ita vt idea *generis & differentie* definitioni; idea *accidentis* autem diuisioni constituendis debeant inseruire, quo instituto ideæ *speciei & proprii*, quod referri potest ad differentiam, haud necessariæ sunt. atqui id est, quod accurate ANDREAS RVDIGER ³ obseruauit. quod ad doctrinam de *prædicamentis* adtinet, in ista modo inuenienda atque exponenda; modo confutanda; modo emendanda exercuerunt se philosophi cum veteres; tum recentiores diligenter. ARCHYTAS Tarentinus scripsit de decem prædicamentis; THEMISTIVS vero negat, illum esse Pythagoricum antiquum; sed iuniorem Peripateticum hoc nomine, qui nouo operi verustate

¹ *Logic. part. I. cap. 7. §. 10.* ² *addit. ad nucleum logic. Wesian. p. 452.* ³ *de sensu veri & falsi lib. I. cap. 5.*

nominis conderet auctoritatem. ARISTOTELES libro κατηγορίαι inscripto differuit quoque de illis, ac quamuis solide omnia diuideret in *substantiam* & *accidens*; passim tamen hæc decem prædicamenta probauit, licet quatuor posteriora minori consideraret æstimatione. dicebantur græce κατηγορίαι, quæ vox forensis & proprie significat *iudicium*, *accusationem*, vide AELIANVM; ¹ transiit autem posthac ad scholas philosophorum, ex quibus præcipue ARISTOTELES istam vsurpauit pro serie rerum, quæ sub vno quodam genere continentur, & de aliis possunt prædicari. inter quam vtramque significationem nonnulli similitudinem quamdam obseruant. quemadmodum enim accusatio faciat indicium rei & aliquid de aliquo dicat; sic quoque κατηγορίαι in arte rationis indicet res, quæ de aliis possint prædicari, confer BARTHOLOMAEVM KECKERMANNVM ² & IOH. CHRISTIANVM LANGIVM. ³ atqui in hac doctrina scholastici, quibus summa studia erga Aristotelem erant, operas suas posuerunt, & ingenia diligenter exercuerunt, ita vt inuentis his præsidium ac munimentum quoddam inesse sibi persuaderent; quam in rem commentarii, interpretationes ac peculiare libri de prædicamentis compositi testantur: vide LIPENIVM. ⁴ at vero ex quo auctoritas Aristotelis detrimentum quoddam capiebat, ac philosophi imperii talis impatientes libertatem suam reuocabant, & in hæc prædicamen-

¹ Variar. histor. lib. II. cap. 13. ² system. logic. maior. lib. I. cap. 2. ³ addit. uncl. logic. Weissem. c. 4. pag. 496. ⁴ bibl. philosophica p. 1239.

torum momenta fecerunt impetus, quorum alii constitutum ipsorum numerum improbare; alii vero hæc omnia penitus reiicere instituerunt. sic LAURENTIVS VALLA ¹ tria tantum prædicamenta, *substantiam, qualitatem & actionem* admittebat, & adhuc multi ex illis, quos recentius tulit ævum, doctrinam hanc perturbatam esse pronuntiabant, cuius rei confirmandæ causâ quædam colligamus testimonia. IO. CLERICVS: ² *quare Aristoteles substantiam in genere memorat, nulla eius addita specie; accidente vero in genere omisso, nouem eius tradit classes? debuisset etiam, si accuratus esse voluisset, omnes accidentium species memorare, non quasdam tantum pro arbitrio seligere. omisit autem, exempli causâ quietem, accidens corporum; aliaque accidentia spirituum, quæ nequeunt referri ad hæc classes. vniuersales etiam ideæ continentur hisce categoriis, vt species, genus, differentia &c. igitur ea diuisio nequaquam diuisio adæquata est ac proinde accurata haberi nequit.* CHRISTIANVS THOMASIVS ³ obseruat, has classes partim haud complecti entia moralia, res transcendentales & artificiales; partim continere relationem, quæ non explicet modum existendi; partim melius ad septem genera posse reuocari, his versibus inclusa:

mens, mensura, quies, motus, positura, figura

sunt cum materia cunctarum exordia rerum;

¹ Dial. lib. I. cap. 13. & 17. ² logic. part. I. cap. 3. §. 15.

³ introd. ad phil. antic. cap. VII §. 25.

partim

partim quoque tradere multa aperte falsa atque in inquirenda veritate exiguum habere vsum; cuius sententiæ quoque est GOTTLIEB GERH. TITIVS.¹ quin etiam hanc inuentionem inutilem esse declararunt, quando AVCTOR *artis cogitandi*² dicit: Aristotelis categoriæ *parum utiles sunt, tantumque abest, ut ad rite formandum iudicium profint, ut etiam sæpissime noceant*; cuius opinionis duas memorat rationes; & NICOL. HIER. GVNDLINGIVS:³ *quid vero his nugis, quæso, lucrabatur philosophia? res vulgares & omnibus notas nouis & quidem obscuris vocabulis inuoluebant; de iis plures & innumeras fere regulas, quas nemo est negaturus, efformabant, eaque ratione ineptarum vocum dictionarium discentibus obtrudebant. unde contemptus logicæ in mores irrepsit ac doctoribus prædantissimi maculam affricuit. neque enim philosophia verborum, sed rerum est. nec negare possumus, doctrinam hanc Peripateticam multis laborare morbis. primum magna est confusio, quod conceptui generali substantiæ adiiciantur conceptus speciales accidentium, id quod contra regulas bonæ diuisionis, quæ iubent diuisionem & subdiuisionem haud permiscere: quapropter debuissent entia siue res diuidere in substantiam & accidens; accidens iterum in suas species: deinde genera accidentium perturbatim sunt proposita, quæ pro veritate vel absoluta sunt, vel relatiua: absoluta vel mathematica siue quantitates, vel philosophica, quæ sunt qualitates; tertium species*

¹ *Arte cogitandi cap. XVIII. §. 23.*² *part. I. cap. 5.*³ *via ad veritat. part. I. p. 40.*

accidentium a Peripateticis commemoratæ non sufficiunt ipsis rebus, quoniam discrimen ponendum est inter illa, quæ essentiam rei constituunt; & ea, quæ ad propriam indolem haud pertinent; *tandem* hanc doctrinam metaphysica maiori iure sibi potest vindicare, quam logica, in qua nullam præstat utilitatem.

§. XVII. Quum de prædicamentis Aristotelicorum edisserere instituerimus, pauca adhuc, quæ historiam hanc illustrare possunt, adiciamus. scilicet PLATO quinque entis genera numeravit, *essentiam, idem, alterum, statum & motum*: STOICI duplicem rerum classem constituiebant, quarum altera complectebatur corpora; altera res materiæ expertes, *enunciatum, vacuum, locum & tempus*: EPICVRVS dicebat, vniuersum constare ex *corpore & vacuo*, quæ pluribus exponit CHRISTIANVS THOMASIVS. ¹ PETRVS RAMVS peripateticam de prædicamentis disciplinam faciebat nihili ac *locis topicis*, vti dicuntur, auctoritatem conciliare adlaborabat, de quibus vtraque ætate diuersis iudiciis fenserunt philosophi. ARISTOTELES scripsit octo libros *topicorum*, de quibus iam supra disputauimus; PETRVS RAMVS autem quum discederet ab hoc philosophiæ doctore ac maiori studio sectaretur CICERONEM, alio instituto hos commendauit locos, atque effecit, vt eloquentiæ magistri per longum temporis tractum illis artem suam dicendi superstruxerint, quamuis doctrina hæc non vno modo a logica

¹ *dodec. q.æst. promisc. q.æst. I. §. 2.*

& rhetoricæ disciplinæ auctoribus fuerit tradita, qua de re legere possumus 10. CHRISTIANVM LANGIVM. ¹ aduersus quos locos topicos, veluti causas eloquentiæ corruptæ disputauit NICOLAVS HIERON. GVNDELINGVS, ² quos contra tales adulationes tueri voluit CHRISTIANVS IVNCKERVS; ³ & ANDREAS RVDIGER emendauit. ⁴ speciem quamdam prædicamentorum præ se ferre videntur decem classes principiorum oppositorum, quas hoc ordine exhibet CASPAR KNITTELIYS: ⁵ pro metaphysica *unum, plura*; *bonum, malum*: pro physica *lumen, tenebræ*; *motus, quies*; *masculinum, femininum*: pro mathematica *dextrum, sinistrum*; *par, impar*; *quadratum, oblongum*; *rectum, curuum*; *finitum, infinitum*. de arte RAYMVNDI LVLLII, qui etiam certas constituit classes substantiarum, principiorum, superioribus egimus. CARTESIVS eiusque sectatores septem rerum siue modorum genera ponunt, qualia sunt *mens*, seu substantia cogitans; *materia* seu substantia extensa; *mensura*, id est magnitudinis partium ratio; *positura*, seu partium ad se inuicem situs; *figura*; *motus*; *quies*.

§. XVIII. Non solum recentiores philosophi de doctrina Peripatetica iudicarunt, obseruantes illius vitia; sed meliorem quoque de ideis disciplinam excogitarunt, quamuis non vbique eandem amplexi sint sententiam.

¹ Addit. ad nucleum logica Weisian. p. 541. sqq. ² obseru. Hial. tom. 1. obseru. 17. p. 231. ³ dissertationib. apologeticis pro locis topicis. ⁴ de sensu veri & falsi lib. IIII. cap. 4. §. 6. sqq. ⁵ viareg. part. IV. ars. 15.

primum solliciti fuerunt de *natura ideæ* explananda. ex recentioribus CARTESIVS primus vocem *ideæ* adhibuit; nunquam autem clare definire istam instituit, quod solide in ipso PETRVS GASSENDVS ¹ reprehendit; quin etiam AVCTOR *artis cogitandi* ² dicit: *ideæ nomen est ex eorum numero, quæ adeo clara sunt, ut ulterius explicari per alia non possint, quia alia non habentur vel clariora, vel simpliciora.* sed latet anguis in herba. ideo enim definitionem ideæ dare noluit, ne illius originem aensione admittere sicque propriam de innatis ideis opinionem labefactare cogantur. ceterum plerique amplexi sunt definitionem IO. LOCKII, ³ quod *ideæ sit id obiectum, quod immediate menti nostræ observatur, dum cogitat, siue imaginationi subiiciatur; siue ab omni symbolo corporeo sit commune*, quamvis haud sit adæquata, dum indolem & naturam haud exponit, etiam complectitur diuisionem idearum, quod est contra regulas bonæ definitionis. rectius igitur & accuratius observat ANDREAS RVDIGER, ⁴ quod *ideæ* vox sumatur sententia modo ampliore, ut significet omnem intellectus actionem & memoriæ & ingenii & iudicii, sicque opponatur sensione; modo strictiore pro sola actione memoriæ, ut adeo *ideæ sit actio intellectus, speciatim memoriæ, qua impressiones sensuum sine affirmatione & negatione, ut oblatae fuerunt, concipit.*

§. XVIII. Nunc videamus, quomodo *ideæ* a philosophis diuise fuerint in suas species? quod quum diuersa ratione sit factum, princi-

¹ *disquisit. metaphys. p. 171.*
² *intellectu humano lib. 11. cap. 1.*

³ *part. I. cap. 1.* ⁴ *de intellectu, erudit. p. 26, seqq.*

pes tantum diuisiones obseruare. nobis est
 propositum. *primum* idearum diuisione *ratione*
subiecti, in quo gigni putantur, ac quidem 1)
 in ideas *sensibiles & intelligibiles*, quæ diuisione
 solemnis est peripateticæ scholæ doctoribus,
 quumue nitatur doctrina & falsa & confusa de
 intellectu agente & patiente, cuius sit pretii, fa-
 cile præuidere possumus. scilicet persuadent
 sibi, quod obiecta, quæ in sensus cadant, spe-
 cies seu imagines sui emittant: quas species a
 sensibus externis perceptas sensus communis
 adprehendat, a se distinguat & cognoscat;
 phantasia vel a sensu communi perceptas, vel
 etiam a se formatas diutius retineat, ac diligen-
 tius examinet, a qua facultate adpellantur
 phantasmata: quas species sensibiles siue
 phantasmata intellectus agens illustret, in gra-
 dum specierum magis subtilem euehat, & fa-
 ciat intelligibiles, quas deinde intellectus pa-
 tiens recipiat & cognoscat: confer IACOBVM
 THOMASIVM. ¹ ratione subiecti porro idearum
 diuise sunt 2) in *innatas & adquisitas*, mul-
 tumque de prioribus est disputatum, siue illa-
 rum essentiam, siue existentiam respiciamus.
 CARTESIVS hanc doctrinam produxit atque
 existimauit, triplex in nobis esse idearum ge-
 nus, quarum aliæ sint *aduentitiæ*, cuiusmodi
 idea solis, quam ex conspectu solis quisque
 habeat; aliæ *factitiæ*, cuiusmodi idea solis,
 qualem rationibus suis inueniant astronomi;
 aliæ nobis *ingenitæ*, cuiusmodi sint ideæ dei,
 mentis naturarum, quæ essentiæ vocantur, for-
 marum geometricarum, axiomatum, quibus
 vtantur mathematici, aliarumque rerum simi-

¹ *physic. cap. XLIX.*

lium. ¹ quid autem sint ideæ innatæ, id CARTESIVS numquam declarauit diserte, quin etiam sibi ipse repugnat, dum illam dicit esse modo facultatem cogitandi; modo formam quamdam cogitationum. ² quibus de causis multi hæc ficta a Cartesio confutarunt, quo pertinent AVCTOR *obiectionum quintarum*; ³ PETRVS GASSENDVS; ⁴ PETRVS DANIEL HVETIVS; ⁵ IO. LOCKIVS; ⁶ IO. CLERICVS, ⁷ ANDREAS RVDIGER, ⁸ FRIDERICVS MVZELIVS, ⁹ alique. ¹⁰ quum autem CARTESIVS ad innatam ideam de deo prouocauerit, ipsum existere demonstraturus, hanc fecit ratiocinationem: *est in me idea entis summe perfecti & infiniti, idea huius entis non potest esse aliunde, quam ab ente summe perfecto & infinito: ergo datur ens summe perfectum*; cuiusmodi ratiocinandi ratio plane ieiuna est. primum enim prior propositio maxime falsa; deinde non necessario sequitur, ideam entis perfectissimi, quam mente mea concepi, esse ab ipso deo eiusque probare existentiam, quoniam talem ideam ex idea entis finiti quis sibi potest fingere. quamobrem fuerunt quoque, qui grauitur contra hanc probandi rationem dixerunt, MASTRICHT ¹¹ quippe, SAMVEL WERENFELS, ¹² IO. FRANCISCVS BVDDVS. ¹³ quas ideas in-

¹ medit. III. tom. II. epist. 54. ² tom. I. epist. 59.
³ in med. III. ⁴ disquisition. metaphys. p. 155. ⁵ in censura
philosoph. Cartes. c. III. §. 9. ⁶ de intellectu humano lib. 1. c. 2. 3.
⁷ pneumatol. sect. I. c. 5. §. 16. ⁸ de sensu veri & falsi lib. I. c. 2.
⁹ de rationis natura sect. I. ¹⁰ vide diarium Parisiense 1710.
mens. febr. p. 234. ¹¹ gangran. nouis. Cartes. p. 198. ¹² in in-
dicio de argum. Cartes. pro exist. dei ab eius idea petito. ¹³ selectus
inim. natur. p. 205. thesibus de atheismo & superst. p. 369.

natas Cartesii quamuis plerique proscripterint, qui in schola ipsius haud educati sunt; nonnulli tamen istas admisertunt; alia vero ratione, ac Cartesius istas formauerat animo suo. sic EPHRAIM GERHARDVS ¹ putat, dari vnicam tantum ideam connatam, ideam quippe *contradictionis* siue *contrarietatis*, ex qua gignatur axioma illud: *nihil posse simul esse & non esse*, cui sententiæ haud fauere possumus. nam ista idea, vti dicitur contrarietatis menti haud inesse potest, nisi quis antea res a se diuersas per sensus cognouerit atque inde hanc ideam collegerit. alii contendunt, inditam esse menti humanæ propensionem quamdam, quibusdam principiis statim præbendi assensum, quo sensu posse admitti ideas & principia innata, quod pluribus demonstrant IO. MVSÆVS noster, ² & IO. FRANCISCVS BVDDEVS ³ contra IO. LOCKIUM, quibus addas ZACHARIAM GRAPV. ⁴ hætenus de prima classe idearum, quam sequitur secunda, qua considerantur ratione *obiecti* ac diuiduntur 1) *in ideas puras & impuras*, quarum illæ ad res materiæ expertes; hæ vero ad corpora spectent & coniunctam habeant quamdam imaginem, cuiusmodi diuisionem CARTESII spectatores diligenter tradunt atque existimant, quod ideæ puræ sint clariores impuris, quorum sententiæ accedere videtur GOTT-LIEB GERH. TITIVS; ⁵ repugnat autem IO. FRANCISCVS BVDDEVS, ⁶ adfirmans,

¹ delin. *philosf. ration. lib. I. cap. 5. §. 6.* ² *introd. in theol. cap. II. §. 19.* ³ *theol. moral. part. II. cap. 2. §. 5. not.*
⁴ *theol. recens controu. t. I. c. I. qu. 3.* ⁵ *arte cogitands c. II. §. 9.*
⁶ *elem. phil. instrum. P. I. cap. I. §. 46.*

ideas impuras maiorem præ se ferre lucem, quam puras: quin etiam CHRISTIANVS THOMASIVS¹ plane negat, esse vere ideas puras. porro 2) diuiduntur in ideas *substantiarum & modorum*, vbi obseruandum, quod recentiores philosophi adhibuerint vocem *modus* pro *accidens*, quoniam sit dubiæ significationis: quibus generibus nonnulli addunt tertium, idearum quippe *relationum*; cui autem alii nullum relinquunt locum. namque monent, quod fundamentum relationum positum sit in modis, quibus istæ non possint opponi; sed rectius debeant diuidi in modos absolutos & relatiuos. 3) in *ideas adequatas & inadequatas*, cum qua diuisione quidam & hanc coniungunt, quod sint vel *vera*, vel *falsa*, quas species alii iis de causis haud admittunt, quoniam in prima mentis operatione neque veritas, neque error detur. quam controversiam EPHRAIM GERHARDVS² credit, posse remoueri per distinctionem inter veritatem mentis, quæ cadat in ideas, & propositionis, quod bene se haberet, nisi hac ratione veritas metaphysica cum logica confundi videretur. 4) in ideas *singulares, particulares & vniuersales*, vbi tantum obseruare decet, quod nonnulli logici recentiores occasione idearum vniuersalium Peripateticorum prædicabilia explicant, deque illis differant. tandem tertia classis complectitur ideas consideratas *ratione modi*, quæ diuiduntur 1) in *ideas claras & obscuras*. CARTESIVS³ adfirmat,

¹ introd. ad phil. antic. cap. III. §. 3. 4. phil. ration. c. III. §. 24.

² de lin. philos. rational. lib. I. cap. 7. §. 3. ³ princip. philos. part. 1. §. 45.

ideam esse claram, *quæ menti attendenti, præsens & aperta est, sicut ea clare a nobis videri dicimus, quæ oculo intuenti præsentia satis fortiter & aperte illum mouent.* ANDREAS RVDIGER¹ autem monet, Cartesium claritatem idearum mathematicam perturbare cum philosophica: quum igitur philosophus hic poneret criterium veri & falsi in clara & distincta idea, quid mirum, quod etiam ideas fictas veluti veras admiserit in philosophia? præcipue quum claram & distinctam ideas esse vnam eandemque, existimaverit. P. BVFFIER² putat, nullam ideam sua natura esse obscuram & confusam, quæ affectio ab aliis causis externis proficiscatur. 2) in *ideas simplices & compositas*: cuius diuisionis fundamentum plerique deducunt ex diuersitate obiectorum, quod aliud sit simplex, materiæ expers; aliud vero compositum ac constans ex variis partibus; nonnulli autem discrimen positum esse in diuersa forma, qua tales ideæ concipiuntur, putant.

§. XX. Si historiam doctrinæ de natura ac variis generibus idearum illustrauimus: quapropter conuertamus nos ad aliud momentum, ac quid philosophi de origine notionum mentis senserint, videamus breuiter. *prima* sententia est Peripateticis & scholasticis, quod ex obiectis ipsis manent quædam simulacra iis similia, quæ ab illis adpellantur *species impressæ*, quia ab obiectis imprimantur sensibus externis, vnde deferantur ad sensum communem, & hinc ad intellectum agentem & patientem.

¹ *instit. arith.* p. 42. edit. 3.

² *princip. du rais.* p. 428.

secunda opinio est, quod mens producat ideas, ex quo instrumenta sensationis per obiecta fuerint commota. *tertia* est ANTONII ARNALDI, qui putat, quod ideæ & perceptiones idearum differant tantum relationibus, & idea proprie ad obiectum referatur, quod mens consideret; perceptio vero ad mentem ipsam, quæ percipiat, ut adeo duplex illa relatio ad vnam mentis modificationem pertineat. *quartam* commemorat MALEBRANCHE, ¹ quod ideæ a deo nobiscum productæ, vel demum producantur, qui & ipse singularem hac de re fouet sententiam. etenim persuasit sibi, mentem nostram immediate coniunctam esse cum deo, quumue in illo omnium rerum proprietates contineantur, inde effecit conclusionem; nos omnium rerum ideas in deo eiusque substantia contemplari. quam sententiam fuse exponit ² ac putat, quod talis idearum origo menti diuinæ maxime sit consentanea, quodue generalem rerum a deo productarum teneamus cognitionem, antequam ista, quæ aspectu sentiantur, cognoscamus, quæ idea abstracta ex idea extensionis intellectu tantum percipiendæ in deo oriri possit. quæ opinio non solum omni destituta est fundamento, sed & facile viam ad errores non leuioris momenti parare potest, illique ingenio est propria, quod ad adflatu diuinos fingendos sibi procliuè est. quapropter non defuerunt, qui MALEBRANCHIVM sunt adgressi ac vocarunt in disceptionem, ex quibus præcipue ANTONIVS ARNALDVVS multum grauiter-

¹ de la recherche de la verité lib. III. cap. 4. & 6.

² lib. III. part. 2. præcip. c. 6. seqq. de inquir. verit.

que

que aduersus ipsum disputauit. princeps enim ipsi erat propositum, MALEBRANCHII doctrinam de *natura & gratia* euertere, quæ quum & hac sententia de ideis niteretur, istam confutare necesse habebat. quam ob rem edidit opus *des vrayes & des fausses idées contre ce, qu'enseigne l'auteur de la recherche de la vérité, a Cologne* MDCLXXXIII. quo accusauit MALEBRANCHIUM falsarum opinionum & contradictionum atque obseruauit, admittendas esse in deo ideas particulares, si quis statuatur, nos in deo res cum materia coniunctas cognoscere. contra quas adcusationes causam suam defendit MALEBRANCHIUS, ac scripsit librum huius inscriptionis: *response de l'auteur de la recherche de la vérité ou liure de Mr. Arnaud des vrayes & de fausses idées*, Rotterodami MDCLXXXIII. quo ARNALDUS sententiam, quam de modo cognoscendi sequitur, examinat, & perceptiones animæ nostræ omnino ab ideis res materiæ repræsentantibus distinctas esse ostendit, repetitis fere illis argumentis, quæ libro de *inquirenda veritate* fuerant exposita. sed quamuis consultius fuisset, si controuersiam hanc composuissent; iterum tamen in certamen descenderunt. namque anno MDCLXXXIII. Coloniae prodijt *defense de Mr. Arnaud contre la response ou liure des vrayes & fausses idées*, quo libro continetur epistola quædam ad amicos, qua Malebranchio multa momenta Arnaldus obiicit, ac inprimis ipsius parte quinta responsionem eius examinat accuratius & XXIII. exemplis probat, Malebranchium difficultates haud remouere posse. contra quas easque nouas ad-

cusationes in lucem prodierunt *trois lettres de l'auteur de la recherche de la verité, touchant la defense de Mr. Arnauld*, Roterodami MDCLXXXV. quarum prima auctoꝝ aduersus Arnaldum probare contendit, *se in deo formalem quamdam extensionem haud quaquam ponere, nec deum adeo facere corporeum*; secunda vero & tertia controversiam hanc de ideis haud attingit ac quædam tantum vltima de origine certaminis huius commemorat. ¹ præter ARNALDUM, cogitationes hæc de origine idearum, quibus MALEBRANCHIUS sese tradiderat, reiecerunt PETRVS POIRET, ² IO. LOCKIUS, ³ IO. CLERICVS, ⁴ IO. GEORGIUS PRITIVS ⁵ aliique. in tanta sententiarum discrepantia de idearum origine IO. CLERICVS ⁶ ignorantiam suam profiteri ingenue, consultum esse censet, quando dicit: *nos hoc in negotio ἐπέχεν ὁ naturὰν inter ea numerare, ad quorum cognitionem aut omnino peruenire non licet, aut adhuc saltem non licuit, tutius censemus. neque hoc mirum videatur, quando ne mentis quidem ipsius natura nobis nota est, qua ignorata; numquam omnes eius operationes satis plene noscimus.* id quidem satis apertum est, quod omnes ideæ oriantur a sensatione, recteque doceant Peripatetici, nihil esse in intellectu, quod non prius fuerit in sensu, id quod ANDREAS RVDIGER ⁷ ex instituto demonstravit; modum autem, quo ista origo

¹ confer. l'histoire de la vie & des ouvrages de Mr. Arnauld p. 139.
² cogit. ration. lib. III cap. 10. contin § 51. 52. ³ opusc. posthum.
⁴ primum sect. 1. cap. 5. § 12. 13. ⁵ disput. de enthusiasmo Malebranchii.
⁶ cit. loc. §. 15. ⁷ diss. de eo, quod omnes ideæ oriuntur a sensatione.

fiat,

fiat, haud facultas nobis est cognoscendi. tandem recentiores philosophi doctrinam *de associatione idearum* siue *imaginum* accuratius exposuerunt, ex quibus IO. LOCKIVS¹ primus istam tradidit atque observauit, hanc connexionem fieri vel arbitrio studioque hominum, vel casu; quem securus & momentum hoc adhuc vberius illustrauit IO. FRANCISCVS BVDDEVS.²

§. XXI. Veritas, cuius cognitionem propositam sibi habet logica, est vel certa vel probabilis, quæ vtraque duplici ratione cognoscitur modo inueniendo, modo diiudicando verum & falsum, ad quem duplicem modum necessaria sunt principia & criteria his veritatis speciebus propria. *veritatis* igitur *certe* principium etiam criterium proximum constituunt *definitio* & *diuisio*, ex quibus formantur propositiones siue *axiomata* & ex his *conclusiones*, quod ad doctrinam de *definitione* adtinet, PLATO dialectici munus esse censebat, vt recte res diuideret & definirer, vide PETRVM GASSENDVM;³ ac STOICI idem quoque argumentum de definitione ac diuisione adtingebant, quorum doctrinas tradit THOMAS STANLEIVS;⁴ nec non ARISTOTELES de definitione quidem disseruit,⁵ etiam species eius diuersas posuit; sed ita, vt neque illius veram indolem, neque genuinum vsum, neque modum definitiones accurate struendi demonstrauerit. nec poterat non grauissimum hoc logicæ momentum leuiore adtingere in-

¹ de intellectu. hum. lib. II. cap. 33. ² theol. moral. part. I. cap. I. sect. 5. §. 9. not. p. 233. ³ de orig. & variet. logic. cap. IV.
⁴ histor. philos. p. 569. ⁵ lib. II. cap. 10. anal. poster. & alibi.

dustria, quum eiusmodi tantum traderet præcepta, quæ ad iudicium de vero & falso; minus vero ad inuentionem veritatis pertinent: confer PETRVM GASSENDVM.¹ atqui his de causis haud mirum, quod sectatores Aristotelis & scholastici non meliora effecerint, quin etiam studia sua in disputationibus inutilibus, ex quibus genuina ars cogitandi nulla cepit incrementa, consumserint, ac more suo traderint ieiuna. sic multum sese exercuerunt in quæstionibus: num doctrina de definitione pertineat ad metaphysicam, an logicam? quænam res definiantur? quænam sint partes definitionis? num omnis definitio habeat genus? quomodo possint definiri substantia & accidentia? quænam sit via compositiua inueniendi definitionem? aliisque, quæ si perspicue & accurate expositæ fuissent, omniaque ad veritatis sensum accommodata, vtilitatem quidem potuissent adferre; sed ab huiusmodi ingeniis quid boni poterat expectari? quapropter PETRVS RAMVS sæpius & hanc doctrinam Peripateticorum perstrinxit, nec non recentiores philosophi purgare istam ab omni labe, quam contraxerat, eaque, quæ heic necessaria sunt, meliori studio exponere adlaborarunt. sic obseruarunt, duplicem esse definitionem, alteram nominis; alteram vero rei, in quarum priore explananda etiam IO. CHRISTIANVS LANGIVS² diligens versatus est; ac tradiderunt, quibus partibus absoluaturs definitio, ac quænam res possint definiri? multi existimauerunt, quod idea simplex carens partibus haud

¹ exercit. parad. aduersus Aristotel. lib. II. exercit. V.

² addit. nuclei logic. Weis. p. 589.

defini-

definitione explicari possit, vti præter alios
 10. CLERICVS; ¹ 10. FRANCISCVS RVD-
 DEVS; ² & EPHRAIM GERHARDVS ³ ob-
 seruarunt; quibus se 10. IACOBVS SYRBIVS
⁴ opposuit: *qua de caussa*, inquit, *neque cum*
recentioribus quibusdam facimus, qui ideas sim-
plices minime definiri posse autumant; Peripa-
teticis tamen in eo cautiore sunt; quod hi ideas
simplices cum rebus simplicibus confundere vi-
dentur; rectissime autem ac solide ANDREAS
 RVDIGER ⁵ omnia, quæ heic obseruare decet,
 breuiter comprehendit, quando dicit: *omnia,*
quæ nec infra eruditionem sunt, nec supra ean-
dem, definiri possunt: supra eruditionem sunt
res infinite, infra eandem res sensuales & vul-
gares. adhæc varias definitionis condiciones
 proponunt, vt sit prima, propria, adæquata,
 clara, vide AUCTOREM artis cogitandi, ⁶
 10. CLERICVM, ⁷ 10. FRIDEMANNVM
 SCHNEIDERVM; ⁸ multa autem maxime ne-
 cessaria atque inutilia non solum reliquerunt
 intacta; sed & ea, quæ deberent proponi di-
 stincte, perturbarunt. sic germanum defini-
 tionum vsum minus significarunt, & omnino
 10. LOCKIVS ⁹ a veritate aberrauit, quum
 definitionis munus in eo posuerit, vt res in-
 cognitas ante sensui, iam per sensum cogno-
 scamus, siquidem ideo res debemus definire,
 vt inde capiamus principia, & ex his efficiamus
 conclusiones. nec ea industria ac fide,

¹ *logic. part. I. cap. 2. §. 14.* ² *philos. instrum. part. I. cap. 4. §. 7. seqq.* ³ *delineat. phil. rat. lib. II. c. 3. §. 37.* ⁴ *phil. ration. part. I. c. 10. §. 9.* ⁵ *instit. erudit. p. 58. edit. 3.*
⁶ *part. II. cap. 15.* ⁷ *logic. lib. II. cap. 13.* ⁸ *fundament. philosoph. rational. cap. IIII. §. 8. seqq.* ⁹ *de intellectu. human. lib. III. cap. 4. §. 8. seqq.*

qua decet, viam ad definiendi artem ostenderunt, ac satis habuerunt, præcipere de indole ac quibusdam proprietatibus definitionis. quæ omnia quam imperfecta esse, quum obseruauerit ANDREAS RVDIGER, ¹ hanc quoque doctrinam emendare, ornare, perpolire, nouisque accessionibus non leuioris incrementi augere instituit ac genuina definitionis fundamenta, id est ideas claras, distinctas atque essentielles rite indicauit; definitionem realem bene diuisit in logicam & causalem; & causalem iterum in physicam, & moralem, & adhuc quinque regulis actionem definiendi commonstrauit.

§. XXII. Ad historiam doctrinæ de *diuisione* imprimis pertinet illa controuersia: *num possit certus partium numerus constitui, quem semper in diuisione sequi debeamus?* cuius occasionem dedit illorum sententia, qui omnia in duo membra diuidenda esse censuerunt hacque ratione *dichotomiam* commendarunt, id quod præ aliis PETRVS RAMVS eiusque sectatores fecerunt. ² quæ opinio aliis inepta videbatur, qui iudicarunt, quod legitima diuisio certo partium numero haud adstringi possit, sed rei, quæ in species & partes debeat diuidi, naturam sequatur, vt pro ista tot partes totque species sint constituendæ, quot ipsa rei natura constituat, vide CHRISTIANVM WEISIVM ³ & CHRISTIANVM THOMASIVM. ⁴ at vero alii obseruant, dichotomias

¹ instit. erudit. p. 54. de sensu veri & falsi lib. I. cap. 9.

² vide Ram. dialectic. & Talai prælect. lib. I. p. 137. 138. lib. II. p. 352.

³ doctrin. logic. part. 2. lib. I. c. 2. thes. 13. p. 230. ⁴ causel. circa præcogn. iurisprud. c. X. §. 22.

non ideo laudari, ac si diuisio non possit secundum naturam fieri per plura membra; sed quod in dichotomia secundum quoque ipsam naturam sit omnium perfectissima diuidendi ratio, nec vlla detur diuisio, quæ distinctionem & oppositionem membrorum clariorem & firmiorem possit præstare: confer DAVID SCHRAMVM, ¹ IO. PHILIPPVM TREIBERVM, ² & IO. CHRIST. LANGIVM. ³ nonnulli delectati sunt *trichotomia*, qua diuisio in tria membra instituitur, quo pertinet præcipue IO. AMOS COMENIVS; ⁴ etiam *tetrachotomia*, cuius specimen dedit ERHARDVS WEIGELIVS. ⁵ nec de variis ipsius diuisionis speciebus philosophis vna eademque fuit sententia, quæ diuersitas præcipue ex eo nata est, quod diuersa totius diuidendi posuerunt genera. PERIPATETICI aliam diuisionem esse *nominum*; aliam *rerum* tradunt, & posteriorem iterum in *primariam* & *secundariam* diuidunt & varia primariæ genera constituunt pro diuersis totius speciebus, id quod sit vel totum integrale, vel essentiale, vel vniuersale, confer IACOBVM THOMASIVM, ⁶ FRID. BECHMANNVM, ⁷ CHRISTOPHORVM SCHEIBLERVM ⁸ & alios. cui doctrinæ emendandæ recentiores operam dederunt. AVCTOR *artis cogitandi* ⁹ dicit, duplex esse totum; aliud *integrale*, cuius diuisionem adpellat partitionem; aliud vero *vniuersale*, cuius diuisionis quatuor genera ponit, quando

¹ legibus philosophandi leg VII p. 244. ² logic. iuridis. part. I. cap. 1. thes. 34. ³ addit. nucl. logic. Weis p. 704. ⁴ vide præludium pansophiæ: ⁵ in tetracty. ⁶ erotemat. logic. c. 52. ⁷ instit. logic lib. III. cap. 8. ⁸ oper logic. p. II. c. 29. ⁹ part. II. cap. 13.

genus diuiditur per species; per differentias; terminus communis per accidentia opposita, quorum sit capax; vel secundum subiectorum aut temporis diuersitatem; item quando accidens diuidatur in varia subiecta, quæ diuisionis ratio a GOTTLIEB. GERH. TITIO¹ dicitur incongrua. STEPHANVS CHAVVINVS² putat, diuisionem ipsam diuidi posse ex parte hominis diuidentis; ex parte thematis, quod diuidatur, & ex parte modi, quo homo ille thema id ipsum diuidat; sic quoque IO. CHRISTIANVS LANGIVS³ varias diuisiones & subdivisiones diuisionis constituit. at vero plerique scriptorum logicorum verum & genuinum diuisionis finem haud considerant, qui respicere debet, vt inde deducamus conclusiones, hinc quoque haud firmum diuidenti fundamentum posuerunt. nam aliud est: *quando diuisio sit consentanea rationi & ad sensum veri & falsi utilis*; aliud vero: *quando possumus diuidere?* quod discrimen quum haud obseruauerint, mirum non est, quod tam multas apud philosophos deprehendamus diuisiones, quæ sunt nullius momenti, nullius utilitatis.

§. XXIII. Conuertamus nos ad doctrinam de *variis ratiocinandi modis*, cuius historiam tradamus breuiter. non differimus de naturali facultate ratiocinationes efficiendi, quippe quæ omnibus inest hominibus; sed de arte conclusiones ex ante positis propositionibus deducendi, de qua præceperunt philosophiæ magistri, quippe quam ab antiqua ætate longe

¹ *arte cogitandi* cap. VIII. §. 25.

² *lexic. philos.* p. 195. ed. 2.

³ *addit. nuel. logic. iussu.* p. 702.

repe-

repetere possumus, quamvis sæpius per prauos hominum adfectus ad fallacias struendas; minus vero ad veritatis incrementa fuerit adhibita. in schola Eleatica ZENO tradidit artem *consequutionum* deducendarum ex quadam posita propositione, vt ostendit PETRVS GASSENDVS; ¹ & Megarica EVCLIDES *methodum*, vti dicitur, *hypotheticam* introduxit. scilicet LAERTIVS ² commemorat, quod aliorum demonstrationes ἢ κατὰ λήμματα, ἢ κατ' ἐπιφορὰν, id est per absurdas conclusiones, quas ex aliorum sententiis collegit, confutauerit. quam rationem argumentationis IO. FRIDEMANNVS SCHNEIDERVS ³ ita explicat: *est nimirum methodus hypothetica modus quidam argumentandi, quo assumptam aduersarii hypothesein conclusionibus continuis impugnare solemus eo usque, dum absurda inde nascatur conclusio, a qua retrogrediendo ad ipsam hypothesein dicimus: atqui absurda est vltima conclusio, ergo absurda est penultima, ergo antepenultima & sic porro, ergo tandem absurda est ipsa aduersarii hypothesis.* adhæc EVCLIDES argumentum ductum a comparatione censebat esse minus firmum, siue id a similitudine, siue dissimilitudine sumeretur. successor Euclidis EVBVLIDES multa fallaciarum genera, superioribus iam a nobis exposita protulit, iisque vt vera argumentationum doctrina corrumperetur, effecit. nec non de PLATONE obseruauimus, quod imprimis commendauerit *inductionem*, argumentationis speciem, & existimauit, quod sit λόγος διὰ τινων ἀληθειῶν τὸ ὅμοιον ἑαυτῷ ἀληθὲς

¹ De origine & varietate logicæ, cap. II.

² lib. II. sect. 106.

³ de variis argumentandi methodis sect. 6. p. 33.

ὁμοίως ἐπιφέρει, oratio ex veris quibusdam simile sibi verum proprie colligens atque inferens, cuius duas species admisit. altera fuit κατ' ἐναντίωσιν, quæ fit ex contrario, quum interroganti in omni responsione inferatur contrarium, exempli gratia: *pater meus aut alius est, quam pater tuus, aut idem.* si igitur alius est pater meus, quam pater tuus, quum sit alius patris, non erit pater. si idem est, qui pater meus, idem existens qui pater meus, meus erit pater. quæ inductionis species non ad veros argumentandi modos; sed ad sophismata pertinet, quare ista vsus est PLATO, quum rixæ fuerit locus. altera species erat ἐκ τῆς ἀκολουθείας, ex consequenti, quæ iterum duplex fuit, altera quidem id, quod in parte quæritur, per id, quod est in parte, demonstrat: altera, quod vniuersaliter per id, quod in parte est, probat, vt habet DIOGENES LAERTIVS, ¹ qui autem obseruat, prius genus rectius pertinere ad scholas rhetorum. ALCINOVS ² autem tradit inductionem vel a simili ad simile, vel a singulis transire ad vniuersa, qui etiam putat, Platonem syllogismos fecisse iuxta tres figuras ab Aristotele expositas: confer PETRVM GASSENDVM ³ & IO. FRIDEMANNVM SCHNEIDERVM, ⁴ qui etiam in auctorem huius argumentationis inquirat. atqui hoc genus ratiocinationum etiam ARISTOTELES explanauit, & nouam adhuc speciem addidit, qua conclusio fit ab vno singulari ad vniuersum; ⁵ vt adeo tres species inductionis sint

¹ lib. III. scgm 53. sqq. ² de Platon. doct. c. 5. ³ de origine & variet. logic c. 4. ⁴ de variis argumentandi modis scilicet. IV.
⁵ de calo lib. II. c. II. adde ZEIDLERVM analys. p. 407.

celebratæ: *prima* conclusio instituitur a simili ad simile; *secunda* a partibus singulis ad totum & a singularibus collectis ad vniuersale; & *tertia* ex vna singulari specie ad vniuersale. ex quibus diuersis speciebus præcipue vñu logicorum celebris est *secunda*; ita vero a ple-
risque tradita, vt omnino emendatione & ma-
iori cura egeat. primum enim discrimen in-
ter inductionem mathematicam, quæ proce-
dit a singulis partibus ad totum; & philoso-
phicam, qua ex speciebus colligitur conclusio
de genere, haud obseruant: deinde nonnulli
diuidunt inductionem in *perfectam* & *imper-
fectam*, qua posteriore haud omnes partes &
species enumerarentur, quod sine causa fieri
solet. nam inductio imperfecta, si etiam for-
mula: *non datur exemplum contrarium*, adda-
tur, non efficere potest conclusionem certam;
sed tantum probabilem. tandem quidam in-
ductionem ad certum syllogismorum ordinem
reducere elaborarunt, vide STEPHANVM
CHAVVINVM; ¹ id quod partim per termi-
norum multitudinem; partim per vulgares
syllogismorum regulas fieri non potest.

§. XXIIII. Quod ad ARISTOTELEM
adinet, constat, quo in honore ipsi fuisse syl-
logismum & qua cura industriaque hanc do-
ctrinam eum exposuisse, siquidem princeps
erat propositum, vt artem syllogismorum de-
monstraret, id quod pleniori opere PETRVS
GASSENDVS ² exposuit. quæ hanc in rem
dederit præcepta, non est, quod heic recensea-
mus, quum ista longiori & frequentiori philo-

¹ Lexic. philos. p. 315 ed. 2. ² de orig. logic. c. 5. adde exercit.
parad. aduer. Aristot.

sophorum vsu sint celebrata adeoque satis cognita. quapropter id tantum obseruamus: num gloria artis huius inuentæ Aristoteli vindicanda sit, nec ne? FRANCISCVS PATRICIVS¹ loca Platonis collegit, ex quibus pateat, philosophum hunc eadem ratione, qua Aristoteles vocem *sylogismi* vsurpauerit, adhibuisse nomen hoc, & adhuc dixit: *sylogismos, inductiones, exemplum, τεκμήρια apud antiquiores habemus vsu & adpellatione*; sic etiam ALCINOVS syllogismorum formas & figuras ex Platone commemorat, vt paullo ante a nobis fuit adnotatum. verum de hoc momento nulla est controuersia: num Plato fecerit syllogismos? siquidem & alii homines, quamuis arte dialectica haud exculti sint, tales argumentationes struere possunt; sed ea est princeps caussa, de qua disputare debemus: num quis ante Aristotelem manum industriamque negotio huic admouerit, vt artem ac præcepta de syllogismis eosque struendi ratione adferret, cuiusmodi nostro iudicio nullus produci potest. quamuis studia ipsius, quæ in hanc logicæ partem contulit, non sunt mediocria, præsertim si conditionem disciplinæ huius illa tempestate reuocamus in mentem; non omnia tamen effecit perfecta, ac prout inueniendi veritatem modos haud demonstrauit; ita syllogismum quoque ad examen tantum veri & falsi adcommodauit, etiam multa ratiocinationum genera eaque maxime vtilia transmisit silentio. post excessum Aristotelis THEOPHRASTVS & EVDEMVS ad-

¹ *Discuss. Peripateticæ, tom. II. lib. I. pag. 188.*

diderunt doctrinam de *sylogismis hypotheticis*,
 VTEXBOETHIO probat GERH. IO. VOSSIVS.¹
 STOICI multum ingenia sua in variis argu-
 mentorum generibus exercuerunt, quorum
 λόγος a syllogismo Aristotelis tribus modis
 differt: primum enim syllogismus Aristotelis
 saltem duas præmissas propositiones postulat;
 ad λόγον vero vnica sufficere potest, v. g. *viuis*
E. respiras: deinde in syllogismis aliud quid
 conceditur in conclusione, quam in præmissis
 erat; sed in λόγω conclusio eadem esse potest
 cum præmissarum vel vtraque vel vna. prius
 si fiat, λόγοι dicuntur διαφερόμενοι, v. g.

si dies est, dies est

atqui dies est

E. dies est.

secundi generis syllogismi ἀδιαφόρως περαινόν-
 tes dicuntur, v. g.

vel dies est, vel nox est

sed dies non est.

E. dies non est.

tandem in syllogismis conclusio necessario se-
 quitur conditionem præmissarum; Stoici
 vero tria genera λόγων habebant, quibus con-
 sequentia ex indole præmissarum haud pen-
 debat. duo autem erant genera argumen-
 torum, *concludentia* & *non concludentia*. *con-*
cludentia ratione habita *materiae* sunt vel *vera*,
 quæ ex sumtionibus veris veram illationem
 instituunt; vel *falsa*, in quibus res se se habet
 contraria ratione; verorum autem argumen-
 torum alia sunt demonstratiua; alia minus;
 ratione autem habita *formæ*, concludunt vel

¹ De natura & constit. logic. cap. VIII. §. 8.

sylogistice, vel minus: nomine syllogismorum comprehendunt tantum *hypotheticos*, qui vel connexi sunt, vel disiuncti, vel coniuncti, & disponuntur iuxta modos, quorum duo sunt genera. primum simplicium est & vocatur proprie *τρόπος*; qui sit genus figuræ argumenti; alterum genus est compositorum modorum, quales *λογότροποι* vocantur, quod ex argumento pariter modoque componantur. argumenta, quæ syllogistice non concludunt, sunt illa, quæ via syllogismorum conclusionem non eliciunt: v. g.

*Et diem esse Et noctem falsum est:
sed dies est*

E. non nox est.

denique *argumenta non concludentia* sunt, quibus oppositum conclusionis repugnat nexui functionum, quorum quatuor sunt genera, quum sint talia vel per diremptionem; vel per redundantiam, vel eo quod sint in figura incommoda, vel per defectum, quod pluribus persecutus est THOMAS STANLEIVS. ¹ EPICVRVS doctrinam de syllogismo haud dignam cultura censebat, rem exigui momenti esse sibi persuadens, *sive* quis dicat, omnis homo est animal ratione præditum, Plato est homo, ergo animal ratione præditum; *sive*: Plato est homo, ergo animal ratione præditum; *sive*: Plato est animal ratione præditum, quoniam homo est; *sive* omnis homo est animal ratione præditum, igitur & Plato; *sive* quia Plato est homo, igitur est animal ratione præditum, vide CHRISTIANVM THOMASIVM. ²

¹ *Hist. philos.* p. 183.

² *philos. ant. cap. LX. §. I.*

§. XXV. Tempore *scholasticorum* & *Peripateticorum* omnis logica arte componendi syllogismus absoluebatur, de qua multum disputarunt; re autem ipsa nihil ad incrementa disciplinæ huius contulerunt. etenim generatim obseruare possumus, quod hi doctores syllogismus non adhibuerint, veluti medium inueniendæ veritatis; quod de isto more grammaticorum, non ea ratione, quæ decet philosophum, differuerint; quod de aliis ratiocinandi modis excogitandis non fuerint solliciti, quodue in nugis & inutilibus disputationibus diligenter se suæque ingenia exercuerint adeoque doctrinam subtilem, spinosam ac vtilitatis expertem tradiderint. quod ad syllogismus *simplicem* eumque *absolutum*, vti dicitur, adtinet, acriter disputarunt de definitione, quam dedit Aristoteles, ac primum quidem de genere ipsius, num λόγος significet *rationem*, an *orationem*, prout quoque alii generis loco posuerunt *argumentationem*; alii *habitu instrumentalem*, *instrumentum*, *dispositionem*. differentiam vero huius syllogismi plerumque in scholis significant per principia *materialia*, *formalia*, *canonica* & *perfectiua*, vti adpellantur. ad principia *materialia* referuntur termini & propositiones, vbi ratione conclusionis varias quæstiones nullius momenti proposuerunt: *num conclusio possit dici propositio? num sit pars syllogismi? num sit illius effectus, aut forma?* ratione principiorum *formalium* instituerunt varia exercitia grammatica ope figurarum & modorum syllogismorum, quum genuinum meditationis huius Aristotelicæ finem haud assecuti sint, nec in

in illis fundamenta diuersarum argumentorum rationum cognouerint. per principia *canonica* intellexerunt canones & regulas, quas ad bene formandos syllogismos magna copia constituerunt, quorum alia dicuntur *primaria*, quo spectat *dictum de omni & dictum de nullo*; alia vero *secundaria*. tandem principiis *perfectiuis* comprehendunt doctrinam de reductione atque expositione syllogismorum. syllogismus simplex *determinatus* diuiditur in modalem & exponibilem, de quibus multas fecerunt disputationes, nec non de syllogismis compositis, & elenchis sophisticis. quæ omnia distincte recensere, non necessarium est, præcipue quum ex libris logicis, quorum incredibilis extat copia, peti possunt & cognosci. etenim non solum hanc doctrinam in scriptis logicis copiose exposuerunt; sed seorsim quoque pertractarunt, quales commemorarunt SPACHIVS, ¹ BOLDVANVS, ² DRAVDIVS ³ LIPENIVS, ⁴ MORHOFIVS. ⁵

§. XXVI. PETRVS RAMVS duas dialecticæ partes constituit, quarum altera de argumentorum inuentione; altera vero de iudicio disseruit, ac iudicium in *axiomaticum* & *dianoëticum* diuisit, & ratione dianoëtici etiam tractauit de syllogismo, quo *questio cum argumento, ut posito antecedente, necessario concludatur*. syllogismi autem duas partes fecit, antecedens, quod propositione & assumptione constet, & consequens, quod sit ipsa conclusio. si alterutra antecedentis pars desit, sit enthy-

¹ Nomenclat. philos. p. 233. ² bibl. philos. p. 126. ³ bibl. philos. pag. 1496. ⁴ bibl. philos. pag. 1446. ⁵ tom. II. l. 5. n. 4.

mema; si qua accedat, prosyllogismus. di-
 vinit syllogismum in simplicem & compo-
 situm: simplicem in *contractum* & *explicatum*.
contractus sit, quando argumentum quasi in
 exemplum assumatur, v. g. *quedam confidentia*
est virtus, ut constantia; *explicatus* vero,
 quando omnes eius partes deducantur, v. g.
constantia est virtus, quedam confidentia est
constantia; ergo quedam confidentia est vir-
tus. explicati duas species siue figuras facit:
 alteram, quando argumentum tam in propo-
 sitione; quam in assumptione sequatur; alte-
 ram vero, quando argumentum antecedit in
 propositione & in assumptione affirmatum se-
 quatur. ad priorem refert quatuor modos
 secundæ figuræ Aristotelicæ; ad posteriorem
 quatuor primæ, etiam nonnullos proprios ad-
 dit. syllogismus compositus diuiditur in *con-*
nexum & *disiunctum*. *connexus* sit duorum
 modorum: aut enim assumat antecedens &
 concludat consequens, v. g. *si dii sunt, diui-*
natio est igitur; aut tollat consequens, ut tol-
 lat antecedens, v. g. *si nulli rei sapiens assentie-*
tur vnquam; aliquando etiam opinabitur:
nunquam autem opinabitur; nulli igitur rei
assentietur. *disiunctus* vero duorum etiam sic
 modorum. nam vel vnum tollat, ut reliquum
 concludat, veluti: *aut dies est, aut nox est; at*
dies non est, nox igitur est; vel assumat vnum,
 ut reliquum tollat, ut: *aut dies est, aut nox est;*
at dies est, non igitur nox est: CONFER PETRUM
 GASSENDVM. ¹ FRANCISCVS BACO de
 VERVLAMIO inductionem multum com-
 mendauit, & syllogismum reiecit.

¹ De origin. logic. cap. LX.

§. XXVII. Recentiores philosophi doctrinam quoque de syllogismo attigerunt, quamvis non vna eademque ratione, siquidem *alii* aduersus istam fecerunt censuras; *alii* vero eam simul ad veriore vsum transtulerunt aliosque adhuc ratiocinandi modos excogitarunt: & *alii* denique placita Peripatetica retinuerunt, contra adcusationes defenderunt, nouisque auxerunt accessionibus. *primum* genus est illorum, qui in dignitatem doctrinæ Aristotelicæ & scholasticæ de syllogismo accuratius inquisuerunt, cum generatim, tum speciatim. generatim obseruarunt, syllogismum haud medium esse veritatis inueniendæ; sed ad inuentam veritatem, quæ in conclusione sita est, probandam & certa quadam ratione proponendam facere. 10. LOCIVS ¹ dicit: *syllogismus magis ad victoriam in disputationibus consequendam, quam ad veritatem inueniendam accommodatus esse videtur*; & paullo post: *syllogismus cognitione posterior & proinde inutilis est*; item: *syllogismus ad summum ars tantum est, pauxilla ista, quam habemus, cognitione cum aliis dimicandi, sine vltiori quouis argumento*. quod iudiciū adprobat ANDREAS RVDIGER, ² si intelligatur de vulgari doctrina: nec non CHRISTIANVS THOMASIVS. ³ & NICOLAVS HIERONYMVSVS GVNDLINGIVS ⁴ bene obseruat, quod, antequam struatur syllogismus, nota sit conclusio adeoque veritas, &

¹ De intellectu humano lib. IIII. cap. 17. §. 4. 6. ² philos. synth. p. 114. ed. 3. ³ caus. circ. prac. inuap. c. X. §. 3. not. b) & introd. ad philos. ration. cap. XII. ⁴ via ad verit. pars. I. pag. 109. sqq.

hinc dicit: quod vero iam notum est, id sane interueniente forma syllogismi nec noue detegendum est, nec noue detegitur; & quibusdam interiectis: ergo si quid conducat syllogistica forma, disputantibus sane conducat, atque aduersarium impudenter apertas consequentias negantem confundet. Ipeiatim vero nonnulla momenta doctrinæ Aristotelicæ examinarunt, & quid illis insit, demonstrare elaborarunt. Peripatetici igitur laudant tres figuras syllogismorum; CHRISTIANVS autem THOMASIVS ¹ dicit: figuras syllogisticas quod adtinet, possemus carere secunda & tertia, tantum abest, ut quartam prioribus putemus esse superaddendam, quia conclusiones tam affirmatiuæ, quam negatiuæ, tam vniuersales, quam particulares comprehenduntur sub modis primæ figuræ; & GVNDLINGIVS: ² eminet inter omnes figuras prima. ceteris tuto caremus: adde TITIVM. ³ quartam figuram, quæ vocatur galenica, non solum Peripatetici; sed & recentiorum philosophorum plerique reiecerunt; nonnulli autem, AVCTOR quippe artis cogitandi; ⁴ TITIVS; ⁵ IO. CHRISTIANVS LANGIVS; ⁶ ANDREAS RVDIGER ⁷ istam probarunt, quumue vulgares illius modi sint barbari, calentes, dibatis, fespamo, fresisom, duos tantum RVDIGERVS retinuit, quoniam calentes, fespamo, fresisom pertineant ad secundam figuram, & pro bar-

¹ Philos. aulic. cap. IX §. 12. ² cit. loco p. 120. ³ arte cogitandi cap. X. ⁴ part. III. cap. 8. ⁵ arte cogn. c. X. §. 3. ⁶ addit. nucl. logic. Wesf. p. 215. ⁷ phil. synth. p. 127. de sensu veri & falsi lib. II. cap. 6. §. 36. diss. de variis ratiocin. adminic. c. III. §. 11. sqq.

bari posuit barbara, sicque fecit conclusionem pro particulari vniuersalem. conditores logicarum peripatetici magnam regularum copiam ad struendos syllogismos proponunt, quibus recentiores philosophi haud æquale posuerunt pretium. sic generatim IO. CLERICVS ¹ de illis ita iudicat: verum quidquid dicant dialectici, hæ regulæ inanes sunt, sine rei, de qua agitur, cognitione; quoniam sepius sine sensum vocabulorum intelligere non possumus, adeoque an ad regulas exactum sit argumentum dignoscere, nisi rem aliunde noscamus. contra re cognita sine regularum vsu haud difficulter falsitatem ratiocinationis deprehendimus; unde colligere licet, inania esse logicorum pollicita, qui se effecturos spondent, ut quispiam ope solius dialectices possit quidlibet defendere & oppugnare: confer GVNDLINGIVM ² & GERHARDVM. ³ speciatim vero regulam illam vulgarem, quod medius terminus non ingredi debeat conclusionem TITIVS ⁴ pronuntiauit, frustra esse positam: & IO. LOCKIVS ⁵ item ANDREAS RVDIGER obseruarunt, quod canon ille, nihil sequi ex propositionibus particularibus, sit falsus. nec minori industria doctrinam de syllogismis compositis examinandam emendandamque esse censuerunt. nonnulli putarunt, syllogismos compositos duplicis esse generis: vel constet ex propositione composita, quo spectet syllogismus conditionalis, disiunctiuus, copu-

¹ Logie. part. IV. cap. 5. § 2. ² cit loc. p 121. ³ delin. philos. ration lib. II. cap. 4. §. 26. ⁴ de intellectu human. lib. III. cap. 17. §. 8. ⁵ de sensu veri & falsi lib. II. c. 6. §. 34. 35. philos. synth. p. 126.

latius, & comparatius; vel constet ex pluribus syllogismis simplicibus, cuius generis sit *dilemma* & *sorites*: vide IO. CHRISTIANVM LANGIVM. ¹ TITIVS ² constituit duplicem syllogismum compositum: vel enim eundem syllogismum bis exhibeat, sed imperfecte; vel plures syllogismos simplices, occultata vna aut altera propositione, contineat. ad priorem classem spectet syllogismus *copulativus, disiunctivus*, qui & complectitur *dilemma, & conditionalis*; ad posteriorem vero *sorites*: cuius sententiæ quoque est IO. FRANCISCVS BVDDEVS. ³ NIC. HIERON. GVNDLINGIVS ⁴ existimat, quod syllogismus compositus in prima statim propositione subiecti & prædicati collationem cum media idea ostendat; sitque vel *coniunctivus*, vel *disiunctivus*, illeque iterum vel *conditionalis*, vel *copulativus*. ANDREAS RVDIGER ⁵ observavit, quod ratiocinatio disiunctiva & comparativa non admittant formam syllogismorum, quia plures quam quatuor termini occurrant; conclusio non sequatur partem debiliorem, & hinc in nulla figura nulloque modo fit.

§. XXVIII. *Secundum* genus est illorum, qui vulgarem doctrinam de syllogismo non solum emendarunt & ad vsum veritatis cognoscendæ adcommodarunt; sed de aliis ratiocinandi modis excogitandis solliciti quoque fuerunt. atqui huc spectat ANDREAS RVDIGER. nam quum observaret, quod claris-

¹ addit. ad nucl. log. Weis. p. 187.

² arte cogit. cap. XII. §. I.

³ philos. instrum. part. I. cap. I. §. 36.

⁴ via ad veritat. part. I.

p. 121. ⁵ philos. synth. p. 134.

fimi viri CARTESIVS, CLAVBERGIVS, AVCTOR *artis cogitandi*, TSCHIRNHAVSEN, CLERICVS, THOMASIVS, aliique, qui in purganda hac doctrina a sordibus scholasticis multum operæ ac studii posuerant, partim nimis generalia præcepta tradiderint; partim modos inueniendi veritates haud demonstrauerint; animum adpulit ad negotium hoc logicum, idque magna fide & industria in incrementum disciplinæ huius egit. quam in causam anno MDCCIII. Lipsiæ edidit dissertationem de *nouis ratiocinandi adminiculis*, cuius capite primo disserit de *principiis demonstratiue ratiocinandi proximis* ac fundamenta ostendit, quibus propositiones, quum adfirment quid, aut negent, sint vniuersales, aut particulares nitantur; secundo de *modo ratiocinandi simpliciori, receptis doctrinis haud adcommutato*; tertio de *modo conclusiones novas eliciendi receptis doctrinis accommodato*; & quarto de *usu huius doctrinæ*. qua disputatione multas quidem emendationes doctrinæ Peripateticæ & accessiones non leuioris incrementi fecerat; curis tamen & meditationibus, quibus animum penitus consecrauit, posterioribus meliora & præstantiora præstitit omnia. quapropter quum anno MDCCVII. ederet *philosophiam syntheticam*, ei inprimis curæ fuit; quemadmodum viam non solum ad examen veri; sed inuentionem quoque commonstraret; præcepta de examinandis ratiocinationibus exhiberet & ratiocinationem quatuor terminorum & obiectiuam exponeret. sed anno MDCCVIII. librum de *sensu veri & falsi* emisit in lucem publicam, quo

quo omnia pleniore & clariore ratione explanavit, atque inprimis discrimen inter ratiocinium mathematicum & philosophicum ostendit, etiam de ratiocinatione grammatica egit. anno MDCCXI. iterum *philosophia synthetica* publici usus fiebat, qua editione addidit ratiocinium a maiori ad minus, & a minori ad maius; & anno MDCCXVI. prodibat ipsius *physica diuina*, qua copiose disseruit de differentia ratiocinii mathematici & philosophici. tandem tertia editione *philosophiæ syntheticae* anno MDCCXVII. duo ratiocinationum genera, *causalem* & *practicam* adiecit, etiam de *possibilitate*, *cognitione vulgari*, *ratiocinatione negatiua consequentiæ adparentis* & demum *composita* egit, cuius doctrinæ de variis ratiocinandi modis a RVDIGERO traditæ iam exhibebimus summam, secuti editionem tertiam philosophiæ syntheticæ. diuidit igitur veritatem ratiocinatiuam in *sensualem*, *idealem* & *grammaticam*. *sensualis* siue mathematica ex circumstantiis quantitatis applicatione sensuum immediata colligitur, quod discrimen inter ratiocinationem mathematicam & philosophicam RVDIGERVS primus distincte exposuit, præsertim *physica diuina*,¹ quæ causâ quoque, cur sæpius aduersus Cartesium, eius sectatores ac plerosque mathematicos disserat. quam differentiam alii quidem ante RVDIGERVM obseruarunt, ISAACVS NEWTON,² IO. CLERICVS,³ GVIL. GILBERTVS;⁴ nemo tamen istam tam copiose & distincte exposuit. *idealis* veritas ratioci-

¹ Lib. I. cap. 1. § 40. p. 13 sqq. ² *philos. natur. princ. math.*

³ *logic. pars. III. c. 13.* ⁴ *de magnet. lib. I. cap. 3. 9.*

natiua siue philosophica, est vel generalis, vel specialis. *generalis* vel duobus solum constat terminis, vel tribus & quatuor, vel pluribus. quæ duobus solum constat, diuiditur in *conversionem* & *oppositionem*, quas in speciebus ratiocinationum numerat, quum a Peripateticis habeantur adfectiones propositionum. veritas ratiocinatiua idealis, quæ constat tribus & quatuor terminis, est syllogistica; considerat autem RVDIGERVS syllogismum synthetice, veluti medium inueniendi nouas veritates. quibus de caussis fundamenti loco ponit propositionem, & inde deducit nouam ideam, quam complectitur conclusio, quæ noua idea si coniungitur cum illa idea, vnde deducta est, efficere potest propositionem minorem adeoque formam syllogismi. dicitur igitur hæc ratiocinatio *assumptiua*, quia nondum positus terminus siue idea assumitur: quæ idea deducitur modo ex subiecto, modo prædicato tantum, modo simul ex subiecto & prædicato propositionis fundamentalis, vt inde duo genera veritatis ratiocinatiuæ assumptiuæ, alterum per *tres terminos*; alterum vero per *quatuor terminos* gignantur. qua doctrina exponit momenta de figuris & modis syllogismorum, eaque ita explanat, vt variis ratiocinandi modis ad inueniendas veritates debeant inservire. quibus traditis, explicat veritates ratiocinatiuas, quæ ad syllogismorum formas haud possunt adcommodari, quales sunt *transumptiua*, quam diuidit in *disiunctiuam* & *comparatiuam*; *obiectiua*, *practica*, *caussalis*, & addit doctrinam de diuersis ratiocinatiuæ assumptiuæ formis. tandem differit de veritate ratiocinatiua

natiua *verbali*, qua rectum verborum vsum concludimus.

§. XXVIII. *Tertium* genus est illorum, qui placita Peripatetica ac scholastica retinuerunt, notisque illustrarunt & accessionibus auxerunt. quo spectat vir clarissimus IO. CHRISTIANVS LANGIVS, qui additamenti ad *nucleum logicæ Weisianæ* multam operam doctrinæ huic de syllogismo dedit, varias imagines ad modos syllogismorum facilius percipiendos spectantes exhibuit, & omnino admodum subtilis regularum extitit auctor, vt non omnis ingenii esse censeamus, ipsius præceptis animum ad artem hanc cognoscendam exercendamque præparare. equidem Peripateticorum placita non tam sancta considerauit æstimatione, vt ab illis nonnunquam discedere, nefas atque impium esse credidisset; in explicandis tamen atque illustrandis doctrinis inutilibus maxime fuit diligens, easque retinuit, quarum magnam partem potuisset dimittere silentio, etiam confutare, nisi forsân singulari quadam causa adductus tale seruauerit institutum. quos modos syllogismorum tradiderit IO. CHRISTOPHORVS STURMIVS, idem doctissimus LANGIVS¹ obseruat.

§. XXX. Perueniamus ad doctrinam de *demonstratione*, quæ vox non vna sententia usurpatur a philosophiæ magistris. notat enim generatim probationem, siue sit certa, siue probabilis; speciarim vero probationem certam, modo illam, quæ sensu ipse nititur; modo eam, quæ ex indole idearum siue notionum mentis deducitur, quæ posterior a ple-

¹ p. 398.

risque *demonstratio*; prior autem *ostensio* appellatur. quodsi philosophorum monimenta perlustramus, non obscure ex illis colligere possumus, quod per longum temporis tractum doctrina Aristotelis multis in magno fuerit pretio atque honore; tempestate vero, qua noua lux philosophiæ orta est, magna cepit detrimenta, & quæ de demonstratione tradi debent, ratione plana, euidenti atque vtili sint exposita. ARISTOTELES quippe ex omnibus philosophis, quos ætas vetus protulit, in hoc logicæ argumentum incubuit diligentissime, ideoque ab asseclis suis singulari æstimationis cultu est adfectus ac creditus, quod cælesti motu quodam incitatus ad opus hoc adgressus, eiusque partes diuinis auspiciis peregerit felicissime. scripsit autem ARISTOTELES libros duos *priorum analyticorum* & libros totidem *analyticorum posteriorum*; ἀναλύειν autem est *resoluere quæstionem ad propriam causam*, vt ex THEMISTIO¹ colligi potest. erat enim ipsi princeps propositum, artem syllogismum componendi tradere, cuius tres species, *demonstratiuum*, *dialecticum* & *sophisticum* constituebat, quam in causam quum syllogismus compositus sit ex propositionibus; & propositiones constent ex terminis, præmisit libros de enunciationibus & categoriis. de syllogismo igitur demonstratiuo egit libris analyticorum, ac quidem *prioribus* de syllogismo generatim; *posterioribus* de demonstratione speciatim, quam dicit esse syllogismum ἐπισημονικόν, confer PETRVM GAS-

¹ lib. 1. *poster. analyt.*

SENDVM. ¹ quapropter GALENVS ² indicat, veram & antiquam inscriptionem analyticorum priorum fuisse *περὶ συλλογισμῶν*, quod etiam confirmat BOETHIVS: ³ *scripsit autem duos resolutorios libros de syllogismo*; posteriorum autem analyticorum antiquum titulum fuisse *περὶ ἀποδείξεως*, de demonstratione. demonstrationem, cuius effectus sit scientia, diuisit Aristoteles in demonstrationem *τῆ διότι*, & *τῆ ὅτι*, quarum prior est, qua probatur effectus per causam propriam, & dicitur quoque demonstratio *a priori*, quæ secundum Aristotelem constare debet *ἐξ ἀληθῶν, καὶ πρώτων, καὶ ἀμίσγων καὶ γνωριμωτέρων, καὶ προτέρων, καὶ αἰτιῶν τῆ συμπεράσματος*. atqui hac ratione quatuor proprietates principiorum, quibus nitatur demonstratio, posuit. primum enim dicit, hæc principia debere esse *vera*, quoniam ex falso verum haud possit cognosci, ac quidem *necessario vera*, cuius necessitatis tres gradus ex ARISTOTELE obseruant, *κατὰ πάντας, κατ' αὐτὸ & καθόλου*. principia *κατὰ πάντας* dicuntur, vbi prædicatum de subiecto omni semper vere dicatur; *κατ' αὐτὸ*, si prædicatum comprehendat notionem differentię subiecti; & *καθόλου*, si prædicatum ratione *subiecti* ita se habeat, vt reciprocando possit efferri. secundum principia debent esse *prima & immediata*, quæ per alia non sint demonstranda; diuiduntur autem ista in *axiomata* ac *theses* & has in definitionem & hypothesin. tertium putauit Aristoteles, demonstrationem esse instituendam ex *principiis notioribus &*

¹ D: *origin. & varietat. logic. cap. V.*
tom. III. p. 367.

³ II. de interpretat.

² de libris propriis

prioribus,

prioribus, non nobis; sed natura. scilicet alio loco ¹ tradit distinctionem inter notiora natura & nobis, inter γνωριμώτερα κατὰ τὸν λόγον & γνωριμώτερα κατὰ τὴν αἰσθήσιν, id est, *notiora secundum rationem & secundum sensum*, illa vero longissime a sensu abesse & esse maxime vniuersalia docet. ² quæ omnia si colligamus, deprehendimus, quod notiora natura siue secundum rationem sint *vniuersalia*; notiora nobis vero siue secundum sensum *singularia*, quam sententiam plane falsam & erroneam cur amplexus sit Aristoteles, definire non possumus: ac quamuis nonnulli crediderint, ipsum per PLATONIS doctrinam, quod ideæ veri fuerint in mente, antequam sit coniuncta cum corpore; in hanc opinionem esse deductum; constat tamen ex aliis locis, Aristotelem his Platoniciis nugis nullum præbuisse assensum. ceterum non mirum, quod existimauerit, cognitionem nostram incipiendam esse ab vniuersis & ducendam ad singularia, ³ quoniam totum sit notius suis partibus, & vniuersale sit totum, hincque aliis adhuc adductus causis physicam tradiderit ad rationem metaphysicorum. sed tamen confundit philosophus hic totum logicum siue vniuersale cum toto physico. de hoc verum est, quod sit notius suis partibus, quoniam propius adpositum est sensibus, quam eius partes, quod autem nemo dicat de vniuersali tandem principia huius demonstrationis debent esse *conclusionis causæ*. quod autem ad demonstrationem τῆ ὅτι adinet, illa ignobilior priore habetur ac defini-

¹ *phys. lib. I. c. 5.*² *analyt. poster. lib. I. cap. 2.*³ *physic. auscult. lib. I. c. 1.*

tur, quod sit *scientia, qua cognoscatur scienti-*
fice, hanc vel illam adfectionem huic vel illi sub-
iecto inesse, cuius tria genera ex ARISTOTE-
 LE numerant Peripatetici & adhuc multas
 speciales regulas tradunt.

§. XXXI. Non defuerunt, qui hanc Aristoteli doctrinam commentariis illustrarunt, explicarunt, ac per longum temporis spatium propagarunt, ea mentis opinione occupati, quod in ista summum logicæ præsidium positum sit. ex vetustioribus in posteriorum analyticorum libros utrosque scripserunt THEMISTIVS & IO. PHILOPONVS; in librum secundum EVSTRATIVS alique, quorum opera haud servata sunt, nec non AVERRHOËS, confer GERHARDVM IO. VOS-
 SIVM¹ & IO. ALBERTVM FABRICIVM.² posthac præcipue tempestate scholasticorum hanc quoque logicæ Aristotelicæ partem coluerunt diligenter, nec solum istam in scriptis logicis exposuerunt; sed & seorsim tradiderunt ac de demonstratione peculiare scripserunt libros. ex quibus præ aliis VIOTTVS & SCHEGGIVS celebritatem ac famam nominis sibi compararunt, quamvis non omnia, quæ Aristoteles ea de re sensivit, consensione sua confirmauerint, uti de hisce operibus iam supra disseruimus. præter quos alii idem argumentum sunt persecuti, SEBAST. FOXIVS, IO. LVD. HAVENRETVRS, ANDR. LIBAVIVS, ANDREAS PLANERVVS, quorum monumenta recensent BOLDVANVS,³

¹ De natur. & cons. logic. c. XII, §. 7. ² bibl. græc. lib. III. c. 6. p. 114. ³ p. 130.

DRAVDIVS,¹ & LIPENIVS² bibliothecis suis philosophicis.

§. XXXII. At vero qui philosophiam Aristotelis non sancta & deuota animi religione coluerunt, ac suo ingenio veritates sapientiæque arcana perscrutari instituerunt, de hac quoque doctrina iudicarunt liberius, ipsamque diligenter examinatam non adeo grauiorem esse pronuntiarunt. PETRVS RAMVS³ multa in Aristotelis præceptis de demonstratione atque in libris analyticis de assidua obscuritate queritur; quum contra PROCLVS⁴ Aristoteli vitio vertat, quod ipsius analytica nimis sit perspicua, vt a quouis non plane stupido possit intelligi. atqui huiusmodi censuram aduersus rem laude omnino dignam merito reiecit GERHARDVS IO. VOSSIVS;⁵ qui autem, quum obseruasset, quod in analytica posteriora nemo melior Zarabella & Crello scripserit, de RAMO ita iudicat:⁶ *Rami furiosa conuitia in demonstrandi artem, quam non intelligit, nec asse emptitem. sane dum inutiles herbas se ex logicis runcare velle promittit, euellit longe utilissimas, dumque arborem totam pollicetur, ramum tantummodo exhibet: Thessali & aliorum similis, qui vt Galenus primo methodi libro ait, haud exquisitè accurateque instituendo morborum diuisiones, perinde faciunt, ac si litteras dispecerent in vocales & consonas, ac sic belle se defunctos putarent, quasi non & illæ suas habeant differentias ac species. nostro iudicio & RAMVS & VOSSIVS affecti-*

¹ p. 1334.

² p. 376.

³ scholæ dialect. lib. IX.

⁴ scholæ ad Platonis Cratyl.

⁵ de natura & constit. logic.

c. XII. §. 3.

⁶ cit. loc. §. 7.

bus aliquid dederunt, & humani quid passi sunt. ille, quod acerbius interdum Aristotелеm perstrinxerit; hic vero, quod nimio erga philosophum hunc amore incitatus vehementer differuerit aduersus Ramum, nec discrimen inter res ipsas, & modum disputandi fecerit, qui reprehensione quidem dignus esse potest, quamuis res ipsa suum pretium habeat. PETRVS GASSENDVS vt grauissime de integra Aristotelis philosophia sensit ac iudicauit; ita & in hoc argumentum ad demonstrationem spectans animaduersiones instituit accuratius. etenim ¹ obseruat non solum generatim in hac doctrina multa deesse; multa haud vtilia; sed inania, quin etiam sibi contraria & repugnantia proponi; sed & speciatim singulari industria magnaue iudicii vi demonstrat, neque talem demonstrationem, neque scientiam dari, qualem exposuit Aristoteles, cuiusmodi obseruationes dignæ omnino sunt, quas omnes diligenter legant mentisque meditatione assidua contemplantes expendant. CHRISTIANVS THOMASIVS ² quum breuiter placita Aristotelis de demonstratione attigisset, addit: *his omnibus missis, partim vt euidētibz, partim vt inutiliter subtilibus, partim vt falsis*; & IO. FRANCISCVS BVDDEVS ³ dicit: *cetera; quæ prolixè de demonstratione præcipiunt, dum de quæstione, quæ demonstrari possit, de immedietate rationum probantium, de gradibus necessitatis operose disputant, futilia sunt & inepta. sicut & illud*

¹ exerc. parad. aduersus Aristot. lib. I, exerc. V. seqq. p. 125. tom. III opp. lib. II, exerc. V. & VI. ² introd. ad philos. aulicam cap. VIII. §. 4. ³ philos. instrument. p. 1. c. 3. §. 21.

inepte.

inepte satis & ridicule assertitur, quod in demonstratione apex scientiæ humanæ, immo omnis felicitatis consistat. veritas enim indemonstrabilis præstat demonstrabili: & vero similitudinis interdum maior est utilitas, quam scientiæ.

ANDREAS RVDIGER¹ observauit, quod principia, quæ Aristoteles ad demonstrationem τῶν διότι necessaria esse putauit, aperte significant confusionem demonstrationis mathematicæ & philosophicæ; alio autem loco² ostendit rationem, qua hæc doctrina sit exponenda. nec negari potest, quod Aristotelis præcepta non solum perturbatim & sæpe obscure sint proposita; sed & multa contineant, quæ in nugis numeranda, & momenta haud leuiora silentio prætermittant. nam ante omnia ignorantiam veræ indolis veritatis cum certæ, tum probabilis deprehendimus, nec non discriminis demonstrationis, quæ modo immediate exensione; modo ex definitionibus idearum est instituenda. multæ dantur demonstrationes maxime firmæ ac solidæ, quæ haud principiis immediatis ac primis nituntur, nec niti possunt. nec in gradibus necessitatis, quos tradidit Aristoteles, verum adsecutus est fundamentum, siquidem necessarium nexum inter subiectum & prædicatum, ex quibus enunciatio composita est, ex subordinatis & diuersis ideis, num idea prædicati pertineat ad essentiam subiecti, an accidentia, nec ne? demonstrare debemus, ex quibus facile potest colligi, num propositio sit pronuntianda vniuersa, an particulares. quod si ita est,

¹ *phys. dinia. lib. I. cap. I. scilicet. 2. §. 67. seqq.*

² *de sensu veri*

et falsi lib. III. cap. 4.

sicuti est, hanc doctrinam rectius ac verius tradendam esse putamus, quod hac ratione nostro iudicio fieri potest. demonstratione philosophica vel adprobamus, vel refutamus conclusiones. priori modo conclusiones nostras probamus per definitiones nostras, quæ est demonstratio *a priori*; definitiones autem & alias veritates demonstramus per sensationem, quæ est demonstratio *a posteriori*. refutamus autem aliorum conclusiones ex definitionibus ipsius ac diuisionibus, quas si ipsi quoque admittimus, est demonstratio κατ' ἀλλήθειαν, si minus, κατ' ἀνθρώπων. definitiones vero ac diuisiones aliorum refutamus vel per sensationes, quæ est *deductio ad impossibile*; vel per conclusionem manifeste falsam, quæ est in theoreticis *deductio ad absurdum*; in practicis *deductio ad incommodum*: confer ANDR. RVDIGERVM. ¹

§. XXXIII. Ratio ordinis postulat, ut doctrinam de *probabilitate* ex historiarum monumentis illustremus breuiter. veteres philosophi ante Aristotelem nihil tradiderunt de hac specie veritatis, siquidem satisfacisse aliis persuadebant sibi, quando argumentandi artem demonstrarent. ARISTOTELES differentiam constituerebat inter *analyticam*, id est, doctrinam de demonstratione, cuius finis sit scientia; & *dialecticam*, quamvis hæc vox a Peripateticis non vna adhibeatur sententia. quando enim dialecticam opponunt analyticæ, dialectica apud Peripateticos est ars ex probabilibus differens: hinc a ΣΥΝΔΕΣΜΩ quoque definitur, quod sit μέθοδος δι' ἐνδόξων περί

¹ *Philos. synthet.* p. 218. ed. 3.

παντὸς τῆς προκειμένης συλλογιστικῆς, *methodus*, quæ per probabilia de qualibet proposita questione ratiocinatur. at vero quum aliquid vel vere sit probabile, vel tantum tale adpareat; vocem *dialecticæ* vsurparunt modo ampliori sententia prò vtraque specie probabilitatis, quæ ratione dialectica in organo Aristotelis complectitur ipsius libros *topicorum* atque *elenchorum sophisticorum*; modo vsu strictiori pro ea doctrina, quæ tantum vere probabilia tractet, & octo libris topicorum exponatur. quibus Aristoteles proponit syllogismum probabilem, dialecticum, quem adpellat *epichirema*; probabile autem ipsi est *propositio*, quæ omnibus, aut plerisque, aut sapientioribus, iisque vel omnibus, vel plerisque, vel celeberrimis vera videtur. id, de quo instituitur heic disputatio, dicitur *problema*, item *questio*, vt adeo dialectica tradat artem de rebus vere probabilibus differendi, bene interrogando, apteque ad interrogata respondendo, vsque dum deducatur probabile: atqui hæc est causa, cur doctrina talis dicatur *ἐρωτασικὴ καὶ ἐξετασικὴ*. quapropter Aristoteles multa dat præcepta cum *interroganti*, tum *respondenti*, atque existimat, quod hæc logicæ pars animam præparare debeat ad argumenta, quæ gignant scientiam, nam ipsi dialectica est *πρώτη ἀνάλυσις*; & analytica est secunda & ἀνάλυσις vera: triplicem autem vsum speciatim commemorat dialecticæ, ad *exercitationes*, ad *colloquia* & ad *philosophiæ scientiam*. at vero quum existimat Aristoteles, omnem disputationem institui de problemate & questione, ad quam possit re-

* Lib. I. top. cap. I. 2 Lib. I. cap. II. top.

sponderi *est* aut *non est*; omne problema pertinere putat ad rei, de qua quæstio instituat, aut definitionem, aut genus, aut proprium, aut accidens, confer GERH. IO. VOSSIVM ¹ & PETRVM GASSENDVM. ² existant e græcis commentaria in libros Aristotelis *topicorum* ALEXANDRI *Aphrodisei*; THEMISTII autem commentarius periit: e latinis huc spectant CICERONIS *topica*, quæ libris septem exposuit BOETHIVS, cuius latina interpretatio *topicorum* Aristotelis quoque existat, confer IO. ALBERTVM FABRICIVM. ³ sophistæ & rhetores transferebant vsum *topicorum* ad studia eloquentiæ, & corruptam exercebant artem, qua de re quadam in vtramque disseruerunt partem, id quod GERH. IO. VOSSIVS ⁴ quoque observauit, quamuis alieno a mente nostra iudicio. namque tale institutum probat vehementer, quod nos iis de causis reprehendendum esse censemus, quoniam genuina disciplina & logicæ & eloquentiæ inde multum cepit detrimenti: illa quod dialecticam siue doctrinam de probabilitate ad oratoriam præcipue pertinere existimauerint; hæc vero, quod mutata fuerit in sophisticam artem de omnibus rebus disserendi in vtramque partem, id quod munus quidem est sophistarum; minus vero germanorum oratorum ac rhetorum. veteres STOICI quidem discrimen posuerunt inter *scientiam*, *opinionem* & *comprehensionem*: *scientia* erat firma ac stabilis comprehensio, quam ne ratio quidem

¹ De natur. & constit. logic. cap. XII. ² de origin. & variat. logic. c. V. p. 47. ³ bibl. græc. lib. III, cap. 6. p. 115.

⁴ citæ loc. §. XI, XII.

mutare possit: *opinio* autem imbecilla & falsa assensio & *comprehensio* assensio visi comprehensibilis, quod ita verum, vt non possit esse falsum. hinc colligitur, in solis sapientibus scientiam; opinionem vero in stultis esse; vtrisque autem communem esse comprehensionem, vt quæ sit id, per quod verum diiudicatur: confer THOMAM STANLEIVM.¹ sic quoque Stoici argumenta vera diuiserunt in demonstratiua & minus demonstratiua; sed indolem genuinam probabilitatis minus exposuerunt.

§. XXXIII. Peripatetici non adeo solliciti fuerunt de hac logicæ parte, qua de re queritur GER. IO. VOSSIVS: ² *pars hæc logices negligenter admodum tractari in scholis solet, siue vt facilis & obuia, siue vt inutilis.* atqui omnino hæc Aristotelis doctrina, si iudicare velimus ex veritate, est inutilis & admodum lubrica, quæ nullo fundamento nititur. etenim quærit Aristoteles probabilitatem in opinione aliorum, quæ cum veritate nihil habet commune, quum potius quærenda sit in ipsa re: quin etiam si posita est in opinionibus hominum, opiniones debent iam esse cognitæ, quarum si nulla est probabilis; ex cogitanda quidem esset noua, quod autem secundum hæc principia haud fieri potest. nam vbi nulla est opinio, ibi nulla est probabilitas. nec solide illos determinat, quorum opinionem in cognoscenda probabilitate debeamus amplecti, quando dicit: *probabile est, quod videtur omnibus, vel pluribus, vel sapientioribus.* quis

¹ *Hist. philos.* p. 365. ² *cit. loc.* §. VIII.

enim *plures* coniungat cum *sapientibus*? idem esset ac si quis de vita pie instituenda consulere Christum & Belial iuberet, siquidem plures affectibus dediti longe absunt a sapientia, ut adeo mens nihil probabile possit adsequi, si plures quid affirmant; sapientes autem negant. quando autem Aristoteles opiniones sapientum probabile quid efficere censet; error hic ipsi communis fuit cum Stoicis, quos lepide perstringit CICERO: ¹ *quod dicunt, omnia se credere ei, quem iudicent fuisse sapientem; probarem, si id ipsum rudes & indocti iudicare potuissent: statuere enim, quid sit sapiens, vel maxime videtur esse sapientis.* ceterum corruptæ eloquentiæ cultoribus, qui id in summa laude ponunt, quando in utramque partem differere aliisque fucum facere possunt, hæc Aristotelis placita non possunt non placere.

§. XXXV. Merito igitur recentiores nonnulli philosophi, quibus inerat summa iudicii vis studiumque veritatis, peripateticam doctrinam hanc examini suo submiserunt, inter quos PETRVS GASSENDVS præcipue negotio hoc functus est feliciter. *primum* observat, libris topicorum Aristotelis omnia magna confusione esse perturbata; ² *deinde* ³ dicit: *nugas, quibus libri topici scatent, commemorare quis valeat? observari dumtaxat velim doctrinam vanissimam, quæ libris præsertim IV. V. VI. per negationes traduntur.* *tertium* ⁴ notat multa erronea & in illis præcepta duo, quorum alterum est, ut in disputatione loqua-

¹ Lib. IV. quæst. acad.
ac. 5. p. 127. t. III. opp.
ec. VII. p. 138.

² exerc. parad. advers. Aristot. lib. I.
³ exercit. VI. p. 133. ⁴ ibid. ex-

mur ambigue; vt potius quidquid obuenerit animo, effutiamus, quam vt cedamus aduersario nobis. in eodem quoque censu habet, quod doceat, disputationem cum plebe instituendam esse non per syllogismos; sed inductionem, quasi homo plebeius ac rudis vim syllogismorum haud capere possit; item quod orationem, quæ concludat additis detractisque quibusdam, vitiosam pronuntiet, quasi enthymema sit vitiosum, cuius tamen longe frequentior sit vsus, quam integri syllogismi, tandem¹ ostendit, multa hisce libris contineri, quæ sibi sint repugnantia & contraria, cuiusmodi censura satis est iusta & firma, quamuis ad rem ipsam probabilitatis speciatim haud spectet, nec significet, quam ieiuna & arida, etiam falsa heic sint præcepta Aristotelis.

§. XXXVI. Qua cura & industria RAMVS & ipsius alleclæ *locos topicos*, veluti sedes argumentorum tradiderint, satis notum & iam supra a nobis obseruatum est. recentiori tempestate philosophi magnis quidem studiis logicæ artem emendare, illamque nitidiore ornatam facie exhibere elaborarunt; sed pars hæc de probabilitate aut a plerisque logicarum scriptoribus minus exposita; aut leuiori industria nec pro rei dignitate tradita. atqui omnino est, quod talem miremur negligentiam. probabilitas est species veritatis, ex cuius præstantia de illius quoque excellentia debemus iudicare, præcipue quum plurimum rerum, quæ ad cognitionem nostram possunt venire, probabilis tantum sit notitia, adeo vt ope eius neque homo doctus, neque rudis lit-

¹ Cit. loc. citat. VIII. p. 144.

terarum carere possit. sic doctrina, quæ res naturales explicat, quæue præcepta de consiliis & prudentia viuendi tradit, probabilitate nititur, quod celeberrimi ac grauissimi physica doctores professi sunt ingenue. nec historiarum studia felicius possunt coli, aut interpretationes scriptorum prospere institui, nisi doctrina hæc de probabilitate lucem præferat suam, vt multa alia taceamus momenta, in quibus illius vtilitas maxime est insignis ac conspicua. pauci igitur sunt, qui accurate copioseque disputarunt de probabilitate. PETRVS GASSENDVS¹ putat, in eo consistere naturam probabilitatis, *quod plus habeat euidentiæ, quam obscuritatis*: siquidem dicit: *sylogismus suasorius, probabilis, opinabilisque talis dicitur propter notitiam confusionis, quam ita persuadet, probatque, vt tametsi plus euidentiæ, quam obscuritatis habeat, relinquat nihilominus hesitationis aliquid & idcirco dici opinio mereatur. opinio quippe, quatenus volunt eam differre a scientia, nihil aliud est, quam notitia non plane certa, sed cum quadam formidine imbecillitateue assensus. heinc ὑπόληψις etiam græce dicitur, quasi sit suspicio, ne forte fallamur.* sed hac ratione GASSENDVS probabile quidem distinguit ab eo, quod haud probabile est; minus vero a demonstratiue vero, de quo etiam dicere possumus, quod plus habeat euidentiæ, quam obscuritatis. IO. LOCKIUS² duobus fundamentis probabilitatem niti, adfirmavit, quod alterum sit *rei cuiusuis conuenientia cum cognitione, obseruatione &*

¹ Instit. logic. part. III. canon. 18. p. 117. t. I. opp. *act. human. lib. III. cap. 15. §. 4.*

² de intel.

experientia nostra; alterum testimonium aliorum, quo ea confirmant, quæ obseruarunt atque experti sunt; quæ principia LOCKII vera quidem sunt; minus vero adæquata. etenim experientia pertinet tantum ad probabilitatem medicam, & testimonium ad probabilitatem historicam, præter quas adhuc aliæ sunt species, quæ hæc principia haud admittunt. ceterum quum testimonium, velut principium generale probabilitatis posuerit, videtur procliuus ad sententiam Aristotelis, qui vult, vt in studiis probabilitatis consulamus omnes, plures & sapientes. CHRISTIANVS THOMASIVS¹ censet, quod probabilitas sit ostensio assertionis per connexionem non necessariam; & alio loco² duo criteria probabilitatis commendat, alienam quippe experientiam probam; & propriam notionem mentis accidentium. IO. CLERICVS³ putat, quod probabilitas nitatur aliena auctoritate, rei natura, cognitione ac experientia nostra siue vera, siue falsa, animique nostri adfectione & ratiocinationibus, quem sequitur IO. FRANCISCVS BVDDEVS.⁴ EPHRAIM GERHARDVS⁵ differit quoque de hoc veritatis genere ac putat, ea, quæ cognitionem reddant verosimilem, versari vel circa propositiones singulares, vel circa vniuersales; ac singulares effici partim per experientiam, partim per testimonium, quæ est vulgaris doctrina.

§. XXXVII. Nemo autem ex omnibus philologis tam solide, accurate ac diligenter ex-

¹ Phil. aulic. c. VIII. §. 5.

² introd. ad phil. ration. cap. X.

³ logic. p. II. c. 8.

⁴ philos. instrum. part. I. c. 3. §. 32.

⁵ delin. phil. ration. lib. I. cap. 9.

posuit

posuit hanc doctrinam, ac ANDREAS RVDIGER, qui non solum indolem ac genuinum probabilitatis fundamentum indicauit; sed diuersas ipsius species distincte quoque posuit. scilicet¹ ab ipso definitur probabilitas, *quod sit ratiocinatio, quæ ex eo, quod plures sensationes in suppositione aliqua seu hypothesei sensui immediate haud obuia, conueniunt, concludamus ad veritatem hypotheseos, ea certitudine, quæ omni exceptione haud sit maior*; quæ definitione bene ac perspicue probabile distinguit ab eo, quod fieri potest, a fuco oratorio, a prouerbis, auctoritate, similitudinibus. diuidit probabilitatem in *theoreticam & practicam*; & theoreticæ duas constituit species, quarum altera spectet ad memoriam, quæ sit probabilitas *historica*; altera vero ad iudicium, quæ sit vel *physica*; vel *politica*; vel *hermeneutica*; per practicam autem eam intelligit, *quæ ex concursu plurium causarum futurum aliquem prædicamus euentum*, quæ sit vel *physica*, vel *moralis*. atqui hæc omnia copiose explanat, exemplis illustrat & aliorum præcipue Peripateticorum ac CARTESII errores feliciter omnino non solum obseruat, sed quoque in refutandis illis singularem ostendit industriam. cuius expositæ doctrinæ præstantiam posthac in physica demonstrauit, ac partim generatim istam esse doctrinam probabilitatis, firmis confirmauit argumentis; partim speciatim argumentationes erroneas Cartesii eiusque assessorum, qui sæpius id, quod fieri potest, veluti probabile amplectuntur, coarguit grauiter.

¹ *Instit. erudit.* p. 161. ed. 3.

§. XXXVIII. Peruenimus ad doctrinam de *meditatione*, ac speciatim de *præiudiciis*, uti dicuntur, & *dubitatione*, ex quibus illa sunt eiicienda; hæc vero legitime instituenda, si meditatio suos ferre debeat fructus. primum igitur dispiciamus de *præiudiciis*, de quibus philosophi præcipue a tempore BACON. de VERVLAMIO vsque ad nostram ætatem multum ac copiose disseruerunt, siue ad illorum adpellationes; siue indolem, siue ad diuersas species, siue ad originem & occasiones, siue denique ad effectus, qui inde gignantur, respiciamus. quod ad *adpellationem* adinet, obseruarunt primum varias significationes vocis *præiudicii*. etenim præiudicia interdum notant principia generalia & propositiones vniuersales, quas gallica voce *préiugés* adpellare solent, siquidem plures fuerunt ex ecclesiæ romanæ doctoribus, qui methodo quadam generali placita protestantium, uti dicuntur, refutare atque argumentis generalibus illorum religionem euellere sunt conati, de quo instituto & scriptis ad id pertinentibus disserit CHRISTOPH. MATTHÆVS PFAFFIVS.¹ apud interpretes iuris ciuilis præiudicium notat vel eiusmodi iudicium, quod institui debet, antequam ad aliud procedamus; vel rem quamdam iudicatam, cuiusmodi lata sententia posthac iudicibus in pari causa exemplum præbet ad consequentiam, vide ASCONIUM PEDIANVM apud DIONYSIVM GOTHOFREDVM.² quod si vocem hanc ratione originis consideramus, significat iudicium, quod

¹ Dissert. 1. de præiud. theol. § 2. pag. 1362.

² auctorib. latin. lingu.

ante legitime institutam meditationem fertur, siue sit verum, siue falsum, quæ significatio autem in philosophorum scholis haud recepta est. illi enim intelligunt per præiudicia principia maxime generalia eaque erronea, ex quibus alia iudicia erronea gignantur, quæ quamuis a plerisque dicantur *præiudicia*; aliæ tamen adhuc illorum sunt adpellationes. sic appellantur *opiniones præiudicatæ*, *præconceptæ*, vide IOH. CLAVBERGIVM; ¹ *idola mentis* a VERVLAMIO; ² *opiniones præsumptæ*, a GVNDLINGIO, ³ vt de aliis taceamus. quamuis hæc præiudicia a philosophis varia definiantur ratione; re ipsa tamen, quod sint errores generales, ex quibus alia iudicia erronea veluti conclusiones proueniant, vnius sunt sententiæ, nisi quod alter altero accuratius dederit definitionem. varia præiudiciorum genera a philosophis numerantur. CHRISTIANVS THOMASIVS ⁴ duo principalia ponit præiudicia, alterum *auctoritatis*; alterum *præcipitantis*; IOH. FRANCISCVS BVDDEVS ⁵ in tribus vitiis voluntatis quærit originem præiudiciorum, ita vt oriantur ex voluptate & ignauia voluptatis filia præiudicia *auctoritatis* & *præcipitantis*; ex ambitione præiudicium *electæ* aut *receptæ hypotheseos*; ex auaritia *obsequiositas*. IOACHIMVS LANGIVS ⁶ ista deriuat ex intellectu & voluntate, vt adeo sint vel *intellectus*, vel *voluntatis*: praua vero voluntas respiciat vel *personas*, qui-

¹ *Logic. proleg. cap. I.* ² *organ. lib. I. aphor. 38.* ³ *via ad verit. part. I. p. 52.* ⁴ *introd. ad phil. ration. c. XIII. §. 41. adde introd. ad phil. aulic. cap. VI.* ⁵ *phil. instr. part. I. cap. 2. §. 30. seqq.* ⁶ *medicin. mentu p. 2. c. 4. §. 7. 12.*

bus homo vel nimium *confidat*, vel *diffidat*; vel *res ipsas* & sic regatur a tribus illis vitiis cardinalibus, cupiditate honoris, opum & voluptatum. hinc quatuor classes constituit praeiudiciorum, *ignorantiae*, *nimiae confidentiae*, *nimiae diffidentiae* & *prauarum cupiditatum*. ANDREAS RVDIGER, ¹ praeiudiciis illis *auctoritatis* & *praeipitantiae* addit adhuc duo alia, *planitatis* & *subtilitatis* ratione obiecti, de cuius natura duplex detur persuasio. BACCO de VERVLAMIO ² in quatuor classes distribuit idola mentis siue praeiudicia, quum alia sint *tribus*, alia *specus*, alia *fori*, alia *theatri*: confer IO. BAYERVM ³ & PETRVM GASSENDVM, ⁴ vt de aliis taceamus. nec minori industria philosophiae doctores elaborarunt, causas & occasiones praeiudiciorum ostendere, & quum inde magna impedimenta, quo minus studia veritatis possint promoueri, proficiscantur, viam commonstrare, qua ista sint euellenda hisque morbis adferenda medicina.

§. XXXVIII. Scriptores, qui huc pertinent, sunt vel *generales*, vel *speciales*: illi argumentum hoc de praeiudiciis generatim exposuerunt modo ex instituto; modo vero simul in scriptis logicis. prioris generis sunt THOMAS BROVNE *pseudodoxia epidemica*, IO. de HISPANIA, siue *Iean d'Espagne* libro gallico de *erroribus popularibus*; ABRAHAMVS HEIDANVS de *origine erroris*; HERBERTVS de *caussis errorum*, de quibus iudi-

¹ De sensu veri & falsi lib. III. cap. I. ² nou. organ. lib. I. aphor. 39. ³ cynosura mentis p. 2. cap. I. sect. I. part. I. p. 139. ⁴ de orig. & variet. log. cap. X.

CAT CHRISTIANVS THOMASIVS; ¹ illis autem adiicere possumus BALTHAS. SCHVPPIVM, inter cuius scripta germanica extat quoque opus de hisce falsis opinionibus, nec non huc referri possunt, qui peculiare dissertationes de hoc argumento conscripserunt, quales sunt IO. GABRIEL DRECHSLER dissertatione de *præiudiciis*; IO. CHRISTIAN. LANGIVS de *præiudiciis*; ROMANVS TELLER de *præiudiciis ex ignoratione sui ortis*; HENRICVS BALTHASAR SEELMANN de *præiudiciis*; GOTTLIEB SAMVEL TREVER de *principiis & remediis præiudiciorum*; ZWINGERVUS de *præiudiciis*; SCHROEDERVS de *præiudiciis merito & falso suspectis*. posterioris generis sunt, qui in scriptis suis logices disseruerunt de hoc argumento, quo inter alios spectant IO. CLAVBERGIVS, ² MALLEBRANCHE, ³ AVCTOR *artis cogitandi*, ⁴ CHRISTIAN. THOMASIVS, ⁵ IO. FRANCISCVS BVDDEVS, ⁶ IO. LANGIVS, ⁷ GOTTLIEB GERH. TITIVS, ⁸ NIC. HIER. GVNDLING, ⁹ EPHRAIM GERHARD, ¹⁰ IO. LOCKIVS, ¹¹ IO. FRIDEMANN SCHNEIDER, ¹² IO. P. de CROVSANZ ¹³ aliique. speciatim vero nonnulli explicarunt præiudicia ac falsas opiniones, quibus homines de rebus sacris ducuntur, siue ad doctrinas, siue vitæ

¹ Caut. circ. præcogn. iurispr. cap. X. §. 33. not. ² prolegom. logic. c. 2. sqq. p. 770. opp. & part. I. cap. II. p. 799. ³ de inquirenda veritate variis locis. ⁴ part. III. cap. 20. ⁵ introd. ad phil. rat. c. XIII. & phil. aul. c. 6. ⁶ phil. instrum. part. I. c. 2. §. 29. ⁷ med. ment. part. 2. c. 4. ⁸ art. cogit. c. 4. §. 19. ⁹ via ad verit. p. I. pag. 52. ¹⁰ delin. philos. ration. lib. I. cap. II. ¹¹ de intellectu humano lib. III. cap. 20. ¹² fundamenta philos. ration. c. III. ¹³ syst. de reflex. p. II. c. 6. & 7.

actiones spectent, cuiusmodi labore functi sunt in primis IO. HENRICVS BARTHIVS, qui disputationes theologicas edidit *de praiudiciis* & CHRISTOPHORVS MATTHAEVS PFAFFIVS duabus dissertationibus *de praiudiciis theologicis*, quippe quæ multa præclara continent & cultoribus sacrarum litterarum, præcipue hac tempestate commendandæ sunt diligentissime.

§. XL. Recte ac vere sentiunt philosophi, quod animus ad veritatis cognitionem possit præparari per dubitationem, si modo legitima instituatur ratione. namque duplex dubitandi modus est, quorum alter, quando sine causâ aliquid vocamus in dubitationem, nec tam de probationibus, quam de ipsa re sine rationibus dubitamus, id quod sceptici fecerunt; alter vero est, quum dubitandi causæ nobis sunt, qualis dubitatio dicitur sobria & duplici modo fit. primum enim in rationes, quæ in probationem rei cuiusdam proferuntur, inquirimus, num sint solidæ, nec ne? deinde vero si deprehendimus, rationes productas haud esse firmas, de melioribus ac vere solidis exco- gitandis sumus solliciti, quorum prius si faci- mus, dubitamus *de probationibus*; posterius autem, *de ipsa re*. vetustiores philosophi exer- cuerunt quidem dubitationem modo sobrie ac continenter; modo vero licentius, quam par erat. prioris generis sunt, qui philoso- phiæ rationem eclecticam, vti dicitur, sunt se- ctati, in quibus principem locum tenet meri- toque occupat SOCRATES, qui a scriptori- bus antiquæ ætatis singulari adficitur laude & dicitur *philosophia parens, rex philosophorum, doctissi-*

doctissimus omnium philosophorum. celebre quidem habuit hoc prouerbum: SE NIHIL SCIRE, NISI HOC VNVM, QVOD NIHIL SCIAT, ¹ quod nonnulli ea sententiā intellexerunt, vt ipsum inde insinulauerint opinionis, quasi nullam dari scientiam humanam, existimasset. sic LACTANTIVS ² de effato hoc Socratis ita differit: *Socrates vt ceterorum argueret inscitiam, qui se aliquid tenere arbitrantur, ait, se nihil scire, nisi vnum, quod nihil sciret. intellexit enim doctrinam illam nihil habere in se certi, nihil veri.* quam sententiam autem LACTANTII doctrinæ Socratis ex XENOPHONTE, PLATONE, STOBÆO aliisque scriptoribus a THOMA STANLEIO ³ collectæ haud probabilem esse, confirmant. vt itaque ab accusatione scepticismi Socratem absoluerent, existimarunt nonnulli, ipsum hoc prouerbio per ironiam vsum fuisse, id quod obseruat MORHOFIVS; ⁴ quam coniecturam cum ipsius satis celebrata modestia haud conuenire, alii monent, ac credunt, Socratem effatum hoc adhibuisse, vt tumorem sophistarum, qui se omnia scire gloriabantur, redargueret. ceterum sæpius euenit, vt verba ab hominibus bona mente prolata ab aliis modo prauis affectibus, modo inscitia, modo imprudentia adductis in malam transferantur partem, quod non modo exemplum Socratis, sed & Epicuri, nec non secta Sadducæorum restantur. namque quum Antigonus Sochæus

¹ *Arist. elench. soph. lib. II. c. 14. Lucian. Hermot. t. I. p. 54. opp. Laert. lib. II. segm. 32. Cicer. lib. I. ac. quæst. Mimuc. Fel. in Octau.*
² *de ira Dei cap. 1.* ³ *hist. phil. p. 116.* ⁴ *polyhist. rom. II. lib. 2. c. 9. §. 1.*

doceret, Deo non ita obediendum esse, ut ser-
vi dominis, spe mercedis commoti præstant
obedientiam; Sadok pariter & Baithus hæc ita
intellexerunt, ac si dixisset, Deo esse seruien-
dum sine spe retributionis, & hinc porro col-
legerunt, nullas poenas, nulla præmia post hanc
vitam esse expectanda, animas hominum cum
corpore interire, vide 10. FRANCISCUM
BVDDEVM. ¹ præter Socratem dubitationes
adhibuerunt PLATO, ARISTOTELES, EPI-
CURVS, alique, quoniam alias nihil inuenire
nec quidquam diiudicare potuissent; sed re-
motâ penitus dubitatione, omnes præcepto-
rum doctrinas sancte conseruare ac propagare
habuissent necesse. posterioris generis sunt;
qui licentius iusto de rebus præter necessita-
tem dubitationes instituerunt, aut, ut rectius
iudicemus, ea quæ in aperto fuerunt posita,
negarunt, id quod solemne erat scepticis, de
quibus paullo post disseramus. aduersus quos
alii quidem disputarunt, veritatem eiusque
certitudinem defendentes ideoque adpellati
dogmatici; ipsam autem dubitationis genui-
nam indolem, aut modum, quo in salutem &
gratiam sensus veri & falsi debeat ista fieri rite,
minus demonstrarunt.

§. XLI. Recentiori tempestate præcipue
CARTESIVS doctrina de dubitatione largis-
simam disputandi dedit occasionem, etiam
apud nonnullos excitauit suspicionem atheis-
mi aut scepticismi. de præiudiciis cognoscen-
dis atque eiiciendis leuiore egit industria, nec
grauiter atque accurate de illorum indole, ve-

¹ *Introd. ad hist. phil. Ebr. p. 26. ed. 2.*

ra origine ac modo, quo illis medicina possit adhiberi, disseruit. præcipue vero doctrinam de dubitatione, in qua multum momenti positum est, si rem ipsam accurate inspiciamus, omnino corrumpit, atque ea tradidit, quæ cum genuina dubitandi ratione ac cognoscenda veritate nihil habent commune. nam commendauit cultoribus philosophiæ talem dubitationem, quæ non est dubitatio, sed negatio: hinc dicendi genera *dubitare, reiicere, habere falsa, euertere* & alia vsurpat promiscue, quasi sint eiusdem significationis; quin etiam aperte indicat, quid per dubitationem intellexerit, quando dicit: ¹ *quin & illa etiam, de quibus dubitabimus, utile erit habere pro falsis, ut tanto clarius, quidnam certissimum & cognitum facillimum sit, inueniamus; & alio loco: ² illa omnia, quæ prius ut vera quam maxime credideram, propter hoc unum, quod de iis aliquo modo posse dubitari, deprehendissem, plane falsa esse supposui.* at vero quum CAR-
TESIUS certitudinem sensuum negaret, quid mirum, quod dubitationem ad eiusmodi quoque res traxerit, quæ per sensus & vere & clarissime percipiuntur, ut de illis dubitandi nobis neutiquam relicta sit facultas. quapropter dicit: ³ *facile supponimus, nullum esse Deum, nullum calum, nulla corpora, nosque etiam ipsos non habere manus, nec pedes, nec denique ullum corpus.* ex quibus patet, quod etiam de Deo dubitationem institui posse, existimauerit, quod & aliis locis confirmat, siquidem ⁴ *supponam, ait, non optimum Deum fon-*

¹ Princip. part. I. §. 2. ² medit. IV.

³ princ. part. I. §. 7. ⁴ medit. I.

tem veritatis; sed genium aliquem malignum, eundemque summe potentem & callidum omnem suam industriam in eo posuisse, ut me falleret: item: ¹ num quid est aliquis Deus, vel quocunque nomine illum vocem, qui mihi has ipsas cogitationes immittit? quare vero hoc putem, quum forsitan ipsemet illarum auctor esse possim. præcipue dubitationem iis de causis commendavit, ut hoc medio falsæ opinionis generales eiicerentur ex mente, etiam animus posset præparari ad puriores cogitationes & notiones concipiendas.

§. XLII. Propter hanc doctrinam de dubitatione RENATUS CARTESIVS varias censuras expertus est. alii ipsum adcularunt atheismi, quod fecit LOENIVS ² ex ea ratione, quoniam Cartesius de omnibus dubitaverit, etiam, ut expresse ipsius verba adhuc testentur, de existentia Dei; quum autem ipsius dubitatio nihil aliud fuerit, quam negatio, sequeretur inde, illum negasse Dei existentiam. MARTINVS SCHOOCKIVS, professor philosophiæ Grœningensis, eandem instituit adulationem, quamvis posthac coram magistratu, se Cartesio fecisse iniuriam, profiteri coactus fuerit, id quod commemorat ADRIANVS BAILLETTVS: ³ nec non GIBERTVS VOETIVS huiusmodi grauioris censuræ extitit auctor, ex cuius discipulis quidam edidit admirandam *methodum novæ philosophiæ Renati des Cartes*, qua Cartesium non solum occulti atheismi accusat; sed etiam comparatio-

¹ *Medis. II.* ² *select. phil. proem. dissert. I. §. 25.* ³ *vita Cartesi tom. II. p. 252.*

nem inter ipsum & Vaninum instituit. alii accusarunt ipsum scepticismi, quod omnem sensuum fidem remoueret & easdem dubitandi rationes, quibus vsi sint sceptici, adtulerit, in quibus aduersus quem causas Cartesii egit ANTONIVS le GRAND: ² adde PETRVM DANIELEM HVETIVM. ³ alii quidem negant, Cartesium iure ac merito in atheis ac scepticis posse numerari, siquidem, si spectamus ad atheismum, existentiam Dei tantum in dubium vocauerit, quum ista ex lumine naturæ sit cognoscenda, & inter dubitationem ipsius ac scepticismum hoc discrimen sit positum, quod sceptici semper in dubitatione permaneant, id quod Cartesius minus fecerit. at vero necesse omnino habent profiteri, quod Cartesius talia de dubitatione tradiderit, quæ facile quemdam in atheismum ac scepticismum possent deducere, vide IACOBVM GVILIELMVM FEVERLINVM: ⁴ adde VALENTINVM ALBERTI, ⁵ MASTRICHT, ⁶ GEORGIVM PASCHIVM ⁷ GOTTLOB FRIDERICVM SEELIGMANNVM, ⁸ IOH. FRANCISCVM BVDDIVM. ⁹ nec defuerunt ex sectatoribus CARTESII, qui ipsius auctoritatem rueri elaborarunt, obseruantes, quod haud serio dubitauerit, video IO. SCHO-

¹ De Deo & provid. disp. 6. ² apolog. pro Renato Cartes. contra Parkerum. ³ censura philos. Cartesian. cap. I. § 15 ⁴ dissertationibus de dubitatione Cartesianæ; item: in quantum Cartesianus atheismus atque scepticismus possint imputari. ⁵ disp. de Cartesianismo. & Corcei. cap. I. §. 9. c. II §. 3. ⁶ gangr. nouis. Cartesian. pag. 29. ⁷ de innanti nou-antiqu. p. 150. & introd. in rem litter. mor. vet. c. VI. §. 9. ⁸ exerc. acad. p. 697. ⁹ de atheismo & superstitione p. 152.

TANVM. ¹ at vero, qui alienus est a studio prauorum affectuum ac partium Cartesii, remque accurate ac solida meditatione considerat, omnino potest cognoscere, quod Cartesii dubitatio fuerit negatio, quæ nihil habet commune cum veritate, sed viam parat ad atheismum & scepticismum.

§. XLIII. Variæ autem doctrinæ sunt, quarum historias tradere, e re esset, si id per spatii rationem ac temporis fieri posset. quapropter vt nobis propositam breuitatem obseruemus, paucis tantum de *arte disputandi ac methodo* ex historiarum monumentis edisseramus, præcipue quum nobis sit in animo, specimen modo huiusmodi historię logicæ exhibere. quod ad prius momentum adtinet, varii modi disputandi celebrati apud philosophos possunt commemorari, quorum principes recensere instituiamus. non est, quod dicamus de oratione continua, quam in disputationibus adhibuerunt antiquissima ætate, vt pluribus ostendit IO. FRIDEM. SCHNEIDER; ² quoniam artem logicæ ex historiis illustramus adeoque artem quoque disputandi respicere, necesse habemus. apud veteres græcos celebris extitit modus disputandi per *dialogos*, de cuius auctore diuersa ratione disferitur. etenim inuentio eius vindicatur modo ALEXAMENI TEIO; modo ZENONI *Eleati*, qui scripserit *dialogos*; modo SOCRA TI, modo PLATONI, quæ diuersæ opiniones facile inter se possunt conciliari, si dicamus, quod post ZENONEM hoc scribendi

¹ *Discuss. censura Huetian. cap. I. art. I.*

² *de variis argumendis methodis sct. II.*

ac disputandi genus maiori cura coluerint atque ornauerint SOCRAATES ac PLATO. in primis autem obseruamus, rationem hanc disputandi præcipue adtribui a scriptoribus SOCRATI, etiam adpellari *methodum Socraticam*, quoniam istam Socrates præcipue contra sophistas, qui illa frequentissime vsi sunt, adhibebat felici successu. hinc & alias leges præcipiebat, ac sectatores fallaciarum, siquidem vniciuique liberum relinquebat respondere, quidquid ipsi videretur, quin etiam iubebat alios, cum quibus disputabat, opiniones suas explanare. methodi huius exempla reperiuntur in PLATONIS dialogis, & in XENOPHONTE, qui plurima refert Socratis colloquia, vere, vt videtur, habita, quum PLATO multa finxerit, ex quibus IO. CLERICVS¹ regulas heic obseruandas collegit diligenter. sic ante Aristotelem sine ope syllogismorum fiebat disputatio per dialogos, quod colloquia quoque, quæ Iobus cum amicis instituit, confirmant: nec non post ætatem Aristotelis modus hic adhuc vigeat, quam in rem saltim disputationes seruatoris nostri cum iudæis, pharisæis & sadducæis testari possunt. recentissimo tempore CHRISTIANVS THOMASIVS² magnum pretium modo huic disputandi statuit eumque cultoribus logicæ commendauit studiose: ANDREAS RVDIGER³ vero de isto hoc tulit iudicium: *vt non dicam, methodum per quaestiones conclusiones solum efficere κατ' ἀνθρώπων, non κατ' ἀλήθειαν, τὰ δὲ διόσα ambagibus ideo est, quod alter non potest*

¹ Logic. part. IIII. cap. 9. ² cautelis circa præc. inuipr. cap. X. §. 60. ³ de sensu veri & falsi lib. IV. cap. 5. §. 2.

obligari, ut perpetuo aiat vel neget, sed ipsi utique etiam permittendum, ut se nescire quaesiti rationem respondeat. iam si callidus sit, tamdiu ait & negat, donec ad quaestionem palmariam perueniat alter; ad hanc per totum nescio respondet: sic noua series quaestionum alteri erit instituenda, ad quarum principalem si processum denuo sit, iterum eodem modo eludere eum potest: confer CAROLVM SIGONIVM, ¹ GEORGIVM PASCHIVM, ² IO. ANDREAM SCHMIDIVM, ³ IO. PHILIPPVM TREVNERVM, ⁴ IO. FRIDEMANNVM SCHNEIDERVM. ⁵

§. XLIII. Apud veteres celebris quoque extitit *modus disputandi Megaricus*, cuius inuentio tribuitur EVCLIDI, conditori sectae Megaricae. namque teste LAERTIO, ⁶ philosophus hic aliorum sententias ac conclusiones confutauit per conclusiones, quae varia continebant absurda & incommoda, prout iam supra ⁷ verba LAERTII sumus interpretati. confer PETRVM GASSENDVM ⁸ & IO. CASPAREM GUNTHERVM. ⁹ inprimis vero ratio disputandi per *sylogismos* longo temporis tractu in scholis celebrata fuit, cui ARISTOTELES praecipue multam dedit operam. etenim quod ad illius inuentionem attinet, discrepant auctores sententiis suis, cui haec laus debeatur, siquidem alii hac in causa fauent Aristoteli; alii vero obseruant, quod non so-

¹ De dialogo. ² diatr. de vñtat. veterum exempl. ratione tradendi per dialogos. ³ de processibus disputandi diuersis.

⁴ de antiquo interrogandi modo. ⁵ de variis argumentandi methodis sect. III. ⁶ lib. II. segm. 106. ⁷ p. 509.

⁸ de origine & variet. logic. cap. III. ⁹ dissertationis de modo disputandi Megarico, Iena 1707.

lum vox *sylogismi* more Aristotelico adhibita deprehendatur in Platone; sed & res ipsa, prout ALCINOVS perfectas syllogismorum formas ex eo demonstrauerit: confer IO. ANDREAM SCHMIDIVM, ¹ & IO. FRIDEMANVM SCHNEIDERVM. ² quidquid sit; modus hic disputandi vsum multorum seculorum obtinuit, adeo vt & nostra ætate, qua philosophia per operam atque industriam clarissimorum virorum a sordibus purgata est, consuetudo ista per syllogismos disputandi, præsertim in academiis, sit stabilita & confirmata. atqui multi persuadent sibi, eam vim arti huic disputandi inesse, vt nulla alia ratione veritas inuestigari atque in lucem proferri possit, etiam ægro ferunt animo, si quis a more isto discedere atque alio modo ad disceptationem adgredi velit. recte iudicat de methodo hac ANDREAS RVDIGER: ³ *sylogistica methodus etsi hoc non labore, laborat tamen grauiore incommodo. opponenti enim licet argumentari a baculo ad angulum & respondentem si non pondere, saltem copia inanium argumentorum tamdiu laceffere, donec tempus præstitutum sit elapsum. respondentem conceditur ad maiorem vel nihil respondere, sed thesin modo suam probare, vel ineptis distinctiunculis vim argumentorum tamdiu eludere, donec iure suo excipere queat, animum iam esse in patinis, & differendam adeo huius rei disceptationem in aliud tempus esse. adhuc ex antiquioribus commemorare debemus DIOGENEM Cynicum, qui ad-*

¹ *Disquisitione de diuersis disputandi processibus.* ² *de variis argumentandi methodis sect. XII.* ³ *de sensu veri & falsi lib. IV. cap. 5. §. 3.*

versariis sibi non ratiocinatione quadam; sed actione ipsa. qua ipsos deducebat ad sensuionem, obuiam ire solitus est. quapropter DIOGENES LAERTIVS ¹ de eo tradit, quod ratiocinanti cuidam & concludenti, illum habere cornua, manu frontem palrans dixerit, *equidem illa non video*: & dicente quodam, non esse motum, exsurgens ambulauerit. cuiusmodi ratio disputandi in illis rebus, quæ ipsa nituntur sensuione, potest adhiberi, si modo cum illis agendum est, qui certitudinem sensuum admittunt, qua remota, ne hoc quidem disputandi genus pondus quoddam habere potest.

§. XLV. Ceterum plerique veterum philosophorum studio altercandi aliisque fallacias struendi tenebantur, seque tradebant contentionibus non in gratiam veritatis, sed pravorum adfectuum libidinem. sic in schola Eleatica ZENO auctor disciplinæ *eristice* a quibusdam habetur, quamuis etiam artem dialogorum coluerit. PROTAGORAS scripsit *artem contentionis* & libros *contradictionum* & ipse adhibuit sophismata. Megarici dicebantur *ἐριστικοί* siue *contentiosi*, & inter discipulos EVCLIDIS erat EVBVLIDES, qui varia argumenta captiosa produxit, supra ² a nobis commemorata atque illustrata: cuius auditor ALEXINVS Eliensis dicebatur *elenxinus* a contradicendi studio, teste LAERTIO. ³ auctor scholæ Eretriacæ MENEDEMVS vehemens adeo fuit disputator, vt liuida sæpe facie discederet, quod obseruat THOMAS STAN-

¹ Lib. VI. *segm.* 39. ² p. 510. ³ lib. II. *segm.* 109.

LEIVS; ¹ STOICI autem fallaciarum plenis disputationibus fuerunt addictissimi. duplex illis erat genus disputationis: alterum breue, subtile, spinosum, ipsisque proprium; alterum vero vulgare, quod vel continua oratione, vel interrogando vel respondendo absolueretur, vide THOMAM STANLEIVM. ² non est, quod de hoc argumento differamus, quoniam id superioribus satis est expositum ac dignis testimoniis confirmatum.

§. XLVI. Recentiori ætate plerique scriptorum logicorum operi huic satis fecisse sibi videntur, quando demonstrant, quomodo ars disputandi per syllogismos possit institui atque exerceri. quapropter pauca sunt, quæ in gratiam historiæ huius a nobis obseruari debent. IO. CLERICVS edidit dissertationem philosophicam *de argumento theologico ab invidia ducto*, qua hanc argumentationem, quum ad aduersariorum sententias non solide respondeant; sed id agant, vt erga illos excitent inuidiam eoque imperitos ab inquisitione rerum controuersarum auocent & ad assensum perducant; elegantissime exposuit. recenset varios modos, quibus efficitur inuidia, quando *sententia, quæ oppugnatur, male explicatur: nominibus inuidiosis infamatur: cum inuisorum hominum dogmatibus confertur: exaggeratur momentum quæstionis: inuisi redduntur boni, quod vocibus nonnullis a theologis inuentis vtî nolint: studiose occultantur rationes, quibus refutanda sententia nititur: tacentur incommoda, quibus premitur sententia defendenda: prætermittuntur ea, quæ inuidiam amoliri*

¹ Hist. phil. p. 275.

² cit. loc. p. 589.

possent: inuidiosa conſectaria deducuntur ex ſententia eorum, qui oppugnantur; malignis ſuſpicionibus premuntur: nouitas illis obiicitur, quaſi crimen: conſenſu hominum potentiorum opprimuntur: miſcentur in diſceptationibus, quæ cum iis habentur, multa, quæ ad rem nihil faciunt, ſed quæ inuidiæ creandæ apta ſunt: in deteriorem partem accipiuntur indifferētia: prouocatio fit a peritis iudicibus ad imperitos: aduerſarii denique quaſi immorigeri magiſtratus infamantur. ANDREAS RVDIGER¹ præcipue commendauit modum diſputandi per *enthymemata*, vbi ſic dicta minor propoſitio omittitur. tandem huc quoque referenda eſt ars illa diſputandi, quam nonnulli ex doctoribus eccleſiæ romanæ in præſidium malæ cauſæ adhibent, quippe quæ tribus præcipue momentis abſoluitur. *primum* ſolas ſcripturas ſacras a nobis & illis, qui eccleſiæ reformatæ ſe addicunt, veluti vnicum probandi fundamentum poſtulant, nec permittunt, vt conſequentiis vtamur; ſed iisdem verbis propoſitiones noſtras, quibus iſtas pronuntiemus, ex diuinis oraculis demonſtrems. *deinde* officium probandi tantum ad aduerſarios, cum quibus diſputant, pertinere aſſerunt; ſibi vero eſſe integrum, de rebus religionis affirmare, nec affirmationis vllam vel ex ſcripturis, vel antiquitate eccleſiaſtica adferre probationem. *tandem* adtribuunt ſibi quoddam priuilegium, quod ſint in poſſeſſione opinionis ſuæ, qua de re legi poſſunt GEORGIVS CALIXTVS,²

¹ De ſenſu veri & falſi lib. IV. cap. 5.
commentus eſt Bartoldus Nihufius.

² de arte noua, quam

IO. MVSÆVS, ¹ & GEORGIUS PASCHIVS. ²

§. XLVII. Scriptores, qui artem disputandi exposuerunt, sunt vel *generales*, quo spectant illi, qui logicæ præcepta recentiori ætate tradiderunt, quorum notitiam ex superioribus possumus haurire; vel *speciales*, qui ex instituto argumentum hoc persecuti sunt, modo peculiaribus libris; modo disputationibus academicis. prioris generis sunt ANDREAS KESLERVS *methodo disputandi*, quam I. P. FELWINGER edidit; CONR. HORNEIVS libro de *processu disputandi*; FRID. DEDEKINDVS *artificio disputandi contracto*; IO. CONRAD DANNHAVERVS *idea boni disputatoris*; IACOVVS THOMASIVS *processu disputandi*; IVSTVS HENNINGVS BOEHMERVS *succincta manu ductione ad methodum disputandi & conscribendi disputationes iuridicas*; IO. FRID. HEINE *methodo disputandi hodierna*: quibus etiam adiungimus *regulas bene disputandi preparantes atque in ipso conflictu adiuuantes* IV. tabulis expositas cura IACOBI GVILIELMI FEVERLINI, item *theses de ratione errores oppugnandi & veritatem defendendi*, quarum auctor est CAROLVS FRANCISCVS BVDDVS, affinis noster optimus. posterioris generis sunt varii scriptores disputationum huc spectantium, ex quibus tantum commemoramus dissertationes CHRISTOPHORI WEISSENBORNI *de arte disputandi*; WOLFF. CHRISTOPHORI WIGANDI *de detractione disputationum nonnum-*

¹ De usu principiorum rationis & philosophia in controversiis theologicis. ² de inuentis non-antiquis p. 37. seqq.

quam

quam iusta; IO. BERNHARDI WIDEBVR-
GII de *variis disputandi modis*; IO. IACOBI
LEHMANNI de *certaminibus eruditorum rite*
instituentis, vt de multis aliis taceamus.

§. XLVIII. Extremo dissertationis huius
attingamus quoque breuiter historiam doctri-
næ de *methodo*. voces *methodi* & *ordinis* sunt
plerumque vnus significationis, quamuis Pe-
ripatetici istas interdum a se distinguant, ita vt
methodi officium sit demonstrare; ordinis
demonstrationes disponere; ordo pertineat
ad integram disciplinam; methodus ad singu-
las partes: hinc etiam dicunt ordinem iuuare
& promouere cognitionem; methodum vero
eandem gignere atque efficere, vide CHRIS-
TIANVM THOMASIVM.¹ sed hæc diffe-
rentia est nullius auctoritatis, siue respiciamus
rem ipsam; siue vsum. methodum diuidi-
mus in *vniversalem* & *particularem*: illa respi-
cit eruditionis partes generatim & ostendit,
quo ordine sint cognoscendæ; hæc speciatim
veritatem, quæ duplici ratione consideratur,
prout ista vel cognoscitur; vel cognita ac per-
cepta aliis proponitur: vnde duplex oritur
methodus; altera *meditationis*; altera vero
didactica, vti adpellatur. de *methodo medi-*
tationis omni fere tempore philosophi sollici-
ti fuerunt, vt ostenderent, quo ordine medi-
tatio sit instituenda hacque cognoscendum ve-
rum & falsum, quamuis non omnium labor fe-
liciolem habuerit successum. ex antiquiori-
bus ARISTOTELES libris τῶν ἀναλυτικῶν do-
ctrinam hanc attigit, ac quidem multorum iu-
diciis solide exposuit, si modo interpretes

¹ Intr. ad phil. aulic. cap. X. §. 1.

ipsius opera sua functi fuissent felicius. quapropter ERHARDVS WEIGELIVS, qui magnum decus academix nostræ fuit, edidit *analysin Aristotelicam ex Euclide restitutam, quæ genuinum sciendi modum & nativam restauratæ philosophiæ faciem per omnes disciplinas ichnographice depingeret*, atque in eo inprimis fuit, ut opus ἀναλυτικῶν explicaret recte ac verum illius vsum demonstraret. NIZOLIVS ut generatim magno studio philosophiæ Aristotelicæ sese opposuit; sic & censuram in hanc doctrinam exercuit: ¹ quam ob causam DANIEL GEORGIUS MORHOFIVS ² de eo minus honorifice sentit atque observat, quod studio partium abreptus multa disputauerit aduersus ipsam veritatis rationem, per occasionem litis cum MAIORAGIO institutæ. SCHOLASTICORVM libri plenissimi nugarum sunt de hac doctrina. primum enim distinctionem fecerunt inter *notiora natura & notiora nobis*, quæ posita disputant: *num bona methodus debeat incipere a notioribus natura, an a notioribus nobis?* his expositis, tradunt diuisionem methodi, quæ sit vel *analytica*, vel *synthetica*, vel *definitiuæ*, quam vltimam nonnulli diligentes Aristotelis asseclæ reiiciunt & duas priores retinent. *synthetica* sit, quæ progrediatur a principiis ad principiata, a simplicibus ad composita, a partibus ad totum, & propria sit philosophiæ theoreticæ ac præcipue physicæ; *analytica* vero, quæ a fine progrediatur ad media ac propria sit philosophiæ practicæ. tandem proponunt regulas specia-

¹ De vera ratione philosophandi.
§. 15. seqq.

² polyb. litter. lib. II. cap. 7.

les de methodo, quod debeamus agere de nomine, de quaestione an sit? quid sit? quotuplex sit res, de quaestione ὅτι & πρὸς τὴν διότι, cuiusmodi præcepta merito perstringit CHRISTIANVS THOMASIVS. ¹ ex doctoribus hisce præcipue IACOBI ZABARELLAE libri quatuor de methodis laudantur, de quibus BARTHOLOMAEVS KECKERMANN ² dicit: *in libris Zabarella eminent illi quatuor de methodis, quibus lumen omnis methodi, vt & demonstrationis, immo præcipuarum doctrinarum logicarum maximum in germania accendit. extant illi in operibus ipsius, quæ prodierunt MDLXXXVII. fol. vbi etiam legitur apologia aduersus FRANCISCVM PICCOLOMINAEVM, qui ³ Zabarellæ doctrinam labefactare adnissus fuerat. alios autem auctores huc spectantes recenset SPACHIVS. ⁴*

§. XLVIII. PETRVS RAMVS ⁵ dicit: *methodus est dianois variorum axiomatum homogeneorum pro natura sua claritate præpositorum, vnde omnium inter se conuenientia iudicatur memoriaque comprehenditur. hinc vt ex ipsius sententia spectatur in axiomatica veritas & falsitas; in syllogismo consequentia & inconsequentia; sic in methodo consideratur, vt per se clarius præcedat, obscurius sequatur, omninoque ordo & confusio iudicatur. atqui ex hac ratione definitio generalissima prima erit: distributio sequetur, quæ si multiplex fuerit, præcedet in partes integras partitio, sequetur diuisio in species: partesque ipsæ &*

¹ Intr. ad phil. aulic. cap. X.

² præc. logic. tr. II. p. 40.

³ introd. ad phil. ciuilem p. 24.

⁴ nomenclator. philosoph. p. 247.

⁵ dial. lib. II. cap. 17. seqq.

species

species eodem ordine sunt rursus tractandæ ac definiendæ, quo distributæ fuerint: & transitionum vinculis, si longior inter eas interfit explicatio, colligendæ sunt. hisce igitur exponit sententiam suam RAMVS ac declarat, quod vnica tantum sit methodus, de qua doctrina BACO de VERVLAMIO¹ hoc tulit iudicium: *de vnica methodo & dichotomiis nil attinet dicere: fuit enim nubecula quædam doctrinæ, quæ cito transit: res certe simul & levis & scientiis damnosissima. etenim huiusmodi homines, cum methodi suæ legibus res torqueant, & quæcunque in dichotomias illas non apte cadant, aut omittant, aut præter naturam inflectant, hoc efficiunt, vt quasi nuclei & grana scientiarum exilient, ipsi aridas tantum & desertas siliquas stringant. itaque inania compendia parit hoc genus methodi, solida scientiarum destruit.*

§. L. Dictus BACO de VERVLAMIO ipse² in hac doctrina de methodo inuenisse noua sibi visus est: quamuis nec satis distincte, nec perspicue sententias suas declarauerit, vt bene DANIEL GEORGIUS MORHOFFVS³ obseruat & summam ipsius doctrinæ exhibet, quam heic repetere, non necesse est. in primis extitit CARTESIVS, qui peculiarem dissertationem scripsit de *methodo*, qua illius duas species *analyticam* & *syntheticam* proposuit, ac præcipue artem hanc ad mathesin adplicauit. ex quo tempore mathematici methodum dictam *mathematicam* singulari cura & studio coluerunt, qua principia quædam generalia

¹ *Augm. scientiar. lib. VI, cap. 2.* ² *cit. loc.* ³ *polyb. later. lib. II, cap. 7. §. 45.*

ponuntur, id est definitiones, axiomata & postulata, ex quibus deinde certissimæ conclusiones deducuntur, cuius regulas ex scriptoribus logicæ AVCTOR *artis cogitandi*¹ & IO. CLERICVS² tradiderunt. quod ad inuentionem illius adtinet, methodus ipsa iudicatur antiqua, quum ALCINOVS³ Platonem adhibuisse ἀνάλυσιν & σύνθεσιν commemorat: confer PETRVM GASSENDVM.⁴ inter σύνθεσιν vero veterum & methodum mathematicam hæc differentia fuisse videtur, quod illa ex quibuscumque principiis efficiat conclusiones; hæc vero certa principiorum genera certumque eorum ordinem requirat. atqui hanc EVCLIDI mathematico, veluti auctori adtribuunt, teste STVRMIO:⁵ *Euclides autem primus est, qui omnia Geometrica collegit, collecta in quindecim elementorum libros digessit, negligentiusque probata accuratius demonstravit*: adde GERH. IO. VOSSIVM.⁶ præ aliis istam diligentissime exposuerunt TSCHIRNHAVSIUS⁷ & celeberrimus CHRISTIANVS WOLFFIVS:⁸ nec non fuerunt, qui istam ad alias disciplinas adcommodarunt, VTPETRVS DANIEL HVETIVS *demonstratione euangelica*; & HERMANNVS CONRINGIVS *concussione fundamentorum fidei pontificiæ* ad res sacras; SAMVEL VERO PVENDORFIVS ad iurisprudentiam vniuersalem. at vero nostra ætate ANDREAS RVDIGER prout magnum

1 Part. IV. 2 part. III. cap. I. seqq 3 de doctrina Platonis cap. V. 4 de orig. & variat. logic. cap. IV. 5 mathesis iuuen. part. I. p. 369. 6 de scientiis mathematicis. 7 medicinæ mentis pars II. 8 commentatione de methodo mathematicæ & in logica.

studium in id contulit, ut differentiam mathematicos & philosophiæ demonstraret; sic quoque observauit, quod methodus mathematica non omnibus disciplinis possit adplicari ac ratiocinatio philosophica & mathematica maxime differant. tradidit quoque methodum, quam adpellat *mathematica æmulam*, quippe qua observatur primum sensio, siue interna, siue externa, siue vtraque; deinde vero definitio, tum diuisio, item axiomata, conclusiones & scholia, secundum quem ordinem syntheticum conscripsit *institutiones eruditionis*. nec negari potest, quod multi magno cum detrimento veritatum abusi fuerint methodo mathematica, id quod exempla CARTESII, BENEDICTI SPINOZÆ in *ethica*; RAPSONI *demonstrationes de deo* satis confirmant. ceterum fuerunt, qui diuisionem methodi in *syntheticam* & *analyticam* non magni fecerunt, quo spectant CHRISTIANVS THOMASIVS¹ & GOTTL. GERH. TITIVS.²

§. LI. Hactenus de methodo meditationis, quam sequitur *methodus didactica*, cuius doctrina græca voce quoque adpellatur *methodologia*. recentiores præcipue scriptores logicæ elaborarunt, non solum viam ad cognitionem veritatis commonstrare, sed quoque ostendere, quomodo per officia humanitatis obligati debeamus cum aliis communicare de cognitis veritatibus, quibus commoda mortalium vita promouetur. quapropter doctrinam hanc logicæ vindicarunt BAYERVS,³ IO. CLAV-

¹ *Introd. ad phil. ration. c. XII. §. 31.*

² *art. cogit. c. XV. §. 8.*

³ *synopsura mentis part. III. p. 373.*

BERGIVS, ¹ CHRISTIANVS WEISIVS, ² CHRISTIANVS THOMASIVS, ³ IO. FRANCISCVS BVDDEVS, ⁴ IOACHIMVS LANGIVS, ⁵ EPHRAIM GERHARD, ⁶ ANDREAS RVDIGER, ⁷ IO. FRIDEMANN SCHNEIDER, ⁸ CHRISTIANVS WOLFFIVS ⁹ aliique. methodus hæc considerari potest vel ratione obiecti, quod tractandum nobis elegimus; vel ratione auditorum ac discipulorum, quorum conditioni istam accommodamus. ratione auditorum diuiditur methodus in *acroamaticam* & *exotericam*, cuius discriminis vestigia in antiquis monumentis deprehendimus, quo spectat distinctio scriptorum ARISTOTELIS in *exoterica*, quæ CICE-RO adpellat *populariter scripta*, & *acroamatica*, qua de re legi possunt MELCHIOR ZEIDLERVS, ¹⁰ OCTAVI FERRARIUS, ¹¹ GOLDASTVS, ¹² & alii, quos recenset IO. ALBERTVS FABRICIVS. ¹³ ad exotericam docendi rationem *parænetica* quoque & *paradigmatica* refertur, quas aptas nonnulli iudicarunt ad mouendos animorum adfectus ideoque in primis in tradenda doctrina de moribus adhibuerunt. præter has methodos adhuc aliæ sunt: methodus quippe per *dialogos*, quam diligenter illustrauit GEORGIVS PA-

¹ *Logic. part. II.* ² *doctr. logic. P. II. lib. II.* ³ *introd. ad phil. aulic. cap. XII.* ⁴ *phil. instrum. part. III.* ⁵ *medic. ment. part. IV.* ⁶ *delin. phil. rational. lib. II. cap. 8. seqq.*
⁷ *de sensu veri & falsi lib. IV. c. 4.* ⁸ *fund. phil. rat. c. 7.*
⁹ *von den kræftten des menschlichen verstands cap. XIII.*
¹⁰ *de genuino veterum docendi modo exoterico & acroamatico.*
¹¹ *libr. II. de sermonibus exotericis.* ¹² *de cryptica veterum philosophorum disciplina.* ¹³ *biblioth. grac. lib. III. c. 6. p. 176. & bibliograph. cap. XIX. §. 5. p. 606.*

SCHIVS; ¹ item per *symbola*, qua ex verustioribus præcipue vñus est PYTHAGORAS, per *fabulas*, quibus & veteres & recentiores doctrinas morales proposuerunt, vide IO. ALBERTVM FABRICIVM, ² quo & spectant scriptores rerum publicarum fictarum & commentitiarum, quod argumentum persecuti sunt GEORGIVS VASCHIVS ³ CAROLVS ARNDIVS, ⁴ & IO. ALBERTVS FABRICIVS. ⁵

§. LII. Sed hæc sufficiant speciminis loco. nobis enim neutiquam fuit propositum, pleniore stilo historiam omnium doctrinarum, quas complectitur logica, tradere; sed tantum elaborauimus, per exempla quædam com-
monstrare, quomodo talis historia consignanda esset litteris, hancque in rem adiumenta quædam indicare. ceterum ex illis, quæ diximus, non obscure possumus cognoscere, quæ fata fuerint doctrinarum logicæ, quid debeamus antiquis, quidue præstiterint recentiores.

¹ De variis medijs moralia tradendi cap. I.

² bibl. grac. lib. II. cap. 9. §. 14.

³ distrib. de fictu rehup.

⁴ bibl. politic. herald. p. 400.

⁵ bibl. antiqu. cap. XIV. §. 16. p. 490.

LIBRI II.
DE
PROGRESSV AC FATIS
LOGICAE.

CAPVT III.
DE
VARIIS MODIS LOGICAM
TRADENDI SPECIATIM.

Σ Τ Ν Ο Ψ Ι Σ.

Dicendorum summa. §. I. Varii modi logicam tradendi generatim indicantur. §. II. modus, logicam tradendi per symbola. §. III. per hieroglyphica. §. IIII. per exempla. §. V. VI. quid sentiendum sit de his commemoratis modis. §. VII. de syncretismo logico. §. VIII.

§. I.

DUO sunt momenta, ad quæ in hac logicæ historia animum debemus aduertere, quorum alterum spectat ad scriptores, qui arti huic manus operasque admouerunt; alterum ad ipsam doctrinam, quæ duplici ratione potest considerari, partim ratione obiectorum, quæ proponuntur; partim ratione formæ siue modorum, quibus materiæ explanantur & traduntur. de priori disseruimus breuiter capite superiori: quapropter ordo postulat, vt ad posterius quoque momentum adgrediamur.

§. II. Varii sunt modi disciplinas adeoque etiam logicam tradendi, quos cum methodis
haud

haud confundere debemus. methodus enim respicit præcipue ordinem doctrinarum, quo istæ inter se connectuntur ac proponuntur, id quod variis modis, quamvis ubique vna atque eadem methodus obseruetur, fieri potest, quemadmodum diuersis methodis eundem modum possumus adplicare. quod ad methodos adtinet, quibus logicæ conscriptæ sunt, de illis supra disputauimus: quibus de causis iam nobis in animo est, dispicere tantum de variis modis logicam tradendi a nonnullis obseruatis. GEORGIVS PASCHIVS edidit librum omnino elegantem de *uariis moralia tradendi modis*, cuius exemplo incitatus IACOBVS GVILIELMVS FEVERLINVS cœpit, quibusdam dissertationibus eadem ratione de variis modis logicam tradendi ediffere-re, atque obseruauit, ¹ logicam proponi posse vel *ornate*, vel *nude* sine quodam ornatu; ornamenta vero petenda esse vel ex loco simi-lium, quo etiam spectent *symbola*, *emblemata*, *hieroglyphica*; vel ex loco exemplorum, vel testimoniorum.

§. III. Logica igitur tradita est per symbo-la, id est per effata translata, grauiora & bre-viora, quorum sententiæ non facile intelligi ac præcipi possunt. quamvis nemo quidem integrum compendium logicæ per symbola conscriptum vsui publico tradiderit; FEVER-LINVS tamen existimat, quod ex symbolis PYTHAGORAE quædam eligi possent, quæ huc spectarent, e. g. quum dixerit: *vias publi-cas declinato*, quod symbolum ita explicant:

¹ Dissert. de variis modis logicam tradendi cap. I. §. 4.

non debemus sequi opiniones plebis, quippe quæ certo iudicio carent neque extra controuersiam sunt posita, vide THOMAM STANLEIVM.¹
ad cuiusmodi sensum logicum alia possent accommodari, aut ad ipsorum imitationem quædam fingi, cuius logicæ symbolicæ ipse FEVERLINVS specimen exhibet:

symbolum I. *Palladis effigiem atque caput Medusæ ob oculos tibi pone*,
id est, perfectiones atque imperfectiones, siue vitia intellectus humani animo tuo probe considera.

symbol. II. *olla vestigium ab cinere tollito*,
h. e. obscuros atque confusos conceptus euittato, eosdemque a mente remoueto.

symbol. III. *augustum annulum ne gestato*,
i. e. caueas tibi a philosophia sectaria omnibusque præiudiciis.

symbol. IV. *cum ea, quæ aurum habet, ne congregitor ad liberos procreandos*,
hoc est, præiudicia auctoritatis extirpato.

symbol. V. *per viam publicam ne vadas*,
h. e. præiudicia a multitudine idem sentientium desumpta exue.

symbol. VI. *in Chænice non sedendum*,
id est, præiudicia auaritiæ sunt deponenda.

symbol. VII. *Apollinem Pythium ex animo tuo eiicito*,

h. e. præiudicia ambitionis e mente tua deleto.

symbol. VIII. *sine lumine ne loquitor*,

h. e. de rebus non satis intellectis iudicium suspende, siue sobrie dubita.

symbol. VIIII. *in meridie somno ne indulge*,

¹ *Hist. philos. p. 794.*

id est, in rebus euidentibus non amplius est dubitandum.

symbol. X. *non nisi Apellis picturas in atrio tuo suspendito,*

h. e. operam dato, ut accuratas, veras atque distinctas ideas animo complectaris.

symbol. XI. *in poculi fundo residuum non relinquendum,*

h. e. scientiæ omnesque illarum partes solide sunt pertractandæ.

symbol. XII. *cogita, cibum in matulam non iniici,*

i. e. perpendas, eruditionem veram & quæ cum sapientia coniuncta est, mentem non impuram requirere, atque hinc non tantum intellectum; sed voluntatem quoque expurgare studeas.

§. IIII. Adhæc logica tradita est per *hieroglyphica*, id per imagines rerum creatarum modo sculptas, modo pictas sine quadam inscriptione, quibus res, quæ in logica exponuntur, per similitudinem quamdam indicarunt. quo referri potest STANISLAVS MINK VON WEINSHEVN, quo ficto nomine intelligendus est IO. IVSTVS WINCKELMANNVS, vti DANIEL GEORGIUS MORHOFIVS¹ & VINCENTIVS PLACCIUS² obseruarunt. hic præcipuas antiquioris logicæ doctrinas per diuersas figuras & *imagines turpes, atroces, terribiles, absurdas, incredibiles, inauditas, nouas, raras, visu delectabiles, ridiculas*, vti ipse præfatione dicit, vnica tabula repræsentauit, cuius interpretationem

¹ Polyb. litter. lib. II. c. 6. §. 48.

² theatro anon. & pseud.

fecit libro quatuor plagularum huius inscriptionis: *logica memoratiua*, cuius beneficio *compendium logica Peripatetica brevissimi temporis spatio memoria mandari potest*, Hal. Saxon. MDCLIX. 12. vt exempla quædam inde exhibeamus, definitionem logicæ his figuris repræsentauit: *Aristoteles sedens meditabundus* indicat, logicam esse habitum animi, non corporis: *clavis*, quam dextra sua tenet, significat, logicam non esse scientiam; sed clauem scientiarum: *malleus* sinistræ manus, logicam esse habitum instrumentalem; *ungula solida & bifida incudi imposita* notant, logicam verum a falso accurate discernere. atqui hac ratione speciales logicæ doctrinas per tales imagines tradit: sic genus inter prædicabilia indicatur per *columbam*, quia columba sit inter animalia multæ generationis; vniuoca pinguntur *capite humano*, e cuius ore vna cum sono vocis centaurus emittatur, quia animal dicatur de homine & bruto: quatuor proprii modos per *medicum*, *duos pedes*, *caput canum* & *faciem ridentem* delineat, vt de aliis taceamus. huic adiungimus THOMAM MURNERVM, cuius chartiludium hac inscriptione in lucem publicam emissum est: *chartiludium logica seu logica poetica vel memoratiua R. P. Th. Murner, Argent. ord. Minorum; opus, quod centum amplius annos in tenebris latuit, erutum & in apertam seculi huius curiosi lucem productum opera, notis & coniecturis Ioann Balesdens, Parisiis MDCXXIX. confer MATTH. BERNEGGERVM.*¹ tertius sit IO. SEOBALDVS FABRICIVS, professor quondam Hei-

¹ Orat. II, de paranda doctrina modis illegitimus,

delbergenſis, qui anno MDCLXV. edidit *theatrum hieroglyphicum*, quo continetur idea hieroglyphica vniuerſæ philoſophiæ, in quinque partes diſtributæ, quarum prima philoſophiam vniuerſalem; ſecunda rationalem; tertia naturalem; quarta poſologiam & quinta moralem complectitur. tandem IACOBVS GVILIELMVS FEVERLINVS peculiari diſſertatione *de logica hieroglyphica* ſpecimen illius dedit, Lipſiæ MDCCXII.

§. V. Commemorandæ quoque ſunt logicæ *paradigmaticæ*, quarum ſcriptores præcepta exemplis modo ex variis litterarum diſciplinis ſimul; modo ex peculiari quadam doctrina petitis illuſtrarunt, ita vt, ſi poſterius genus illarum reſpiciamus, recensere poſſimus logicas cum *theologicas*, tum *iuridicas*. laudatus IACOBVS GVILIELMVS FEVERLINVS anno MDCCXV. Altdorſii edidit programma *de logicis paradigmaticis theologicis, iuridicis aliſque*, quod quum idem argumentum breuiter perſequi, nobis ſit propoſitum, adiumento fuiſſe, ingenuè proſitemur. ſcriptores logicarum theologicarum ſunt

ANDR. GERHARDVS HYPERIVS, theologus Marpurgenſis, qui ſcripſit *topica theologica*, quæ edita ſunt poſt obitum auctoris cura CHRISTOPHORI FROSCHOVERI, Witteb. MDLXV.

CASPAR OLEVIANVS, cui debemus *fundamenta dialectica*, quæ exemplis ex ſacra diſciplina deſumptis illuſtrauit.

IACOB. RENECCIUS, qui ſcripſit *clauem ſacro-ſanctæ theologiæ*, cuius libro priore
Fff 5 conti-

continetur dialectica exemplis sacris illustrata.

IO. HENR. ALSTEDIVS, cuius studio prodiiit *logica theologica*.

SALOMON GLASSIVS, qui reliquit *logicam sacram*, quæ post ipsius fata cura IO. GOTTFR. OLEARII philologiæ sacrae, quam huic summo theologo debemus, accessit.

PHIL. ZEISOLDVS, cuius *logica sacra novi testamenti* lucem vidit publicam.

IO. PAVL. HEBENSTREIT, cuius heic mentionem facimus propter *institutiones logicæ sacrae*, quæ sedidit.

REINH. HENRICVS ROLLIVS, qui conscripsit *breuiarium logicæ sacrae*.

IO. ANDR. SCHMIDTIVS, cui adtribuitur *logica sacra*, quæ Helmstadii cura CORN. DIETERICI KOCHII prodiiit.

IUSTVS WESSELVS RVMPAEVS, cui debemus *institutiones logicæ sacrae latino-germanicas*.

præter quos adhuc possemus commemorare SELDII *topica Calviniana*; KESLERI *examen logicæ Photiniana* & multos alios huiusmodi scriptores; nisi breuitatis studio teneremur, quam iam lubentius sectamur, quum opere hoc clarissimus FEVERLINVS functus fuerit feliciter. quapropter id tantum observamus, quod hoc genus scribendi logicam ideo a multis fuerit adhibitum, ut philosophiæ ac speciatim disciplinæ, quæ functiones intellectus dirigit, dignitatem ac pretium restituerent ac cultoribus musarum sacrarum demonstrarent, quam utilis ac necessaria ipsis quoque sit

sit cultura logicæ. nam quum felici tempore ac diuinis auspiciis cælestis doctrina, quæ multas sordes contraxerat sibi per summam hominum malitiam, purior redderetur ac philosophia scholastica de dignitatis suæ fede deiiceretur, factum est, ut omnes philosophiæ literæ suam amitterent gratiam. quo nomine de mediis ad conseruandam philosophiæ, etiam logicæ auctoritatem cogitare cœperunt, ex quibus tale institutum, quo hasce doctrinas ad scripturas sacras adcommo-
dabant, fructuosum esse censebant.

§. VI. Eodem instituto nonnulli scripserunt *logicas iuridicas*, id est præcepta artis cogitandi ad iurisprudentiam adcommo-
darunt & exemplis huc spectantibus illustrarunt, quorum principes commemoramus. sic recensentur

NICOLAI EVERHARDI *topica iuris*, siue *loci argumentorum legales*, quos nonnulli breuiores ediderunt, & inter hos GEORGIVS ADAMVS BRUNNERS in *synopsi locorum legalium Euerhardi*.

FRANCISCI HOTOMANNI libri quatuor *dialectica institutionis*, quibus adhuc præter exempla ex iurisprudentia deprompta, alia occurrunt.

IO. THOMAE FREIGII libri duo de *logica iure-consultorum*.

MARTINI SCHICKARDI *logica iuridica*, complectens regulas, præcepta & modum argumentandi per inductiones & interpretationes legum.

IO. SCHILTERI *praxis artis analytica in iurisprudentia*.

ADRIANI BEYERI *logica iuridica*.

CHRI-

CHRISTIANI WEIDLINGII *philosophia iuridica*, tabulis comprehensa, qua etiamprehenduntur praecepta logica;

ut de aliis taceamus, quos iam collegerunt GEORGIUS PASCHIVS,¹ BVRC. GOTTHELF. STRUVIVS,² IACOBVS GVILIELMVS FEVERLINVS,³ & IO. HENR. ACKERVS.⁴ a studio erga PETRI RAMI dialecticam institutum hoc, quo conscripserunt logicas iuridicas, manasse, non immerito iudicat CHRISTIANVS THOMASIVS.⁵ etenim quum magnus impetus fieret aduersus RAMVM, iuri consulti praecipue causae ipsius favebant, amplectebantur praecepta eius dialecticae, componebant ad illius methodum compendia iuris, defendebant RAMVM contra assecclas & sectatores Aristotelis, quod exempla RENNEMANNI, TREVTLERI atque aliorum confirmant, atque hac occasione cogitabant de logicis iuridicis conscribendis & *locis legalibus topicis*, uti dicuntur.

§. VII. Nunc breuiter exponamus, quae de adhuc commemoratis modis logicam tradendi, sentiamus. quod ut fiat accuratius, ponimus ante, quod bona tractandi ratio debeat esse consentanea & indoli rerum, quae proponuntur, & conditioni auditorum & discen-
tium, quod vtrumque efficit, ut ratio haec sit cum solida, tum facilis, quorum illud respicit res; hoc vero discentes. quod quum ita est, sicuti est, non possumus probare rationem logicam tradendi per *symbola & hieroglyphica*,

¹ De iuventis nou-antiquis p. 26. ² bibl. iurid. cap. VI. §. 2.

³ cir. progr. ⁴ suppl. bibl. phil. Strumi p. 48.

⁵ causet. circa praecogn. iurisp. c. X. §. 17. segg.

quae

quæ ex ipsa horum scriptorum sententia infer-
vire debent imaginationi & per hanc memo-
riæ, hinc ipse IO. IVSTVS WINCKELMAN-
NVS, cuius tabulam supra commemorauimus,
profitetur, se istam composuisse in gratiam
puerorum, quorum *memoria ad retinendas di-*
ctiones & res per tales imagines representatas
præclare afficiatur; & appellat interpretatio-
nem illius tabulæ *logicam memoratiuam*. at
vero, si ad genuinæ logicæ artem spectamus,
ista sane non pertinet ad memoriam; sed opus
est iudicii, quod bene quoque DANIEL
GEORGIUS MORHOFIVS¹ obseruat, *cum*
enim, inquit, *iudicii vim potissimum talis di-*
sciplina requirat, neque ideo a pueris apprehendi
satis possit, eius per phantasiam nouis imagini-
bis imprægnatam turbabuntur circuli. si etiam
logica præcipue memoriæ subsidio addiscenda
esset, quod de scholasticis nugis, quæ contine-
bant tantum terminos, certa ratione dicere
possumus; minus tamen adiumenta, quæ
WINCKELMANNVS & MVRNERVS dede-
runt, debent laudari. hæc enim via, aliquid
memoriæ tradendi, difficilis est admodum
multisque circumsepta incommodis, quippe
qua necesse est, primum significationes ima-
ginum ac figurarum percipere ac posthac vi
imaginationis istas menti repræsentare ac reti-
nere memoria cum ipsas imagines, tum res,
quæ illis significantur. quibus rationibus &
hanc addere possumus, quod imagines, quas
exhibuerunt WINCKELMANNVS & MVR-
NERVS, sint horridæ, absurdæ, nullam ha-

¹ Polyh. litter. lib. II. cap. 6. §. 48.

bentes

bentes similitudinem cum rebus, quas debent indicare: quapropter MATTHAEVS BERNEGGERVS¹ de chartiludio MVRNERI ita iudicat: *huius farina videri queat Monachi cuiusdam ordinis minorum Thomae Murneri Argentoratensis doctoris theologiae chartiludium scriptum annis abhinc centum, & quod excurrit: cuius ope intra spatium unius mensis etiam indoctos ac rudes artis logicae miraculum usque peritos effecisse se iactat, ut suspicio suboriretur, aliquid magicarum artium intervenisse. pollicitus etiam est, se daturum quatuor libros institutionum Iustinianearum in similem chartularum lusoriarum formam redactos. quo praclaro munere an studiosos iuris beauerit, mihi non constat, nec enim vidi. logicum chartiludium vidi stoliditatem artis vanissima detestatus. institutum autem illorum, qui logicas exemplis sacris & iuris illustrarunt, uti PETRVS RAMVS exempla ex scriptis poetarum atque oratorum adferebat; penitus reiicere nolumus, siquidem exemplis interdum magna vis inest ad praecipua facilius capienda; si modo propter haec ornamenta logicas haud inscripsissent theologicas & iuridicas. inscriptiones enim librorum respicere debent rem ipsam principalem, aut simul methodi rationem, quorum neutrum per exempla mutatur. ceterum & hodie multi vtuntur hoc instituto in academiis, quum litterarum studiosis polliceantur, se in recitationibus interpretari velle logicas iuridicas, item theologicas, eum in finem, ut iuvenes maiori copia*

¹ Orat. II. de paranda doctrina modis illegitimis.

confluant ad audiendas lectiones, id quod sæpe cum fraude quadam coniunctum esse, censemus.

§. VIII. Nonnulli instituerunt conciliationes inter diuersos philosophos, etiam inter philosophos & sacras scripturas, quod fecerunt in omnibus fere philosophiæ partibus, vt paullo post generatim obseruabimus. idem quoque accidit logicæ, quum quidam Ramum cum Aristotele & Philippo Melanchthone conciliare elaborauerint, cuiusmodi scriptores supra commemorauimus. sic quoque GEORG. PAULL. ROETENBECCIUS, logicæ & politicæ in academia Altdorfina professor quondam clarissimus, edidit *logicam veterem & nouam*, quæ prodiit MDCCIII. nec tale institutum, talem logicam scribendi modum probare possumus, quoniam multa incommoda ex conciliandi studio oriuntur. nam aliud est, num possimus instituere conciliationes; aliud num istæ sententiis auctorum, quæ inter se conciliantur, respondeant, quod posterius plerumque haud respiciunt, præcipue quum in talia studia sæpe per prauos adfectus deducantur. quo nomine trahunt philosophorum placita in sententias ab ipsorum mente omnino alienas, atque ea, quæ sibi contradicunt ac repugnant, quorum omnino aliud debet esse falsum; aliud verum, inter se volunt conciliare, quo fit, vt errores propagentur, nec nouæ veritates possint excogitari.

† Lib. II. c. I. sect. 3. §. 7.

LIBRI III.
DE
VARIA EXISTIMATIONIS
LOGICAE FORTVNA.

CAPVT I.
DE
FORTVNA PROSPERIORI.

Σ Τ Ν Ο Ψ Ι Σ.

Dicendorum summa. §. I. de fortuna prosperiori logica tempore vetustiori. §. II. III. tempore recentiori, ubi ostenditur, quid ad hanc felicitatem reformatio doctrinae sacrae per Lutherum contulerit. §. IIII. felicitas logica, quum a nugis scholasticorum fuerit purgata. §. V. illius fortuna per philosophiam eclecticam. §. VI. VII.

§. I.

QVod non omni tempore eadem fata fuerint artis logicae, ex dictis colligi potest haud obscure: quam factorum diuersitatem iam breuiter exponamus, & simul in causam illius inquiramus. disputabimus igitur de varia logicae fortuna, quae fuit modo prosperior, modo aduersa, quod ut fiat distincte atque accurate, necesse est, breuibus interpretari, quid per hanc duplicem fortunam intelligamus. prospera logicae fortuna haud dependet tantum a cultu illius ac magno illorum numero, qui tradunt se eius culturae, ac scripta logica in publicam emittunt lucem, quod si ita esset, ars haec tempore scholasticorum in summum felicitatis fastigium fuisset euecta. quapropter
felix

felix potius pronuntianda est disciplina quædam, si secundum suam indolem ita colatur, ut utilitatem, quæ inde debet proficisci, cultoribus possit præbere. quod si ita est, sicuti est, prosperiorem logicæ fortunam a modo istam tradendi & colendi merito deriuamus, qui naturæ atque indoli eius consentaneus esse debet. dantur autem gradus huius felicitatis: prospera quidem fruitur logica fortuna, si viri negotio huic sese consecrant, qui & iudicio & animo veritatis studiosissimo valent; prosperior tamen ista erit, si per rationem status civilis & ecclesiastici ista, quæ acutissimus philosophus excogitavit bene, possint feliciori propagari successu. quod si hæc a se velimus distinguere, possumus priorem adpellare fortunam *privatam*; posteriorem vero *publicam*, quam utramque respiciamus.

§. II. Tempore vetustiori interdum logicæ erat fortuna prosperior privata; minus autem publica. nam quamvis multi ex philosophis græcis eclecticam philosophiam tractandi rationem sequebantur, quod exempla *SOCRATIS*, *PLATONIS*, *ARISTOTELIS*, *EPICVRI* & aliorum confirmant; ipsi tamen hoc philosophiæ genus discipulis suis haud commendabant, sed ut isti in verba sua superstitioso cultu iurarent, elaborabant. quapropter primus omnino fuit *POTAMON* ille *Alexandrinus*, qui scholam eclecticam constituit, quam differentiam si observamus, facile possunt conciliari diuersæ sententiæ, quod nonnulli originem philosophiæ eclecticæ, quam *LIPSIVS* & *VOSSIVS* *electivam* dicunt, nominato *POTAMONI* vindicent; alii autem

Ggg

istam

istam a vetustiori ætate repetendam esse cense-
ant. nam quamvis ARISTOTELES, EPI-
CVRVVS a doctrinis suorum magistrorum dis-
cesserint; ipsi tamen haud scholas ecledicas
constituerunt, id quod fecit POTAMON,
quam in rem pluribus legi possunt WESEN-
FELD, ¹ IO. CHRISTOPHORVS STVR-
MIVS; ² GOTTFRIED OLEARIVS, ³ IO.
HENRICVS ZOPFFIVS. ⁴

§. III. Prosperior igitur fortuna logicæ mul-
tum debet primum SOCRATI, qui quamvis
nihil scripserit; studio tamen veritatis occu-
patus sophistis atque auctoribus fallaciarum
sefe opposuit, & acuta iudicii facultate prædi-
tus, viam monstravit ad veritatem eruendam
cognoscendamque. cui addimus ARISTO-
TELEM, quippe qui de meliori artis huius fa-
cie multum meritus, ac primus operi huic ma-
nus admouit, vt illud ad certam formam re-
digeret, etiam præcepta non penitus conte-
mnenda dedit, si modo eius sectatores atque
assectæ pari fide, eruditione atque industria sa-
lutem huius disciplinæ promouere atque au-
gere voluissent. tertius est EPICVRVS, cu-
ius canones, quamvis sint breuiiores, superio-
ribus iure ac merito multa adfecimus laude,
quoniam solida atque vtilia contineant præcep-
ta, a multis aliis philosophis haud cognita,
multo minus tradita. atqui hi sunt, quos ex
antiqua ætate nominare possumus. plures
quidem adhuc logica præcepta scripserunt

¹ *Dissertationibus de philosophia sectaria & eclectica.*

² *dissert. de phil. electiv. t. I. diff. academ.*

³ *diff. de philos. ecle-*

ctica addita Stanleii hist. phil.

⁴ *de origine philosophia eclectica.*

aliosque docuerunt, quorum & supra copiosum fecimus indicem; illis tamen prosperior disciplinæ fortuna non multum debet, quoniam plerumque sequebantur magistros, atque accessiones, quibus nonnulli istam auxerunt, leuioris erant momenti.

§. III. Tempore medio fortuna logicæ erat durior; quam autem felicius sidus ortum sequebatur; quum cælestibus auspiciis LUTHERVS noster doctrinas diuinas purgare ac pristinam lucem restituere nobis institueret, quo factum est, vt non solum religio christiana; sed & bonæ litteræ, & in his musæ philosophicæ priorem dignitatem, puritatem ac splendorem reciperent: ab hoc tempore sanæ libertatis cogitandi, per tot secula penitus oppressæ & in perniciosissimam seruitutem immutatæ fundamentum ponebatur, quæ posthac sensim ac sensim redire cœpit, in quo maximum fortunæ logicæ momentum positum esse, iudicamus. ipse LUTHERVS alienus fuit a studio sectarum, ac præcipue philosophiæ Aristotelicæ. iam anno MDXVI. Iodoco Isenacensi epistola quadam multas dubitandi rationes aduersus Aristotelem & Porphyrium significauerat; & anno MDXVII. ipso præside disputatio quædam a M. FRANCISCO GUNTHERO habita, ¹ qua Lutherus de Aristotele ita sentit: *tota fere Aristotelis ethica pessima est gratiæ inimica. error est, Aristotelis sententiam de felicitate non repugnare doctrinæ catholicæ. error est, dicere, sine Aristotele non*

¹ Tom. I. Iten. lat. op. p. 8.

fit theologus. immo theologus non fit, nisi id fiat sine Aristotele. nulla forma syllogistica tenet in terminis diuinis. non tamen ideo sequitur, veritatem articuli trinitatis repugnare formis syllogisticis. si forma syllogistica tenet in diuinis, articulus trinitatis erit scitus & non creditus. breuiter, totus Aristoteles ad theologiam est tenebræ ad lucem. bonum erat ecclesiæ, si theologis natus non fuisset Porphyrius cum suis vniuersalibus. vtitiores definitiones Aristotelis videntur petere principium, vt de aliis testimoniis taceamus, ex quibus patet haud obscure, quod Lutherus Aristotelis logicam, ethicam & physicam minus probauerit. nec deerant, qui hac in causâ ad Lutheri sententiam accedebant, vt demonstrat IO. HERMANNVS ab ELSWICH. ¹

§. V. Non negamus, quod Lutherus interdum iusto vehementior fuerit erga Aristotelem; qua in re autem facile per temporis illius rationem & nimia ac bona studia in puriorem doctrinam debet excusari. ceterum quamquam Aristoteles non penitus de sede auctoritatis ac dignitatis deiiciebatur, præcipue quum PHILIPPVS MELANCHTHON ipsi multum esset addictus; philosophia tamen scholastica magnum capiebat detrimentum ac noua illius facies oriebatur, ex quo logica quoque multa bona liberali spe sibi poterat polliceri. alii operam studiumque collocabant in humanioribus litteris resuscitandis & barbarie scholasticorum profliganda, IO. LVDOVICVS VI-

¹ Sched. de varia Aristot. in schol. protestant. fortuna §. 10. seqq.

VES, LAURENTIVS VALLA, MARIVS NIZOLIVS; alii reiecta scholastica philosophia, Aristotelem ipsum eligebant, in quibus Itali inprimis eminuerunt. ac quamuis PHILIPPVS MELANCHTHON compendia philosophica ex Aristotele ita componeret, vt interdum ornamenta quædam ex elegantiori doctrina adferret & a magistro ac duce discederet, quæ multorum adplausum nacta sunt; fuerunt tamen alii ex germanis, qui exemplis Italorum purum Aristotelem reuocare voluerunt, quales sunt PHILIPPVS SCHERBIVS, MICHAEL PICCARTVS, ERNESTVS SONNERVS, CHRISTIANVS DREIERVS, MELCHIOR ZEIDLERVS, IO. ZEISOLDVS. equidem seculo sexto & decimo PETRVS RAMVS ab Aristotele magno strepitu discessit, suoque exemplo præclare demonstravit, ab vnius auctoritate haud veram pendere philosophiam; minus tamen de Aristotelis sectatoribus potuit triumphare.

§. VI. Hac ratione logica a nugis scholasticorum liberata fuit, quæ felicitas non exigua quidem; nondum autem consummata erat, quum disciplina hæc neutiquam ea ratione coleretur, vt munus de cognoscenda veritate potuisset præstare. quapropter seculo decimo septimo feliciora adhuc tempora oriebantur, quibus accessiones maximæ momenti logicæ fiebant, hæcque ars nobilissima noua induebatur facie: scilicet FRANCISCVS BAGO de VERVLAMIO in philosophia naturali viam monstrabat ad eiusmodi illius culturam, quæ non aliorum auctoritate; sed propria observatione & meditatione absoluebatur, quem

alii & ex Germanis præcipue DANIEL SEN-
NERTVS & qui ipsius causam egit IO. SPER-
LINGIVS, secuti sunt. accedebant opera
magnorum virorum PETRI GASSENDI &
RENATI CARTESII, quippe qui in philo-
sophiam Aristotelis magnos impetus institue-
bant multaque adferebant ad stabiliendam
eclecticam rationem philosophiæ, quamvis
GASSENDI merita adhuc ampliora esse,
quam CARTESII censeamus. præter hos,
iuris naturæ doctores multas operas ac labo-
res in libertatem philosophicam, libertatem
cogitandi e exilio reuocandam contulerunt,
hocque ipso solidum ac verum fundamentum
prosperioris logicæ posuerunt. HUGO GRO-
TIVS magni quidem fecit Aristotelem, ac va-
rias doctrinas scholasticorum retinuit; ita ta-
men vt simul libertatem cogitandi vsurpau-
erit; hinc dicit: *nobis propositum est, Aristote-
lem magnificere, sed cum ea libertate, quam
ipse sibi in suos magistros veri studio indulsit.*
quid multa? GROTIVS tempori inserviebat,
& vt operi suo multorum fauorem concilia-
ret, dislerebat varia ex mente scholasticorum,
quamvis animo suo ista nullius esse momenti,
nulloque niti fundamento cognosceret. hu-
ius exemplo incitati THOMAS HOBBSIVS,
SAMUEL PUFENDORFIVS, CHRISTIA-
NVS THOMASIVS, IO. FRANCISCVS
BVDDEVVS in eo studia collocabant, vt ve-
ram cogitandi libertatem ab omni vi vindi-
carent.

§. VII. Sic propulsata seruitus philosophi-
ca fuit: sicque genuina ars cogitandi sensim &
sensim coli, scriptis monumentis tradi, in aca-
demiis

de iis explicari, adeoque fortuna prosperiori eaque publica frui cœpit. sectatores CARTESII elaborabant, præcepta logicæ litteris consignare, quumue CARTESIVS sibi effecisset lectam quandam, haud deerant, qui ab omni partium studio cum Aristotelis, tum Cartesii alieni ad opus hoc adgrediebantur ac solam rationem secuti logicæ disciplinam explicare ac perpolire connitebantur. quo litterarum genere meritorum laude summa omnino digni sunt ex germanis CHRISTIANVS THOMASIVS & ANDREAS RVDIGER, qui & viribus ingenii & fortitudine animi, quod vtrumque hac in caussa necessarium est, operi huic satisfecerunt. illustris THOMASII merita, quæ in veram philosophiæ rationem contulit, numquam satis possumus laudare, quippe qui primus ex gente nostra de saniori logica cogitare cœpit & per varios casus, per multa rerum discrimina effecit, ut in academijs Saxoniae eclectica philosophia fuerit culta. ANDREAS autem RVDIGER diligentius errores Aristotelicorum & Cartesianorum emendavit, ac nova multa, studioso veritatis maxime necessaria atque utilia excogitavit.

LIBRI III.
DE
VARIA EXISTIMATIONIS
LOGICÆ FORTVNA.
CAPVT II.
DE
FORTVNA ADVERSA.

ΣΤΝΟΥΙΣ.

Varia genera fortuna aduersa logicæ generatim recensentur. I. de illis, qui logicam coluerunt, sed peruersa ratione, generatim differitur, II. quo spectant primum, qui verum logicæ finem haud cognouerunt. III. deinde; qui finem quidem vere cognouerunt, minus tamen genuino modo istam coluerunt propter prauos affectus, quo pertinent sectarii & cultores syncretismi philosophici. §. IIII. de illis, qui logicæ studium reiecerunt, cum fundamentum eius euertendo, vt sceptici. V. tum philosophiam omnem damnando, quo pertinent Daniel Hoffmann & eius affectæ. §. VI. omnes cultores philosophiæ theosophicæ. §. VII.

§. I.

Quid per fortunam logicæ aduersam intelligamus, facile illis, quæ paullo ante diximus, potest colligi. aduersa illi sunt fata, quando ipsi non debita dignitas habetur, quod duplici ratione fieri solet, quando illius cultura aut peruersa ratione instituat, aut plane reiiciatur ac negligatur, id quod ex historia-
rum

rum monumentis illustrabimus, rationem habentes fortunæ huius aduersæ cum priuatæ, tum publicæ.

§. II. Quod ad prius fortunæ aduersæ genus adtinet, quod logicæ cultura peruersa ratione instituta fuerit, ista peruersa culturæ ratio in eo consistit, quod quamuis disciplinæ huic operam dederint; proprium tamen ipsius finem, id est sensum veri & falsi haud potuerint assequi, id quod duplici ratione euenit. *alii* enim proprii logicæ finis nullam habuerunt cognitionem, vt adeo haud mirum sit, quod eiusmodi tradiderint præcepta, quæ cum vera ac solida cogitandi arte nihil habebant commune; alii vero, quamuis ipsis esset cognitum & perspectum, quod logicæ munus in eo sit positum, vt intellectum nostrum ad sensum veritatis reddat aptum; minus tamen genuinam rationem, ista mentem excolendi obseruarunt, de quo utroque genere iam differamus distincte.

§. III. Prioris generis sunt, qui verum logicæ finem haud cognitum habuerunt, quorum iterum duas nominare possumus species. *alii* enim peruerso sensu existimabant, logicam respicere facultatem differendi, quumue sophistæ veteres id imprimis agerent, vt de quacunque re differerent in vtramque partem, hunc quoque finem logicum sibi propositum habere, censebant. atqui hæc opinio vniuersam fere græciam oppleuerat, quo euenit, vt logica publica factorum acerbitate adflicta iaceret, id quod breuiter atque eleganter IO. FRAN-

CISCVS BVDDVS¹ tradit: *apud græcos quum litterarum studia maxime efflorescerent, dialecticæ satis plerique eum in finem operabantur, vt promte persuadere populo possent, quod eum credere, e re sua esse arbitrabantur, quæ tutissima ratio erat & honores, & opes & potentiam pariter ac auctoritatem indipiscendi. in prima profecto sua origine dialectica nihil aliud erat, quam ars de re qualibet verba faciendi, nullaue veritatis habita ratione, ad cupiditates suas fictis in veri speciem argumentis, impellendi populi animum: quam in rem adhuc legi potest LVDOVICVS CRESOLLIVS.² quibus de causis hoc proposito fine, non poterant non talia tradere præcepta, quæ ad fallacias struendas tantum accommodata adeoque a vera cogitandi arte longissime erant remota. in idem vitium incidit RAYMVNDVS LVLIVS, de cuius arte grauissimi viri obseruauerunt, quod magis ad sermonis copiam; quam rerum cognitionem fuerit comparata. nec negari potest, quod PETRVS RAMVS dialecticæ vsum in eo præcipue quæsiuerit, vt opes eius iuuenes in ciuili oratoria arte fierent exercitati, quamuis iis de causis magnam mereatur laudem, quod auctoritati Aristotelicæ ac scholasticorum quisquiliis forti animo sese opposuerit. alii putabant, logici munus esse, vt soli speculationi sese traderet ac componeret syllogismum, quæ sententia fuit doctoribus scholasticis, quorum ætate excellentissima cogitandi doctrina durissima fatorum sorte afflictæ erat. proscribebatur omnis sentiendi li-*

¹ *Prefat. ad artem cogitandi.*

² *theatro rhetoricum, oratorum & sophistarum.*

bertas:

bertas: eligebatur veluti oraculum philosophicum Aristoteles, non græcus, sed latinus; omnis litterarum elegantia sepulta iacebat; scholæ plenæ erant barbararum vocum, nugarum, quibus nulla dignitas, nulla vis ad veritatem cognoscendam inerat.

§. III. Posterioris generis sunt, qui cognitionem logicæ, veluti finem quidem constituerunt; de mediis autem siue præceptis, ad illum perueniendi haud recte sentientes a vera aberrarunt via. media enim ista haurienda sunt ex sana ratione, & partim ad naturam veritatis; partim ad modum cognoscendi, quem Deus nobis præscripsit, adcommodanda, quo patet, quod hac in causa omne momentum positum sit in recta cogitandi libertate. qua sublata, logicæ incrementa haud promoueri possunt, nec illi, qui ius sentiendi a Deo hominibus datum neutiquam exercent, quidquam ad artis huius salutem adferunt. quapropter logicæ durior fortuna illata est ab illis, quibus talis philosophiæ cultura placuit, ut magistrum quemdam vnice sequerentur, omnesque eius sententias, quamuis haud fuerint exploratæ per iudicandi facultatem, sancte ac religiose venerarentur. id quod cum antiquiori, tum recentiori ævo multis fuisse solemne, constat, aduersus quæ sectarum studia alii iure ac merito disputarunt grauitè. nam quamuis DANIEL GEORGIUS MORHOFIVS¹ dicat: *non male suis rebus quædam academia consuluerunt, quæ veteres Peripatetica philosophia terminos mo-*

¹ Polyb. liter. lib. II, c. Li. §. 28.

vere prudenti instituto prohibuerunt. quod et si quibusdam asperum nimis & durum videtur, qui libertatem philosophicam crepant, sciant illi, publicam philosophandi formam necessario tenendam esse; & IACOBVS THOMASIVS¹ eiusdem sit opinionis, qui his verbis philosophiam eclecticam reiicit: *retinenda sane forma regiminis monarchici, qua nulla potest esse pro statu corrupti hominum ingenii litterariae reipublicae salubrior*; rectius tamen posterioris filius CHRISTIANVS THOMASIVS² obseruauit, quam multa incommoda ex sectaria philosophia oriri. atqui huc quoque referri possunt cultores *syncretismi philosophici*, qui intempestivæ pacis studiosi diuersa philosophorum placita inter se conciliare elaborarunt, etiam eorum sententias cum oraculis divinis conferre, quod argumentum exposuerunt IACOBVS THOMASIVS,³ GEORGIUS HORNIVS,⁴ & IO. FRANCISCVS BVD-DEVS.⁵

§. V. Haftenus breuiter de illis, qui logicam peruersa ratione coluerunt. nunc de eis quoque disputabimus, qui artem hanc neglexerunt, & iam aperte reiecerunt. quo pertinent *sceptici*, quorum præcipue duo genera constituuntur, dum alii certitudinem sensuum, adeoque omnis cognitionis, omnium philosophiæ doctrinarum tollunt; alii vero in sola eaque perpetua dubitatione permanent, ac ne hoc quidem: *nihil datur certum*, sciri posse

¹ Progr. XLI. p. 469. ² introd. ad philos. aulicam cap. I. §. 91. seqq. ³ oratione de *syncretismo* Peripatet. ⁴ *hystor. philos.* lib. 6. c. 13. ⁵ *obseru.* Hal. t. III. *obseru.* 13. & 14.

contendunt, quam in rem legi possunt cum illi, qui historiam scepticismi ac scepticorum sunt persecuti, GERH. IO. VOSSIVS, ¹ DANIEL GEORGIUS MORHOFIVS, ² THOMAS STANLEIVS, ³ GEORGIUS PASCHIVS, ⁴ IO. ALBERTVS FABRICIVS; ⁵ tum isti, qui errori huic confutando morboque expellendo operam dederunt, quales sunt MERSENNVS *de veritate scientiarum aduersus scepticos & Pyrrhonios*; SCHOOKIVS *de scepticismo*; PETRVS de VILLEMANDY *in scepticismo debellato*; PETRVS GASSENDVS *de sine logica*; IO. FRANCISCVS BVDDEVVS *thesibus de atheismo & superstitione*. variæ sunt scepticismi species, si modo res ipsas, quarum cognitionis certitudinem tollunt; modo rationem, qua id fieri solet, respiciamus. quapropter alii rationi omnia, reuelationi diuinæ nihil: alii contra reuelationi omnia, nihil rationi tribuunt, quod posterius magno studio fecit HIERONYMVS HIRNHAIM edito libro *de typho generis humani, siue scientiarum humanarum inani ac ventoso tumore, difficultate, labilitate, falsitate, iactantia, præsumptione, incommodis, periculis*, quo omni labore id egit, vt philosophiæ fundamenta subuerteret. sed tamen quum hæc a proposito dicendi argumento aliena sint, id tantum obseruamus, quod scepticismus magnam vim logicæ in maius meliusue promouendæ inferat, quin etiam ipsum fundamentum, quo recta cogitandi ars nititur, id est sensuum certitudinem euertat. etenim

¹ *De selectis philos. c. XX. n. 8.* ² *polyb. rom. II. lib. I. c. 6. t. II. lib. 2. c. 9.* ³ *histor. phil. part. XI. p. 918.* ⁴ *introd. ad rem literar. mor. veter. cap. VI.* ⁵ *bibl. grac. lib. III. cap. 33.*

sensio est primum principium atque vltimum criterium omnis veritatis.

§. VI. Hoc loco mentionem quoque facere debemus DANIELIS HOFFMANNI, hostis omnis philosophiæ adeoque etiam logicæ. namque philosophiam, quam antea magno studio profecutus fuerat, veluti prauarum cupiditatum opus damnauit, eamque contrariam esse sacris scripturis dixit, ad cuiusmodi sententiam non paucos pertraxit, in quibus erant IO. ANGELVS WERDENHAGENIVS, IO. MVLLERVS & alii. posthac controuersiam hanc excitauit iterum WILHELMVS SCHILLINGIVS, quorum studiis & alii fortiter sese opposuerunt. aduersus DANIELEM HOFFMANNVM arma sua tulit IO. CASELIVS, cum quo faciebant CORNELIVS MARTINI, OWENVS GYNThERVVS, *Casclianorum* nomine adpellati, quibus accessit ALBERTVS GRAWERVVS, edito libro aduersus Hoffmannum hunc de *vnica veritate*. sic caussa ipsius ita cecidit, vt publice errorem suum profiteri eumque emendare, habuerit necesse. contra SCHILLINGIVM VERO & SCHRADERVM venerunt integer ordo theologorum academix Vitebergensis, quorum scripta hac in caussa compolita continentur *consiliis Vitebergensibus*,¹ & IACOBVS MARTINI libro lingua teutonica conscripto: *speculum rationis*, quo vsum ac vires rationis humanæ, quæ mortalibus post lapsum primorum parentum relicte sunt, copiose declarat, etiam ad loca illa, quæ

¹ P. I. pag. 817. seqq.

alii aduersus philosophiam ex oraculis diuinis proferunt, responderet. liber hic editus est Vitebergæ MDCXVIII. 4. diuisus in duas partes, quarum prior de *ratione*; posterior vero de *philosophia* agit. etenim illi, qui reiciunt philosophiæ studia, imprimis prouocant ad verba apostoli PAULLI: ¹ βλέπετε, μή τις ὑμᾶς ἔσται ὁ συλαγωγῶν διὰ τῆς φιλοσοφίας, quaii his apostolus omnem philosophiæ doctrinam inutilem & perniciosam esse pronuntiaret, id quod erronea opinione sibi persuadent. nam PAULLVS respicit tantum ad falsam philosophiam, siue doctrinas veterum græcorum; siue ex iudæis pharisæorum, ac præcipue Essæorum intellexerit, in primis quum ex EVSEBIO, IOSEPHO, SCALIGERO, DRVSIO sit apertum, quod doctrina sectarum Iudæorum, Pharisæorum, Sadducæorum & Essæorum dicta fuerit *philosophia*.

§. VII. Præter DANIELEM HOFFMANNUM huc quoque pertinent *fratres rosæcruciani*, quippe qui philosophiam in theologia non solum inutilem esse; sed plane etiam perniciosam contendunt omnemque rationis humanæ usum remouent, dum reuelationes diuinas sibi fieri credunt, de quibus copiose disseruit CHRISTOPHORVS STEPHANVS KAZAVERVS. ² quid multa? locum heic merito tenent cultores omnes philosophiæ *mysticæ* & *theosophicæ*, quam dicunt, ROBERTVS

¹ Coloss. II. v. 8.

² disp. de rosæcrucianis.

FLVDDVS, VALENTINVS WEIGELIVS,
teutonicus ille philosophus IACOBVS BÖH-
MIVS, IO. BAPTISTA VAN HELMONT
cum filio FRANCISCO MERCVRIO & alii.
ac quis dubitaret, hos omnes veræ logicæ bel-
lum indixisse, dum rationem humanam, per
quam ope logicæ veritates cognoscere de-
bemus, penitus proscriptam esse
voluerunt.



DIATRIBE

DIATRIBE
DE
ORATIONIBVS
PANEGYRICIS
VETERVM.



Σ Τ Ν Ο Ψ Ι Ε.

Variæ dicendi genera apud veteres recensentur. §. I. vox panegyricus explicatur. §. II. origo orationum panegyricarum. §. III. prima classis orationum panegyricarum. §. IIII. num sermo Plinii nomen panegyrici possit tueri. §. V. secunda classis orationum panegyricarum, quæ continent laudationes. §. VI. de laudationibus veterum sophistarum generatim. §. VII-XII. quis auctor sermonum verè panegyricorum. §. XIII. quæ nam declamationes ex laudationibus ad panegyricos debeant referri. §. XIII. veteres panegyrici græci recensentur. §. XV. ratio horum panegyricorum. §. XVI-XVII. de panegyricis latinis. §. XVIII-XXII.

§. I.

PRO tribus causarum generibus tres quoque declamandi rationes fuerunt apud veteres, quum modo in demonstratio; modo deliberatio; modo in iudiciali versarentur. hinc dicit QVINCTILIANVS: ¹ *est unum genus, quo laus & vituperatio continetur; alterum est deliberativum: tertium iudiciale, quem controuersiarum siue causarum numerum etiam adprobant ARISTOTELES & DIONYSIVS Halicarnassæus: confer GERH. IO. VOSSIVM.* ² quod ad genus deliberativum attinet, illud continebat præcipue suasionem, quo quum vterentur oratores, adhibebant argumenta vera; post hac autem mutato imperio etiam ficta, quo declamandi studio & viri & iuvenes exercebant sese diligenter, ut ex QVINCTILIANI, aut quæ sub illius nomine

¹ *Instit. orator. lib. III. c. 4.*

² *institus, orator. lib. I. c. 3. p. 16.*

circumferuntur, & MARCI SENECAE declamationibus patet. quapropter PETRVS FRANCIVS¹ dicit: *hoc itaque modo declamandi se studio exercebant, & ad veram eloquentiam viam sibi per hanc umbraticam muniebant græci illi veteres ac romani, quod ab adolescentia inchoatum, nullo vnquam tempore intermissum, tam bello, quam pace, tam in negotio, quam otio, princeps ille gentium populus, & eloquentiæ non minus laude, quam bellica virtute clarissimus summa semper industria ac vigilantia excolebat. nec enim iuuenile hoc tantum exercitium fuisse censendum est. viri & viri principes illud sibi operæ iniungebant, neque hoc declamandi vnquam studium intermittebant.* genus autem iuridiciale in controuersis forensibus, adcusationibus & defensionibus versabatur, quarum aliæ erant veræ, aliæ vero fictæ, quas πλάσματα dictas primus inuenisse traditur AESCHINES. per quam simulatam eloquentiam ad veram illam ac forensem ascendere contendebant, vnde etiam QVINTILIANVS² hanc declamandi rationem pronuntiat vtilissimam, quam ad eloquentiam efformandam prope solam sufficere dicit. tandem in demonstratiuo genere principem locum tenebant *orationes panegyricæ*, quarum rationes ex antiquis monumentis explanare atque illustrare, nobis est propositum.

§. II. Non ab re erit, si ante omnia de ipsa adpellatione, qua orationes dicuntur *panegyricæ*, dispiciamus. atqui ista originem suam deducit a græca voce πανήγυρις, quæ apud veteres græciæ auctores præcipue significat cele-

¹ Orat. de ratione declamandi p. 9.

² lib. II. cap. 20.

britatem, conuentum, concionem hominum
solemnem siue per ludos publicos, siue per
nundinas, siue per alios dies festos institutam.
primum magna celebritate frequentabant lu-
dos publicos, quales apud græcos præstantis-
simi habebantur *Olympici*, quibus vires cor-
poris confirmabantur, quorumue primus in-
stitutor credebatur Hercules, in cuius hono-
rem etiam talia certamina sunt repetita; *Py-
thii*, celebrati primum elapso nouem anno-
rum spatio, deinde & quinquenniis singulis
redeuntibus, quibus iuuenes pugna cursuque
certabant; *Nemei*, qui ex communi sententia
inter Phliuntem & Cleonas Achaiæ ciuitates
sunt celebrati & tandem *Isthmii*, quorum ma-
gna apud græcos erat dignitas, de quibus plu-
ribus egerunt HIERONYMVS MERCVRIA-
LIS, ¹ PETRVS FABER, ² VOSSIVS, ³ IO.
POTTERVS, ⁴ GEORGIVS NICOLAVS
KRIEGK ⁵ & interpretes eruditi PINDARI.
conuentus ad talia certamina dicebatur πανή-
γυρις, vt DEMOSTHENES ⁶ scribit: ἀποστῆ-
λαι δὲ καὶ δωρεὰς εἰς τὰς ἐν τῇ ἑκάδῃ πανηγυρίᾳς
ἰοθμῖα, καὶ Νέμεα καὶ Ολύμπια, καὶ Πύθια, mit-
tenda etiam esse munera in celebres gracie con-
uentus, *Isthinia*, *Nemea*, *Olympia* & *Pythia*: &
PHILOSTRATVS ⁷ de GORGIA: ἐμπρέπων
δὲ καὶ ταῖς τῶν Ἑλλήνων πανηγύρεσι, τὸν μὲν λόγον
τὸν Πυθικὸν ἀπὸ τῆ βομῆ ἤχησεν, in græcorum
vero etiam solemnibus conuentibus conspicuis
Pythicam orationem ex ara pronuntiauit. sic

¹ De arte gymnastica. ² in agonistic. ³ de quatuor artibus
popularibus. ⁴ archaeol. græc. lib. II. 22. sqq. ⁵ de inclare-
scendi modis apud græcos veteres §. 14. sqq. ⁶ de ci. na p. 487. opp.
⁷ de vitis sophistarum lib. I. n. 9. §. 2.

quoque vox hæc vsurpata est de celebritate nundinarum, cuius significationis exemplum nobis suppeditat CICERO: ¹ *res agebatur in circo Flaminio: & erat in eo ipso loco illo die nundinarum* πανήγυρις. quæ & deprehenditur apud DIONYSIVM Halicarnasseum & GREGORIVM NAZIANZENVM. necnon adhibetur de aliis celebrioribus conuentibus, ad sacra quippe celebranda Eleusinia, Panathenæa, item spectacula & conuiuia, quæ publice a regibus principibusue exhibentur, πανηγύρεις vocantur ab ATHENÆO, HERODIANO, XENOPHONTE, videlicet HENRICVM STEPHANVM ² & CAELIVM RHODIGINVM, ³ quæ omnia comprehendit IVLIVS POLLVX. ⁴ vox enim πανήγυρις oritur ab ἄγυρις, quod nomen significans multitudinem collectam & congregatam factum est ab ἀγορά æolice ο in υ mutato. erat quippe apud græcos consuetudo, multis verbis, quibus vniuersitatem rei cuiusdam volebant indicare, nomen πᾶν addere, vti nota sunt nomina παμβασιλεὺς, πανδεχὲς, παμπένηρος, πανέκηνες, & apud Athenienses celebrata iunt παναθηναῖα. ab hoc nomine alia verba sunt deriuata, πανηγυρικὸς, hinc apud PLUTARCHVM πανηγυρική θεία, πανηγυρικὸς κίσμος, πανηγυρικά πράγματα & apud ISOCRATEM πανηγυρικὸς ὄχλος, item πανηγυρίζω id est πανήγυριν ἄγω, necnon πανηγυρισμός, πανηγυριστής, de quibus auctores lexicorum græcorum consuli possunt. HESYCHIUS ⁵ dicit: πανήγυρις, ἑπαινος, ἑορτὴ, θεάτρον, & de prouerbio: κακῶν

¹ Lib. I. epist. 14. ad Atticum. ² appendic. thes. græca lingua p. 1583. ³ lection. antiquarum lib. XXIX. c. 12. ⁴ onomastic. lib. I. cap. I. n. 30. p. 10. ⁵ lexic. p. 725.

πανήγυρις, *malorum panegyris* differit ERASMVS. ¹

§. III. Occasione igitur huiusmodi conuentuum solemnium & publicorum adpellatio, qua orationes dicuntur *panegyricæ*, orta est, ita vt dicamus *orationem panegyricam*, etiam substantiue, suppresso λόγος vel sermonis vocabulo, *panegyricum*: CICERO: ² *Isocrates fecit panegyricum*; & QVINCTILIANVS: ³ *panegyricum Isocratis decem annis dicunt esse elaboratum*. etenim veteres oratores, quum in græcia instituerent panegyres seu conuentus solemniores, ac multitudo esset congregata, diligenter dicebant, vimque suam ac copiam eloquentiæ ostentare, summo annitebantur studio. quamobrem ISOCRATES ⁴ Athenas laudibus ad cælum vsque tollit, easque non solum propter congressus salutis publicæ causâ institutos commendat, sed ob certamina quoque oratoria, quando scribit: ἔτι δ' ἀγῶνας ἰδεῖν, καὶ μὴ μόνον τάχως καὶ ῥώμῃς, αἰδέσθαι καὶ λόγων καὶ γνώμης, καὶ τῶν ἀλλῶν ἔργων ἀπαιντῶν, καὶ τῶν αἰθρῶν μέγιστα, *præterea non tantum celeritatis & roboris, sed & eloquentiæ & mentis ac operum ceterorum omnium certamina, & horum præmia maxima hic cernuntur*: adde DIONYSIVM Halicarnasseum. ⁵ ex recentioribus autem IVLIVS CAESAR SCALIGER ⁶ hac de re testatur: *veteres græcos tenuit consuetudo, certis vt celebritatibus unum in locum vniuersi conuenirent, vt eorum animi vel præceptionibus sapientum, vel for-*

¹ Adag. p. 378. ² de oratore cap. 11. ³ lib. X. cap. 4. inffit. orat. ⁴ panegy. p. 96. opp. ⁵ περὶ τῶν πατρῴων ὑφ' ἑκῶν p. 33. t. 11. opp. ⁶ poetic lib. III. cap. 108. p. 367.

tium æmulatione componerentur atque colerentur, vel ludorum festiuitatibus laxarentur. namque tum poetæ, tum oratores, tum aretologi, tum historici suas recitabant lucubrationes. sic apostolus PAVLLVS, vt exemplum ex scripturis diuinis petamus, dicebat ἐν τῇ ἀγορᾷ κατὰ πᾶσαν ἡμέραν πρὸς τὰς παρατυγχάνοντας,¹ in foro quippe, quod erat in Ceramico & ἀπλῶς adpellabatur ΑΓΟΡΑ, vt PAVSANIAS² commemorat DEMOSTHENIS statuum in Ceramico positam eamque ἐν τῇ ΑΓΟΡΑΙ ἔσσε confirmat. ac quamuis forum in Eretria etiam tantum diceretur ΑΓΟΡΑ, prout PAVSANIAS³ *misericordiae aram*, eo loco conspicuam ἐν τῇ ΑΓΟΡΑΙ tradit; constat tamen,⁴ quod ætate imperatoris Augusti ex Ceramico translata fuerit ΑΓΟΡΑ in Eretriam, vbi illo tempore magnus fuit concursus eumentium, vendentium, atque aliorum hominum, qui negotia huius generis tractabant: confer GOTTFRIED OLEARIVM.⁵

§. III. Orationes panegyricæ vi primæ originis, qua hæc adpellatio nata est, illæ erant, quæ in celebriori conuentu ac concione hominum recitabantur, siue argumentum laudis, siue suasionis, siue adcusationis & defensionis complecterentur, vide HERMOGENEM.⁶ sic GORGIIAS *Leontinus* recitauit orationem olympicam de *concordia*, adeoque de argumento ad suasionem spectante, auctore PHILOSTRATO:⁷ ὁ δὲ ὀλυμπικός λόγος ὑπὲρ τῆ

¹ Act. XVII. v. 17. ² Attic. cap. 8. ³ Attic. cap. 17.
⁴ STRABO lib. X. p. 447. ⁵ de rebus gestu Pauli in urbe Atheniensium §. 9. ⁶ περὶ ἰδιῶν lib. II. ⁷ de vitu sophistarum lib. I. n. 9. §. 1.

μεγίστη αὐτῷ ἐπολιτεύθη. *ἑασιάζεσαν γὰρ τὴν
Ελλάδα ὁρῶν, ὁμονοίας ξύμβολος αὐτοῖς ἐγένετο,*
*olympica vero oratio de re maxima multa ciuili
prudentia ipsi elaborata fuit. dissidentes quippe
græcos conspiciatus concordiam ipsis suafit.* sic
ANTIPHON Sophili rhetoris filius, Athe-
nienfis, pago Rhamnufius sermonem quoque
ὑπὲρ τῆς ὁμονοίας, de concordia elaborauit,
quem PHILOSTRATVS ¹ σοφιστικώτερον fuisse
pronuntiat, cuiusue etiam auctor etymologici
magni ² mentionem facit. pariratione ARI-
STIDES edisseruit *περὶ ὁμονοίας* ad ciuitates
Asiæ Pergamum, Smyrnam Ephesumque, vt
colerent concordiam, nec de primatu inter se
contendendo mutuum sibi afferrent exitium
exemplo Athenarum & Lacedæmonis, confer-
IO. ALBERTVM FABRICIVM. ³ ex qui-
bus ANTIPHONTIS atque ARISTIDIS ex-
emplis patet, quod sermo GORGIAE de *con-*
cordia neutiquam ad genera orationum, quæ
argumenta laudis continent, pertineat; attamen
PHILOSTRATVS illum refert ad sermo-
nes panegyricos. quin etiam IYSIAS Athe-
nienfis scripsit panegyricum in Dionysium Si-
ciliæ tyrannum, quem suadet interfici, & ISO-
CRATES panegyrico suo græcorum animos
aduersus barbaros summa excitauit opera:
hinc *suasionem* vocat CICERO ⁴ & SYRIA-
NVS in HERMOGENEM ⁵ obseruat, illum
constare duplici genere cum ad laudem, tum
ad suasionem pertinente. equidem DIONY-
SIVS *Halicarnassens* ⁶ iudicat, princeps ISO-

¹ Cit. loc. lib. I. n. 15. §. 4.² voce *ῥητορίας*.³ bibl. græc. lib. IV. cap. 30. p. 385.⁴ de oratore cap. II.⁵ pag. 18.⁶ Isocrat.

GRATI fuisse propositum, Athenienses magnificis ornare laudibus, quas & illum per speciem suasionis, ut græci contra barbaras gentes fulciperent expeditionem, dixisse. & GERH. 10. VOSSIVS dicit:¹ *nam Isocratis panegyrica, quæ exstat, hortatur græcos ad suscipiendam expeditionem aduersus barbaros. verum nullo negotio eximus hunc ictum, si Halicarnassensem audimus, qui suasionem negat esse primum Isocratis finem. nam ait, eum per speciem suasionis laudes persequi Atheniensium.*

§. V. Disputatur quoque, num sermo PLINII Neruæ Traiano Augusto dictus *panegyrici* nomen tueri possit, necne? sunt, qui existimant, quod hæc oratio potius dicenda videatur gratiarum actio, cum quod PLINIVS ipse² dicat: *sed parendum est senatus consulto, quo ex utilitate publica placuit, ut consulis voce, sub titulo gratiarum agendarum, boni principes, quæ facerent, recognoscerent; mali, quæ facere deberent;* tum etiam, quod AVSONII ad Gratianum principem pro accepto consulis munere oratio inscripta sit non panegyricus, sed gratiarum actio. quo nomine dicit GERH. 10. VOSSIVS:³ *at Plinius plane abusus panegyrici nomine: quippe quo orationem suam titulo redderet augustiorem, eam πανηγυρικῇ inscripsit, qua solum, conuocatis patribus Traiano pro consulatu gratias agit. sed vero BERNEGGERVS nomen hoc Plinii sermoni vindicat ex materia, loco, dicendi genere, quanquam non negat, aliquid satyricum esse admixtum, dum*

¹ *Institut. orat. lib. 1. cap. 5. p. 44.*

² *panegy. cap. 4.*

³ *institut. orat. lib. 1. cap. 5. pag. 44.*

ita optimum laudat principem, ut alios perstringat acriter, qui antecesserunt. saltem antiquæ nouæque editiones hanc vocem præ se ferunt, quæ siue ipsi orationi vindicetur, siue minus, vnum idemque esse censemus. etenim orationes, ut ex superioribus constat, dici possunt *panegyricæ*, quamuis princeps argumentum non laude absoluitur, si modo in conuentu quodam celebriori siue per multitudinem, siue per auctoritatem ac splendorem auditorum recitentur. sic dixit PLINIVS in senatu amplissimo virorum ordine, breuius quidem, quem sermonem postea plenius elaborauit, antequam ederet, ut ex quadam ipsius epistola¹ cognoscimus. nec solum orationes a voce *πανηγυρις* dictæ sunt *panegyricæ*; sed & *panegyres*, uti CLAVDIANVS panegyrim Serenæ reginæ coniugi Stiliconis consecratam scripsit. eadem ratione apud romanos auctores vox *concio* significat & cœtum conuocatum, item quamlibet temere confluentem turbam; & orationem, quæ habetur ad cœtum, immo locum ipsum, de quo dicitur sermo, ut EX A. GELLIO² patet.

§. VI. Atqui hæc est origo orationum panegyricarum, quarum argumenta in primis ad rationem conuentuum solemnium erant composita, ac plerumque continebant varia laudum genera. etenim talis orator auspiciū sermonis faciebat a laude Dei, siue præsidis in panegyri, qua exposita, effuse prædicabat urbem illam, ubi celebrabatur conuentus, ac post hac disserēbat de certamine ac præmiis, quæ victoribus erant proposita, ita ut ubique fere

¹ Lib. III. epist. 18.

² noct. Attic. lib. XVIII. cap. 7.

sectaretur laudationes, qua de re videas *DIONYSIVM Halicarnasseum*.¹ attamen & alia argumenta orationis lumine illustranda sibi elegerunt, non per rationem conuentuum siue ludorum aliarumque rerum solemnium occasionem; sed celebritatem & splendidam populorum concionem excitati, ita vt de quacumque re, quæ se ipsis offerebat, dicerent. sed post hac quum eiusmodi orationum consuetudo exoleuerit, factum est, vt quæcumque in laudem splendidissimarum personarum præcipue fierent, dictæ sint panegyricæ, quæ est causa quoque, cur tales sermones a magistris artis oratoriæ, qui tria causarum genera constituunt, referantur ad demonstratiuum, quibus oratores laudationem sibi habeant propositam. hæc est veluti altera classis orationum panegyricarum, de quibus ea, qua fieri potest, breuitate dicamus, rationem habentes oratorum cum græcorum, tum romanorum.

§. VII. In græcia præcipue fuerunt sophistæ, qui sermonibus ad laudem compositis multam dederunt operam, quorum rationem si cognoscere velimus penitus, obseruare decet, quod orationes panegyricæ, de quibus iam disseramus, ad laudem quidem spectent; sed ideo non quilibet sermo, qui continet laudationem, in numero panegyricorum debeat haberi. quapropter non ab re erit, diuersa laudationum genera, in quibus sophistæ versati sunt, commemorare, iisque expositis, ipsarum orationum panegyricarum rationem habere. tres inprimis species fuisse laudationum, ex antiquis monumentis cognoscimus, quo-

¹ Περὶ τῶν πλυν, ὑψιπλυν.

niam prædicabant aut deos & heroas; aut claros viros; aut illustres ciuitates. primum laudabant Deos & heroas, Iouem, Herculem, Minervam, Bacchum, Aesculapium & alios, cuius rei exemplum exhibemus ARISTIDEM. hic enim scripsit orationem in *Iouem*, quum ex magna tempestate esset seruatus; in *Minervam*, quæ ex precibus & hymno composita est; in *Neptunum* dictam in Isthmiis Neptuno sacris, qua Corinthum laudat & adpellat græciæ ἀγορὰν καὶ κοινὴν πανήγυριν, in *Bacchum*, quem prædicare a Baccho in somnis iussus fuerat, in *Herculem*, *Aesculapium*, cuius beneficia sibi exhibita effert: vide IO. ALBERTVM FABRICIVM. ¹ in hisce exercitationibus studebant tantum ostentationi, nec multum habebant dignitatis apud boni rectique cultores: hinc QVINCTILIANVS ² dicit: *neque inficias eo, esse quasdam ex hoc genere materias ad solam compositas ostentationem, vt laudes deorum virorumque, quas prima tempora tulerunt.* PLVTARCHVS ³ autem tradit, quod sophista quidam quum laudare voluerit Herculem, responsionem acceperit: τίς γὰρ αὐτὸν ψέγεις; *quis enim eum vituperat?* confer LVDovicvm GRESOLLIVM. ⁴ porro extollebant magnos homines, reges, principes, duces eorumque pronuntiabant laudes, quas modo in conspectu ipsorum dixerunt, modo orationes litteris consignatas ad eos transmiserunt, quod a se factum esse, THEMISTIVS ⁵ testatur. plerique ita laudarunt principes, vt vitio adula-

¹ Bibl. græc. lib. IV. c. 30. §. 5. p. 377.

² lib. III. cap. 9.

³ Lacerici apophthegm.

⁴ theat. rhetor. lib. III. cap. 7.

⁵ erat, XIII.

tionis se contaminauerint ac tantum gratiam
 plaususque sint sectati: LACTANTIVS: ¹
accesserunt etiam poëtae, & compositis ad volu-
ptatem carminibus in caelum usque sustulerunt.
sicut faciunt, qui apud reges etiam malos pane-
gyricis mendacibus adulantur. quod malum a
græcis ortum est, quorum leuitas instructa di-
cendi facultate, incredibile est, quantas men-
daciorum nebulas excitauerit. hinc PESCEN-
NIVS Niger, qui de summa rerum cum SE-
VERO Pertinace dimicauit, apud AELIVM
SPARTIANVM ² illi dixit, qui panegyricum
 sibi dedicare constituerat: *scribe, inquit, lau-*
des Marii vel Hannibalis vel alicuius ducis opti-
mi vita functi, & dic quid ille fecerit, ut eum
nos imitemur. quæ VOX ALEXANDRO Mam-
mææ filio ita placuit, ut teste LAMPRIDIO ³
oratorum & poëtarum panegyricos sibi dictos
audire exemplo Nigri Pescennii stultum dixe-
rit: confer CHRISTOPHORVM CELLA-
RIVM. ⁴

§. VIII. Neque vero solum viuos, sed etiam
 mortuos orationibus funebribus ad laudem
 compositis ornarunt. sic GORGIAS recita-
 vit orationem ἐπὶ τοῖς ἐκ τῶν πολέμων πεσόντων,
 ἕως οἱ Ἀθηναῖοι δημοσίᾳ ξὺν ἐπαίνοις ἔθαλσαν, *de his,*
qui bello ceciderant, quos Athenienses publice
cum laudibus sepultura honorauerant, auctore
 PHILOSTRATO. ⁵ apud PLATONEM est
 ΜΕΝΕΖΕΝΟΣ, ἢ ἐπιτάφιος, vbi exhibetur
 oratio in defunctos pro patria in variis proeliis
 Athenienses veluti scripta ab ASPASIA Mi-

¹ Instit. diuin. lib. I. cap. 15.

² vita Pescenn. cap. XI.

³ vita Alexandri cap. XXXV.

⁴ program. n. XXXIII. p. 231.

⁵ de vitu sophistarum lib. I. n. 9. §. 2.

lesia; ¹ dicta a PERICLE, quam CICERO ² respicit, quum de PLATONIS dicendi genere iudicat, quod secutus sit *non solum in his sermonibus, qui dialogi dicuntur, ubi etiam de industria id faciendum fuit, sed in populari oratione, qua mos est, Athenis laudari in concione eos, qui sint in præliis interfecti: qua sic probata est, ut eam quotannis, ut scis, eo die recitare necesse sit.* extant adhuc POLEMONIS duo contrarii ἐπιτάφιοι λόγοι parentum nomine dicti in *Cynægirum* & *Callimachum* Athenienses, qui in pugna Marathonia pro patria aduersus Medos fortiter pugnantes obierant, ubi Cynægiri pater suum filium Callimacho, pater Callimachi filium Cynægиро præfert, quas declamationes binas græce edidit HENRICVS STEPHANVS. talem quoque sermonem debemus ISOCRATI in laudem EVAGORAE regis Cypriorum ³ interemti a Thraſydo eunucho olymp. CI, 3. item DEMOSTHENI in eos, qui in Chæronæa clade forti animo pro patria pugnantes obiissent, cuius orationis habitæ olympiad. CX, 3. meminit PLVTARCHVS, quamuis hanc quæ exstat, DIONYSIVS, LIBANIVS, PHOTIVS ab iudicent DEMOSTHENI. nec non ARISTIDES laudationem dixit funebrem in Eteoneum, nobilem Cyzicenum discipulum in flore ætatis defunctum; & LONGINVS ⁴ de HYPERIDE scribit: τὸν ἐπιτάφιον ἐπιδεικτικῶς, ὡς

¹ Vide PLVTARCHVM *Pericle* p. 165. 169. *ATHENÆVM* XIII. p. 369. *LVCIANVM*, *ΗΑΡΡΟΚΡΑΤΙΟΝΕΜ*, *ΣΥΔΑΜ* & alios. ² de oratore cap. 44.

³ vide MEVRSIVM *Cypr. lib. II. cap. 12.* ⁴ π. 21 ὑπερὶ ἡρώων, XXXI.

ἐκ οὗδ' εἴτις ἄλλος, διέδετο, *funebrem orationem cum tanta composuit ostentatione, vt, an quispiam alius talem concinnare potuerit, nesciam.* qui HYPERIDES magnam eloquentiæ habebat existimationem, ita vt DIO Chrysostomus¹ inter omnes oratores præ DEMOSTHENE & LYSIA legendos commendet viro ciuilis facundiae studio HYPERIDEM & AESCHINEM.

§. VIII. Num a græcis, an romanis origo sermonum funebrium sit petenda? de eo disputant historiarum auctores. DIONYSIVS Halicarnassens² commemorat orationem in funere Bruti habitam a Valerio, & quamuis haud affirmet, tum ne, an a regibus romanis talis mos fuerit institutus; hæc tamen paullo post addit: *sero Athenienses funerum legibus laudationem addiderunt; siue id in iis primum fecere qui ad Artemisium, ad Salaminem & ad Plataeas pro patria pugnantes occubuerunt; siue in iis, qui Marathonico prælio periere. & ut demus, morem hunc cepisse a Marathonensi pugna, hæc quoque sedecim annis funere Bruti est posterior;* cuius verba de industria latine tantum attulimus. quæ quum ita se habeant, romanis omnino hæc inuenta consuetudo orationes funebres recitandi, vindicanda est; at vero alii græcorum gloriam hac in re tueri contendunt. etenim muniunt sese testimonio quodam ANAXIMENIS qui auctore PLUTARCHO³ tradat, quod Solon huius ritus apud Athenienses sit auctor, qui quum floruerit sub Tarquinio Prisco; Valerius Poplicola autem depulsis regibus, colligunt exinde, quod ro-

¹ Dissertat. XVIII. siue epistola περὶ λόγων ἀπακρίσεων.

² antiquit. rom. lib. V, p. 291. r. l. opp.

³ in Poplic.

mani hanc consuetudinem græcis posteriores acceperint. nec sententiæ huic deesset dignitas, si partim testimonium ANAXIMENIS probam præ se ferret fidem; partim exploratum esset, quod nemo ante Poplicolam in gente romanorum orationem dixerit funebrem. id ex veterum monumentis & supra adductis exemplis cognoscimus, quod græci præcipue viros militia & fortitudine claros his honoribus adfecerint, uti dicit DIONYSIVS Halicarnassens: ¹ *Athenienses iis tantum, qui in bellis periissent, funebres laudationes instituisse videntur; & SOCRATES apud PLATONEM: ² videtur apud plurimas gentes præclarum esse, in bello occumbere. etenim, qui sic e vita migrat, funere ac sepulcro magnificentissimo honoratur, & siue pauper quis ita decedat, laudatione non caret; siue etiam vilis quispiam & ignauus a sapientissimis viris laudatur. ³ attamen interdum præter hanc ordinariam consuetudinem & alii hoc supremo honoris genere fuerunt ornati, cuius rei exemplum habemus in ZENONE, de quo legimus apud DIOGENEM LAERTIVM: ⁴ τὴν τῇ αἰγαθῇ δεδόχθαι τῶ δήμῳ, ἐπαινεῖσαι μὲν Ζήνωνα Μνασέως Κιττίεα, καὶ στέφανῶσαι χρυσῷ στέφανῳ κατὰ τὸν νόμον, ἀρετῆς ἐνεκα καὶ σωφροσύνης. οἰκοδομῆσαι δὲ αὐτῷ καὶ τάφον ἐπὶ τῇ Κεραμεικῇ δημοσίᾳ, bona fortuna visum est plebi, laudare Zenonem Mna-sei filium Cittieum & aurea corona rite ac legitime ornare propter singularem eius virtutem & temperantiam. prætereaque construere illi*

¹ Cit. loc. ² in Menexeno p. 521. ³ conf. THYCTIDIDEM lib. II. p. 123. seqq. ⁴ lib. VII. segm. II.

sepulturam in Ceramico publice. ad huiusmodi laudandi munus sæpe eligeabantur viri eloquentissimi, quibus inerat summa dicendi copia, ut merita defunctorum pronuntiarent ore grauiissimo. hinc apud PLATONEM SOCRATES & MENEXENVS hoc inter se instituerant colloquium, quod latine tantum huc transferamus: Socr. *e foro venis, Menexene? an vnde?* Men. *e foro, Socrates, & a senatu.* Socr. *quid tu ad senatum?* Men. *id circo ad consilium profectus sum, quoniam audiueram, diligendum esse aliquem, qui laudibus defunctos ornet. nam, ut scis, inferias facturi sunt.* Socr. *audiui equidem; sed quem potissimum elegerunt?* Men. *nullum: nam in crastinum distulerunt; arbitror autem Archinum vel Dionem electum iri.* atqui tales orationes dicebantur in conuentu nobilissimo, siquidem in huiusmodi funerum ac laudationum celebritate insignis auditorum copia confluebat, qui aures ac mentes sermonibus, quos oratores recitabant, admouerunt. LVCIANVS¹ adhuc ritus huius testimonium dicit: καίτοι καὶ ἀγωνας ἐνιοὶ διέδεσαν, καὶ λόγους ἐπιταφίους εἶπον ἐπὶ τῶν μνημάτων, ὥσπερ συναγρεύοντες, ἢ μαρτυροῦντες παρὰ τοῖς κάτω δικασαῖς τῷ νεκρῷ, sunt vero, qui ludos quoque instituerunt ac funebres orationes ad sepulcrum habuerunt, tanquam patrocinantes ac testimonium mortuo perhibentes apud iudices infernos: confer. IO. PHILIPPVM PFEIFFERVM.²

§. X. Tandem sophistæ atque oratores in

¹ De lustu p. 307. l. 11. opp.
cap. 57. p. 760.

² antiquitat. graec lib. IV.

amplis-

amplissimas ciuitatum nobilium effundebantur laudes, cuiusmodi sermones ARISTIDES plures dixit. etenim laudauit urbem & imperium *romanum* oratione disertissima, & quum romanorum imperium contulerit cum persico & græco, ostendit illo nihil vnquam par fuisse, nihil secundum. ad hæc prædicauit *Smyrnam* & subito quoque recitauit orationem in laudem *Cyzici* urbis in dedicatione magnifici templi *Cyziceni* iussus per somnium ab *Aesculapio*. alii pleniore ore laudarunt *Athenas*, vnde artes eloquentiæ, litteras, leges, doctrinas, religionem in omnes terras distributas esse putabant; item *Rhodum*, vbi musæ colebantur diligenter, etiam eloquentiæ studia, quæ *AESCHINES* quum *Rhodum* exilii locum deligeret, intulit, atque artis oratoriæ aperuit ludum; *Neapolim*, quæ præter bonas litteras certamina quoque, quibus iuuenes bello nati exercebantur, instituit, & *Massiliam* sedem studiorum aliasque ciuitates. sed tamen de nulla re tam cupide disseruerunt sophistæ, quam de *Marathone*, *Salamine*, *Platæis*, vti *CICERO*¹ dicit: *hinc rhetorum campus de Marathone, Salaminæ, Platæis, Thermopylis, Leuctris*. etenim hæc argumenta, quæ *Atheniensium* laudes ac merita bellica continebant, ipsis erant grata atque accepta, quæ sophistæ explicanda eo maiori cura eligebant, quo vehementiori gloriæ ac plausus studio tenebantur. atqui *Marathon* victoria *Atheniensium*, *Miltiade* duce locus erat illustris: *POMPO-*
NIVS:² *Marathon magnarum multarumque*

¹ De officio, lib. 1, cap. 18.² lib. II, cap. 3.

virtutum testis iam inde a Theseo Persica maxime clade pernotus, de qua pugna etiam disserunt CORNELIVS NEPOS, IVSTINVS, PLVTARCHVS, PAVSANIAS, confer CHRISTOPHORVM CELLARIVM. ¹ in pugnae ac victoriae huius memoriam multa Athenienses moliti sunt opera, si quidem in illo campo posuerunt insigne monumentum & tropaea, aedificarunt templum structura magnificum atque elegans; indixerunt celebritatem perpetuam & solemnem, etiam hominum eloquentium declamationes instituerunt. *Salamis* autem clarior facta Themistoclis victoria & Persarum clade: POMPONIVS MELA: ² *in Atti- de Helene nota stupro Helenae & Salamis excidio classis Persicae notior*: CICERO: ³ *citetur Salamis clarissima testis victoriae*, item: ⁴ *ante Salaminem ipsam Neptunus obruet, quam Salaminii tropaei memoriam*. sic etiam apud *Plataeas* fuit nobilissimum proelium, ut adeo haud mirum sit, quod sophistae, qui singulari arte atque incredibili studio in aliorum affectus sese insinuare elaborabant, eloquentiam suam ad talia argumenta contulerint: confer EVDOLIVM CRESOLLIVM. ⁵

§. XI. Sic varia laudationum genera, quibus veteres sophistae sese addixerunt, commemorauimus, quibus traditis, muneris nostri est, ut ad orationes panegyricas nos conuertamus. supra iam obseruauimus, quod non quaeuis laudatio, quam protulerint sophistae, ad ora-

¹ Not. orb. ant. lib. II. cap. 13. p. 1159.

² lib. II. cap. 7.

³ lib. 1. de officiis c. 21.

⁴ quest. Tusc. lib. I. cap. 46.

⁵ theatr. rhetor. lib. III. cap. 8.

tiones panegyricas debeat referri, id quod partim ex harum indole ab antiquis artis oratoriæ doctoribus tradita; partim ex ipsa laudationum, quas consecrati sunt, conditione aperte cognoscimus. namque ex veterum rhetorum præceptis colligere possumus, duobus præcipue momentis absolui panegyricum sermonem, argumentorum quippe iplendore, quæ magnificas atque illustres personas respiciant, ac artis oratoriæ decenti gravitate, elegantia ac pulcritudine. sed vero haud vbique in sophistis, quum laudauerint, deprehendimus vtrumque. primum prædicarunt personas ac res non adeo illustres, id quod in primis in celebritatibus funerum accidit, prout orationes veterum græcorum LYSIAE, DEMOSTHENIS, GORGIAE, PERICLIS, ASPASIAE in memoriam fortium virorum dictæ a priscis eloquentiæ magistris DIONYSIO *Halicarnasæo*¹ & THEONE² ab ἐγκώμιοις siue panegyricis distinguuntur. quanquam rem hanc ita enarrat MENANDER rhetor, græce apud ALDUM cum aliis græcis rhetoribus editus,³ vt existimet, sermones funebres diu post mortem eorum, quorum memoriæ sunt consecrati, habitos non posse dici ἐγκώμια siue panegyricos: recitados autem non diu ab illorum obitu appellandos esse ἐγκώμια, sed tale discrimen suo carere fundamento videtur. ad hæc sæpius dixerunt eiusmodi laudes, quamuis sermones ad artis leges minus composuerint, id quod etiam de romanis testatur CICERO:⁴ *nostræ*

¹ Περὶ τῶν πανηγυρικῶν.² *progymnasm.*³ περὶ ἐπιταφίᾳ. p. 631.⁴ *de oratore lib. II. c. 84.*

laudatiues, quibus in foro utimur aut testimonii breuitatem habent nudam atque inornatam, aut scribuntur ad funebrem concionem, quæ ad orationis laudem minime adcommodata est. paullo ante autem dixerat: ipsi enim græci magis legendi; & delectationis aut hominis alicuius ornandi, quam utilitatis huius forensis causa, laudationes scriptitauerunt: quorum sunt libri, quibus Themistocles, Aristides, Agesilaus, Epaminondas, Philippus, Alexander aliique laudantur; & alio loco ¹ de GORGIA: quod idem fecisse Gorgiam quum singularum rerum laudes vituperationesque conscripsisset: quod iudicaret hoc oratoris esse maxime proprium, rem augere posse laudando, vituperandoque rursus affligere: quæ iterum nostram sententiam confirmare videntur. nam quamuis commemorati sermones Gorgiæ, qui non tam in personis, quam rebus laudandis ac vituperandis versabantur; etiam illi fere græcorum libri, qui ex CICERONIS testimonio laudationes clarorum virorum continebant, ad posteritatem haud propagati sint; satis tamen ex CICERONIS verbis colligere possumus, quod haud fuerint orationes ex illo genere, de quo disserunt rhetores, ἐπιδεικτικῶν, nec ad artis regulas compositæ. quo nomine simile est vero, veteres auctores hisce libris laudes regum aut ducum apud Græcos vel Macedonas more historicorum commemorasse, qualis hodie existat XENOPHONTIS Agesilaus & de Cyri non tam institutione, quam perpetua laudatione: confer EZECHIELEM SPANHEMIVM. ²

¹ Bruto cap. 12.² obseru. ad Iuliani orationum l. p. 6. seqq.

§. XII. Quid multa? sophistæ sapius res levissimas prædicarunt, etiam malas ac perniciosas ad laudem sibi proposuerunt. sic **DIO PRUSÆUS** laude ornauit psittacum, **POLYCRATES** mures; **LUCIANVS** muscam; **SYNESIVS** calvitium; **CLITARCHVS** scripsit laudes terebinthinis, quæ exiguum est animal api simile; **PHAVORINVS** febris, **Eliensis** adolescens podagra, ut de aliis taceamus. nec defuerunt ævo recentiori, qui eloquentiam suam in huiusmodi argumentis leuioribus consumserunt, ut præter alios **BIRCHAIMERVS**, **CARDANVS**, **PONTANVS** laudibus prosequuti sunt podagram; **IO. PASSERATIVS** cæcitatem, **HEGENDORPHINVS**, **TURNERVSE** ebrietatem, **HEINSIVS** asinum, confer **CASPAR. DORNAVIVM**,¹ **LVDOVICVM CRESOLLIVM**,² **IACOBVM PROVST**,³ **GEORG. NICOL. KRIEGK**,⁴ **ZACHAR. GOEZIVM**.⁵ quum igitur sophistæ de hisce rebus declamauerint exercendi ingenii causa, vel potius copiam, qua pollerent, ostentandam; quis sibi persuadeat, tales orationes locum inter panegyricas iure vindicare sibi posse? iam antiqua ætate ingenui eloquentiæ germanæ æstimatores a tali instituto abhorruerunt atque hanc oratoriæ artis deprauationem ægro tulerunt animo, recteque obseruarunt, princeps sophistis fuisse propositum, ut ostentarent ingenia, plaususque captarent populares. **LACTANTIUS**⁶ dicit: *quid dicam de iis, nescio qui, quum semel aber-*

¹ *Amphitheatr. sapientia Socratico iocoser.* ² *theatr. rhetor. lib. III. c. 9.* ³ *ad rhetor. ad Herem. l. I. c. 6.* ⁴ *de sophistarum eloquentia §. 64. p. 88.* ⁵ *dissert. de numis p. 33. seqq.*
⁶ *lib. III. cap. 24. instit. diuin.*

rauerint, constanter in stultitia perseverant, & vanis vana defendunt; nisi quod eos interdum puto aut ioci causa philosophari; aut prudentes & scios mendacia defendenda suscipere, quasi ut ingenia sua in malis rebus exercent vel ostendent.

§. XIII. Quæ sententia nostra, quod haud quævis veterum sophistarum laudatio tueri possit nomen orationum panegyricarum, in duplicem quæstionem inquirendi, nobis offert occasionem. altera est: quis auctor sermonum vere panegyricorum, quorum indolem veteres rhetores explanarunt, haberi debeat? cuius rei primas laudes attribuimus ISOGRATI. hic enim culturæ eloquentiæ multam dedit operam, cuius domus cunctæ græciæ quasi ludus quidam patuit atque officina dicendi: magnus orator & perfectus magister, quamquam forensi luce caruit, intraque parietes aluit eam gloriam, quam nemo quidem meo iudicio est postea consequutus, ut CICERO¹ dicit: opposuit sese magno studio fraudibus ac fallaciis sophistarum, aduersus quos dixit etiam orationem, qua istos inter alia hoc nomine reprehendit, quod promitterent, se tradituros rationem tractandarum litium forensium, quum longe plura sint, ² in quibus orator maiori dignitate possit versari. quod autem speciatim attinet ad orationes panegyricas; scribit anonyinus HERMOGENIS enarrator: ³ καὶ οἱ παλαιοὶ ῥήτορες τὸ παροίπαιον καὶ ἐχρῶντο αὐτῷ τῷ τρόπῳ, ὃ νῦν κίχρηται. ΠΡΩ-

¹ Bruto cap. 8. ² conf. M V R E T V M var. lect. lib. III. cap. 11. ³ p. 413.

ΤΟΣ Ισοκράτης νεώτερον ἔγραψεν ἐγκώμιον, & *prisci quidem oratores plane eo, panegyrico quippe, non sunt vsi ad eum modum, quo nunc vtuntur: PRIMVS Isocrates recentius scripsit encomium.*

§. XIII. Altera quæstio est: quænam sophistarum declamationes ex diuersis laudationum generibus, quæ a nobis commemorata sunt, ad panegyricos sermones debeant referri? heic iterum obseruare decet, quod haud differamus de iis orationibus panegyricis, quarum vsus fuit in ludis & aliis celebritatibus græciæ, quæue a conuentibus solemnibus ita sunt adpellatæ; sed eas intelligamus, quæ contineant laudes principum aut aliarum illustrium personarum. quales sermones recitandi multiplex est occasio, siue illi, quorum honori consecrati sunt, in viuientium cœtu adhuc versentur, siue e vita excesserint, adeo vt orationum funebrium nonnullæ possint esse panegyricæ. etenim quamuis orator principi cuidam gratuletur modo ratione solemniori de suscepto imperio, de rebus feliciter gestis, quarum præcipuæ sunt victoriæ & triumphus; modo ratione minus solemniori propter natalium nuptiarumque celebritatem; pleniori tamen ore laudes ipsius prædicare adeoque sermonem panegyricum dicere potest, id quod etiam ex DIONYSIO *Halicarnasseo* patet. ex quibus colligimus, quod laudationes deorum dearumque, quas susceperunt sophistæ, nullum locum in hisce orationibus panegyricis habere possint, præcipue quum prima ætate sermones panegyrici in ludis & cele-

britatibus græciæ in honorem deorum deorumque recitarentur. nec orationes funebres in memoriam pro patriæ salute defunctorum promiscue hanc adpellationem tueantur, nisi constet, quod sermo partim ad artis oratoriæ leges fuerit compositus; partim laudes principis cuiusdam personæ explanauerit. & quod ad laudationes amplissimarum ciuitatum adtinet, istas e sede panegyricarum orationum penitus eiicere, durius forsan videri posset, præcipue quum nihil impediatur, quo minus sermo panegyricus præter personas etiam in rebus magnificis verberetur.

§. XV. Hisce antea positis, haud alienum erit a proposito dissertationis argumento, præcipuos oratores, quorum sermones panegyrici adhuc conseruati sunt, commemorare. primus est **ISOCRATES** Theodori filius, Atheniensis, natus olympiad. LXXXVI. i. archonte **Lyfimacho**, qui audiuit **PRODICVM Ceum**, **PROTAGORAM**, **GORGIAM Leontinum** & alios, ac tantam eloquentiæ laudem consecutus, vt sua ætate princeps hominum eloquentium haberetur. inter orationes ipsius, quarum LX. ferebantur ætate **PLUTARCHI**; **CAECILIUS** vero XXVIII. & **DIONYSIUS Halicarnasseus** XXV. pro genuinis habebant, existant nonnulli *λόγοι ἐγκωμιαστικοί*, quo pertinent *Ευαγόρας*, siue oratio funebris in laudem *Euagoræ* regis Cypriorum, cuius iam mentionem fecimus; item *Ελένης ἐγκώμιον*, de quo sermone ita iudicat **VOSSIUS**:¹

¹ *Instit. orator. lib. I. cap. 5. p. 51.*

ita *Isocrates in Helenes encomio plura habet* πάρεργα, quam ἔργα. nam quod argumentum natura sua sterile foret, magnam orationis partem consumit in reprehensione sophistarum, laudatione *Thesei*, excusatione *Paridis* ac laude pulcritudinis; item Βούρεις, siue laus *Busiridis* crudelissimi Aegyptiorum tyranni, ab *Hercule* interempti, quod argumentum omnino erat παράδοξον, prout etiam *VIRGILIUS*¹ dixit *Busiridem* illaudatum; porro *ISOCRATES* oratione, quæ inscribitur παναθηναϊκός, extollit Athenienses eorumque beneficia in græcos præ *Lacedæmoniis* prædicat. hunc sequitur *ÆLIUS ARISTIDES*, *Eudæmonis* filius *Adrianensis*, quiue sub *Hadriano* & *Antonino Pio* floruit, & quoties diceret, insigni cum plausu semper est auditus, cuius orationes iam supra enarrauimus, quas in honorem ciuitatum recitauit; heic autem in primis mentionem habemus sermonis εἰς βασιλέα, quo laudatione *M. Antonini* imperatoris fungitur, eiusque pietatem, iustitiam, æquitatem, temperantiam, fortitudinem, prudentiam ac felicitatem celebrat. tertius est *IULIANVS*, *Iulii Constantii* & *Basilines* filius, qui primum formatus ad cultum christianum; posthac autem annos viginti natus, quum *Maximum Ephesium*, philosophum & *Libanium* sophistam *Nicomediæ* audiuiisset, ab isto desciuit. inter scripta ipsius & orationes exstat primum ἐγκώμιον πρὸς τὸν αὐτοκράτορα Κωνσταντίον, in *Constantii* imperatoris laudem, qui sermo ex

¹ Georg. III. v. 5.

orationum genere, quæ βασιλικὸς λόγος a græcis rhetoribus adpellantur, prout de iis MENDANDER rhetor¹ ait: ὁ βασιλικὸς λόγος ἐγκώμιον ἐστὶ βασιλείᾳς, qui etiam² meminit scripti a CALLINICO sophista sub Antonino Pio μεγάλη βασιλική. hic autem CALLINICVS Syrus, vel vt alii habent, ex Arabia petræa oriundus docuit Athenis Galieno imperante, inter cuius scripta commemorat SVIDAS περὶ τῆς Ρωμαίων ἀνανεώσεως καὶ ἄλλα τινὰ ἐγκώμια καὶ λόγους. porro IULIANVS dixit περὶ τῶν αὐτοκράτορος πράξεων ἢ περὶ βασιλείας, de eiusdem Constantii imperatoris rebus gestis siue de regno, quam vtramque orationem circa annum seruatoris nostri CCCLVIII. compositam respicit IULIANVS ipse³ & ZOSIMVS;⁴ sic & scripsit Εὐσεβίας τῆς βασιλίδος ἐγκώμιον, encomium imperatricis Eusebiæ, Constantii coniugis, cui plurimum debuit IULIANVS. quartus est LIBANIVS natus Antiochiæ, qui plurima scripsit, & cum in demonstratiuo, tum deliberatiuo genere orationes varias composuit, etiam fictas declamationes & controuersias. huc pertinent βασιλικὸς, panegyricus in Constantium & Constantem, quo & laudat Constantinum magnum; item προσφωνητικὸς, adlocutio panegyrica ad Iulianum, cui hanc iucundam fuisse, ipse indicat LIBANIVS:⁵ καὶ εἶπον παρακληθεὶς ἐκ ἐνοχλήσεως. ὁ δὲ ἐτέρεπετο βεβαιῶν μοι τὸ προόμιον. ἔφην γὰρ αὐτὸν ἐν προοιμίῳ πάντα τὰ μὰ καλὰ νομίζειν ὑπὸ τῷ

¹ Ab initio capituli περὶ ἐπιδεικτικῶν p. 612.

² p. 613.

³ epist. XLI.

⁴ lib. III. cap. 8.

⁵ epist. VIII. ad Celsum p. 22. edit. Wolfii.

ἱερᾶν καὶ ὅτως ἐξέβη, *persuafus autem habui orationem, nec molestus fui: ipse vero delectatus sermone proæmium meum confirmabat. in hoc enim dixeram, eum omnia mea putare eximia ex mei amore; atque ita quidem euenit: nec non* εἰς Ἰουλιανὸν, panegyricus dictus Iuliano imperatori consuli, in quem & dixit orationem funebrem panegyricam. tandem etiam commemoramus **THEMISTIVM**, qui non solum philosophiæ, sed & eloquentiæ meritis clarissimus fuit, ac dictus ἐν Φραδίῃς, atque ob panegyricum sermonem imperatori Constantio sacrum donatus est statua ærea. inter ipsius orationes, quas nitide atque optimo studio edidit **IO. HARDVINVS**, varii sunt panegyrici laudibus imperatorum consecrati, quos cum aliis studiosissime atque erudite recenset **IO. ALBERTVS FABRICIVS**.¹

§. XVI. Breuiter commemorauimus oratores, quorum sermones panegyrici adhuc exstant, qui quum etiam adpellati sint ἐγκώμια, non ab re erit, de voce hac quædam disserere. de origine nominis huius variæ sunt sententiæ. alii ex priscis grammaticis & rhetoribus tradunt, ortum id esse, quum laudes ἐν κώμαις, in vicis dicerentur, vel vt existimat græcus & anonymus **APHTHONII** enarrator διὰ τὸ τὴν νικαῦτα τὴν Ἑλλάδα κατὰ Κ Ω Μ Α Σ οἰκεῖσθαι, *quod tum V I C A T I M græcia habitaretur*, quod etiam adprobat **HESYCHIVS**: ἐγκώμιον, ἐνδημον· κῶμαι γὰρ τὰ τῷ δήμῳ συστήματα, *encomium, populare. κῶμαι enim sunt populi cæ-*

¹ Bibl. græc. lib. V. cap. 18, §. 3. p. 7. seqq.

tus. alii vero putant ἐγκώμια dici ἀπὸ τῶν τοῖς ΚΩΜΟΙΣ καὶ συμποσίοις ᾄδεσθαι, quod ea in commessationibus & epulis canerentur, vide THEONEM ¹ & EZECHIELEM SPANHEMIVM. ² qua sententiarum diuersitate omnino simile est vero, quod prima ΕΓΚΩΜΙΩΝ origo a variis laudationum generibus in epularum celebritate recitatis sit deducenda, id quod non solum ex PINDARO & PLATONE patet; sed & CICERO ³ dicit: *atque utinam exstarent illa carmina, quæ multis seculis ante suam ætatem in epulis esse cantata a singulis conuiuiis de clarorum virorum laudibus, in originibus scriptum reliquit Cato.* præter hæc disputatur, quomodo differant ἑπαινος & ἐγκώμιον. ARISTOTELES ⁴ adfirmat, ἑπαινον esse virtutum, ἐγκώμιον factorum; μακαρισμὸν καὶ εὐδαιμονισμὸν significare quemdam propter virtutem prædicare felicem, de quo discrimine etiam differunt THEO, APHTHONIVS ac in primis MENANDER rhetor, & inter alia tradunt, quod ἐγκώμιον sit viuentium, non mortuorum, quod autem refutat ISO CRATIS ἐγκώμιον dictum Euagoræ vita functo; aut vnius singularis virtutis, vt iustitiæ in Aristide, aut rerum gestarum solum, non autem virtutum illius, de quo agitur, laudatio, vt de aliis momentis taceamus. de cetero recte obseruat IVLIVS CAESAR SCALIGER: ⁵ *οἷς ἐγκωμιάζων ἑπαινῇ, non autem e conuerso. ac*

¹ Prolegomena p. 75.

² not. ad orat. I. Iuliani p. 5. seqq.

³ Brut. cap. XVIII.

⁴ Rhetoricor. lib. I. cap. 9.

⁵ poetic. lib. III. cap. 107.

sane ἑπαινος videtur ἐγκωμὶς pars : confer
GERH. IO. VOSSIVM. ¹

§. XVII. Haftenus de oratoribus græcis, qui conscripserunt ac dixerunt orationes panegyricas, quarum rationem & structuram, item dicendi genus, quod sunt sequuti, si inspicere velimus, consultum est, hac de re consulere priscos rhetores, qui præcepta artis oratoriae litteris consignarunt, de quibus legantur DANIEL GEORGIVS MORHOFIVS, ² IO. ALBERTVS FABRICIVS. ³ inprimis tali desiderio satis facere potest ALDI MANVTII collectio rhetorum, ⁴ qua præter APHTHONII, HERMOGENIS, ARISTOTELIS, SOPATRI, CÆRI, ALEXANDRI & aliorum scripta rhetorica continentur DIONYSII *Halicarnassæi τέχνη περὶ τῶν πανηγυρικῶν* & MENANDRI rhetoris *περὶ γενεθλίων & διαίρεσις τῶν ἐπιδεικτικῶν*, siue de diuisione caussarum in genere demonstratiuo, quamuis obseruet HENRICVS VALESIVS, ⁵ quod altera pars huius libri rhetori ALEXANDRO sit vindicanda; in editione Aldina autem ex duobus operibus MENANDRI & ALEXANDRIVNUS liber perperam fuerit conflatus. dissertationis enim modus haud permittit, hæc etiam explanare atque exponere, præcipue quum princeps nobis sit propositum, orationum panegyricarum originem declarare, & ea, qua fieri potuit breuitate, illarum exempla ad-

¹ Institution. orat. lib. I. cap. 5. p. 45.

² polyhist. litterar.

lib. VI. cap. I.

³ bibl. græc. lib. IV. cap. 31.

⁴ Venetiis 1508. fol.

⁵ ad Eusebium p. 28.

tingere.

tingere. de cetero ex iis, quæ disputauimus, facile fata huiusmodi sermonum in græcia cognoscere possumus, etiam obseruare varias illorum ætates, quum modo prosperiori, modo duriori fortuna vterentur pro ipsis variis eloquentiæ fatis. equidem monet scriptor antiquus argumenti in ARISTIDIS panathenai-cum, tres oratorum græcorum veterum *φωκας*, siue prouentus potissimum enituisse, quorum primo PERICLES, THEMISTOCLES, ALGIBIADES & alii floruerunt eloquentia; nihil autem litteris tradiderunt: secundo eminent decem illi celeberrimi, ANTIFHON, ANDOCIDES, LYSIAS, ISOCRATES, ISAEVS, LYCVRGVS, DEMOSTHENIS, AESCHINES, HYPERIDES & DINARCHVS: tertio in Asia, nec minus Athenis clarissimi sophistæ extiterunt, quorum memoriam celebrauit PHILOSTRATVS. sed vero tam accurate classes orationum panegyricarum ponere & ipsarum fata pro diuersis temporibus distincte explanare, res esset omnino ardua & difficilis, præcipue quoniam plurium monimenta oratoria ad posteritatem haud propagata fuerunt.

§. XVIII. Nunc ordinis ratio ac promissi fides iubet nos, animum quoque ad latinos auctores conuertere. romanis studium eloquentiæ fuit princeps, cui omni industria ac vigilantia ita sese consecrarunt, vt istam philosophiæ & disciplinæ, quæ cognoscendis legibus absoluitur, anteferrent. multiplex eius erat vsus atque exercitatio, quum modo sua-

derent

derent aut dissuaderent, modo adcusarent aut defenderent: modo laudarent aut reprehenderent, ex quibus exercitationum generibus ista secundi ordinis fuit omnium fere nobilissima. qua propter adolescentes, vt præpararent animum ad eloquentiam forensem, adcusarunt viros, id quod fecit Lucius Crassus, qui adcusauerat eloquentissimum hominem C. Carbonem: CICERO: ¹ *sed quum sint plura causarum genera, quæ eloquentiam desiderant, multique in re publica adolescentes & apud iudices & apud senatum dicendo laudem sunt adsecuti, maxima est admiratio in iudiciis: quorum ratio duplex est. nam & ex adcusatione & defensione constat: quarum etsi laudabilior est defensio, tamen etiam adcusatio probata per sæpe est:* confer PAVLVM MANVTIVM ² & CHR. ADAMVM RVPERTVM. ³ genus demonstratiuum causarum etiam adhibuerunt, ita vt laudauerint splendidas personas ac res; in primis autem apud illos in more positum fuit, vita defunctos funebri laudatione prosequi. quis primus viros claros post fata laudare instituerit? de eo iam superioribus quædam obseruauimus, quo nomine heic alia ritus huius momenta, ea qua decet breuitate, ex antiquis monumentis colligamus. scilicet primis temporibus viros tantum eosque illustres in concione funebri laudarunt, quo referunt fragmentum illud apud CICERONEM: ⁴ *honoratorum vi-*

¹ De officiis lib. II. cap. 14.

² de legibus romanis cap. 21.

³ obseruat. ad Vollei. Paterc. lib. II. cap. 43.

⁴ de legibus lib. II. cap. 24.

rorum laudes in concione memorentur: easque etiam cantu ad tibicinem prosequatur. cui nomen neniae. neniae enim generatim significat quamlibet cantionem; speciatim vero laudis, etiam funebrem, & rectius scribitur neniae vocali simplice, quam nania per diphthongum, uti obseruat THOMAS REINE-SIVS.¹ erat autem apud antiquos consuetudo, ut in celebritate funerum musicae usum adhiberent, eamque modo tibia, modo tuba, modo alius instrumenti ope exercerent, cuius rei in antiquitatum historiis multa exstant vestigia: vide ALEXANDRUM ab ALEXANDRO² & CASPAR. BARTHOLINUM.³ posthac ut eodem honore mulieres etiam adficerentur, a senatu decretum fuit, quoniam singulare liberalitatis ediderunt documentum atque aurum, quo urbs a gallis capta liberari posset, adtulerunt, auctore LIVIO:⁴ quamquam PLUTARCHVS⁵ aliam causam commemorat; in ipsa autem re a LIVIO haud discrepat. ab initio mulieres aetate grauiores sunt laudatae; sed quum praedicandi cupiditas ceperit incrementa, iuniores quoque matronas laudatione funebri ornaverunt, qualis supremus honor habitus est Iulii Caesaris filiae, Cn. Pompeii uxori;⁶ Octaviae sorori Augusti;⁷ Liviae Augustae⁸ & aliis. quod ad infantes, pueros atque adolēscētes adinet, il-

¹ Variar. lectio. lib. I. cap. 20. p. 80. ² lib. III. cap. 7. diar. genial. ³ de tibiis veterum lib. II. cap. 14. 15.
⁴ lib. V. ⁵ torn. I. p. 133. ⁶ DIO CASSIVS lib. XXXVIII. ⁷ ibidem lib. XIII. ⁸ SVETONIVS vita Caligula c. 10. TACITVS annal. lib. V. cap. 10.

lorum funera dicebantur *acerba*, siue *imma-
tura*, atque omiſſis ceremoniis ſubtrahebantur oculis, qua de re teſtatur TACITVS: ¹ *feſtinationem exſequiarum edicto Caſar defendit, id a maioribus inſtitutum referens: ſubtrahere oculis acerba funera neque laudationibus aut pompa detinere.*

§. XVIII. Laudationes funebres habebantur pro roſtris, vbi duplex erat cathedra, alia ſuperior, quam nemo, niſi ex publica permiſſione aſcendere poterat; alia vero inferior. hinc dicit LIVIVS: ² *Fabium deduci de roſtris Papirius in partem inferiorem iuſſit. ſecutus pater, bene agis, inquit, quum eo nos deduci iuſſiſti, vnde & prinati vocem mittere poſſemus.* hæc honorum officia præſtabant propinqui ſuis propinquis, vt liberi parentibus: HIERONYMVS: ³ *moris quondam fuit, vt ſuper cadauera parentum defunctorum in concione pro roſtris laudes liberi dicerent, & inſtar lugubrium carminum ad ſletus & gemitus audientium pectora concitarent.* ſic Q. Metellus in ſupremis laudibus L. Metelli patris ſui locutus eſt, teſte PLINIO: ⁴ Tiberius novem natus annos defunctum patrem pro roſtris laudavit; ⁵ Auguſtus adoleſcens prædicavit aviam Iuliam defunctam pro concione, ⁶ vt de aliis exemplis taceamus. neque vero tantum propinqui munere hoc laudandi fungebantur, ſed & amici, qui hæc officia amicis

¹ Ann. lib. XIII. cap. 17.

² lib. VIII. cap. 33.

³ epitaph. Nepotian.

⁴ lib. VII. cap. 43.

⁵ SVETON.

Ner. cap. 6.

⁶ id. Aug. c. 7.

& maxime viris illustribus, quorum memoriam haberent sanctam, exhibebant. quin etiam interdum grauissimi atque eloquentissimi viri defunctos laudarunt, vt tradit PLINIVS ¹ de Virgino Rufo: *huius viri exsequia magnum ornamentum principi, magnum seculo, magnum etiam foro & rostris attulerunt; laudatus est a Consule Cornelio Tacito: nam hinc supremus felicitati eius cumulus accessit, laudator eloquentissimus. de funere autem Paulli romani consulis SILIVS Italicus: ²*

*iamque Annibal vnus
sat decoris laudator erat.*

ad hæc sæpe numero senatus consultum munus hoc imposuit magistratibus, in primis quum quis pro patriæ salute in bello defunctus fuerit laudandus, id quod fatetur QVINTILIANVS: ³ *genus quod laude constat, videtur Aristoteles atque eum secutus Theophrastus a parte negotiali, hoc est pragmaticis remouisse. sed mos romanus etiam negotiis hoc munus inseruit. nam & funebres laudationes frequenter pendent ex publico aliquo officio atque ex senatus consulto magistratibus sæpe mandantur: confer IO. KIRCHMANNVM, ⁴ IACOBVM GVTherivM, ⁵ FERRARIUM, ⁶ CAROLVM SAMVEL. SENFIVM. ⁷ sed tamen vt de laudationibus funebribus veterum græcorum obseruauimus,*

¹ Lib. II. ep. 1. ² lib. X. v. 570. ³ lib. III. cap. 9. institut. orator. ⁴ de funer. roman. lib. II. cap. 18.

⁵ de iure manuum lib. I. cap. 25. ⁶ de concion. veterum.

⁷ dissertationibus de consensibus funebr. veterum.

quod

quod non promiscue in orationibus panegyricis debeant numerari; ita quoque de laudibus, quas romani in defunctorum memoriam dixerunt, sentimus. huiusmodi enim laudationes minus semper præ se habebant ornamentum artemque oratoriam, quod vel ex hoc colligere possumus, quoniam iuvenes, quibus tanta facundia aut eloquentiæ virtus haud inerat, mortuos in ipsorum funeribus prædicarunt. quid multa? CICERO sententiam nostram satis confirmat, cuius verba iterum commemorare haud inconsultum esse ducimus: *nostra laudationes, quibus in foro utimur, aut testimonii breuitatem habent nudam atque inornatam, aut scribuntur ad funebrem concionem, quæ ad orationis laudem minime adcommodata est.*¹ quod si ita est, sicuti est, facile causam deprehendere possumus, cur antiqua oratorum monimenta non multas contineant orationes panegyricas. plerique enim, ut iam obseruauimus, versabantur in causis forensibus, quum defenderent aut aduersarent alios, id quod satis ex sermonibus CICERONIS pro Milone, Roscio Amerino, Archia poëta; contra Verrem, Catilinam patet.

§. XX. Ceterum quædam orationes panegyricæ ex antiqua ætate adhuc conseruatæ sunt, quas breuiter recensere instituamus. principem locum tenet PLINII *panegyricus* Traiano dictus in frequenti senatu anno ipsius imperii tertio V. C. DCCCLIII. seruatoris nostri C. ætatis XXXVIII. erat quippe PLI-

¹ De oratore lib. II. cap. 84.

NIVS orator clarissimus, vt nemo facile illi præferatur, prout vndeicesimo anno in foro dicere cœpit ¹ & per omnem ætatem causas egit tam apud centumuiros, ² quam in senatu nobiliores, quas hisce verbis ³ collegit in summam: *adfui Beticis contra Babium Massam. quæsitum est, an danda esset inquisitio: data est. adfui rursus, iisdem querentibus de Cæcilio Classico. quæsitum est, an provinciales vt socios ministrosque proconsulis plecti oporteret; pœnas luerunt. accusaui Marium Priscum; qui lege repetundarum damnatus, utebatur clementia legis, cuius seueritatem immanitate criminum excefferat: relegatus est. tuitus sum Iulium Bassum; dixi proxime pro Varenio.* hic excellens orator elegantissimum quoque dixit panegyricum, qui commode in tres partes, exordium, ipsam tractationem & conclusionem diuidi potest. exordium declarat partim rationem, cur initio deos precetur, quod hæc consuetudo sit instituta a maioribus, quam a nemine sanctius obseruandam esse, quam a se dicit, quia consulem deceat religio & Traianus datus sit a diis; partim ostendit hanc laudationem susceptam esse propter senatus consultum. ipsa tractatio continet laudes vitæ Traiani cum publicæ, tum privatæ: quod ad vitam publicam adtinet, laudat PLINIVS Traianum, ac recenset ipsius præclara opera in salutem patriæ, ita vt ordinem temporis sequatur, ab adoptione faciat auspiciū & in tertio consulatu definat. altera

¹ Lib. V. ep. 8. n. 8. ² lib. I. ep. 18. n. 3. lib. VIII. ep. 23. n. 1.
³ lib. VI. ep. 29. n. 8.

parte ad vitam priuatam spectante prædicantur Plotina Traiani coniux, & Marciana foror, item Traiani in colendis amicitiiis constantia. tandem conclusione compellat Neruam & Traianum patrem, quibus de filii virtutibus gratulatur, item senatores, a quibus dicendi munus sibi impositum erat, ac Traianum imperatorem, cui gratias agit, nec non custodes imperii Deos, præcipue capitolinum Iouem, quem orat pro æternitate imperii & principis, atque iterum senatores, quibus pollicetur obsequium. hic PLINII panegyricus vna cum ipsius epistolis editus est cura CATANEI, IANNI GRVTERI, BOXHORNII, A. C. ROTHII, TH. HEARNE, CHRISTOPHORI CELLARII; seorsim vero studio IVSTI LIPSII, GEORG. CASP. KIRCHMAYERI, DOM. BAVDII, TAN. FABRI, IACOBI de la BAYNE in vsum serenissimi Delphini, & GODOFREDI LVDOVICI, confer I. A. FABRICIVM. ¹

§. XXI. Ex seculo a Diocletiano ad Theodosium superstites duodecim illi panegyrici veteres, quorum iudicem exhibere & varias obseruationes addere instituamus:

I. est panegyricus CLAVDII MAMERTINI senioris Maximiano Herculeo dictus, qua oratione celebrauit natalem vrbis Romæ in Treuerorum ciuitate, præsentē Maximiano.

II. eiusdem MAMERTINI genethliacus eidem Maximiano consecratus in natali die, non imperii, sed vitæ Maximiani, vt diserte ²

¹ Bibl. latin. lib. II. cap. 22. §. 4. & suppl. p. 220.

² cap. XVIII. §. 2.

prodit: *sole cum nascentibus pariter oriuntur pietas atque felicitas*; item quod nascentes vos ad opem generis humani bona sidera & amica viderunt; ex quibus cognoscitur, non posse panegyricum hunc de natalibus imperii intelligi. vocat natalem *geminum* seu geminos natales, ¹ vtriusque quippe principis Diocletiani & Maximiani, non quod eodem die ambo augusti nati fuissent, sed quod fratres censebantur, & vnius natalis etiam ab altero, non secus ac si vtriusque proprius esset, celebrabatur, **vt** dicit CHRISTOPHORVS GELLARIVS. ² dixit hanc orationem a. Chr. CCXCII. non diu post Maximiani quinquennalia, vt ipse dicit: ³ sermonem *tuis quinquennalibus praparaueram*; quinquennalia autem, decennalia, vicennalia ab annis imperii sui imperatores augusti vocabant ludos & festos dies votorum solutione nouorumque nuncupatione celebrandos. orator hic ab adulatione haud vacuus est, nec potest excusari, Maximianum Herculeum principem malis moribus, etiam Diocletianum supra modum mortalitatis extollens, siquidem dicit: ⁴ *vos diis esse genitos & numinibus quidem vestris*. numina quippe, quæ heic intelligit, sunt Iuppiter & Hercules, ex quorum stirpe se progenitos prædicabant, vnde pro sua vanitate Diocletianus *Iouii*, Maximianus *Herculei* sibi cognomen adsumserunt, quod etiam ex priori panegyrico ⁵ patet, & in nummo apud EZECHIELEM SPANHE-

¹ Cap. I. n. 1. cap. 2.

² argumento huius orationis p. 25.

³ cap. I. n. 1.

⁴ c. 2. n. 4.

⁵ cap. I. n. 4. cap. II. n. 3. cap. VII. n. 5.

MIVM de eisdem imperatoribus: IOVI & HERCVLI AVGG.

III. EVMENII pro restaurandis scholis ad præsidem galliæ sub Constantio Cæsare nondum augusto. EVMENIVS hic rhetor fuit Augustoduni in gallia, non vero Cluuiopoli ad Rhenum, vide IO. BRAVNIVM¹ & IO. ALBERTVM FABRICIVM;² quam urbem Augustodunum TACITVS³ prædicat inque præcipuis ornamentis numerat *nobilissimam galliarum sobolem studiis ibi operatam*: confer CHRISTOPHORVM CELLARIVM.⁴ ex Augustodunensi rhetore EVMENIVS constitutus est magister sacræ memoriæ in aula Constantii cæsaris, cuius munus erat, adnotationes omnes dictare atque emittere & precibus respondere, vide GVTHERIVM:⁵ quo honore se functum esse, ipse fatetur, quando scribit: *6 nunc quod in secundum locum disuli, quemadmodum id sine sumptu publico & cum laude sacræ largitionis fieri possit, ostendam. salarium me liberalissimi principes ex huius reipublicæ viribus in sexcenis millibus nummum accipere iusserunt, non quoniam non amplius tribuere commodis meis vellent, in quem multo maiora & prius & postea præmia contulerunt, sed ut terrena illa sestertia, quæ sacræ memoriæ magister acceperam, in honore priuati huius magisterii addita pari sorte geminarent.* sed rursus ad scholam eodem honore & duplicato salario, quo in aula frui consueuerat, reuocatus hac oratione a perfectissimo prouinciæ Lugdunen-

¹ De vestitu sacerdotum Hebræor. lib. II. cap. 3. ² suppl. bibl. lat. p. 222. ³ lib. III. ann. c. 43. ⁴ dissertat. acad. p. 368.
⁵ de officio domus Aug. III. 3. ⁶ cap. XI.

sis præfide petit, vt commendet principibus Mærianam scholam instaurandam. Bagaudæ enim, ZOSIMO¹ Βαγαυδαί, rustici galliæ propter iniquitatem præfectorum turbas seditionemque fecerant, vt SALVIANVS² tradit; EVTROIPIVS³ *factionem* vocat, quæ Bagaudarum nomen sibi imposuerit; quo tumultu etiam schola Mæriana vastata fuit. quæ instauratio vt feliciorem haberet successum, sumtus ipse pollicitus est ex abundantia salarii sui conferre, quamquam pater sobolis numerosæ.

IIII. eiusdem EVMENII Constantio Cæsari dictus recepta Britannia A. C. CCXCVI. quo gratulatur Constantio Cæsari de vindicata, eiectionis Francis, Batauia & maxime de Britannia, oppressis Carausio & Allecto tyrannis adserta in libertatem, cuius rei historiam habet EVTROIPIVS.⁴ quod autem EVMENIVS auctor sit huius sermonis, patet ex ipsius principio, quo dicit se versari *in quotidiana illa instituentæ iuuentutis exercitatione*: & paullo post: *sed quum ex vetere illo curriculo me aut inter adyta palatii vestri alta quædam sermonis arcani ratio demouerit.*

§. V. est epithalamius incerti auctoris Maximiano & Constantino in huius & Faustæ nuptiis dictus A. C. CCCVIII. & vt adparet, in Treuerorum vrbe, nuptiarum loco. Maximianus bis focer fuit & Constantii per Theodoram priuignam & Constantini per filiam Faustam, qui Constantinus eodem tempore AVGVSTI nomen adsumsit, antea CAESARIS

¹ Lib. VI. cap. 2.

² de gubern. V.

³ lib. IX. c. 13.

⁴ lib. VIII. cap. 13. 14.

contentus dignitate. cæsarum enim potestas fuit minor, quam augustorum, etiam insignia & ornamenta minora: inprimis abstinebant cæsares diademate, ac quamuis vterentur purpura, sine auro tamen, siquidem ab augustis prudenter sunt constituti, ut tum gerendis rebus, tum maxime successioni prospiceretur.

VI. EVMENII Constantino augusto dictus A. C. CCCVIII. qui Augustodunensis rhetor filio Constantino, adolescenti imperatori, antequam Augustodunum venisset, in Treueris ipso urbis huius natali die hanc orationem habuit. ita enim ¹ dicit: *hic video hanc fortunatissimam ciuitatem, cuius natalis dies tua pietate celebratur.* priori parte huius sermonis laudat patrem Constantini Constantium; altera vero ipsum Constantinum imperatorem, quem precatur, ut urbem Augustodunum inuilet: ² *dii immortales, inquit, quando illum dabitis diem, quo presentissimus hic deus, omni pace composita, illos quoque Apollinis lucos & sacras sedes & anheia fontium ora circumueat?* etiam commendat liberos suos quinque imperatori, præcipue illum iam summa fisci patrociniâ tractantem. ³

VII. EVMENII gratiarum actio Constantino augusto Flauientium nomine dicta Treueris A. C. CCCXI. quia ipsis magnam census partem remiserat; Flauientes autem sunt Augustodunenses. namque Augustodunum princeps Aeduorum ciuitas, quæ vel accepit vel adsumsit nomen Flauiae in memoriam acceptorum a Constantino beneficiorum, cuius prin-

¹ Cap. XXII.² c. XXII.³ cap. XXIII.

cipis nomen hoc fuit gentile, & omnium, qui ex familia eius post ipsum imperarunt.

VIII. incerti auctoris Constantino Augusto consecratus sermo, & habitus in vrbe Treuerorum, quum Constantinus Maxentio victo in Gallias & ad Rhenum reuertisset anno Chr. CCCXIII.

VIII. panegyricus NAZARII Constantino Augusto dictus CCCXXI. quo de bello aduersus Maxentium & Constantini clemente victoria Romæque liberatione differit facunde; laudatur autem hic insignis rhetor ab AVSONIO,¹ cuius etiam mentionem facit HIERONYMVS² item filia ipsius *Eunonia*, virginis christianæ & eloquentiæ laude celebris: adde TILLEMONTIVM.³

X. MAMERTINI pro consulatu gratiarum actio Iuliano augusto: qui Mamertinus diuersus est ab illo, cuius supra duas orationes ad Maximianum Herculeum commemorauimus, quoniam septuaginta anni intercedunt. ille enim Mamertinus recitauerat suos sermones A. C. CCXCII. huius autem panegyricus dictus est Romæ calend. ianuar. A. C. CCCLXII. quo primum Mamertinus Iuliani victorias laudat, eiusdemque virtutes singulares; deinde ipsi gratias agit, consulis atque aliis honoribus ab eodem ornatus, ac iterum amorem, quo fouebat bonas litteras, etiam modestiam, clementiam, humanitatem prædicat.

XI. MAGNI AVSONII pro consulatu gratiarum actio Gratiano augusto sacra & dicta A. C. CCCLXXIX. quum Ausonius Burdiga-

¹ Commendat. Professor. Burdigalens. XIV. v. 9.

² in chron.

³ histor. imperator. t. III. p. 385.

lensis rhetor & poëta a Gratiano, cuius præceptor fuit, magnis honoribus adfectus est, post quæsturam præfecturamque prætorii etiam consul prior in castris ad Sirmium declaratus. ut igitur animum beneficiorum memorem declararet, hoc sermone Gratiano egit gratias, atque ipsius virtutes domesticas maxime laudibus ornauit.

XII. LATINI PACATI DREPANII Theodosio augusto dictus A. C. CCCXCI. Romæ spectante senatu, quum imperator interfecto Aquileiæ Maximo triumphans in urbem reuertisset, quo **DREPANIUS** Theodosio victoriam de hoc tyranno gratulatur, ipsius virtutes & priuatas & publicas imperii prædicans, vide **FABRICIVM.** ¹

§. XXII. Alii alium horum panegyricorum ordinem sequuntur, etiam addunt **PLINII** panegyricum, haud subiuncta gratiarum actione **AVSONII.** **HENRICVS STEPHANVS** adiunxit quoque panegyricos **CLAVDIANI** versibus scriptos, quorum heic nullam habemus rationem; in aliis autem editionibus deprehenditur adhuc panegyricus **ENNODII** Italiæ regi Theodorico dictus circa A.C. DVII. vel DVIII. qui etiam occurrit tum inter **ENNODII** opera a **IACOBO SIRMONDO** illustrata, tum in quibusdam **CASSIODORI** editionibus. hi panegyrici veteres in lucem prodierunt curab. **RHENANI, LIVINEII, IANIGRUTERI, IACOBI DELA BAYNE, AVGVSTI BVCHNERI, CHRISTOPHORI CELLARII,** nec sine elegantioris eiusque latinæ litteraturæ emolumento. nam quamuis

¹ *Supplem. bibl. latin. p. 224.*

ætas, qua ingenia horum oratorum nituerunt, inclinaret ad barbariem & latinus sermo per barbaros homines magis magisque corrumpetur; tempore tamen illo, quo cælestis doctrina liberius erat propaganda, etiam latinitas magis restituta & exulta fuit, non solum a profanæ superstitionis hominibus, in quibus hosce rhetores merito numeramus; verum etiam ab ipsis christianis ARNOBIO *Afro* & FIRMIANO LACTANTIO. quapropter hos panegyricos vsui scholarum & cultoribus eloquentiæ omnino commendamus, qui pro ratione illius temporis latinitate elegantes sunt, & adhuc suppeditant modum atque indolem laudandi cum varia & recondita eruditione, etiam arcanae historiæ momenta continent insignia. extremo dissertationis huius id fortasse vocari potest in disceptationem: num quævis oratio, quam commemorauimus, iure ac merito nomen *panegyrici* tueri possit, nec ne? præcipue quum pateat ex superioribus, quod nonnulli adpellationem hanc ipsi sermoni PLINII abiudicent. princeps disceptationis momentum in eo positum est: qua sententia vox *panegyricus* sit sumenda, quæ si tantum laudationem principum ac maxime illustrium personarum aut rerum deberet complecti; cuiusmodi significatio satis etiam est confirmata, necesse omnino esset, varias orationes horum rhetorum e numero panegyricorum eiicere. sed vero hæ inscriptiones auctoritatem multam præ se habent ac facile per rationem ætatis se possunt tueri.

F I N I S.

INDEX

INDEX RERVM.

A.

ABELARDI		AMMONII	
dialectica	584	studia logicae	555
ABRAHAMI		ANAGNOSTAE	
logica	480. 488	veterum Roman.	77
ACADEMIA		ANALYSEOS	
Atheniensis	169	Species ex Platone	517
ADAMVS		ANAXIMANDRI	
ipsius logica	477	atheismus	239
libri	485	ANIMAE HVMA-	
ADCLAMATIONES		NAE	
veterum sophistarum	134	origo ex sententiis	
ADSCENSVS		veterum philoso-	
Pythagoræ & Plato-	214	phorum	212
AESCHYLI		indoles ex doctrina	
varii recensentur	191	veterum præsertim	
AGNOMINA		Aristotelis	299
veterum eruditorum	132	ipsius immortalitas	314
AGRICOLAE		ANIMA MVNDI	
dialectica	605	quid veteres philoso-	
ALBERTI M.		phi de ea tradide-	
dialectica	585	rint	262
ALEXANDER		ANTIOCHVS	
Aphrodisiensis negat		Afcalonita	181
animæ immortalitatem	320	ANTONINVS	
ipsius studia logicae	552	philosophus constituit	
AMBITIO		salarium rhetoribus	122
quod sit causa atheis-		ΑΠΑΘΕΙΑ	
mi	359	Stoicorum	331
		ΑΡΙΣΤΟΤΕΛΕΙΑ	
		celebrarunt Stagiritæ	358
		APOL-	

INDEX RERVM.

APOLLONIA	sedes eloquentiæ 70	æternitatem mundi credidit 257
AQVA	Thaletis quid significet 236	num Spinocismi errore captus fuerit? 260
ARABICORVM	hæreticorum error 323	num auctor sit libri de mundo 272
ARABVM	studia logicæ 495. 568 ratio philosophiæ 570	quid senserit de providentia Dei 277
ARCHYTAE	Tarentini logica 507	it. de indole animæ humanæ 299
ARISTIDIS	orationes panegyricæ 875	de intellectu a gente 300 de immortalitate animæ 315
ARISTO	Chius reiiciebat logicam Stoicorum 535	ipsius libri philosophiæ moralis 325
ARISTOTELES	eius disfidium a Platone 356 nimia diligentia in colendis litter. 356 valet magna auctoritate apud Christianos 299 apud Judæos quoque 202 accusatur atheismi 204 Judæorum fabulæ de eo confutantur 223 qualis cognitio ipsi fuerit de Deo 247 ipsius principia physica examinantur 250	negat certitudinem doctrinæ moralis 327 vnde deducat originem iustitiæ & honestatis 328 philosophia moralis Aristotelis quo spectet 329 iudicia de ista recensentur 348 doctrina eius de summo bono 334 probabili ratione fuit atheus 352 scriptores de eius vita recensentur 354 eius indoles animi 355 ipsius ambitio probatur 356 adula-

INDEX RERVM.

ARISTOTELES	atheismus Aristotelis
adulationi est deditus	197
359	Sabæorum 233
voluptati sese tradi-	Chaldæorum ibid.
dit 362	Socratis 334
num aduersus se <i>αυτο-</i>	Thaletis Milesii 236
<i>χρησιν</i> patrauerit?	Pythagoræ 238
362	Anaximandri 239
ipsius scripta logica	Diogenis Sinopen-
521	sis 241
præcepta logicæ diu-	vocis huius vera si-
dicantur 529	gnificatio ibid.
ARTIS	ATHENAE
cogitandi auctor quis	ipsarum laus 70. 168
sit 651	ATHENAEVM
ASIA	quid fuerit 64
musarum doctrinis	ATTICVM
floruit 70. 185	dicendi genus 190
ASIARCHARVM	AVERRHOES
veterum ratio quæ	negat immortalita-
fuerit 152	tem animæ 321
ASIATICVM	quid præstiterit in lo-
dicendi genus 186	gica 569
ASSYRIORVM	AVGVSTINVS
imperii origo 1	num quid præstiterit
diuturnitas 3	in logica? 563
reges 4	AVINCENNAE
ASTAROTH	logica 569
quid significet 35	B.
vocis huius origo ib.	BABYLONIS
ATHEISMVS	muri 12
quid sit 227	ambitus 14
quotuplex sit 229	origo 44
quomodo de atheis-	BAELII PETRI
mo veterum philo-	controuersiae de con-
sophorum debeat-	cordia rationis &
mus iudicare 233	fidei 727
	IL BELVS

INDEX RERVM.

BELVS num primus Assyrio- rum rex 3 varii huius nominis 45	CARTESIVS quid præstiterit in lo- gica 642 ipsius sectatores 649
BESTIARVM cultus diuinus 9 alimenta hominibus præbentium exem- pla 38	CATHEDRA veterum 65
BEVRHVSIVS sectator Rami 617	CHALDAEORVM atheismus 233 doctrina de dæmoni- bus 289 de anima 307
BIBLIOTHECAE veterum imaginibus ornatæ 146	XAPIENTIEMOS veterum 433
BOETHII Studia logicæ 560	CHRESTVS sophista 124
BONVM SVMMVM. de eo opinio Stoico- rum 333 Epicuri 334 Aristotelis ibid.	CHRYSIPPI Stoici dialectica 534
BVDDEI IO. ERANC. scripta logicæ 682	CICERONIS iter litterarium 164 vita 166 studia philosophiæ 172 eloquentiæ 177 præceptores, quibus Athenis vsus est 181
BVRSII ADAMI Ciceronis dialectica 467	studia logicæ 553
BVSCHERVS HEIZO sectator Rami 617 C.	CLAVBERGII IO. logica 649
CAINI & Abelis logica 478. 488	CLEANTHIS studia in logicam 534
CAMPANELLAE logica 660	CLERICI IO. scripta logicæ 674
CANONICA Epicuri 543	COGITANDI libertas 723
	COLLINI ANTON. controuersiæ de li- bertate cogitandi 723
	CON-

INDEX RERVM.

CONCINNITAS		eorum officium	ib.
orationis	188	varia genera dæmo-	
COOPERTVS		num	ib. 289
sophisma	511	dicuntur quoque an-	
CORNVTVS		geli	287
sophisma	512	DAGON	
CORONAE		quem Deum signifi-	
veterum oratorum	138	cet	32
poëtarum	139	ΔΑΙΜΟΝΙΑ	
CRELLIVS FOR-		quid significant	235
TVNAT.		DAMASCENVS	
genuinus Aristotelis		quid præstiterit in	
sectator	635	logica	567
CRITERIA		DECLAMATIONVM	
veritatis ex mente		veterum ratio	59
Epicuri	545	DECLAMATORES	
quid de iis tradide-		quid apud veteres	
rint philosophi	735	fuerint	113
CROCODILVS		DEFINITIO	
sophisma Stoicorum		doctrinæ de ista histo-	
	540	ria	755
CROVSAZ I. P.		DEI	
logica	689	veterum simul mares	
CTESIAS		& feminæ	33
quis fuerit	26	DEMOCRITI	
ipsius scripta	ib.	logica	504
auctoritas	27	DEMONSTRATIO	
fabulæ	29	doctrinæ de ista histo-	
CVFFELERI ABRAH.		ria	277
IO.		DERCETO	
logica	694	quæ fuerit dea 31. sqq.	
CYNOSARGES		DIALECTICI	
gymnasium	172	vocantur Stoici	533
D.		DICHEARCHVS	
DAEMONES		negat immortalita-	
apud veteres quid		tem animæ	321
fuerint	286	LII	2
		DI-	

INDEX RERVM.

DICENDI GENERA

apud veteres Græcos

186

varia erant apud veteres

851

ΔΙΑΚΤΡΟΝ

quid fuerit

121

DILIGENTIA

veterum in colendis litterarum studiis

93

DIONYSIVS

Magnes vnde dicatur

191

DISPV TANDI

modi apud veteres

88

varii philosophorum modi

804

DIVISIO

doctrinæ de ista historia

759

DRACHMA

quid sit

125

DOVNAMVS

GEORG

seftator Rami

617

DVBITATIO

doctrinæ de ista historia

798

E.

EBRAEORVM

doctrina de intellectu agente

306

studia logicæ

574

ECLECTICAE

philosophiæ origo

833

ELECTRA

sophisma

510

ELIAE

corui

39

ELOQVENTIA

comparatur natura & arte

368

eius fata apud Græcos

& Romanos

105

istam colendi varii

veterum modi

180

EMENDATIONES

veterum Romanorum

86

ENTELECHIA

Aristotelis quid sit

292

ΕΝΘΕΟΣ

quid significet

372

ENTHVSIASMVS

quid sit

372

quotuplex sit

375

poëtarum

377

sophistarum

381

EPICTETI

Christianismus

207

EPICVRI

doctrinæ moralis

summa

331

eius doctrina de summo bono

334

eius doctrinarum

conciliatio cum

scripturis sacris

207

eius doctrina de providentia Dei

280

ΕΥΒΛΙΔΙΣ

sophismata

509

ΕΥΚΛΙΔΙΣ

Megarensis logica

508

EV-

INDEX RERVM.

EV MENII	GENVS
rhetoris dignitas 64.	familiarum à Diis de-
127	ductum 36
orationes 889	GERHARDI
EXCERPENDI	scripta logicæ recen-
consuetudo apud ve-	sentur 686
teres Romanos 75	GEVLINCK ARNOLDI
F.	logica 655
FALLENS	GRAECAE LINGVAE
sophisma 510	studia apud Romanos
FELICITAS HVMANA	178
vera in quo sit posita	GRAMMATICORVM
296	veterum varia genera
FERVLARVM	56
vſus apud Romanos	præmia 118.
66	Le GRAND ANION.
FIGVRARVM	logica 649
rhetoricarum vera	GRONOVIVS IO FR.
indoles 438	refutatur 346
FORMA	GROSSERI SAMVEL
quid sit apud Aristo-	scripta logicæ 674
telicos 252	GVNDLINGII N.H.
aſſiſtens & informans	logica recenſetur 690
num ſit Deus 260	H.
FREIGIVS IO. THOM.	HERCVLES
ſectator Rami 618	præſes ſacundia 117
FVNEBRIVM	HERMES
ſermonum origo 864	præſes eloquentia 116
exempla Romanor.	HERMIAE
881	Ariſtoteles ſcripſit
G.	pæana 362
GALENVS	HERODIS
quid præſtiterit in lo-	Athenienſis ſophiſtæ
gica 561	dignitas 155
GASSENDVS PETR.	HIERONYMVS
eius hiſtoria logicæ	num quid præſtiterit
461	in logica 564
eius merita in logi-	HISTORIARVM
cam 656	veritas vnde pendeat 23
	LII 3 HOB.

INDEX RERVM.

HOBBSII THOMAE	item Ebraei	305
logica 660	Chaldæi	307
HOFFMANNI DAN.	Plato &	
controuerfiæ de pre-	Pythagoras	ib.
tio philosophiæ 846	Stoici	318
HORNEIUS CONRAD.	INTELLECTVS	
opposuit fe Ramo 615	HVMANI	
HORTI	operationes	710
penfiles 15	temperamentum	719
L	quomodo a philoso-	
IDEAE	phis fuerit diuifus	721
quid de iis dixerit	INTELLIGENTIAE	
Plato 736	quid de illis dixerit	
Aristoteles 737	Aristoteles 264	
Stoici 738	IOBI	
Scholastici 739	logica 480. 488	
quomodo idea fit de-	ISOCRATIS	
finita a recentiori-	orationis pretium 126	
bus philosophis	orationes panegyricæ	
746	874	
it. diuifæ 746	IVDAEI	
quid fenferint de ori-	num fuerint cultores	
gine illarum 751	logica 554	
IMAGINATIO	IVLIANI	
doctrinæ de ifta hi-	orationes panegyricæ	
ftoria 717	875	
IMITATIONIS	IVSTITIAE	
ftudia apud romanos	origo vnde a nonnul-	
57	lis philofophis fit	
INDVCTIONIS	deducta 318	
platonicae species 761	K.	
INFINITVM	KECKERMANN.	
Anaximandri quid fi-	BARTHOL.	
gnificet 239	eius hiftor. logica 463	
INTELLECTVS	KOCHIVS CORN.	
AGENS	DITERIC.	
quid de eo tradide-	refutatur 472. fqq.	
rint Aristoteles 302	KYPI-	

INDEX R E R V M.

K T P I E T O N
 sophisma Stoicum 541
L.
LANGII IO. CHR.
 scripta logica 687
LANGII IOACH.
 medicina mentis re-
 censeretur 686
LEGATIONES
 veterum sophistarum 148
LEIBNIZII G. G.
 obseruatio de cogni-
 tione, veritate &
 ideis 664
LIBANII
 orationes panegyricæ 876
LIBERAE CIVITATIS
 ius apud veteres Græ-
 cos 155
LIBRARIJ
 veterum 73
LIBRI
 veterum romanorum 72
 in Ana apud veteres 91
LINGVAE
 Mercurio sacrae 105
LIPSII
 nimia studia in philo-
 sophiam Stoicam 206
LOCKII IO.
 libr. de intellectu
 hum. 667
LOGICAE
 vox quid significet 454

indoles 455
 historia quomodo sit
 scribenda 457
 historiae scriptores 459
 origo falsa 472
 vera 494
 num sit a deo deriu-
 da 473
 de logica angelorum 474
 de logica mythica 476
 Adami 477
 Caini & Abelis 478
 Noachi 479
 Abrahami 480
 Iobi ib.
 Moſis 481
 Salomonis 483
 quid de logica patri-
 archarum sit sen-
 tiendum ibid.
 de logica veterum A-
 rabum 495
 Pythagoræ 496
 Zenonis Eleati 498
 Parmenidis 501
 Protagoræ 503
 Democriti 504
 Socratis 505
 Archytæ Tarentini 507
 Euclidis Megarensis 508
 Eubulidis 509
 Clinomachi Thurii 512
 Platonis 515
 LII 4 **LOGI-**

INDEX RERVM.

Platoniorum	520	mathematicorum	
Aristotelis	521		661
Aristoteliorum	532	Io. Lockii	667
	556	eclecticorum	673
Stoicorum	533	logicæ doctrina-	
Epicuri	543	rum fata	693
veterum Romano-		variæ adpellatio-	
rum	550	nes logicæ	697
Galenii	561	quomodo definita	
Porphyrii	562	fuerit a philo-	
Augustini	563	sophis	701
Hieronymi	564	item quomodo di-	
Io. Damasceni	567	visa	704
Mich. Pselli	ibid.	varii modi logicam	
Georgii Pachyme-		tradendi	820
rii	ib.	logica per symbola	
Arabum media æ-			821
tate	568	per hieroglyphica	
Iudæorum	574		823
scholasticorum	581	per exempla	825
Raymundi Lullii		varia existimatio-	
	598	nis logicæ fortu-	
Petri Rami	690	na	832
Philippi Melanch-		LVCVBRATIONES	
thonis	626	veterum	94
genuinorum Ari-		LVDOVICI IO. PETR.	
stoteliorum	632	historia logicæ Tur-	
Bacon. de Verula-		carum	468
mio	639	LVLLII RAYMVNDI	
Renati Cartesii	642	dialectica	598
Cartesii sectatorum		LVTHERVVS	
	648	relicti libros Aristo-	
Petri Gassendi	656	telis ethicorum	348
Thomæ Hobbesii		ipsius merita in phi-	
	660	losophiam	834
Thomæ Campanel-			
læ	660		

LYCEVM

INDEX RERVM.

LYCEVM		MEMORIA	
Athenienſe	171	doctrinæ de iſta hiſto-	
LYCIARCHVM		ria	716
ratio quæ fuerit	154	MENIPPI	
M.		uarii recensentur	190
MAGNIFICENTIA		MENS	
Ariſtoteliſ quid ſit	346	humana num ſit di-	
MALEBRANCHII NIC.		ſtinſta ſubſtantia ab	
logica	655	anima	303
eius controuerſiæ de		MENSAE	
origine idearum	752	vox quid ſignificet	159
MALI		MENTIENS	
origo ex ſententia ve-		ſophiſma	510
terum philoſopho-		METENS	
rum	213	ſophiſma Stoicum	540
MAMERTINI		METHODVS	
panegyrici	887	doctrinæ de iſta hiſto-	
MARTINI CORNELIVS		ria	812
oppoſuit ſe Ramo	615	MINERVAL.	
MATERIA		quid fuerit	121
quid ſit ex mente Ari-		MIRACVLA	
ſtoteliſ	253	num iſta frequentio-	
ipſius æternitas	258	ra velit Deus edere	297
MATHEMATICORVM		MITYLENE	
ſtudia logicæ	665	domicilium littera-	
MEDIOCRITAS		rum	185
virtutiſ Ariſtoteliſ		MOLO	
examinatur	339	Ciceroniſ Præceptor	
MEDITATIO			194
ipſius vtilitas	79	MONLORIVS Io. Bapt.	
vetèrum Romano-		ſectator Ariſtoteliſ	634
rum	80	MORALIS PHILOSO-	
MELANCHTHON		PHIAE	
eſt ſectator Ariſtoteliſ		certitudo negatur ab	
	349	Ariſtotele	326
ipſius ſtudia logicæ	626	iſta confirmatur	327
		MOSIS	
		logica	481 487
		LII 5	MOTVS

INDEX RERVM.

MOTVS doctrinam quomodo exposuerit Aristoteles <u>253</u>	OTTIS sophisma Stoicum <u>542</u>
MVSEI Alexandrini historia <u>457</u>	PACHYMERIVS Georg. quid præstiterit in logica <u>567</u>
N.	PANEGYRICVS vocis huius origo <u>852</u>
NELDELIVS genuinus Aristotelis sectator <u>635</u>	orationum panegyri- carum origo <u>856</u>
NIMRODVS num primus Assyrio- rum rex <u>3</u>	auctor sermonum ve- re panegyricorum <u>872</u>
NIZOLII MARII studia aduersus Ari- stotelem <u>607</u>	exempla talium ser- monum græcorum <u>874</u>
NOACHI logica <u>479</u>	latinorum <u>880</u>
O.	PARMENIDIS logica <u>501</u>
OCCAMIGVIL. dialectica <u>587</u>	PAVLLVS Apostolus Hermes habitus <u>117</u>
ORATIONIS duplex genus <u>104</u>	PEREGRINATIONES litterariæ veterum <u>68</u>
orationum panegyri- carum historia <u>851</u>	sanitatis causâ insti- tutæ <u>162</u>
ORATOR num differata rheto- re <u>110</u>	PERGVLA quid fuerit <u>65</u>
eor. fata duriora <u>114</u> v. sophist.	PERSARVM doctrina de dæmoni- bus <u>289</u>
ORATORIAE vis <u>420</u>	gens libidinosa <u>21</u>
ORBILIVS ipsis ingenium <u>67</u>	PHAEDRVS philosophus Epicu- reus <u>185</u>
ORGANI Aristotelis historia & pretium <u>525</u>	PHARISAEORVM sophismata <u>555</u>
	PHI-

INDEX RERVM.

PHILOPONI	PORPHYRII
studia logicæ 559	scripta logicæ 562
PHILOSOPHORVM	POSIDONII
paganorum concilia- tio cum sacris scri- pturis 206	uarii recensentur 195
quæ philosophia ipsis fuerit 210	PRAEDICABILIVM
PISCATOR IO.	doctrina a nonnullis reiicitur 739
seftator Rami 619	PRAEDICAMENTA
PLATONIS	doctrinæ de illis hi- storia 740
doctrinarum conci- liatio cum scriptu- ris diuinis 206. 211. 215	PRAEMIA
doctrina de proui- dentia Dei 278	veterum sophistarum & oratorum 118
de anima 308	PRAEIVDICI
doctrinæ moralis sum- ma 330	doctrinæ de illis histo- ria 749
logicæ præcepta 515	PRINCIPIA
PLAVSVS	veritatis cognoscen- dæ 730
veterum sophistarum 134	PROBABILITAS
PLINII	doctrinæ de ista histo- ria 785
sermo num dicendus fit panegyricus 858	PROTAGORAE
ipsius argumentum 885	logica 503
POETARVM	PROVIDENTIA DEI
veterum præmia 129	vnde cognoscatur 277
POIRET PETRI	quid veteres philos. de ea senserint 279
scripta logicæ 680	rationes, cur ista ne- getur 294
POLEMONIS	PSELLVS MICHAEL
sophistæ auctoritas 160	quid præstiterit in lo- gica 567
POMPONATIVS	PYTHAGORAE
num negauerit im- mortalitatem ani- mæ 315	logica 496
	atheismus 238
	doctrina de dæmoni- bus 290
	de anima 308
	Q. QVIN.

INDEX RERVM.

Q. QVINCTILIANVS primus scholam pu- blicam accepit <u>63</u>	scholæ <u>62</u> peregrinationes lit- terariæ <u>68</u> libri <u>72</u>
R. RAMVS PETR. eius scholæ in libera- les artes <u>459</u> scripta dialecticæ <u>609</u> fata <u>611</u> aduersarii <u>613</u> sectatores <u>615</u>	anagnostæ <u>27</u> recitationes <u>81</u> disputationes <u>88</u> lucubrationes <u>94</u> secessus <u>97</u> tituli propter elo- quentiam <u>130</u> ratio cognomina im- ponendi <u>133</u> studia logica <u>558</u>
RATIOCINANDI varii philosophorum modi <u>560</u>	RVCELINI IO. dialectica <u>584</u>
RECITATIONES veterum Romanorum <u>81</u>	RVDIGERI ANDR. scripta logicæ recens sentur <u>692</u>
REGVISII PETR. SYLV. logica <u>650</u>	S. SABAEORVM atheismus <u>233</u>
REIMMANNVS IAC. FRID. eius historia logicæ <u>462</u>	SADDVCAEORVM religio in quo sit po- sita <u>323</u>
RHETORIS adpellatio quid signi- ficet <u>108</u> differentia ab oratore <u>110</u>	SALOMONIS logica <u>483. 489</u> SALARIA veterum sophistarum & oratorum <u>119</u>
RHODVS domicilium littera- rum <u>192</u>	SCEPTICISMVS quid & quotuplex <u>844</u>
ROMANORVM præceptores littera- rii <u>53</u>	SCHEGKIVS IACOB opposuit se Ramo <u>614.</u> <u>633</u>
cultura eloquentiæ quomodo sit insti- tata <u>58</u>	SCHERBIVS PHILIPP. opposuit se Ramo <u>615</u> SCHNEIDERI L. F. scripta logicæ <u>685</u> SCHO-

INDEX RERVM.

SCHOLAE	eius indoles corporis
litterariæ veterum	& animi 18
Romanorum 62	extrema fata 20
SCHOLASTICI	sepulcri monimen-
dicti sunt eloquentiæ	tum 22
præceptores 113	SENECAE
quid adpellatio hæc	christianismus 207
significauerit 583	SEXTVS CLODIVS
SCHOLASTICORVM	accepit præmia elo-
philosophorum variæ	quentiæ 125
ætates 582	SIMILITVDO DEI
dialectica 584	ex sententia Pytha-
philosophiæ ratio 588	goræ ac Platonis 211
sectæ 596	SIMONIVS SIMON
SCHRAMMII IO.	genuinus Aristotelis
CONR.	sectator 634
eius dialectica Cabb.	SIMPLICII
466	studia logica 559
SCOPELIANI	SOCRATIS
soph. legationes 149	atheismus 234
fuit Asiarcha 152	logica 505
SCRIPTVRARVM SA-	sophisma 511
CRARVM	SOPHISTARVM
notitia inter gentes	adpellatio quid signi-
218	fiet 107
SECESSVS	eloquentia quæ fue-
litterarii veterum	rit 109
Romanor. 97	fata duriora 115
SEMIRAMIS	præmia 118
eius origo 5	salaria 119
educatio 8	quis eorum primus
expeditiones 17	acceperit merce-
matrimonium 9	dem priuatam 129
merita 12	honoris tituli 130
quomodo regnum As-	adclamationes &
syriorum tenuerit	plausus 134
10	coronæ 138
num condiderit Ba-	statuæ 143
bylonem 12	SO-

INDEX RERVM.

SOPHISTARVM

legationes 148
magistratus 151
fraudes 415
arrogantia 418
orationes promptæ 422
argumenta oratio-
num 427
elocutio 428
orationum vis in ani-
mis hominum 441
laudationes 360

SOPHISTICAE

logicæ origo 503
sophismata Eubulidis 510
sophismata Stoico-
rum 539

SORITES

sophisma 511

SPINOZAE BEN.

logica 693

STATVAE

sophistis positæ 143
in bibliothecis loca-
tæ 146

STOICORVM

doctrina de summo
bono 333

doctrinarum conci-
liatio cum scriptu-
ris diuinis 206

doctrina de providen-
tia Dei 278

de anima 311

doctrinæ moralis
summa 331

studia logicæ 533

STRVVI IO. IVL.

historia logicæ Ebræ-
orum 465

SVBLIMIS

oratio veterum So-
phistarum 445

SYMPOSIA

veterum sapientum 159

SYLLOGISMVS

Aristotelis quomodo
differat a λόγῳ Stoi-
corum 538
doctrinæ de isto hi-
storia 763

SYRI

cultores columba-
rum 8

T.

THALAEVS

sectator Rami 621

THALETIS

Milesii atheismus 236
doctrina de dæmoni-
bus 290

THEMISTI

orationes panegyricæ 377
eiusd. studia logicæ 559

THEOPHRASTVS

quomodo amplifica-
verit logicam 532

THOMASII CHRIST.

scripta logicæ 678

THRONVS

triplex Atheniensis
sophistarum 122

TI.

INDEX RERVM.

TIMAEVS quod dicendi genus secutus sit 189	VIRTVS quid sit ex mente Ari- stotelis 339
TITII G. G. logica 685	quod vna tantum sit virtus 342
TITVLI honoris veterum so- phistarum & rheto- rum 130	ipsius species secun- dum Platonicos 343
ipforum exempla a- pud veteres 133	secund. Aristot. 344
TSCHIRNHAUSII medicina mentis 662	quæ doctrina Aristo- telis examinatur 345
V.	VIVIS IO. LVDOVICI studia logica 606
VALLAE LAVRENTII dialectica 604	VOSSIUS IO. GERH.* eius historia logica 460
VATICINANDI facultas naturalis num homini insit 728	W.
VERITAS quotuplex sit ex men- te Epicuri 545	WEIGELII ERH. analysis Aristotelica 662
VERSVS in oratione soluta 441	WEISII CHRIST. scripta logica 673
de VERVLAMIO FRANC. BACO quid præstiterit in lo- gica 639	WOLFFII CHRISTIAN. logica 665
VESPASIANVS constituit salarium rhetoribus 120	X.
VIOTTI BARTHOL. libri de demonstra- tione 632	XENOCRATES Platonis sectator 520
VICTVS PVBLICVS veterum sophistarum 157	Z.
	ZENO Eleat. num sit auctor logica 498
	Epicureus, Ciceronis præceptor quis fue- rit 182
	Cittieus coluit logi- cam 533
	ZOROASTRIS oracula 233

F I N I S.

V41
1517226

ERRATA OPERARVM.

Pag. 14. lin. 31. lege *opere*. p. 36. lin. 23. *cubili*. p. 441.
 lin. 20. *origine*. p. 63. lin. 26. *Antoninus*. p. 160. lin.
 14. *quo circa*. p. 247. lin. 18. ἀνύπνοτος. p. 265. lin. 15.
quum. ib. lin. 19. *pro*. p. 295. lin. 9. *perturbari*. p. 302.
 18. 24. *adeoque*. p. 312. lin. 2. *in homine*. p. 354. lin. 11.
quod. p. 360. lin. 31. *exprimit*. p. 386. lin. 2. *Scalige-*
rum. p. 410. lin. 16. *errat*. p. 450. lin. 13. *pondus*. p.
 455. lin. 23. &. p. 461. lin. 16. *quorum*. p. 466. lin. 1.
Copradus. p. 483. lin. 30. *artem*. p. 531. lin. 16. *diuidi-*
candi. p. 658. lin. 19. *distinguantur*. p. 672. lin. 15.
cognoscendam. p. 680. lin. 25. *emergendi*. p. 693. lin.
 5. *rationatio*. p. 729. lin. 20. *prævidere*. p. 749. lin.
 27. *sectatores*. p. 784. lin. 33. *particularis*. quæ vi-
 tiosa, me absente, in typographia posita sunt ac facili
 negotio possunt emendari.





116.

£

137.

